

2000 - 2007 Bahá'í Emissiounen um Radio ARA

www.ara.lu



www.bahai.lu



Inhalt

Afëierung 8

- [1 Positiv Stressbewältigung an der Partnerschaft an am Beruff](#) 9
- [2 Gebiet a Meditatioun](#) 9
- [3 Himmel an Häll an d'Liewen nom Doud](#) 10
- [4 De Bahá'í Stand op der Expo 2000 zu Hannover](#) 11
- [5 Fofzeg Joer Bahá'í zu Lëtzebuerg](#) 12
- [6 D'Bahá'í a wat se gleewen](#) 13
- [7 Motivatioun](#) 14
- [8 Eng Formatioun mam *Institut Pierre Becker* zu Uewerdonven, Ruhi 1](#) 15
- [9 Bahá'u'lláh an d'Welt am Ufank vum erwuessenen Zäitalter](#) 16
- [10 Wéi een dat besché aus eise Kanner an aus eis selwer erausbréngt](#) 17
- [11 D'Executioun vum Báb](#) 18
- [12 D'Nonzéngdeegfest](#) 18
- [13 Wat et heescht Bahá'í ginn a sinn](#) 19
- [14 D'Bahá'í Schrëften](#) 20
- [15 Wat de Jugendlechen eiser Gesellschaft bréngt](#) 21
- [16 Jugend fir Friden](#) 21
- [17 Dausend reliéis Perséinlechkeeten](#) 22
- [18 Véier Konferenzen am Bahá'í Zenter](#) 23
- [19 D'Jugend op der Sich no enger neier Visioun](#) 23
- [20 Den UN Milleniumsgipfel](#) 24
- [21 International Neiegkeeten an déi offiziell Bahá'í Internetsäit](#) 25
- [22 Politik a Moral](#) 26
- [23 De Bahá'í Glawen um Internet](#) 26
- [24 Trounwiessel zu Lëtzebuerg](#) 27
- [25 D'Fro nom Gléck](#) 28
- [26 Aus de Bahá'í Schrëften](#) 29
- [27 D'Gebiet, Musek a Sangen](#) 30
- [28 D'Gebiet, de Wee zu Gott](#) 30
- [29 Toleranz, den éischte Schrëtt fir eng besser Welt](#) 31
- [30 Onofhängeg Sich no der Wourecht](#) 32
- [31 Alkohol, Drogen a Medikamenter](#) 32
- [32 Friden an der Partnerschaft](#) 33
- [33 Wéi een zur Erkenntnis komme kann?](#) 33
- [34 D'Schicksal an d'Netexistenz vum Béisen](#) 34
- [35 Wéi ee soll sinn](#) 35
- [36 De Bahá'í Kalenner](#) 36
- [37 Geschicht: Gedold](#) 36
- [38 Gott eemol anescht gesinn](#) 37
- [39 Beschass](#) 38
- [40 D'Bahá'í Schrëften](#) 38
- [41 Bahá'u'lláh, Begrënner vum Bahá'í Glawen, Deel 1/4](#) 39
- [42 Bahá'u'lláh, Begrënner vum Bahá'í Glawen, Deel 2/4](#) 40

43 Bahá'u'lláh, Begrënner vum Bahá'í Glawen, Deel 3/4	41
44 Bahá'u'lláh, Begrënner vum Bahá'í Glawen, Deel 4/4	41
45 D'Faaschtenzäit	42
46 Dauscht no Geeschtegkeet	42
47 D'Séil	43
48 Liewen an Doud	43
49 Weltgesondheetsdag	44
50 Den Nationale Geeschtege Rot	44
51 Wann d'Mënschheet en Duerf vun honnert Leit wier	45
52 De Báb, Virleefer vun der Bahá'í Relioun, Deel 1/2	46
53 De Báb, Virleefer vun der Bahá'í Relioun, Deel 2/2	47
54 D'Bahá'í Kannerklassen op Besuch um Radio ARA	48
55 En Nomëtteg zu Haifa	48
56 De Bierg Karmel	49
57 Eng Woch am Himmel	50
58 Aussergewéinlech Deeg um Bierg Karmel zu Haifa an Israel	51
59 D'Unity Foundation	52
60 D'Summerfest beim Bahá'í Haus vun der Andacht zu Frankfurt am Taunus	53
61 D'Bahá'í Haus vun der Andacht zu Frankfurt an hir Ausstellung	54
62 D'Ausstellung am Bahá'í Haus vun der Andacht zu Frankfurt	55
63 Dem Bahá'u'lláh Seng Visoun vun eiser Zukunft – Eng nei Weltuerdnung, Deel 1/3	55
64 Dem Bahá'u'lláh Seng Visoun vun eiser Zukunft – Eng nei Weltuerdnung, Deel 2/3	56
65 Dem Bahá'u'lláh Seng Visoun vun eiser Zukunft – Eng nei Weltuerdnung, Deel 3/3	56
66 D'Verfollegung vun de Bahá'í am Iran	57
67 De Bahá'í Glawen an hire groussen Zich an unhand vun e puer Zuelen	58
68 Léift	58
69 Existéiert den Däiwel, gëtt et Geeschter a Spiritismus?	59
70 D'Bahá'í Bestietnis	60
71 D'Weltkonferenz géint Rassismus	61
72 Den 11te September, d'Welt am Schock	61
73 D'Welt nom 11te September 2002	62
74 Dat 20t Jorhonnert	62
75 E Modell wéi d'Mënschheet zesumme liewe kann	63
76 Wéi d'Bahá'í sech organiséieren?	64
77 De lokale Bahá'í Rot	64
78 Den nationale Bahá'í Rot	65
79 Berodung	65
80 De Jugendprojet <i>Tout Foi Tout Flamme</i>	66
81 Eis Bezéiung mat Deem Deen eis erschaf huet	67
82 Geschicht: Encouragement	67
83 'Abdu'l-Bahá, Deel 1/3	68
84 'Abdu'l-Bahá, Deel 2/3	68
85 'Abdu'l-Bahá, Deel 3/3	69
86 De Bénévolat am Bahá'í Glawen	69
87 D'Bahá'í Hochzäit	70
88 D'Bahá'í Hochzäit, en Témoignage vum Esther Zana-Nau (<i>op Franséisch</i>)	70
89 E puer wichteg Datumer an der Bahá'í Geschicht	70
90 E Bléck op eng Weltgemeinschaft	71
91 De Bahá'í Glawen, déi jéngst vun den onofhängege Reliounen vun der Welt	72
92 Bahá'u'lláh; wéi Hien offenbaart huet, Deel 1/2	72
93 Bahá'u'lláh; wéi Hien offenbaart huet, Deel 2/2	72
94 D'Bezéiung mat eisem Glawen	73
95 Eise Kierper an eis Gesondheet	73
96 D'Faaschtenzäit	74
97 Wéi kann ech dat Bescht a mir selwer eraushuelen a kultivéieren?	75
98 The family virtues guide, d'Buch vun den Dugende fir d'ganz Famill	75
99 Déi däitsch Bahá'í Internetsäit	76
100 Wéi ass d'Bahá'í Relioun entstan?	77
101 Geschicht: De Kinnek a seng véier Fraen	77
102 Wëssenschaft a Moral	78

103	Ëffentlech Unerkennung vum Glawen	78
104	D'Ofschafung vu rassischer Diskriminatioun, Deel 1/2	79
105	D'Ofschafung vu rassischer Diskriminatioun, Deel 2/2	80
106	Invitée D'Esther Zana-Nau, L'union européenne (op franséisch)	81
107	Invitée D'Esther Zana-Nau, L'union européenne, suite (op franséisch)	81
108	Buchvirstellung: Eenheet an der Villfalt, Deel 1/4	81
109	Invitée D'Esther Zana-Nau, La foi bahá'ie, une utopie ? (op franséisch)	81
110	Invitée D'Esther Zana-Nau, La vision de la foi bahá'ie (op franséisch)	81
111	Oppene Bréif un d'reliéis Leadere vun der Welt	82
112	Buchvirstellung: Eenheet an der Villfalt, Deel 2/4	82
113	Buchvirstellung: Eenheet an der Villfalt, Deel 3/4	83
114	Buchvirstellung: Eenheet an der Villfalt, Deel 4/4	83
115	Buchvirstellung: Bahá'u'lláh, am Land vun der Eenheet	84
116	Wat ass de Sënn vun der Schöpfung?	85
117	Réaction des chefs religieux au message sur l'élimination du préjugé religieux	85
118	Präis fir Erzéiung: d'Montessori Schoul, Lucknow, Indien	86
119	Lassléisung, Détachement	87
120	Buchvirstellung: 'Abdu'l-Bahá : Beäntwert Froen	87
121	D'Natur ënnersteet engem allëmfassende Gesetz	88
122	Wéi mer wësse kënnen, dass et Gott gëtt	89
123	Firwat d'Mënschheet en Erzéier brauch	89
124	Bescheidenheet, eng Dugend	90
125	Le mois de la volonté (op franséisch)	91
126	Bahá'í Gebieder	92
128	Nohalteg zesummeschaffen, an dat nom 11te September	92
129	Geeschteg Grondlage vum Bahá'í Liewen a wéi d'Bahá'í d'Zukunft gesinn	93
130	Bahá'í Texter a Schrëften	94
131	Wat bréngt et u Gott ze gleewen?	94
132	Wat et heescht als Bahá'í ze liewen	95
133	U Gott gleewen, an dann?	96
134	Eis Relatioun mam Herrgott	97
135	Ethik a Wirtschaft, um Wee zu enger neier Weltuerdnung	98
136	Korruptioun, Deel 1/2	98
137	Korruptioun, Deel 2/2	99
138	Wéi d'Bahá'í Chrëschttag feieren	100
139	Gutt Virsätz fir d'neit Joer	101
140	Buchvirstellung: Gëllen Äppel, Spigelbiller vum Liewen	101
141	Buchvirstellung: Hal mech fest a looss mech lass, Fari Khabirpour	102
142	Buchvirstellung: An du sinn ech Bahá'í ginn	103
143	Buchvirstellung: Fraepolitik, Farah Dustdar	104
144	Buchvirstellung: D'Mënschheet ënnerwee zur Eenheet, André Brugiroux	104
145	Buchvirstellung: E Jorhonnert vu Liicht, A Century of Light	105
146	Buchvirstellung: Le livre des sagesse	106
147	D'Faaschtenzäit	107
148	Internationale Fraendag – Interview mam Esther Zana-Nau (op franséisch)	107
149	D'Bahá'í Neit Joer – Interview mam Esther Zana-Nau (op franséisch)	108
150	Accueil zu Lëtzebuerg (op franséisch)	108
151	Krich am Irak	108
152	Informatiounsowenter am Bahá'í Zenter	109
153	Geschicht: Léift, Räichtum an Erfolleg	110
154	E Bahá'í Begriefnes	110
155	Humor	111
156	D'Welt brauch eng nei Aarbechtsethik	112
157	D'Bahá'í Perspektiv zu den haitege Weltevenementer	113
158	Frëndschaft	114
159	Relioun a Fraen	115
160	L'éducation: Invitéeën: D'Madame Zana-Nau an den Här Benghozi, Deel 1/3	116
161	L'éducation: Invitéeën: D'Madame Zana-Nau an den Här Benghozi, Deel 2/3	116
162	L'éducation: Invitéeën: D'Madame Zana-Nau an den Här Benghozi, Deel 3/3	116
163	Ausstellung am Europaparlament zu Bréissel iwwer de Bahá'í Glawen	116

164 Geeschteg Nahrung	117
165 D'Bahá'í Summerschoul a Frankräich	117
166 Péng, Schmäerz a Suergen	118
167 Filmvirstellung: Gott spille fir eng Woch, Bruce Almighty	119
168 Den Dram	120
169 Éischte Kontakt mat de Bahá'í, Deel 1/7	121
170 Éischte Kontakt mat de Bahá'í, Bahá'u'lláh, Deel 2/7	121
171 Éischte Kontakt mat de Bahá'í, Glawen a Verstand, Deel 3/7	122
172 Éischte Kontakt mat de Bahá'í, Gebiet a Meditatioun, Deel 4/7	123
173 Éischte Kontakt mat de Bahá'í, Berodung, Deel 5/7	123
174 Éischte Kontakt mat de Bahá'í, Entwécklungsperspektiven, Deel 6/7	124
175 Éischte Kontakt mat de Bahá'í, d'Geschicht, Deel 7/7	125
176 Kannerklassen am Norde vum Land	125
177 Internationalen Dag vum Fridden	126
178 Presentatioun vum Film: Prendre de l'élan	127
179 Geld	127
180 Sozial an ekonomesch Entwécklung, Bahá'í Approche	128
183 D'Changementer an der Welt an deem Eenzelne seng Verantwortung	129
184 Visite du Professeur Davachi au Luxembourg (op franséisch)	130
185 Generositéit	131
186 Buchvirstellung: D'Verbuerge Wierder vu Bahá'u'lláh, Deel 1/2	132
187 Dat éiwegt Bündnes mam Herrgott	132
188 Buchvirstellung: D'Verbuerge Wierder vu Bahá'u'lláh, Deel 2/2	133
189 De Bahá'í Glawen, en Humanismus géint d'Fanatissemen	134
190 Chrëschttag a Jesus Christus	135
191 Weltproblemer a wat d'Bahá'í maachen	135
192 Fridden	136
193 Gerechtegkeet	137
194 Eenheet	138
195 Erzéiung	138
196 D'Maturitéit vun der Mënschheet	139
197 Léift	140
198 Buchvirstellung: D'Bahá'í Welt 2002-2003	140
199 D'Bahá'í Wanterschoul zu Bollendorf	141
200 D'Roll vun der Fra	142
201 Den Europäesche Bahá'í Business Forum	143
202 Fraepreis fir d'Bani Dugal, Bahá'í Vertrieederin vun der Bahá'í International Community bei der UNO	143
203 Peace Factory	144
204 'Abdu'l-Bahá a seng Stellung am Bahá'í Glawen	144
205 D' Fräiheet am Bahá'í Glawen	145
206 Ridvan - 21sten Abrëll - D'Bahá'í feieren hire wichtigsten Dag	145
207 Wie schreift d'Zukunft? Deel 1/10	146
208 Wie schreift d'Zukunft? Deel 2/10	147
209 Wie schreift d'Zukunft? Deel 3/10	147
210 Wie schreift d'Zukunft? Deel 4/10	148
211 Wie schreift d'Zukunft? Deel 5/10	149
212 Wie schreift d'Zukunft? Deel 6/10	149
213 Wie schreift d'Zukunft? Deel 7/10	150
214 Wie schreift d'Zukunft? Deel 8/10	151
215 Wie schreift d'Zukunft? Deel 9/10	152
216 Wie schreift d'Zukunft? Deel 10/10	153
217 Honnert Bahá'í Gospel Sänger zu Lëtzebuerg - Visiounen	154
218 Texter zum Nodenken	155
219 Courage a Freed	155
220 Visiounen an Texter zum Nodenken	156
220a Buchvirstellung: Honnert Bréiwer u Gott	157
221 Buchvirstellung : D'Liewen ass e Paradis, zu deem mir de Schlëssel fanne kënnen	158
222 All Reliounen sinn eng	159
223 Wierder déi inspiréieren	160
224 Beweiser dass Gott existéiert	160

225 De Juddentum an de Bahá'í Glawen	161
226 Dausend Schüler solle sech zum Islam bekéieren oder op hir Studie verzichten	162
227 Geschicht: de Bam	163
228 Identitéit fir de Planéit	164
229 Mir sinn alleguer wéi eng Gittar	164
230 Wat vill Bahá'í de Summer iwwer maachen	165
231 17ten Oktober, Internationalen Dag fir d'Ofschaffung vun der Aarmut	166
232 Sech virbereeden	167
233 D'Versprieche vum Weltfridden, Deel 1/13	168
234 D'Versprieche vum Weltfridden, Deel 2/13	169
235 Allerhellegen an Allerséilen	170
236 D'Versprieche vum Weltfridden, Deel 3/13	171
237 D'Versprieche vum Weltfridden, Deel 4/13	172
239 Internationale Kannerdag	172
240 D'Versprieche vum Weltfridden, Deel 5/13	173
241 D'Versprieche vum Weltfridden, Deel 6/13	174
242 D'Versprieche vum Weltfridden, Deel 7/13	175
243 D'Versprieche vum Weltfridden, Deel 8/13	176
244 D'Versprieche vum Weltfridden, Deel 9/13	177
245 D'Versprieche vum Weltfridden, Deel 10/13	178
246 Den Tsunami	178
247 D'Versprieche vum Weltfridden, Deel 11/13	180
248 D'Versprieche vum Weltfridden, Deel 12/13	180
249 D'Versprieche vum Weltfridden, Deel 13/13	181
250 D'Fro nom Gléck	182
251 En Owend zu Éiere vum Martin Luther King	182
252 Geschicht: d'Ae vun der Séil	183
253 Wat ass d'Liewen?	184
254 Naw-Ruz an d'Faaschtenzäit	185
255 D'Fréijoer	186
256 Buchvirstellung: La foi bahá'íe, L'émergence d'une religion mondiale	186
257 Naturkatastrofen als Appell fir ze erwächen	187
258 De Poopst ass gestuerwen	188
259 E puer Froen iwwer d'Bahá'í Gemeng	189
260 Suerg ëm eng weider Verfollegung vun de Bahá'í am Iran	190
261 Honnert Joer däitsch Bahá'í Gemeng	191
262 Pilgerrees am Hellege Land	192
263 Lassléisung, eng Dugend	193
264 De Bahá'í Glawen an e puer Minutten erklären, Deel 1/7	194
265 De Bahá'í Glawen an e puer Minutten erklären, Deel 2/7	195
266 De Bahá'í Glawen an e puer Minutten erklären, Deel 3/7	196
267 De Bahá'í Glawen an e puer Minutten erklären, Deel 4/7	197
268 De Bahá'í Glawen an e puer Minutten erklären, Deel 5/7	198
269 De Bahá'í Glawen an e puer Minutten erklären, Deel 6/7	198
270 De Bahá'í Glawen an e puer Minutten erklären, Deel 7/7	199
271 One Common Faith – Ee gemeinsame Glawen	200
272 Buchvirstellung: D'Duechter vun engem Prophet	201
273 La parole cachée – Dat verstoppte Wuert – La tribu des malakoum	201
274 De Wäert vu Geschichten	202
275 Konscht am Bahá'í Glawen	203
276 Weltjugenddag	204
277 Buchvirstellung: Psychology of Spirituality	205
278 Fridden un déi ee gleeft	205
279 D'Welt an där mir liewen, Deel 1/2	206
280 D'Welt an där mir liewen, Deel 2/2	207
281 Internationalen Dag vum Fridden	208
282 Buchvirstellung : Die Bahá'í Religion, Ein Überblick, Deel 1/17	209
283 Buchvirstellung: Wëssenschaft a Relioun, Deel 2/17	210
284 Buchvirstellung: De Wee ass d'Zil, Deel 3/17	210
285 Buchvirstellung: Deel 4/17	211

- [286 Buchvirstellung: D'Liewen nom Doud, Deel 5/17](#) 212
[287 Buchvirstellung: D'Liewen nom Doud, Deel 6/17](#) 213
[288 Buchvirstellung: De Sënn vum Liewen, Deel 7/17](#) 213
[289 Buchvirstellung: Firwat brauche mir Relioun? Deel 8/17](#) 214
[290 Buchvirstellung: Aspekter am deegleche Liewe vun engem Bahá'í, Deel 9/17](#) 215
[291 Buchvirstellung: De Charakter, Deel 10/17](#) 215
[292 Buchvirstellung: Dat Gutt gesinn, Deel 11/17](#) 216
[293 Buchvirstellung: Berodung, Deel 12/17](#) 217
[294 Buchvirstellung: Bestietnes a Famill, Deel 13/17](#) 218
[295 Buchvirstellung: Gesondheet, Deel 14/17](#) 218
[296 Buchvirstellung: Wéi d'Bahá'í Gemeng sech finanzéiert, Deel 15/17](#) 219
[297 Buchvirstellung: Déi international Bahá'í Gemeng an d'UNO, Deel 16/17](#) 219
[298 Buchvirstellung: Konscht a Musek – CD From Exile to Exaltation, Deel 17/17](#) 220
[299 Encouragement](#) 220
[300 Buchvirstellung: Esoterik, Dreem an iwwersënnlech Phänomeener, Deel 1/6](#) 221
[300a Buchvirstellung: Esoterik, Dreem an iwwersënnlech Phänomeener, Deel 2/6](#) 221
[300b Buchvirstellung: Dreem an iwwersënnlech Phänomeener, Deel 3/6](#) 222
[301 Dreem an iwwersënnlech Phänomeener, Deel 4/6](#) 223
[302 Buchvirstellung: Reinkarnatioun, Deel 5/6](#) 224
[303 Buchvirstellung: Esoterik, Dreem an iwwersënnlech Phänomeener, Deel 6/6](#) 224
[304 Message un déi reliéis Leadere vun der Welt, Deel 1/6](#) 225
[304a Message un déi reliéis Leadere vun der Welt, Deel 1/6](#) 226
[305 Message un déi reliéis Leadere vun der Welt, Deel 2/6](#) 226
[305a Message un déi reliéis Leadere vun der Welt, Deel 2/6](#) 227
[306 Message un déi reliéis Leadere vun der Welt, Deel 3/6](#) 227
[307 Message un déi reliéis Leadere vun der Welt, Deel 4/6](#) 228
[308 Message un déi reliéis Leadere vun der Welt, Deel 5/6](#) 229
[309 Message un déi reliéis Leadere vun der Welt, Deel 6/6](#) 229
[310 De geheime Plang vum Iran fir eng reliéis Communautéit ze exterminéieren](#) 230
[311 Iwwer d'Léieren](#) 231
[312 Globale Wuelstand, Deel 1/3](#) 232
[313 Globale Wuelstand, Deel 2/3](#) 233
[314 Globale Wuelstand, Deel 3/3](#) 233
[315 De richtege Wee goen – E Buch fir Jugendlech vun 12-14 Joer](#) 234
[316 Bahá'í Gebieder](#) 235
[317 D'Muecht vun de Wierder entdecken – E Buch fir Jugendlech vu 15 Joer, Deel 1/2](#) 236
[318 D'Muecht vun de Wierder entdecken – E Buch fir Jugendlech vu 15 Joer, Deel 2/2](#) 237
[319 Neiegkeeten – Wëssenschaft a Relioun](#) 237
[320 Neiegkeeten aus Egypten](#) 238
[321 Zeit für Geist: Gedanke fir eng friddlech Welt](#) 239
[322 Neiegkeeten – Haifa a Libanon](#) 240
[323 Déi offiziell Bahá'í Internetsäit](#) 241
[324 Zeit für Geist: Nei Äntwerten op al Froen](#) 241
[325 Terrorismus, international Bahá'í Neiegkeeten](#) 242
[326 Kënnen d'Relioun an d'Vernonft sech eigentlech matenee verdroen?](#) 243
[327 Sënn an Zweck vum Glawen](#) 244
[328 Wéi kritt ee Glawen?](#) 244
[329 Studiekreesser: Nodenken iwwer dat geeschtegt Liewen](#) 245
[330 D'Versprieche vum Weltfridden, eng Afëierung](#) 246
[345 D'Situatioun vun de Bahá'í an Egypten, Deel 1/2](#) 247
[346 D'Situatioun vun de Bahá'í an Egypten, Deel 2/2](#) 247
[347 Gott ass d'Quell vun all de Reliounen - Weltdag vun der Relioun, Deel 1/2](#) 248
[348 Gott ass d'Quell vun all de Reliounen - Weltdag vun der Relioun, Deel 2/2](#) 249
[349 D'Bahá'í : Eng Fro, eng Äntwert, Deel 1/10](#) 250
[350 D'Bahá'í : Eng Fro, eng Äntwert, Deel 2/10](#) 250
[351 D'Bahá'í : Eng Fro, eng Äntwert, Deel 3/10](#) 251
[352 D'Bahá'í : Eng Fro, eng Äntwert, Deel 4/10](#) 252
[353 D'Bahá'í : Eng Fro, eng Äntwert, Deel 5/10](#) 252
[354 D'Bahá'í : Eng Fro, eng Äntwert, Deel 6/10](#) 253
[355 D'Bahá'í : Eng Fro, eng Äntwert, Deel 7/10](#) 254

358 Wat ass d'Bahá'í Positioun géintwuer der Aarmut ? Deel 10/10	256
359 Stimmen Bahás – Eng speziell Chorale, Deel 1/3	256
360 Stimmen Bahás – Eng speziell Chorale, Deel 2/3	256
361 Stimmen Bahás – Eng speziell Chorale, Deel 3/3	257
362 Bahá'í Niegkeeten, Deel 1/2	257
363 Bahá'í Niegkeeten, Deel 2/2	258
364 Buchvirstellung: D'Trap zum Gléck, Deel 1/2	259
365 Buchvirstellung: D'Trap zum Gléck, Deel 2/2	260
367 Tragescht Busakzident vu Steeseler Schoulkanner	260
368 Summerfest 2007 am Bahá'í Haus vun der Andacht	261
369 Zesummestellung vun Texter aus de Bahá'í Schrëften, Deel 1/4	262
370 Zesummestellung vun Texter aus de Bahá'í Schrëften, Deel 2/4	263
371 Zesummestellung vun Texter aus de Bahá'í Schrëften, Deel 3/4	263
372 Zesummestellung vun Texter aus de Bahá'í Schrëften, Deel 4/4	264
373 Siechzeg Joer Bahá'í zu Lëtzebuerg	265
374 Buchvirstellung: Gléck, Deel 1/2	265
375 Buchvirstellung: Gléck, Deel 2/2	266
376 Buchvirstellung: Déi Verbuerge Wierder, Deel 1/2	266
377 Buchvirstellung: Déi Verbuerge Wierder, Deel 2/2	267
Literaturlëscht um Internet	268
Index	269
Literaturlëscht	271
Referenzen	273

Aféierung

Den zweete Mee 2000 konnt een déi éischt Bahá'í Emissioun um Radio ARA héieren. Bal aacht Joer huet dës Aventure gedauert, bis am August 2007. Dräihonnertsechswenzegmol gouf d'Emissioun gesent, Freides owes a mat enger Widderhuelung Samschdes moies oder Dënschdes. D'Iddi vun der Emissioun war déi, iwwer flott, interessant an aktuell Themen ze schwätzen an déi aus der Bahá'ísiicht ze beliichten.

De Bahá'í Glawen ass eng Weltrelioun, mam Zil, dass all Rassen an all Vëlker kënnen an engem gemeinsame Glawen zesummekommen. Bahá'í sinn d'Unhänger vu Bahá'u'lláh. Hien ass fir si deen, deen zu allen Zäite versprach gouf. Et fënnt een an den Traditione vu bal alle Vëlker d'Vesprieche vun enger Zukunft wou Friden an Harmonie op der Äerd wäert etabléiert ginn, d'Vesprieche vun enger Zukunft wou d'Mënschheet am Gléck an am Wuelstand liewe wäert. Mir gleewen dass d'Zäit vun dësem Versprieche komm ass an dass Bahá'u'lláh dës Persoun ass an dass seng Léieren der Mënschheet et erlaben eng nei Welt ze schafen. Bahá'u'lláh schreift op enger Plaz: **„Dat wat den Här als héchst Heelmëttel a mächtigst Instrument fir d'Heelung vun der ganzer Welt verschriwwen huet, ass d'Unioun vun all senge Vëlker an enger universaler Saach, engem gemeinsame Glawen.“**¹

Haut huet de Bahá'í Glawe sech fest an der lëtzebuerger Landschaft etabléiert. Ech si ganz frou, iech kënnen déi allermeescht Texter vun de Sendungen ze ginn, zesumme mat der Audioversioun. Fir e puer Sendunge gëtt et keen Text an e puer Sendunge sinn op Franséisch.

E grouse Merci dem Här Nazareno Gottardi, dee gehollef huet, dëse Projet op d'Been ze setzen, dem Nationale Geeschtege Rot vun de Bahá'í vu Lëtzebuerg an all de Frënn a Kollegen déi matgehollef hunn, duerch hir Virschléi an Hëllef. Der ganzer Equipe vum Radio ARA fir hir Offenheet a gudde Wëllen, speziell dem Germain fir seng Gedold an dem Bert Hoscheit fir seng konstruktiv Virschléi bei der Gestaltung vun der Emissioun.

Ech hu mer vill Méi ginn, déi lëtzebuerger Texter richteg ze schreiwen, awer sécher sinn nach Feeler dran. Ech denken och hei un déi vill Studenten, déi Lëtzebuergesch léieren, an déi frou sinn, interessant Texter ze liesen an dobäi d'Texter och kënnen ze lauschten.

Äre Jean-Marie Nau

1 Positiv Stressbewältigung an der Partnerschaft an am Beruf

Radio Ara, éischt Sendung 2te Mee 2000. An elo d'Rubrik vun de lëtzebuerger Bahá'í. Heiansdo kënnt et alt emol vir, dass ech mir su allgemeng Froen iwwer Gott an d'Liewe stellen, ... am Stil: Wat maachen ech iwwerhaupt hei? Weess ech da lo wat de Sënn vum Liewen ass? Virun allem och de Sënn vu mengem Liewen. Ech si jo schliesslech Nummer 1, dat duerf een net vergiessen. Abee, wéi gesot, et kënnt vir, dass esou Froen optauchen. Fir iech elo just e Beispill ze ginn. Dëslescht krut ech eng Invitatioun op e Virtrag vun de Bahá'í geschéckt: Thema: *Positiv Stressbewältigung an der Partnerschaft an am Beruf*. Net oninteressant hunn ech geduecht. Den Dr. Medikus Peseschkian hält de Virtrag. Een deen ech d'lescht Joer op der Frankfurter Bicherausstellung getraff hunn. Hien huet nämlech eng Rei Bicher am Fischerverlag erausginn.

Dat ka jo interessant ginn, an doropshi sinn ech net nëmmen an d'allée Léopold Goebel gefuer deen Owend, mee ech hunn och meng nei Digitalkamera matgehol. Iwwerrascht war ech natierlech, dass de Conférencier de Fils war a net säi Papp. Hien ass Bahá'í an a senger Aarbecht als Psycholog a Psychiater schafft hie virun allem mat Kanner a Jugendlecher. Den Owend ass gutt gelaf, en huet net ze laang geschwat, just iwwer eng Stonn an en plus war en och nach witzeg. D'Ambience war gutt. An ech hunn souguer nach eppes verhale vun deem wat e gesot huet. An do ginn ech himm och Recht. Hie sot et wier wichteg, dass mer géifen eist d'Gläichgewiicht a véier Haaptsaachen hunn.

An zwar éischters : Eise Kierper, eis Gesondheet, eist Ausgesinn. Zweetens : Eis Aarbecht, dat wat mer maachen, eis Leeschtung. Drëttens : Eis Kontakter mat aneren, eis Famill, Kollegen, a véiertens: Eis Phantasie, eis Dreem, eis Projekte fir d'Zukunft.

Resuméiert ass dat eis d'Rezept fir glécklech a frou ze ginn. Wa mer et also fäerdeg brénge fir dee Kuch vu véier Stécker, also eise Kierper, eis Kontakter mat aneren, eis Aarbecht and eis Dreem a Projeten, gläichméisseg ze verdeelen an drunn ze schaffen, an eis Zäit och gläichméisseg op déi véier Punkte verdeelen, dann hu mer all Chancen, glécklech an zefridden ze sinn. Also mir huet et schonn ze denke ginn an et ass einfach eng gutt Orientéierung.

Niewebäi sief gesot, dass säi Papp, de Nossrat Peseschkian, Begrënner vun der Positiver Psychotherapie ass. Et kann een dat an Däitschland op verschidden Unie studéieren an ee vu senge Bicher kann ech rekommendéieren, anzwär eng Kollektioun vun orientalesche Geschichten an der positiver Psychotherapie. D'Buch heescht: *Der Kaufmann und der Papagei*, am Fischer Verlag. Eng sou eng orientalesch Wäisheet huet mer besonnesch gutt gefall, an zwar déi hei :

Pass op deng Gedanken op, well si gi Wieder. Pass op deng Wieder op, well si ginn Handlungen. Pass op dat op wat s de méchs, well dat gi Gewunnechten. Pass op deng Gewunnechten op, well si ginn däi Charakter a Pass op däi Charakter op, well däi Charakter gëtt däi Schicksal.

Fir ofzeschléissen, hei nach zwee kleng Zitater aus de Bahá'í Schrëften : « *De Mënsch soll wéi eng Flam sinn, sou dass en all deene Leit Wäermt ka ginn, mat deenen hien a Kontakt kënnt.* » « *Et duerfeen a jidderengem nëmmen dat gesinn, wat ee ka liewen, dat positift. Wann een dat mécht, ass e gutt mat jidderengem. Gesäit een a kuckt een awer bei deenen anere just hir Feeler, dann ass et sécher méi schwéier, Frënn ze hunn. Also sollte mer, am Kontakt mat aneren, seng Qualitéite gesinn a net seng schwaach Säiten* »¹

Ech hu vun deem Owend e Video zesummegestallt, an d'Konferenz ass och op Cassette opgeholl. Wann s de gär eng Kopie häss, dann telefonéier dem Bahá'í Zenter um Nummer 44 22 20.

2 Gebiet a Meditatioun

Fir e Bahá'í ass de Sënn vum Liewen, Gott ze erkennen, hie gär ze hunn a sech um spirituelle Plang weiderzentwéckelen. Wéi an deene meeschten aner Reliounen sinn d'Gebiet an d'Meditatioun d'Haaptinstrumenter zum geeschtleche Fortschrëtt. Bahá'u'lláh, Begrënner vun der Bahá'í Relioun huet selwer honnerte vu Gebieder geschriwwen. Sou zum Beispill Gebieder fir dass ee nees gesond gëtt, Gebieder fir de spirituelle Fortschrëtt, Gebieder géint Schwierigkeeten, Gebieder fir d'Hochzéit, Gebieder fir d'Liewen an eiser Gesellschaft a Gebieder fir d'Mënschheet allgemeng.

Jiddereen ass invitéiert sech all Dag e bëssen Zäit zur Meditatioun ze huelen. Ganz bewusst si mir encouragéiert, owes, wann den Dag gelaf ass, iwwer dat nozedenken, wat mir gemaach hunn an iwwer de Wäert vun deem wat mir daagsiwwer gezwaft hunn. Doriwwer eraus, ass kee vun eis opgefuerdert eng bestëmmte Form vu Meditatioun

¹ Rosen der Liebe, Sait 4.1

auszeüben, wéi zum Beispill mat gekräizte Been ze sätzen oder sosswellech Ootmungsübungen ze maachen. Neen, just de Contraire, jiddereen huet d'Fräiheet, sech déi Form vu Meditatioun erauszesechen, déi him am beschte läit.

D'Kommunikatioun mat deem deen eis erschaf huet dréit also wesentlech zu eiser Entwécklung béi. Ëmmer méi vun eis sinn awer och zimlech skeptesch géintwuer all d'Zort vu Relioun, all deem wat mir net verstinn a ganz besonnesch enger Kraaft, déi eis Virstellung iwwerstéigt. Also ass dat Thema schnell ofgeschloss. Net grad! Vlächicht kann dann eis su héichgehal Wëssenschaft d'Wierkung an den Afloss vum Gebiet, dëser spezieller Kommunikatioun mat Gott moossen? Genee op déi Fro krut ech dëslescht hei an der Stad am Bahá'í zenter eng interessant Äntwert. D'Associatioun Couleurs Culturelles hat den Dr. Cyrille Kaszuk zu enger Konferenz agelueden. D'Thema: L'utilisation du pouvoir de guérison de l'esprit sur le corps. Ënner anerem huet hien erzielt wéi en Doktor an Amerika viru kuerzem eng Studie duerchgefouert huet, wou hie wëssenschaftlech bewiese wollt dass d'Gebiet engem awer wirklech guer näischt bréngt. Fir dës Studie goufen eng Grupp vu Patienten ausgewielt déi all méi oder wéineger déiselwecht Wonn um Aarm haten a krute gesot, dass Leit, déi hinnen onbekannt sinn, fir si géife bidden oder och net. Si wossten et net. D'Fro war dann op elo d'Wonn vun deene Patienten fir déi net gebiet gouf, méi schnell géif heelen wéi d'Wonn vun deene Patienten fir déi net gebiet gouf. Abee d'Iwwerraschung war grouss, well konträr zu dem wat den Doktor bewiese wollt, waren effektiv d'Wonne vun deene Patienten, fir déi gebiet gouf, éischter geheelt wéi d'Wonne vun de Patienten fir déi net gebiet ginn ass. Natierlech kann een sou eng Studie och nees a Fro stellen an eng Parti aner Froen ergi sech: Wéi eng Method fir ze bidden ass benotzt ginn? Wéi eng Gebieder sinn effektiv a wéi eng hunn iwwerhaupt keen Effekt. An dëser Studie war et interessanterweis ganz egal, u wien d'Leit hiert Gebiet gericht haten, sief et Christus, Allah, Buddha, oder Krishna zum Beispill. Dat war egal.

Fir e Bahá'í spillt d'Gespréich mat senger eegener Séil a mat Gott eng immens wichteg Roll. Awer d'Gebiet beschränkt sech am Bahá'í Glawen net nëmmen op d'Gespréich. All Aarbecht an all Dénkscht, déi mat Léift an Devotioun gemaach ginn, si schlussendlech genee wéi e Gebiet. De Pestalozzi seet: „*Gleefun dech selwer, gleefun den ënnere Sënn vun dengem Wiesen, da gleefs de u Gott an un d'Onstieflechkeet.*“¹

Ganz konkret heescht Gebiet also hei Aktion. Ahah ! Den Islam seet zum Beispill dass d'Gebiet wéi eng Lieder ass tëscht Himmel an Äerd, a mat Hëllef vum Gebiet kann een an d'Paradis kommen. (*Ruhi, Buch 1*) Déi meescht vun eis wësse sécher, wat et heescht eng Lieder eropzeklammern. Sou ganz ouni Ustrengung geet dat jo och net. Oder anescht ausgedréckt: Wann ech gären eppes hätt, dann geet et net wann ech do sätzen a waarden, bis et mer an de Schouss gefall kënnt. Nee, sou einfach ass et net. Wann ech owes vun der Aarbecht heemkommen, an et ass däischter, da sinn ech sou gutt a maachen d'Luucht un, well vum selwe geet se nach net un. An esou ass et och mam Gebiet, wann ech gären eppes vun där Kraaft hätt, da muss ech eppes dofir maachen, optstoen, den éischte Schrëtt maachen, de Knäppchen drécken, bidden. Mee normalerweis mache mir dat jo just, wa mer alles anescht probéiert hunn, wann eis soss näischt méi iwwereg bleift. Dozou e kuerzt Zitat an e Gebiet aus de Bahá'í Schrëften:

“*Dausend Dieren mëcht hien op, wou de Mënsch mol net amstand ass, sech och nëmmen eng virzestellen.*”..

²*Erquicke und erfreue meinen Geist. Läutere mein Herz. Entflamme meine Kraft. Alles lege ich in Deine Hand. Du bist mein Führer und meine Zuflucht. Ich will nicht mehr traurig und bekümmert, sondern glücklich und fröhlich sein. ..., Angst soll mich nicht länger plagen und Sorge mich nicht quälen. Ich will nicht bei den Widrigkeiten dieses Lebens verharren. .. Du meinst es besser mit mir als ich selbst. ..*

Zur Zäit besteet d'Méiglechkeet an engem interessante Atelier matzemaachen an deem et ënner anerem och ëm d'Gebiet geet. Organiséiert ass dësen Atelier vum Institut Pierre Becker an heescht: *Réflexions sur la vie de l'esprit*. Do geet et drëm, d'Bahá'í Schrëfte besser ze verstoen, ëm d'Gebiet an ëm d'Liewen an den Doud.

3 Himmel an Häll an d'Liewen nom Doud

3t Sendung 16ten an 18te Mee 2000. Bis de 25te Juni kann een am Casino an der Ënneschtgaass d'Ausstellung *Strange Paradises* kuckegoen. De Casino, de Forum fir zäitgenëssesch Konscht huet do eng Rei vun Artisten invitéiert, hir ganz perséinlech Notioun vu Paradis duerstellen. Nodem ech d'Ausstellung mat enger Visite guidée gesinn hat, sinn ech Sonndes mat mengem Jong an en Atelier am Casino gaangen, fir Kanner vu 6 bis 12. Nodeems d'Animatrice de Kanner d'Austellung op hir speziell Aart a Weis gewisen huet a wéi si hir Virstellung vum Paradis um Pabeier haten, war et interessant vun hir erauszefannen, dass si keng genee Virstellung vum Paradis hat, mee dass si awer den Atelier, de Moment mat de Kanner selwer voll gelieft huet an dass dat fir si am nootsten u Glécklechkeet erukënnt. Fir mech war et eng Ureegung fir ze kucken wat d'Bahá'í dann iwwer de Paradis, oder anescht ausgedréckt, den Himmel soen. Wat ass also eis Virstellung vun Himmel an Häll a wéi denke mir iwwer d'Liewen nom Doud ?

¹ Bahá'í, wat se gleewen, s.1

² Rosen der Liebe, s3

Wéi an deenen anere Reliounen, ass d'Iddi déi d'Bahá'í sech vum Liewen nom Doud maachen, ganz enk mat de Léieren iwwer d'Natur vun der Séil an dem Sënn vum Liewen hei op der Äerd verbonnen. Bahá'u'lláh huet d'Existenz vun enger vernunftbegabter Séil kloer konfirméiert. Hie seet, dass d'Séil an deem Liewen un de Kierper gebonnen ass. Si ass et, déi dem Kierper Liewe gëtt an eis eigentlech Wierklechkeet duerstellt.

Obschonn een d'Séil mat physische Mëttel net erfaasse kann, mécht si sech duerch eise Charakte bemierkbar, dee jo bei jidderengem anescht ass. Et ass d'Séil déi Léift a Matgefill ausstraalt, Glawen a Courage sowéi aner mënschlesch Qualitéiten, déi een net kënnt erkläre wann de Mënsch just en Déier wär oder eng sophistikéiert organesch Maschinn.

D'Séil stierft och net; si ass éiweg. Wann de Kierper stieft, gëtt d'Séil fräigesat, si ass da neméi un eise Kierper gebonnen an och neméi un d'Welt ronderëm si. Si fänkt dann hir Rees duerch déi geeschteg Welt un. D'Bahá'í denken dass déi geeschteg Welt déi zäitlos Erweiderung vun eisem eegenen Universum ass, an net iergend eng konkret physisch Plaz déi wäit ewech vun eis ass.

Den Agank an eng geeschteg Welt kann eis vill Freed maachen. Et kann een den Doud mat der Gebuert vergläichen. „Eis nächst Liewen ass esou verschidde vun deem Liewen wéi dat vum Kand am Bauch vun der Mamm virun der Gebuert.“ Dëst Beispill, des Analogie erklärt ganz gutt eis Existenz hei op der Welt. Sou wichteg de Bauch vun der Mamm ass fir déi physisch Entwécklung vun engem Mënsch, sou wichteg ass och dës physisch Welt fir d'Entwécklung vun eiser Séil. Wann een et esou kuckt, kann ee soen dass eist d'Liewen eng Zort Atelier ass an deem ee sech ka perfektionéieren an déi Qualitéiten entwéckele kann, déi een an engem zukünftige Liewe brauch.

„Sachez, en vérité, que si l'âme de l'homme a cheminé dans les voies de Dieu elle se retrouvera dans la gloire du Bien-aimé“. Par la vertu de Dieu! Elle atteindra un rang tel qu'aucune plume ne peut le décrire, ni aucune langue le mentionner.“

Et kann ee soen, dass den Himmel d'Méinokommen zu Gott ass; d'Häll bedeit dann ewäit ewech si vu Gott. Do wou mir momentan sinn ass dann eng natierlech Konsequenz vun eisen eenzelnen Efforten Spiritualitéit ze entwéckelen. De Schlëssel zum geeschtege Fortschritt ass deen dass ee versicht, dee Wee ze goen dee mer vun de Prophete gewise kruten. Doriwwer eraus wësse mir net vill iwwer d'Liewe nom Doud. Wat elo genee d'Liewen nom Doud ass, bleift fir eis e Rätsel. „D'Wiese vun der Séil nom Doud kann ee net beschreiwen“. ¹ Himmel an Häll hu keng Plaz, mee sinn en Zoustand. Wéi oft spiere mer eis am Himmel wa mer wierklech glécklech sinn a wéi oft spiere mer eis an der Häll wann et eis wierklech schlecht an dreckeg geet. Himmel an Häll sinn an eis selwer. Also komme mer net an den Himmel oder an d'Häll wa mer stierwen, mee mir huelen se mat eis.

„E Bahá'í lieft an der fester Iwwerzeugung, dass seng irdesch Existenz eng Virberedung ass op eng aner, net-materiell Existenz. Dës Evolutioun féiert hien duerch eng onbegrenzten Unzuel vu Welten ëmmer méi no u Gott erun, ouni En awer je ze erreechen.“ D'Bahá'í gleewen also net, dass dem Mënsch seng Séil sech materiell nei verkierpert; si erwaarden och kee stateschen Openthalt an engem „Paradis“. Si gleewe villméi un eng séilesch Progressioun an ëmmer neien, netmaterielle Welten um éiwege Wee zum Gëttlechen. Elo nach zwee kuerz Zitater aus de Bahá'í Schrëften: „D'Séil vum Mënsch ass d'Sonn déi sengem Kierper Liicht gëtt and hien erniert.“ ² „Wat fir dem Mënsch säi Kierper d'Sonn ass, ass fir seng Séil d'Sonn vun der Wourecht.“ ³

Zur Zäit besteet d'Méiglechkeet an engem interessante Atelier matzemaachen an deem et ënner anerem och ëm d'Liewe nom Doud geet. En ass vum Institut Pierre Becker organiséiert an heescht: *Réflexions sur la vie de l'esprit*. Do geet et drëm, d'Bahá'í Schrëfte besser ze verstoen, et geet ëm d'Gebiet an ëm d'Liewe nom Doud. Fir méi Info iwwer dësen Atelier, telefonéiert dem Bahá'í Zenter um 442220.

Des Rubrik gouf iech präsentéiert vun de lëtzebuerger Bahá'í, haut mat Texter aus der Brochüre, Bahá'í, wat se gleewen a wat net an der Zäitschrëft: Les bahá'ís, un regard sur la communauté mondiale de la foi bahá'íe .

4 De Bahá'í Stand op der Expo 2000 zu Hannover

4t Sendung. Dënschdeg 23ten a Freideg 26te Mee. Elo ass et gläich souwäit. Vun Uganks Juni bis Enn Oktober fluppt et zu Hannover. Da geet nämlech déi éischt Weltausstellung an Däitschland op. Si dauert gutt fënnf Méint, bis Enn Oktober. Also soll en déi Geleeënheet net verpassen, aleng, mam Partner oder mat der ganzer Famill e puer Deeg op Hannover ze fueren. Wat een do gebuede kritt, fënnt ee bestëmmt soss néierens op enger Plaz erëm. Natierlech ass Lëtzebuerg als Land och vertruuden. Fir d'éischt kéier gëtt versicht d'Weltausstellung net nëmmen

1 Magazine, Les Bahá'í's, p.35

2 Ährenlese 80,4

3 AB, Ansprachen in Paris, s28,1

als eng rieseg Publizitéit fir Länner a grouss Firmen ze benotzen, mee fir nei Méiglechkeete a Weeër virzestellen, fir d'Problemer vun haut an de Grëff ze kréien.

D'international Bahá'í Gemeng präsentéiert zu Hannover net nëmmen hire Glawen, mee besonnesch ausgewielte Projekte vun hirer weltwäiter Entwécklungsarbecht. Anzwar gesäit een do Beispiller fir Initiativen un der Basis, Initiativen, déi sech an engem Léierprozess ausbreeden deen net ophält, an e Léierprozess, deen d'Leit dozou befäegt dass si sech fir besser Liewenskonditiounen asetzen.

Bahá'u'lláh, Begrënner vun der Bahá'í Relioun, gesäit de Mënsch als e Bierg, räich un Eedelsteng vun onschätzbarem Wäert. Hie gesäit d'Zukunftsperspektiv vun der Mënschheet an der Gewëssheet dass eis Äerd nëmmen ee Land ass an dass all Mënschen seng Bierger sinn. Wann een sech d'Austellung vun der internationaler Bahá'ícommunautéit op der Expo ukuckt, soll een e Bild vum Mënsch kréien, dat weist dass de Mënsch ebe wéi e Bierg ass, räich un Eedelsteng vun onschätzbarem Wäert. Also ech géif scho gär gläwen, dass mir wierklech eréischt um Ufank vun eiser Entwécklung als Mënsch stinn, mat all de Problemer déi mir momentan hunn. Ech mengen et geet och drëm, fir positiv iwwer d'Entwécklung vum Mënsch ze denken an dat wat mir mat eiser Äerd ufänken.

Wéi en Design huet de Bahá'í Stand ? Vis-à-vis vum Agank vum Globalen Haus, sou heescht deen Deel vun der Expo, erhieft sech um Enn vum Foyer eng dräi Meter héich Formatioun vu Bléien. Den Design straalt eng gewësse Rou aus, an d'Inspiratioun vir dësen Design kënnt vum Bahá'í Haus vun der Andacht zu Nei Delhi, dat wéi eng Lotusblumm ausgesäit.

Wat gëtt et dann elo alles do ze gesinn ? Ma an all Eck gesäit een eng Präsentatioun vu wesentleche Bahá'í Entwécklungsprinzipien an zwar zum Thema Potential entwéckelen, Frae fërderen a no Prinzipie liewen. Dozou gesäit e Beispiller vu Projeten aus der Entwécklungsarbecht vun der internationaler Bahá'ícommunautéit. Vun deene Projete goufen d'Entwécklungshéichschoul FUNDAEC a Kolumbien an de Fraeprojet MATINYANI a Kenia zu weltwäiten Expo2000 Projeten erkläert.

Interessant vu lëtzebuerger Siicht ass dat de Projet FUNDAEC vun enger unerkannter lëtzebuerger ONG, eng Organisation non-gouvernemental, mat finanzéiert gouf, an zwar vu "Unity Foundation", déi och vun der lëtzebuerger Baha'i Gemeng aktiv ënnerstëtzt gëtt.

Vläicht e puer Wuert derzou, wéi d'Bahá'í iwwerhaapt organiséiert sinn. D'Bahá'í gehéieren enger weltwäiter Communautéit un, mat demokratesch gewielte Réit an 181 Länner suwéi lokal Réit an iwwer 12000 Stiet an Dierfer. De Glawen un d'Eenheet vun der Mënschheet motivéiert d'Bahá'í zu enger Onmass vun Aktivitéiten. Firwat man se dat alles? Ma fir déi sozial, kulturell an ekonomesch Entwécklung ze fërderen an derzou bäizedroen, Virurteeler ze iwwerwannen a fir d'Gläichheet vun de Mënschen ze schaffen. D'Aarbecht vun der Bahá'ícommunautéit ass inspiréiert aus de Schrëfte vum Bahá'u'lláh. E wichteg Prinzip ass dobéi d'Iwwerzeegung dass mir, egal vu wou mer hirkommen an egal wéi enger Relioun oder Rass mer ugehéieren, eist Wëssen derselwechter himmlescher Quell ze verdanken hunn, also engem eenzege Gott.

Méi Info zur Expo2000 zu Hannover kritt dir mëttlerweil an al Reesbüro, an natierlech um Internet ënnert www.expo2000.de. D'Unity Foundation hei zu Lëtzebuerg ënnerstëtzt am Moment Erziéungsprojeten an Indonesien, Brasilien, Kolumbien an an de Marshall Inseln am Pazifik. Wëllt dir méi iwwer d'Unity Foundation wëssen, dann telefonéiert dem 262520. Ech wëll nach kuerz op zwou Publikatiounen vun der internationaler Bahá'ícommunautéit hiweisen, déi hei gutt passen. Déi éischt heescht: *Entwécklungsperspektiven fir d'Mënschheet, en neit Verständnis vum globale Wuelstand* an déi zweet: *Wie schreift d'Zukunft, Gedanken iwwer d'20t Jorhonnert*. Dir kritt dës Publikatiounen vum Bahá'ízenter um Telefon 44 22 20. D'Redaktioun vun Zeit für Geist, eng Zeitung déi Iddien a Virschléi fir eng besser Welt vermëttelt, invitéiert dësen Donneschdeg den Owend um 8 Auer op eng Diskussiounronn mam Marianne Wiltgen, Musektherapeutin a Proff am Conservatoire iwwer d'Thema: Musek an eis geeschteg Entwécklung. An dat am Bahá'ízenter, 17, allée Léopold Goebel an der Stad.

5 Fofzeg Joer Bahá'í zu Lëtzebuerg

5t Sendung. Dëschdeg 30te Mee a Freideg 2te Juni. Zu Lëtzebuerg ginn et schonn iwwer 50 Joer Bahá'í. Hei elo ganz kuerz e puer wichteg Datumer fir eist d'Land: 1947 komme fir d'éischt amerikanesch an australesch Bahá'í op Lëtzebuerg wunnen. E Joer méi spët hält den éischte Lëtzebuerger de Bahá'í Glawen un. Interessanterweis kommen déi éischt Bahá'í aus dem katholeschen, jüddeschen a protestantesche Glawen, wat jo och eent vun den Ziler vun der Bahá'í Relioun gutt duerstellt, anzwar d'Eenheet an der Villfalt.

Dat selwecht Joer gëtt an der Stad deen éischte Lokale Rot gebilt. 1952 ass an der Stad den europäesche Bahá'í Kongress am deemolege Casino des Bourgeois. E Joer méi spët gëtt de regionale Benelux Comité forméiert, an deem natierlech och Lëtzebuerger Bahá'í dobäi sinn. An deem Joer kafen d'Bahá'í och hiren éischten Zenter an der rue Maréchal Foch an der Stad. 1957 gëtt den éischten Nationale Rot vun de Benelux-Staaten forméiert an dat och

mat gewielte Membere vun der lëtzebuenger Bahá'í Gemeng. 5 Joer méi spéit, 1962, gëtt den éischte Nationale Rot zu Lëtzebuerg gewielt an e Joer drop bedeelegt sech dëse Conseil un der Wal vum éischten internationale Bahá'í Gremium, zu Haifa an Israel. Mëttlerweil gëtt de Bahá'ízenter an der rue Maréchal Foch ze kleng a méi e groussen Zenter gëtt 1978 um Lampertsbiereg kaaft, an der rue des Glacis. Munchereen erënnert sech vläicht un d'Affiche Centre Bahá'í am Eechebiereg. 1985 héieren a liese vill méi Leit weltwäit vun de Bahá'í. Et ass d'internationalt Joer vum Fridden. Den internationale Bahá'í Gremium adresséiert eng Friddensbotschaft un d'Vëlker vun der Welt. D'Verspriechen vum Weltfridde gëtt weltwäit iwwerreecht un all Herrscher, politesch a reliéis Perséinlechkeeten an un all aner Leit, déi meenungsbildend wierken oder sech intresséieren an asetzen, fir dass d'Eenheet vun der Mënschheet an de Weltfridde kënnen verwierklecht ginn. Hei am Land kréien dës Friddensbotschaft eise Groussherzog de Grand-Duc Jean, d'Membere vun der Regierung a vum Parlament, eis Vertrieder bei der Europäescher Gemeinschaft, de Monseigneur Jean Hengen, Aerbëschof vu Lëtzebuerg, den Här Emmanuel Bultz, Groussrabbiner vu Lëtzebuerg esou wéi e groussen Deel vun der lëtzebuenger Populatioun.

An den aachtzger Joeren, während der islamescher Revolutioun am Iran ginn d'Bahá'í do, just wéinst hirer Relioun extrem verfollegt. Vill vun hinne verloossen hiert Land als Flüchtling. D'Lëtzebuenger Regierung hält em déi fofzeg Bahá'í Flüchtlingen op. Si konnten sech alleguer gutt hei am Land integréieren.

1986 gëtt d'Union luxembourgeoise des femmes bahá'ies gegrënnt. De Bahá'ízenter ass erëm ze kleng, an e neien Zenter gëtt an der allée Léopold Goebel kaaft.

Mëttlerweil ass d'lëtzebuenger Bahá'ícommunautéit gewuess. Ausser hirem Nationale Conseil huet Lëtzebuerg haut eelef Lokal Réit an uechter d'Land lieue Bahá'í an 57 Lokalitéiten. Klasse fir Kanner a Jugendlecher ginn uechtert d'Land organiséiert. Eng vun den Haaptfuerderunge vu Bahá'u'lláh ass eng grondleeënd geeschteg Erzéiung an allgemeng Schoulbildung fir all Kanner vun der Welt, mam Zil Virurteeler ofzebauen, selbstänneg no der Wourécht ze sichen a seng Talenter fir de Fortschrëtt vun der Mënschheet anzesetzen. Sou proposéieren d'Bahá'í zum Beispill d'Afëierung vun enger Welthëllefssprooch, déi an alle Schoule soll nieft der Mammesprooch geléiert ginn. Reegelméisseg ginn hei am Land Summer a Winterschoulen organiséiert. Si gi jidderengem d'Méiglechkeet d'Bahá'í Schrëfte méi genee kennenzelëieren a se virun allem a Relatioun ze setze mat eisen haitege Besoien a Problemer. Des Schoulen sinn ausserdem eng super Geleeënheet, sech erëmzugesinn, nei Leit kennenzelëieren a Spaass ze hunn.

D'Redaktioun vun *Zeit für Geist*, eng Zeitung déi Iddien a Virschléi fir eng besser Welt vermëttelt, invitéiert den Donneschdeg, 8te Juni um 8 Auer owes op eng Diskussiounronn mam Farah Dustdar, Politikwëssenschaftlerin iwwer d'Thema: Politik a Moral, nei Spillregelen fir eng gläufwierdeg Demokratie. Zwou Wochen drop, den 22te Juni, schwätzt den Nazareno Gottardi, Physiker a Nuklearinspektor bei der Europäescher Gemeinschaft iwwer d'Éierlechkeet vun de Wëssenschaftler. An dat am Bahá'ízenter, 17, allée Léopold Goebel an der Stad. Telefon: 44 22 20.

6 D'Bahá'í a wat se gleewen

6t Sendung. Dëschdeg 6ten a Freideg 9te Juni. Wann een dat Wuert Bahá'í nach ni héieren huet, ass et schwéier sech eppes drënner virzestellen. Ech si Bahá'í. Wat bass du? Bahá'í. Wat ass dat dann? Eppes fir ze iessen? Nee, d'Bahá'í si Mënschen déi hiert d'Liewen no de Léiere vu Bahá'u'lláh ausrichten. Sou, wéi e Chrëscht u Jesus Christus gleeft, sou wéi e Musulmaner un de Mohamed gleeft, sou gleeft e Bahá'í u Bahá'u'lláh.

Bahá'u'lláh ass de Begrënner vun der Bahá'í Relioun. Hien huet am 19te Jorhonnert a Persie gelieft, anzwär vun 1817 bis 1892. D'Bahá'í gleewen, dass Bahá'u'lláh de Vermëttler vum gëttlechen Impuls fir eist Zäitalter ass. Bahá'u'lláh bréngt eiser Zäit also en neien Impuls. Dëse neien Impuls huet natierlech Implikatiounen, net nëmme spirituell mee och sozial a wëssenschaftlech Implikatiounen fir eis all. Bahá'u'lláh leet domat de Grondsteen fir eng gerecht Weltgesellschaft, kreativ and dynamesch. D'Haaptzil vun der Bahá'í Relioun ass Weltfridden, d'Eenheet an der Villfalt. Also e Gaart mat villen d'Zorte Blummen, net nëmme eng d'Zort. Eng Welt, wou all Mënsch sech fräi entfale kann. Wann d'Leit sech wéinst der Relioun streiden a Krich féieren, ass et besser et gëtt keng Relioun. Relioun war an ass haut nach oft Ursaach vu Krich an Haass op der Welt. Et ginn awer och elo ëmmer méi positiv Initiativen. Déi verschidde Reliounen schaffen ëmmer méi oft zesummen. Hei an och weltwäit. Viru kuerzem hat de Pöpst zum Beispill och d'Bahá'í an de Vatikan agelueden fir iwwer d'Zukunft vun der Mënschheet ze diskutéieren. Mir müssen einfach zesumme schaffe wa mer gären eis Problemer léisen. Aleng geet dat netméi. D'Bahá'í liewen haut an 232 Länner an onofhängege Gebitter. Et fënnt ee Bahá'í a méi wéi 2000 Volleksgruppen a Stämm.

Déi grouss and eiweg Wourecht si bei all Relioun déi selwecht. Zum Beispill Sāi Noper gār hunn, an engem aneren näischt doen, wat ee selwer net gār huet. Dess eiweg Wourecht fënnt een am Juddentum, Chrëschtentum, am Islam, am Buddhismus, am Hinduismus an am Bahá'í Glawen. Gott scheckt eis vun Zäit zu Zäit Propheten, déi eis proposéieren, wéi mir matenee lieue sollen. Wann een dat elo reng zäitlech gesi kuckt, da war dee leschte

Prophet, dee Gott eis geschéckt huet, Bahá'u'lláh, am 19te Jorhonnert. Virdrun waren dat Propheten wéi de Mohammad, de Jesus, de Moses, de Buddha, de Krishna an den Zarathustra. Op mannst sinn dat déi, déi eis bekannt sinn. Gott manifestéiert sech also duerch seng Propheten. D'Bahá'í nennen se och Manifestatiounen vu Gott, oder Gottesoffenbarer.

Wann déi eenzel Reliounen am Wesen dat selwecht soen, wéi d'Léift zu eisem nächsten, Gedold, Matgefill, Frëndlechkeet a Verzeie kënnen, firwat hu mer da net just eng Relioun? Et wier jo vill méi einfach. Dat ass sécher. An eigentlech hu mer och just eng Relioun. Och wann se verschidden Nimm dréit.

Bahá'u'lláh seet dass d'Wourecht relativ ass, an net absolut. Wat fir d'Wëssenschaft haut zum Beispill wouer ass, ka mar falsch sinn, wann se zum Beispill eng nei Entdeckung gemaach huet. An de Mënsch selwer entwéckelt sech a wiesst. An zwar net nëmmen deen eenzelnen, vun der Gebuert bis zum Doud, an duerno. Mee och d'Mënschheet als Ganzt. Wann een deen Eenzelnen a seng Entwécklung, vun der Kandheet bis als Erwuessene kuckt, kann een och d'Mënschheet als Ganzt, als eng Eenheet betruechten, déi eng kollektiv Entwécklung matmecht. An haut, no zéchtausend Joer Entwécklung Mënsch, ass d'Mënschheet un deem Punkt ukomm, wou si aus hirer Pubertéit erauskomm ass. Am Ufank hunn d'Mënsche jo emol a Gruppen an Horden zesumme gelieft, duerno als Stämm, als Vollkësstämme a méi spéit an onofhängegen Natiounen. Endlech ass et méiglech Erwuessen ze sinn. Ech betounen hei et ass méiglech, Erwuessen ze sinn. An dat heescht, a Fridde kënnen mateneen ze liewen. Dat heescht das eis kleng Äerdkugel am Fong nëmmen ee Land ass. Ee Land mat ville Kulturen a Gebräicher, en onheemleche Räichtum.

Firwat brauche mir als Mënschheet dann een deen eis weist wéi mer solle matenee liewen? Vergläiche mer dat mat der Erzéiung déi mir an eis Kanner kruten oder kréien, versti mer ganz schnell wéi wichteg Erzéiung ass. Ganz einfach wesentlech Saachen, wéi liesen a schreiwen. Héiflechkeet, Frëndlechkeet, Gedold a Matgefill si jo zum Beispill all Qualitéiten, déi ganz nützlich sinn. Vu dass mir jo och net nëmmen ee Schoulmeeschter hunn, vun der Spillschoul bis op d'Uni, kann een och verstoen dass et an der Relioun och sou änlech ass. Dee Schoulmeeschter mécht jo och keng Algebra an Algorithmen an der Spillschoul, och wann en dat kann. Sou kann een dat zum Beispill mam Jesus vergläichen. Fréier haten d'Mënschen einfach en anert Opfassungsverméigen wéi haut. Déi eiweg Wouchten sinn zu all Zäit gültig awer net déi méi praktesch Saachen. Wéi mer matenee liewe sollen. Déi ännere sech. Déi entwéckele sech. Bahá'u'lláh ass den éischte Reliounsbegrënner deen eis ganz konkret seet, wéi mer gutt matenee kënnen liewen. Hien huet nëmmen een Zil: D'Eenheet vun der Mënschheet ze erméiglechen a seet: Des Äerd ass nëmmen ee Land an all Mënsche si seng Bierger. D'Bahá'í Relioun ass nom Chrëschtentum déi am wäitverbreetste Relioun op der Welt. D'Bahá'í Relioun huet keng Paschtéier, keng Bëscheef, kee Clergé.

D'Redaktioun vun Zeit für Geist, eng Zeitung déi Iddien a Virschléi fir eng besser Welt vermëttelt, invitéiert den Donneschdeg, 8te Juni um 8 Auer owes op eng Diskussiounsrönn mam Farah Dustdar, Politikwëssenschaftlerin iwwer d'Thema: Politik a Moral, nei Spillregelen fir eng gläufwierdeg Demokratie. Zwou Wouchen drop, den 22te Juni, schwätzt den Nazareno Gottardi, Physiker a Nuklearinspektor bei der Europäescher Gemeinschaft iwwer d'Éierlechkeet vun de Wëssenschaftler. An dat am Bahá'ízenter, 17, allée Léopold Goebel an der Stad. Telefon: 44 22 20.

7 Motivatioun

7t Sendung. Dëschdeg 13ten a Freideg 16te Juni. An elo d'Rubrik vun de lëtzebuerger Bahá'í. Um Mikro de Jean-Marie. Dëslescht, an der Cantine vum Centre de Langues, freet mäin ale Kolleg mech. So Jean-Marie, wou kriss du dann deng Motivatioun hier. Ma dat ass eng gutt Fro. Wou ech meng Motivatioun kréien. Sou eppes freet een sech jo net all Dag. Sou richtig hat ech mer et och nach net iwwerluecht. Ech mengen, normalerweis huet ee mat 37 seng Aarbecht, déi engem Spass mécht oder och net. Et huet ee vläicht eng Famill an een zwee Kanner. A normalerweis muss ee kucken, dass een iwwer d'Ronne kënnt, finanziell gesinn. Domat ass ee jo awer längst net zefridden. Wat ech u mengem Kolleg, dem Chrëscht esou gutt fannen ass dat hei. Viru Joeren huet hie sech fir d'Stroossekaner vu Sao Paulo agesat. Hie wollt hinnen hëllefen. And dat huet hien och gemaach. An dat huet him selwer och vill Satisfactioun bruecht. Ëmmer erëm kënnt et vir, dass ech nei Saachen entdecken, e flotte Saz liesen, eppes wat mech inspiréiert. Et ass oft dat wat mech motivéiert. Natierlech och méi Bouf. Hie kritt der elo zeng. Kanner sinn ëmmer nees faszinéierend. Vun hinne kann ee vill léieren. Mir kenne jo d'Spréchwuert: Mat fale léieren d'Kanner goen. An do mengen ech, solle mer roueg Kanner bleiwen. Well mir wësse jo och dass een deen näischt mécht, och näischt brécht. Mee bei eis Erwuessener soll jo alles perfekt sinn. Mat deem Drang no Perfektioun erreeche mer net vill. Den Trick ass fir vill Iddien ze hunn, an déi schlecht ewechzegeheien. A sou richtig zefridde sinn ech am Fong net. Schlecht ass dat net onbedéngt. Sou laang ee positiv ass a versicht den nächsten Dag vläicht eppes besser ze maachen, eppes anescht ze maachen, wéi den Dag virdrun. Dat erëm setzt viraus, dass een, iergendwann am Dag eng Kéier, iwwer dat nodenkt wat een daagsiwwer alles gemaach huet. Zum Beispill: an do hunn ech awer direkt geflucht, wéi dee mer d'Virfahrt geholl huet oder an deer Situatioun hat ech iwwerhaupt keng Gedold. Et ass nämlech vill méi einfach sech all Dag e bëssen ze verbessern, wéi op eemol wëllen alles an enger Kéier ze

maachen. Mee wéi oft kënnt et mer vir, dass eng Woch vergaang ass, ruckzuck, einfach so, ouni irgendwann eng Kéier nogeduecht ze hunn, wat ech eigentlech gemaach hunn. Einfach e puer Minuten am Dag fanne fir d'Rou ze genéissen, ofzeschalten, e bëssen ze meditieren. Dat ass flott. Jo, an da fänken ech gär un, mech mat aneren ze vergläichen. Ech froe mech. Wat hunn ech da schonn alles mat menge 37 Joer ëmgerappt. Ass et derwäert driwwer ze schwätzen. An dann denken ech. Ma lues Jean-Marie. Du kanns dech jo guer net mat anere vergläiche. Et ass jo keen d'selwecht wéi den aneren. Et huet jo net jiddereen déi selwecht Fäegkeeten a Méiglechkeeten. Jo, a sou geet et mer mat ville Saachen. Meng Repère kréien ech meeschtens aus de Bahá'í Schrëften. D'Bahá'í Relioun gëtt mer en Halt. Ech weess dass vill Leit soen: ech brauch keng Relioun déi mer seet wat richteg a falsch ass. Ok, ech hu jo ëmmer nach mäi fräie Wëllen. Mee vun iergendwou kréien ech ëmmer meng Informatiounen. Vun doheem, wat ech an der Zeitung liesen. Wat ech um Radio héieren. Wat ech um Fernseh gesinn. Wat meng Frënn mer zielen. Alles dat dréit derzou béi, wéi ech iwwer eppes denken. De Bahá'í Modell ass bis elo dat bescht wat ech fonnt hunn.

6-7 Milliounen Leit sinn zur Zäit amgaang, weltwäit dës Modell ze probéieren. Et gëtt kee Mënsch op der Welt dee perfekt ass. Awer et ginn ëmmer méi Mënschen, déi e bessert Liewen ustriewen. E bessert Liewe fir sech selwer an e bessert Liewe fir déi, deenen et net sou gutt geet. Mäi Kolleg de Chrëscht, deen de Strossekanner zu Sao Paulo hëlleft, ass kee Bahá'í. Mir ginn awer gutt eens mateneen. Ech brauch nun eemol eng Visioun vun enger besserer Welt. Eng Welt an där mir a Fridde mateneen liewe kënnen. An de Bahá'í Schrëfte fannen ech eng Onmass vun Ureegungen fir mäin deeglecht Liewen, praktesch Uregungen, déi ech direkt kann ëmsetzen. D'Bahá'í Schrëfte soen eis: „*D'Wuert Gottes ass wéi eng Luucht an hiert Liicht ass dës Saz: Dir sidd all d'Frichte vun engem Bam an d'Blieder vun engem Aascht. Fuert mateneen an déiwer Léift an Eenegkeet, Frëndschaft a Verbonnenheet. Hien, d'Sonn vun der Wourecht bezeit: Sou staark ass d'Liicht vun der Eenheet, dass si d'ganz Äerd erliichte kann.*“¹

D'Redaktioun vun Zeit für Geist, eng Zeitung déi Ideen a Virschléi fir eng besser Welt vermëttelt, invitéiert den Donneschdeg, den 22te Juni, op en Diskussiounsowend mam Dr. Nazareno Gottardi, Physiker a Nuklearinspektor bei der Europäescher Gemeinschaft iwwer d'Eierlechkeet vun de Wëssenschaftler. An dat am Bahá'í-izenter, 17, allée Léopold Goebel an der Stad. Fir méi Info iwwer dësen Owend, telefonéiert dem 44 22 20. Des Rubrik gouf iech wie ëmmer offréiert vun de lëtzebuerger Bahá'í.

8 Eng Formatioun mam Institut Pierre Becker zu Uewerdonven, Ruhi 1

8t Sendung. Dënschdeg 20ten a Freideg 23te Juni. Haut zielen ech iech vun zwee onvergiessleche Weekender zu Uewerdonven. Mir waren am ganzen zu aacht, vun 18 bis 58. Den Institut Pierre Becker hat dës Formatioun organiséiert. Si heescht: Nodenken iwwer dat geeschteg Liewen. Wéi fänkt d'Liewen un a wat ass den Doud, wat ass de Sënn vum Liewen, wat ass d'Natur vun der Séil, firwat brauche mir en Erzéier, wat geschitt mat der Séil nom Doud a wéi kënne mer e gutt Liewe féieren?

Ier ech iech kuerz iwwer dës Themen erzielen, wëll ech iech soen, wéi flott et war mat Leit zesummenzeschaffen, déi obscho se all hei zu Lëtzebuerg wunnen, aus aner Länner a Kulture kommen. Sou zum Beispill de Joubin deen d'lescht Joer a Brasilie war, fir do der Bahá'ícommunautéit an engem Entwécklungsprojet ze hëllegen, d'Afsi wat zur Zäit an Amerika studéiert, d'Nikka wat aus Kanada kënnt oder de Bijan vun Ettelbréck, deen awer vill a Bosnien ënnerwee ass. Dräi Lëtzebuerger, de Roland, d'Janet an de Jean-Marie waren och derbäi. D'Buch mat deem mir geschafft hunn, ass a Kolumbien an enger Bahá'í Universitéit iwwer Joeren ausgeschafft, ausprobéiert a verbessert ginn. Et ass e feste Bestanddeel vun der moralescher Erzéiung a Südamerika a méi a Länner interesséiere sech derfir. Hei elo puer vun de Grondgedanken un deene mer geschafft hunn.

Wéi fänkt d'Liewen un a wat ass den Doud? D'Séil ass eng geeschteg Eenheet, déi vu Gott geschaf gouf. Séil a Kierper zesumme maachen e Mënsch. Den Doud ass just de Wiessel vun engem Zoustand, duerno entwéckelt d'Séil sech onendlech weider. De Sënn vun eisem Liewen ass et Gott ze erkennen a bei hien ze kommen.

Deen deen d'Manifestatioun erkennt, also déi grouss Propheten wéi Christus a Mohammed, kënnt Gott méi no. Genee sou wéi een am Bauch vun der Mamm déi Kräfte kritt, déi een an dëser Welt brauch, so soll een an dëser Welt Fäegkeeten entwéckelen, déi een an der nächster Welt gebrauche kann.

D'Natur vun der Séil. Wat ass d'Séil. D'Séil ass en Zeeche vu Gott. Eng Séil déi Gott trei bleift, wäert säi Liicht zrëckstralen a si wäert vun him ugezu sinn. Sech zevill u Saache vun dëser Welt ze klammern verhënnert de Wee vun der Séil zu Gott. Si maachen eis Séil schwach. De Mënsch huet d'Fäegkeet Eegeschaften vu Gott ze entwéckelen. Wat ee sech jo besser kennt, wat ee Gott besser kennt.

Firwat d'Mënschen en Erzéier brauchen. D'Fäegkeeten an d'Talenter vum Mënsch si verstoppt. Si kënnen nëmme mat Hëllef vun der Manifestatioun Gottes entwéckelt ginn. D'Manifestatioun vu Gott ze erkennen ass sou gutt wéi

¹ Bahá'u'lláh, Ahrenlese 132:3

Gott selwer ze erkennen. Duerch eng geeschteg Erzéiung kann ech mech richteg kenneléieren a sou meng gutt Qualitéiten entwéckelen.

Wat geschitt da mat eiser Séil nom Doud? Gott an dësem Liewe kennenzeléieren ass eng eemoleg Geleeënheet. Eis Séil kann doduerch éiweg glécklech sinn. Wann een déi Chance, Gott kennenzeléieren, einfach eweggeheit, wäert een dat nom Doud éiweg bereien. Kee weess genee, wéi eist d'Liewen hei ophale wäert. Dofir soll een deem anere verzeien. Et soll een net mengen, et wier ee besser wéi aner Leit. An der nächster Welt wäerte mir d'Méiglechkeet hunn, mat all d'Zort Geheimnisser vertraut ze ginn. Mir wäerten och d'Schénheet Gottes kucke kënnen. An der nächster Welt wäerte mer all déi erëmgessinn, déi mer gär hunn. Mir wäerten eis un d'Liewen an dëser materieller Welt erënneren.

Näischt an dëser Welt soll mech traureg maachen, virun allem wann ee bedenkt dass mäi Liewen hei, verglach mat deem, wat mech nach erwaart, sou schnell wéi ee kucke kann, eriwwer ass. Et kann nach flott ginn.

Während deenen zwee Weekender zu Uewerdonven hat ech eemol nees d'Geleeënheet fir mech mat ganz anere Saachen ze beschäftegen. Et hëlleft mer, den Alldag mat aneren Aen ze kucken. Ob eemol soen ech mer. Jean-Marie, am Fong gëtt et iwwerhaupt keen Alldag. Anscheinend ass all Dag wéi deem aneren. Opstoen, Kaffi drénken, schaffe fueren, schaffen, iessen, a sou weider a sou fort. Wann ech et fäerdeg bréngen, mäi sougenannten Alldag opzefrëschen a mat aneren Aen ze kucken, hunn ech vill erreecht. Ech ka jo probéieren, méi intensiv ze liewen. Ech ka probéieren, e bësse méi fei mat mengen Aarbechtskollegen ze sinn, ech ka probéieren meng Aarbecht e bësse besser ze maachen, an doheem mech e bësse méi ëm meng Famill ze këmmen. An zum Schluss nach en Zitat aus dem Taoismus: „*De Mënsch ass souwuel mënschlech wéi och göttlech. Dat Göttlecht an him dauert éiweg an huet onendlech vill Wäert. Dat Mënschlecht ass vergänglich, dat Göttlecht ass onvergänglich. Dat Gutt am Mënsch kennt vu Gott.*“¹

9 Bahá'u'lláh an d'Welt am Ufank vum erwuessenen Zäitalter

9t Sendung. Dëschdeg 27ten a Freideg 30te Juni. Bahá'u'lláh ass de Begrënner vun der Bahá'í Relioun. Dat drëtt Jordausend steet virun der Dier. Ech huele mer haut e bësse Zäit, fir iwwer d'Welt an dat wat mir draus gemaach hunn, nozedenken. An ech gesinn dass mir mat ganz ville grouse Problemer konfrontéiert sinn. Mir brauchen eng nei Approche, wéi mir d'Natur vum Mënsch gesinn a wéi mir d'Natur vun der Gesellschaft gesinn. Eng Approche, déi kohärent an harmonesch ass. Wat ass also de Mënsch, a wat ass d'Gesellschaft? Bahá'u'lláh huet e sou eng Approche a senge Schrëften entwéckelt. Hien huet am 19te Jorhonnert gelieft, vun 1817 bis 1892.

Bahá'u'lláh seet dat hei: Et gi Kräften déi eng positiv Wierkung op d'Natur vum Mënsch hunn. Dës Kräften komme vun deem Göttlechen. Dës göttlech Kraaft weist sech ëmmer nees an der Geschicht. Duerch si konnten dem Mënsch seng moralesch a geeschtesch Fäegkeete sech lues a lues entwéckelen. A sou konnt dann eis Zivilisatioun Fortschrëtter man. Dese Phenomeen widderhëlt sech permanent. En hängt mat de Missiounen vun aussergewöhnleche Wiese wéi Krishna, Moses, Bouddha, Jesus a Mohammed zesummen. E Phenomeen dee weder en Ufank nach en Enn huet, well e ganz einfach e Bestanddeel vun eiser Entwécklung ass.

Mir hunn dat ni verstan, obscho mir jo awer vun dëser Entwécklung profitéiert hunn. Just de contraire. All Kéier, wann d'Mënschheet eng nei geeschteg Erfahrung matgemaach huet, huet si och eng nei reliéis Struktur opgebaut. Bis haut ass et esou, dass déi nei geeschteg Kraaft, déi mystesch Begeeschterung, déi sech am Laf vun der Geschicht ëmmer erëmm gewisen huet, gebremst ginn ass, an dëst duerch intern Widderspréch a Streidereien.

Bahá'u'lláh vergläicht d'Maturitéit vun der ganzer Mënschheet mat deer vum Eenzelnen. Jidderee muss an de verschiddenen Etappe vun sengem Liewen, also no der Gebuert, an der Kandheet an als Jugendlechen, ëmmer nees struewelen a sech Méi ginn, fir kënnen weiderzekommen am Liewen. Haut ass d'Mënschheet op dee Punkt ukomm, wou si erwuessen ass. Mir bréngen et elo fäerdeg, eis ganz Entwécklung ze verstoen. Dat ass méiglech, well mir dat Ganzt haut kënnen gesinn. Mir kënnen eis Gemeinsamkeet gesinn. D'Erausfuerung ass déi, dass mir erkennen a verstinn, dass mir nëmmen ee Vollek sinn. Wa mir dat maachen, da geet et dorëms, dass mir zesummen d'Fundamenter vun enger Weltzivilisatioun leeën. Dofir musse mir eis vun enger Rei Saache befreien, wéi zum Beispill engem egoistischen Individualismus oder engem Glawen, deem eis an eisem Denken anengt.

D'Kraaft déi dëst Weltgewëssen zum Virschäi bréngt ass d'Weltoffenbarung vu Gott. E Versprieche vun dëser Offenbarung fanne mir an all den hellege Schrëfte vun der Vegaangenheet. De Spriecher vun dëser Offenbarung ass Bahá'u'lláh. Seng Léiere stellen eng Skizz duer. E Modell vun der sozialer Organisatioun vun eisem Planéit. D'Léiere vu Bahá'u'lláh an den Afloss déi si op eis Zäit hunn, ass dat wesentlescht Evenement vun eiser Zäit.

¹ Roland Greis, s.17 Der Mensch ist zum Fliegen bestimmt, Bahá'í Verlag

10 Wéi een dat bescht aus eise Kanner an aus eis selwer erausbréngt

10t Sendung. Dëschdeg 4ten a Freideg 7te Juli. Déi wuel wichtegst Aufgab vun all Mamm a Papp ass déi, fir hire Kanner e puer Grondugenden mat op de Wee ze ginn, e puer gutt Naupen. D'Buch wat ech iech haut kuerz virstellen, ass esou opgebaut, dass et iech bei dëser Aarbecht hëlleft. Dëse Guide hëlleft iech, Matgefill, Versteesdemech, Generositéit oder Mëtschgiwegkeet, Guttheet, Entgéintkommes a Frëndlechkeet an är Famill ze bréngen. Mech huet Buch direkt ugesprach, well hei net vill philosophéiert a gebraddelt gëtt. Et geet em ganz konkret Eegeschafte, déi ech bei mir a menge Kanner entwéckele kann.

Zesummegeallt ass dëse Guide vum 'Virtues Project', enger internationaler Organisatioun. Si huet sech et zur Aufgab gemaach, geeschtegt Wuesstem bei jonk an al ze fërderen. Dëse multikulturellen and interreligiöse Guide weist Elteren an Erzieher, wéi een aus Wieder konkret Aktiounen an aus Idealer, Realitéite mache kann. Déi 52 Dugenden, déi een am Buch fënnt, eng fir all Woch, stamen aus all deene grouse Weltreligiounen. Sie stäerken d'Zesummesinn am Familljeliewen. Déi einfach Strategien hëlleft Kanner aus all Alter sech op eng interessant Aart a Weis un dem Prozess vu Wuesstem an Entdeckung ze bedeelegen a matzemaachen.

D'Buch erkläert wat déi jeeweileg Dugend ass, wéi een se kann üben a léieren, an hëlleft engem erauszefannen, ob ee sech scho mat dëser Dugend verbessert huet oder op ee nach drunn ze schaffen huet. Et ass schonn aleng flott erauszefannen wéivill verschidde gutt Dugenden et iwwerhaupt sou ginn, a wat et dann heescht, zum Beispill opriichteg, frëndlech, oder gedëlleg ze sinn.

Am Buch léiert een d'Sprooch vun der Integritéit, der Léift an dem Respekt vu sech selwer. Et weist engem, déi fënnef Rollen, déi Eltere spillen, ze verstoen. Am Buch entdeckt een nei Weeër fir Zäit zur Meditatioun an d'Familljeliewen anzeféieren. Et weist iech, wéi dir Kanner hëlleft kënn, moralesch Entscheedungen ze man.

De Guide gëtt Erwuessenen a Kanner Geschir fir geeschtlech a moralesch ze wuessen. An dat duerch einfach Übungen, déi eis hëlleften, dat Bescht aus eis erauszubréngen.

Am Firwuert steet dass d'Aufgab vun den Elteren, déi wuel schwéierst a komplex Aktivitéit op eisem Planéit ass. D'Eltere sinn dem Kand seng éischt a wichtegst Erzieher. Trotzdem kréien Eltere keen oder bal keen Training wat se solle man a wéi se et solle man. Leider kommen d'Kanner ouni Gebrauchsanweisung.

De Guide baséiert op véier Grondprinzipien: D'Eltere sinn déi éischt Erzieher vum Kand.

Kanner gi gebuer mat ongeheier Méiglechkeeten: hir natierlech Qualitéiten kënnen sech a positiv oder negativ Eegeschafte entwéckelen. Dëst hängt virun allem dovun of, wéi eng Erziehung si an den éischte Joer kréien. Charakter entwéckelt sech an deem d'Kanner léieren, responsabel a moralesch Entscheedungen ze treffen. Egeléift a Selbstwäert sinn e natierlecht Resultat wann een no geeschtege Prinzipien a Wäerter leeft.

D'Bahá'í Schrëfte soen dass fir haut déi wichtegst Aufgab fir den Einzelnen doranner besteet, e gudde Charakter ze hunn, gutt Manéieren an dat mer versiche sollen eist allgemengt Behuelen ze verbesseren. Dat, sou d'Bahá'í Schrëften ass d'Haaptuléies vu Gott a senge Propheten, nämlech, der Séil vum Mënsch eng Erziehung ze ginn an de Charakter vu jidderengem ze verbesseren an ze verfeinern. Wahrhaftegkeet and Eierlechkeet sinn d'Fundament vun allen Dugenden. Ouni dës Wahrhaftegkeet an Eierlechkeet ass Progrès an Erfolleg an all de Welte vu Gott onméiglech. A wann dës Qualitéit beim Mënsch fest etabléiert ass, da kann hien sech och all déi aner göttlech Qualitéiten uneegnen. Wat eist eegent Liewen an eise Charakter ugeet, ass Bahá'u'lláh ganz vehement. Soll de Bahá'í Glawen sech mat Erfolleg entwéckelen, da geet dat nëmme duerch eng Saach an eng Saach aleng. Anzwar an deem Mooss wéi eist eegent Liewen an eise ganz perséinleche Charakter dës éiweg Prinzipien erëmispigelen.

D'Buch heescht, The Family Virtues Guide, zesummegeallt vum Linda Kavelin Popov am Plume Verlag, ISBN Nummer 0452278104. Et ass op Englesch an Dir kritt et an all gutt Librarie oder am Bahá'í Zenter, allée Léopold Goebel, Tel 442220. D'Sektioun Diddeleng vun der lëtzebuerger Vereenegung vu Bahá'í Fraen invitéiert op de Marché du Tiers Monde, de Sonndeg 9te Juli vun 11 bis 6 Auer. Wann der wëllt um Stand mathëllef, da mellst iech beim Farideh Baki um Telefon 522521. Zu Léifeng organiséiert d'Famill Saberi all Freides vun 2 bis 4 eng Verdéiung, déi sech op d'Ruhi Method baséiert. Fir méi Info telefonéiert der Famill Saberi um 835765. Zu Housen am Café des Sports fënnt all 2te Freideg en Diskussiounsowend statt: Thema: Ech diskutéiere mat, D'Potenzial vum Einzelnen. De Gilles Molitor huet méi Info um Telefon 26910059²

11 D'Executioun vum Báb

11t Sendung. Dëschdeg 11ten a Freideg 14te Juli. De 9te Juli. E wichtige Dag am Bahá'í Kalenner. Bei eis am Land, wéi och an all aner Land, war de leschte Sonndeg besonnesch. De 9te Juli, virun 150 Joer genee, ass de Virleefer vun der Bahá'í Relioun gestuerwen. Bahá'í uechter d'Land hunn sech zesummeefonnt fir dësen Dag ze commémoréieren. Fir vill Leit, déi sech nach net sou laang mat der Bahá'í Relioun befaassen, war dësen Dag och eng gutt Geleeënheet, méi iwwer d'Geschicht kennenzelieren.

Anzwar dréit et sech ëm e jonke Mann, bekannt als de Báb, wat iwwersat eng Dier, eng Ouverture bedeit. Hien huet sech a Persie beméit, sozial a reliéis Reformen ze verbreed. Hien huet en neit Zäitalter prophezeit, en Zäitalter vu mënschlecher Entwécklung. Vill Leit ware vu sengen Iddien inspiréiert a sou hat hien eng Onmass vun Unhänger. Dat wat hie sot, huet deenen, déi deemools un der Macht waren, wéineg gefall. Schliesslech war d'Gefor jo grouss, dass si hiren Afloss géife lues a lues verléieren. Sou huet et dann och net laang gedauert, bis de Báb festgeholl gouf. A schliesslech ass hie vun engem Schéisskommando executéiert ginn. D'Geschicht ronderëm dëst Evenement ass eleng eng Emissioun wäert. Net nëmmen ass hien, de Báb higericht ginn, mee och Dausende vu sengen Unhänger sinn ëmbruecht ginn. Seng Léieren awer si net mat him gestuerwen. Si sinn haut d'Fundament vum weltwäite Bahá'í Glawen.

Wann een sech e bësse mam Liewen an Doud vum Báb, dem Virleefer vun der Bahá'í Relioun a vu Jesus Christus beschäftegt, fënnt een eng Rei Änlechkeeten an hirem Liewen an hiren Doud. Interessanterweis, wollten déi persesch Autoritéiten, dass en Doktor aus dem Westen de Báb viru senger Hiriichtung ënnersiche sollt. En Irlänner, den Dr Cormick. Hie sot spéider dass de Báb him sot, dass eng Zäit géif kommen, wou souguer Europäer seng Relioun géifen unhuelen. Den Dokter war dovun net iwwerzeegt. Haut géife sech sécher wonnere wann e geséich, wéi dem Báb säi Liewen haut op dausende vu Plazen uechter d'Welt commemoréiert gëtt.

An et gëtt ni d'selwescht commemoréiert. An deene 15 Joer, wou ech elo Bahá'í sinn, hat ech schonn d'Geleeënheet, bei ville Bahá'í Feierdeeg derbei ze sinn, an dat op verschidde Plazen, Sou zum Beispill zu Haifa, Israel, dem administrativen a geeschtleche Weltzentrum vum Bahá'í Glawen, an Irland, an Däitschland, Frankräich, der Belsch, der Schwäiz, Lichtenstein a natierlech bei eis am Ländchen. Entweder ass de lokale Rot aus der jeeweileger Uertschaft fir de Programm zoustänneg, oder deejéinege bei dem d'Feier oder d'Commemoratioun stattfënnt. Leschte Sonndeg war ech zu Iechternach bei der Famill Balazadeh fir dës Commemoratioun agelueden. Mir waren ongeféier zu zwanzeg. Ausgewielte Gebieder aus de Bahá'í Schrëften si vun eenzelne Kanner an Erwuessener gelies a gesonge ginn. Dertëscht si kuerz Texter iwwer d'Evenement vun dësem Dag virun 150 Joer virgelies ginn. Duerno gouf et dann wonnerbart Iessen, mat Dessert, Kaffi an Téi. Dobäi bleift ëmmer Zäit fir al Kollegen a Frënn erëmzegesinn an neier kennenzeléieren. Ausser dem 9te Juli ginn et am Bahá'í Glawen nach aacht aner Féierdeeg, während deenen ee wa méiglech net schaffe soll.

12 D'Nonzéngdeegfest

12t Sendung. Dëschdeg 18ten a Freideg 21te Juli. D'Nonzéngdeegfest. Eng Mëschung vu Gebiet, Bridderlechkeet an Demokratie un der Basis. D'Weltuerdnung vu Bahá'u'lláh, dem Begrënner vun der Bahá'í Relioun, ëmfaasst all Deeler vun der mënschlescher Gesellschaft. Dat sinn déi geeschteg Entwécklung vum Liewen, déi administrativ an déi, déi sech op eis Gesellschaft bezéien. Déi dräi Entwécklung ginn op vill Aart a Weise vum Mënsch ausgedréckt. Sou gëtt eng nei Zivilisatioun opgebaut. D'Nonzéngdeegfest, un der Basis vun eiser Gesellschaft, huet dës 3 Deeler a sech. Wann D'19 Deegfest am Duerf, an der Stad an an der Grousstad seng Aufgab erfëllt, dann ass dat eng Institutioun, un dem all Bahá'í sech bedeelegt. Eng Geleeënheet fir opzetanken, Eenheet a Gemeinsamkeet ze fërderen, de Fortschritt ze sécheren a virun allem frou ze sinn a Freed ze bréngen. All Member vun der Bahá'ícommunautéit fillt sech duerch seng Partizipatioun un de Bahá'í Aktivitéite bedeelegt. Et ass déi éischt Kéier an der Geschicht (vun de Reliounen), datt et net duergeet just ze gleewen. D'Halschent vum Bahá'í Liewen ass aktiv Bedeelegung un de Bahá'í Aktivitéiten. Dat ass natierlech just eng spirituellt Obligatioun, dat heescht et gëtt keen deen eis kontrolléiert. Well et am Bahá'í Glawen sou keng Hierarchie gëtt.

D'19 Deegfest ass d'Häerz vum Liewen an der Bahá'ícommunautéit. Et fënnt all 19 Deeg statt, also um éischten Dag vun all Bahá'í Mount treffen sech d'Bahá'í weltwäit an hirer Gemeng. Op eng reegelméisseg Aart a Weis gëtt versicht d'Eenheet an der Bahá'í Gemeng ze stäerken. D'Nonzéngdeegfest besteet an der Haaptsaach aus dräi Deeler. Engem geeschtegen Deel, an deem Gebieder an Texter aus de Bahá'í Schrëften an aneren hellége Schrëfte gelies oder gesonge ginn. Duerno kënn deen administrativen Deel. Do ass et de lokale Rot vun der Gemeng deen do matdeelt, wat alles gemaach ginn ass, wéi eng Projeten a Problemer uleien, wat et Neits gëtt aus dem Weltzentrum, oder Neiegkeete vum Nationale Rot. Jiddereen huet bei dëser Geleeënheet och d'Méiglechkeet, Uregungen a Rekommandatiounen ze maachen, oder iwwer eppes ze beroden.

D'Berodung ass e wichtegt Fundament vun der Bahá'í Administratioun. Hei ganz kuerz déi véier wichtegst Punkten déi een fir eng Berodung brauch. Éischstens: all déi néideg Informatiounen a Point de Vuen zum Thema sichen an zesummestellen. Zweetens: versiche bei der Diskussioun richteraus, éierlech an héiflech ze sinn, ouni d'Leit ze attackéieren. Drëttens: wann eng Iddi eemol presentéiert gëtt, da gehéiert se dem Grupp; also net perforce seng Iddi wëllen duerchsetzen oder Partei ergreifen. A Véiertens: Unanimitéit ass erwünscht, soss gëtt ofgestëmmt an de Beschluss vun der Majoritéit gëtt ugeholl. Wann de Grupp Décisioun trefft, versicht jiddereen se voll a ganz ze akzeptéieren an se ze ënnerstëtzen.

Dee leschten Deel vum D'Nonzégdeegfest ass dee sozialen Deel. Do gëtt zesummen eng Erfrëschung gedronk. Dat lescht D'Nonzégdeegfest wou ech war, war zu Rammeldeng bei der Famill Creitz. Et waren iwwer 20 Leit do, mat engem schéine Programm an zu menger Iwwerraschung engem wonnerbaren Iessen. D'19 Deegfest ass normalerweis nomëttes oder am fréien Owend, sou dass d'Kanner och kënnen dobäi sinn. D'Kanner an d'Jugendlech sinn encouragéiert sou wéit et gëtt sech un allen Aktivitéiten ze bedeelegen.

Dës dräi Deeler, de spirituellen, den administrativen an de sozialen Deel, ginn op ganz vill Manéiere gehalen. D'Nonzégdeegfest respektéiert an encouragéiert kulturell Villfalt.

Wann een Nonzégdeegfest héiert kënnt een och mengen, dass et eng grouss Feier mat vill Iessen a Gedrénks ass. Dat ass net onbedengt esou. An dësem Fall ass et éischter e Fest vu Freed, zesummesinn, e geeschtegt Fest wann ee wëllt. Och wann een elo nëmme Wasser zervéiert, ass dat an der Rei, well jo méi Wäert drop geluecht gëtt, wéi eppes zervéiert an offréiert gëtt. Wat een och muss bedenken, ass dat hei. D'Nonzégdeegfest ass e feste Bestanddeel wann ee Bahá'í ass, an et fënnt een et iwwerall op der Welt erëmm. Et ass ëmmer e bëssen anescht. Well dat hängt jo dervun of, wou D'Nonzégdeegfest ass, a wien d'Texter, d'Gebieder an d'Musek auswielt. Natierlech ass den zweeten Deel, d'Berodung an d'Neiegkeeten och ëmmer anescht. An dee leschten Deel, dee sozialen Deel, léist ganz vill Spillraum zur Kreativitéit. Ganz wichteg bei deem Ganzen ass d'Aart a Wéis wéi et gemaach gëtt, d'Héiflechkeet mat der ee schonn empfang gëtt, ka vill derzoubäidroen, dass een e flotten Nomëtteg oder Owend huet.

Hei zu Lëtzebuerg hu mir ronn eng Dose Lokal Réit uechter d'Land an also och eng Dose Nonzégdeegfest. Frot eemol äre Bahá'í Bekannten, wéi da säi lescht Nonzégdeegfest war!

13 Wat et heescht Bahá'í ginn a sinn

13t Sendung. Dëschdeg 25ten a Freideg 28te Juli. Wéi gëtt ee Bahá'í? Wat heescht et sech zum Bahá'í Glawe bekennen? A wat heescht et Bahá'í sinn? Dës Froen hunn ech mer virun enger gudder Dose Joere gestallt. Ech war an der Mëttschoul wou ech de Walter vu Walfer kennegeléiert hunn. Hien huet de Piano gespilt an ech d'Trompett. De Walter war an ass Bahá'í. Haut wunnt hien a seng Famill a Brasilien. Fir mech war deemools eng Zäit wou ech mer déi üblech grouss Froen iwwer d'Liewe gestallt hunn. Fir meng Elteren war Relioun ni en Thema, éischter Traditioun. Bis ech d'Geleeënheet hat an d'Stad an d'Schoul ze goen, hat ech ni eppes héieren iwwer aner Reliounen. Ech wosst am Fong net, dass et eppes anescht ausser der kathoulescher Relioun géif ginn. Mir sinn d'Ae grouss opgaange. Ech hunn d'Hari Krishnaen an der Stad kennegeléiert, Transzendental Meditatioun, Buddhismus an Taoismus, fir elo nëmmen e puer Richtungen, Reliounen a Philosophien ze nennen, ware fir mech deemools interessant. An sou si mer dann och fréier oder spéider d'Bahá'í iwwer de Wee gelaaf. Si haten hiren Zenter rietserhand wann een den Eecherbiereg eropfiert. Deemools waren et eng gutt Dose Jugendlecher mat deenen ech mech vill opgehal hunn, si ware Bahá'í an et war alles nei fir mech. Fridden mat sech selwer, Weltfridden, d'Eenheet vun der Mënschheet, d'Eenheet vun der Welt, d'Eenheet vu Gott, d'Roll vun der Famill, Erziëung a méi mystesch Theme wéi d'Séil an d'Liewen nom Doud fënnt ee vill an de Bahá'í Schrëften. Fir d'Saach elo net an d'Längt ze zéien, no langem hinn an hir, nodeems ech bal krampfhaft versicht hunn an de Bahá'í Schrëfte Feeler ze fannen, nodeems ech eng ganz Parti Leit hei an am Ausland op Konferenzen a Summerschoule kennegeléiert hunn, war et souwäit. Wat ech méi gesicht hunn, Feeler ze fannen, wat ech méi Wouichten entdeckt hunn déi mer gefall hunn. En plus war d'Atmosphäre an deene meeschte Reunionen a bei de Leit doheem ganz gutt a jidderee war ganz frëndlech. Ech wollt du schliesslech Bahá'í ginn. Et war een Owend um Sennengerbiereg, op engem Bahá'í Feierdag, wou ech meng Kaart ënnerschriwen hunn. Eng einfach Bestätegung dass ech de Jean-Marie, Bahá'u'lláh, Begrënner vun der Bahá'í Relioun unerkennen als Manifestatioun vu Gott fir elo, fir eis Zäit, an dass ech versichen no senge Léieren ze liewen. D'Deklaratiounskaart déi ech ënnerschriwwen hunn, huet einfach en administrativen Zweck, wou meng Address steet, sou dass ech Bahá'í Norichten an Invitatioune ka geschéckt kréien. Dass een einfach weess, wéivill Bahá'í et dann iwwerhaapt gëtt.

Wat ech wëll soen. Bahá'í gi war fir mech eng relativ einfach Saach. Eng Entscheedung, déi ech gemaach hunn an déi ech bis haut nach net bereien. Ech hu natierlech d'Fräiheet, zu all Moment ze soen, nee merci, ech hunn es genuch, ech wëll neméi Bahá'í sinn. Ech brauch et just ze soen.

Kuerz nodeem ech Bahá'í war hat ech eng wonnerbar Geleeënheet d'Weltzentrum vum Bahá'í Glawe méi no kennenzelieren. Ech hu während zwee Joer an Israel gewunnt an do eng benevol Aarbecht gemaach. Dat hellegt Land fir d'Chrëschten, d'Judden, d'Mohamedaner an d'Bahá'í. An dat zu Haifa. Eng onvergiesslech Zäit op enger Plaz, déi fir all Bahá'í déi hellegst Plaz vun der Welt ass, well do Bahá'u'lláh, de Begrënner, begruewe läit. Et ass awer och d'administratiivt Zentrum vum Bahá'í Glawen. Wéi d'Häerz vum mënschleche Kierper. Iwwer dës Erfahrung wäert ech sécher nach eng Kéier e puer Wuert verléieren.

Fir dës Parenthèse zou ze maachen wëll ech soen, dass et fir mech nach eng Bestätegung war, dass meng Entscheedung Bahá'í ze ginn, déi richteg war. Wéi ech nämlech den éischten Dag zu Haifa, de Biereg Karmel,

d'Bahá'í Terrassen eropgaange sinn, hunn ech sou richtig matkritt, dass de Bahá'í Glawen net nëmmen aus schéinen Iddien a Gedanke besteet, mee dass do och eng konkret Schéinheet ass, déi ee kann mat bloussem A gesinn, déi ee kann upacken. Ech schwätze vun de Bahá'í Gäert um Bierg Karmel, de Sätz vum héchste Bahá'í Gremium, den internationalen Archiven a nach villen aneren historesche Plazen. An all dat kritt een net sou richtig mat, wann een net selwer d'Méiglechkeet huet, sech dat unzekucken an ze erliewen. Sech et also sou richtig op d'Long zéien.

D'Motivatioun fir Bahá'í ze bleiwe läit awer nach méi an der Inspiratioun déi d'Bahá'í Schrëfte mer bréngen. Éischens ginn et der zweetens gëtt e kee wichtegt Thema zu dem Bahá'í Schrëften näischt ze soen hunn. Huet iech dach eng Kéier e puer Minuten Zäit fir e puer Zeilen aus de Bahá'í Schrëften unzekucken. Déi däitsch Bahá'ícommunautéit huet eng ganz flott Internetsäit mat interessante Linken, ënnert www.bahai.de.

14 D'Bahá'í Schrëften

14t Sendung. Dëschdeg 1ten August a Freideg 4ten August. D'lescht Woch hunn ech Iech erzielt, wéi ech Bahá'í gi sinn. Bis et esou wäit war, sinn ongeféier zwee Joer vergaangen. Ech wollt nei ufänken. Natierlech geet et net vun haut op mar. Wat mer awer dobäi gehollef huet, waren d'Bahá'í Schrëften. An hinne fannen ech ëmmer erëm Äntwerten an Inspiratioun. Am léifste sichen ech mer en Thema a kucke wat d'Bahá'í Schrëften derzou soen. Haut sinn iwwer 100 Bänner aus dem perseschen an arabeschen iwwersat. Déi allermeescht ginn et op englesch, an dann déi aner grouss Sproochen, spuenesch, franséisch, däitsch, italesch, an sou weider. Bahá'í Schrëfte ginn et mëttlerweil an iwwer 800 Sprochen an Dialekter. Zentral sinn all d'original an authentesch Schrëften zu Haifa an Israel, dem administrative Sätz opgehuewen. Déi allermeescht Texter fannt Dir och um Internet ënnert Bahá'í. Weltwäit ginn et iwwer 30 Verlagshäuser. Hir Aufgab ass et, d'Bahá'í Schrëften an déi jeeweileg Sprooch vum Land ze iwwersetzen. An de Bahá'í Schrëfte fënnt een eppes iwwer all wichtegt Thema. Wann ech elo eng Fro iwwer eppes hunn, wou ech näischt an de Bahá'í Schrëften driwwer fannen, hunn ech d'Méiglechkeet, deem héchste Bahá'í Gremium ze schreiwen a si ze froen. Dëse Gremium gëtt iwwrigens all fënnef Joer vun all de Nationale Réit vun der Welt gewielt. De Gremium ka mer dann eng Referenz zum Thema ginn, oder ka mer soe wou ech an de Bahá'í Schrëfte méi driwwer fannen. D'Visioun vum Bahá'í Glawen ass esou, dass d'Relioun sech weltwäit nach méi verbreed wäert, an dass eng Majoritéit vu Leit de Bahá'í Glawen unhuelt wäerten. Bahá'u'lláh ass net de leschte Prophet, oder Manifestatioun Gottes, dee mer kréie wäerten. Mee sécher fir déi nächsten 1000 Joer wäert d'Bahá'í Relioun hir Gültigkeet behalen. Geschichtlech an zäitlech gesinn, steet de Bahá'í Glawen erréischt am Ufank vu senger Entwécklung. Et si just 100 Joer hir, dass Bahá'u'lláh, Begrënner vun der Bahá'í Relioun, dës Welt verlooss huet. An haut ass de Bahá'í Glawen, nom Chrëschtentum, déi Relioun déi am meeschten op der Welt verbreet ass. An d'Mënschheet selwer steet eréischt am Ufank vu senger Entwécklung. Wéi wichteg de Bahá'í Glawe fir d'Weltentwécklung ass geet aus folgendem Zitat kloer erfir:

„D'Welt ass aus dem Gläichgewiucht geroden duerch d'Kraaft vun dëser gréissten, dëser neier Weltuerdnung. Dat gereegelt Liewe vun der Mënschheet ass opgewullt duerch d'Wierke vun dësem eenzegarten, dësem wonnerbare System. E System, wat bis elo nach kee stierflecht A gesinn huet.“¹

Dëse Modell, de Bahá'í Modell funktionéiert weltwäit fir iwwer sechs Milliounen Leit, aus deenen ënnerschiddlechste Kulturen. D'Bahá'í bidden dem Rescht vun der Welt dëse Modell vum Zesummeliewen un. Si sollen et dach probéieren a selwer entscheeden op et fir si nützlich ass!

D'Internetsäit fir dës Woch kennt aus Frankräich: www.religare.org Do fannt dir eng interreligiéis Referenzbibliothék. Dir hutt Zougank zu den hellege Schrëfte vu siwe grouss Reliounen: d'Bibel, d'Evangelien, De Koran, d'Bahá'í Schrëften, d'Priedegte vum Buddha, d'Baghavad-Gita an Texter vum Zoroaster.³

15 Wat de Jugendlechen eiser Gesellschaft bréngt

15t Sendung. Dëschdeg 8ten August a Freideg 11ten August. Den Dëngscht un der Mënschheet gëtt am Bahá'í Glawe grouss geschriwwen. An der Schoul freet een sech jo sécher, wat wëll ech spéider ginn, wat man ech mat mengem Liewen. An der Zäit wou ee fäerdeg ass mat léieren, oder virum Sutdium an ier een sech vläicht entscheed eng Famill ze grënnen a mat schaffen ufänkt, gëtt e Bahá'í Jugendlechen encouragéiert, sech en halleft oder e Joer ze huelen, fir irgendwou op der Welt en Dëngscht ze leeschten. Dëst Joer gëtt zum Beispill e flotte Video gemaach. Eng Aféierung an de Bahá'í Glawen fir Jugendlecher. Dobäi hëllefen och Lëtzebuerger. De Reiz fir méi wäit ze goen ass och grouss, zum Beispill war de Joubin vun Diddeleng e Joer zu Brasilien an engem Entwécklungsprojet. D'Martine Schoos aus dem Minett huet Schoul gehal an enger Primärschoul zu Haiti. Et kann awer och an engem Spidol sinn, oder an engem vun de Bahá'í Haiser vun der Andacht. Zu New Deli an Indien zum Beispill ass ëmmer

¹ Ährenlese no 70

eng grouss Nofro fir Guide ze sinn am Bahá'í Haus vun der Andacht. Et huet d'Form vun enger Lotusblumm, krut eng Onmass vun Auszeechnungen wéinst der ongewinnnten Architektur. Bis zu 30.000 Leit huelen sech all Dag Zäit, dës Plaz vu Gebiet a Meditatioun ze besichen fir e bësse Rou, Fridden an Ermuddegung ze fannen. Fir sech geeschteg nees opzetanken. Aner Bahá'í Häiser vun der Andacht ginn et hei bei Frankfurt, bei Chicago an Amerika, zu Kampala an Afrika an zu Sidney an Australien.

Ganz besonnesch ass et, kënnen an Israel am Bahá'í Weltzentrum ze schaffen.

Dëse Summer geet de Kian Bayani vu Mamer an d'Martine Wiltgen vu Schwebach fir e Joer op Haifa. De Kian an d'Martine, zesumme mat iwwer 600 aner Jugendlechen, Erwuessenen a Familljen hunn do zu Haifa, dem administrativen a spirituellem Sëtz vum Bahá'í Glawen, d'Méiglechkeet hire Glawe vill méi no kennenzeléieren. Jenodeem wéi eng Fäegkeeten si hunn, bekëmmere si sech zum Beispill ëm déi wonnerschéi Gäert ronderëm de Schräin vum Báb oder si Guide fir all d'Touristen, déi Haifa an d'Bahá'ígäert besiche kommen. D'Ënnerhaltung vun all deenen historesche Gebailechkeeten erfuerdert zum Beispill gutt Handwierker, Leit déi Teppecher kënnen restauréieren, souwéi Moler a Schrainer.

De Sëtz vum héchste Bahá'í Gremium ass jo och zu Haifa um Bierg Karmel. Et ass d'Häerz vun deem d'Impulser an d'Oderen sech ueschter d'Bahá'í Welt verdeelen. Administrativ Fäegkeeten a Computerspezialisten sinn do vill gefrot. Sécher wäert ech nach eng Kéier méi am Détail iwwer d'Bahá'í Weltzentrum schwätzen.

Fir dee Jugendlechen ass sou eng Period vum Dénsgscht eng gutt Geleeëenheet sech besser ze entscheiden, wéi hien de Rescht vu sengem Liewen wëll gestalten. D'Bahá'í Schrëften soen ausdrécklech, dass ee soll eng Aarbecht maachen, déi der Mënschheet en Dénsgscht erweist. Dobäi gëtt all sou Aarbecht als Gebiet ugesinn, sief dat eng Botzfra oder en Dokter, deen operéiert. De Wäert läit an deem, wéi een seng Aarbecht mécht. Zu dësem Thema: Aarbecht als Dénsgscht un der Mënschheet, ginn et eng Rei interessant Bäitrag an der Zäitschrëft TEMPORA, vun der däitscher Bahá'ícommunautéit. Wann der wëllt, schécken ech iech gär eng Kopie dervun.

D'nächst Woch zielen ech iech ausféierlech iwwer de Jugend Festival hei zu Lëtzebuerg. Thema ass Jugend fir Fridden, mam Fari Khabipour vu Lëtzebuerg, dem Nabil Perdu aus Spuenien an dem Roshan Danesh aus der Schwäiz, vum 18te bis den 21sten dëse Mount am Centre Convict. Highlight vum Festival wäert sécher den Ofschlossconcert sinn, Sonndes den 20ten, mat enger ganzer Rei vu Gruppen, hei aus dem Land an de Nopeschlänner. Wéi gesot, méi doriwwer nächsten Dénsgdeg.

16 Jugend fir Fridden

16t Sendung. Dénsgdeg 15ten August a Freideg 18ten August. An elo d'Rubrik vun de lëtzebuenger Bahá'í. JUGEND FIR FRIDDEN. Thema vum Festival dëse Summer am Centre Convict. Um Mikro de Jean-Marie.

Den Europäesche Bahá'í Jugendcommittee organiséiert all Joers eng Rei vu Konferenzen a verschidden europäesche Regiounen, am Osten an am Westen. Dëst Joer ass eng vun de Konferenzen zu Lëtzebuerg. De lëtzebuenger Bahá'í Jugendcommittee, zesumme mat deene vun der Belsch a Frankréich hëllefe mat der Organisatioun. De Festival dëst Joer heescht JUGEND FIR FRIDDEN an ass am Centre Convict, dës Woch, vum 18te bis den 21sten. Dat ganz ass ënnert der Schirmherrschaft vun der Commission Nationale de la Coopération, zesumme mat der UNESCO an der ALNU, der Association luxembourgeoise des Nations Unies.

Jugendlecher aus Frankräich, Däitschland, der Schwäiz, der Belsch an Italien wäerten heihinner kommen. Zweck an Zil vum Festival ass et d'Jugendlech ze encouragéieren iwwer hir Zukunft nozedenken, an ze kucken wéi si hir Ideen a Projeten konkret realiséiere kënnen. Ageluede sinn de Fari Khabipour, Psycholog am Enseignement hei am Land, de Professor Nabil Perdu aus Spuenien an den Här Roshan Danesh, Professor op der Landegg Akademie an der Schwäiz an Affekot um Gebitt vun de Mënscherechter. Während dem Festival gëtt vill a Gruppenaarbecht duerchgeschwat ronderëm Theme wéi: d'Roll vun der Jugend am Opbau vun enger Friddenskultur, wat kann ech man? Mäi Liewen: Ass et einfach Schicksal oder ass et mäi Choix. (Fari Khabirpour) Wéi steet et mat der Welt? Wéi kann ech Konflikter léisen? Kann ech ee sinn, dee vereent? (Roshan Danesh) D'Kraaft vun der Eenheet a wéi ech meng Fäegkeeten entwéckele kann.

All dat sinn Themen iwwer déi um Festival beroden an diskutéiert gëtt. Den Highlight wäert sécher den Ofschlossconcert sinn, an zwar gratis, an dat Sonndes owes, och am Convict.

Jiddereen deen sech vun dësen Themen ugesprach fillt ka méi Info iwwer de Festival kréien an zwar eemol am Bahá'í Zenter. Dat ass den 442220 oder den 021241005 oder den 091369 330, ech widderhuelen, de 442220 oder den 021241005 oder den 091369330. Dës Woch proposéieren ech Iech als Internetsäit, e bësse Musek ze lauschtere vun engem Bahá'í dee Museker ass. Matthew Levine ass säi Numm, hien huet schonn e puer gutt CDen erausbruecht, déi mer ganz gutt gefall hunn. Hie séngt zum gréissten Deel, an oft am Stil Frank Sinatra. Lauschtert einfach eran. Dat ass: www.mp3.com/mlevine

17 Dausend reliéis Perséinlechkeeten

17t Sendung. Dënschdeg 22ten a Freideg 25ten August. An elo d'Rubrik vun de lëtzebuerger Bahá'í. 1000 reliéis Perséinlechkeeten treffen sech bei de Vereente Natiounen op engem historesche Sommet fir Weltfridden.

Et ass déi éischte Kéier an der Geschicht, dass reliéis a geeschtlech Perséinlechkeete vun deene verschiddene Reliounen vun der Welt zesummekommen, an dat zu New York den 28ten dëse Mount. Et geet drëm, wéi ee kann zesumme mat de Vereenten Natiounen eng Partnerschaft vu Fridde opbauen.

Wéi bréngt een et fäerdeg, dass déi reliéis a spirituellt Communautéit weltwäit kënnen zesummeschaffen als interreliéis Partner mat de Vereenten Natiounen, an zwar ganz konkret bei spezifesch Initiativen, wat Fridde, Aarmut an Ëmwelt ubelaangt.

Dat ass d'Zil vun dësem reliése Sommet. Representéiert sinn all Regiounen vun der Welt, souwéi all déi grouss reliéis Traditiounen vu Bahá'í, Buddhismus, Chrëschtentum, Konfuzianismus, Hinduismus, Indigène, den Islam, de Jainismus, de Judentum, Shinto, d'Siks, den Taoismus a Zoroaster.

De reliése Sommet fänkt den 28ten August un, zu New York bei de Vereenten Natiounen. Et wäerten och reliéis Perséinlechkeeten aus den aktuelle Konfliktzone kommen, wéi zum Beispill aus Sierra Leone, aus dem Balkan, Indonesien, Äthiopien, d'Philippinen, Ruanda an dem Sudan. Wéi e Bäitrag kënnen si maachen, déi reliéis Spannungen an hire Géigende méi kleng ze man.

Zu dësem Sommet huet en onofhängege Grupp vun interreliése Perséinlechkeeten, reliéis Fachleit an Theologen opgeruff. Méi Info doriwwer fannt dir am Internet ënnert www.prnewswire.com

Nach eng erfreenlech Neiegkeet aus dem Internet. www.beliefnet.com ass warscheinlech ee vun deene wichtegste reliéis Internetseiten déi et haut gëtt. Et ass en Diskussiounsforum an d'Bahá'í bedeelegen sech vill drunn. Beliefnet leet vill Wäert drop dass virun allem grouss an unerkannte Reliounen sech un den Diskussiounen bedeelegen. Den Chat iwwer d'Bahá'í Relioun um Internet ganz allgemeng on och bei beliefnet huet an der Lescht schéin zougeholl an huet méttlerweil dee selwéchtege Stellwäert wéi aner Reliounen. Dat heescht dass elo de Bahá'í Glawe vun honnerttausende vu Visiteuren op hirer Internetsäit bekannt gemaach gëtt. Nach eng Kéier dës Address wou iwwer reliéis Saachen diskutéiert gëtt: et ass www.beliefnet.com

Eng Nouvelle aus Eisträich: E Bahá'í Geschäftsmann ass gefrot ginn, wéi d'Prinzipie vu sengem Glawen him a senger Aarbecht hëllefen. Den Dr. Faramarz Ettehadieh, e Bahá'í, dee Virsetzende vun der Imperial Finance Group, ass vum Siemens Forum Academy of Life invitéiert ginn iwwer säin erfollegräicht Geschäftsliewen a seng perséinlech Philosophie ze schwätzen. Dëst zu Wien virun 250 Geschäftsleit, Economisten an Universitätsprofessoren.

Dës Academy of Life huet dëst Joer den Dr Ettehadieh gewielt. Zu dësem Ulass ass och en Dokumentarfilm iwwer säi Liewe gedréint ginn. De Film fänkt mat engem Zitat aus de Bahá'í Schrëften un: *D'Äerd ass nëmmen ee Land an all Leit si seng Bierger*. Am Film geet kloer erfier dass säi Liewe vum Bahá'í Glawe geprägt ass.

Nom Film ass den Dr. Ettehadieh vun engem Moderater a sechs Experten aus Economie, Psychologie, Philosophie, Ethik a Gesetz interviewt ginn. Duerno hat jiddereen d'Geleeënheet him Froen ze stellen. Net nëmmen ass hien iwwer seng ekonomesch Strategie gefrot ginn, mee ëmmer nees iwwer seng Relioun a wéi hien d'Bahá'í Prinzipien a sengem Alldag uwennt. D'Imperial Finanzgrupp an hiert Aktiesystem, gëtt ausgewielte Projeten an Entwécklungslänner direkt ökonomesch Hëllef duerch d'Contributioun vun Dividende vun all Investor.

18 Véier Konferenzen am Bahá'í Zenter

18t Sendung. Dënschdeg 29ten August a Freideg 1te September. An deene nächste Wochen hutt Dir d'Geleeënheet u véier Konferenzen deelzehuelen, alleguer am Bahá'í Zenter, 17, allée Léopold Goebel an der Stad an dat um 8 Auer owes.

Innere Edelsteine, die Chance, das Beste in sich und in anderen zu entdecken und zu entfalten ass dat éischt Thema, a gëtt vum Marion Gottardi presentéiert, an dat Méindes owes den 11te September.

Dënschdes owes, den 19te September schwätzt de Fernand Schaber iwwer d'Thema: *Die Zukunft gehört der Jugend, Herausforderung und Potential*.

D'Thema vun der nächster Konferenz ass: *Solutions Spirituelles des problèmes du monde*, op franséisch also mam Dr Nazareno Gottardi, Inspekter bei Euratom. Dat ass Mëttwochs den 11ten Oktober.

Eenheet an der Verschiddenheet mam Georges Pfeiffenschneider ass d'Thema vun der 4ter Konferenz, eng Woch méi spéit, Mëttwochs den 18ten Oktober, an dat wéi och déi aner Konferenzen, owes um 8 Auer am Bahá'í Zenter an der Stad. Tel: 442220.

Zu der éischter Konferenz *Innere Edelsteine, die Chance, das Beste in sich und in anderen zu entdecken und zu entfalten* hunn ech e puer Zitater aus de Bahá'í Schrëfte fonnt: Bahá'u'lláh seet: „*Betrachte den Mënschen als ein Bergwerk, reich an Edelsteinen von unschätzbarem Wert. Nur die Erziehung kann bewirken, daß es seine Schätze enthüllt und die Mënschheit daraus Nutzen zu ziehen vermag.*“

An zum Thema Erzéiung sot 'Abdu'l-Bahá virun 100 Joer dat hei: *Es gibt drei Arten der Erziehung: die körperliche, die mënshliche und die geistige Erziehung.*

Die körperliche Erziehung befaßt sich mit Fortschritt und Entwicklung des Körpers, indem sie materielle Erleichterungen, Behaglichkeit und Entspannung für ihn sicherstellt. Sie gilt in gleicher Weise für Mënschen und Tiere.

Die mënshliche Erziehung bedeutet Kultur und Fortschritt, nämlich Regierung, Verwaltung, Wohlfahrtseinrichtungen, Verkehr, Handel und Gewerbe, Künste, Natur- und Geisteswissenschaften, große Erfindungen und Entdeckungen physikalischer Gesetze. Diese Äußerungen des Menschengesistes maachen den Unterschied zur Tierwelt deutlich.

Die geistige, göttliche Erziehung ist die Erziehung zum Himmelreich. Durch sie erwirbt der Mensch göttliche Vollkommenheiten. Sie ist die wahre Erziehung, denn auf dieser Stufe tritt das Göttliche im Menschen in Erscheinung, und die Worte »Lasset Uns Menschen schaffen nach Unserem Bild und Gleichnis«, werden in ihm offenbar. Dies ist das höchste Ziel der Menschheit.

Dazu brauchen wir einen Erzieher, der zugleich körperlicher, menschlicher und geistiger Erzieher ist, und dessen Autorität in allen Bereichen Einfluß hat. Wenn jemand sagen wollte: »Ich habe einen vollkommenen Verstand und ein rasches Auffassungsvermögen und bedarf dieses Erziehers nicht«, so würde er selbstverständliches leugnen und wie ein Kind sein, das sagen würde: »Ich brauche keine Erziehung, ich werde nach meiner Einsicht und Vernunft verfahren und so alle Vollkommenheiten der Welt erwerben«, oder er wäre wie ein Blinder, der sagen würde: »Ich brauche kein Augenlicht, denn es gibt viele Blinde, die sich zurechtfinden können.«

Die Notwendigkeit eines Erziehers für den Menschen ist demnach klar und deutlich erwiesen. Méi zu dësem Thema wéi gesot, Méindes, den 11te September um 8 Auer owes am Bahá'í Zenter mam Marion Gottardi.

19 D'Jugend op der Sich no enger neier Visioun

19t Sendung. Dëschdeg 5ten a Freideg 8te September. No engem gelongene Festival am Convict iwuer d'Thema: Jugend fir Fridden, bidden d'Organisatoren eng Rei Konferenze mat uschlëssendem Gespréich un. D'Zukunft gehéiert der Jugend, Herausfuerderung a Potential, ass eng vun de Konferenzen, an zwar mam Fernand Schaber, an dat am Bahá'í Zenter, Dëschdes, den 19ten September um 8 Auer owes.

Hei e puer vu senge Gedankegä: Wou steet d'Jugend an eiser haiteger Gesellschaft? Desorientéierung am Fréijoer vum Liewen, an d'Sich no enger neier Visioun. Et läit bei eis selwer.

Zum éischte Punkt: Wou steet d'Jugend haut?

Déi Jugendlech an eis Wegwerfgesellschaft. D'Gefore vun der Konsumgesellschaft. Wéi eng Idoler hu mir haut? D'Anonimitéit an der Mass. D'Flucht ëm all Präis an op d'Käschten anerer. Oflenkung am Plaz Hiwendung. Aus Angscht virun der Rou, sinn der vill, déi sech an d'Fräizäitindustrie flüchten. Si si sech neméi bewosst, dass am Fong, hiert ënnerst, eidel ass. Et langweilt een sech neméi. Domat bleift d'Illusioun vun engem ausgefëllte Liewen weider bestoen. Et leeft ee jo nëmmen eemol, also wa schonn, da scho richtig!

Den Zwang fir deen éischten an dee beschten ze sinn: D'Bild vun enger materialistescher Héichglanzgesellschaft mam Drang zum Extreemen. Iellbougengesellschaft an dat scho vu klengem un. Spëtzesportler, Spëtzegehälter, Topmanager, Spëtze политики si Begrëffer, déi mer onbewosst anootmen. Si beaflossen onbewosst onst d'Handlen an ons Denkweis. Stelle mer eis dach all déi Spëtze vir: Wat ee méi héich ass, wat de Sauerstoff méi dënn gëtt; d'Gefor vun engem schnellen Eroffalen ass héich. Alles an allem e liewensfeindleche Milieu! Näischt géint Weiderentwécklung awer alles am Gläichgewicht vun de Kräften.

Zum zweete Punkt an zwar dee vun der Desorientéierung: Gëtt et dann ënner Ëmstänn eng liewenswäert Zukunft? D'Polaritéiten: Sech selwer erkennen ass nëmmen een Deel vum Ganzen. Den éischte Schrëtt ass ewech vun der

Desorientierung. Et ass méi liicht sech ëm d'Mënschheet ze këmmere wéi ëm de Mësch. Vu wou huele mer dann d'Visioun an déi nei Uerdnung? An dat féiert eis zum drëtten Punkt: D'Sich no enger Visioun.

Et geschéie Wonner iwwerall ronderëm eis: mir musse léieren, d'Schöpfung nees nei ze liesen, nei kennenzelieren! D'Eenheet vun der Mënschheet am neien Zäitalter. D'Kraaft an d'Vitalitéit vun der Jugend. Sech kloer sinn iwwer de Sënn vum Liewen. Courage hunn, anescht ze sinn! Geeschtegkeet an enger materialistischer Welt.

Geeschtegkeet heescht och Liewensfreed, net Asketentum. Et gi vill Méiglechkeeten fir Hëllef ze leeschten. Aus de Bahá'í Schrëften dat hei: „*Sieft iech bewusst, wéi en Afloss a wéi eng Verantwortung dir hut! Geheet e kleng Steng an d'Wasser a kuckt wéi d'Kreesser ëmmer méi grouss ginn: erkennt är Roll a verpasst är Geleeënheet net.*“
"Vernoléisst net d'Fäegkeeten, déi dir krut, a verpasst är héich Bestëmmung net ..."¹

Nächste Méindeg den Owend um 8 Auer schwätzt Marion Gottardi iwwer Thema: Innere Edelsteine, die Chance, das Beste in sich und in anderen zu entdecken und zu entfalten. Wéi ëmmer am Bahá'í Zenter, telefon 44 2220.

20 Den UN Milleniumsgipfel

20t Sendung. Dëschdeg 12ten a Freideg 15te September. Virun iwwer 100 Joer sot Bahá'u'lláh: „*Lasst euren Blick weltumfassend sein, anstatt ihn auf euer Selbst zu beschränken. Befasst euch nicht rastlos mit euren eigenen Belangen! Lasst euere Gedanken fest auf das gerichtet sein, was das Glück der Menschheit wiederherstellen und der Menschen Herzen und Seelen heiligen wird.*“²

D'lescht Woch hu sech fir d'éischte Kéier an eiser Geschicht, iwwer 150 Staats a Regierungschefen aus aller Welt bei de Vereenten Natiounen zu New York zesummefonnt, fir an Aarbechtsgruppen iwwer global Problemer ze diskutieren.

Virun iwwer 100 Joer sot Bahá'u'lláh: „*Die Zeit muß kommen, da die gebieterische Notwendigkeit für die Abhaltung einer ausgedehnten, allumfassenden Versammlung der Menschen weltweit erkannt wird. Die Herrscher und Könige der Erde müssen ihr unbedingt beiwohnen, an ihren Beratungen teilnehmen und solche Mittel und Wege erörtern, die den Grund zum Größten Weltfrieden unter den Menschen legen. Ein solcher Friede erfordert es, daß die Großmächte sich um der Ruhe der Völker der Erde willen zu völliger Aussöhnung untereinander entschließen. Sollte ein König die Waffen gegen einen anderen ergreifen, so müssen sich alle vereint erheben und ihn daran hindern. Wenn dies geschieht, werden die Nationen der Welt außer für die Wahrung der Sicherheit ihrer Reiche und die Aufrechterhaltung der inneren Ordnung in ihrem Staatsgebiet keine Waffen mehr brauchen. Dies wird jedem Volk, jeder Regierung und Nation Frieden und Ruhe sichern. Wir möchten gerne hoffen, dass die Könige und Herrscher der Erde, die Spiegel des barmherzigen und allmächtigen Namens Gottes, diese Stufe erreichen und die Menschheit vor dem Angriff der Tyrannei beschirmen werden.* ...“³

D'lescht Woch um Millenium Forum, hat den Techeste Ahderom, Repräsentant vun der internationaler Bahá'ícommunautéit bei der Vereenten Natiounen, d'Méiglechkeet, viru Weltleaderen ze schwätzen an hinnen un d'Häerz ze leeën, sech un enger globaler Partnerschaft mat der ziviler Gesellschaft ze bedeelegen, dat heescht d'ONGen, d'Netregierungsorganisatiounen.

Den UN Generalsekretär Kofi Annan a seng Mataarbechter hu während deene leschte 2 Joer un dëser gréisste Konferenz geschafft. Domat wëllen si en Zeechen am neie Jorhonnert fir Fridde, Fortschritt a Vëlkeverstännegung setzen. D'Resultat vun der dräidegeger Konferenz ass déi sougenannte Jordausenderklärung. Doranner gi bal all aktuell Problemer vun der Mënschheet thematiséiert an éiergäizeg Ziler fir déi nächst Joerzénge gesat.

Sou sollen zum Beispill d'Staate vun der Welt et fäerdegbréngen, dass bis 2015, nëmmen hallef souvill Mënschen op der Welt aarm sinn, dat heescht manner wéi 40 Frang den Dag fir ze liewen hunn, a keen Zougank zu properem Waasser hunn.

An der gläicher Zäit, also 15 Joer, soll d'Ausbreedung vun Aids a Malaria gebremst ginn an all Kanner sollen d'Méiglechkeet kréien, d'Primärschoul fäerdeg ze man.

Ausserdeem soll déi ekonomesch Globalisierung den Ecart tëschent Aarm a räich net méi grouss man, mee fir jidderee gläichméisseg Virdeeler bréngen.

Bahá'u'lláh sot virun iwwer 100 Joer dass d'Aerd nëmmen eng Heemecht ass an all Mënschen hir Birger sinn. D'Bahá'í Schrëfte soen dëst zum Thema: „*Die Vereinigung der ganzen Menschheit ist das Kennzeichen der Stufe, der sich die menschliche Gesellschaft heute nähert. Die Einheit der Familie, des Stammes, des Stadtstaates und der*

¹ Ährenlese

² Ährenlese, 43:5

³ Ährenlese, 117

Nation ist nacheinander in Angriff genommen und völlig erreicht worden. Welteinheit ist das Ziel, dem eine gequälte Menschheit zustrebt. Der Aufbau von Nationalstaaten ist zu einem Ende gekommen. Die Anarchie, die der nationalstaatlichen Souveränität anhaftet, nähert sich heute einem Höhepunkt. Eine Welt, die zur Reife heranwächst, muß diesen Fetisch aufgeben, die Einheit und Ganzheit der menschlichen Beziehungen erkennen und ein für allemal den Apparat aufrichten, der diesen Leitgrundsatz ihres Daseins am besten zu verkörpern vermag. “

Dës Woch proposéieren ech iech eng Internetsäit ze besichen, déi iech en Iwwerbléck gëtt, wat et alles neits weltwäit iwwer d'Bahá'í gëtt. Dat alles ënnert www.enlighten.ca, dat ass www.enlighten.ca Bis haut ass dës Säit 200.000 mol besicht ginn. An dës Rubrik gouf iech, wéi ëmmer präsentéiert vun de lëtzebuerger Bahá'í.

21 International Neiegkeeten an déi offiziell Bahá'í Internetsäit

21t Sendung. Dëschdeg 19ten a Freides den 22 September. E ganz interessanten a schéine Bericht iwwer déi nei Terrassen zu Haifa a wéi d'Stad sech ännert, fannt dir an der renoméierter israelischer Dageszeitung Jerusalem Post vum 31ten August, an dat och um Internet ënnert www.jpost.com

Eng wëchentlech Internetradiosendung mam Titel *Bahá'í Perspectives* kënnt dir elo am Netz héieren. Déi genee Sendezäit fannt dir op der Internetsäit vum Sender, anzwar ass dat: www.abcradio.org

Sydney steet um Kap: An dësen Deeg kuckt alles op Australien. An déi australesch Bahá'í Gemeng huet mat Zäit, mam Ufank vun den olympesche Spiller hir nei Internetsäit vum Haus vun der Andacht bei Sydney fräigeschalt. Dir fannt dës Säit ënnert www.bahai.org.au/temple Interessant ass an dësem Zesammenhang och, dass d'Cathy Freemann lëscht Freideg d'Fakel ugefang huet, fir d'Olympesch Spiller unzufänken. D'Cathy Freemann war Weltmeeschter iwwer 400 Meter a 1996 hat si d'Sëlvermedaille zu Atlanta hanner der Franséisin Marie-Josée Percé gewonnen. D'Cathy Freemann ass Australerin, eng stolz Aboriginal a Bahá'í.

Déi offiziell Internetsäit, d'Bahá'íwelt, krut e Facelift, en Tapéitewiessel. Éischtens lued se mol vill méi schnell wéi déi al. Si ass och méi erfreeleg a méi einfach ze liesen. Déi éischt Säit ass an dräi Deeler agedeelt. Uewen den Titel: Bahá'í World mat enger Rei Leit déi all zimlech frou a glécklech drakucken. Dann op der lénks Säit hutt der d'Méiglechkeet iech d'Säiten op englesch, franséisch, spuenesch, portugisesch oder persesch-arabesch unzekucken. Ausserdeem kritt der do aacht Theme ganz kuerz präsentéiert: Dir kritt, wann der wëllt: eng kuerz Aféierung, en Iwwerbléck iwwer de Bahá'í Glawen, mat de wichtegsten Personagen, Institutiounen, d'Grondléieren, d'Geschicht an d'Aktivitéiten.

Déi zweet Iwwerschrëft befaasst sech mat den Haaptpersonagen an den Institutiounen. Do fannt der méi detailléiert Informatioun iwwer d'Begrënner vum Bahá'í Glawen, d'Quell vun hirer Eenheet an der Successioun vun der Autoritéit zënter der Gebuert vum Bahá'í Glawen.

Geeschteg oder spirituellt Wourecht nennt sech déi drëtt Iwwerschrëft. Do geet et ëm theologesch Sujeten, wéi zum Beispill d'Konzept vu Gott, eise geeschtegen Ursprong, sowéi d'Roll vun der Relioun, d'Roll vum Gebiet an d'Roll vum Liewen an Doud.

Da komme mer bei d'Bahá'í Helleg Schrëften. Douzou gehéieren Auszig aus de Schrëfte vu Bahá'u'lláh, dem Báb an Abdu'l-Bahá, souwéi d'Schrëfte vum Shoghi Effendi, an d'Statements vum Universalen Haus vun der Gerechtegkeet.

Eng Global Communautéit stellt sech duerno vir. D'Aktivitéite vun de Bahá'í ronderëm d'Welt. D'Weltzentrum vum Bahá'í Glawen an d'Initiative vun de Bahá'í bei de Vereenten Natiounen.

Sechste Punkt: Eng nei Visioun fir d'Zukunft fir eis all: Wat soen d'Bahá'í iwwer Friden, weltwäit Prosperitéit, Regéieren op internationalem Niveau an d'Zukunft vun der Mënschheet als e Ganzt.

An der zweetleschter Rubrik fannt dir eraus, wéi d'Bahá'í sech ronderëm d'Welt fir d'Mëscherechter asetzen, fir sozial a moralesch Entwécklung souwéi d'Weiderkomme vu Fraen. An zum Schluss eng Rubrik wou dir Artikelen iwwer aktuell Theme liese kënnt.

Unsech ass d'Internetsäit eng Invitatioun fir all déi, déi méi iwwer eise Glawen wësse wëllen. Fir all déi, déi wësse wëllen, aus wéi enger Perspektiv mir d'Vergaangenheet gesinn, wou mer haut stinn, a wat eis Visioun vun der Zukunft ass. Also konnektéiert iech, www.Bahá'í.org, déi offiziell Internetsäit vum Bahá'í Glawen. Dës Rubrik gouf iech wéi ëmmer offréiert vun de lëtzebuerger Bahá'í. Méi Info um 44 22 20

22 Politik a Moral

22t Sendung. Dëschdeg 26ten a Freides den 29te September. Dës Woch ass d'Farah Dustdar vun der Volkshochschule Solingen agelueden e Virtrag iwwer hiert neit Buch ze halen: „*Vom Makropuluralismus zu einem*

Makropluralistischem Politikmodell“ D’Buch ass am Duncker an Humblot Verlag vu Berlin ze kréien. D’Farah Dustdar ass 1948 am Iran gebuer, a leeft zënter 1967 hei am Land, zu Ettelbréck. Si huet zu Tréier Politikwëssenschaft, Soziologie a Sozialpsychologie studéiert. Si huet schonn eng Rei Bicher verëffentlecht, ënner anneren: D’Fra an de Weltfridden, Usätz zu einer gewaltfreier Gesellschaft an Abschied von der Macht, Demokratie a Verantwortung. Ech hu mech mam Farah Dustdar iwwer hiert neit Buch ënnerhalen an hu probéiert iech e bëssen Appetitt op d’Buch ze man.

Tëschent der Politik an der Moral besteet en uraalt Spannungsverhältnis. Wéi den Aristoteles scho gesot huet, geet et bei der Moral dorëms, fir déi Saachen, déi eis schueden ze ënnerloossen. Mir solle gutt Saache man. An der Politik ass et awer oft anescht. Do steet oft d’Machtstriewen an d’Duerchsetzung vun Interessen am Mëttelpunkt. De Politiker ass gebieden seng Interessen an déi vu senger Partei, an de Leit déi hie gewielt hunn, duerchzusetzen. D’Striwen no Macht steet och ganz oft beim Politiker am Mëttelpunkt. Wat ass d’Konsequenz dovun? Ma et bréngt dat politesch Verhalen an eng aussermoralessch Sphere. Dass dat wat d’Politiker alles sou man, net ëmmer moralesch ass, gesäit ee spëtstens dann, wann een an de Medien ëmmer méi iwwer d’Opdeckung vu politische Skandalen gewuer gëtt. Ausserdeem stousse mer un e puer grondsätzlech Problemer wa mer elo u moralesch Gesetzer denken; well déi Gesetzer bezéie sech oft op eppes, wat een net direkt gesäit. Jidderee vun eis huet e fräie Wëllen an entscheed fräiwëlleg, wat e maache soll. Zum Beispill: Mir wëssen all wat gutt a moralesch ass. Wann et awer drëm geet op ech léie soll oder d’Wourecht soll soen, entscheiden ech selwer; huelen ech Rücksicht op déi aner oder setzen ech egoistesche meng eegen Intressen duerch? An dofir muss de Mënsch sou erzu ginn, dass dat wat e mécht, mat senger moralescher Prinzipien iwerenee stëmmt.

Hei stéisst de Politiker awer op zwee grondleeënd Problemer: éischtens si vill politesch Entscheedungen komplex, villschichtig a mussen während längerer Zäit trätéiert ginn. Dofir ass et oft schwéier ze entscheiden, wat moralesch vertretbar ass a wat net. Beispiller dofir sinn d’Ëmweltproblematik oder d’Rüstung. Zweetens kann d’Politik nëmmen am Kader vun der Verfassung vun engem Staat moralesch handeln. Op internationalem Plang gi Konflikter awer oft duerch Kricher geléist. A wou e Krich ufängt hält d’Moralitéit op. Wa mer gär hätten dass d’Politik mat der Moral iwwerenee stëmme soll, da mussen mer Kricher ganz ofschafen. Dat heescht, Konflikter ouni Gewaltwendung an ouni Waffen, mee duerch Gesetzer léisen. Hu mir et verluer, moralesch ze denken? Moralesch denken, heescht d’Liewe vu jidderengem ze schützen a jidderengem seng Intressen ze berücksichtigen. Fir genee dat setzt sech d’Bahá’í Relioun zenter méi wéi 150 Joer an. Fir eng global Ethik. An de Bahá’í Schrëfte fanne mer dass net deen stolz soll sinn, „*dee säin eegent Land gär huet, mee deen, deen d’ganz Welt gären huet. D’Äerd ass nëmmen ee Land an all Mënsche si seng Bierger.*“

Eis demokratesch Länner hu sech awer historiesch gesinn am Kader vum Nationalstaat entwéckelt. Fir also eng global Ethik an der Politik ze verwierklechen, brauche mer en neit Denken. Mir brauchen en anert Bewosstsinn. An domat verbonnen, müssen eis Wäerter sech och änneren. Wat sinn dës nei Gedanken a Wäertvirstellungen? A wéi kënne mer se praktesch ëmsetzen? Wéi eng nei Spillreegele brauche mer an der Demokratie, fir dass eis Politik eiser Moral och méi no kënnt? Dat sinn d’Froen op déi d’Farah Dustdar an hirem neie Buch méiglech Äntwerte gëtt. Fir méi Info iwwer d’Buch, telefonéiert dem Bahá’í Zenter um 442220.

23 De Bahá’í Glawen um Internet

23t Sendung. Dëschdeg 3ten a Freides 6ten Oktober, an aus Versehen, Dëschdeg, den 10ten Oktober. Hautdesdaags ass et modern eng Internetsäit ze hunn, eng Homepage mat Fotoen, animéierte Biller an e bësse Video wa méiglech. Fir Firmaen a Geschäfte kann eng Internetsäit vill Sue rabréngen. Fir Organisatiounen, Veräiner a Reliounen ass den Internet eng Méiglechkeet, sech der Welt virzestellen, ganz einfach, onkomplizéiert. D’Méiglechkeet eppes um Internet nozekucken hängt net vun enger bestëmmten Zäit of. Et kann een et man, wann ee wëll, oder wann een Zäit derfir huet. Wat de Bahá’í Glawen ubelaangt, sou ass flott ze gesinn, wéivill Variatiounen et gëtt: wéivill ënnerschiddlech Internetsäiten. Säite, vun eenzelne Bahá’í, Säite vun Institutiounen, wéi zum Beispill engem lokale Rot, oder Säite vun der jeweiliger Nationaler Bahá’í Gemeng. Et ginn awer och Säiten mat verschiddenen Interessen, wéi zum Beispill Bahá’í Säiten iwwer Thema Konscht a Musek, Medezin a Gesondheet, oder Economie a Wirtschaft. An da gëtt et déi offiziell Internetsäit iwwer de Bahá’í Glawen, www.bahai.org, zesummegeallt vun der internationaler Bahá’ícommunautéit. D’BIC, d’Bahá’í International Community, wéi se besser bekannt ass, repräsentéiert de Bahá’í Glawen op internationalem Plang no baussen. Ech kann nëmme recommandéieren, iech dës Säit unzekucken, an elo e klengen Ausschnëtt vun der Säit, anzwär d’Aféierungssäit, an dat ënner www.bahai.org.

Häerzlech wëlkomm bei der Bahá’í Welt: „*D’Äerd ass nëmmen ee Land an d’Mënschheet si seng Bierger.*“ Mir si Bahá’í – Membere vum Bahá’í Glawen, déi zweet wäitst verspreete Relioun vun der Welt, an dee Glawen deen an 235 Länner a Gebidder uechter d’Welt etabléiert ass. Mir stamen aus iwwer 2100 ethnische Gruppen a weltwäit si mer ëm déi 5 Milliounen. Zenter méi wéi engem Jorhonnert si Bahá’ícommunautéiten ronderëm d’Welt amgaang,

Barrièrë vu Virurteeler tëschent Leit ofzebauen. Zesumme mat aner gläichgesënnte Gruppen offrëieren si e Modell vun enger globaler Gesellschaft. De Kär vun eisem Glawe besteet an eiser Iwwerzeegung, dass d'Mënschheet ee Ganz ass, an zwar mat enger gemeinsamer Bestëmmung: An de Wieder vu Bahá'u'lláh, Begrënner vun eisem Glawen: „*D'Äerd ass nëmmen ee Land an d'Mënschheet si seng Bierger*“. Bahá'u'lláh huet eis geléiert dass et e Gott gëtt deen der Mënschheet säi Wëllen op eng progressiv Aart a Weis matdeelt. Jiddereng vun deene grouse Reliounen, déi mer vun de Gottesoffenbarer kruten, Moses, Krishna, Buddha, Zoroaster, Jesus, Muhammed, repräsentéiert eng successiv Etapp an der geeschteger Entwécklung vun der Zivilisatioun. Bahá'u'lláh, dee rezentste Gottesoffenbarer an där Rei, huet eis Léiere bruecht, déi sech mat de moraleschen a geeschtegen Erausforderunge vun der moderner Welt befaassen. -- Mir invitéieren iech, méi iwwer eise Glawen erauszefannen, - hir Perspektiv vun der Vergaangenheet, hiert Verstoe vun eiser haiteger Zäit an hir Visioun vun der Zukunft.... Souwäit zu der Aféierung. Dann hu der d'Méiglechkeet, verschidden Themaen méi am Detail ze kucken. Dat sinn: Eng kuerz Aféierung, d'zentral Personnagen an Institutiounen, geeschteg Wourecht, d'Bahá'í Helleg Schrëften, eng global Communautéit, eng nei Visioun fir d'Zukunft vun der Mënschheet, sozial Aktioun, Perspektiven a wat et neits gëtt. Wéi gesot, nieft dëser offizieller Bahá'í Präsenz am Netz, hu dir d'Méiglechkeet eng einfach Recherche ze maachen ënnert Bahá'í, bahai. Nieft de Säite ginn et och eng Rei Emailgruppen iwwer verschidden Intressen, wéi Medezin an Heelung, Wirtschaft an Ekonomie, Journalismus a Konscht a Musek. All dat dréit derzou béi, dass een sech awer weltwäit ka matdeelen an sou och Freundschaften schléisst, Haiser vun der Andacht besiche geet a sech u weltwäite Projekte bedeelege kann. Dës Rubrik gouf iech wéi ëmmer offrëiert vun de lëtzebuerger Bahá'í.

24 Trounwiessel zu Lëtzebuerg

24t Sendung. Freideg den 13ten an Dënschdeg de 17ten Oktober. E neie Grand-Duc an eng nei Grand-Duchesse zu Lëtzebuerg. Trounwiessel hei zu Lëtzebuerg. De Grand-Duc Henri an d'Grand-Duchesse Maria Theresa. Et passt sech vläicht bei dëser Aktualitéit, ze kucke wéi dann de Bahá'í Glawen zu Kinneken a Weltleadere steet a wat d'Bahá'í Schrëften dozou soen.

Bahá'u'lláh, Begrënner vum Bahá'í Glawen, huet virun iwwer 100 Joer, ganz kloer an däitlech de Kinneken, de Weltleadere, de reliéise Leaderen an der Mënschheet ganz allgemeng Folgendes proklaméiert: „*dass dat laang versprach Zäitalter vu Weltfridden a Bridderlechkeet endlech komm wier an dass Hie selwer den Iwwermëttler vun dësem neie Message war: dass Hien dës Kraaft vu Gott wier, déi deen därzäitege System vun Antagonismus an Haass tëschent de Mënschen transforméiere géing an de Geescht an d'Form vun enger neier Weltuerdnung schaffe géif*.“⁴

A sengem Bréif un d'Kinnigin Viktoria vun England vergläicht Bahá'u'lláh d'Welt mat engem kranke Mësch, deem seng Krankheet doduerch verschlëmmert gouf, dass hien an d'Hänn vun ongeschéckten Doktore gefall ass. Hie kennegt un, wat déi richteg Medezin ass:

„*Wat den Här als héichst Mëttel a mächtégst Geschir fir d'Heelung vun der ganzer Welt bestëmmt huet, ass d'Vereenegung vun alle Völker an enger allëmfaassender Saach, engem gemeinsame Glawen. Dat kann net anescht erreecht gin, wéi duerch d'Kraaft vun engem erfahrenen, allgewaltegen ... Dokter*...“⁵ Bahá'u'lláh gëtt hirer Majestéit och seng Unerkennung, dass si de Sklavenhandel ofgeschaaft huet an dass si d'Berodung an d'Hänn vun de Volleksvertrieder geluecht huet.

D'Kinnigin Maria vu Rumänien, Enkelin vun der Kinnigin Viktoria an dem Zar Alexander den zweeten, un dee Bahá'u'lláh e Bréif geschriwwen hat, huet 1926 de Bahá'í Glawen ugeholl an huet sech ëffentlech derzou bekannt.⁶ Iwwer den Usproch an d'Stellung vun dësem Glawen sot d'Kinnigin Maria vu Rumänien dat heiten: „*Et ass wéi eng grouss Ëmaarmung, eng Ëmaarmung, déi all déijeeng zesummeféiert, déi laang noch Wieder vun der Hoffnung gesicht hunn. Dëse Glawen erkennt all grouss Propheten un, déi virun him sinn, räisst keng aner Glawensbekenntnisser néier a léisst all Dieren op. D'Bahá'í Léier, so schreift d'Kinnigin weider, bréngt der Séil Friden an dem Härz Hoffnung. Wien no Gewësshheet sicht, deem sinn d'Wieder vum Papp wéi e Sprangbuer an der Wüste no enger laanger Wanderschaft. Hir Schrëften, sou bezeit d'Kinnigin an enger anerer Erklärung mat Bezuch op Bahá'u'lláh an Abdu'l-Bahá, sengem Jong, sinn e grouse Ruff zum Friden, deen iwwer all Grenzen hinausreecht an all Meinungsverschiddenheeten wéinst Ritualer an Dogmen iwwersteigt. ... Et ass eng wonnerbar Botschaft, déi Bahá'u'lláh a säi Jong Abdu'l-Bahá eis ginn hunn. Si hunn allen zwee dës Botschaft net aggressiv opgemaach, well se wossten, dass de Keim éiweger Wourecht, dee bannendra läit, Wuerzele schloe muss a sech ausdeene muss. Wann dir je eng Kéier a Kontakt mat de Bahá'í Schrëfte kommt, sou seet si ofschléissend, da leet se net op d'Säit. Studéiert hir Bicher, loosst hir herrlech, friddensbréngend a léif Wieder a Léieren an äert Härz andréngen, sou wéi si a mäint agedronge sinn*.“⁷

De Bahá'í Glawen erkennt voll a ganz d'Positioun vu Kinneken an eiser haiteger Gesellschaft wéi aus dësem Zitat ervirgeet: „*Es geziemt jedem König, freigebig zu sein wie die Sonne, die das Wachstum aller Geschöpfe fördert und jedem seinen Anteil gibt, - deren Wohltaten nicht in ihr selbst liegen, sondern von Ihm verordnet sind, dem*

Machtvollsten, dem Allmächtigen. Der König sollte so freimütig, so großzügig sein in seiner Barmherzigkeit wie die Wolken, die ihre überströmende Freigebigkeit über jedes Land ergießen auf Geheiß Dessen, der der Höchste Verordner ist, der Allwissende.“ (Ährenlese)

En plus geet aus de Bahá'í Schrëften daitlech d'Wichtigkeet vu Kinneken erfier: »... *Es obliegt euch, allen rechtmäßigen Herrschern ergeben zu sein und jedem rechtlichen König eure Treue zu erweisen. Dienet den Herrschern der Welt mit äußerster Wahrhaftigkeit und Ergebenheit. Erzeigt ihnen Gehorsam und bringt ihnen Wohlwollen entgegen. Mischt euch nicht ohne ihre Erlaubnis und Genehmigung in politische Dinge ein, denn Untreue gegen einen rechtmäßigen Herrscher ist Untreue gegen Gott. Dies ist mein Rat und Gottes Gebot an euch. Wohl denen, die danach handeln ...*« (Esselmont)

Bahá'u'lláh huet d'Kinneke vu senger Zäit gewarnt gerecht ze sinn, a säi Rot eescht ze huelen. Déi allermeescht hunn dëst awer net gemaach an hunn doropshinn och d'Konsequenzen um eegenen Leif gespuert. Dëst Thema ass sécher derwäert nach eng Kéier méi am Detail behandelt ze ginn.

D'Proklamatioun vum Glawen uechter d'Welt huet an de 60er Joeren eng nei Phase erreecht. Dës Proklamatiounscompaigne déi 1967 ugefang huet, war inspiréiert vum honnertjäreg Gebuertstag vum Bahá'u'lláh senger Proklamatioun un d'Kinneken a Weltleaderen, a krut 1979 zousätzleche Momentum mat der verstärkter Verfolgung vun der iranischer Bahá'ícommunautéit. Dat och duerch d'Distribution vun Dokumenter wéi d'Versprieche vum Weltfridden. Kinneken, Kinniginnen, Präsidenten, Premierministren, Legislaturen, Juristen, Akademiker, divers Institutionen an Organisationen hunn de Message vu Bahá'u'lláh sou kennegeleiert.⁸

25 D'Fro nom Gléck

25t Sendung. Freideg den 20ten an Dëschdeg de 24ten Oktober 2000. Wat ass Gléck ? Dës Fro ass d'Thema vun der neier Editioun vun *Zeit für Geist, Gedanke fir eng besser Welt*. Nach ëmmer hu Philosophen an Intellektueller, Dichter a Sänger, awer och déi einfach Leit vun der Strooss, d'aldeeglech Sprooch an d'Mäerchen, Gléck définiert als alles Dat, wat de Mënsch a sengem Liewen erstriecht. Dorënner kann ee viles verstoen: sech gutt fillen, Besëtzt, Positioun, Erfolleg, d'Erfahrung vun enger déiwer Frëndschaft a Bezéiung, Sech selwer verwierklechen a sech selwer entfalten an engem aktiven, no bausse geriicht an doduerch sënnvollt Liewen.

Sécher ginn et ganz wéineg Leit, déi net glécklech wëlle sinn. Oft menge mer jo, dass mer da glécklech sinn, wann alles esou geet, wéi mer et gär hätten. Éischtens geet et am Liewe bal ni sou wéi mer et gär hätten an zweetens ass et guer net sécher, dass mer da glécklech sinn, wa mer mol dat kréien, wat mer gär hätten. An duerfir kann et sécher net schueden fir e bëssen ze kucken wat aner Leit, déi sech och Gedanken zum Thema gemaach hunn, iwwer d'Gléck soen!

Den Heinrich von Kleist seet eis dass glécklech ze sinn, den éischte vun all eise Wësch ass, e Wonsch deen haart a lieweg aus all Oder an all Nerv vun eisem Wiesen ervierkënn. Den Emile Rousseau seet dass all Mënsch glécklech wëll sinn; fir awer dëst Zil ze erreechen, misst hie fir d'éischt wëssen, wat da Gléck iwwerhaupt ass. D'Maria von Ebner Eschenbach mengt dass kënne glécklech sinn, och ouni Gléck – Gléck ass! An den Tolstoi behaupt dass déijéineg en éiwege Feeler man, déi sech ënner Gléckséilegkeet d'Erfëllung vun hire Wësch virstellen. Et gehéiert onbedéngt zum Gléck, munches net ze hunn, wat ee gär hätt, sou de Bertrand Russel. An de Bahá'í Schrëften kënnt dat Wuert Gléck ganz oft vir. Zum Beispill seet Abdu'l-Bahá: Et kann ee glécklech sinn wann et engem gutt geet, wann ee gesond ass, wann een Erfolleg huet, wann ee Spass huet a wann ee frou ass; wann een awer ka glécklech an zefridden sinn an onrouegen a schlechten Zäiten oder wann ee krank ass, da beweist ee Séilenadel. Weider seet hien dass dem Mënsch seng héchsten Eier a wierklecht Gléck an der Selbstachtung, an der Onversehrtheet a Sittlechkeet vun der Persoun läit, an der Rengheet vu sengem Denken, a net an dem hie mat all de Mëttelen, déi him zur Verfügung stinn, versicht, sech weltlech Saachen unzueeegen. Dem Abdu'l-Bahá no gëtt et zwou Zorte vu Gléck: geeschteg a materiell. Geeschtegt Gléck ass dat richtegt Fundament vun eisem Liewen. D'Liewen ass dofir do, fir glécklech a net traureg ze sinn. Frou sinn heescht Liewen, Gram (also ëmmer onzefridden ze sinn) ass Doud. .. Weiderhi seet hien dass Wuelstand natierlech luewenswert ass, awer nëmme wann déi ganz Bevëlkerung am Wuelstand leeft.

Kaum ze gleewen ass d'Resultat vun enger englescher Studie iwwer d'Relativitéitstheorie vum Gléck: Do ass d'Gléckaschätzung vun zwou extrem ënnerschiddleche Gruppen ënnersicht ginn: Leit, déi am Lotto Milliounen gewonnen haten a Leit déi no engem Akzident querschnittgeläamt waren. D'Resultat: Schonn no engem halwe Joer huet sech déi ursprénglech Haltung nees agependelt, wat elo d'perséinlech Gléckaschätzung ugeet. De Lottomillionär huet sech genee sou glécklech oder onglécklech wéi virdu gespiert, genee sou wéi de Querschnittsgeläamten. Materielle Wuelstand schéngt déi ënnerschiddlech Gléckaschätzungen net ze beaflossen-opmannst net an eiser Wuelstandsgesellschaft. D'Erfëllung vun engem Liewensdram garantéiert eleng nach kee Liewensgléck. Och wann ee joerelaang fir dat gewünschte Familljenhaus geschafft a gespuert huet, kann een sech ënner Emstänn am Plaz vum erhoffte Gléck vläicht langweilen. Pleséier an Erfolleg eleng mécht also net glécklech.

Sécher sinn ech glécklech, wann ech mech sou gutt kennen, dass ech meng Méiglechkeeten a Fäegkeeten verwierkleche kann. Wann ech u mir selwer schaffen. Wann ech weess wat wichteg a wat net sou wichteg ass. D'Gléck selwer kann awer net zum Zil eleng ginn. Et ass éischter e Resultat. Eng interessant Beschreibung vum Rabindranath Tagore: Hie seet: „*Ech hu geschlof an ech hu gedreemt, dass d'Liewe Freed wär. Ich sinn erwächt an hu gesinn, dass d'Liewe Flicht war. Ech hu geschafft, a kuck do: D'Flicht war d'Freed.*“

Also sollt ech mech net froen: Wat hunn ech vum Liewen ze erwaarden, mee: Wéi eng Aufgab am Liewe waart op mech? D'Liewen ass zu all Moment Aufgab, et ass d'Geleeënheet zu eppes. Den Antoine de Saint-Exupéry seet: „*Wanns du dat Wuert Gléck verstoe wëlls, muss du et als Loun verstinn an net als Zil.*“

D'Bahá'í Léier ass fir eng materiell Zivilisatioun als e Mëttel zum Fortschrëtt a Wuelerginn vun de Vëlker. D'Hauptleies vum Glawen an der Relioun besteet dorann, dass et der Mënschheet gutt geet, dass d'Mënschen sech eens ginn, an dass zwëschen hinnen de Geescht vun der Léift an der Verbonnenheet wiisst. Glécklech ass deen deen derzou bäidréit dass et der Mënschheet besser geet.

Souwäit zum Thema Gléck. Ech schécken iech gär en Exemple vum der Zeitung: *Zeit für Geist*, wou d'Thema nach méi am Detail behandelt gëtt. Dat ass den 222289. Et sief nach op e puer Konferenzen higewisen, anzwär Donneschdes de 26ten Oktober, um 8 Auer owes schwätzt d'Jutta Bayani iwwer reell Chancë vun enger friddlecher Zukunft. D'Mënschheet gëtt erwuessen, gëtt se et wierklech? D'Jutta Bayani ass Leederin vum Büro fir Effentlechkeetsaarbecht vun der lëtzebuerger Bahá'í Gemeng.

26 Aus de Bahá'í Schrëften

26t Sendung. Freideg den 27ten an Dënschdeg den 31ten Oktober 2000. Wann ee schonn eng Kéier vu Bahá'í héieren huet, an et wëllt een e Iwwerbléck kréien, wat et sou alles vu Bicher an Theme gëtt, huet een e puer Méiglechkeeten. Et kuckt een am Telefonsbuch ënner Bahá'í, oder et telefonéiert een der Librairie am Bahá'í Zenter an der Stad. D'Nationalbibliothék huet eng ganz beschränkt Auswiel vu Bicher iwwer de Bahá'í Glawen, genee sou wéi eis Librarien. Méi einfach ass et do, sech déi offiziell Internetsäit ënnert www.bahai.org unzekucken. Do kritt een eng gutt Iddi wat de Bahá'í Glawen ass.

Haut proposéieren ech iech e puer kleng Zitater, déi ech als wichteg emfannen, an déi bei mir en déiwen Androck hannerloss hunn. Et sinn oft kleng Saachen, e Satz, eng kleng Beschreibung wat ee mat op de Wee hält a wat bei emgem bléift. Hei elo e puer vun deenen Zitater, fräi aus dem Däitschen iwwersetzt:

Bahá'u'lláh seet: „*An deem ee Guddes mécht an an deem een sech sou behëlt wéi et sech gehéiert, kënne mir des Welt verbessern. Mach dat wat s de sees. Sief net wéi déi, déi eppes soen an eppes anescht man! Lee dir selwer all Dag Rechenschaft of, éiers du zur Rechenschaft gezu gëss. Är Hänn sollen éierlech sinn, är Zong opriichteg an äert Häerz soll stralen! Wahrhaftegkeet ass de Grondstee vun alle mënschlechen Dugenden ! Ouni Wahrhaftegkeet ass an alle Gotteswelten weder Fortschrëtt nach Erfolleg fir d'Séil méiglech. Eng frëndlech Zong ass e Magnét fir d'Häerz vum Mënsch. Si ass d'Brout vum Geescht, si kleet d'Wierder a Bedeitung, sie ass d'Liichtquell vun der Wäisheet and dem Verstand! An deser helleger Sendung ass weder Sträit nach Kaméidi erlaabt. Jiddereen deen ugräift, schléisst sech selwer vu Gottes Gnod aus. Et soll iech net genuch sinn, duerch Wieder Frëndschaft ze weisen, loosst är Häerzer a léiwer Frëndlechkeet waarm ginn, fir all déi, déi dir begéint. Widerstot engem Krichsgedanken mat engem méi staarke Gedanke fir Fridden; engem Gedanke vun Haass muss mat méi engem mächtige Gedanke vu Léift futti gemaach ginn. ... schlecht iwwer aner schwätze verläscht d'Liicht vum Häerz an erstéckt d'Liewe vun der Séil. Schwätz näischt Schlechtes, dat s de och näischt Schlechtes héiers, a maach d'Feeler vun deenen aneren net méi grouss, sou dass deng eege Feeler net grouss erschéngen. Wéi konnts du deng eege Feeler vergiessen, and dech mat de Feeler vun deenen aneren ofginn? ...“*

27 D'Gebiet, Musek a Sangen

27t Sendung. Freideg den 3ten an Dënschdeg 7ten November 2000. D'Bahá'í Schrëfte soen eis dass d'Gebiet e Gespréich mat Gott ass. E Gespréich fëieren, heescht, mat engem schwätzen; also schwätze mer mat Gott, wa mer bidden.

Wann ech en Anere wierklech gär hunn, wëll ech natierlech mat him zesumme sinn a mit him schwätzen. Eist Gebiet mat deem, deen eis erschaf huet, sollt also e Gespréich sinn, voll mat Léift. Während dem Gebiet, kënne mer, wa mer schwach sinn, Gott vu ganzem Häerz an demütig ëm Hëllef froen. Mir sollten eis ëmmer bewusst sinn, dass d'Gebiet, a senger rengster Form, eis méi no zu Gott bréngt, an eis hëlleft, an d'gëttlech Géigewart ze kommen. Muhammet sot, dass d'Gebiet wéi eng Lieder teschent Himmel an Äerd ass, mat där mir an den Himmel klamme kënnen.

An engem vun deene ville Gebieder, déi Bahá'u'lláh offenbaart huet, seet hien: „*Ech bieten dech: ... Mach méi Gebiet zu engem Feier, wat d'Schleiere verbrennt, déi mech hënnere, Deng Schéinheet ze kucken, an zu engem Liicht, wat mech bei d'Mier vun Denger Géigewaart féiert.*“

Op dëser Welt gëtt et näischt méi Schéines wéi d'Gebiet. Mir müssen am Gebietszoustand liewen. Déi gréisst Fäegkeet oder dee schéinsten Zoustand ass keen aneren wéi deen, mat Gott ze schwätzen. Den Zoustand bewierkt Geeschtegkeet, Bewosstheet and himmlesch Gefiller. Mat Gott schwätze bréngt mat sech nei Unzéiungen aus dem Kinnekräich an erwächt d'Empfänglechkeet fir déi méi héich Intelligenz.

De Bahá'í Glawen leet grouse Wäert op d'Musek an d'Sangen. Sou ass all Bahá'í zum Beispill encouragéiert, wann en aus de Schrëfte liest, dat ze vertounen, ze sangen:

“Sangt, o Meng Dénger, d'Verse vu Gott, déi dir krut, sou wéi déi se sangen, déi him no sinn, fir dass d'Séisst vun denger Melodie Deng eege Séil kann entflamen an d'Häerzer vun alle Mënschen unzitt. Wien zréckgezunn a senger Kummer, d'Verse vu Gott seet, wäert erliewen, wéi d'Engel vum Allmächtigen den Dof vum de Wierder, déi säi Mond ausschwätzt, iwwerall verbreed wäert an d'Häerz vun all guddem¹ Mësch méi héich schloe léisst. Wann hie sech och am Ufank dëser Wierkung net bewosst ass, muss d'Kraaft vun der Gnod, déi him gewäert ass, fréier oder spéider en Afloss ob seng Séil ausüben.” ...²

Mir wëssen, dass Gott eis erschaf huet. Hien ass deen, deen Alles weess. Hie weess, wat mir wëllen a wat mer brauchen. Firwat solle mer also bieten? Gott brauch eis Gebieder net. An trotzdem hängt de Fortschritt vun eiser Séil vum Gebiet of, well d'Gebiet d'Ernährung vun eiser Séil ass. Wa mer bieten, huele mer geeschtegt lessen zou eis. Eréischt duerch d'Gebiet kënnen mer geeschtegt receptiv ginn, an am Fong richtegt Gléck erliewen. D'nächst Woch kucke mer eis méi genee un wéi de Wee zu Gott ka sinn. Bis dohin, vill Spass an Erfolleg beim Bieden.

28 D'Gebiet, de Wee zu Gott

28t Sendung. Freideg den 10ten an Dëschdeg 14ten November 2000. Wéi an all Relioun spillt d'Gebiet fir all Bahá'í och eng grouss Roll. An de Bahá'í Schrëfte fanne mer eng Rei Texter, déi eis hëllefen, ze verstoen, wéi d'Gebiet funktionéiere kann. Mir wëssen dass Gott et net néideg huet, dass mir mat him schwätzen, dass mir e fir Saache froen, dass mir him Merci soen oder dass mer eis beschwéieren. Komescherweis brauche mir d'Gebiet fir eis selwer ze entwéckelen. Sou wéi eise Kierper genuch a regelméisseg Iessen an ze drénke brauch fir dass e fit a staark bleift, sou brauch eis Séil och genuch a regelméisseg Meditatioun a Gebiet, fir sech geeschtegt ze entwéckelen. D'Bahá'í Schrëfte bidden eis eng ganz Rei vu Gebieder un, fir bal all Geleeënheet. Vu dass déi Gebieder direkt an authentesch sinn, hu si eng besonnesch Kraaft. D'Bahá'í Schrëfte vergläichen oft d'Gebiet mat Léift: Hei e Beispill: „*Am héchste Gebiet bieten d'Mënschen nëmme wéinst der Léift vu Gott, net well se Gott fäerten oder eppes vun him wëllen. Wann een sech an e Mësch verléift, ass et onméiglech, säi Numm net ze soen*“ Wann ech e Mësch gär hunn, ass et dann net normal, dass ech him dat soe wëll? Dass mer einfach biede wëllen ass ganz natierlech. D'Gebiet brauch keng Wierder, mee Gedanken an Aktioun. Wa keng Léift a kee Verlaangen do ass, huet et kee Wäert, eppes ze forcéieren. Wierder ouni Léift bedeite näischt. Häss du et gär, dech mat engem ze ënnerhalen, deen dat eigentlech guer net gär mécht, an dat ouni Léift a Freed? (*Ruhi*, S23)

Wa mer bieten, sollte mer eis Gedanken op Gott riichten. Mir sollten d'Saache vun dëser Welt, alles ronderëm eis an eis selwer vergiessen. An deem Zesammenhang hei en interessant Beispill aus de Bahá'í Schrëften: Stell der e Glas Mëllech vir. Mir kënnen doraus eng Rei Produkter hirstellen, sou zum Beispill Botter, Kéis oder Schlagsahn. Wa mer awer engs Drëps Gëft an d'Mëllech mëschen, ass d'Mëllech verduewen a si huet hire Wäert verluer. Dat Gëft wat de Mësch a säi Liewe mëscht, ass säin Ego (*Selbst* op däitsch). Mir sollten eis vun eisem Ego fräiman, wa mer gär hätten, dass eis Gebieder eng grouss Wierkung sollen hunn.

Virum Gebiet ass et ganz nützlich, sech e bëssen ze entspannen an a sengem Kap Plaz ze man fir sou e wichtegt Gespréich. Genau sou nom Gebiet sollte mer eis e bëssen Zäit loosse fir iwwer eist Gespréich mat Gott nozedenken. Vlächte kënnen mer och Conclusiounen aus eisem Gespréich zéien an déi a konkret Aktiounen ëmsetzen. D'Bahá'í treffen sech entweder an hirem Zenter, an engem vun den Häiser vun der Andacht, oder einfach bei aneren doheim, fir Evenementer ze feieren, oder si invitéieren hir Frënn, méi iwwer de Bahá'í Glawen gewuerzeginn. Do ass et oft üblich fir mat engem oder e puer Gebieder unzefänken an opzehalen. Oft si Bahá'í aus aner Länner op Besuch, déi da vlächte e Gebiet an hirer Sprooch soen oder sangen. Dës Verschiddenheet ass besonnesch erfrëschend. Ech weess awer och aus eegener Erfahrung wéi schwéier et ka sinn, ofzeschalten a sech Zäit zum Nodenken, der Meditatioun an dem Gebiet ze huelen. Ech ma mäi bescht! Ofschléissend elo e kuerzt Gebiet wat eis seet firwat Gott eis eigentlech erschaf huet: „*Ech sinn Zeien o méi Gott, dass du mech erschaf hues fir dech ze erkennen an dech*

¹ éierbarem

² Ährenlese 136 :2

unzebedien. Ech erkennen an dësem Abléck meng Schwächt an deng Muecht, meng Aarmut an däi Räichtum. Et gëtt keen anere Gott ausser dir, deen deen hëllef a Gefor, deen deen duerch sech selwer ass“.

29 Toleranz, den éischte Schrëtt fir eng besser Welt

29t Sendung. Freideg de 17ten an Dëschdeg 21ten November 2000, um 5 vir halwer 7 owes. Mir liewen an enger Zäit, wou d'Vernetzung von der Mënschheet scho laang eng Tatsaach ass. An do entsteet och e Verantwortungsgefill fir eng gemeinsam Zukunft. Dolaanscht komme mer net. Eis Welt gëtt ëmmer méi als eise gemeinsame Liewensraum verstan, ëmmer méi vun eis maache wäit Reese fir dëse Liewensraum kennenzelieren a vu senge Schéinheeten ze profitieren.

Doduerch léiere mer aner Kulture kennen, Leit déi anescht denke wéi mir, déi eng aner Mentalitéit hu wéi mir, eng anger Liewensopfaassung, eng aner Relioun, an sou weider. Hei bei eis am Ländchen kënnen mer dat sécher gutt erliewen, vu dass all drëtten dee mer bei eis begéinen, kee Lëtzebuerger ass. An der Musek, der Konscht, dem Theater an der Gastronomie zum Beispill si mir begeeschtert vun dëser Verschiddenheet an oft akzeptéiere mir sou aner Kulture mat Begeeschterung.

Si mir dann och esou tolerant mat eise Matmënschen, akzeptéiere mir se sou wéi se sinn? Ausser dass mir déi aner toleréieren, denke mir drun, fir richtig Gefiller vun Unerkennung a Respekt fir si ze entwéckelen? Wat hale mir wirklech vun de Flüchtlingen, vu Leit aus aner Kulturen an anere Länner, déi hei bei eis am Land wunnen?

Ech sinn ëmmer nees frou an awer och iwwerrascht, wann ech mech bei menge Virurteeler op frëscher Tat erwächen. Frou sinn ech well ech et iwwerhaupt fäerdeg bréngen, meng Virurteeler ze erkennen. Wann ech jo scho mierken, dass ech mer scho meng Meenung iwwer dëst oder dee gemaach hunn, ouni iwwerhaupt eppes iwwer d'Saach oder d'Persoun ze wëssen, ass dat schonn den éischte Schrëtt fir meng Virurteeler ofzebauen.

E Virurteil ass wéi en Nol. Wat ech méi drop hummeren, wat e besser a méi déif sëtzt. Vun Toleranz kann ech da guer net méi schwätzen. Friden op der Welt fänkt jo da bei mir un. Ech maachen deen éischte Schrëtt fir d'Barrière tëschent mir an deem aneren ofzerappen. Bahá'u'lláh, Begrënner vun der Bahá'í Relioun seet eis, dass mer léiere sollen, mat eegenen Aen ze gesinn a mat eegenen Oueren ze héieren. Dat heescht dass ech intensiv selwer préiwen ier ech eng Saach oder e Mënsch beuerteelen oder mer eng Meenung driwwer man. Aus sou enger Iwwerleeung entsteet eng nei Denkweis; eis Urteils- a Kritikfäegkeet gëtt duerch sachlech Informatioun geschoult. Dat kann da natierlech mat sech bréngen, dass Villes, wat mer bis elo einfach esou fir richtig gehalten hunn, op eemol a Fro stellen.

A Rassismus ass e besonnescht schlëmmt Virurteil a verhënnert dass de Mënsch sech emotional a moralesch entwéckele kann. Rassismus ass einfach eng falsch Opfassung, fir déi et keng akzeptabel ethesch, praktesch oder biologesch Grënn gëtt.

Deem géinteniwwer gestellt hu mer d'Eenheet vun der Mënschheet, eng Visioun déi haut sou néideg ass wéi eist deeglecht Brout. Eenheet an der Verschiddenheet. An de Bahá'í Schrëfte gëtt dat gutt illustréiert duerch e Beispill wou d'Mënschheet mat engem Gaart verglach gëtt:

„Kuck emol d'Blumen am Gaart. Obscho si sech duerch hir Zort, Faarf, Form a Gestalt ënnerscheeden, gi si vum Waasser vun enger Quell erfrëscht, vum selwechte Wand belieft a vun de Strale vun enger Sonn gestärkt, an duerch hir Verschiddenheet si se sou nach méi schéin an interessant. Wéi langweileg wier et dach fir eist A, wann all d'Blumen, d'Planzen, d'Blieder, d'Bléien, d'Friichten, d'Äscht and d'Beem vun deem Gaart déi selwecht Form a Faarf hätten? Verschiddenheet ... beräichert a verschéinert de Gaart a gëtt him méi Charakter. Wa verschidde Grade vu Gedanken, Temperamenter a Charakteren ënnert d'Muecht an den Afloss vun enger zentraler Quell zesummegeféiert ginn, da kënnt genee sou d'Schéinheet an de Glanz vun der mënschlecher Vollkommenheet zum Virschäin.“

30 Onofhängeg Sich no der Wourecht

30t Sendung. Freideg den 24ten an Dëschdeg 28ten November 2000, um 5 vir halwer 7 owes. Onofhängeg a selbststänneg no der Wourecht sichen ass fir e Bahá'í ee vun de wichtigste Prinzipien. Et gëtt an der Bahá'ícommunautéit keng Geeschtlech a keng individuell Autoritéit. Déi authentesch Schrëfte vu Bahá'u'lláh sinn d'Grundlag. Dorops hinn hält all Bahá'í seng Entscheedungen. Dofir ass en opgeruff, selwer dës Schrëften ze liesen, ze studéieren an doraus déi néideg Conclusiounen fir säi Liewen ze zéien. Wa mer vu ganzem Häerzen no der Wourecht sichen, sollte mer dat esou man, wéi eng duuschtreg Séil sech nom Wasser vum Liewe sehnt, wéi de Fësch nom Mier verlaangt a wéi de Kranke sech no engem richtigen Doktor seent. Jidderee vun eis soll d'Wierklechkeet erfuerschen. Et bedeit, dass mer all dat wat mer vum Héieresoe gewuer ginn, vergiesse kënnen an d'Wourecht selwer ënnersiche sollen.

Un der Wourecht schaffe mer dann, wa mer hongreg op méi Wesse sinn, wa mer eis net zefridde ginn, mat deem wat mer wëssen, wann et eis net duergeet einfach sou ze man wéi déi aner et man, an och nach ouni driwwer nozedenken. Domat géife mer wierklech eist d'Liewe verschwenden.

Bei eiser Recherche no der Wourecht, spillen d'Leit ronderëm eis eng wichteg Roll. All Bahá'í gëtt encouragéiert, säi Verständnes mat anere Mënschen auszetauschen. Gläichzäiteg muss ee sech der provisoirescher Natur vun deem Verständnis bewusst bleiwen an en däerf et kengem als „Wourecht“ opzwängen. ... Wann een onofhängeg no der Wourecht sicht, geet een de Virurteeler aus dem Wee; reliéis, politisch a rassistesche Virurteeler an eng iwwegrouss Léift zu sengem Heemechtsland. Et ass wéinst deene Virurteeler dass mir bis haut nach keen dauerhafte Fridde weltwäit kennen.

Alles wat eis trennt, wat mir op alle Säite gesinn, all dat Gestreits an dës Géigesätz kommen dohir, dass mir eis u kierchlech an äusserlech Gebräicher hängen. Dobäi geet déi einfach Wourecht, de wierklechen Hannergrond, verluer a gëtt vergiess. Et ass déi äusserlech Ausübung vun der Relioun, déi sou verschidden ass an et ass dat wat oft Streidereien an Haass verursaacht.

D'Wierklechkeet ass ëmmer eng an déiselwecht. D'Wierklechkeet ass d'Wourecht an d'Wourecht kennt keng Trennung. Kanner, déi a Bahá'í Familljen opwuessen, kréien eng reliéis Erzéiung, wou se d'Bahá'í Schrëfte besser kennelëieren a wou se iwweg all déi aner grouss Reliounen eppes gewuergeen. Si kënnen da mat fofzëng Joer decidëieren, ob si wëlle Bahá'í bleiwen, en aneren oder guer kee Glawen unhuelen. *(aus der Publikatioun: Bahá'í, wat se gleewen a wat net)*

31 Alkohol, Drogen a Medikamenter

31t Sendung. Freideg den 1ten an Dënschdeg 5ten Dezember 2000, um 5 vir halwer 7 owes. An enger Zäit, wou de Mënsch sech soll drop konzentrëieren, säi Potential ze erkennen an ze verwierklechen an domat der Mënscheet hirem Fortschritt ze dengen, ass et Bahá'u'lláh no onverantwortlech, säi Bewosstsi mat Alkohol an Drogen dréif ze maachen a viru sech selwer an eng Schéinwelt ze flüchten.

An de Bahá'í Schrëfte liese mer dass Alkohol de Verstand zerstéiert an dass een ënnert sengem Afloss geckeg Saache mache kann. Den Haschisch zerstéiert de Verstand, verstengert d'Séil, ësst de Kierper a léisst de Mënsch enttäuscht a riicht en Zugronn. ... Alkohol a Rauschmittel beaflossen d'Bewosstsin vum Mënsch ier en ufängt doruechter ze trëllen an ier se eng kierperlech Krankheet verursaachen. Fräi vun Droge liewe bréngt mat sech e moraleschen a geeschtege Gewënn, dee wäit méi grouss ass wéi dee physeschen; ... äusserlech Propretéit huet, obschonn et eppes Stofflech ass, e groussen Afloss op dat Geeschteg. ... Wann de Mënsch e proppere Kierper huet, huet dat zugläich och en Afloss op säi Geescht. ... De Respekt viru sengem Kierper sollt een dovun ofhalen, sech mat schiedleche Substanze schwach an onfräi ze man. Den integrale Mënsch brauch esou Krätsche net. Wat elo Medikamenter a Krankheet ubelaangt ass et ganz kloer am Bahá'í Glawen, dass een am Fall vun enger Krankheet e kompetenten Dokter opsiche soll, an dass ee mat ärztlecher Behandlung natierlech dann ophale soll, wann se net méi gebrauch gëtt. Virun 100 Joer scho fanne mer an de Bahá'í Schrëften: et ass ganz kloer, dass et méiglech ass, duerch d'Ernährung, Liewensmittel a Frichten de Kierper ze heelen; vu dass haut d'Wëssenschaft nach net vollkommen ass, gëtt dës Tatsach nach net verstanen. Soubal d'medezinesch Wëssenschaft Vollkommenheet erreecht, wäert d'Behandlung duerch Ernährung, Frichten a Planzen déi gutt richen, souwéi verschidden waarm a kal Wasserkuren duerchgefouert ginn.

D'Motto vun engem Bahá'í ass Eierlechkeet, Léift, Barmherzikeet, Vertrauenswürdegeet, dat Gutt vun der Communautéit iwweg dat perséinlecht Interesse ze stellen, souwéi alles am Liewen mat Mäsegeung ze ënnerrhuelen. Domat gëtt schlussendlech eist d'Gléck geséichert. *(aus der Publikatioun: Bahá'í, wat se gleewen a wat net)*

32 Friden an der Partnerschaft

32t Sendung. Freideg den 8ten an Dënschdeg 12ten Dezember 2000, um 5 vir halwer 7 owes. Friden an der Partnerschaft ass den Titel, vum Erik Blumenthal sengem Buch, wat ech iech haut kuerz virstellen. No enger psychotherapeutescher Ausbildung beim C.G. Jung a Rudolf Dreikurs war hie Virsëtzende vun der däitscher a schwäizer Gesellschaft fir Individualpsychologie. Haut leeft hien um Bodensee als Psycholog an Auteur vun enger Rei Bicher. Hien ass och Bahá'í. Säi Buch weist eis wéi ee glécklech ka ginn a wéi een Erfëllung duerch Eenheet an individuell Fräiheet erreeche kann.

Fir hien hunn Trennung a Scheedung an allen Hisiichten, eng negativ an destruktiv Wierkung, souwoul bei der betraffener Koppel, wei och bei de Kanner, der Famill, de Bekantekrees an doriwwer hinaus op eis Gesellschaft. Mat kloer Wieder weist hien am Buch wat an enger Koppel, d'Dynamik vun der Trennung an der Scheedung

matsechbréngt a wéi een se eventuell vermeide kann. D'Buch ass awer och fir Leit déi besser mat hirem Partner wëllen eens ginn. Sou geet et an engem Kapitel ëm d'Partnerwal an ëm d'Bestietniss.

Seng Schlussfolgerunge sinn déi hei: Jidderee ka léieren drunn ze gleewen, dass e sech ännere kann; jidderee ka léieren d'sozial Gläichwäertegkeet tëscht Fra a Mann ze akzeptéieren; jidderee ka léieren, seng Entscheidungen méi bewosst ze huelen; jidderee ka léieren d'Kraaft vum Glawen ze erkennen, alles am Liewe méi mat positiven Aen ze kucken; d'Partnerwal méi bewosst ze liewen; net ëmmer wëlle Recht hunn; d'Wichtigkeet vum Gespréich ze erkennen; manner emotional ze sinn mee dofir awer méi léif ginn; méi aktiv ze sinn a manner reaktiv, also manner e Liewe féieren wou een haaptsächlech op Saache reagiert, mee dofir méi Saachen op eegen Initiativ ënnerhuelen; manner u sech selwer denken, awer dofir méi u sech selwer an de Partner gleewen; an domat un e Gléck gleewen wat unhält a net nëmmen aus kuerze Glécksmomenter besteet.

An dësem Buch verbënnt de Blumenthal d'Erkenntnisser vun der Psychologie mat de Wäisheete vun der Relioun. Am Buch fënnt een dofir och e ganze Koup interessant Zitater aus de Bahá'í Schrëften. D'Buch heescht: *Frieden mit dem Partner* aus dem Horizonte Verlag.

Wat seet de Bahá'í Glawen zum Thema Partnerwal, Hochzäit? Bei der Partnerwal sollen déi zwee sech gutt kennen a mam Charakter vun deem anere gutt vertraut sinn. Am Bahá'í Bestietniss komme Mann a Fra sech kierperlech a geeschteg méi no, mam Kapp a mam Häerz, sou dass si sech an hirem geeschtege Liewe stänneg verbessere kënnen an domat an all de Welte vu Gott zesumme sinn. Et brauch een net Bahá'í ze si fir sech mat engem Bahá'í ze bestueden.

Wann déi zwee sech zur Hochzäit entscheed hunn, ass et wichtig dass si d'Averständnes vun hiren Eltere kréien, ganz egal wéi al d'Koppel ass. Mat dësem Prinzip soll eng méi grouss Eenheet an der Famill entstoen a Spannunge sollen doduerch verhënnert ginn. D'Hochzäit ass natierlech e freelecht Evenement. Et gi keng fest Reegelen oder Traditionen wéi de genauen Oflaf ass. Nodeem allebéit e bestëmmte Saz soen, an deem se hir Zefriddenheet mam Wëlle Gottes zum Ausdrock bréngen, ënnerschreiw si d'Hochzäitszertifikat, wat och vun zwee Zeien ënnerschriww gëtt. Virdru ginn oft Gebieder gesot a Musek gespilt. Duerno gëtt gefeiert, gesongen a gedantz. Dat hängt ebe vun der jeeweileger Kultur an Tradition of. Op dëser Plaz vläicht e kuerzt Wuert zur Sexualitéit. All Mënsch huet e Recht op Sexualitéit a genee fir deen Zweck ass d'Institution vum Bestietnes geschaf ginn. D'Bahá'í halen näischt vun der Ënnerdréckung vun engem richtege Gebrauch vun der Sexualitéit, awer leeë vill Wäert op seng Steuerung a Beherrschung, an dat eben am Bestietnes.

Den 19ten Dezember, Dëschdes owes um halwer 7 am Forum hei um Radio ARA gëtt de Bahá'í Glawen ausféierlech virgestallt. Invitéen am Studio sinn d'Anita an de Bop Bontemps, d'Jutta Bayani an de Fernand Schaber.

33 Wéi een zur Erkenntnis komme kann?

33t Sendung. Freideg de 15ten an Dëschdeg 19ten Dezember 2000, um 5 vir halwer 7 owes. An elo d'Rubrik vun de lëtzebuerger Bahá'í. Um Mikro de Jean-Marie. Tëscht 1904 an 1906 hat d'Madame Laura Dreyfus Barney d'Geleeënheet, mam Abdu'l-Bahá, eng Rei Gespréicher ze féieren an him eng Onmass Froen zu verschidde reliéisene Themen ze stellen. Hien ass de Jong vum Begrënner vun der Bahá'í Relioun. Während där Zäit war hie wéinst sengem Glawen zu Akka, am haitegen Israel, am Prisong agespaart. D'Buch „Les Leçons de Saint Jean d'Acre“ oder op däitsch „Beantwortete Fragen“ ass e feste Bestanddeel vun de Bahá'í Léieren. D'Buch huet fënnf Deeler:

Den éischten Deel befaasst sech mat der Wierkung vun de Gottesoffenbarer op d'Entwécklung vun der Mënschheet. An deene Kapitele fënnt een zum Beispill Theme wéi: Beweiser dass Gott existiert, d'Noutwendegkeet vun engem Erzéier, Abraham, Moses, Christus, Mohamed, souwéi verschidden Erklärungen zu Texten aus der Bibel.

Am zweeten Deel vum Buch erkläert Abdu'l-Bahá e puer chrëschtlech Themen, wéi zum Beispill d'Daf, d'Symboler vum Brout a Wäin, d'Opersteeung vum Jesus, iwwer d'Dräifaltegkeet an déi verschidden Interpretatiounen vum Adam an Eva.

Am drëten Deel fanne mer zéng Kapitele mat Theme wéi: Déi fënnf Stufe vum Geescht, iwwer universel Zyklen oder dass et zwou Zorte Prophete ginn.

Am véierten Deel geet et ëm den Ursprung vum Mënsch a wat de Mënsch ass. Mat 28 Kapiteln ass dat dee gréissten Deel. D'Kapiteln heeschen do zum Beispill den Ënnerscheed tëscht dem Mënsch an dem Déier; d'Séil de Geescht an de Verstand; firwat mir verschidde Charaktereeigenschaften hunn; éiweg Liewen, Schicksal, den Afloss vun de Stären, Heelung duerch geeschteg Mëttelen an Heelung duerch materiell Mëttelen.

An am leeschten Deel gi verschidden aner Theme behandelt wéi zum Beispill de Streik, Reinkarnatioun, Pantheismus, d'Netexistenz vum Béisen an d'Gerechtgkeet an d'Barmhärzegkeet vu Gott.

D'Buch ass dat richtegt fir all déi, déi wësse wëllen, wéi d'Bahá'í iwwer dëst oder dat denken. Als Beispill probéieren ech iech e Resumé vum Kapitel, Déi véier Weeër, Erkenntnis ze kréien, wat ronn zwou Säiten huet. Do schréift hien dass et nëmme véier Weeër ginn Asiicht ze kréien, also d'Wierklechkeet vun Allem kann ee just op véier Manéiere verstoen.

Déi éischt Method läit an eise Sënner, also alles wat eist A, Ouer, Geschmaach, Geroch an eist Taaschtgefill erkennt. Mee vu, dass d'Sënner eis täusche kënnen, kënne mer eis net op dës Method verloossen. Zum Beispill mengen eis Aen, dass d'Äerd net bougéiert an dass d'Sonn sech beweegt.

Déi zweet Method Erkenntnis ze gewannen ass eise Verstand; déi al Philosophen hunn dës Method benotzt. Mam Verstand konnte si Saachen noweisen a konnte sech strikt u logesch Beweiser halen. All hir Argumenter hunn op dem Verstand baséiert, mee trotzdeem gouf et vill Ënnerscheeder an hir Usiichten hu sech oft widderstried.

Déi drëtt Manéier eppes ze verstoen läit an der Traditoun, an dësem Fall an der Iwwerliwwerung duerch d'Wierder vun den hellege Schrëften. Et seet ee jo: Sou an esou huet Gott am Alen an am Neien Testament geschwat. Mee dës Method ass och net vollkommen, well d'Iwwerliwwerunge vun eisem Verstand erfaasst ginn. Vu dass de Verstand selwer Feeler mécht, ass et och gutt méiglech dass ee Feeler bei der Interpretatioun vun den Iwwerliwwerunge mécht. Dat wat mir also aus de Bicher verstinn ass dat wat eise Verstand versteet, awer net onbedéngt d'Wourecht, déi am Text dran ass. Nämlech alles wat an eisen Hänn läit, an alles wat mir gleewen, huet Feeler. Domat gëtt et an eisen Hänn kee Moosstaf, op dee mer eis verlosse kënnen.

Domat bleift eis déi véiert Manéier Erkenntnis ze kréien, anzwär d'Gnod vum Hellege Geescht. Si ass onfeelbar a kann net ugezweiwelt ginn. Mir kréien se duerch d'Hëllef vum Hellege Geescht, si erschénkt dem Mënsch an ass déi eenzeg Stuf, Gewësshheet ze kréien.

Souwäit zu dësem kuerze Kapitel, iwwer déi véier Methoden Erkenntnis ze gewannen. D'Buch huet am Däitschen 306 Säiten, et heescht *Beantwortete Fragen*, Editeur ass de Bahá'í Verlag. Kafe kënnt dir et an all Librairie, iwwer de Bahá'í Zenter um Tel: 442220 oder direkt um Internet ënnert www.bahai.de

34 D'Schicksal an d'Netexistenz vum Béisen

34t Sendung. Ass d'Schicksal, vun deem an den hellege Schrëft riets geet, virausbestëmmt? A wa jo, huet et da nach e Sënn deem Schicksal wëllen aus dem Wee ze goen?

Abdu'l-Bahá, Jong vum Begrënner vun der Bahá'í Relioun, huet op dës Fro virun 100 Joer dëst als Äntwert ginn: Et gëtt zwou Aarte vu Schicksal: Déi eng ass bestëmmt an déi aner ass bedingt. Dat bestëmmt Schicksal ka net geännert ginn an dat bedingte Schicksal ka méiglecherweis antrieden. Elo, wéi sou oft an de Bahá'í Schrëfte kréie mer unhand vun engem konkrete Beispill aus der Natur e geeschtegt Prinzip erkläert: Sou ass et fir eng Uelechluucht hiert bestëmmt Schicksal, dass hiert Uelech verbrennt. Dass si schlussendlech ausgeet ass dofir eng Bestëmmung, déi een net ännere kann, well et jo e bestëmmt Schicksal ass. Genee sou ass et jo och mat eisem Kierper. En zerfällt soubal seng Liewenskraaft zerstéiert gëtt an ophält, sou wéi d'Uelechluucht ganz sécher erläsche wäert, wann den Uelech verbrannt ass.

Mam bedingte Schicksal ass et anescht. Et kann een et mat deem hei vergläichen: Wärend deem nach Uelech an der Luucht ass, kënnt op eemol e staarke Wand, deem d'Luucht ausbléist. Dat ass bedingt Schicksal. Et ass intelligent deem Schicksal aus de Féiss ze goen, virsechteg ze sinn an op et oppassen.

Mee dat bestëmmte Schicksal, also an eisem Vergläich, d'Uelech an der Luucht, ka weder geännert nach an d'Längt gezu ginn. Et muss passéieren, et ass onvermeidlech, dass d'Luucht ausgeet. Souwäit zum Thema Schicksal.

Elo nach en Thema wat een oft an de Bahá'í Schrëften erëmfënnt: Dat Béist existéiert net. Dat Béist am Mënsch, am Déier, an der Natur gëtt et guer net. Onwëssenheet oder Ignoranz zum Beispill ass weider näischt wéi d'Feele vu Wëssen, Iertum ass d'Feele vum Richtegen, Vergiesslechkeet ass d'Feele vum Gedächtnis an d'Dommheet ass weider näischt wéi d'Feele vun der Vernunft. All dat huet keng wierklech Existenz. Aarmut ass d'Feele vu Räichtum, Krankheet ass d'Feele vu Gesondheet, den Doud ass d'Feele vum Liewen a Schwächt ass d'Feele vu Stärkt. Dat Béist wat mer kennen, besteet a Wierklechkeet net. Alles wat Gott erschaf huet, huet e gutt erschaf. Donkelheet ass jo och d'Feele vu Liicht. Wa keng Luucht do ass, ass et däischter. Liicht ass eppes wat et gëtt, awer net Donkelheet. Räichtum ass eppes wat besteet, Aarmut existéiert net. Domat ass et kloer, dass dat Béist u sech net existéiert. Dat Gutt leeft, dat Béist existéiert net.

35 Wéi ee soll sinn

35t Sendung, den 29ten an 30ten Dezember 2000. Dës Zäit ass bei eis eng besonnech Zäit. Dobaussen ass et kal an dobanne gemittlech an heemlech. Et feiert een, et ass ee bei der Famill. Eng Zäit vu Besënnung a gutt Virsätz. Als

Bahá'í bedeelegt ee sech schonn un dëse Feierdeeg an et freet ee sech mat, wann een och net onbedingt e Crëschtbeemchen doheem opriicht, d'Haus decoréiert oder Cadeaue mécht. Déi Zäit ass bei de Bahá'í Enn März, d'Bahá'í neit Joer. Fir haut hunn ech Iech e bekannten Text aus de Bahá'í Schrëften ausgewielt, dee ganz gutt an des Zäit passt: Wéi souvill vun den Texter, déi haut an Originalform zu Haifa, dem Weltzentrum, an den Archiver versuergt ginn, ass dësen Text e Bréif dee Bahá'u'lláh enger Persoun deemools geschéckt huet. Hei gëtt Bahá'u'lláh engem islamesche Mulla dës Rotschlëi mat op de Wee.

„Am Gléck géff mat an am Ongléck sief dankbar. Sief d'Veutraue vun dengem Noper wäert, a kuck op hien mat hellen a frëndlechen Aen. Sief e Schatz fir den Aarmen, eng Äntwert op deen, deen no Hëllef jätzt an hal dāi Versprieche helleg. Sief gerecht an dengem Urteel a géff Uecht wann s de schwätz. Sief ongerecht zu kengem Mësch, a géi mat jidderengem duuss ëm. Sief wéi eng Luucht fir déi, déi an der Däischtert ginn, eng Freed fir deen dee Misär huet, e Mier fir den Duuschtregen, e Beschützer fir de Bedrängten, eng Stäip an e Verteedeger fir d'Affer vun Ënnerdrückung. Dass alles dat, wat s de méchs, sech duerch Integritéit an Opriichtegkeet auszeechent. Sief en Heem fir de Friemen, e Balsam fir deen dee leid, dem Flüchtling e staarken Tuerm. Sief d'Ae fir de Blannen an eng Luucht déi féiert fir deen deen de Wee net weess. Sief e Bijou vun der Wourecht, eng Kroun fir d'Stir vun der Trei, e Pillier vum Tempel vun der Rechtschaffenheet, e Liewenshauch fir de Kierper vun der Mëschheet, ... en Himmelslicht um Horizont vun der Dugend, den Da fir de Buedem vum mëschlechen Häerz, eng Arch um Mier vun der Erkenntnis, eng Sonn am Himmel vun der Guttheet, e Steen am Diadem vun der Wäisheet, e stralend Liicht um Firmament vun déngen Zäitgenossen an eng Fruucht um Bam vun der Bescheidenheet.“

“Be generous in prosperity, and thankful in adversity. Be worthy of the trust of thy neighbor, and look upon him with a bright and friendly face. Be a treasure to the poor, an admonisher to the rich, an answerer to the cry of the needy, a preserver of the sanctity of thy pledge. Be fair in thy judgment, and guarded in thy speech. Be unjust to no man, and show all meekness to all men. Be ass a lamp unto them that walk in darkness, a joy to the sorrowful, a sea for the thirsty, a haven for the distressed, an upholder and defender of the victim of oppression. Let integrity and uprightness distinguish all thine acts. Be a home for the stranger, a balm to the suffering, a tower of strength for the fugitive. Be eyes to the blind, and a guiding light unto the feet of the erring. Be an ornament to the countenance of truth, a crown to the brow of fidelity, a pillar of the temple of righteousness, a breath of life to the body of mankind, an ensign of the hosts of justice, a luminary above the horizon of virtue, a dew to the soil of the human heart, an ark on the ocean of knowledge, a sun in the heaven of bounty, a gem on the diadem of wisdom, a shining light in the firmament of thy generation, a fruit upon the tree of humility.”¹

„Sei freigebig im Glück und dankbar im Unglück. Sei des Vertrauens deines Nächsten wert und schaue hellen und freundlichen Auges auf ihn. Sei ein Schatz dem Armen, ein Mahner dem Reichen, eine Antwort auf den Schrei des Bedürftigen, und halte dein Versprechen heilig. Sei gerecht in deinem Urteil und behutsam in deiner Rede. Sei zu keinem Menschen ungerecht und erweise allen Sanftmut. Sei wie eine Lampe für die, so im Dunkeln gehen, eine Freude den Betrübten, ein Meer für die Dürstenden, ein schützender Port für die Bedrängten, Stütze und Verteidiger für das Opfer der Unterdrückung. Laß Lauterkeit und Redlichkeit all dein Handeln auszeichnen. Sei ein Heim dem Fremdling, ein Balsam dem Leidenden, dem Flüchtling ein starker Turm. Sei dem Blinden Auge und ein Licht der Führung für den Fuß des Irrenden. Sei ein Schmuck für das Antlitz der Wahrheit, eine Krone für die Stirn der Treue, ein Pfeiler im Tempel der Rechtschaffenheit, Lebenshauch dem Körper der Menschheit, ein Banner für die Heerscharen der Gerechtigkeit, ein Himmelslicht am Horizont der Tugend, Tau für den Urgrund des Menschenherzens, eine Arche auf dem Meer der Erkenntnis, eine Sonne am Himmel der Großmut, ein Stein im Diadem der Weisheit, ein strahlendes Licht am Firmament deiner Zeitgenossen, eine Frucht am Baume der Demut.“

"Sois généreux dans la prospérité et reconnaissant dans l'adversité. Sois digne de la confiance de ton voisin et regarde-le avec un visage radieux et amical. Sois un trésor pour le pauvre, un avertissement pour le riche, un écho au cri du nécessiteux, et préserve la sainteté de ton engagement. Sois impartial dans tes jugements et réservé dans tes paroles. Ne sois injuste envers personne et sois humble devant tous les hommes. Sois une lampe pour ceux qui marchent dans les ténèbres, une joie pour ceux qui souffrent, une mer pour les assoiffés, un havre pour ceux qui sont dans la détresse, un soutien et un défenseur pour la victime de l'oppression. Que l'intégrité et la droiture caractérisent tous tes actes. Sois un foyer pour l'étranger, un baume pour celui qui souffre, une tour de puissance pour le fugitif. Sois les yeux de l'aveugle, un phare pour guider les égarés. Sois un ornement pour le visage de la vérité, une couronne au front de la fidélité, un pilier au temple de la rectitude, un souffle de vie au corps de l'humanité, un emblème pour les armées de la justice, un luminaire à l'horizon de la vertu, une goutte de rosée sur le sol du cœur humain, une arche sur l'océan de la connaissance, un soleil au ciel de la générosité, une pierre sur le diadème de la sagesse, une brillante lumière au firmament de ta génération, un fruit sur l'arbre de l'humilité."

¹ Bahá'u'lláh, Epistle to the Son of the Wolf

Passend dobái dëst chinesescht Spréchwuert wat seet: dass et dausendmol besser ass eng Luucht unzeman, wéi sech eng Éiwegkeet iwwer d'Däischtert ze iergeren. An deem Sënn wënschen ech Iech alleguer eng gutt Gesondheet an e gudde Rutsch.

36 De Bahá'í Kalenner

36t Sendung, de 5ten a 6te Januar 2001. En neit Joer huet ugefaangen. Weltwäit gouf et gefeiert an dëst obschonn et eng ganz Parti aner Zäitrechnungen op der Welt ginn. Et gi verschidde Methoden fir d'Zäit ze moossen an Datumen ze fixéieren, sou zum Beispill dee gregorianesche Kalenner, dee julianesche Kalenner a ville Länner an Osteuropa, de chineschen, den hebräeschen an dee mosleemesche Kalenner. Abee, zënter 157 Joer gëtt et och e Bahá'í Kalenner. Et war de Virleefer vun der Bahá'í Relioun, BÁB, deen de Bahá'í Kalenner agefouert huet. An dat fir d'Wichtigkeet vun dësem neie Glawen ze weisen. D'Bahá'í Joer besteet aus 19 Méint vu jeweils 19 Deeg, an zousätzlech entweder 4 oder 5 extra Deeg, an dat tëschent dem 18ten a 19te Mount. Dëst ergëtt jo dann 365 Deeg, also 19 Méint mat jeweils 19 Deeg, plus 4 Deeg ergëtt 365 Deeg. Déi 19 Bahá'í Méint sinn all no engem Attribut, enger Qualitéit vu Gott genannt. Zur Zäit si mer am Bahá'í Mount Éier, also Honneur op Franséisch. D'Bahá'í Neit Joer, genee sou wéi dat aalt persescht Neit Joer ass astronomesch festgeluecht. Et fänkt den 21ste Mäerz un, de Mäerz Equinox. D'Bahá'í Zäitrechnung fänkt 1844 un, dat ass d'Joer vun der Erklärung vu Báb, dem Virleefer vun der Bahá'í Relioun. A net allzewäiter Zukunft wäert et sécher néideg sinn, dass all d'Mënschen op der Welt sech op een eenzegen a gemeinsame Kalenner eenege wäerten. Et schéngt dofir ganz an der Rei, dass dëst neit Zäitalter vun der Eenheet och en neie Kalenner sollt hunn. E Kalenner dee fräi ass vun Objektivitéiten an Assoziatiounen, déi jidderee vun deenen anere Kalenneren net akzeptabel man fir eng grouss Sektoun vun der Weltbevëlkerung.

Et ass och schwéier ze gesinn, wéi en anere Kalenner ausser dem Bahá'í Kalenner kéint méi einfach a passend sinn. Wéi gesot hunn déi 19 Bahá'í Méint vu jeweils 19 Deeg all en Numm deen enger Qualitéit vu Gott entsprécht. Sou heeschen d'Bahá'í Méint: Glanz, Ruhm, Schéinheet, Gréisst, Liicht, Erbaarmen, Wieder, Vollkommenheet, Nimm, Würde, Wëllen, Wëssen, Muecht, Sprooch, Froen, Éier, Herrschaft, Hoheit an Erhabenheet. Am Ufank vun all Bahá'í Mount treffen d'Bahá'í sech an hirer jeeweileger Uertschaft. Dëst Treffen heescht Nonzëngdeegfest. Et ass e feste Bestanddeel vun de Bahá'í Aktivitéiten an jiddereen ass invitéiert sech drunn ze bedeelegen.

D'Nonzëngdeegfest besteet aus dräi Deeler. Am éischten Deel, deem geeschtegen Deel gi Gebieder an Texter aus den hellege Schrëfte virgedroen. Deen Deel ass oft mat passender Musek ënnermoolt. Am zweeten Deel gëtt beroden. Do huet all Bahá'í d'Méiglechkeet, sengem lokale Rot Virschléi ze man a Froen ze stellen. Oft gëtt iwwer Projeten an Aktivitéite geschwat. Wie bekëmmert sech ëm wat, a wou a wéini gëtt déi nächst Konferenz organiséiert. Hei mécht de lokalen Trésorier och säi Bericht, wéivill Contributiounen erakomm sinn a wéi eng Ausgaben dëse Mount ugefall sinn. Den drëtten a normalerweis leschten Deel ass dee sozialen Deel. Do gëtt et oft eng Taass Téi oder Kaffi mat Kuch an eng Klenglechkeet ze iessen. D'Kanner spillen an déi Erwuessen ënnerhale sech. De Sënn vun dësem Nonzëngdeegfest ass deen, dass ee sech op mannst eemol am Mount méi no kënnt a sech besser kenneléiere kann. Et soll eng Zäit sinn, wou een optanke kann. Eng Beräicherung. Souwäit zum 19Deegfest an dem Bahá'í Kalenner.

37 Geschicht: Gedold

37t Sendung, den 12ten an 13te Januar 2002. Dës Geschicht hunn ech am Tréierer Bahá'í Echo entdeckt. Vu wou se hierkënnt ass leider net gewosst.

Et war eemol e jonke Mann, dee guer net vill Gedold hat an deen immens gutt streide konnt. Säi Papp wollt him hëllefen säi Charakter ze verbesseren an huet him eng Këscht mat Neel ginn an zu him gesot: Lauschter, all Kéier wann s du deng Gedold verléiers oder wann s du dech mat engem streits, dann hëlls de en Nol an du schléiss en an de Gaardepoteau. Gutt. Den éischten Dag schléit de Jong 37 Neel an de Gaardepoteau. No e puer Wochen huet e geléiert sech e bësse besser ze behuelen an esou goufen et all Dag manner Neel, déi hien an de Poteau geschloen huet. En huet erausfonnt, dass et méi einfach ass sech ze behuelen a sech ze beherrschen, wéi andauernd Neel anzeschloen.

Wéi en et du färdegbruecht huet, kee Nol méi brauchen anzeschloen, ass e stolz bei säi Papp gaang fir him dat ze zielen. Tipp Topp sot de Papp. Kann s du elo fir all Dag wou s du net streits, en Nol aus dem Poteau erauszéien. D'Deeg si vergaang bis dee jonke Käreel d'Neel all aus dem Poteau eraus hat. Dunn ass de Papp mat sengem Jong bei de Poteau gaang an huet him all d'Lächer gewisen déi duerch d'Neel entstane sinn. Mäi Jong, sot en, du hues dech wierklech gutt druginn an dech gutt beholl, all Respekt. Mee kuck mol wéivill Lächer elo am Poteau sinn. Dëse Gaardepoteau wäert niméi sou sinn wéi en eng Kéier war. Wann s de mat engem streits an du vernenns en a sees him schlecht Wieder, hannerléiss du him eng Wonn, genee sou wéi dës Lächer. Du kanns och ee mat engem Messer stiechen an dann d'Messer eraushuelen, awer d'Wonn déi bleift. Et ass egal wéivill mol s de dech bei him entschëllegs, d'Wonn déi bleift. An engem verbal wéidoen ass méi schlëmm wéi engem kierperlech wéidoen.

Eng wéi ech fanne wonnerbar Manéier Kanner a Jugendlechen e moralescht Prinzip ze weisen. Direkt si mer do bei d'Bahá'í Schrëften komm a wéivill Wäert do op d'Erzéiung vun de Kanner geluecht gëtt. Héiflechkeet géint iwwer eisen Elteren, eiser Famill an eise Matmënschen ass eng vun deenen Dugenden, op déi souvill Wäert geluecht gëtt an do hu mir Erwuessener sécher och nach vill drunn ze schaffen. 48mol kënn dat Wuert Héiflechkeet an deene Bahá'í Texter vir, déi ech bei mir am Computer gespäichert hunn. Bahá'u'lláh seet dass d'Héiflechkeet d'Kroun vun all den Dugenden ass. Hie seet weider: „*Geseent ass deen, dee mam Mantel vun der Opriichtegkeet gekleet ass an erliicht mat der Luucht vun der Héiflechkeet.*“ D'Geschicht ass awer och erëm eng Bestätigung dass all geeschtegt Prinzip sech an eiser materieller Welt erëmस्पигelt.

38 Gott eemol anescht gesinn

38t Sendung, de 19ten an 20te Januar 2002. Haut luet de Ries'en Heng iech op eng Multimediakonferenz am Bahá'í Zenter an. Hei seng Invitatioun: Léif Frënn! Ech sinn elo zënter 5 Joer Bahá'í. Déijéineg déi net wësse sollten wat Bahá'í ass sief gesot, dass et déi jéngste Weltreligion ënnert de Reliounen ass, wéi d'Chrëschtentum, den Islam, de Juddentum, de Buddhismus, den Hinduismus esou wéi verschidden, sougenannt heednesch, spirituell Richtungen. Sollt ech eng vergiess hunn, sou ass dat keng Absicht, éischter Onwëssenheet mengersäits.

Firwat ech mech iech matdeelen ass Folgendes. D'Wierder an eise Vokabulär, wéi Gott, Relioun a Séil, sinn an der Gesellschaft vun haut verpönt. Dës Wieder erstécken een éischter, wéi dass se ee beliewen. Sie sinn an der Vergaangenheet esou verfälscht ginn, dass e logesch denkende Mënsch sech vun allem distanzéiert wat mat dem Begrëff Reliösitéit ze dinn huet. Ech sinn do keng Ausnam. An dorunner huet sech bis haut bei mir och nach näischt geännert. Wat sech menger Logik widdersprécht, sprécht mech net un. Wat awer net heescht, dass ech Aen an Ouere verschléissen, virun all dem wat ech momentan net am Stand sinn ze verstoen.

Op dem Wee hunn ech d'Bahá'í hei zu Lëtzebuerg kennegeléiert. Folgenden Opruff an enger Bahá'í Zäitschrëft (Zeit für Geist): „*Eegent Sichen no de Wourecht*“, war ee vun den Ausléiser. Genau dat huet menger eegener Liéwensphilosophie entsprach, sech selbststänneg an eeverantwortlech, senger selwer a senger Ëmwelt bewosst ginn. Bis anno 1995 wouss ech näischt vun de Bahá'í. Déi folgend fënnf Joer hunn ech geléiert, ouni beléiert ze ginn, deene Wieder wéi, Gott, Relioun a Séil eng aner Bedeitung ze ginn.

Déi logesch Konsequenz war, dass ech haut all Relioun an engem aneren Liicht gesinn. Si hunn all an hirem Ursprong, e befreienden, openen Charakter. Si entspriechen an hirer Ursprunglechkeet guer net dem beschränkten, blockéierenden a verstellenden Image deen se haut hunn. Wat d'Relioune vun hirem Ursprung erhalen hunn ass, dass se eis, ouni Ausnam erënneren, dass mir een eenzegen a gemeinsamen Ursprong hunn an, dass mir eis deem solle bewosst ginn. Déi eng nennen en Urknall, déi aner Gott. Wann ech mer haut déi verschidden Definitiounen fir Urknall a Gott, déi an eiser Welt bekannt sinn, virun Ae fëieren, da stellen ech fest, dass dat eent sou ondéfinéiert ass wéi dat anert. Wat vun de Reliounen hiren Inhalten iwweg bliwwen ass, si Gesetzer a Formen. Vu geeschtegen, mysteschen Inhalten a Potentialer schwätzt souzesoen kee méi. Wat hiren eigentlechen Inhalt ubelaangt, kouw ech zu der Schlussfolgerung, dass d'Reliounen, onofhängeg vun der Epoche oder der geographescher Lag vun hirem Erschéngen, eng geschlossen Eenheet bilden an hirer Verschiddenheet, an dass hiert gemeinsam Zil ass, d'Mënschheet vum Primat zu enger geeschteger Héichkultur ze fëieren. Hautdesdaags gesäit een d'Ufäng vun der Héichkultur. Anerersäits sti mir op engem Scheidepunkt tëschent Selbsterstéierung oder onvergläichlechem Fortschrëtt. Eng eegen operluerge Selbstkontroll deet Nout. Als Bahá'í sinn ech der Meenung, dass déi urspringlech Inhalte vun alle Reliounen, sou wéi déi an der Bahá'í-Relioun festgehalen Gesetzer a Normen, eis eng enorm Hëllef wäerte sinn op dem Wee an eng phantastesch Zukunft.

An deem Sënn hunn ech eng Konferenz preparéiert déi heescht: "*Gott einmal anders gesehen.*" Dat Gesoten ass ënnerstëtzt an animéiert duerch eng Slide-Show am Powerpoint a stellt mäi momentaant Verständnis vun de Bahá'í Schrëften duer, déi ganz villschichteg sinn a vun deenen Dir iech är eege Meenung bilde sollt.

Et géing mech freeën iech am Bahá'izenter, Allée Léopold Goebel, Lëtzebuerg/Stad, en Donneschden, de 25 Januar 2001 um 20h00 erëmzegesinn wann et heescht: "*Gott eemol anescht gesinn*".

39 Beschass

39t Sendung, de 26ten a 27te Januar 2002. Alles wat mir am Liewe maachen, all Aktivitéit, bréngt Konsequenze mat sech. An de Bahá'í Schrëfte fällt op wéi uerg a schlëmm d'Konsequenz vum Klaatschen (Beschass) ass, vum Kritiséieren a schlecht iwwer aner schwätzen. Bahá'u'lláh seet dass *üble Nachrede* d'Luucht vun eise Häerz erlëscht an d'Liewe vun eiser Séil erstéckt. Mir soen am Lëtzebuergesche Klaatschen fir dat Englescht *gossiping*. Mir schwätze jo gär iwwer déi aner, am Café, an der Patisserie, iwwerall wou et nëmme geet. Fir dat Englescht *backbiting*, oder dat Däitscht *üble Nachrede* soe mer héchstens, deen an dee gëtt emol gutt erofgemaach; gudde

Beschass. An dann hu mer d’Kritiséieren, wat e bässe méi neutral kléngt. Et kann een och soe konstruktiv Kritiséieren, wat a Wierklechkeet awer destruktiv ass.

Schlecht iwwer aner Leit schwätzen erlāscht d’Luucht vun eisem Häerz an erstéckt d’Liewe vun eiser Séil. Abdu’l-Bahá, de Nofolger vu Bahá'u'lláh gëtt eis dëse Rotschlo: Wann een iech eppes schlechtes iwwer een zielt, deen net do ass, dann ass et är Flicht, dës Persoun op eng frëndlech Aart a Weis ze froen, domat opzehalen an hir ze soen: Wat bréngt et eng aner Persoun erofzemaachen? Nützt et iergendenger Séil? Am Géigendeel, mat deem Geschwätz gëtt eist Häerz mat Stëbs zougedeckt, eis Ouren héieren näischt méi, an eis Ae gesinn d’Luucht vun der Wourecht net méi. Just de Konträr sollt mer man, an zwar déi aner Leit luewen an déi positiv Qualitéiten eraushiewen. Mir sollen eis Méi ginn, an all Mënsch dat Gutt ze gesinn. Wa mer ee gär hunn, fällt et eis natierlech méi liicht, deem seng Feeler ze iwwersinn a just dat Gutt ze gesinn. Wa mer versiche jiddereen ze apprécieieren a gär ze hunn, net wéinst hirer selwer, mee well mer jo all d’selwecht sinn a well mer jo all vun deem selwechte Gott erschaf goufen, fällt et eis vläicht méi einfach. Duerfir brauche mer eigentlech och ni rosen oder ongedëlleg mat engem Mënsch ze ginn.

Mir huet eng Kannergeschichte zu dësem Thema gutt gefall: Eng Fra déi agesinn huet dass se wierklech wonnerbar am Beschass ass, huet sech virgehollt eppes dergéint ze man. Si geet bei ze Psycholog fir hien ëm Hëllef ze froen a vläicht eng Therapie ze man. De Psycholog gëtt der Fra dës Uweisung: Sou, mar gitt er iech en Hung kafen an da gitt der spadséieren. Während deem der trëppelt, plëmmt der d’Hung an aller Rou an da kommt der den Dag drop nees bei mech. D’Fra huet sech geduecht. Deen do huet se jo neméi all, ech soll spadséiere goen an en Hung plëmmen, mee de Psycholog huet hir gefléift an hir verséichert, dass dës Method bis elo nach ëmmer geklappt huet. Alles gutt, si mécht wat si ugestallt gouf a kënnt den Dag drop zrëck bei de Psycholog. Hie lueft se a seet hir: Tipp topp, elo hätt ech gär dass der de Mëtteg zrëck gitt, dee Wee wou der spadséiere waart an da raaft der all déi Plomme vun ärem geplëmmten Hung nees op an dir bréngt mer se. Ma dat geet dach neméi seet d’Madame, se sinn dach all fortgeflunn, et ass onméiglech. D’Moral vun der Geschichte hutt der sécher aleng erausfonnt. Wann ech eng Kéier schlecht iwwer ee schwätzen, kann ech dat sou gitt wéi niméi zrëckhuelen a réckgäנגen man.

Et sief nach op eng Photosausstellung am Stater Cercle higewisen, 157 Joer Bahá’í Glawen, organiséiert vun der Stater Bahá’ícommunautéit. D’Ausstellung ass vum 9te bis de 16te Februar. Dobei eng Invitatioun op zwou Konferenzen am Cercle, an zwar de 9te Februar um 8 Auer owes mam Dr Rassekh aus der Schwäiz. *Actualités de la foi* ass säin Thema an den 13te Februar och nees um 8 Auer owes, mam Här Louis Henuzet aus der Belsch iwwer d’Bahá’í Geschichte. Fir weider Info, telefonéiert dem 442220.

40 D’Bahá’í Schrëften

40t Sendung, den 2ten an 3te Februar 2002. De nächste Freideg, 9te Februar hutt der eng Woch laang d’Geleeënheet am Stader Cercle eng Ausstellung iwwer d’Geschicht vum Bahá’í Glawen ze besichen, an dat an der Woch iwwer vun 10 bis 6 a Sonndes vun 2 bis 6. Den Titel vun der Ausstellung heescht: *D’Äerd ass nëmmen ee Land an all Mënsche si seng Bierger*. Am Cercle och zwou Konferenzen an dat den éischten Owend, Freides de 9ten um 8 Auer owes mam Dr Rassek, Docteur en sociologie, aus der Schwäiz: *L’actualité mondiale de la Foi Bahá’í*, an Dënschdes den 13te um 8 Auer mam Här Henuzet aus der Belsch: *Les 157 ans de la foi bahá’ie*. Wéi gesot dat alles am Stater Cercle vum 9te bis den 13ten.

Wa mer scho bei Geschicht sinn, gesäit een och séier, wéi wichteg authentesch Dokumenter haut ëmmer nach sinn. Fir eng Relioun sinn authentesch Dokumenter vun hirem Begrënner ëm sou méi wichteg, vu dass eng Relioun jo en Afloss op d’Mënschheet während eng länger Zäit wëllt hunn. D’Bahá’í Relioun huet Gottseidank ganz vill authentesch Dokumenter. De Reliounsstëfter, Bahá'u'lláh selwer an aner zentral Perséinlechkeeten hunn handschrëftlech Opzeechnungen hannerlooss oder Texter déi vun hinne bestätegt gi sinn, déi meeschtens am perseschen, arabeschen oder engleschem Original erhale sinn. Haut gëtt et Iwwersetzungen an all deene grouse Sproochen vun der Welt.

Bei dëse Schrëften handelt et sech ëm ganz verschidden Texter, sou zum Beispill Bréiwer u Privatpersounen, Dokumenter un Herrscher, Bicher, Ofhandlungen a kuerz Texter. An all deem fënnt ee Gebieder, sachlech Ausernanersetzunge mat Froen déi un den Auteur geriicht waren, lyresch oder mystesch Passagen, histoersch Aufsätz a nach viles méi.

Fir e Bahá’í verbindlech sinn d’Schrëfte vun dësen Auteuren: Báb, (dee vun 1819 bis 1850 gelieft huet), Stëfter vun der Bábi-Relioun a Verleefen vu Bahá'u'lláh. Bahá'u'lláh, 1817-1892, Begrënner vun der Bahá’í Relioun. Abdu’l-Bahá, 1844-1921, Jong vu Bahá'u'lláh an autoriséierten Ausleeër vu sengem Papp senge Schrëften.

De Shoghi Effendi, 1897 – 1957, Enkel vum Abdu’l-Bahá a Leeder vun der weltwäite Bahá’ícommunautéit, an dat a Virbereedung op d’Universaalt Haus vun der Gerechtegkeet, déi héchst Kierperschaft an der Bahá’í Weltgemeng; dëse Gremium gëtt säit 1963 all fënnef Joer gewielt an huet säi Sëtz zu Haifa an Israel. Opgrond vun hirer zugläich

dezentraler Struktur gött et an der Bahá'í Weltcommunautéit nach weider Institutiounen, déi, ënner annerem duerch Communiqués de Presse hire Beitrag zur Förderung vu Welteenheet leeschten, sou zum Beispill d'international Bahá'ícommunautéit oder de Nationale Geeschtege Rot vun de Bahá'í vu Lëtzebuerg.

Hei elo e puer vun den Themen déi trëitert ginn : Eng nei Weltuerdnung, Fridden, déi wirtschaftlech a sozial Entwécklung, d'Famill, d'Erzéiung, d'Ëmwelt, Fraen, d'international Bahá'í Gemeng an d'Veereenten Natiounen, d'Mënscherechter an d'Verfollegunge vun de Bahá'í am Iran.

Zum Thema Erzéiung seet Bahá'u'lláh dass et jidderengem seng Pflicht ass, sech Wëssen unzëeegnen. Dobäi sollten awer déi Wëssenschafte studéiert ginn, déi de Vëlker op der Äerd eppes nützen a net déi, déi mat Wierder ufänken a mat Wierder ophalen. Vill verdanken d'Vëlker vun der Welt de Wëssenschaftler an den Handwierker. Wëssen ass wirklech e Schatz fir de Mënsch, eng Quell vu Ruhm, Groussmut, Freed an Erhewenheet. (AKKA 5:15)

Passend zum Thema präsentéiert d'Bahá'ícommunautéit dëse Weekend hir Bahá'í Librairie, an der Allée Léopold Goebel No 17. Agelueden ass d'ganz Famill an dat Samschdes mëttes vun 2 Auer bis owes a Sonndes vun 10 bis 6. Eng Rei vu bekannten Auteurs animéieren dëse Weekend, dorënner d'Farah Dustdar, d'Bahiyih Nakhjavani, de Josy Braun, de Paul Thiltges, de Roger Manderscheid, de Gilbert Pregno, de Fari Khabipour an de Guy Rewenig. Fir weider Froen, rufft am Bahá'í Zenter um 442220 un oder kommt einfach bis era kucken wat leeft. Dat ass dëse Weekend, Samschdeg vun 2 Auer a Sonndes vun 10 Auer aus un.

41 Bahá'u'lláh, Begrënner vum Bahá'í Glawen, Deel 1/4

41t Sendung, den 9ten an 10te Februar 2002. An dëser Rubrik kucke mer eis d'Liewe vum Begrënner vum Bahá'í Glawen e bësse méi genee un. Den 12ten November 1817 ass Bahá'u'lláh zu Teheran, der Haaptstad vu Persien, op d'Welt komm. Schon a senger Kandheet huet hien aussergewöhnlech Qualitéite gewisen an d'Aart a Weis wéi hie sech beholl huet, huet seng Elteren dovun iwwerzeegt dass hie fir eppes ganz Grousses bestëmmt war. Dem Bahá'u'lláh säi Papp, e Minister mat vill Verdéngschter um Haff vum Kinnek, hat eng ganz besonnesch Léift fir säi Jong. Hien huet eng Kéier gedreemt, dass säi Jong, Bahá'u'lláh an engem onendlech grousssem Mier geschwommen ass a säi Kierper gestraalt huet an d'ganzt Mier erliicht huet. Ronderëm säi Kapp hu seng laang pechschwaarz Hoer gestraalt, an dat an alle Richtungen op dem Waasser. Eng Onmass vu Fësch hu sech ronderëm hie versammelt, a jidderee vun hinnen huet sech un ee vu sengen Hoer ugehal. Obschonn et ganz vill Fësch waren, huet Bahá'u'lláh net een eenzegt Hoer verluer. Fräi an ouni Zwang, huet hie sech iwwer dem Waasser beweegt an d'Fësch sinn him all nokomm. Bahá'u'lláh säi Papp wollt wëssen, op den Dram eng Bedeutung hätt, an huet e Mann gefrot, dee fir seng Wäisheet bekannt war, him den Dram ze erklären. Hie sot dat hei: „*Dat onendlecht Mier wier eis Welt. Aleng an ouni Hëllef, kréich Bahá'u'lláh d'Herrschaft iwwer d'Welt. All déi vill Fësch ronderëm hien géifen d'Onrou an d'Opreegung duerstellen, déi hien ënnert de Leit schafe géif. Hie wier awer ënnert dem onfeelbare Schutz vum Allmächtigen a näischt kéint him wéidoen.*“

Mat 14 Joer scho war Bahá'u'lláh beim Haf vum Kinnek berüümt fir seng Wäisheet a säi Wëssen. Hien hat 22 Joer wéi säi Papp gestuerwen ass. D'Regierung huet him déi selwecht Position ugebueden. Bahá'u'lláh awer hat net wëlles seng Zäit mat weltleche Saachen ze verbréngen. Hien huet den Haff vum Kinnek a senger Ministeren hannert sech gelooss fir e Wee anzeschloen, deen hie vum Allmächtege krut. Seng Zäit huet hien domat verbruecht den Ënnerdréckten, de Kranken an den Aarmen ze hëllefen. Geschwë war hie bekannt als Een, dee sech fir d'Saach vun der Gerechtegkeet agesat huet.

Mat 27 Joer krut Bahá'u'lláh, duerch e speziellen Iwwermëttler, e puer vun de Schrëfte vum Báb, een dee gesot huet dass den Dag vu Gott ganz no ass, den Dag wou eng nei Manifestatioun vu Gott Weltfridden, Eenheet a Gerechtegkeet bréngen wäert. Eppes wou d'Mënschheet scho laang drop gewaart huet.

Bahá'u'lláh huet dëse Message vum Báb direkt akzeptéiert an ass ee vu sengen enthusiasteschten Unhänger ginn. Mee leider hunn déi, déi iwwer d'Leit vu Persien regéiert hunn, blann duerch hir eegen egoistesche Wënsch, sech et zum Zil gemaach, d'Unhänger vum Báb op eng ganz grausam Aart a Weis ze verfollegen. Bahá'u'lláh, obschonn hie wéinst senger Nobilitéit bekannt war, gouf net verschount. E bësse méi wéi aacht Joer no der Erklärung vum Báb, an zwee Joer nodeem hie selwer e Märtyr ginn ass, hu si Bahá'u'lláh an en däischteren, ënnerirdesche Prisong¹ gehäit, wat schwaarzt Lach genannt gött. D'Kette ronderëm säin Hals waren esou schwéier, dass hie säi Kapp net konnt hiewen. Hei huet Bahá'u'lláh véier schrecklech Méint vu gréisster Nout verbruecht. An awer war et an dësem Prisong wou Gottes Geescht seng Séil gefëllt huet an Him offenbaart huet, dass Hien deejéinegen wier, op deen d'Leit zu allen Zäiten drop gewaart hunn.² Aus dësem donkle Prisong, ass d'Sonn vu Bahá'u'lláh opgaangen, fir

¹ Kerker

² The Promised One, der Verheissene

d'ganz Création ze erliichten. (aus Ruhi Buch 2) Souwäit zum Liewe vu Bahá'u'lláh. Wéi sai Liewe sech weiderentwéckelt, gitt dir d'nächst Woch an eiser Rubrik gewuer.

Ech wëll nach ganz kuerz op d'Ausstellung am Stater Cercle hiweisen. Do kënnt dir bis den 13ten eng Fotosausstellung iwwer de Bahá'í Glawe gesinn, an dat an der Woch vun 10 bis 6 a Sonndes vun 2 bis 6 Auer. Dozou eng Konferenz en Dënschdeg den 13ten um 8 Auer owes mam Här Henuzet aus der Belsch: *Les 157 ans de la foi bahá'íe*. Wéi gesot dat alles am Stater Cercle nach bis den 13ten.

42 Bahá'u'lláh, Begrënner vum Bahá'í Glawen, Deel 2/4

42t Sendung, de 16ten a 17te Februar 2002. An dëser Rubrik kucke mer eis d'Liewe vum Begrënner vum Bahá'í Glawen e bësse méi genee un. A senger Kandheet schonnet huet Bahá'u'lláh aussergewöhnlech Qualitéite bewisen. Mat 14 Joer war Hie beim Haff vum Kinnek berüümt fir seng Wäisheet a sai Wëssen.

Bahá'u'lláh war 22 wéi sai Papp gestuerwen ass. Hien huet sengem Papp seng Carrière bei der Regierung net ageschloen, mee huet seng Zäit domat verbruecht, den Ënnerdréckten, de Kranken an den Aarmen ze hëllefen. Fënnf Joer méi spët huet Bahá'u'lláh dem Báb sai Message akzeptéiert. Hie sot dass den Dag vu Gott ganz no wier, den Dag wou eng nei Manifestatioun vu Gott Weltfridden, Eenheet a Gerechtegkeet brénge géif. Mee sou e Message ze akzeptéieren war verhängnisvoll, wëll déi, déi deemools a Persien regéiert hunn, blann duerch hir eegen egoistesche Wënsch, sech et zum Zil gemaach haten, d'Unhänger vum Báb op eng ganz grausam Aart a Weis ze verfolgen. Sou koum et, dass Bahá'u'lláh véier schrecklech Méint vu gréisster Nout an engem däischteren, ënnerirdesche Prisong verbruecht huet. A grad do huet Gottes Geescht seng Séil gefëllt an Him offenbaart, dass Hien deejéinege wier, op deem d'Leit zu allen Zäiten drop gewaart hunn.

No véier Méint an engem däischteren Lach, krut Bahá'u'lláh alles geholl wat en hat, an Hien a seng Famill goufen an den Exil geschéckt. An der batterer Keelt vum Wanter, si si laanscht déi westlech Bierger vu Persien op Baghdad gereest. Baghdad war deemools eng Stad am ottomanesche Räich an ass haut d'Hauptstad vum Iraq. Wieder kënne net beschwreie wat si alles erlidden hunn, wéi si honnerte vu Kilometeren iwwer Äis a schneibedeckte Buedem gounge, op hirem Wee zu dëser schicksalsbeluedener Stad.

D'Bekanntheit vu Bahá'u'lláh huet sech séier duerch Bagdad an aner Stiet an der Emgéigend verspreet a méi a méi Leit koume bei d'Dier vun dësem Prisonéier am Exil, fir hire Seegen ze kréien. Mee do waren der e puer, déi iwwer seng Berümtheit jalous goufen. Ënnert hinne war Bahá'u'lláh säin eegenen Hallefbrudder Mirza Yahya, deem ënnert sengem Schutz gelieft huet. De Mirza Yahya huet sech géint Bahá'u'lláh gericht an huet geduecht dass d'Unhänger vum Báb, déi him zu där Zäit grouse Respekt gewisen hunn, hien als hire Leader akzeptéiere géifen. Hie wosst net, datt doduerch dass hie sech géint d'Manifestatioun vu Gott gericht huet, hie seng eege Nidderlag erbäibrénge géif. Well wann eng göttlech Manifestatioun erschénkt, kënnen nëmmen déi op eng wierklech Éier hoffen, wa si och a Sengem Dénkscht liewen. Souguer déi allernootste Famill duerf net vergiessen, dass Hien à part ass vun allen aneren mënschleche Liewewiesen an dass Hien e Rank huet, dee soss keen deele kann.

Dat wat de Mirza Yahya, dem Bahá'u'lláh säin Hallefbrudder alles ugestallt hat, huet am meeschten Oneenheet ënnert den Unhänger vum Báb bruecht, an huet Bahá'u'lláh vill Misère gemaach. Onverhofft, enges Owes, ouni enger Séil eppes ze soen, ass hie vun doheem fortgaang fir an d'Bierger vu Kurdistan ze goen. Zréckgezu vun der Welt, huet hien do gelieft, beschäftegt mat Gebiet a Meditatioun. An enger klenger Höl huet Hie gewonnen an huet vu Waasser a Brout gelieft. Kee wosst säin Numm oder vu wou en hirkéim. Mee dunn, lues a lues, hunn d'Leit aus der Emgéigend vun Him geschwat als deem ouni Numm, e groussen Hellegen, dee sai Wësse vu Gott krut. Wéi du säin eeltste Jong, Abdu'l-Bahá vun dësem hellege Personnage héieren huet, huet hien doranner direkt sai Papp erkannt. Bréiwer sinn extra duerch en Iwwermëttler bei Hie geschéckt ginn, wou Bahá'u'lláh mat vill Léift gebiede goug, dach zréck op Baghdad ze kommen. Hien huet dat dann och akzeptéiert, an domat war eng schmäärzlech Trennung déi zwee Joer gedauert hat, zu Enn.¹ Souwäit zum Liewe vu Bahá'u'lláh. Wéi sai Liewe sech weiderentwéckelt, gitt dir d'nächst Woch an eiser Rubrik gewuer.

43 Bahá'u'lláh, Begrënner vum Bahá'í Glawen, Deel 3/4

43t Sendung, den 23ten a 24te Februar 2002. An deenen zwou leschten Emissiounen si mer e bësse vun der Kandheet a Jugend vu Bahá'u'lláh gewuer ginn. Den Dram vu Bahá'u'lláh sengem Papp, seng Wäisheet a sai Wëssen, a sai Wonsch anstatt Minister beim Kinnek ze ginn, sou wéi sai Papp, léiwer den Ënnerdréckten, Kranken an Aarmen ze hëllefen. Mir hu gesi wéi Bahá'u'lláh, well Hien de Message vun enger neier Manifestatioun am Iran unerkant huet, déi der Mënschheet sollt Fridden, Eenheet a Gerechtegkeet bréngen, Hie véier schrecklech Méint an

¹ aus Ruhi 2, Sait 32

engem ennerierdeschen däischtere Prisong gelidden huet, a wéi Gott Him grad do gesot huet, dass Hien de Prophezeite vun allen Zäiten wier. Mir hu gesinn wéi Hien iwwer d'Bierger vu Persien op Baghdad mat senger Famill an den Exil geschéckt gouf, erëm enner fuerchtbare Conditiounen; wéi zu Baghdad seng Berüümtheit sech séier erëmgeschwat huet a méi a méi Leit vun Him säi Seege wollten; wéi zugläicher Zäit, virun allem den Hallefbrudder vu Bahá'u'lláh jalous iwwer Hie gouf an drop aus war, Oneenheet an der Communautéit ze stëften; a wéi Bahá'u'lláh sech doropshi sténnterlech entschloss hat, ouni engem eppes ze soen, sech zwee Joer an d'Bierger vu Kurdistan zrëckzezéien, fir ze bieden an ze meditieren, an dat bei Waasser a Brout.

Nodeem et sech erëmgeschwat hat, dass en Hellegen, dee Wësse vu Gott hätt, sech an de Bierger vu Kurdistan ophale géif, huet Bahá'u'lláh säi Jong et färdegbruecht, Hien ze bieden erëm op Baghdad ze kommen, an dat no enger Trennung vun zwee Joer.

Während der Zäit wou Bahá'u'lláh net zu Baghdad war, stoung et schlecht ëm d'Bábi Communautéit. Bahá'u'lláh huet domat ugefaang, déi verfollegt Unhänger vum Báb mat engem neie Geescht ze fëllen. Obschonns Hien nach net annoncëiert hat, zu wat Hie beruff war, hat d'Kraaft an d'Wäisheet vu senger Wieder ugefaang d'Loyalitéit vun ëmmer méi enger grousser Zuel vu Bábis an d'Bewonnerung vu Leit aus alle Schichten ze gewannen. Mee de fanatesche moslemesche Klergé a säi jalouse Brudder konnten et net erdroen dass Bahá'u'lláh sou en immensen Afloss op esou vill Mënschen hat. Si hu sech esou laang bei den Autoritéite beschwéiert bis déi persesch Regierung sech mat e puer vun de Beamte vum ottomanesche Räich zesummegedoen hunn, fir Bahá'u'lláh nach méi wäit vu sengem Heemechtsland wegzehuelen, des Kéier an d'Stad Konstantinopel.

Abrëll 1863 war e Mount vu vill Trauer fir d'Awunner vu Baghdad. Deen, deem hinnen un d'Häerz gewuess war, huet hir Stad verlooss, fir op eng Plaz ze goen déi hinne friem war. E puer Deeg ier e fortgaang ass, gong Hien an e Gaart just baussend der Stad, e Gaart dee bekannt ass als Gaart vum Paradis; huet do Säin Zelt opgeriicht, a während zwielef Deeg huet Hien do eng Onmass vu Visiteuren empfaang, déi koume fir Him Äddi ze soen. D'Unhänger vum Báb koumen an dëse Gaart schwéieren Häerzens; e puer vun hinne sollte Bahá'u'lláh op senger nächster Etapp vum Exil begleeden, mee vill vun hinnen hu missten zrëck bleiwen, ouni de Privileg, fir kënnen no bei Him ze sinn. Mee Gott wollt net dass dëst sollt eng traureg Geleeënheet sinn. D'Diere vu senger onendlecher Grousshäerzegkeet ware wäit op, a Bahá'u'lláh huet deene ronderëm Him gesot, dass Hien deejéinege wier deem de Báb ugekennegt hat, déi Persoun op déi d'Mënschen zënter jeehir gewaart hunn. D'Trauer gouf ersat duerch onendlech Freed; Häerzer hu méi héich geschloen a Séilen goufen ugestach mam Feir vu Senger Léift. Fir déi nächst Jorhonnerten, wäerten dës 12 Deeg, vum 21sten Abrëll bis den 2te Mee, vu Bahá'í iwwerall als d'Ridvanfest, d'Fest vum Paradis gefeiert ginn, de Gebuertsdag vun der Deklaratioun vu Bahá'u'lláh a senger weltëmfassender Missioun.¹

Souwäit zum Liewe vu Bahá'u'lláh. De 4ten a leschten Deel vum Liewe vu Bahá'u'lláh kënnt dir d'nächst Woch an eiser Rubrik héieren.

44 Bahá'u'lláh, Begrënner vum Bahá'í Glawen, Deel 4/4

44t Sendung, den 2ten 3te März 2002. An den dräi leschten Emissiounen hu mer eis dem Bahá'u'lláh seng aussergewöhnlech Kandheet a Jugend e bësse méi genee ugekuckt; wéi Hie seng Zäit dermat verbruecht huet, sech fir déi Ennerdréckten, Aarm a Krank anzesetzen; wéi Hie sech selwer zu enger neier Relioun bekennt, déi vum Báb, deem, deem de Wee soll virbereeden fir d'Komme vun enger neier Manifestatioun, déi der Mënschheet Eenheet, Friden a Gerechtegkeet bréngt; wéi Bahá'u'lláh dowéinst fuerchtbar Zäiten am Prisong verbréngt an awer grad do vu Gott gesot kritt, dass Hien den Auserwieltten ass, fir dëse Message vu Friden der Mënschheet ze bréngen; wéi Bahá'u'lláh, e Perser, mat senger Famill, zu Fouss an iwwer schnéibedeckte Bierger an den Exil geschéckt gëtt, fir d'éischt op Baghdad, an dunn op Konstantinopel. Déi geeschtlech Autoritéiten hu geduecht, dass wann si Bahá'u'lláh an den Exil schécken, géifen si deem neie Glawen erläschen. Mee just de Géigendeel war de Fall. Iwwerall wou Bahá'u'lláh am Exil war, waren d'Leit vu senger Wäisheet a sengem Wëssen ugezunn.

Konstantinopel war de Sëtz vum ottomanesche Räich. Och hei huet dem Bahá'u'lláh seng Wäisheet a perséinleche Charme ugefaang, ëmmer méi Leit unzezéien. „*Hien duerf net méi laang hei zu Konstantinopel bleiwen*“, sou sot de fanatesche musleemesche Klergé, deem dann och d'Autoritéiten dovun iwwerzeegt kruten, Hie weider an den Exil ze schécken, anzwär op Adrianopel. Et war do wou Bahá'u'lláh de Kinneken an de Leadere vun der Welt geschriwwen huet. Hien huet se opgefuerdert ze kucken dass et hire Bierger gutt geet anstatt se ze ennerdrécken. Dunn hu Seng Feinden sech eng iwweraus grausam Bestrafung afale gelooss. Hien a seng Famill sollten op Akko, also op Saint Jean d'Acre an den Exil goen, wat deemools déi schlëmmste Bestrafungskolonie am ganze Räich war. Sécher wäert Hien do an den haarde Bedingunge vun där Prisongsstadt ëmkommen, duechten déi schwachsënneg Männer déi sech virgestallt haten si kënnten dat verhënnere wat Gott selwer a Beweegung gesat hat.

¹ aus *Ruhi 2, Sait 32*

Et wier zevill fir all dat opzezielen, wat Bahá'u'lláh zu Akko erlidden huet. Am Ufank war Hien aleng an enger Zell agespaart wou souguer seng Kanner keng Erlaabnes haten, Hien ze gesinn. Et huet Him do un alles gefeelt a Feinde waren Dag a Nuecht ronderëm Him. Mee lues a lues hunn d'Bedingungen am Prisong sech fir Hie geännert. D'Awunner vun Akko an d'Autoritéite goufen iwwerzeegt dass déi puer Bahá'í déi an hir Stad an den Exil koumen, onschëlleg waren. Alt nees eng Kéier ware Leit duerch d'Wäisheet an d'Léift vun dësem aussergewöhnleche Personage ugezunn, obschonn déi meescht net verstan hunn, ween Hien da wierklech war. No e puer Joer goufen d'Diere vun der Prisongsstad fir Bahá'u'lláh a seng Unhänger opgemaach. Schlussendlech war et Him selwer erlaabt an enger relativ méi bequemer Emgéigend ze liewen. Mir kennen et haut als den Haff (Besëtz) vu Bahji. Do ass Hien am Mee 1892 verstuerwen, an dat op der Héicht vu senger Majestéit an Herrlechkeet.

Bahá'u'lláh huet de Fändel vum universale Fridden a Briddlerlechkeet an d'Luucht gehuewen an Hien huet d'Wuert vu Gott geoffenbaart. Obscho seng Feinden all hir Kräfte géint Hie geriicht haten, huet Hien iwwer si gewonnen, well Gott Him dat, wéi Hien am Prisong zu Tehran a mat Ketten ugestréckt, versprach. Während Sengem ganze Liewen, huet Sāi Message d'Häerzer vun Dausende vu Leit nees beliebt a vill hunn hiert Liewe fir Hie gelooss. An haut fuere seng Léiere weider sech uechter d'Welt ze verbreeden. Ëmmer méi Leit inspiréiere sech u senger Wieder. Naischt kann Hien dovun ofhale säin Zil ze verwierklechen, anzwär d'Mënschheet an engem gemeinsame Glawen ze vereenen.¹

Souwäit zum Liewe vu Bahá'u'lláh. Wann dir fasziniert sidd vun dësem Personage, fannt dir genuch Informatioun iwwer sāi Liewen an de Bibliothéiken oder um Netz, an dat ënner www.bahai.lu

45 D'Faaschtenzäit

idem No 96

46 Duuscht no Geeschtegkeet

46t Sendung, de 16ten a 17te März 2002. Dëslescht, wéi ech zu Frankfurt am europäeschen Haus vun der Andacht war, hunn ech mer e Buch kaaft dat „*Verse Gottes*“ heescht, Liesunge fir moies an owes. Et ass de Leitgedanken, vum Abdu'l-Bahá, am Ufank vum Buch, dee mech besonnesch ugesprach huet. Hei meng Iwwersetzung:

„Fir d'éischt muss de no Geeschtegkeet Duuscht hunn. Da lief däi Liewen, lief däi Liewen, lief däi Liewen! Fir dësen Duuscht no Geeschtegkeet ze kréien, denk no iwwer d'Liewe nom Doud. Studéier déi helleg Wieder, lies deng Bibel, lies d'helleg Schrëften a studéier besonnesch déi helleg Aussoe vu Bahá'u'lláh. Gebiet a Meditatioun, huel der fir béid vill Zäit. Da wäers de dëse groussen Duuscht spieren, a nëmmen da kanns de ufänken, d'Liewen ze liewen.“²

Dat heescht d'Bahá'í Schrëfte soen eis, wa Geeschtegkeet dech interesséiert, wann s de däi Liewe spirituell verbessere wëlls, a wanns de dësen Duuscht no Geeschtegkeet kréie wëlls, dann denk no iwwer d'Liewen nom Doud, lies an den hellege Schrëften an huel der genuch Zäit fir Gebiet a Meditatioun. An dat maache mir an den nächsten Emmissiounen.

A wat ass besser wéi eis Séil, wann ee gär iwwer d'Liewen nom Doud nodenkt. Dozou kucke mer eis den drëtten Deel aus dem Ruhi Cours Nr 1 un: Liewen an Doud. Et geet drëm ze verstoen, dass d'Liewen net am Wiessel a Wandel vun dëser Welt besteet, mee dass seng richtig Bedeitung an der Entwécklung vun der Séil läit. Dat richtegt Liewen, d'Liewe vun der Séil, ass nëmmen eng kuerz Zäit an dëser Welt a fiert da fir éiweg an den anere Welte vu Gott weider.

Vu wou kënnt d'Séil dann hir? D'Séil huet hiren Ursprong an de geeschtege Welte vu Gott. Si steet iwwer der Materie an der physischer Welt. D'Individuum fänkt an deem Moment un, wou d'Séil, déi jo aus de geeschtege Welte kënnt, sech zum Zäitpunkt vun der Befruchtung mam Embryo verbënnt. Dëst Matenansinn ass net materiell; d'Séil trëtt net an de Kierper an a si hält och keng kierperlech Plaz an. D'Séil gehéiert net zur materieller Welt. D'Bezéiung Séil - Kierper ass änlech, wéi d'Bezéiung Liicht - Spigel. D'Liicht déi am Spigel erschénkt, ass net am Spigel selwer, mee kënnt vun enger Quell vu baussen. Änlech ass et och mat der Séil; si ass net am Kierper; et gëtt awer e speziell Verhältnis tëschent dem Kierper an der Séil, an zesumme maache si de Mënsch aus. Fir zesammenzufassen kann ee soen dass d'Séil hiren Ursprong an de geeschtege Welten huet, dass d'Liewe vum Mënsch dann ufänkt wa sech d'Séil mam Embryo verbënnt, dass d'Séil net zur materieller Welt gehéiert, dass d'Séil net am Kierper ass.

Et kann een sech da froen: Fänkt dat richtegt Liewe vum Mënsch mat der Gebuert an dëser Welt un? Fiert déi materiell Existenz an den anere Welte vu Gott weider? Ass de Kierper Propriétaire vun der Séil? Besteet d'Liewen just aus Saachen, déi eis am Alldag passéieren?

¹ aus Ruhi 2, Sāit 32

² Abdu'l-Bahá, *Verse Gottes*, Bahá'í Verlag

Souwäit zum éischten Deel vun eiser Rubrik, wou et drëm gaang ass ze kucken, wéi een en Duuscht fir Geeschtegkeet entwéckele kann. D'Bahá'í Schrëfte soen eis, dass mer den Duuscht kréien, an deem mer un d'Liewen nom Doud denken, d'helleg Schrëfte studéieren an eis genuch Zäit zum Gebiet an der Meditatioun huelen.

47 D'Séil

47t Sendung, den 23ten a 24te März 2002. Mir hunn d'lescht Woch ugefaangen driwwer ze schwätzen, wéi een en Duuscht no Geeschtegkeet kréie kann. D'Bahá'í Schrëfte soen eis, dass virun allem dräi Saachen engem dobäi hëllefen: 'Abdu'l-Bahá seet: „*Denk no iwwer d'Liewen nom Doud, huel der vill Zäit fir Gebiet a Meditatioun a studéier déi helleg Schrëften.*“ A wa mir gär iwwer d'Liewen an den Doud nodenken, ass et nützelech, iwwer eis Séil nozedenken. Op folgend Froen zum Thema ginn d'Bahá'í Schrëften kloer Äntwerten:

Wéi laang ass d'Séil mam Kierper verbonnen? Wou geet de Kierper nom Doud? Wou geet d'Séil nom Doud? Wéi laang entwéckelt D'Séil sech weider? Wat ass méi wichteg: D'Séil oder de Kierper? Vu wou kënnt d'Séil hir? Wéi en Deel vum Mënsch gouf nom Bild vu Gott erschaf? Wat ännert sech an eisem Liewe, wa mir stierwen? Wéini hält d'Liewen op? Wat geschitt mat der Connexioun tëschent Kierper a Séil, wa mir stierwen?

Tëscht dem Kierper an der Séil besteet eng aussergewöhnlech Connexioun. Zesumme maache si de Mënsch aus. Dës Connexioun besteet eenzeg an eleng der Zäit hei op der Welt. Wann d'Connexioun eriwwer ass, geet all Deel do zrëck wou et hirkomm ass. De Kierper zu der Welt vum Stëbs an d'Séil zu de geeschtege Welte Gottes. D'Séil, déi aus de geeschtege Sphäre kënnt, erschafen nom Bild vu Gott, déi et fäerdeg bréngt, sech gëttlech Qualitéiten an himmlesch Eegeschafte unzëeegnen, entwéckelt sech no der Trennung vum Kierper bis an all Éiwegkeet.

Mat dësen Informatiounen kann ee sech elo froen: Ass den Doud eng Strof? Wäert d'Entwécklung vun der Séil éiweg weiderfuere? Bedeit den Doud d'Enn vum Liewen? Huet eis Séil am Doud méi Fräiheet wéi an dëser Welt? Sollte mer den Doud fäerten?

Hei elo wat Bahá'u'lláh seet: „*Elo zu denger Fo iwwer d'Séil vum Mënsch an hiert Weiderliewen nom Doud. Du solls wëssen dass d'Séil no hirer Trennung vum Kierper weider Fortschrëtt mécht, bis si d'Géigewaart vu Gott erreecht. Dëst an engem Zoustand an enger Beschaffenheet, déi weder de Laf vun den Zäiten a Jorhonnerten nach de Wiessel an de Wandel vun dëser Welt ännere kënnen. Sou laang wäert d'Séil bestoen, wéi d'Räich vu Gott, Seng Allgewalt, Seng Herrschaft a Muecht bestoe wäerten. D'Séil wäert d'Zeeche vu Gott a Seng Eegeschafte offebaren a Seng Gnod weisen.*“

48 Liewen an Doud

48t Sendung, den 30ten an 31te März 2002. An de leschten zwou Emissiounen hu mer gesinn, wéi wichteg et ass iwwer d'Liewen an den Doud nozedenken. Den Institut Pierre Becker organiséiert reegelméisseg Formatiounen, wou dës an aner Themen an engem klengen Krees beschwat an diskutéiert ginn. D'Basis dofir sinn d'Bahá'í Schrëften. Hei an der Emissioun probéiere mer e puer Haaptgedanken erauszegräifen. Am Kapitel Liewen an Doud geet et drëm ze verstoen, dass d'Liewen net wierklech am Alldag vun dëser Welt besteet, mee dass et villméi ëm d'Entwécklung vun eiser Séil geet. Dat richtegt Liewen ass d'Liewe vun der Séil, e Liewen wat an dëser Welt net laang dauert, am Verglach mat der Éiwegkeet. An dass d'Liewe vun der Séil an all deenen anere Welte vu Gott éiweg weidergeet.

Bahá'u'lláh seet: „*A Wierklechkeet si mer vu Gott, an zu Him wäerte mer och zrëckkéieren. ... D'Geheimnisser vum kierperlechem Doud vum Mënsch sinn eis net bekannt a bleiwe weiderhi verbuergen. Wësst mir dës Geheimnisser, da géife si sou eng Fuercht an Trauer erbäiruffen, dass muncher een zugronn géif goen, während anerer sou frou wieren, dass si den Doud wënsche géifen. ...*“

Weiderhi seet Bahá'u'lláh dass den Doud all Gleewegen deen him Vertraue schenkt, de Becher offréiert, deen a Wierklechkeet d'Liewen ass. Den Doud schenkt Freed a mécht eis frou. Den Doud gëtt eis éiweg d'Liewen.

Wéi all déi aner grouss Reliounen, soen d'Bahá'í Schrëften och, dass Gott de Mënsch erschaf huet, dass hien säi Schöpfer erkenne soll an dass hie Gott begéine soll. Gott erkennen an him begéinen ass dat wierklecht Paradäis, den Himmel.

Vergläiche mer d'Liewen nom Doud mam Liewe vum Embryo am Bauch vun der Mamm. Den Embryo, am Bauch vun der Mamm kritt alles wat e fir säin nächst Liewe brauch. Aen, Oueren, Hänn a Féiss, all déi Saachen entwéckelt hie fir säin neit Liewen. Wann d'Kand gebuer ass, kéint ee soen, et ass am Bauch vun der Mamm gestuerwen an an eng nei Welt gebuer ginn. Elo besteet seng Aufgab doran, sech op dat nächst Liewe virzebereeden, also op d'Liewen nom Liewen hei op der Äerd. De Mënsch soll och dat entwéckele wat hien am nächste Liewe brauch. Hei

ass et wichteg fir sech Zäit ze huelen a sech ze froen: Wat brauch ech an der nächster Welt; ass et Léift, Eierlechkeet, Baarmhärzegkeet, Gerechtegkeet, Gedold? Sécher sinn dat jo och moralesch Wäerter an Dugenden, déi eis hei ganz nützlich kënne sinn.

49 Weltgesondheetsdag

49t Sendung, de 6ten a 7ten Abrëll 2002. „*Et ass är Pflicht dass ee Begeeschterung a Freed an ärem Gesiicht gesäit. Sech Gott zouzewende bréngt Heelung fir de Kierper, de Geescht an d'Séil.*“ Dëse Samschdeg, 7ten Abrëll ass Welttag vun der Gesondheet an dat ënnert dem Motto: *Non à l'exclusion, Oui aux soins*. Mee spezifesch ass dëst Joer de Weltgesondheetsdag der geeschteger Gesondheet gewidmet. D'Weltgesondheetsorganisatioun déi dësen Dag all Joers ausriift, ass eng vun de spezialiséierten Institutiounen vun der UNO, de Vereente Natiounen. Et geet drëm fir deen Eenzelne méi iwwer d'Problematik vun der geeschteger Gesondheet ze informéieren an ze sensibiliséieren, fir domat d'Gesondheet an der Welt ze verbesseren.

Firwat elo hei op dëser Plaz iwwer dësen Dag geschwat gëtt ass einfach. Tëschent der internationaler Bahá'ígemeng an der UNO besti ganz enk Rapporten an et gi vill Méiglechkeete fir zesummenzeschaffen. Sou sief nëmmen drop higewisen, dass d'international Bahá'ígemeng e berodende Status beim *Conseil économique et social* vun der UNO zënter 30 Joer huet, zënter 24 Joer bei der UNICEF an zënter 11 Joer bei der UNIFEM dem Fong vun der UNO fir d'Condition féminine. Ausserdeem huet d'international Bahá'ígemeng enk Relatiounen mat der Weltgesondheetsorganisatioun, souwéi mam Programm vun der UNO fir d'Ëmwelt, dem Kommissariat fir d'Mënscherechter, der UNESCO an dem Programm vun der UNO fir d'Entwécklung. De Motto vum Weltgesondheetsdag 2001 ass: *Non à l'exclusion – Oui aux soins*. Leit mat enger geeschteger Behënnerung sollen also net vun eiser Gesellschaft ausgeschloss sinn, a mir sollen eis richtig ëm si suergen. Ëm déi 400 Milliounen Leit an der Welt leiden ënner geeschteg an neurologesch Stéierungen, oder psychosozial Problemer wéi zum Beispill déi, déi un den Alkoholismus oder d'Süchtegkeet gebonne sinn. Op mannst all véierte Patient deen d'Servicer vun der Santé benotzt, huet Stéierung vum dësem Aart. Si gi ganz oft net richtig diagnostizéiert. An dat heescht dass si net behandelt ginn. Dobäi hu mir Léisunge fir eng ganz Rëtsch vun deene Stéierungen ze behandelen an domat de Leit et ze erlaben, déi geeschteg Stéierungen hunn, en normaalt Liewen an der Gemeng ze féieren.

Dëse bescheidene Beitrag zum Weltgesondheetsdag wäert vläicht een oder deen aneren zum Nodenke bréngen, wéi e mat Leit ëmgeet, déi um Rand vun eiser Gesellschaft liewen.

Um Internetsite vun der Weltgesondheetsorganisatioun www.who.int fënnt ee méi Info zum Thema an och e puer interessant Fotoen, déi jo oft méi wéi Wieder soe kënnen. Um Site fënnt een och d'Lëscht vun de Projeten déi et op der Welt zum Thema ginn, leider näischt hei zu Lëtzebuerg.

50 Den Nationale Geeschtege Rot

50t Sendung, den 13ten a 14ten Abrëll 2002. Dacks gëtt op dëser Plaz vu Spiritualitéit an der Bahá'í Relioun geschwat. Haut kucke mer e bësse wéi d'Bahá'í Relioun organiséiert ass. E wichtigen Aspekt dovun ass de Nationale Geeschtege Rot. Et ass dat déi iewesch Kierperschaft vun der Reliounsgemeinschaft vun engem Land. Den Nationale Rot dréit d'Verantwortung fir d'Bahá'ígemeng a vertritt se géint iwwer dem Staat, Organisatiounen an aneren Institutiounen.

An all Land, wou et genuch lokal geeschteg Réit ginn, gëtt all Joer en Nationale Rot gewielt, dee genee sou wéi déi lokal Réit aus 9 Leit besteet. All administrativ Kierperschaft vum Bahá'í Glawe benotzt Berodung, déi op engem Konsensus berout, als e Mëttel fir Entscheedungen ze treffen.

Den Nationale Geeschtege Rot gëtt an der Ridvan Zäit gewielt, meeschtens de Weekend nom 21sten Abrëll. Et ass eng indirekt Wal, dat heescht d'Bahá'í wielen Delegéierte fir hiren jeweiligen Walkrees, fir Lëtzebuerg sinn et der 19, fir Däitschland zum Beispill 57. D'Wale si geheim a Werbung fir een oder deen aneren ass net erlaabt. Si wielen dann während enger Nationaltagung déi 9 Membere vum Nationale Rot vun hirem Land. Obschonn nëmmen d'Delegéiert den Nationale Rot wielen duerfen, kann all erwuessene Bahá'í aus dem jeeweilege Land gewielt ginn. Während der Nationaltagung gëtt net nëmme gewielt. Et gëtt och zesumme beroden a Virschléi an Empfehlungen aus de Walkreeser ginn iwwerbruecht.

D'Haaptaufgab vum Nationale Rot besteet doranner, duerch vill perséinlech Berodung, déi vill Aktivitéite vun de Frënn a vun de lokale geeschtege Réit unzeregen, ze vereenen an ze koordinéieren. All 5 Joer bedeelegt sech de Nationale Geeschtege Rot un der Wal vum Universalen Haus vun der Gerechtegkeet, der héchster Kierperschaft an der Bahá'í Welt. Well den Nationale Rot ëmmer méi verschidden Aufgaben ënnerhellt, benennt hien eng Rei vun Ausschëss a Kommissiounen, déi him bei der Duerchféierung vu sengen Aufgaben hëllefen. Sou zum Beispill den Erzéiungscomité, den Ausschoss vum Bahá'í Zenter, den Institut Pierre Becker oder den Internetcomité. De

Nationale Geeschtege Rot wielt all Joers e Virsetzenden, e stellvertredende Virsetzenden, en Trésorier an e Sekretär. Zu Lëtzebuerg huet den Nationale Geeschtege Rot säi Sëtz an der Allée Léopold Goebel, dem Nationale Bahá'í Zenter. Weltwäit ginn et haut National Geeschteg Réit an 187 Länner an Territorien. Bahá'u'lláh seet, dass egal a wéi engem Land Bahá'í liewen, si sech der Regierung vum Land géintwuer loyal an éierlech verhalen sollen an dass si hierem Land trei solle sinn.

51 Wann d'Mënschheet en Duerf vun honnert Leit wier

51t Sendung, den 20ten an 21ten Abrëll 2002. Wa mir d'ganz Mënschheet, also ronn 6 Milliarden, op en Duerf vun 100 Séile reduzéieren géifen, mee d'Proportiounen bäibehalen, hätte mer en Duerf wat ongeféier esou zesummegeallt wier.

An dem Weltduerf wieren 57 Asiaten, 21 Europäer, 14 Amerikaner an 8 Afrikaner. Mir hätten 52 Fraen an 48 Männer. 30 Wäisser a 70 Net-Wäisser.

Wéi wieren d'Reliounen an deem Weltduerf verspreet? Mir hätten 30 Chrëschten a 70 Leit mat aner Reliounen oder kenger. Mir hätten 89 Heterosexueller an 11 Homosexueller am Duerf.

Wéi wier de Räichtum verdeelt? 6 vun deenen 100 Lait géife bal 60% vum ganze Welträichtum besetzen a si kéimen alle 6 aus den USA.

Wéi wieren d'Liewensbedingungen an deem Duerf? 80 vun hinnen géife schlecht wunnen. 70 vun hinne wären Analphabeten. 50 wären ënnerernährt an hätten net genuch ze iessen. Eng Persoun géif stierwen an 2 Kanner kéimen op d'Welt.

Eng Persoun am ganzen Duerf hätt e Computer. A nëmmen een hätt en akademeschen Ofschloss. Wann ee sech d'Welt esou ukuckt, gëtt engem kloer wat mer alles brauchen, fir mateneen ze liewen: Zesummegehéieregkeet, Verständnis, deen aneren kënnen akzeptéieren an eng Erzéiung déi sech um Dénkscht vun der Mënschheet ausriicht. Denkt doriwwer no: Wann et dir haut gesondheetlech gutt geet an du bass net krank, geet et dir besser wéi enger Millioun Leit, déi déi nächst Woch net erliewe wäerten.

Wanns du nach ni e Kampf oder e Krich erlieft hues, ni gefaange wars, ni gequält gi bass oder hongreg wars, da geet et dir besser wéi 500 Milliounen Mënschen op der Welt.

Wanns du kanns bieden ouni Angscht ze hunn dass een dech verhaft oder dech embréngt, da geet et dir besser wéi 3 Milliarde Leit op der Welt.

Wanns de am Frigo eppes ze iesse fënns, wanns de Kleeder hues, wanns de en Dach iwwer dem Kapp hues oder e Bett fir ze schlafen, da bass de méi räich wéi zwee Drëttel vun der Mënschheet.

Wanns du e Konto op der Bank hues, e puer Su am Portemonni an bësse Mënz an der Täsch hues, gehéiers du zu den 8%, déi am meeschte Räichtum op der Welt hunn.

Schaff, wéi wanns de d'Geld net bräichst. Sief esou frou, wéi wann nach ni een dech verletzt hätt. Danz esou, wéi wa kee géif nokucken. Sang esou, wéi wa kee géif nolauschten. A lief dāi Liewen esou, wéi wann et d'Paradis op der Äerd wär.

D'lescht Woch war d'international Woch vun der Frëndschaft an e puer Frënn hu mir dëst a Form vun engem Email geschéckt. Ech soe merci. Zu dësem Thema elo e puer Iwwerleeungen aus de Bahá'í Schrëften.

„Deen allwëssenden Dokter leet säi Fanger op de Bolls vun der Mënschheet. Hien erkennt d'Krankhet a verschreift a senger onfeelbarer Wäisheet dat richtegt Medikament. All Zäit huet hir eege Problemer an all Séil hir besonnesch Sehnsucht. D'Medikament wat d'Welt an hirem aktuellen Zoustand brauch, kann net datselwecht sinn, wat en anert Zäitalter brauch. Beschäftegt iech am Fong mat de Besoie vun der Zäit an deer dir leeft a leet de Schwéierpunkt vun ären Iwwerleeungen op hir Bedeifnesser a Fuerderungen.“

Weider schreift Bahá'u'lláh: *„Wat den Här als héchst Mëttel ... fir d'Heelung vun der ganzer Welt verschriwwen huet, ass d'Vereenigung vun all hire Völker an eng allëmfaassend Saach, engem gemeinsame Glawen. Dëst kann nëmmen duerch d'Muecht vun engem befäegten an allgewaltigen ... Dokter erreecht ginn. A Wierklechket ass dat d'Wourecht an alles anescht soss näischt wéi Iertum.“¹*

'Abdu'l-Bahá seet dat hei: *„O du, deen s du nom Kinnekräich sichs! All göttlech Manifestatioun ass d'Liewe vun der Welt, den Dokter mat vill Erfahrung vu jidder Séil déi leid. D'Mënschewelt ass krank, an den dichten Dokter kennt d'Medikament. Hie kënnt mat Rotschléi, Léieren an Opriff – Medikamenter fir all Leed, heelende Balsam fir all Wonn. Gewëss kann de weisen Dokter d'Néit vu senger Patienten zu all Joreszäit erkennen an d'Heelverfahren*

¹ Ährenlese

uwenden. Dofir setz d'Léiere vu Bahá'u'lláh (...) a Bezéiung mat den drängende Bedierfnesser vun haut. Du wärs gesinn, si bidden d'Heelmëttel un wat direkt dem kranke Kierper vun der Mënschheet hëllef. Si si wierklech dat Elixir wat éiweg Gesondheet bréngt.“¹

52 De Báb, Virleefen vum der Bahá'í Relioun, Deel 1/2

52t Sendung, de 27ten an 28ten Abrëll 2002. Thema vun haut ass de Báb, Virleefen vum der Bahá'í Relioun. Oder firwat d'Bahá'í soen dass hire Glawen 1844 ugefangen huet. Den Ufank vum 19te Jorhonnert war eng Period vu messianeschen Erwaardungen a ville Länner. De wëssenschaftleche Fortschrëtt an d'Folgen dovun souwéi d'Industrialisatioun huet ville Leit ganz vill ze schafe ginn an déi opriichteg Gleeweg vu ganz verschiddene Reliounen hu sech op déi helleg Schrëfte vun hirem Glawe gestéipt fir ze versichen déi onwahrscheinlech Vitesse vun all dese Changementer kënnen ze verstoen.

An Europa an an Amerika, Gruppe wéi d'Membere vun der Gesellschaft vum Tempel oder d'Unhänger vum William Miller hu gegleef an de chrëschtliche Schrëfte Beweiser ze fannen dass d'Enn vun der Zäit komm wier an hunn d'Operstehung vu Jesus Christus erwaart. Och am mëttleren Orient goufen et vill Erwaardungen, dass d'Prophezeiunge vum Koran an den islameschen Traditionen sech erfëlle géifen. Am Iran ass dee spektakulärste vun dese Beweegungen erfir komm. Am Mëttelpunkt dovun stoung d'Persoun an d'Léiere vun engem jonke Geschäftsmann an Händler vu Shiraz, deem d'Geschicht ënnert dem Numm Báb behalen huet. Vun 1844 bis 1863 ware Perser, déi aus alle soziale Klasse koumen, matgeholl op enger Well vun Hoffnung a Begeescherung, ervirgeruff duerch d'Verkënneg vum Báb, dass den Dag vu Gott komm ass an dass hie selwer deejéinege wier, deem an den hellegen islamesche Schrëften ugekënnegt a versprach gouf. Hie sot dass d'Mënschheet am Ufank vun engem neien Zäitalter stéing, an deem all Aspekter vum Liewen restrukturéiert géifen.

Op eng Manéier kann een d'Roll vum Báb mat deer vum hellege Johannes den Täufer virum Komme vum Chrëschtentum vergläichen. De Báb war de Virleefen vu Bahá'u'lláh. Seng Haaptufgab war d'Virbereedung op säi Kommen. Dofir ass d'Begrënnung vum Báb Glawen synonym mat der Begrënnung vum Bahá'í Glawen; an 1863 ass d'Zil erreecht ginn. Bahá'u'lláh huet proklaméiert dass hien deejéinege wier, deem de Báb virausgesot hat.

D'Relioun déi de Báb gegrënnt hat, war awer zugläich onofhängeg, mat hirer eegener Glawensgemeinschaft, mat hiren hellegen Texter a si huet d'Geschicht mat hirem eegestännege Charakter geprägt. Gegrënnt gouf si den 23te Mee 1844, wéi en Händler aus der Stad Shiraz, 25 Joer al, annoncéiert huet, dass hien dee wier, deem dem Islam no, operstoe géif. Obscho säi Numm Syyyid Ali-Muhammad war, huet hien de Numm Báb ugeholl, wat op arabesch „Dier“ bedeit. Säi Kommen, huet de Báb erkläert, géif d'Dier repräsentéieren duerch déi geschwënn den universale Gottesoffenbarer vu Gott komme géif, dee vu jidderengem erwaart gëtt.

D'Geschicht seet eis dass de Báb en aussergewöhnlecht Kand war. Den 20ten Oktober 1819 gebueren, hat hien eng erstaunlech Finesse a Wäisheet, déi un d'Erzielungen iwwer de Jesus erënneren. Als Erwuessenen huet de Báb, zesumme mat sengem Monni am Familljebetrieb geschafft. Duerch seng Integritéit an Eierlechkeet war hie bei deenen anere Geschäftsleit héich unerkannt. Duerch seng Generositéit den Aarme géintwuer war hie genauso bekannt.

Nodeem de Báb seng Missioun bekannt gemaach hat, huet hie schnell Unhänger ugezunn an déi nei reliéis Beweegung huet séch wéi Feier duerch ganz Iran verbreet. Dësen Erfolleg huet natierlech bei de reliéis Autoritéiten Feindséilegkeeten a Verfolgungen mat sech bruecht. Si hu gesinn dass elo hir Muecht an hire Prestige a Gefor waren. Sou gouf de Báb dann och méi wéi eng Kéier agespaart. Wat elo d'Haaptgedanke vun dëser neier Relioun waren a wéi de Báb higeriicht ginn ass, gesi mer an der nächster Sendung.²

53 De Báb, Virleefen vum der Bahá'í Relioun, Deel 2/2

53t Sendung, de 4ten a 5te Mee 2002. De Báb war de Virleefen vum der Bahá'í Relioun. Hien huet an der Mëtt vum 19te Jorhonnert eng eegestännege Relioun gegrënnt. Den 23te Mee 1844, huet hien mat grad eemol 25 Joer, annoncéiert, dass hien dee wier, deem dem Islam no, operstoe géif. Seng Haaptufgab war et, d'Leit drop virzubereeden, dass geschwënn en neien universale Gottesoffenbarer komme géif, een deem en neit Zäitalter vu Friden a Gerechtegkeet brénge géif, een dee vun alle grouse Reliounen erwaart gëtt. Bahá'u'lláh.

D'Haaptwierk vum Báb ass de Bayan, an deem hie verschidden islamesch Gesetzer geännert huet, an duerch neier ersat huet. D'Buch insistéiert op moralesch Wäerter a virun allem op d'Rengheet vum Häerz an der Intentioun.

¹ 'Abdu'l-Bahá, Briefe und Botschaften

² Iwwersetzung aus der Zäitschrëft: Les Bahá'is, Säite 18 an 19

D'Stellung vun der Frau gëtt gehuewen an déi Aarm kréien nees eng Dignitéit; d'Erzéiung an déi nützlech Wëssenschafte ginn encouragéiert a valoriséiert.

D'zentraalt Thema vum Bayan besteet doranner dass d'Komme vun engem zweete Gottesoffenbarer virun der Dier steet, een dee vill méi grouss ass wéi de Báb selwer an deem seng Missioun et wäert sinn en Zäitalter vu Fridden a Wuelstand unzekënnegen, eppes wat scho sou laang vum Islam, dem Judentum, dem Chrëschtentum an aner Reliounen versprach gouf.

D'Häerzer an d'Gedanke vun deenen déi deemools d'Noriicht vum Báb héieren hunn, waren zou, an zwar duerch eng Aart a Weis fir ze denken, déi sech zënter dem Mëttelalter wéineg geännert hat. Doduerch, dass de Báb eng ganz nei Relioun geschaf hat, konnt Hie sengen Unhänger hëllefen, sech ganz vun dem islamesche Kader ze léisen a sech op d'Komme vu Bahá'u'lláh virzubereeden.

Sou eng Noriicht, déi jo d'Visioun vun enger ganz neier Gesellschaft gëtt, huet déi reliéis a politesch Autoritéiten fäerte gedoen an et huet net laang gedauert bis si d'Unhänger vum Báb verfollegt hunn. Seng Géigner hunn hien als Ketzer a geféierleche Rebell ugeklot. Si hu sech entschloss, hien ëmzebréngen.

De 9te Juli 1850 gouf dës Verurteilung am Haff vun der Kasär zu Tabriz ausgefouert. Ëm déi 10000 Leit hate sech op den Diecher vun de Gebaier an den Haiser ronderëm den Haff zesummefonnt. De Báb a säi jonken Unhänger waren duerch zwee Stréck un d'Mauer festgeboun. E Regiment vun ongeféier 750 armeneschen Zaldoten, opgestallt an dräi Reie vu je 250 Männer, hunn dräimol geschoss. Et ass gesot ginn dass den Damp vun de Gewierer sou dicht war, dass den Himmel schwaarz an den Haff ganz däischer gouf.

Wéi d'Archiver vum engleschen Ausseministère et bestätegen, war de Báb verschwonnen, wéi den Damp sech geluecht hat. Säi Begleeder stoung do, ouni eng Schrëps, vun de Kugele verschount. D'Stréck un déi déi zwee gebonne waren, waren duerch an duerch futti.

Si hunn de Báb a senger Prisongszell erëmfonnt, wou hien engem vu sengen Unhänger nach Uweisung ginn huet. Wéi d'Gichtercher hie fir d'Hirichtung siche koumen, sot hien hinnen, dass keng weltlech Muecht hien dovunner ofhale kënn dat fäerdeg ze man, wat en ugefangen hätt. Wéi d'Gichtercher du fir zweete Kéier koumen, sot hien hinne ganz roueg: „*Lo kënnt der är Aarbecht fäerdeg man*“.

Also gouf de Báb a säi jonke Gesell vir zweete Kéier virun den Hirichtungspeloton gefouert. Déi armenesch Zaldote wollten awer net nach eng Kéier op de Báb schéissen an esou kruten d'islamesch Zaldoten déi Aufgab. Dës Kéier waren déi zwee Kierperen zesummegebrach a matenee vermëscht. Komescherweis waren hir Gesichter awer onberéiert an an der Rei.

Haut leien d'Reschter vum Báb an engem wonnerschéine Mausoleum um Bierg Karmel an Israel. Et ass dës eng vun den hellegste Plaze vun all Bahá'í. Ronderëm dem Báb säi Mausoleum si Gäert ugeluecht, a Form vu 19 Terrassen, vum Fouss vum Bierg bis uewen hinn. Enn Mee, ginn dës Terrassen, offiziell mat enger grousser Zeremonie offiziell ageweit. Bei der Geleegeheit si vun aus Land 19 Leit agelueden, un der Erëffnungsfeier deelzehuelen, fir hiert d'Land ze vertrieben. Eist d'Ländchen ass natierlech och mat 19 Bahá'ís vertrueden. Mee iwwer dës aussergewöhnlech Feierlechkeeten an deenen nächsten Emissiounen. ¹

54 D'Bahá'í Kannerklassen op Besuch um Radio ARA

54te Sendung, den 11ten an 12te Mee 2002. Dës Woch hu mer zwou vun de Bahá'í Kannerklassen an eiser Emissioun. Kannerklasse ginn et am Norden an am Zentrum vum Land. Jiddereen, deen eppes op moralesch Erziehung hält, ka seng Kanner an d'Bahá'í Klasse schécken. Och wann de Studio am Radio net riseg grouss ass, krute mer déi dose Kanner, déi des Woch dobäi waren, alleguer eragedréckt. Hei elo e puer vun den Texter, Zitater a Gebieder, iwwer déi se während dem Joer an de Klasse geschwat hunn:

Eng vun den Haaptfuerderunge vu Bahá'u'lláh ass eng grundleeënd geeschteg Erziehung an allgemeng Schoulbildung fir all Kanner vun der Welt, mam Zil, Virurteeler ofzebauen, selbststänneg no der Wourécht ze sichen a seng Talenter fir de Fortschritt vun der Mënschheet anzesetzen. Fir dës Bestriewungen ze erliichteren, proposéieren d'Bahá'í ënner anerem d'Aféierung vun enger Welthëllefssprooch, déi an alle Schoule soll nieft der Mammesprooch geléiert ginn.

Elo nach e puer Zitater aus de Bahá'í Schrëften iwwer d'Kannererziehung: „*Vun all de Kënschten a Wëssenschafte loosst d'Kanner déi studéieren, déi der Mënschheet e Virdeel bréngen an hire Fortschritt sécheren,*“ ²

¹ Iwwersetzung aus der Zäitschrëft: Les bahá'ís, Saiten 18 an 19

² Bahá'í, wat se gleewen, S.19

„De Mënsch ass den héchsten Talisman. Manktum u richteger Erzéiung brénge hien awer ëm dat, wat hie sengem Wiese no besëtzt. ... Betruecht de Mënsch als e Biergwierk, räich un Eedelsteng vun onschätzbarem Wäert. Nëmme d'Erzéiung ka bewierken, dass et seng Schätz ervierbréngt an dass d'Mënschheet dorausser Notzen zéie kann.“¹

55 En Nomëtteg zu Haifa

55t Sendung, den 18ten an 19te Mee 2002. Haifa, Israel. Aarbechter erfëllen d'Visioun vu Bahá'u'lláh, Begrënner vun der Bahá'í Relioun. Si sinn amgaang, Gras an Hecken um Bierg Karmel ze schneiden, niewent engem Schräin mat enger goldener Kuppel – e Symbol vu Fridden a Rou an engem Land wou et schwéier ass sou eppes ze fannen.

An dem stëlle Raum vun dem friddleche Gebäi setzen e puer Gleeweger ze meditieren, mat zouenen Aen, an d'Richtung vun der Plaz wou ee vun hire Begrënner begruewe läit.

Dass déi 19 Terrassen a Form vu Gäert mat Eukalyptus an Olivebeem, Blummen a Sträicher elo fäerdeg sinn, bedeit zugläich d'Realisatioun vun der Jorhonnerter aler Visioun vu Bahá'u'lláh. Seng Unhänger, d'Bahá'í, gleewen dass hie geschéckt ginn ass fir d'Mënschheet an en Zäitalter vun universalem Fridden ze begleeten. Op enger Plaz wou iwwer 450 Mënschen ëmbruecht gi sinn während, méintelaangen Ausernanersetzungen tëschen den Israelis a Palestinenser, schénge dës Hoffnung wäit ewech.

D'Iran Hessami, 50 Joer, eng Pilgerin aus Canada, souz am Schräin vum Báb, um Bierg Karmel, deen iwwer dës Hafestadt am Mëttelmierraum kuckt. „*Ech hu fir de Fridden op der Welt gebiet*“ sot si. Niewendru waren aner Pilger déi enger arabescher Koppel nogekuckt hunn, wéi si an de Gäert Hochzäitsfotoe gemaach hunn. „*Mee ech bieden net nëmme fir d'Bahá'í, mee fir jiddereen op der Welt. Bahá'í gleewen un d'Eenheet an der Villfalt.*“

Si gouf am Iran gebuer, mee ass no der islamescher Revolutioun fortgaang, well hir Kanner neméi an d'Schoul konnte goen, well hir Mamm Bahá'í war.

130 Joer virdru gouf de Virleefer vun der Bahá'í Relioun, de Báb, deen d'Komme vu Bahá'u'lláh propheet huet, am Iran erschoss, zesumme mat 20.000 vu sengen Unhänger, déi op déi verschiddenst a grausaamst Aart a Weisen ëmbruecht gi sinn. Déi islamesch Priesterschaft hu sech bedru gefillt duerch d'Popularitéit vun dëser neier Relioun.

E puer Joer méi spéit, gouf Bahá'u'lláh vum Iran op Akko, bei Haifa, wat deemools Palästina war, an den Exil geschéckt. Do war hien ënner Hausarrest bis zu sengem Doud 1892. Während senger Gefaangeschaft, hu Bahá'u'lláh an de Báb Gedichter geschriwwen, ethesch a sozial Léiere verfaasst souwéi iwwer mystesch Theme geschriwwen. All déi Schrëften sinn haut d'Basis vun der Relioun.

Verspreet uechter d'Welt ginn et haut iwwer 5 Milliounen Bahá'í a bei eis am Ländchen ëm déi 400. Si léiere wéi wichteg et ass all Virurteeler ofzeschaffen, si erkennen d'Gläichheet vu Mann a Frau souwéi d'essentiell Eenheet an Haapthema vun alle Reliounen.

„*D'Äerd ass nëmme ee Land an d'Mënschheet hir Bierger*“ seet Bahá'u'lláh. Fir d'Bahá'í ass hien dee leschten an enger Rei vu Propheten zu deem de Moses, de Buddha, de Jesus an de Mohamed ugehéieren.

Als eng reliéis Minoritéit am Iran ginn d'Bahá'í vun der iranesischer Verfaassung net unerkannt. Islamesch Autoritéiten hunn an den 80er Joeren ëm déi 200 Bahá'í ëmbruecht an Dausende sinn zënterhir aus dem Land geflücht fir der Verfollegung ze entkommen. Virum sengem Doud zu Akko huet Bahá'u'lláh op d'Plaz um Bierg Karmel zu Haifa gewisen a sot dass dem Báb seng Iwwerreschter do sollte begruewe ginn an dass e Schräin gebaut sollt ginn.

D'Struktur gouf fir d'éischt 1909 gebaut, an zënterhir goufe vill Verbesserungen an Erweiderungen do ënnerholl. D'Anne Wong, eng Porte-parole fir den Zënter sot dass et zéng Joer gedauert huet fir déi 19 prächtige ugeluechte Gäert a Form vun Terrassen ze entwéckelen. Si hunn zéng Milliarden eiser Frang kascht. Domat ass dee Projet fäerdeg an e Wunsch vu Bahá'u'lláh geet an Erfëllung. D'nächst Woch ginn dës Gäert offiziell ageweit, mat iwwer 3000 Gleewegen aus der ganzer Welt.

„*De reelle Message vun dësen Terrassen ass ee vun Erfolleg vun der Léift iwwer d'Gewalt,*“ sot de Generalsekretär vun der internationaler Bahá'ígemeng den Här Albert Lincoln. „*Wéi de Báb am Iran 1850 higerücht gouf, krut hie keen anstänneg Begriefnis. Säi Kierper gouf einfach ausserhalb der Stad gehäit. D'Bahá'í an der ganzer Welt hunn dësen Haass mat Léift beäntwert.*“

Den Här Lincoln sot dass hien hofft dass d'Besicher, virun allem Musulmaner a Judden am mëttleren Orient dës Léift spiere wäerten a vläicht de Message vun de Bahá'í ënnert d'Lupp huelen, déi jo soen, dass déi Gleeweg vun

¹ Gleanings from the Writings of Bahá'u'lláh, Sec. 122, pp. 259-60

alle Reliounen virun engem Gott d'selwecht sinn. D'Terrasse gi vun 2000 Luuchte belicht, d'Gäert symboliséieren de Bahá'í Glawen, sot den Här Fariburz Sahba, een am Iran gebueren Architekt deen d'Gäert entworfen huet.

„D'Bedeutung vun dësem Design fënnt een am Undenken un dës däischter Nuechten am Prisong vum Báb. Also hu mir dëse Bierg einfach mat Luuchten iwwerfëllt“, sot den Här Sahba. De Wand vum Mier huet de Bierg eropgeblosen wéi d'Pilger d'Trapen duerch d'Mëtt vun de Gäert eropgaange sinn, an dat mam Geroch vu Blummen a Kreider. „De Besucher spiert dass een duerch e geeschtege Gaart geet, net e schéine Gaart. sot den Architekt. „Schéinheet kann ee kafen awer net Spiritualitéit!“

56 De Bierg Karmel

56t Sendung, den 25ten a 26te Mee 2002. D'Erëffnung vun hellegen Terrassen a Gäert am Hellege Land, Israel. Dës Woch hunn sech iwwer 3000 Leit aus 170 Länner um Fouss vum Bierg Karmel zu Haifa an Israel zesumme fonnt fir bei der offizieller Erëffnung vun den Terrassen vun de Bahá'í Gäert dabei ze sinn.

Bei dëser Feier war och eng lëtzebueresch Bahá'í Delegatioun dabei. Fir si geet mat der Fäerdegstellung vun dësen Terrassen e jorhonnertlaangen Dram an Erfëllung. Den Dram e geeschtegen an administrativen Zenter ze schafen, deen op eng passend Manéier hir Relioun representéiert.

Dës Terrassen sinn als dat aachtent Weltwunner virgeschloe ginn. Si erstrecken sech de Bierg Karmel erof zu enger Rei vu Gebaier am klassesche Stil déi dat internationaalt administratiivt a geeschtegt Häerz vun der Bahá'í Weltcommunautéit ausmaachen. Duerch d'Ustrengunge vu Bahá'í aus all Land, ass aus dësem historesche Bierg, deen a ville Traditionen helleg gehale gëtt, e Paradis vu Gäert, Terrassen, Sprangburen a fléissende Stréim entstanen. Eng Metapher fir den Haaptgedanke vum Bahá'í Glawen: d'Eenheet an der Verschiddenheet.

An engem schaarfe Kontrast zu den Onrouen an der Onsécherheet an der Region stinn déi Dausende vu Repräsentante vu bal all ethnesh Grupp a Nationalitéit, déi heihinner koumen, fir dës helleg Plaz anzeweien. Wéi de Serge Thill sot: „D'Bahá'í hu voll Vertrauen an eng friddlech Zukunft vun der Mënschheet. D'Kraaft fir ze eenegen ass eng Kraaft déi d'Welt onbedéngt a verzweiwelt brauch.“

E fir déi lëtzebuerger Bahá'í war d'Tatsaach dass si speziell invitéiert gi sinn, bei dësem Evenement matzeman. D'lëtzebuerger Delegatioun huet sech aus Leit aus all Region vum Land, Männer a Frae vun all Alter, dee jéngsten huet der 18 an deen eeltsten der 82.

Fir vill vun de Leit war dëst déi éischter Kéier, dass si d'Méiglechkeet haten, d'Weltzentrum vun hirem Glawen ze besichen. Natierlech war et eng grouss Freed fir Frënn ass aller Welt erëmzegesinn. Vill vun hinne koumen an hiren traditionelle Kleeder, alt erëm e visuelt Beispill vu Weltbiergertum, eppes wourunn si gleewen.

D'Erëffnung vun dësen Terrassen um Bierg Karmel an d'Zesummekomme vun Dausende vu Bahá'í, déi e Querschnitt vun deene verschiddene Vëlker op der Äerd representéieren, simboliséiert eng erstaunlech Geschicht, wou keen dru gegleeft huet, dass se méiglech wier: eleng d'Existenz vun enger mënschlecher Gemeinschaft, déi fähig ass, Gruppen ze vereenen, déi virdrun duerch Relioun, Rass, sozial Klass oder Erzéiung getrennt waren; eng Gemeinschaft wou d'Leit éischter matenee schaffen wéi dass se a Competitioun matenee sinn; wou Mann a Frau an enger gläichberechtigter Partnerschaft funktionéieren; wou d'Leaderen op der Basis vum Merit, also hirem Verdéngscht, gewielt ginn a net duerch Machtkämpf a Walkampagne; wou Entscheedungen gemaach ginn an duerchgefouert ginn, anzwär mat der voller Bedeelegung vun deenen déi dovun betraff sinn; all dat ass e Beweis dofir dass Friden a Gerechtegkeet net nëmme méiglech sinn, mee praktesch Realitéit sinn.

Nom Concert an der Aweigung, goufen et Optrëtt vu verschidden Artisten aus verschidde Länner, mat engem Programm vu Gebiet a Meditatioun, an déi, déi un der Feier bedeelegt waren, si fir d'éischter Kéier d'Terrassen eropgaangen. All dës Evenementer goufe live iwwer Satellit iwwerdroen.

An e bësse méi wéi 100 Joer ass de Bahá'í Glawen aus enger klenger onbekannter Beweegung am Noen Osten zu der zweetmeescht verdeelte Weltrelioun nom Chrëstentum gewuess, mat iwwer fënnef Milliounen Memberen an 235 Länner an ofhängege Gebidder. Si ëmfaasse Leit aus méi wéi 2100 ethneshen a rasseshen Gruppen, a stellen esou warschéinlech déi verschiddenaartegsten organiséierte Grupp vu Leit op der Welt duer. Hire Begrënner, Bahá'u'lláh, léiert eis dass et nëmme ee Gott gëtt, nëmme eng mënschlech Rass, an dass d'Reliounen vun der Welt verschidden Etappen an der Offenbarung vu Gottes Zweck fir d'Mënschheet duerstellen. Sou wéi Bahá'u'lláh schreift: „D'Äerd ass nëmme ee Land an d'Mënschheet si seng Bierger.“ D'international Bahá'ícommunautéit ass eng *Organisation non-gouvernementale* mat engem berodende Status bei de Vereenten Natiounen. Si schafft um Buedem an de Beräicher vum Friden, Mënscherechter, d'Virukomme vun der Fra, Erzéiung, Gesondheet an nodréiglecher Entwécklung.

57 Eng Woch am Himmel

57t Sendung, den 1ten an 2te Juni 2002. D'lescht Woch war et sou wäit. D'offiziell Erëffnung vun de Bahá'í Terrassen a Gäert um Bierg Karmel zu Haifa an Israel. Dësen Donneschdeg hat *Zeit für Geist* am Bahá'í Zenter an der Stad jiddereen agelueden zu engem Owend vu Biller a Musek, mat Ausschnëtter vun der Live-Iwwerdroung vun der Erëffnung. Och dabei déi lëtzebuerger Frënn déi déi wonnerbar Geleeënheet hate bei dësem aussergewöhnlechen Event an der Geschicht dabei gewiescht ze sinn. Et waren dat d'Maryam Khabirpour, de Sam Nasseri, d'Jeanne an de Claude Wiltgen, d'Mina Neshvad, de Serge Thill, d'Anissa Fallazadeh, d'Nassim Toloui, de Payam Arzani, d'Margot Molitor, den Heng Ries, d'Solange Lamesch, d'Jackie Brasseur, d'Martine Castagnia-Schoos, de Lex Schoos, de Metti Drozda, de Claude Levy an ech. D'Freed ass schonn am Fliger vun Zürich op Tel-A-Viv ugaangen, wou mer festgestallt hunn, dass méi wéi d'halschent vun de Passagéier Bahá'í waren, an dat gréisstendeels aus den afrikanesche Länner. Am Bus fir an eisen Hotel waren aleng 20 Länner vertrueden. Déi 3000 Bahá'í, déi sech d'lescht Woch zu Haifa begéint sinn, waren an den Hoteler an a ronderëm Haifa ënnerbruecht. An eise Hotel ware mer zu 128. D'Organisatioun während der ganzer Woch huet wonnerbar geklappt, dat mat iwwer 60 Busser, déi eis op déi jeeweileg Plaze gefouert hunn, sief dat an d'Konferenzzentrum, bei d'Gäert zu Haifa oder zu Bahji bei Akko. Am Bus kounn dann och déi richteg Stëmmung zustan, mat Musek a Lidder aus alle Länner, sou zum Beispill Mongolien, Spanien, an Ethiopien. Meng Zäit hunn ech haaptsächlech domat verbruecht, mat souvill wéi méiglech Leit ze schwätzen, aus souvill wéi méigleche Länner. Et war einfach herrlech. All déi verschidde Faarwen, traditionell Kostümer aus deene verschiddene Länner, aus Regionen déi ech nach ni héieren hat. Fir déi allermeescht vun deenen déi koumen, war et déi éischte Kéier. Sou zum Beispill fir d'Madame Josias, Mamm, 45 Joer al, Verkeeferin um Floumart zu Cape Town a Südafrika. Si sot: „*Ier ech Bahá'í war, hunn ech ni geduecht, dass ee jee eng Kéier an Israel komme géif. Mee elo spieren ech dass ech zu dem Prozess gehéieren wou Leit aus aller Welt probéieren, Bierger vun der ganzer Welt ze ginn, a sech als Geschwëster ze betruechten.*“ A genee dat hunn ech och empfongt, wéi mer eis alleguer den éischten Dag am Kongresszentrum getraff hunn. Virun der Entrée waren se, Bekanntere a meeschtens nei Gesichter, amgaange Fotoen ze man, sech an den Arm ze huelen a frou ze sinn. Wat e Gefill vun Eenheet an der Diversitéit. Dee gréisste Moudendefilee vun der Welt, ëmmerhi mat 3000 Leit. Leider hat ech net dru geduecht, fir mech als typesche Lëtzebuerger unzedoen. Wat dat wuel wier!

Wéi verschidden all déi Leit sinn, mierkt een eréischt wann een se gesäit. Delegéierter aus alle Berufsschichten, sozialen an ekonomesche Klassen, verschidde Rassen a reliéies Vergaangenheeten. Sou zum Beispill e Banquier aus New York, eng jonk Frau vun de Fulnio Leit am Nordoste vu Brasilien, e Journalist aus dem Nepal an en Architekturstudent aus dem Belarus. „*Mir weist et, wéi vill a ganz verschidde Leit, aus alle Regiounen an Eenheet kënnen zesummekommen, fir ze hëllef eppes ze schafen wat praktesch perfekt ass*“, sot den Alexander Sawka, e 17Joer ale Student aus St. Johns, Antigua, West Indien. E Projet vu sou enger Gréisst fäerdeg ze kréien ass e grouse Schrëtt viraus fir egal wéi eng Relioun.

Fir d'Madame Scales, eng pensiounéiert Schoulmeeschtesch aus Amerika ass dës Inauguratioun fir si en eemoolegt Event. Si sot: „*D'Fäerdegstellung vun dëse Gäert ass ee Grond dass d'Mënschheet nees Hoffnung huet. Sou vill Leit gesinn einfach keng Hoffnung méi an eiser haiteger Welt, awer dat hei weist eis dass mir alleguer kënnen zesummekommen.*“ Si gleeft dass d'Schönheet vun de Gäert, eng harmonesch Mëschung vu spirituellen a materielle Wäerter duerstelt. An d'Bahá'í gleewen dass dat an der Welt néideg ass. Uechter d'Welt sinn d'Bahá'í opgefuerdert sech fir sozial an ekonomesch Entwécklungsprojekten anzusetzen, Saachen ze man, déi hirer Gemeng hëllef. Si bidden net nëmmen, mee si versichen dat materiell mat deem Geeschtegen ze verbannen. De Bierg Karmel ass wichteg an der krëschtlecher an an der jüdescher Geschicht an d'Hellegt Land ass wichteg fir vill Reliounen an der Welt. Am „*Vater unser*“ heescht et: Dein Reich komme, Dein Wille geschehe. Fir mech ass dat d'Erfüllung vun deem Gebiet, well mir Bahá'í gleewen dass mir mathëllef d'Kinnekräich Gottes hei op der Äerd ze bauen.

Souwäit e puer vun den Andrék vun dësen aussergewöhnlechen Deeg um Bierg Karmel zu Haifa an Israel. An eiser nächster Emissioun méi iwwer de Programm vun dësen onvergesslechen Deeg.

58 Aussergewöhnlech Deeg um Bierg Karmel zu Haifa an Israel

58t Sendung, den 8ten an 9te Juni 2002. Dës Woch sinn zu Haifa d'Gäert an d'Terrassen um Bierg Karmel fir d'Touristen fir d'éischt opgaangen. Dat heescht all déi 19 Terrassen, vum Fouss vum Bierg bis ganz uewen, an dat mat Hëllef vun engem speziellem Reservatiounssystem iwwer Computer. D'Entrée an d'Visite guidée si gratis.

Dëst no der offizieller Erëffnung bei der iwwer 3000 Bahá'ís aus aller Welt souwéi e puer honnert Éieregäscht wéi zum Beispill Staatsministeren, Richter, Ambassadeuren a Membere vum israellesche Knesset. Si konnten owes, um Fouss vum Bierg e wonnerbare musekalesche Programm materliewen. Extra fir deen Zweck gouf eng Tribün fir 4000 Leit opgeriicht, dobaussen, ënnert engem bloen Himmel. Fir ganz Israel war dëst Event dat gréisst dëst Joer an all Hotelzëmmer zu Haifa an an der Emgéigend war voll mat Bahá'í aus der ganzer Welt. Iwwer 5 Milliounen

Bahá'í aus der ganzer Welt, aus all Natioun a Géigend hu vill sacrificiéiert an haart geschafft an dat an engem Geescht vu Léift an Eenheet. Zéng Joer huet et gedauert bis de Projet fäerdeg war. D'Ceremonie huet aus zwee Orchesterstécker bestanen, déi extra fir des Geleeënheet komponéiert goufen. Zum Schluss vun der zweeter Kompositioun a just wéi et däischter gouf, sinn d'Luuchte vun deene 19 nei errichten Terrassen ugaangen, bal e Kilometer laang, déi nördlech Säit vum Bierg Karmel. Si hunn esou op eng spektakulär Aart a Weis de Bierg erlicht.

„Fir d'Bahá'í déi hei waren, war et e ganz speziell, eng Eröffnungszeremonie fir déi helleg Gäert an déi nei administrativ Gebeier. Domat ass de Weltzentrum fäerdeg, eppes fir dat mir joerelaang geschafft hunn“, sot den Douglas Samimi-Moore, Direkter vum Bureau d'information publique vun der internationaler Bahá'ígemeng.

„Dëst stellt op eng Manéier d'Maturitéit vun der Bahá'íweltcommunautéit duer, déi sech elo ronderëm d'Welt sichtbar mécht, mam Zil, eng Hëllef unzebidden fir dat soziaalt a geeschtegt Liewe vun der Mënschheet nei ze gestalten an ze revitaliséieren“, sot den Här Samimi-Moore.

„Haut commémoréiere mer eng helleg Geschicht vu Léift déi senges Gläiche sicht, vun aussergewöhnlechem Sacrifice an enger göttlecher Visioun“, sot de Matthew Weinberg, Direkter vun der Recherche fir de Bureau d'information publique vun der internationaler Bahá'ígemeng, a senger Ried virun der Eröffnung.

„Wa mer hei stinn, erstaunt vun der Herrlechkeet vun de Strukturen an der Tapisserie vu Schéinheet, déi elo d'Gesicht vun deem hellege Bierg vu Gott ausmécht, a wa mer iwwer déi mysteriéis Weëer nodenken, déi fir dës remarkabel Transformatioun verantwortlech sinn, kléngen d'Wierder vu Jesaiah vun alle Säiten: „...Carmel a Sharon, wäerten d'Majestéit vum Herrgott gesinn. ...“ sot den Här Weinberg.

Déi zwee orchestral Wierker, extra komponéiert fir dës Aweigung si ganz déif mat dësem Thema verbonnen. Dat éischt Stéck am Programm heescht *„O Kinnigin vu Karmel“* eng Cantata an dräi Mouvementer, geschriwwen vum Tolib Shahidi, e Komponist aus dem Tajikistan. Dat zweet Stéck heescht *« Terrasse vu Liicht »*, vum Lasse Thoresen. Hien ass ee vun de bekannteste klassesche Komponisten an Norwegen.

Fir d'Eröffnung hunn ënnert fräiem Himmel den Haifa Symphonie Orchester gespillt, ënnert der Direktioun vum Stanley Sperber, mat Hëllef vun dräi kanadesche Solisten, Mezzosoprano Patricia Green, Tenor Stuart Howe a Bariton Brett Polegato. Matgewierkt hunn déi éisträischesch Geiesoliste Bijan Khadem-Missagh, säi Jong Vahid a seng Duechter Martha an den Transylvanesche philharmonesche Staatschouer vu Cluj a Rumänien.

De musekaleschen Héichpunkt war just nom Sonnenënnergank a wéi d'Musek hire Crescendo erreecht hat. Déi 19 Terrassen sinn eng no der anerer ugaangen op eng brilliant Aart a Weis, eppes u wat déi, déi dabei waren, sech e Liewe laang wäerten drun erënnere.

„Et war immens“ sot d'Nancy Oloro, eng Delegéiert vu Zambia. *„Ech hu mech wéi an enger anerer Welt gespiert. An de Bahá'í Schrëfte liese mer, dass d'Musek eiser Séil Fligel gëtt. An dat hunn ech gespuert.“*

Wéi den Architekt den Här Sabha sot, goufen dës Gäert virun allem fir d'Bahá'í Pilger geschaf. Wann si d'Terrassen erop bei de Schräin vum Báb ginn, kënnen si sech vun der Welt ronderëm si lasslësen a sech op d'Bezéiung mat hirem Créateur konzentréieren.

„Dëst aussergewöhnlecht Konschtwierk dat mir hei um Bierg gesinn ass e visuellen Ausdrack vun enger Inspiratioun déi vun Deem kënnt, deen eis erschaf huet“, sot den Albert Lincoln, Generalsekretär vun der internationaler Bahá'ígemeng. *„Et ass dee selwëschte Geescht vu Glaawen, deen déi grouss Kathedralen an Europa gebaut huet, déi grouss Moscheeën, Klouschteren a reliéis Monumenter aus dem Osten.“*

„Mir denken, dass d'Welt déi grouss Vitalitéit vun dëser Kraaft erkenne sollt. Si soll versichen e puer vun de negative Stereotypen ewechzeleeën, déi an eiser moderner Zäit d'Relioun charakteriséiert“, sot den Här Lincoln. *„An anere Wierder, gesi mir dës Terrassen an dëst Evenement als eng Méiglechkeet déi positiv Kraaft vum Glawen an Aktioun ze erliewen.“*

59 D'Unity Foundation

59t Sendung, de 15ten a 16te Juni 2002. Leschte Sonndeg hat ech d'Geleeënheet un enger aussergewöhnlecher audiovisueller Presentatioun mam Dr Tahmasebian am Bahá'í Zenter deelzehuelen. Den Dr Tahmasebian ass Responsabel fir zwee Entwécklungsprojeten op den Mentawi a Sumatrainsele an Indonesien, déi hei zu Lëtzebuerg duerch d'Unity Foundation ënnerstëtzt ginn a mat dem Ministère des Affaires Etrangères vu Lëtzebuerg matfinanziert ginn. Ier den Dr Tahmasebian eis e Video vun den Inseln a vun der Entwécklung vun den zwee Projekte gewisen huet, war et um Fernand Schaber vun der Unity Foundation fir dës Netregierungsorganisatioun kuerz virzestellen.

D'Unity Foundation gëtt et elo schonn zéng Joer hei zu Lëtzebuerg. Den Haaptpartner mat deene si schaffen, ass de Ministère des Affaires Etrangères, d'Europäesch Communautéit, de Cercel vun den Ongen an zënter kuerzem och *Diddeleng hëlleft*. Zur Zäit ass d'Unity Foundation an dräi Länner weltwäit aktiv. An Indonesien, Kolumbien an a Brasilien.

Hir Missioun besteet aus véier Haaptpunkten: éischters eng Kultur vun Eenheet a Fridde ze schafen, zweetens allgemeng Erzéiung weiderzebréngen, drëttens allgemeng Hygiène a Gesondheet ze verbesseren, a véiertens d'Stellung vun der Fra ze hiewen. Ausserdeem ass et wichteg dass de Projet laangfristig ass, also dass de Prinzip vun der Nohaltegkeet erfëllt gëtt.

Natierlech ass et ganz wichteg finanziell Ënnerstëtzung ze kréien. Vertrauen an de Wäert vun engem Projet kritt een am beschten duerch gutt Informatioun, wou a wéi d'Gelder benotzt ginn. Déi Leit, déi der Unity Foundation hir Projeten finanziell ënnerstëtzen si frou ze wëssen dass all Projet co-finanzéiert gëtt duerch den Ausseministère an oder vun der europäescher Communautéit. Fir all Euro vun engem private Spender leet de Stat der zwee dabäi. A wann et ee vun de gezielten Entwécklungslänner vu Lëtzebuerg ass, wéi zum Beispill Burkina Faso, da leet de Stat souguer dräi Euro dabäi. En plus kann een déi finanziell Ënnerstëtzung, déi een der Unity Foundation gëtt, vun de Steieren ofhalen.

De Charles Goerens, Minister vun der Coopération et de l'Action Humanitaire, beschreift an engem Rapport virun der Chamber den 23te Mäerz 2000 déi offiziell Kooperation tëschent dem Stat an den Ongen.

Indonesien ass dat véiert gréisste Land vun der Welt, mat 221 Milliounen Awunner, e Land wat sech aus 13000 Inseln zesummesetzt, déi am ganzen 5400 km laang sinn. Mir konzentréieren eis op West Sumatra, a spezifesch d'Mentawi Inseln. An de Bahá'í Schrëfte fanne mer, dass all Kand d'Potential huet fir d'Liicht vun der Welt ze sinn an zugläich och d'Donkelheet vun der Welt. No der Aféierung iwwer d'Unity Foundation vum Här Fernand Schaber koum dann d'Presentatioun iwwer d'Projeten mam Dr. Tahmasebian. Fir d'éischt eemol sai grouse Merci fir d'Regierung an all déi, déi de Projet ënnerstëtzt hunn a weider ënnerstëtzen. Ouni si, wier dëse Projet sécher net méiglech gewiescht. Mir liewen an enger Zäit wou Gerechtegkeet méi wéi jee néideg ass an den Dr. Tahmasebian hofft dass sai perséinleche Video vun de schlëmmen Zoustänn op den Inseln en Androck doriwwer ginn, wéi wichteg Erzéiung am allgemengen ass a méi spezifesch eng moralesch Erzéiung.

De Film weist wéi d'Schëff vun Taban, am indeschen Ozean op d'Mentawi Insele fiert, eng Rees vun ëmmerhin zwielef Stonnen. Ongeféier 100 000 Leit wunnen op der Insel. An dräi Deeg huet den Dr. Tahmasebian mat Hëllef vu senger Fra an engem Duerf 150 Leit ënnersicht a medezinesch versuegt. Déi nootst medezinesch Hëllef ass siwe Stonnen ewech.

Wann d'Elteren an den Djungel ginn, fir no Iessen ze sichen, loossen si d'Kanner oft véier bis fënnef Deeg aleng an den Haiser. En Haus ass hei net méi wéi e bëssen Holz mat Stréi. Obschonn d'Regierung Schoule gebaut huet, bleiwen d'Schoulmeeschtere net. An engem Fall sot de Responsable vum Duerf dass si an engem Joer just eng Woch Schoul haten.

Offiziell gëtt de Projet vun der indonescher Regierung als ErzéiungsProjet unerkannt. Dénagscht un der Mënschheet ass d'Haaptuleies vum Projet a vu Unity Fondation.

An engem vun deenen zwee Projete sinn am Moment zum Beispill 6 muslemesch, 8 chrëschtlech a 6 Bahá'í Kanner ageschriwwen. Si léiere fir d'éischt dass all d'Leit vun der Welt hir Inspiratioun vun engem an deem selwechte Gott kréien an dass elo d'Zäit komm ass, fir all Relioun ze respektéieren. Fir d'moralesch Erzéiung huele si Texter aus den islamesche, chrëschtliche a Bahá'í Schrëften. Si léiere Propretéit, Mathematik, Liesen a Verständnis a wéi een eppes analyséiere kann. Wëssen aleng geet net duer, praktescht Wëssen geet och net duer. Wat feelt dann? D'moralescht Wëssen. Dëst gëtt besonnesch bei der Ausbildung vu Schoulmeeschtere betount. Éierlechte a Gerechtegkeet. Eng Erzéiungsmethode bei der Ausbildung, déi gutt Resultater bréngt ass déi vum Theater a Rollespill:

Véier verschidde Famillje ginn duergestallt; déi éischt Famill ass aarm an huet keng moralesch Erzéiung; déi zweet Famill ass ganz aarm, huet awer héich moralesch Wäerter. Si si frou, éierlech, schaffen haart, spueren a bidden zesummen; déi drëtt Famill huet vill Suen, ass awer korrupt, si drénken a schwätze schlecht iwwer aner Leit an déi lescht Famill an dësem Theaterstéck ass ganz räich, huet awer och héich moralesch Wäerter.

Nodeem eng Famill virgestallt ginn ass, schwätzen d'Schüler a kleng Gruppen iwwer dat wat se gesinn hunn a versichen Äntwerten op folgend Froen ze fannen: Wat hues de gesinn? Firwat ass dat geschitt? Wat war d'Resultat, den Effekt? Wa sou eppes änlech an hirer Famill geschéie géif, wat géife se da maachen.

Am Projet fänkt den Daag normalerweis mat Gebieder a Meditatioun un, fënnef Minute fir all Religioun. Ganz wichteg ass et, dass d'Kanner am Projet sech u gutt Gewunnechten an Dugende gewinnen. Eng Manéier fir dat praktesch ze léiere besteet doran dass si sech all Dag kënnen e Blad mat enger gudder Dugend huelen a versichen während dem Dag virun allem dës Dugend ze praktizéieren.

Ze hoffen ass natierlech dass den Erzéiungsbudget an Indonesien méi grouss gëtt, fir sou ville Kanner wéi méiglech iwwerhaupt eng allgemeng Erzéiung unzebidden. Déi regional Autoritéiten si jiddefalls begeeschtert vum Projet a maachen hiert Bescht fir de Projet weiderhinn ze ënnerstëtzen. De Projet ass en Zenter fir kreatiivt Léieren. Wann dir d'Unity Foundation ënnerstëtze wëllt, oder wann dir méi Info iwwer hir Projekte kréie wëllt, telefonéiert hinnen um 442220.

60 D'Summerfest beim Bahá'í Haus vun der Andacht zu Frankfurt am Taunus

60t Sendung, den 22ten an 23te Juni 2002. Leschte Weekend war et nees souwäit. Zäit fir al Frënn a Bekannter aus ganz Europa erëmzugesinn. Fir gutt Stëmmung an Lesse war gesuergt; an dat zu Langenhain, eng 15km vu Frankfurt ewech, op enger Héicht vun der een eng gutt Vue op dës Milliounestad huet. Iwwer 1500 Bahá'í an hir Frënn hu sech e Sonndeg beim Haus vun der Andacht getraff, fir zesummen ze iessen, Spaass ze hunn, sech kennenzeléieren, un der Andacht deelzehuelen a nei Bicher an Cden an der Bahá'í Librairie ze kafen. Vu Lëtzebuerg hu sécher iwwer zwanzeg Leit fonnt, dass et derwäert wier, zwou Stonnen am Auto ze verbréngen, fir kënnen e flotten Dag ze hunn.

Fir d'éischt e bëssen Info iwwer d'Haus vun der Andacht an d'Emgéigend. D'Haus vun der Andacht an d'Gäert ronderëm hunn eng Fläch vu bal 30000m² a leie just baussend dem Duerf, beim Bësch a mat engem Stéck fräier Vue op Frankfurt. Feierlech ageweit gouf d'Haus vun der Andacht viru bal 40 Joer. „*Dëst Gebei ass dem Eenheetsgedanke geweit, deen d'Basis vum Bahá'í Glawen ass : d'Eenheet vu Gott, d'Eenheet vu sengen Offenbarer an d'Eenheet vun der Mënschheet.*“

Dem Haus vun der Andacht seng Diere stinn op fir d'Mënsche vun alle Glawensrichtungen, all Rassen all Vollek an all sozial Klass. An dëse Mauere wäert een net nëmmen d'Gebieder an d'helleg Schrëfte vun eisem eegene Glawen héieren, mee déi vun all de grouse Weltreligionen. Mir gleewen, dass dës helleg Schrëften déi éiweg Wourechte sinn, déi Gott zu verschiddenen Zäite fir d'Féierung an d'Erléisung vun der ganzer Mënschheet geoffenbaart huet. D'Bahá'í hoffen, dass jidderee sech fräi fille wäert, an dësen Tempel ze kommen, hei ze bidden a mat eis an den Andachten den Herrgott luewen, Deen dee mer all gär hunn, deem mer eis all zouwenden a vun Deem mer an dëser onroueger a voll mat Suerge beluedener Welt Gnod a Seegen erhoffen.

An der Bahá'í Relioun ginn et keng Paschtéier. Am Haus vun der Andacht steet just dat offenbaart Wuert vu Gott vun de verschiddene Reliounen, onverfälscht an onverschleiert am Mëttelpunkt; fir de Mënsch den Ausgangspunkt fir seng eege Sich no Wourecht an Erkenntnis.

Haut ass d'Haus vun der Andacht e Symbol fir déi grondleeënd Wourecht vum Bahá'í Glawen, dass nämlech déi reliéis Wourecht net absolutt, mee relativ ass an dass déi gëttlech Offenbarung net ofgeschloss ass mee fortschreitend.

Elo e bëssen iwwer den Entworf. No engem Concours, bei deem 19 Architekten hir Iddien agereecht haten, huet ee sech 1956 fir de jonke Frankfurter Architekt Teuto Rocholl entsched. D'Hauptfuerderunge ware scho festgeluecht, an dat vum Jong vum Begrënner, 'Abdu'l-Bahá. Sou muss d'Haus vun der Andacht zum Beispill néng Säiten an Dieren hunn, Seilen, Gäert, Weeër, Galerien an eng Kuppel. Den Entworf an d'Ausféierung sollen herrlech sinn.

D'Awunner vun der klenger Uertschaft Langenhain hu sech scho längst dru gewinnt dass all Dag Visiteuren aus aller Welt, Spadséierfrënn, Schouklasse, Reesbusser a Virwëtzeger bei d'Haus vun der Andacht kommen. Déi meescht wëllen sech hei entweder iwwer d'Bahá'í Relioun informéieren, d'Rou an d'Stëll vum Haus genéissen, sech bei engem Gebiet geeschteg nei optanken oder einfach nëmmen an de schéine Gäert spadséiere goen.

D'Haus vun der Andacht huet eng wäiss Fassad, et ass 28m héich. Et besteet aus 27 Betonsrëpper déi no uewe ginn an dertëscht si 570 rauteförmeg Glasfënstere, déi dem Haus den eemolege Look ginn. Am Sous-sol fënnt een eng nei interessant Multimediashow mat enger Ausstellung iwwer déi zentral Themen am Bahá'í Glawen. Donieft huet all Gaascht d'Méiglechkeet, nieft dem Haus vun der Andacht, am Besucherzentrum eppes ze drénken a ka sech méi iwwer d'Bahá'í Relioun informéieren.

Dat drëtt Gebai um Terrain ass d'Zentrum vum Nationale Rot, mat engem Konferenzsall, Büroen an dem Bahá'í Verlag. D'ganzt Joer ass ronderëm d'Haus vun der Andacht vill lass. Ausser dem grouse Summerfest mat iwwer 3000 Leit gëtt et zënter 7 Joer och schonn e Forum fir en openen Dialog, eng Plaz fir aktuell an zäitlos Sujeten. Sou zum Beispill Konferenzen aus alle Liewensberäicher, Podiumsdiskussionen, Konzerten a kënschtlerech Contributiounen. Oder awer international Konferenzen, Verdéiwungscoursen a Course fir déi helleg Schrëfte besser ze verstoen, Hochzäiten, Fester an Ausstellungen. D'Akustik am Haus vun der Andacht ass fir vill international Choralen eng Herausfuerderung a fir den Nolauschterer ass de Klang wéi eng Leeder déi direkt an den Himmel geet. All Sonndeg ginn am Haus vun der Andacht an enger interreliöser Andacht Texter aus den hellege Schrëfte vun alle Reliounen gelies. Wann der wëllt, zielen ech iech d'nächst Woch e bësse méi iwwer d'Summerfest an d'Ausstellung am Haus vun der Andacht.

61 D'Bahá'í Haus vun der Andacht zu Frankfurt an hir Ausstellung

61t Sendung, den 29ten an 30te Juni 2002. D'Bahá'í Haus vun der Andacht bei Frankfurt ass viru bal 40 Joer ageweit ginn, an dat am Numm vun der Eenheet vun de Reliounen an der Eenheet vun de Mënschen. D'Architektur ass ganz eegenarteg. D'Kuppel huet d'Form vun enger Elips. Am einfachste kann ee sech e Bild maachen um Internet, an dat op der däitscher Bahá'í Säit, www.bahai.de. Den Architekt Teuto Rocholl krut an der Fachwelt vill Luef fir säin Entworf a virun 10 Joer gouf d'Haus vun der Andacht vum Land Hessen zum hessesche Kulturdenkmal erkläert. Weltwäit ginn et Haiser vun der Andacht zu Wilmette bei Illinois an de Vereenegte Staaten, zu Kampala an Uganda, zu Sydney an Australien, a Samoa am pazifischen Ozean an a Panama a Südamerika. D'Haus vun der Andacht zu NeiDelhi an Indien, wat 1986 ageweit gouf, krut vill Auszeechnunge wéinst senger avantgardistescher Architektur an ass haut eng vun deene meeschte besichte Plazen a ganz Indien.

D'Haiser vun der Andacht sinn op fir jiddereen. Zu Frankfurt all Dag vu néng bis sechs. Sonndes ass eng Andacht vun dräi bis halwer véier. Wann der an der Géigend sidd, kënnst der iech eng Stonn Zäit huelen vir et ze besichen. Méi Info wéi gesot um Internet ënnert www.bahai.de. Interessant ass och d'Ausstellung iwwer de Bahá'í Glawen am Sous-sol vum Haus vun der Andacht. Hei elo e klengen Iwwerbléck. An der Entrée kann een dat hei liesen: D'Ausstellung soll dem Besucher en Abléck an d'Wierder vu Bahá'u'lláh ginn. An der Geschicht vun der Mënschheet waren et nach ëmmer d'Reliounen, vun där déi onverzichtbar geeschteg a sozial Impulser ausgoungen. Dat jéngste Glidd an där Ketten ass d'Bahá'í Relioun. Si gouf virun iwwer 140 Joer vu Bahá'u'lláh gegrënnt. Bahá'u'lláh erkennt d'Reliounen virun him un, déi ënnert verschidden Nimm, d'Stëmm vum Herrgott fir hir Zäit waren. Hir Léieren enthalen niewent neien Impulser eng Onmass vun éiwegen, geeschtege Wourecht, déi an ofgewandelter Form an all Relioun erëmkommen. D'Bahá'í Relioun erweidert de Räichtum vun de Reliounen virun hir mat neie Léieren. Hiert Zil ass déi geeschteg Erneuerung an eng ëmfaassend Vereenegung vun der ganzer Mënschheet. Dësen Text kann de Besucher am Ufank vun der Ausstellung liesen. Dann huet een d'Méiglechkeet sech mat e puer Haaptgedanken am Bahá'í Glawen ze befaassen, déi op verschidde Panneaux stinn, op duerchsichtige Glas, virun engem Hannergrond vun abstrakt gemoolten Tableaux. Kucke mer eis elo mol eng vun den d'Haaptiddien un. Do fanne mer de Mënsch selwer, als e Biergwierk, eng Minn, räich un Eedelsteng von onschätzbarem Wäert. Nëmme d'Erzéiung bréngt et fäerdeg dës Eedelsteng an Diamanten am Mënsch ze fannen an ze entdecken, sou dass och d'ganz Mënschheet domat eppes kann ufänken. Weider liese mer dass de Mënsch den héchsten Talisman ass. Mee e Manktum un Erzéiung hält him awer dat ewech, wat hien eigentlech sengem Wiese no besëtzt.

Mir fannen och hei, beim Thema vum Mënsch a sengem Wäert, d'Bestätigung, dass deen, deen eis erschaf huet, sech als Zil gesat huet, de Mënsch op eng héich Stuf ze setzen, eedel mat engem immense Potential. An das Hien eis dofir déi néideg Informatiounen ubitt, d'Rezept fir eng Liewensweis, déi eisem Wiesen no am idealsten ass. Dës Informatiounen sinn näischt anescht wéi déi helleg Schrëfte vun all de grouse Reliounen.

A schonn ass eis Zäit nees erëm. Duefir proposéieren ech, dass mer déi aner Haaptgedanke vun där Ausstellung an der nächster Emissioun virstellen. Bis dohi wënschen ech iech e schéine Weekend an eng gutt Woch.

62 D'Ausstellung am Bahá'í Haus vun der Andacht zu Frankfurt

62t Sendung, de 6ten a 7te Juli 2002. De Prinzip vun der Eenheet an der Villfalt fannen ech ganz oft erëm, wann ech mer ukucken, wéi Bahá'í sech a verschiddene Länner no baussen hi weisen. Sief dat an deem een einfach zum Beispill kuckt wéi a verschidde Länner, d'Bahá'í um Internet hir Relioun duerstellen oder eben an Ausstellungen, wéi zum Beispill déi am Haus vun der Andacht bei Frankfurt. Wat dem Besucher direkt opfällt sinn d'Haaptiddien, déi hei méi no beliicht ginn. Kucke mer eis dës elo un. Si sinn op däitsch an ech hu probéiert sou gutt et geet hire Sënn op Lëtzebuergesch erëmzeginn.

„Die Sprache der Taten“, d'Sprooch vun den Aktiounen, vun deem wat ee mécht. Do liest een: „Looss all Moie besser si wéi den Owend virdrun an all neien Dag méi räich wéi dee vu gëschter. Dem Mënsch seng Qualitéit läit am Dénkscht an an der Dugend, net am Prunk vun engem gudde Liewen a Räichtum.“

Verschennt de Räichtum vun ärem sou wäertvolle Liewen net domat, äre verdieften Neigungen nozegoen, a verbréngt net all är Zäit domat, ären eegenen Interessen nozegoen. Sidd generéis wann et iech gutt geet a gedëlleg an äre schwéiere Stonnen. Strieft mat ganzer Séil duerno, iech duerch dat auszeechnen wat der mat. Wieder aleng ginn haut neméi duer.“

Dass dat wat ee seet a wéi een et seet awer wichteg ass, fënnt een an e puer Texter; dass ee bestëmmtent Wuert ka mat Feier verglach ginn an en anert mat Liicht an dass et ganz kloer ass wéi en Afloss déi zwee ausüben. Dowéinst sollt ee Wieder benotzen, douce wéi Mëllech.

En aneren ausgewielten Text gëtt engem Rotschléi wéi ee sollt sinn. Sou zum Beispill:

„Am Gléck géff mat an am Ongléck sief dankbar. Strief derno, dass däin Noper der vertraue kann a kuck e mat hellen a frëndlechen Aen. ... Hal däi Versprieche helleg. Sief gerecht an dengem Uerteel a pass op wats de sees. Sief mat kengem Mënsch ongerecht a weis jidderengem deng „Sanftmut“. Sief wéi eng Luucht fir déi, déi am Däischtere ginn, eng Freed fir déi Bedréckten, e Mier fir den Duuschtregen, ...eng Stäip an e Verteideger fir d’Affer vun der Ënnerdréckung. Sief en Doheem fir de Friemen, eng Salef fir deen dee leit a fir de Flüchtling e staarken Tuerm. Sief e Liicht vu Féierung fir deen, dee sech verlaaf huet, ... e stralend Liicht um Firmament vun dengem Zäitgenossen, eng Fruucht um Bam vun der Demut.“

En aneren Hauptgedanken, deen en an der Ausstellung erëmfënnt ass dee vun der Sich no der Wourecht. Wat soen eis d’Bahá’í Schrëften dozou?

„D’Donkelheet vum Iertum gëtt verdriwwen, de Niwel vum Zweiwel a vun den Ängschten zerstreet an d’Liichter vun der Erkenntnis an der Gewëssheet wäerten dem Mënsch säi Wiesen ëmginn, wann d’Luucht vum Sichen, vum eeschte Striewen, vum déiwe Verlaangen, vun der gliddeger Léift, vun der Begeeschterung an der Verzückung am Häerz vun deem dee sicht, ausgeléist ass an den Hauch vu Gottes Gnod iwwer seng Séil bléist.“

Alles dat Texter, oft geblummellet, well et muss ee jo bedenken, dass dee Stil deemools an der Kultur wou Bahá’u’lláh gelieft huet, üblech war, mee awer vläicht ongewinnt bei eis ass.

63 Dem Bahá’u’lláh Seng Visoun vun eiser Zukunft – Eng nei Weltuerdnung, Deel 1/3

63t Sendung, den 13ten a 14te Juli 2002. D’Bahá’í denken dass all déi spektakulär Changementer an d’Bouleversementer, déi mir während dem leschte Jorhonnert erliewe konnten, an déi nach ëmmer weiderfueren, e ganz bestëmmten Ursprung hunn. De Grond ass Bahá’u’lláh, dee jéngste Gottesoffenbarer, an dass all dës Changementer an der Welt vun dëser neier Revelatioun beaflosst sinn.

D’Expressioun *Eng nei Weltuerdnung* ass virun e puer Joer nees am alldeegleche Sproochgebrauch opgetaucht. 1988 huet de sovietesche Präsident, de Michael Gorbatschew an de Vereenten Natiounen gesot, wéi néideg et wier en universelle Konsensus ze sichen, vu dass d’Mënschheet op eng nei Weltuerdnung histeiert. 1990 huet den amerikanesche Präsident George Bush dës Expressioun nees opgegraff fir deen neie Grad vu Kooperatioun vun der Nokrichszäit, dem kale Krich ze beschreiwen. Virun allem huet hien op d’Aktioun vun de Vereenten Natiounen géint d’Agressioun am persesche Golf higewisen.

Zënterhir, ass dësen Ausdrock vun den Universitären, de Journalisten an de Weltleadere gebraucht ginn. Déi nei Weltuerdnung ass en Diskussiounsthema iwwer déi bescht méiglechst Organisatioun vun der nächster Etapp am sozialen a politesche Liewe vun eisem Planét.

Trotz all den Diskussiounen gëtt et nach keng richtig Definitioun fir dës nei Weltuerdnung. Et huet een éischter eng Ahnung, eng vague Virstellung vum Inhalt. Fir d’Bahá’í huet d’Expressioun *Eng nei Weltuerdnung* eng ganz besonnesch a präzis Bedeitung. Bahá’u’lláh huet dësen Ausdrock viru méi wéi honnert Joer benotzt, an dat fir eng Rei vu wichtege Changementer am politeschen, sozialen a reliéise Liewen op der Welt ze definéieren. Hien huet deemools scho geschwriwwen „D’Zeeche vun den Emwälzungen an dem imminente Chaos kann een haut scho gesinn, vu dass déi haiteg Lag deermoosse schwach ze si schéngt“. *Den Dag kënnt ëmmer méi no, wou déi aktuell Uerdnung emgehäit gëtt an duerch eng nei Uerdnung ersat gëtt*“. D’Bahá’í denken dass déi fantastesch Ännerungen a Bouleversementer vum leschte Jorhonnert – an déi, déi mer nach hautdesdags erëmfannen – duerch d’Komme vun engem neie Gottesoffenbarer provoziert goufen, an erlicht duerch d’Luucht vun enger neier Revelatioun. Dëst schéngt guernet sou wäit gegraff, wann een dru gleeft, dass Gott existéiert a wa säi Vertrieder virun engem Jorhonnert op d’Äerd koum; dass engem dann d’Konsequenzen dovunner opfale missten.

Dofir bedeit fir d’Bahá’í d’Konzept vun enger neier Weltuerdnung e bësse méi wéi eng einfach politisch Reorganisatioun, eng visionär Proklamatioun vun e puer Weltleadere oder eng rational Konstruktioun vun e puer Universitären. Et geet éischter ëm en *erstaueneleche System* deen d’Uwendung vun de Léieren an de Prinzipie vu Bahá’u’lláh duerstellt. Zu dëser neier Weltuerdnung, genoe sou wéi zum Bahá’í Glawen, gehéieren all mënschlech Aktivitéiten, vum sozialen a politesche Beräich bis zu den alldeeglechen Relatiounen an eisem perséinleche, kulturellen, geeschtegen, ekonomeschen a soziale Liewen. Eng äusserlech an ënnerlech Ëmännerung also. Méi iwwer d’Visoun vun dëser neier Weltuerdnung an eiser nächster Emissioun.

64 Dem Bahá’u’lláh Seng Visoun vun eiser Zukunft – Eng nei Weltuerdnung, Deel 2/3

64t Sendung, den 20ten an 21te Juli 2002. Dass fir d’Bahá’í d’Realisatioun vun enger neier Weltuerdnung d’Hauptuleies vun hirem Begrënner Bahá’u’lláh ass, hu mer an eiser leschter Emissioun gesinn. Zu dëser neier

Weltuerdnung, genee sou wéi zum Bahá'í Glawen, gehéieren all mënschlech Aktivitéiten, vum sozialen a politesche Beräich bis zu den aldeegeleche Relatiounen an eise perséinleche, kulturellem, geeschtegen, ekonomeschen a soziale Liewen. Dës grandios Visioun ass dat wou d'Bahá'í dru schaffen. Si ass am Wesentlechen, d'Erfüllung vun der Visioun vu Jesaia an der Bibel, d'Zäit wou d'Natiounen hir Schwäerter géint Pléi, an hir Lanze géint Gaardeschéieren ëmtausche wäerten. D'Zäit wou si neméi léieren, Krich ze féieren. Et ass am Sënn vum Gebiet vun de Chrëschten, déi zënter Jorhonnerten de „Vater Unser“ bieten, an deem jo op d'Komme vum Räich Gottes higewise gött. „*Dein Wille geschehe wie im Himmel so auf Erden*“.

An eiser haiteger Zäit kann een den Ufank vun dëser Transition an de Changementer a Bouversementer gesinn, déi des Nei Weltuerdnung annonciéieren; das dës Uerdnung erauskënnt, gesäit een op zech Plazen: de jorhonnerten ale Kampf fir d'Gläichberechtigung vu Mann a Frau, d'Verstäerkung vun der ekonomescher Gerechtegkeet an d'Ofschafung vun den ongeheieren Differenze vu Räichtum a sozialer Klass.

Bahá'u'lláh huet all dës Tendenze virausgesinn. His sot dass d'Mënschheet relativ schnell eng Emännerung matmache géif an huet en Ensemble vu Prinzipien a Reglementer verkënnegt, fir de soziale Progrès an dësem neien Zäitalter ze fërderen.

Haut entwéckelen en ganz Parti vu Visionären änlech Prinzipien an Iddien. Déi sozial Léiere vu Bahá'u'lláh sinn haut a ville Fäll d'selwecht wéi déi modern Definitioun vun enger progressiver Gesellschaft.

An dach geet d'Verkënnegung vun enger neier sozialer Ideologie aleng net duer fir d'Welt ze veränneren an eng nei Weltuerdnung ze schaffen; et gesäit een dat jo mam Zesummefale vum Kommunismus.

Déi nei Weltuerdnung kann nëmme um déiwe Verständnis vun der geeschteger Wierklechkeet vun der Mënschheet gebaut ginn, eng Realitéit déi d'Wiese selwer vun eiser Natur ass.

An der geeschteger Welt fanne mer den Ursprung vun de mënschleche Qualitéiten; si sinn d'Ursaach vun Eenheet an Harmonie. Et sinn déi mënschlech Qualitéiten, déi eis eis intuitif Fäegkeete ginn, eis Verständnis ginn, eis et erlaben Kooperatiounsprojeten duerchzuféieren. Zu dëse Qualitéite gehéieren d'Léift, de Courage, d'Intuitioun, d'Bescheidenheet an d'Fäegkeet sech kënne fir eng gutt Saach opzeafferen. An hirem Wiese sinn dës Qualitéite geeschteger Natur a sinn d'Basis, wann och onsichtbar, vun eiser mënschlecher Gesellschaft.

Et ass vläicht méi einfach d'Interaktioun tëschent de geeschtege Qualitéiten an der sozialer Entwécklung ze verstoen an deem mer eis drun erënneren, wéi fréier déi grouss reliéis Meeschteren d'Mënschheet an der Vergaangenheet geféiert hunn. De Moral Code vun den zéng Geboten, deen een haut bal an all reliéiser Traditioun erëmfënnt, dingt als Beispill fir déi reliéis Léieren an an engems als moralesch Orientatioun an als Aluedung sech geeschteg ze entwéckelen. Déi zéng Geboter hu sech am mënschlesche Gewësse niddergelooss an hunn iwwerall d'Kulture restrukturéiert. Souguer fir een deen net gleeft, besteet keen Zweifel um Wäert vun dëse Léieren. De leschten Deel vun der Visioun vun dëser neier Weltuerdnung an eiser nächster Emissioun.

65 Dem Bahá'u'lláh Seng Visoun vun eiser Zukunft – Eng nei Weltuerdnung, Deel 3/3

65t Sendung, de 27ten an 28te Juli 2002. Mir hunn an eise leschten Emissioun gesinn, wat Bahá'u'lláh, Begrënner vun der Bahá'í Relioun, virun iwwer 150 Joer, ënnert enger neier Weltuerdnung versteet.

Dass dës nei Weltuerdnung nëmme ka mam déiwe Verständnis vun der geeschteger Wierklechkeet vun der Mënschheet gebaut ginn; eng Realitéit déi d'Wiese selwer vun eiser Natur ass.

Fréier hunn déi geeschteg Léieren, wéi zum Beispill déi zéng Geboter, sech haaptsächlech op deen Eenzelen a seng Aktioun bezunn, oder op den Zesammenhalt vu relativ klengen Gruppe vu Leit. Sou war d'Moral och virun allem op d'Verhale vum Eenzelen gerichtet; du solls net klauen; du solls net léien; du solls däin Noper gär hunn.

Haut versti mer, dass d'Spiritualitéit net nëmme deen Eenzelen an eng Grupp vu Leit ëmfaasse soll, mee och de kollektive Fortschrëtt vun der Mënschheet an hirem Ganzen. Doduerch dass d'Mënschheet haut erwuesse ginn ass, ass et och iwwerhaupt eréischt méiglech dass déi mystesch Prophezeiunge vun engem Zäitalter vu Friden a Gerechtegkeet ausgefouert kënne ginn.

De wesentleche Message vu Bahá'u'lláh ass en Appell un d'Eenheet dee sech un d'ganz Welt riicht: Dass är Visioun d'ganz Welt ëmfaasst. Ee Jorhonnert no sengem Doud, gött dësem Appell nogelauschert, an dat an enger Kommunitéit, déi de Mikrokosmos vun der mënschlecher Rass repräsentéiert an déi iwwerall an der Welt etabliert ass.

D'Existenz vun der Bahá'ikommunitéit ass e Beweis dofir, dass d'Mënschheet, an all hirer Diversitéit, léiere kann, zesammen ze liewen an ze schaffen, als ee Vollek an enger Weltheemecht. D'Bahá'igemeinschaft fuerdert eis och op, eeschthaft d'Offenbarunge vu Bahá'u'lláh, dëser aussergewöhnlecher Gestalt ze fuerschen. Well et ass duerch Bahá'u'lláh, dass d'Bahá'ikommunitéit besteet a weider bestoe wäert.

Wéi Bahá'u'lláh et viru méi wéi honnert Joer virausgesot huet, muss déi Nei Weltuerdnung sech op eng Rei Elementer baséieren, fir dass en dauerhafte Fridden etabliert ka ginn: Et sinn dat: sécher Grenzen déi vun alle Natiounen unerkannt ginn; jidderee soll d'Fräiheet hunn iwwerall kënnen hinzegoen and dat ze denken wat e wëllt; eng allgemeng Ofrüstung; d'Opstellung vun enger Weltfederatioun vun all de Natiounen; d'Opstellung vun engem Weltgericht, dat als Aufgab huet, international Konflikter ze regléieren; d'Schafung vun enger militärescher Kraaft, déi fäeg ass, Fridden ze schafen, and dat duerch d'Uwendung vu Prinzipie vu kollektiver Sécherheet; en Engagement fir d'Protektioun vun der kultureller Diversitéit.

Et sief nach drop higewisen dass d'international Bahá'ícommunautéit scho laang d'Vereenten Natiounen ënnerstëtzt, eng Institutioun déi vu ville Bahá'í als de Virleefer vun der Neier Weltuerdnung ugesi gëtt, eng Weltuerdnung déi vu Bahá'u'lláh verkënnegt gouf.

66 D'Verfolgung vun de Bahá'í am Iran

66t Sendung, den 3ten a 4ten August 2002. D'Bahá'í hale fest un enger bestëmmter Visioun vun der Welt, a stinn zu hiren Iwwerzeugungen. Zënter 1979, huet déi iranesch Regierung systematesch déi 350.000 Membere vun der Bahá'ícommunautéit verfollegt. Si sinn am Iran déi gréisst reliéis Minoritéit. Iwwer 200 Bahá'í sinn higeriicht ginn, oder goufen ëmbruecht. E puer honnert aner goufen agespaart. Zechdausend hu neméi dierfe schaffen a krute keng Pensioun méi. Si hu neméi dierfen an d'Schoule goen. All national administratif Bahá'í Strukture goufe vun der Regierung verbueden. Hier helleg Plazen, Griewer a Kiefeschter goufe konfiskéiert, geschännt oder zerstéiert.

D'Bahá'í aus dem Iran goufen net nëmmen duerch reliésen Haass ënnerdréckt. Déi islamesch Fundamentalisten am Iran an annerwärts betruechten d'Bahá'í scho laang als eng Gefor fir den Islam a ginn als Ketzer betruecht. Déi progressistesche Stellungnahme vun dësem Glawen an de Beräicher vun de Rechter vun der Frau, vun der onofhängeger Sich no der Wourecht a vun der Erzéiung hunn de muslemesche Clergé ganz besonnesch verbattert.

Sou hunn zum Beispill am Juni 1983 d'iranesch Autoritéiten zéng jonk Fraen a Meedercher festgehol an dat ënnert dem Prétexte dass si jonke Kanner, wat an de westleche Länner, de Bahá'í Katechismus genannt ka ginn, ënnerichte géifen.

Dës Fraen goufe kierperlech a moralesch gefoltert fir dass si hire Glawen ofsoe sollten, eng Méiglechkeet, déi de Bahá'í Prisonéier ëmmer ugebuede gëtt. Wéi déi meeschte Bahá'í déi am Iran festgehol goufen, hu sich sech deem widersat a si goufen higeriicht.

Protester koumen aus der ganzer Welt an hu sech géint déi Verfollegungen ausgesprach. Dausende vun Zeitungen hunn Artikelen iwwer d'Situatioun vun de Bahá'í am Iran verëffentlecht. Bedeitend international Organisatiounen, notamment d'Europäescht Parlament an den amerikanesche Kongress hu Resolutiounen gestëmmt fir den Iran ze condamnieren oder fir hir Onrou auszedecken wat d'Bahá'í am Iran ubelaangt. D'Kommissioun vun de Mënscherechter vun de Vereenten Natiounen an d'Generalversammlung, stëmmen all Joer Resolutiounen, déi sech spezifesch der Situatioun vun de Bahá'í zouwenden an hunn Drock op d'iranesch Regierung ausgeübt fir dass si déi international Verträge, wat d'Mënscherechter ubelaangt, respektéieren.

Dorops hinn huet déi iranesch Regierung ugefaang, manner Bahá'í hinzeriichten, a manner Bahá'í a Prisongen festzehalen, dat am Ufank vun de 90er Joeren. Obschonn op mannst ee Bahá'í, e 50 Joer ale Geschäftsmann 1992 higeriicht gouf an dass och zënterhir eng Rei Doudesurteeler géint Bahá'í gesprach goufen. Doriwwer hinaus, hunn d'Bahá'í am Iran nach ëmmer kee Recht hir Relioun fräi ze praktizéieren. Déi international Kommunautéit setzt sech weider fir hir Gläichberechtigung an.

D'Statistike weisen dass d'Zuel vun de Bahá'í déi am Iran all Joers ëmbruecht ginn, beträchtlech erofgaang ass, an dat nodeems d'Generalversammlung vun de Vereenten Natiounen 1985 ugefaangen hat, sech mat deem Thema an enger Rei vu Resolutiounen damat ze beschäftegen.

67 De Bahá'í Glawen an hire groussen Zich an unhand vun e puer Zuelen

67t Sendung, den 10ten an 11ten August 2002. Haut offréieren ech iech e puer Zuelen iwwer de Bahá'í Glawen an hir Haaptiddien. De Bahá'í Glawen ass eng vun de Reliounen, déi sech am schnellste verbreeden. D'Bahá'í hunn haut Gemeinschaften an 235 onofhängege Länner an ofhängegen Territorie weltwäit. Déi eenzeg onofhängeg Relioun déi geographesch méi vebreest ass, ass d'Chrëschtentum an 254 Länner. Dës Informatioun fënnt een am Supplement vun 1992 aus der Encyclopédie Britannica. Dës Informatioun kumt fir d'éischt vun der Chrëschtlechter Welt Encyclopédie, déi déi éischt vollstänneg Etude vu 500 Spezialisten, Demographen a Statistiker iwwer Weltreligiounen zesummefasst. Déi geographesch Verdeelung vun de Reliounen 1992 war also d'Chrëschtentum mat 254 Länner, de Bahá'í Glawen mat 205, den Islam mat 172, d'Judentum mat 125, den Hinduismus mat 88 an de Buddhismus mat 86 Länner. Dass de Bahá'í Glawen sech sou schnell verbreest huet ass schonn erstaunlech, wann

ee bedenkt, dass et de Bahá'í Glawen just iwwer 150 Joer gëtt an dass de Begrënner, Bahá'u'lláh, bis 1892 gelieft huet. Déi 6 Milliounen Bahá'í sinn zesummegesat aus allen Nationalitéiten a soziale Klassen. Si kommen aus ganz ënnerschiddleche reliéisen an ethneschen Urspréng.

Begrënner vum Bahá'í Glawen ass Bahá'u'lláh, e Perser, dee vun 1817 bis 1892 gelieft huet. 40 Joer huet hien entweder am Prisong oder am Exil verbruecht. Fir d'Bahá'í ass hien dee leschte Gottesoffenbarer an enger Rei vum Abraham bis zu Mohammed, iwwer Krishna, Moses, Buddha, Zoroaster a Jesus Christus.

D'Eenheet vun der Mënschheet ass d'Zentraalthema vu sengem Message. Aus der Eenheet vu Gott ergëtt sech d'Eenheet vun de Reliounen op der Welt, den éiwege Glawen u Gott. Der Mënschheet gëtt eng Zukunft vu Fridde versprochen, wou d'Diversitéit, kultivéiert a valoriséiert, zur Harmonie an Eenheet bäidréit, a net zu Konflikt a Krich féiert.

D'Bahá'í beméie sech eng Gesellschaft mat enger Rei vu Prinzipien ze schafen: d'Eenheet vun der Mënschheet, d'Gläichheet vun de Rechter vu Mann a Frau, d'Ofschafung vu Rassentrennung, d'Opstellung vun ekonomescher Gerechtegkeet, d'Schafung vun enger Erzéiung fir jiddereen, den Zesammenhang tëschent der Wëssenschaft an der Relioun, d'Adoptioun vun enger Welthëllefssprooch an d'Schafung vun enger Konfederatioun vun Natiounen déi et fäerdeg bréngen, de Fridden oprecht ze erhalen an deem si de Prinzip vun der kollektiver Sécherheet adoptéieren.

Während deene leschte Joeren hu verschidde Bahá'ícommunautéite weltwäit iwwer 1500 Projeten lancéiert, déi mat Erzéiung, Ëmwelt, a sozialer an ekonomescher Entwécklung ze dinn hunn, an dat vun einfache Schoulen um Niveau vun Dierfer bis zu Studienzentre fir d'Ëmwelt.

Ouni Priesteramt oder Geeschtlechkeet, geréiert d'Bahá'ícommunautéit hir Affären dank engem weltwäiten Administratiounssystem. Dëst System repräsentéiert e Réseau vu lokalen a nationale Strukturen, déi demokratesch a méi wéi 13000 Uertschaften an 235 Länner gewielt ginn. An zum Schluss nach e puer Zuelen, déi sech op Statistike vum leschte Joer bezéien: 13232 ass d'Zuel vun de lokale Réit, weltwäit. 131933 ass d'Zuel vun de Lokalitéiten an der Welt wou Bahá'í wunnen. 2112 ass d'Zuel vun de Stämm, Rassen an ethnesche Gruppen, wou d'Memberen an der weltwäiter Bahá'ícommunautéit vertruede sinn. 802 ass d'Zuel vun de Sproochen an deenen d'Schrëfte vu Bahá'u'lláh iwwersat sinn. 31 ass d'Zuel vun de Verlagshäuser, weltwäit. 7 ass d'Zuel vun de Bahá'í Radiostatiounen. 1500 ass d'Zuel vu Projeten déi sech fir sozial Gerechtegkeet asetzen, sou zum Beispill ekonomesch a sozial Entwécklung, Erzéiungsprogrammer an Ëmweltschutz.

68 Léift

68t Sendung, de 17ten an 18ten August 2002. Léift ass e Wuert wat een oft an de Bahá'í Schrëften erëmfënnt. Net nëmmen an de Bahá'í Schrëften. Léift ass eng vun den Dugenden, déi sou noutwendeg an der Erzéiung ass. Dofir hunn ech mer fir dës Sendung e Buch matbäigeholl an deem et ëm praktesch Kannererzéiung geet. Et baséiert op deenen Dugenden, déi ee bei sech férdere soll. Anzwar fir all Woch eng Dugend.

Léift ass sech ëm ee suergen, no bei engem wëllen ze sinn, a wëlle matginn. Léift ass d'Kraaft vun der Unzéiung. Et ass en extrat Gefill wat eist Häerz féllt. Leit gären hunn heescht si mat extra Suerg behandlen well si souvill fir eis bedeiten. Et kann ee Léift an engem Laache weisen, d'Manier wéi ee schwätzt, wéi een eppes mécht a wat ee mécht, oder einfach een an den Arm huelen.

Léift heescht och sech an en aneren erafillen a sech Suerge maache wat si fillen. Léift heescht deen aneren akzeptéieren wéi en ass. Et kann ee léif mat frieme Leit sinn, an deem een einfach ëm si besuergt ass an hinne léif Gedanke schéckt.

Léift heescht mat anere Leit esou ëmgoen, wéi ee gär selwer hätt, dass si mat eis ëmginn, mat Suerg a Respekt.

All Dugend gëtt kuerz duerch en Zitat an e klengen Text virgestallt. Hei e puer Stéchprouwen aus dem Buch: Wat ass Léift? Dat hu mer elo just gesinn. Firwat aner Leit gär hunn? Ouni Léift géife mer eis aleng fillen. Léift ass ustiechent. Wann ech Gott gären hunn, kann ech och seng Léift fir mech spieren.

Wéi kann ech aner Leit gär hunn? Wourunner gesinn ech dass ech an der Dugend Fortschrëtt maachen a wéi géif Léift ausgesinn wann, a da kommen eng Rei Situatiounen aus dem Alldag, wéi zum Beispill wéi géif Léift ausgesinn wann s de wëlls eppes fir d'Papp maachen well e krank ass oder du hues ee gär an du wëlls him et weisen.

The Family Virtues Guide, op eng einfach Aart a Weis dat Bescht aus eise Kanner bréngen, vum Linda Kavelin Popov. Méi Info iwwer d'Buch entweder bei eis oder um Internet ënnert www.penguin.com.

Fir ofzeschléissen e kuerzen Text op franséisch aus de Bahá'í Schrëften zum Thema Léift: « *Sois assuré que l'amour est le secret de la sainte loi de Dieu, la manifestation du Miséricordieux, la fontaine d'où s'écoule l'eau spirituelle. L'amour est la douce lumière céleste, le souffle éternel de l'Esprit saint qui vivifie l'âme humaine. L'amour est la*

cause de la révélation de Dieu aux hommes et, selon la création divine, le lien vital inhérent à la réalité des choses. L'amour est la voie unique qui assure une félicité véritable dans ce monde et dans l'autre. L'amour est la lumière qui guide dans l'obscurité, le trait d'union vivant qui unit l'homme à Dieu et qui assure le progrès de toute âme éclairée. L'amour est la loi la plus grande qui gouverne ce cycle puissant et divin, le pouvoir unique qui lie ensemble les divers éléments de ce monde matériel, la force magnétique suprême qui règle les mouvements des sphères de l'espace céleste. Par sa puissance infaillible et illimitée, l'amour révèle les mystères latents dans l'univers. L'amour est l'esprit de vie qui orne le corps de l'humanité, le fondateur de la vraie civilisation dans ce monde mortel et le flot de gloire impérissable qui se répand sur toute race et nation animées de sentiments élevés».¹

69 Existéiert den Däiweel, gött et Geeschter a Spiritismus?

69t Sendung, de 24ten a 25ten August 2002. D'Bahá'í Schrëfte léieren eis, dass et dat Béist als eegestänneg Kraaft net gött, grad esou wéi d'Keelt an d'Däischtert keng eegen Energië sinn, mee den Ausdrock vum Feele vu Wäermt a Liicht. Vu dass nëmme déi positiv, entwéckelt Eegenschaften a Fäegkete wierklech existéieren, kënne mer aus dësem Liewen och nëmme si mathuelen, an duerfir ginn et an deene geeschtege Welte keng béis Energien oder béis Geeschter.

Dat wat aner Reliounen dat Béist, den Däiweel oder Satan nennen, si fir d'Bahá'í Symboler fir den Ego, deen eis Opmierksamkeit un dat Materiellt fesselt; wat aner Reliounen den Himmel an d'Häll nennen, si Symboler fir d'Nosin an d'Wäitewechsi par rapport zum Gëttlechen. Hei elo e puer Texter zum Thema aus de Bahá'í Schrëften:

„Bedenkt wat de Mënsch vun den aneren erschafene Wiesen ënnerscheet an hien zu engem besonnesche Geschöpf mécht. Ass et net seng Urteelsfäegkeet, seng Intelligenz. Soll hie net dës Fäegkeeten a senger reliéiser Forschung benotzen? Ech soen iech: Weit alles, wat iech als Relioun ugebuede gött, mat der Wo vun der Vernonft an der Wëssenschaft. Wann et d'Prouf besteet, da kënnt der et unhuelen, well dann ass et d'Wourecht. ... Am anere Fall ass et Onwëssenheet.“²

A weider fanne mer: *„Wat d'Fro vu béise Geeschter, Dämonen a Monstren ugeet, sou huet alles wat sech an den hellege Bicher dorop bezitt eng symbolesch Bedeitung. Wat een haut am Volleksmond doriwwer zielt ass rengen Awerqlawen.“*

A weider fanne mer: *„De béise Geescht, Satan oder wat och ëmmer al béis interpretéiert gött, bezitt sech op déi niddreg Natur vum Mënsch. Dës niddreg Natur gött op ënnerschiddlech Manéier symboliséiert. Am Mënsch ginn et zwou Ausprägungen; déi eng ass den Ausdrock vun der Natur, déi aner den Ausdrock vun der geeschteger Welt. D'Welt vun der Natur ass feelerhaft. Kuck der se gutt un a verwerf all Form vun Awerqlawen an Abildung ... Gott huet ni e béise Geescht erschaf; all sou Iddien a Bezechnunge si Symboler, déi just déi mënschlech oder ierdesch Natur vum Mënsch ausdrécken. Eng wesentlech Bedingung vun Äerdbuedem ass déi, dass si Dären, Onkraut a Beem ouni Friichten ervirbrénge kann. Relativ gesinn ass dat dat Béist; et handelt sech einfach ëm dee niddregen Zoustand an dat gerengwäertegt Erzeugnis vun der Natur.“*

Zum Schluss elo dësen däitschen Text aus de Bahá'í Schrëften: *„Der Mensch steht auf der höchsten Stufe der Materie und am Anfang der Geistigkeit, das heißt, er ist der Abschluß der Unvollkommenheit und der Anbruch der Vollkommenheit. Er steht im letzten Grad der Dunkelheit und am Anfang des Lichts. Darum wurde gesagt, daß die Stufe des Menschen das Ende der Nacht und der Beginn des Tages sei, was bedeutet, daß er der Inbegriff aller Grade der Unvollkommenheit ist und daß er die Grade der Vollkommenheit besitzt. Er hat die tierische Seite so gut wie die engelgleiche Seite; und das Ziel eines Erziehers ist, die menschlichen Seelen so zu bilden, daß ihre engelhafte Seite ihre tierische überwinden kann. Wenn dann die göttliche Kraft im Menschen, die seine wesentliche Vollkommenheit ist, die satanische Kraft, die absolute Unvollkommenheit ist, überwindet, wird er zum vortrefflichsten aller Geschöpfe; siegt aber die satanische Kraft über die göttliche, so sinkt der Mensch zum niedrigsten der Geschöpfe herab. Darum ist er der Abschluß der Unvollkommenheit und der Anbruch der Vollkommenheit. Bei keiner anderen Gattung in der Welt des Daseins besteht so ein Unterschied und Widerspruch, solche Gegensätzlichkeit und Verschiedenheit wie bei der Gattung des Menschen.“*

70 D'Bahá'í Bestietnis

70t Sendung. Fir d'Bahá'í ass d'Famill d'Fundament vun der Gesellschaft. Sou laang des extrem wichteg Zell net gesond an eeneg ass, sou laang kann eis Gesellschaft och net gesond a vereent sinn. D'Bestietniss mat engem Partner vum anere Geschlecht stellt d'Basis vum Familljeliewen duer. Bahá'u'lláh huet geschriwwen: *„le mariage*

¹ Abdu'l-Bahá, cité dans "L'Art divin de vivre", p. 187-188

² S.39, Bahá'í Wat se gleewen

est une forteresse de bien-être et de salut. “ Hie sot och dass déi bestuete Koppel sech sollt Méi ginn „*de devenir des compagnons affectueux l'un vers l'autre, fir elo a fir d'Eiwegkeet.* “ ...

D'Bahá'í denken dass d'Virbereedung op d'Bestietnes wesentlech ass fir e gléckleche Stot ze garantéieren. Zu dëser Virbereedung gehéiert och dass d'Elteren hir Zoustëmmung zu der Wiel vum Partner ginn. Wann déi zwee déi sech wëlle bestueden hire Choix gemaach hunn, ass et d'Aufgab vun den Elteren hire Kanner an enger vun de wichtigsten Décisiounen an hirem Liewen ze hëllefen.

Dës Viraussetzung schénkt de Bahá'í onbedéngt noutwendeg fir d'Eenheet am Bestietnes an an der Famill ze halen. Bahá'u'lláh verlaangt vu sengen Unhänger, seng Elteren ze éieren. D'Averständnis vun den Eltere kréien, bestätegt d'Wichtigkeet vun dësem Lien deen eng Generatioun mat där anerer verbënnt. Sollten déi éischt puer Joer vum Bestietnes schwéier sinn, ass dëse Lien eng gutt Stütz.

Wann d'Elteren hiert Averständnes ginn hunn, kann d'Hochzäit gefeiert ginn an dat mat enger Zeremonie déi ganz einfach ka sinn. Virun zwee Zeien, déi vum lokale Bahá'í Rot ernannt ginn, seet d'Koppel folgende Vers: « *En vérité nous dépendons de la volonté de Dieu.* » Dëst einfacht Engagement, anzwär nom Wëlle Gottes ze liewen, bedeit och, all déi aner Aufgaben ze akzeptéieren, déi d'Bestietnes mat sech bréngt: d'Vesprieche, sech gär ze hunn, een deen aneren an Eier halen, sech een ëm deen aneren ze bekëmmern, onofhängeg vu gesondheedleche Problemer oder materiellem Räichtum, am Matginn an an der Zouneigung.

Doriwer hinaus kann d'Koppel an hir Famill d'Hochzäit sou organiséieren wéi si wëllen. Ganz no hirem perséinleche Goût, demno wat se sech kënne leeschten, no de kulturellen Traditiounen kann d'Hochzäit einfach oder grandiéis sinn, an dat op all Niveau: d'Musek, Danzen, d'Gezei, d'Essen an d'Festivitéiten.

Wéi an deene meeschte Reliounen, gëtt dat, wat Mann a Fra am Bestietnes verbënnt, als helleg ugesinn an d'Koppel verspricht sech absolutt trei ze sinn.

D'Gläichheet tëscht Mann a Fra gëtt am Bahá'í Bestietnes an d'Praxis ëmgesat. Problemer déi am Stot optauchen, ginn duerch Berodung am Stot geléist. D'Fraen hunn d'Fräiheet der Carrière nozegen, déi si interesséiert; de Mann soll sech genee sou un der Hausaarbecht an der Erzéiung vun de Kanner bedeelege wéi d'Fra.

Et ass ganz verständlech dass Bestietnesser tëscht Leit aus verschidde Kulturen encouragéiert ginn. Si ënnersträichen nämlech d'wesentlech Eenheet vun der Mënschheet.

Wann e Bahá'í Bestietnes neméi fonktionéiert, ass d'Scheidung erlaabt, awer natierlech gëtt dovun ofgeroden. Wann eng Bahá'í Koppel d'Scheidung ufreet, müssen si während engem Joer getrennt liewen an eng Reconciliation versichen. Wann, zum Schluss vum Joer, d'Scheidung nach ëmmer gefrot ass, gëtt se akkordéiert, an dat sou wéi et am Code Civil virgeschriwwen steet. Dëst Joer vun der Gedold, - *année de la patience* – wéi et heescht steet ënnert der Verantwortung vum lokale Bahá'í Rot.

D'Haaptroll vum Bestietnes bei de Bahá'í, ausser dem physeschen, intellektuellen a spirituelle Verständnis, ass d'Procréation. D'Erzéiung vun de Kanner ass fir e Bahá'í net nëmmen eng immens Quell vu Freed mee och eng ganz speziell an éierbar Aufgab.

71 D'Weltkonferenz géint Rassismus

71t Sendung, den 31ten August an 1te September 2002. Sécher hutt der vun de Schwierigkeeten ronderëm d'Weltkonferenz géint Rassismus héieren. D'Regierung vum der Welt ploe sech mat enger fundamentaler Herausforderung mat där d'Mënschheet haut betrëff ass. Leider hunn d'Medien decidéiert, sech éischer op d'Schwierigkeeten ze konzentréieren, wéi zum Beispill d'Décisioun vu Vetrieder vun zwou Regierungen, sech neméi un der Konferenz ze bedeelegen. D'Medien sinn net esou interesséiert, vun de Fortschrëtt, déi gemeet ginn, ze erzielen, wann se och nach sou kleng sinn.

Als eng international Netregierungsorganisatioun huet d'international Bahá'ícommunautéit sech scho mat de Virbereedungen fir dës Konferenz bekëmmert. Si ass och selwer op der Konferenz vertrauen. Leit vu verschidde Rassen an ethnesh Gruppen ze vereenegen ass eng Aarbecht fir déi d'Bahá'í Gemeng scho laang bekannt ass. De Schwéierpunkt vun hirer Aarbecht louch nach ëmmer doran, méi eng grouss Eenheet opzebauen anstatt Konfrontatioun ze sichen. D'Existenz selwer vun der Bahá'ícommunautéit – vereent an hirer Verschiddenheet uechter d'Welt – ass e Beweis fir d'Wourecht an d'Effikazitéit vun de Léiere vu Bahá'u'lláh iwwer d'Eenheet vun der Mënschheet.

E Beitrag vun der internationaler Bahá'ícommunautéit op der Weltkonferenz géint Rassismus war hire Rapport, deen si der Konferenz präsentéiert hunn. Ech zitéieren aus dem Rapport: „*Déi falsch Idee dass d'Mënschheet iergendwéi aus verschidden an eege Rassen, Vëlker oder Kasten zesummegeallt ass – an dass dës Ënnergruppen a sech selwer verschidden intellektuell, moralesch an oder physesch Kapazitéite besëtzen, déi dann doduerch*

verschidde Manéiere vu Behandlung gerechtfärtegen – ass d'Wuerzel vun all de Forme vun Diskriminatioun an Intoleranz.“

„A Wierklechkeet gëtt et nëmme eng mënschlech Rass. Mir sinn ee Vollek, bewunnen de Planéit Äerd, eng mënschlesch Famill, zesummegebonnen an engem gemeinsame Schicksal, eng eenzeg Eenheet, hirgestallt vun enger an der selwechter Substanz, mat der Opfuerderung, eng eenzeg Sêil ze sinn.“

„Des Realitéit unerkennen ass d'Antidot zum Rassismus, der Xenophobie an der Intoleranz an all hire Formen. Et sollt, deementspreechend, als eng Richtlinn gëllen, an dat fir all Diskussiounen, Deliberatiounen an dat wat bei der Weltkonferenz géint Rassismus erauskomme soll.“

„Des Tatsaach vun eiser Existenz richteg ze verstoen, gëtt eis d'Fäegkeet, d'Mënschheet net nëmme vum Rassismus, sowéi rassesch an ethnesh Virurteeler an der Xenophobie ewechzeféieren, mee doriwwer eraus ewech vun Notiounen vun Toleranz oder Konzepter vun engem Multikulturalismus. Wann dës Konzepter och wichteg Schrëtt vun engem laang erwaarten Zil vun der Mënschheet sinn, eng friddlech, gerecht a vereente Welt ze bauen, gi se awer dach net duer fir d'Krankheete wéi de Rassismus a seng Begleeder, déi jo awer déif Wuerzelen hunn, ze heelen.“

„D'Realitéit vun der mënschlescher Eenheet gëtt vun der Wëssenschaft voll ënnerstëtzt. D'Anthropologie, d'Physiologie, d'Psychologie, d'Soziologie a viru kuerzem d'genetesch Fuerschung, an hirer Entzifferung vun de mënschlesche Genen, weisen all, dass et nëmme eng mënschlesch Spezie gëtt, wann och onendlech ënnerschiddlech an den zweetranegen Aspekter vum Liewen. Déi grouss Weltreligioun verrieden dëse Prinzip, och wann hir Unhänger, mat Zäiten, u falsch Notiounen vu Superioritéit festgehalen hunn. D'Begrënner vun all de groussen Religiounen vun der Welt hu versprach dass enges Dags Friden a Gerechtegkeet op der Welt géif bestoen an d'ganz Mënschheet vereent wier.“

Am Rapport vun der internationaler Bahá'ícommunautéit fënnt ee konkret Virschléi dass bei der Konferenz positiv Saache vun der Konferenz erauskomme sollen.

72 Den 11te September, d'Welt am Schock

72t Sendung, de 14ten a 15te September 2002. Wat de leschten Dönschdeg geschitt ass, huet mech wierklech wakreg gerëselt. Mat Momenter koume mer d'Tréinen, wéi ech d'Solidaritéit ronderëm mech gespuert hunn. 24 Stonnen no deem trageschen Dag huet den amerikanische Kongress um Kapitol Gebieder gesot. Net nëmme a ganz Amerika, mee iwwerall uechter d'Welt gouf gebiet. Ass net grad an esou enger schrecklecher Situatioun Glawe gefrot? Musse virun allem déi Betraff net just elo staark sinn an hir Gefiller vun extremer Trauer, Schock, Roserei an dem Gefill fir rächen ze wëllen, musse si net elo versichen dës Gefiller ënner Kontroll ze kréien? Ëmmer erëm héiert een dee staarke Wunsch no Bestrofung a Gerechtegkeet fir déi Responsabel. 'Abdu'l-Bahá sot: Gerad dann, wa mer mat Ongerechtegkeet konfrontéiert sinn, musse mer op déi Responsabel sou kucken, dass mer hir Sënne verdecken, awer mat Gerechtegkeet handeln; wa mir dat och vläicht net fäerdeg bréngen, sou kënne mer sécher sinn dass Gott gerecht ass. Zugläich ass Hien och barmhärzeg, genee sou wéi Belounung a Bestrofung d'Pilieë sinn, op deenen eis Gesellschaft stinn, sinn et an der nächster Welt Barmhärzegkeet a Gerechtegkeet. Wa mer Gott net nolauschten a mir géint dat schaffen, wat Hien eis uréit, wäert Hien dat wat mer man am Liicht vun der Gerechtegkeet kucken an eis dovir bestrofen. An dat a Form vu geeschteger Deprivatioun an Degradatioun. Dowéinst fanne mir an de Bahá'í Gebieder Passagen, wou mer Gott bidden, net op eis mat Gerechtegkeet ze kucken, mee mat onendlecher Baarmhärzegkeet.

Wéi hunn d'Bahá'ícommunautéiten op dat reagiert wat den 11te September passéiert ass? All National Réit hunn hire Schock an Onglaven mat der amerikanischer Bevëlkerung a mat de Bahá'í vu New York matgedeelt. New York, eng Stad déi de Jong vum Begrënner vun der Bahá'í Relioun, d'Stad vum Bündniss genannt huet. Enger Stad wou sech virun néng Joer, iwwer 30000 Bahá'í aus der ganzer Welt zesummefonnt hunn, fir d'honnertjäreg Hischeede vun Hirem Begrënner Bahá'u'lláh, ze commemoréieren an zugläich der Welt ze weisen, dass d'Eenheet an der Villfalt Realitéit ka sinn.

Bahá'í an der ganzer Welt bidden speziell an dësen Deeg dass d'Mënschheet Fridde fënnt, an dëser Zäit vu Leiden, Ongléck a Peng an dass si a Bahá'u'lláh dee gesi kënne, deen hinnen hëllef kann. Wann dir wëllt e puer Bahá'í Gebieder kenneléieren an iech fir d'Léisungsvirschléi vun de Weltproblemer interesséiert, da rufft eis un; daagsiwwer um 44 22 20 oder kuckt am Telefonsbuch ënnert Bahá'í.

73 D'Welt nom 11te September 2002

73t Sendung, den 21ten an 22te September 2002. D'Bahá'í Reaktiounen no deenen tragesche Momenter d'lescht Woch. „Déi tragesch a schockéierend Evenementer vun der leschter Woch an Amerika weie schwéier an eisen

Häerzer. Sécher maache mir eis all Gedanken a Suergen iwwer den zukünftege Fridden an d'Wuelerginn vun der Mënschheet.“

Mat dëse Wieder huet den Nationale Bahá'í Rot vu Groussbritannien sech un d'Bahá'í an hirem Land an doriwwer hinaus geriicht. Un déi amerikanesch Bahá'í communautéit schreift den Nationale Rot ënner anerem dat hei:

„Eis Häerzer si geschockt a voller Trauer wa mer un d'Gewaltaktiounen vun Terroristen géint onschëlleg Opfer zu New York, Pennsylvania a Washington denken. Mat vollem Wëlle biede mer fir déi, déi gestuerwe sinn a froen den Herrgott sech ëm d'Häerzer vun Deenen ze bekëmmere, déi Membere vun hirer Famill verluer hunn a fir eis Natioun an hiert d'Vollek ze stäerken fir des Herausforderung mat Glawen, Courage an Eenheet unzehuelen.“

Vill vun eis froen sech sécher, wéi mir op dat wat passéiert ass, elo reagéiere kënnen. An dat an dëser kritischer Zäit an der Geschicht. Als Bahá'í hu mer eng grouss Chance an deem mer eng Rei vu Gebieder fir Amerika an New York hunn. Uganks vum leschte Joerhonnert war 'Abdu'l-Bahá, de Jong vum Begrënner vun der Bahá'í Relioun nämlech während enger gudder Rei Méint an Amerika an och zu New York. Hien huet do a Privathäuser, Kirchen, Synagogen an aner grouss Kongresszentren d'Léiere vu sengem Papp mat Iwwerzeegung a vill Léift verbreet. Sou fënnt een op der Internetsäit vun de Bahá'í vun New York zwee vun deene Gebieder.

Wat och ëmmer an den nächsten Deeg, Wochen a Méint passéiere wäert, kënnen mir voll Vertraue soen, dass dëst dee grouss Plang vu Gott ass fir d'Welt ze vereenegen. Als Bahá'í kann een a Versuchung kommen doriwwer ze spekuléieren wat dat genee heesche soll. Et ass och liicht sech an Diskussiounen anzeloossen, wat d'Regierung vum der Welt dann elo maache sollten. Eis Aufgab ass et awer, eise Matmënschen ze hëllefen, hire Verstand an hir Häerzer opzeman fir déi eenzeg Kraaft déi Fridden op der Welt brénge kann.

Méi wéi jee, schreift den amerikanesche Bahá'í Rot, gëtt elo d'Visioun vum heelende Message vu Bahá'u'lláh gebraucht an de Bahá'í Gedanke vun universaler Léift an Hëllef. Weider soen d'Bahá'í Schrëften eis: „*Looss hie jidderengem hëllefen a vun Notze sinn, deen him iwwer de Wee leeft. Looss hien de Charakter vu jidderengem verbessern. ... Well d'Léift ass eng Luucht déi liicht, egal wou se ass, an Haass ass d'Däischtert, egal wou se ass.*“ „*Ech fuerderen iech op,*“ schreift 'Abdu'l-Bahá, „*konzentriert all d'Gedanke vun ärem Häerz op d'Léift an op d'Eenheet. Wann iech e Gedanke vu Krich kënnt, ersetzt en duerch méi e staarke Gedanke vu Fridden. E Gedanke vun Haass muss duerch méi e staarke Gedanke vu Léift zerstéiert ginn. Gedanke vu Krich bréngen Zerstörung vun aller Harmonie, Rou an Zefriddenheet. Gedanke vu Léift fëieren zu Bridderlechkeet, Fridden, Frëndschaft a Gléck.*“

74 Dat 20t Jorhonnert

74t Sendung, den 28ten a 29te September 2002.

D'20t Joerhonnert kann een an engem Saz definéieren: eng laang an eenzeg Recherche wéi d'Welt organiséiert soll sinn. Hannert deenen onzielbare Konflikter steet eng Fro, op déi vill Institutiounen, Organisatiounen a Mouvementer bis haut nach keng kloer Äntwert fonnt hunn: Wéi soll d'Mënschheet sech organiséieren? Am Ufank vum leschte Joerhonnert ass d'absolutt Monarchie a Fro gestallt ginn; den éischte Weltkrich huet hir lescht Institutiounen niddengerass. Den zweete Weltkrich huet d'Fro vum Faschismus gekläert an huet dem Kolonialismus de Coup de grâce ginn. An haut gëtt déi ambitéist vun allen Experienzen, de Kommunismus, genauso diskreditéiert. Dat eenzegt wat bleift ass d'Demokratie. Méi wéi eng Demokratie? Obscho si wäit besser ass wéi all anere System dee mer bis haut kennen, huet d'Demokratie, sou wéi mir se haut praktizéieren, hir eege Schwierigkeeten. Trotz hirem Succès schéngt et wéi wann am Westen, d'Multiparteiesystem hir Grenzen erreecht hätt. Korruptioun, Beschass, negativ Walkampagnen, gefälschte Wale an Indifferenz hunn a ville Länner sou en Desinteressi bei de Wieler erbäigeruff, dass déi ganz Integritéit vum System bedreet ass. Am Oste sinn déi éischt Zeeche vun der Demokratie vun enger Onmass vu Problemer bedroht an d'Demokratie gëtt ënner Drock gesat. Dozou gehéieren e Mangel un Erfahrung, ural ethnesh Spannunge a kulturell Bestriewungen déi sech géinteniwwer stinn.

Ëmmer méi Leit froen sech wéi eng Form vu Regierung haut da nach fiabel ass. Um Rand vun dëser Diskussioun gëtt et zur Zäit eng aussergewöhnlech Alternativ, déi vun der weltwäiter Bahá'ícommunautéit entwéckelt gëtt. D'administratiivt System wat hir hëllef hir Affären ze geréieren gouf vum Begrënner selwer a senger Schrëften entworfen. Domat kréien déi sozial Prinzipien déi hie geléiert huet och e Kierper. De Fait dass et e gëttleche Modell fir eng permanent Administratioun vum Bahá'í Glawe gëtt ass genee sou wesentlech zu der Definitioun vum Glawen an dem Praktizéieren wéi déi geeschtlech a sozial Doktrin (Léieren) vu Bahá'u'lláh.

Sou schreift Bahá'u'lláh zum Beispill dass e Bahá'í, an egal wéi engem Land en och wunnt, sech der jeeweileger Regierung géintiwier loyal, éierlech an trei behuele soll.

Wéi elo Décisiounen am Bahá'í Glawe getraff ginn, sief et op lokalem, nationalem an internationalem Plang, wéi eng Stellung d'Expressioun vum Eenzelnen anhëlt, gesi mer an eiser nächster Emissioun. Fir ofzeschléissen, nach dëse Gedanken: Gebiet ass sënnlos ouni Meditatioun a Meditatioun ass sënnlos ouni Aktioun.

75 E Modell wéi d'Mënschheet zesumme liewe kann

75t Sendung, de 5ten a 6ten Oktober 2002. Am Bahá'í Glawen fanne mer e Modell an e Beispill wéi d'Mënschheet zesumme liewe kann. Entworf gouf dëst Modell am Mëtt vum 19te Jorhonnert vum hirem Begrënner, Bahá'u'lláh. Haut gëtt dëst Modell vu 6 Milliounen Leit weltwäit an d'Realitéit ëmgesat, also eng Persoun vum dausend op der Welt bekennt sech als Bahá'í a versicht duerch seng Aktiounen, säi Liewe a seng Partizipatioun, e Beispill ze sinn.

Eng konkret Äntwert also op déi Fro, déi souvill gestallt gëtt, an dat gerat elo: Wéi soll d'Mënschheet sech organiséieren? Fir unzefänken fanne mer an de Bahá'í Schrëften, dass e Bahá'í, an egal wéi engem Land een och wunnt, sech der jeeweileger Regierung géintwäertig loyal, éierlech an trei behuele soll. D'Decisiounen an den Affäre vum der Gemeng gi vum administrative Réit getraff, vu fréi gewielte Gremien also an dat op lokalem, nationalem an internationalem Plang. Obwuel dës demokratesch Wale vill Änlechkeete mat anere Walen hunn, déi mer kennen, sou steet d'Bahá'í Administratioun an d'Gestioun an hirem Ganzen dach a staarkem Kontrast zu den aktuelle Modeller. Sou zum Beispill wéi d'Walen ofgehal ginn. Do gëtt et keng Form vu Walpropaganda oder Nominatioun. Jiddereen dee wielt huet dee gréisst méigleche Choix vu Kandidaten. D'Aart a Weis wéi d'Bahá'í Gremien hir Eentscheedungen huelen ass genee sou original. An dëser Approche feelt de Geescht vum der Konfrontatioun a si baséiert sech op der Recherche vum engem gemeinschaftleche Konsensus. E Konsensus, deem d'Interesse vum de Wieler zesummesammelt, am plaz se ee géint deem aneren auszespillen.

D'Studenten, déi dee geschichtlechen an theoreteschen Aspekt vu moderner Politik kenneléieren, wäerten eppes hei besonnesch interessant fannen: An zwar d'Gläichgewicht wat am System gehale gëtt tëschent der Fräiheet vum dem individuellem Ausdrock an der Recherche vum *bien commun*.

Dat wat Bahá'u'lláh eis ze soen huet riicht sech net nëmmen un d'Mënschheet allgemeng an als Kollektivitéit mee och un d'Gewësse fir all Eenzelnen. „*Soyez vigilants aux besoins de votre époque*“, seet Hien „*et concentrez vos délibérations sur ses nécessités et sur ses exigences.*“ De Mënsch krut moralesch, intellektuell a geeschtlech Fäegkeeten déi enorm wichteg sinn, wa mer gär hätten, dass eis Zivilisatioun Fortschrëtt soll man. Also ass et och grad sou wichteg fir d'Gestioun vum der Gesellschaft dës kreativ Méiglechkeete vum eiser Séil fräizeman wéi och e System ze fërderen an deem Decisiounen demokratesch getraff ginn.

76 Wéi d'Bahá'í sech organiséieren?

76t Sendung, den 12ten an 13ten Oktober 2002. An de Bahá'í Schrëfte fanne mer e Kader, eng administrativ Uerdnung mat der d'Bahá'í hir Affäre geréiere kënnen. Dës Uerdnung baséiert op engem eenzegartege System vu Réit, déi fréi gewielt ginn. Si ginn eis nei Ustéiss iwwer d'Limite vum der Demokratie.

Déi administrativ Uerdnung, déi Bahá'u'lláh verkënnegt fuerdert vum de gewielten Institutiounen, dass si d'Entwécklung an d'Ausübe vum enger Rei vu Fäegkeeten ureegen. Dat sinn déi moralesch, déi intellektuell an déi geeschteg Fäegkeeten. Si si wesentlech fir de Fortschrëtt vum eiser Zivilisatioun. A fir das dës Fuerderunge kënnen erfëllt ginn, goufe komplémentar Institutiounen erschaf. Hir Aufgab läit doranner ze beroden, ze encouragéieren an ze ënnerstëtzen, engersäits d'Membere vum der Bahá'ígemeng eenzel an anerersäits als gewielten Organer. Déijéineg, déi dëse fundamentalen Déngscht ausüben, goufen opgrond vum e puer Kriterien ausgewielt: eng grouss Erfahrung, hir Wäisheet, hir Maturitéit, hir Integritéit an aner perséinlech Qualitéiten.

Duerch hir Nominatioun kritt d'Bahá'ígemeng e Grupp vu Leit, déi eng grouss Diversitéit duerstellen. Bei der Ëmsetzung vum de Léiere vu Bahá'u'lláh am alldéegleche Liewe bréngen si sou vill Enthusiasmus mat. Obscho si kee Mandat hu fir Eentscheedungen ze treffen, droen hir Rotschléi wesentlech derzou bäi, d'Liewe vum der Bahá'ígemeng ze gestalten. D'Membere vum dëser ernannten Institutioun leeschte fir eng bestëmmten Zäit dësen Déngscht. Um Enn vum hirem Mandat huelen si nees hir normal Plaz an der Bahá'ícommunautéit an. Si hu keng klerikal Funktioun an et steet hinnen och net zou, d'Bahá'í Léieren ze interpretéieren. Par conter ass et wouer dass hir Meenung respektéiert gëtt, an dat vum deem Eenzelnen wéi vum den administrative Réit.

Wéi ginn dann elo am Bahá'í Glawen d'Decisiounen geholl? Baséierend op engem Ensemble vu Wal- a Berodungsprinzipien, dréint de Bahá'ísystem vum der gemeinschaftlecher Décisioun ronderëm administrativ Réit, déi fréi gewielt ginn. Dës Hierarchie delegéiert d'Huele vum den Eentscheedungen op der méiglechst ënneschter Stuf, wat un sech en eenzegartegt Instrument vum Demokratie op lokalem Niveau duerstellt. Zugläicher Zäit erlabt dës Hierarchie en Niveau vu Koordinatioun an Decisioun ze erreechen, deem eng Kooperatioun op weltwäitem Plang méiglech mécht.

77 De lokale Bahá'í Rot

77t Sendung, den 19ten an 20ten Oktober 2002. D'Rubrik vun de lëtzebuerger Bahá'í. Um Mikro de Jean-Marie Nau. D'administratif Uerdnung am Bahá'í Glawen, gouf vu Bahá'u'lláh, dem Stëfter vum Baha'i Glawen a Seng Schrëften duergeluecht. Hien huet duerch dës Uerdnung eng Form geschaf, an där Seng sozial Léieren Uwendung fannen. D'Treffe vun Entscheedungen, wat elo d'Affaire vun der Gemeng ugeet, läit an den Hänn vun Conseilen, déi um lokalem, nationalem, an internationalem Plang fräi gewielt ginn. Um lokale Plang, ass dat de sougenannten lokale geeschtege Rot. Fir Lëtzebuerg sinn dat déi eenzel Gemengen am Land. E lokale Bahá'í Rot gëtt an all Gemeng gewielt wou op mannst néng erwuesse Bahá'í wunnen. Et ass nëtzlech wa mer eis e bësse méi genee ukucken, wéi de lokale Rot da funktionéiert, aus dem einfache Grond dass de Funktionement änlech ass op nationalem wéi op internationalem Plang.

D'Aktiounsfeld vum lokale Rot ass duerch d'Gemegegrenzen definéiert, déi jo vun der Regierung festgeluecht sinn. An anere Wieder heescht dat, dass all d'Bahá'í déi an enger Gemeng gewonnen zu deem jeeweilege lokale Rot gehéieren. Also all Bahá'í deen zum Beispill um Lampertsbierg, Cents, Belair oder zu Beggen wunnt, gehéiert zum lokale Rot vun de Bahá'í vun der Stad Lëtzebuerg.

De lokale Rot gëtt all Joer a geheimer Wal gewielt. Am Abrëll treffen déi erwuesse Bahá'í iwwer 21 Joer aus hirer jeeweileger Gemeng sech fir ze wielen. Am Fall wou se verhënnert sinn, si se gebieden hir Stëmm schrëftlech eranzeschécken. No enger Zäit fir Gebieder a rouegem Nodenken schreiwen d'Partizipanten d'Nimm vun deene 9 Leit op, déi hirer Meenung no déi beschte Qualitéiten hunn fir d'Affäre vun der Gemeng ze geréieren. An de Bahá'í Schrëfte fënnt een d'Beschreibung vun dese Qualitéiten, dat sinn ënner anerem Wëssen, Erfahrung an Dénkscht un der Gemeng an um Glawen.

Interessant ass hei virun allem, dass et keng Wallëscht gëtt a keng Kandidaten. All Erwuessene vun der Bahá'ígemeng kann an de lokale Rot gewielt ginn; déi néng Leit déi déi meeschte Stëmmen kruten, si gewielt. Vu dass jidderee gewielt ka ginn, huet deen Eenzelne bei der Wal eng absolutt Fräiheet wéi eng néng Leit hie wielt.

De Prinzip vum Bahá'íwalsystem baséiert dorop, Verantwortlecher no vir ze bréngen, déi hir Fäegkeeten an den Dénkscht vun der Gemeng setzen. Zur Zäit geréieren déi lokal Réit eng ganz Rei vun Aktivitéiten déi d'Basis vum Liewen an der Bahá'ígemeng duerstellen: d'Erzéiung vun de Kanner, Dénkschter vu géigesäiteger Hëllef, Diskussiounen, Manifestatiounen, Konferenzen, Bahá'í Feieren a Kommemoratiounen, Hochzäiten, Scheedungen a Begrieffnisser. Eng Rei vu lokale Réit bekëmmere sech och ëm kleng Entwécklungsprojeten am Beräich vun der Erzéiung, der Ekonomie oder der Ëmwelt. D'lokal Réit bekëmmere sech och ëm d'Nonzengdeegfeier, e wichtege Bestanddeel an der Bahá'ícommunautéit. A viereg Emissiounen gouf d'Nonzengdeegfest méi genee beschriwwen. Wann de lokale Rot och d'Decisiounen trëfft, sou ass dach d'Nonzengdeegfest eng wichteg Geleeënheet wou jiddereen, kleng a grouss, encouragéiert gëtt, seng Virschléi deenen aneren an dem lokale Rot matzedeelen.

78 Den nationale Bahá'í Rot

Soubal et an engem Land genuch lokal Bahá'í Réit ginn, kann en nationale Rot forméiert ginn. Goufen et 1954 just 12 national Réit op der Welt, ginn et der haut 174, also praktesch an all Land. D'Wale vun de nationale Réit funktionéiere genee sou wéi déi vun de lokale Réit. Kandidaten a Walkampagne si verbueden. Et gëtt Wäert geluecht op déi moralesch Qualitéiten an déi Fraen a Männer mat deene meeschte Stëmmen gi gewielt. Bei dësen nationale Walen sinn d'Wieler Delegéierter op enger nationaler Konventioun a si kënnen all Bahá'í wielen, dee bei hinnen am Land wunnt. Dës Delegéiert ginn al Joer a geheimer Wal vun den Erwuessene Bahá'í aus engem Waldistrikt gewielt, awer si representéieren d'ganz Land.

Genee sou wéi d'Männer an d'Fraen déi fir hir lokal Réit schaffen a sech ëm d'Affäre vun enger Gemeng këmmere, genee sou ass et d'Aufgab vun den nationale Réit sech ëm d'Orientatioun an d'Koordinatioun vun de Bahá'í Aktivitéiten an hirem Kand ze bekëmmere. Zu dësen Aufgabe gehéieren d'Ausschaffen an d'Administratioun vun Entwécklungsprojeten, d'Erausgi vu Bicher, d'Ënnerhale vun de Relatiounen mat hirer Regierung an d'Koordinatioun an d'Zesummeschaff mat anere reliéise Gruppen a Netregierungsorganisatiounen.

Un der Spëtzt vun der administrativer Bahá'í Struktur fanne mer d'Universaalt Haus vun der Gerechtegkeet. Zesummesat vu néng Memberen, gëtt dësen héchste Gremium all fënnef Joer gewielt, an zwar vun all de Membere vun den Nationale Réit déi d'Affäre vun der Bahá'í Welt geréieren.

D'Aart a Weis wéi dësen héchste Gremium gewielt gëtt ass déi selwecht wéi déi vun de lokalen an de nationale Réit. Keng Kandidatur a keng Walkampagnen. Déi 9 Leit déi die meeschte Stëmmen kréien, si gewielt. Wéi bei de lokalen an de nationale Walen, sollen d'Wieler sech déi Leit eraussichen, dären intellektuell a geeschteg Qualitéiten unerkannt sinn.

De Walprozess ass e liewechen Ausdrock vun demokrateschen Idealer. Obwuel et eng international Institutioun ass, ass dësen héchste Gremium erstaunlecherweis ganz no un der Basis vun der Kommunautéit. All erwuesse Bahá'í bedeelegt sech un der Wal vun engem oder e puer Delegéierter aus sengem Walbezierk. Si wielen dann d'Membere vun hirem nationale Rot a si wielen d'Membere vum héchste Bahá'í Gremium.

Bahá'u'lláh selwer huet dëse Gremium geschaf. An der administrativer Bahá'í Uerdnung hält et eng eenzegaarteg Plaz an. D'Bahá'í denken dass d'Décsiounen vun dësem Gremium, wat spirituellt Saachen ubelaangt, onfeelbar a vu Gott geleet sinn.

Dësen héchste Gremium, demokratesch gewielt, ka Gesetzer man iwwer all déi Froen, déi Bahá'u'lláh net behandelt huet. Wann zum Beispill d'Entwécklung vun enger neier Technologie e moralesche Problem duerstellt, deen zur Zäit vu Bahá'u'lláh unbekannt war, ass et d'Aufgab vun dësem Gremium, ze kucken, wéi dës Fro ka beäntwert ginn. D'Bahá'í gleewen also dass de Bahá'í Glawen weiderhi wäert vu Gott geleet ginn an dat bis zur nächster Manifestatioun. An dem Bahá'u'lláh no kéim dës nei Manifestatioun net virun dausend Joer.

Wa mer eis d'Membere vun dësem héchste Gremium ukucken, stelle mer fest, dass genoe sou wéi d'Membere vun den nationalen a lokale Réit, si fir sech als Einzelne kee Pouvoir a keng Autoritéit hunn, och wann sie héich geschätzt a respektéiert ginn. Et ass nëmme wa si zesumme sinn, wa si offiziell an hirer Sétzung sinn als Gremium, wou si Autoritéit hunn a wou si, dem Bahá'í Glawen no, gëttlech Inspiratioun kréien. Domat gëtt de Kult vun der Perséinlechkeet évitéiert. Den Akzent läit op der gemeinschaftlecher Décsioun a net dem Pouvoir vum Einzelnen an dat op all Niveau, lokal, national an international.

79 Berodung

79t Sendung, den 2ten an 3ten November 2002. Déi administrativ Organer am Bahá'í Glawe benotzen alleguer eng extra Method fir hir Entscheedungen ze huelen: D'Berodung. Wat d'Berodung genoe aus fënnt een an de Bahá'í Schrëften. D'Berodung erlaabt d'Sich no der Wourecht a ka sou op ville Gebidder benotzt ginn. Ëmmer dann ass d'Berodung nëtzlech wann eng GruppenDécsioun néideg ass. D'Berodung gëtt net nëmmen an den Institutiounen benotzt mee och a Firmen, a Schoulen déi vu Bahá'í geréiert ginn an am Alldag vu Bahá'í Familljen, wann et heescht Décsiounen huelen.

Bei der Berodung geet et virun allem dorëms e Konsensus, eng Iwwereneestëmmung tëschent de gewielte Memberen ze erreechen. D'Berodung encouragéiert den Ausdrock vu verschidde Meenungen ouni awer déi aner wëllen mat aller Kraaft a mat alle Mëttelen ze beaflossen. D'Berodung ass e wichtegt Fundament vun der Bahá'í Administratioun.

Hei ganz kuerz déi 4 wichtegst Punkten déi een fir eng Berodung brauch. Éischters: All déi néideg Informatiounen a Point de Vuën zu engem bestëmmten Thema gi gesicht an zesummegeallt. Dobäi kann een natierlech Appell man u Spezialisten, wéi Juristen, Dokteren oder Wëssenschaftler. D'Meenung vu Memberen aus verschidde Milieue vun der Kommunautéit kann och néideg sinn. Zweetens: Bei der Diskussioun gëtt versicht, richteraus, éierlech an héiflech ze sinn, ouni déi aner ze attackéieren oder Ultimatumen ze setzen. Drëttens: Wann ee seng Iddi präsentéiert huet, da gehéiert se dem Grupp; et geet net dorëms, perforce seng Iddi wëllen duerchzesetzen oder Partei ze ergräifen. D'Fro ass hei: Wéi eng Iddi kann der Gesellschaft dee beschten Déngscht leeschten an net: Weem seng Iddi ass et! A Véiertens: Unanimitéit ass erwënscht. Wann dat net méiglech ass, gëtt ofgestëmmt an de Beschluss vun der Majoritéit gëtt ugehol. Wann de Grupp d'Décsioun trëfft, versicht jiddereen, och déi, déi net dofir gestëmmt hunn, se voll a ganz ze akzeptéieren an se ze ënnerstëtzen.

Bei esou Konditiounen, kann et keng Minoritéit ginn oder eng Positioun vun der Oppositioun. D'Bahá'í denken éischer, dass am Fall vun enger schlechter Décsioun, dat evident ass, dee Moment wou d'Décsioun ausgefouert gëtt. Dofir muss awer de Grupp, deen d'Décsioun geholl huet an en fait den Ensemble vun der Kommunautéit, d'Décsioun voll a ganz ënnerstëtzen.

Dëse Wëllen zur Eenheet bréngt mat sech dass wann eng Décsioun oder e Projet keen Erfolleg huet, de Feeler bei der Iddi selwer läit a net beim Manktum vun Ënnerstëtzung bei der Gemeng. Dëse Prinzip läit nach eng Kéier an der Erkenntnis, dass d'Eenheet eng Kraaft ass. De Jong vu Bahá'u'lláh, 'Abdu'l-Bahá sot, dass d'Bahá'í ëmmer nees versiche sollten, en Akkord ze fannen.

Sech an engem Punkt eens sinn, och wann sech herno erausstellt dass d'Décsioun net richtig war, ass besser, wéi eng Décsioun, déi richtig ass, déi awer am Désaccord getraff gouf, bei där een sech also net eens war. Et ass d'Kraaft vun der Eenheet, déi d'Wourecht ervirbréngt an déi et dann erméiglecht de Feeler ze verbesseren an d'Décsioun z'änneren.

80 De Jugendprojet Tout Foi Tout Flamme

80t Sendung, den 9ten an 10ten November 2002. Vu mëttwochs owes bis Sonndes mëttes waren se do, iwwer véierzeg Jugendlecher aus véier franséischsproochege Länner, fir sech op e Liewen am Dénsgscht vun der Mënschheet virzebereeden. Déi mescht vun hinnen si Bahá'í a begeeschtert, vun der Visioun un enger neier Gesellschaft kënnen matzeschaffen. Dëst Zesummekommen ass dat éischt gewiescht an enger Rei vun Aktivitéiten, mat engem Héichpunkt den nächste Summer. Si hu sech zu Huelemes zesummefonnt fir d'Bicher eent and zwee vum Ruhiinstitut duerchzehuelen. An dëser partizipativer Method léiere si op eng kreativ Aart a Weis hire Glawe besser kennen. Duerch praktesch Beispiller setze si sech mat de Bahá'í Schrëften ausernanner. „*D'Verbesserung vun der Welt ka nëmmen duerch gutt a reng Aktiounen erreecht ginn*“. Esou en Zitat heescht et an d'Realitéit ëmsetzen. An do hunn déi Jugendlech, mat hirer Fräizäit, Ongebonnenheet, a mat hirer Begeeschterung en immense Virdeel. An engem Zeechen – a Molatelier, geleet vum Marianne Wiltgen, hu si a knapps zwou Stonne praktesch eng ganz Ausstellung op d'Bee gestallt. Inspiréiert vun engem Zitat aus de Bahá'í Schrëften hu si kollektiv un e puer Zeechnunge geschafft an déi dann an der Grupp erkläert. Hei e Beispill vu sou engem Text deen si inspiréiert huet: „*Je te supplie de faire de ma prière un feu capable de consumer les voiles qui m'ont séparé de ta beauté, et une lumière qui me conduise vers l'océan de ta présence. Ech bieden dech, maach aus mengem Gebiet e Feier, dat et fäerdeg bréngt d'Schleier ze verbrennen, déi mech vun denger Schéinheet getrennt hunn an eng Luucht déi mech zum Ozean vun denger Präsenz féiert*.“ Déi Jugendlecher, déi sech méi fir d'Musek interesséieren, hunn zu dësem Zitat eng flott Melodie dozou fonnt.

Während dem Weekend goug et och drëm sech besser auszedrécken. Wéi erkläert een engem dass et eng Muecht gëtt, Een deen eis erschaf huet. A wéi eng Bezéiung hu mir mat eisem Créateur? Hei eng Méiglechkeet dat ze man:

Deen deen alles erschaf huet ass Gott, deen Eenzegen, deen Onvergläichlechen, Deen, dee kengem senger brauch. Hien ass d'Ursach vun eiser Existenz a vun Allem wat et gëtt. Hien huet de Mënsch erschaf an dat no sengem Bildnes. D'Realitéit selwer vun eisem Créateur ass onbegräiflech fir eis mënschlech Intelligenz, well se limitéiert ass an dat Onendlecht net verstoe kann. D'Biller déi d'Unhänger vun anere Reliounen sech iwwer Gott gemaach hunn si just d'Friichte vun hirer eegener Imaginatioun. Gott ass kee Mënsch an en ass net einfach eng Kraaft déi iwwerall am Universum ze fannen ass. D'Ausdréck déi mir gebrauchen, well mer soss näischt kennen, fir vun der Quell vun eiser Existenz ze schwätzen, drécken ee vu sengen Nimm an Attributen aus, an dat an enger Sprooch, déi et ni wäert fäerdeg bréngen, seng Realitéit ze beschreiwen. An de Bahá'í Schrëfte liese mer: „*O fils de l'homme! J'ai aimé ta création, c'est pourquoi je t'ai créé. Aime-moi donc afin que je puisse mentionner ton nom et que, de l'esprit de vie, je remplisse ton âme*.“

De Bahá'í Schrëften no existéiere mir nëmme wéinst der Léift déi Gott fir eis huet. Mir sollten eis dëser Léift ëmmer nees bewosst sinn. Et ass dës Léift, déi ass beschützt an déi eis Kraaft gëtt. Ob et eis schlecht oder gutt geet, ob mer traureg oder frou sinn; mir sollten drun denken, dass Hie stänneg Seng Léift iwwer eis schëtt. Dat heescht awer net, dass mir näischt méi brauchen ze man. An eiser nächster Emissioun gitt der gewuer wat mir kënnen man. Bis dohin e wonnerschéine Weekend an eng super Woch.

81 Eis Bezéiung mat Deem Deen eis erschaf huet

81t Sendung, den 16ten a 17ten November 2002. De Bahá'í Schrëfte no existéiere mir nëmme wéinst der Léift déi Gott fir eis huet. Mir sollten eis dëser Léift ëmmer nees bewosst sinn. Et ass des Léift, déi ass beschützt an déi eis Kraaft gëtt. Ob et eis schlecht oder gutt geet, ob mer traureg oder frou sinn; mir sollten drun denken, dass Hien stänneg Seng Léift iwwer eis schëtt. Wéinst der Léift déi Gott fir eis huet, huet hien eis erschaf. Weider liese mer an de Bahá'í Schrëften, dass Gott mat eis e Bündnis, eng Aart Kontrakt mat eis gemaach huet. Eng Alliance déi während all Zäite bestoe soll. E Kontrakt ass e Versprieche oder e Pakt tëschent zwee oder méi Leit. Deem éiwege Bündnis no, léisst eise Créateur de Mënsch ni aleng. Vun Zäitalter zu Zäitalter weisst en eis säi Wëllen duerch ee vu senge Gottesoffenbarer oder Manifestatiounen.

Dat Wuert „*manifestéieren*“ bedeit op franséisch och „*révéler*“ oder „*dévoiler*“ an zwar eppes wat virun nach net bekannt war. D'Manifestatioun vu Gott sinn esou eenzegaarteg Wiesen, déi eist d'Wuert vu Gott wësse loosse. Si sinn universal Erzéier déi eis weise wéi mer am Akkord mam Wëlle Gottes liewe kënnen; wéi mer wierklecht Gléck erreeche kënnen. Zu dëse Manifestatiounen gehéiere Krishna, Moses, Zoroaster, Buddha, Jesus-Christus, Mohammed an och de Báb a Bahá'u'lláh, déi zwou Manifestatiounen vu Gott fir eis Zäit.

Eng Allianz huet zwou Säiten: an dat tëschent zwou Parteien woubei jiddereng sech engagéiert op eng bestëmmte Manéier ze agéieren. An der éiweger Allianz vu Gott, huet Hien säin Engagement eis vis-à-vis nach ëmmer gehal. Elo stellt sech dann d'Fro, wéi mir da kënnen eisen Deel zu dëser staarker Allianz bäidroen?

D'Bündnes freet vun eis d'Manifestation vu Gott eemol fir d'éischt unzeerkennen a mat sengem Wëllen averstane sinn. Wat ass de Sënn vun eisem Liewen? Vill Passagen an de Bahá'í Schrëfte soen eis dass Gott eis erschaf huet, fir Hien ze erkennen a fir Hien unzebidden. Dass mir eis Schwächt a Seng Muecht, eis Schwächt a Seng Kraaft, eis Aarmut a Sāi Rāichtum unerkennen. An dass et keen anere Gott gëtt ausser Him, deen deen a Gefor hëlleft, deen deen duerch sech selwer ass.

Wéi kënne mer da Gott erkennen? Nëmmen duerch seng Manifestatiounen. Wéi kënne mer de Sënn vun eisem Liewen erfëllen? Nëmmen doduerch dass mer d'Manifestatioun vu Gott fir eis Zäit erkennen.

Mir liewen an enger Zäit wou all d'Versprieche vun der Vergaangenheet amgaang sinn, erfëllt ze ginn. Bahá'u'lláh seet eis dass mir all eis Differenzen ausgläiche sollen an dass mer, vereent am gréisste Fridde, ënnert dem Schiet vu senger Méi a Guttheet bleiwe sollen. Bahá'u'lláh als Manifestatioun fir eis Zäit akzeptéiere bedeit awer och ferm am Glawe sinn a seng Geboter beuechten. An eiser haiteger turbulenter Zäit ass et extrem nätzlech un d'Liewe vu Bahá'u'lláh ze denken, all dat wat Hie fir eis erlidden huet a seng aussergewöhnlech Victoiren, seng grenzenlos Léift eis géintwuer. Dëst Zitat soll eis ze denke ginn:

*„L'ancienne Beauté, Bahá'u'lláh, s'est laissé charger de chaînes pour que l'humanité puisse être libérée de son esclavage, et Il a accepté d'être emprisonné dans cette très grande forteresse pour que le monde puisse parvenir à la vraie liberté. Il a bu jusqu'à la lie le coupe de la douleur, afin que tous les peuples de la terre puissent parvenir à la joie éternelle et qu'ils soient remplis d'allégresse. ... Nous avons ... accepté d'être abaissé pour que vous soyez élevés, et Nous avons souffert une multitude d'afflictions pour que vous puissiez être épanouis et prospères. »*¹

82 Geschicht: Encouragement

D'Rubrik vun de lëtzebuerger Bahá'í. Um Mikro de Jean-Marie Nau. Haut hunn ech eng kleng Geschicht fir iech. Zweek Männer, allen zwee schwéier krank, sinn am Spidol an deele sech do dat selwecht Zëmmer. Ee vun hinnen ass gezwongen, de ganzen Dag am Bett ze leien an um Réck. Deen aneren ka sech eng Stonn den Dag am Bett opriichten a sëtzen, ëmmer da wann e seng Longe gebotzt kritt.

Sāi Bett ass niewent der Fënster. Nodeem déi zwee sech e bësse kennegeléiert hunn, freet sāin Noper hien, wat en dann alles esou dobausse gesäit, vu dass hie jo net opstoe kann an och net bei der Fënster läit. An esou gëtt et eng Gewunnecht, dass hie sengem Noper, während enger Stonn am Dag, d'Vue vun der Fënster beschreift.

Mat Ongedold waart de Mann am anere Bett drop, dass sāin Noper him d'Vue beschreift: Op de Parc, mam grouse Séi, wou d'Inten an e puer wonnerschéi wäiss Schwanen drop sinn, wou d'Kanner spillen an hir kleng Schëffelcher fuere loossen. Do wou zwee Verléifter spadséieren a wou ee vu wäitem d'Stad gesäit. Seng Beschreiwunge si sou schéin a faarweg, dass de Mann d'Aen zoumécht a sech all déi romantesch d'Szenen virstellt.

An esou ginn d'Deeg an d'Wochen eriwuer. Bis enges moies d'Infirmière kee Liewe méi am Mann nieft der Fënster fënnt. Hien ass an der Nuecht gestuerwen. Deen anere Mann freet dann d'Infirmière ob hien dann elo kéint d'Bett niewent der Fënster kréien.

Mat vill Péng hieft hien sech e bëssen op fir kënne aus der Fënster ze kucken. A wat e gesäit kann e bal net gleewen: Eng Mauer! *"Dat do gëtt et dach net"* seet hien zu der Infirmière, *"wou ass dann de Parc an de Séi an alles dat wat māi Noper mir während Wochen a Méint all Dag beschriwwen huet?"* „Māi leiwen Här“ sot d'Infirmière: *„Huet hien iech net gesot, dass hie blann ass. Hie konnt d'Mauer mol net gesinn. Vlāicht wollt en Iech just e bëssen ermuddegen!“*

Ass et net eng immens Freed aner kënne glécklech ze man, och wann ee selwer Schwieeregkeeten huet oder benodelegt ass? Seet d'Spréchwuert net: *Gedeeltent Leed, halleft Leed, gedeelte Freed, doubel Freed*. Hutt Dir haut schonn een encouragéiert? Dës Rubrik gouf iech präsentéiert vun de lëtzebuerger Bahá'í, um Internet ënnert www.bahai.org.

83 'Abdu'l-Bahá, Deel 1/3

(keen Text do)

84 'Abdu'l-Bahá, Deel 2/3

84t Sendung, de 7ten an 8ten Dezember 2002. *„Huel der e Beispill, sou solls d'et man“* hunn ech oft als Kand héieren. A mengem jugendleche Liichtsënn war et fir mech normal Fotoen a Biller vu Santana, Deep Purple an dem Frank Zappa an der Kummer ze hunn. Mee sou richteg Rollemodeller, Helden hat ech deemools keng. Als

Jugendlechen dunn, op menger Sich no der Wourecht hunn ech e grouss Parcours vu Reliounen, Liewensopfassungen a Philosophie gemaach. Mat den Hari Krishnaen zesumme gesongen, transzendental Meditatioun probéiert, eise kathoulesche Glawen, de Buddhismus, den Islam haten al fir mech hir eegen Unzéiung mat hiren Iwwerzeegungen, Dogmen a Ritualer. Op mengem Parcours sinn ech och de Bahá'í hei zu Lëtzebuerg iwwer de Wee gelaaf a Samschdes mëttes hu mir Texter iwwer de Friden ausernee geholl. Et gouf awer och iwwer d'Bahá'í Geschicht geschwat. Eppes wat bei mir hánke bliwwen ass, war déi bal onméiglech Grausamkeet mat där am Iran d'Bahá'í hiert d'Liewe gelooss hunn, duerch Folterung a Quälung. Dat am spéide 19te Jorhonnert. Aenzeieberichter no, goufen Dausende vun Unhänger vum Báb, dem Virleefer vum Bahá'í Glawen op grausaamst Aart a Wie gefoltert a gequält, d'Broscht opgeschnidden a Käerzen dragestach, d'Haut vum Gesiicht lieweg erofgezunn, fir iech eng Iddi ze ginn. Ech hu mech gefrot: Firwat kann e Mënsch dat iwwer sech ergoe loossen? Wéi e Glaawe muss een hunn, fir sou eppes kënnen ze erdroen? Abee, 'Abdu'l-Bahá, de Jong vu Bahá'u'lláh ass ee Personage an der Bahá'ígeschicht, deen immens vill Courage, Wäisheet a Léift gewisen huet. Hien ass 1921 verstuerwen, mat engem Begrieffniss vun iwwer 10.000 Leit am haitegen Israel a säi Mausoleum gëtt haut vu Milliounen Leit zu Haifa um Bierg Carmel besicht. Hei eng Beschreiwung vum E.G. Browne, en Orientalist vu Cambridge deen 'Abdu'l-Bahá fir d'éischt 1890 begéint huet an e gutt kennegeléiert huet.

„Rarement un homme m'a autant impressionné. Grand, bien bâti, se tenant droit comme un bâton, vêtu d'un turban et de vêtements blancs, de longues boucles noires tombant presque sur ses épaules, le front haut et bombé, signe d'une d'une intelligence puissante, les yeux perçants comme ceux d'un faucon, les traits marqués mais agréables, telle fut ma première impression de 'Abbas Effendi, le Maître, comme on l'appelle justement. On ne saurait, je pense, rencontrer un homme plus éloquent, plus prompt à la répartie, plus expressif, plus intimement familiarisé avec les livres sacrés des Juifs, des Chrétiens, et des Musulmans, même parmi ceux de sa race ou il ne manque pas de gens éloquents, ouverts, et subtils. Devant ces qualités, alliées à une allure à la fois majestueuse et empreinte de génie, j'ai cessé de m'étonner de l'influence et de l'estime dont il jouissait même en dehors du cercle des disciples de son père. Quiconque avait vu cet homme ne pouvait plus douter de sa grandeur et de son pouvoir. »¹

Säi Liewen ass eenzegaarteg an der Geschicht vun der Mënschheet. Wéi hie gelieft a gelidden huet, wou hien iwwerall war a wat hien alles gemaach huet gesi mer an de nächsten Emissiounen.

85 'Abdu'l-Bahá, Deel 3/3

85t Sendung, de 14ten a 15ten Dezember 2002. Dat Wuert Bahá'í gëtt et nach keng 200 Joer. Bahá'u'lláh, Begrënner vum Bahá'í Glawen, huet an der zweeter Halschecht vum 19te Jorhonnert gelieft, am haitegen Iran. Déi sozial Bedéngunge vun deemools ware sécher nach méi schlëmm wéi déi vun der Stellung vun der Fra am haitegen Afghanistan. Bahá'u'lláh koum do, wou Korruptioun an Awerlawen am gréisste waren. Wuel huet Bahá'u'lláh, dee méi wéi 40 Joer e Gefaangene war, sech duerch Bréiwer un de Poopst, un d'Kinnegen, un déi, déi un der Muecht waren an un d'ganz Mënschheet geriicht. Mee et war säi Jong, 'Abdu'l-Bahá, deen, wéi een haut géif soen, eng immens Ëffentlechkeetsaarbecht an der westlecher Welt gemaach huet.

De Message vu Bahá'u'lláh, mat sengem vigourensen Appell fir eng nei mënschlech a friddlech Gesellschaft, dëse Message gouf virun allem vun 'Abdu'l-Bahá an der industrieller Welt verbreet a sou ass eng nei Generatioun vun iwwerzeegte Gleewegen enstane. Fir dass de Glawe sech iwwerall op der Welt verbreet sollt, huet 'Abdu'l-Bahá e Plang entworfen. An enger ganzer Serie vu Bréiwer huet hie sech vir d'éischt un déi Gleeweg vu Nordamerika adresséiert an huet se gefrot fir sech uechter d'Welt néierzeloosse fir de Bahá'í Glawen a seng Grondsätz ze verbreden.

Wéi dunn den éischte Weltkrich ausgebrach ass, war 'Abdu'l-Bahá nees am Hellege Land. A senger Messagen un de Westen huet hie viru weideren Ausernanersetzunge gewarnt. Hien ass stänneg drop zrëckkomm, wéi noutwenneg et ass, eng Zort Weltfederatioun opzestelle fir en neie Krich ze vermeiden.

Während dem Krich huet 'Abdu'l-Bahá seng Zäit domat verbruecht, déi Prinzipien unzewenden, vun deem säi Papp an hir selwer geschwat hunn. Sou huet hien zum Beispill bei Tiberias e groussen Agrarprojet organiséiert. Dëse Projet huet der Regioun eng grouss Rekolt vu Fruucht geliwert; an dat an enger Zäit wou d'Populatioun vun Honger gestuerwe wier. Nom Krich ass 'Abdu'l-Bahá vun der britescher Regierung fir seng Aktioun mam Ritterkräiz ausgeszeechent ginn.

1921, am November den 28ten ass 'Abdu'l-Bahá friddlech während sengem Schlof gestuerwen. Wéi sengem Papp, gong et him drëm, d'Eenheet vum Bahá'í Glawe bäizebehalen. Dofir huet e genee wéi Bahá'u'lláh e kloert an däitlecht Testament hannerlooss. Domat gëtt dat Bündniss wat säi Papp etabléiert hat, vervollstännegt. Am

¹ Les Bahá'ís, un regard sur la communauté mondiale de la foi bahá'íe. p.50

Testament designiert 'Abdu'l-Bahá den eeltste vu sengen Neveuen, Shoghi Effendi Rabbani als säi Nofolger, an zwar als Guardian vum Bahá'í Glawen, een deen de Bahá'í Glawe beschütze soll. Bahá'u'lláh hat dese Gardiennat als eng Institutioun virgesinn. Domat huet hien d'Autoritéit fir d'Bahá'í Schrëften a Léiere kennen ze interpretéieren.¹

86 De Bénévolat am Bahá'í Glawen

86t Sendung, den 21ten an 22ten Dezember 2002. „Denkt ëmmer dorun, wéi der engem en Déngscht erweise kënn“ „De Mënsch verbessert sech duerch dat wat e fräiwëlleg mécht an net duerch dat, wouzou e gezwonge gëtt. ... Deelen ass e perséinlechen Akt vu Gerechtegkeet. ... Zu deene gréissten Déngschter déi een deem allmächtige Gott maache kann gehéiert d'Erzéiung an d'Ausbildung vu Kanner.“² Dat sinn e puer vun den Zitater, déi een deslescht op der Foire vum Bénévolat liese konnt.

Iwwer 10000 Leit hu viru kuerzem d'Foire vum Bénévolat um Kirchbierg besicht. Offiziell ugefaang huet d'Foire mat enger Feier wou d'Bahá'í Gemeng sech och dru bedeelegt huet an dat zesummen mat deene verschiddenen anere chrëschtliche Gemengen, der musleemescher an der jüddescher Gemeng.

Ëm déi 200 Organisatiounen déi a verschidde Beräicher vum Bénévolat schaffen hunn do hir Aktivitéite präsentéiert. Als Fraenorganisatioun war d'*Union luxembourgeoise des femmes bahá'ies* och invitéiert. Op hirem Stand konnt ee passend Zitatiounen aus de Bahá'í Schrëfte liesen; duerch Fotoen an enger multimedialer Präsentatioun krut een e gudden Abléck an hir Aktivitéiten a méi speziell zu den Theme Gläichberechtigung vu Mann a Fra an dem Déngscht un der Mënschheet. Um Stand konnt ee sech Publikatiounen zum Thema ukucken a natierlech gouf et och Kaffi a Kuch. Extra flott um Stand war e Collage vun enger Kënschtlerin zum Thema Bénévolat, wou jiddereen invitéiert war d'Konschtwierk duerch passant Zitatiounen op grénge Blieder ze vervollstännegen. „D'Äerd ass nëmmen ee Land an all seng Mënsche sinn hir Bierger“ war zum Beispill eent vun den Zitater. De Collage gouf viru kuerzem am Bahá'í Zenter an der Stad fir e gudden Zweck verkaf, an zwar fir eng Schoul fir Meedercher an Tanzania, e Projet vu Unity Foundation, dee vum Ministère de la co-opération ënnerstëtzt gëtt. Fir ofzeschleissen, nach e puer Zitater a Gedanken zum Thema aus de Bahá'í Schrëften:

„Wann e Mënsch sech mat aller Kraaft beméit, eng Wëssenschaft ze léieren oder sech an enger Konscht ze vervollkommenen, dann ass dat esou wéi wann e Gott géif a Kierchen an Tempelen ubieden. ... Gott huet eis Ae ginn, dass mer eis sollen an der Welt ëmkucken an alles dat festhalen, wat eis Kultur an eis Liewenskonscht virubréngt. ... Léift zur Mënschheet an den Déngscht zu hirem Wuel sinn déi wäertvollst a liewenswäertst Ziler vum mënschleche Striewen. ... Glawen ass e Magnéit, deen d'Bestätegung vu Gott unzitt. Déngscht ass e Magnéit, deen himmlesch Kraaft unzitt. ... Gott ze dengen, heescht der Mënschheet dengen ... Déngscht ass Gebiet. ... Dass all Moie besser ass wéi den Owend virdrun an all neien Dag méi räich wéi dee vu gëschter. ... De Wäert vum Mënsch läit am Déngscht an an der Dugend, net am Prunk vun engem gudde Liewen an am Räichtum.“

87 D'Bahá'í Hochzäit

87st Sendung, den 28ten a 29ten Dezember 2001. Dëser Deeg fënnt am Bahá'í Zenter an der Stad eng Bahá'í Hochzäit statt. Aus deem Grond haut e klengen Extrait aus de Bahá'í Schrëften iwwer d'Bestietnes vum 'Abdu'l-Bahá op franséisch:

« Le lien qui unit le plus parfaitement les cœurs, c'est la loyauté. Une fois unis, les vrais amoureux doivent montrer l'un envers l'autre la plus grande fidélité. Vous devez consacrer vos connaissances, vos talents, votre fortune, votre titre, votre corps et votre esprit à Dieu, à Bahá'u'lláh et aussi l'un à l'autre ; Que votre cœur soit grand, aussi grand que l'univers de Dieu. Ne permettez à aucune trace de jalousie de se glisser entre vous. Car la jalousie, tel un poison, corrompt l'essence même de l'amour. Ne permettez pas que les incidents éphémères et les événements de cette vie changeante soient une cause de rupture entre vous. Si des différents s'élèvent, consultez-vous tous deux, de crainte que d'autres ne transforment un petit rien en une montagne. Ne gardez en votre cœur aucun grief, mais au contraire, faites-vous part mutuellement de sa nature avec une telle franchise et une telle compréhension qu'il disparaisse sans laisser de souvenir. Choisissez la camaraderie et l'amitié, détournez-vous de la jalousie et de l'hypocrisie. Ayez des pensées élevées, des idéaux pleins de lumière, des dispositions spirituelles, afin que votre âme devienne le lieu de l'aurore du Soleil de Réalité. Que vos cœurs soient semblables à deux purs miroirs reflétant les étoiles du ciel de l'amour et de la beauté. Que vos aspirations nobles et spirituelles fassent l'objet de vos entretiens. N'ayez aucun secret l'un pour l'autre. Que votre demeure soit un refuge de repos et de tranquillité.

¹ aus: Les Bahá'ís, Un regard sur la communauté mondiale, p. 50-52

² 'Abdu'l-Bahá

Soyez hospitaliers, que la porte de votre maison s'ouvre devant les amis et les étrangers. Accueillez tous les hôtes avec une grâce rayonnante, que chacun se sente chez lui. Nul être mortel ne peut concevoir l'union et l'harmonie que Dieu a destinées aux époux. Fortifiez constamment par l'amour et l'affection l'arbre de votre union afin qu'il reste toujours verdoyant en toutes saisons, et qu'il produise des fruits savoureux pour la guérison des nations. O, bien-aimés de Dieu, que votre demeure soit comme une vision du paradis d'Abhá, pour que tous ceux qui entrent ressentent l'essence de la pureté et de l'harmonie et qu'ils s'écrient de tout leur cœur : « Voici la demeure de l'Amour ! Voici le palais de l'Amour ! Voici le nid de l'Amour ! Voici le jardin de l'Amour ! »

« Soyez comme deux oiseaux au chant mélodieux, perchés sur la plus haute branche de l'arbre de vie, remplissant l'air de leurs gazouillements d'amour et d'extase. Déposez la base de votre affection au cœur même de votre être spirituel, au tréfonds de votre conscience, et ne permettez pas aux vents contraires de venir l'ébranler. Et quand Dieu vous donnera des enfants doux et aimables, consacrez-vous à leur éducation et guidez-les afin qu'ils deviennent des fleurs impérissables dans le divin jardin de roses, des rossignols dans le paradis, des serviteurs de l'humanité, en un mot, les fruits de l'arbre de votre vie. Vivez dans une telle harmonie que d'autres prennent votre existence comme exemple en disant : « Regardez comme ils vivent, tels deux colombes dans un nid, dans une affinité, une union et un parfait amour. C'est comme si, de toute éternité, Dieu avait pétri l'essence même de leur être en vue de leur amour mutuel ; » Réalisez cet amour idéal auquel Dieu vous a destinés afin de participer immédiatement à la vie éternelle ; Désaltérez-vous à la fontaine de Vérité. Que chaque jour de votre vie s'écoule au paradis de gloire, cueillant les fleurs immortelles du jardin des mystères divins. Soyez l'un à l'autre comme des amoureux célestes et des bien-aimés divins habitant un paradis d'amour. Voguez sur les mers sans rivage de l'amour. Soyez fermes et constants dans le sentier de l'amour. Remplissez vos narines du parfum des fleurs d'amour. Accordez vos oreilles aux mélodies enivrantes de l'amour. Que vos objectifs soient aussi généreux que les festins d'amour, et que vos paroles soient comme une rangée de perles blanches de l'océan d'amour. Buvez largement de l'élixir d'amour afin de vivre continuellement dans la réalité de l'amour divin. »

88 D'Bahá'í Hochzáit, en Témoignage vum Esther Zana-Nau (op Franséisch)

Do gëtt et keen Text.

89 E puer wichteg Datumer an der Bahá'í Geschicht

89st Sendung, den 11ten an 12te Januar 2002. A groussen Zich kucke mer eis haut bal ee Joerhonnert Bahá'í Geschicht un.

Den 1te März 1897 ass de Shoghi Effendi zu St Jean d'Accre am haitegen Israel op d'Welt komm. Hie gouf am Testament vun 'Abdu'l-Bahá als Hidder vum Bahá'í Glawen ernannt. Als eng Institutioun ass Hien Interpret vun de Bahá'í Léieren. 1902 fänken d'Aarbechten um éischten Haus vun der Andacht zu Ashkhabad an Zentralasien un. Den 11ten August 1911 verléisst 'Abdu'l-Bahá de mëttleren Orient fir eng Visite vun dräianenhallef Méint zu London an zu Paräis. De 4te September 1911 kënnt 'Abdu'l-Bahá zu London un. Den 11ten Abrëll 1912 kënnt 'Abdu'l-Bahá zu New York un a bleift während 8 Méint an Amerika an a Kanada. De 27ten Abrëll 1920 gëtt 'Abdu'l-Bahá als Chevalier vun der britescher Regierung ausgezeechent. Den 28te November 1921 stierft 'Abdu'l-Bahá. Säin Enkel gëtt Hidder vum Glawen. Den 10te Mee 1925 deklariert e Geriicht an Egypten dass d'Bahá'í Relioun eng onofhängeg Relioun ass. De 4te März 1929 genehmegt eng Resolutioun vum Conseil vun der Liga vun den Natiounen d'Revendikatioun vun der Bahá'ícommunautéit iwwer d'Haus vu Bahá'u'lláh zu Bagdad. Am März 1949 gëtt d'Bahá'ígemeng als eng Netregierungsorganisatioun bei de Vereenten Natiounen enregistriert. Zweek Méint drop integréiert d'kanadescht Parlament den Nationale Geeschtege Rot vun de Bahá'í vu Kanada. Et ass dat déi éischte Kéier dass de Bahá'í Glawe vun engem souveräne Staat unerkannt gëtt. Den 2te Mee 1953 gëtt dat éischt Haus vun der Andacht zu Wilmette, Illinois an de Vereenegte Staaten ageweit. De 4ten November 1957 stierft de Shoghi Effendi zu London. Den 21 Abrëll 1963 gëtt d'Universaalt Haus vun der Gerechtegkeet fir d'éischte Kéier gewielt. 6000 Bahá'í versammele sech zu London fir den éischte Bahá'í Weltkongress. Am Mai 1970 kritt déi international Bahá'ícommunautéit e berodende Status bei der ECOSOC, dem Conseil économique et social vun de Vereenten Natiounen. 1979 bréngt d'islamesch Revelotioun am Iran eng nei Well vu Verfollegunge géint d'Bahá'ígemeng an deem Land mat sech. 1981 votéiert d'Souskommissioun vum Kampf géint diskriminatoresch Moossnahmen an dem Schutz vun de Minoritéite vun der UNO eng Resolutioun fir d'Welt op d'Verfollegunge vun de Bahá'í am Iran drop opmierksam ze man. An deem Joer ginn 48 Bahá'ís am Iran doutgemaach. De 17te Juli 1982 ass de Sëtz vum Universalen Haus vun der Gerechtegkeet fäerdeg gebaut a gëtt do um Bierg Karmel zu Haifa an Israel ageweit. 1985 beschäftegt d'Generalversammlung vun de Vereenten Natiounen sech fir d'éischt mat der Situatioun vun de Bahá'í am Iran a verurteelt den Iran fir Violatioun vun de Mënscherechter. Am October 85 verëffentlecht d'Universaalt Haus vun der Gerechtegkeet «D'Verspieche vum Weltfridden», e Bréif un d'Vëlker vun der Welt. Den 29te Mee 1992, hellegt Joer, fänkt mat enger Versammlung zu Haifa vun 3000 Bahá'ís aus 180 Länner un, déi koume fir den honnertjäregen Gebuertsdag vum Doud vu Bahá'u'lláh ze kummémoréieren. Vum 23te

bis zum 26ten November 92 hu sech òm déi 30000 Bahá'is zu New York fir den zweete Bahá'í Weltkongress zesumme fonnt. Dee bis elo gréissten an diversifiéierter Bahá'í Kongress iwwerhaupt. Vum 23te bis de 26te Mee hu sech zu Haifa iwwer 3500 Bahá'í aus all Land zesumme fonnt an zwar fir d'Aweigung vun de Bahá'í Gäert um Bierg Karmel.

90 E Bléck op eng Weltgemeinschaft

90st Sendung, 18ten an 19te Januar 2002. Gegrënnt gouf de Bahá'í Glawe virun annerhalwem Joerhonnert. Schnell ass hien zu enger vun deene meeschte verbreete Relioun ginn. Mat méi wéi 6 Milliounen Unhänger, verdeelt an iwwer 235 Länner an onofhängegen Territorien, ass dëse Glawen nom Chrëschtentum déi Relioun déi geographesch gesinn, am meeschten op der Welt verbreet ass. Et fënnt ee Bahá'í a méi wéi 121.000 Géigenden op der Welt. An dës grouss Zuel beweist, wéivill si um Ideal vum Weltbiergertum festhalen.

An der Zesummstellung vun hire Membere gesäit een däitlech de Charakter vum Bahá'í Glawen; souzesoen en Echantillon vun der Mënschheet, gehéieren d'Bahá'í praktesch alle Länner, ethnische Gruppe, Kulturen, Beruffer, sozialen an ekonomesche Klassen un. Si stellen iwwer 2100 Stämm an ethnisch Gruppen duer. Si bilden nëmmen eng Gemeinschaft, ouni Fraktiounen an Trennungen. Mat all deem ass de Bahá'í Glawe wahrscheinlech déi organiséierter Grupp vu Leit op der Welt, déi zu gläich sou verschidden ass an am wäitste verspreet.

De Begrënner vum Bahá'í Glawen ass Bahá'u'lláh, en noble Perser, vun Teheran gebierteg, deen an der Mëtt vum 19te Joerhonnert, seng präzise Existenz vu Konfort, Luxus a Sécherheet opginn huet, fir e Liewe vu Verfolgungen, Verbannungen an Entzéiungen. Bahá'u'lláh sot, dass hie keen anere wier, wéi deen neie Gottesoffenbarer. Säi Liewe, säi Wierk a säin Afloss kënne mat deene vun Abraham, Krishna, Moses, Zoroaster, Buddha, Christus a Mohammed verglach ginn. An dëser Successioun ass Bahá'u'lláh fir d'Bahá'í dee jéngste vun dëse Gottesboten.

D'zentraalt Thema vum deem wat Bahá'u'lláh eis ze soen huet, ass d'Eenheet. Hien huet geléiert dass et nëmmen ee Gott gëtt, eng mënschlech Rass an dass all d'Reliounen op der Welt Etappen duerstelle vun deem wat Gott fir d'Mënschheet wëll. „Endlech“ sot hien „ass d'Mënschheet erwuess ginn.“ Sou wéi all d'Schrëfte vu fréier propheeten hunn, ass d'Zäit fir d'Vereenegung vun all de Völker an eng friddlech a gutt integréiert Weltgesellschaft komm. Hien huet geschriwwen: „D'Äerd ass nëmmen ee Land, an d'Mënschheet hir Bierger.“ Als déi jéngst vun den onofhängege Reliounen vun der Welt, ënnerscheet sech de Glawe dee vu Bahá'u'lláh gegrënnt gouf vun deenen anere Reliounen duerch e puer Aspekter. Déi Aspekter kucke mer eis an eisen nächsten Emissiounen méi genee un. Bis dohin nach alles Guddes!

91 De Bahá'í Glawen, déi jéngst vun den onofhängege Reliounen vun der Welt

(keen Text)

92 Bahá'u'lláh; wéi Hien offenbaart huet, Deel 1/2

92st Sendung, 1ten an 2te Februar 2002. Am September 92 konnt een am britesche Museum eng Ausstellung mat original Bahá'í Manuskripten besiche goen. Dorënner waren och Texter vu Bahá'u'lláh, dem Begrënner vun der Bahá'í Relioun. Wéi goufen d'Wierder vu Bahá'u'lláh dann eigentlech konservéiert a versuergt? Eenzegaarteg bei der Offenbarung vu Bahá'u'lláh ass d'Authentizitéit vu sengem verkënnegte Wuert. Am Verglach mat de Léiere vu Jesus zum Beispill, déi érischt no Joerzéngegen opgeschriwwen goufen nodeem se verkënnegt goufen, sinn d'Wierder vu Bahá'u'lláh direkt am Moment wou se offenbaart goufen, opgeschriwwen an op hir Echtheit gepréift ginn. De Prozess vun der Offenbarung ass den Ausdrock dee Bahá'u'lláh gebraucht fir d'Iwwerdroung vum Wuert Gottes ze bezeichnen an ass an e puer historischen Dokumenter beschriwwen.

Hei d'Beschreibung vun engem Beobachter aus dëser Zäit: de perséinleche Sekretär vu Bahá'u'lláh hat e grousst Dëppche mat Tënt, sou grouss wéi eng Schossel. Dobäi louche bal eng Dose Schreiffieder an e Koup Pabeier. An där Zäit huet dem Bahá'u'lláh säi Sekretär all säi Courier kritt. Hien huet him e gedroen an huet e mat senger Erlabnes virgelies. Dann huet Bahá'u'lláh him gesot e soll seng Schreiffieder huelen an als Äntwert dat geoffenbaart Wuert opschreiwen. ... D'Schnellegkeet, mat där hien dat geoffenbaart Wuert opgeschriwwen huet war därart, dass dat éischt Wuert knapps dréche war wann d'ganz Säit vollgeschriwwen war. D'Säit huet herno so ausgesinn, wéi wann een e Putsch Hoer an d'Tëntefaass gezapt hätt an hätt et dann iwwer d'ganz Säit geschmiert. No all Offenbarung ass dat originaalt Manuskript da frësch geschriwwen ginn, alles ënnert der Opsicht a mam Averständnes vu Bahá'u'lláh.

Haut sinn all déi helleg Schrëfte vu Bahá'u'lláh an déi vu sengem Jong 'Abdu'l-Bahá zu Haifa um Bierg Karmel a spezial Archiven ënnerbruecht, wou si mat deenen neitste wëssenschaftleche Methode konservéiert ginn. All déi wichteg Texter, Bréiwer a Bicher sinn haut a ville Sproochen iwwersat. Bahá'u'lláh, deen a Persie gelieft huet, huet

persesch an arabesch geschwat. Mir wäerten an eiser nächster Sendung e bësse méi iwwer säi Stil schwätzen a wéi seng Schrëften iwwersat goufen. Zougängelech si Bahá'í Texter haut iwwer elektronesch Medien direkt um Internet op ville Plazen. Et geet duer eng Recherche ënner *Bahá'í Texter* ze maachen. A ville Librairien a Bibliothéike fënnt ee Literatur iwwer de Bahá'í Glawen.

Zum Schluss e puer Zitater zum Nodenken aus de Bahá'í Schrëften: „*D'Wuert vu Gott ass de Schlëssel vun der ganzer Welt well seng Kraaft mécht d'Diere vun den Häerzer vun de Mënschen op; Dieren déi a Wierklechkeet déi vum Himmel sinn. ... Gitt iech eens a reduzéiert är Bewaffnungen, fir är Ausgaben ze verklengeren a fir ärem Geescht an ärem Häerz Rou ze ginn. Bréngt äre Streidereien déi iech ausernebréngen en Heelmëttel an der braucht dir iech nach just an deem Mooss ze verteidegen fir d'Beschützong vun äre Stied a Gebidder.*“

93 Bahá'u'lláh; wéi Hien offenbaart huet, Deel 2/2

93st Sendung, 8ten a 9te Februar 2002. Ausser méi laang Wierker huet Bahá'u'lláh eng grouss Zuel vu Bréiwer geschriwwen, déi meeschtens u verschidde vu sengen Unhänger adresséiert waren. Hien huet selwer geschätzt dass dës Sammlung vu Bréiwer iwwer 100 Bänn ausmécht. Bahá'u'lláh huet op persesch an op arabesch geschriwwen an huet dës zwou Sproochen mat enger aussergewöhnlecher Liichtegkeet beherrscht. Seng Schrëften zeeche sech zudeem duerch hiren eegene Stil aus.

D'Essenz vu senger moralescher Léieren fënnt een an engem klengen Wierk mam Numm: „*Verborgene Worte*“ eng Zesummestellung vu poetesche Versen. Et fënnt een an deem Bichelchen eng Zesummeffaassung vum etheschen a spirituelle Message vun de groussen noeneefolgenden Offenbarunge vu Gott.

Dat wesentlescht vu Bahá'u'lláh senger Doktrinn gëtt am Buch vun der Gewëssheet presentéiert. Do fënnt een dee ganze göttleche Plang; déi grouss Froen, déi nach vu jeehir am Häerz vum reliéise Liewe stoungen: Gott, d'Natur vum Mënsch, de Sënn vum Liewen an d'Roll vun der Offenbarung.

Zu dem Bahá'u'lláh seng mystesche Schrëfte gehéiert e klengt Wierk mam Numm: „*Les 7 vallées*“ An engem poetesche Stil geschriwwen, beschreift Hien do d'Etappe vun der Rees vun der Séil um Wee bei hire Créateur.

Déi wichtegst vun all de Schrëfte vu Bahá'u'lláh ass dat hellégt Buch. Offenbaart gouf et während deenen däischteren Deeg als Gefangenen zu St Jean-D'Acre. Dat hellegst Buch, e Schlësselwierk am Bahá'í Glawen ass déi Haaptzesummestellung vun de Gesetzer an Institutionen déi Bahá'u'lláh erschaf huet; an dat fir d'Weltuerdnung, déi Hie propheet, opzestellen.

D'Iwwersetzung vun den hellege Schrëften an aner Sproochen ass fortlaafend. D'Critère vun der Iwwersetzung an d'Englescht goufe vum Shoghi Effendi opgestallt. Hie war vun 1921 bis 57 un der Spëtzt vum Bahá'í Glawen. D'Iwwersetzungen vun dësem fréieren Oxford Student bezeien net nëmme vun enger perfekter Maîtrise vum Engleschen mee stellen och eng Autoritéit duer, wat d'Interpretatioun vun de Schrëften ubelaangt.

Et war net sou einfach, dass deen englesche Stil deen erhuewenen a geblummelechte Stil vum perseschen an arabeschen, dee Bahá'u'lláh benotzt huet, getrei iwwersetzt. Eng wahrhafteg Herausfuerung. Shoghi Effendi huet eng al englesch Form gewielt, déi e bëssen der Versioun vun der „*King James*“ Bibel gläicht. An deem selwechte Geescht huet hien och decidéiert de männleche Pronomen ze benotze fir vu Gott ze schwätzen – och wann et kloer an de Schrëfte vu Bahá'u'lláh ervirgeet, dass een Deem, deen eis erschaf huet, kee Geschlecht ka ginn. D'Resultat ass e Stil deen tëschent deem modernen engleschen an dem arabeschen a persesche Stil läit, déi Sproochen an där Bahá'u'lláh sech ausgedréckt huet. Sou baséiert een sech haut och op dem Shoghi Effendi sengen Iwwersetzungen an d'Englescht fir d'Iwwersetzung an aner europäesch Sproochen. Verschidden Extraiten aus dem Bahá'u'lláh senger Schrëfte sinn a méi wéi 800 Sproochen iwwersat.

94 D'Bezéiung mat eisem Glawen

94st Sendung, 15ten a 16te Februar 2002. An engem kuerze Bréif vergläicht 'Abdu'l-Bahá d'Bezéiung déi mer mat eisem Glawen hunn. Hie seet et ginn zwou Zorten déi ee sou vergläiche kann. Déi éischt ass déi vun enger Blumm mam Gaart. Déi aner ass déi vum Sonnestral mat der Sonn. 'Abdu'l-Bahá hofft dass eis Bezéiung mat eisem Glawen esou ass wéi déi vum Sonnestral mat der Sonn. Firwat wuel? Gottseidank hëllefen eis oft Beispiller aus der Natur fir geeschteg Prinzipie kënnen ze verstoen. Hei e puer Gedanken dozou.

Wann een d'Bezéiung mat eisem Glawen analyséiert a vergläicht kann ee soen: Als Blumm hunn ech de Gaart gär, ech wuessen am Gaart, ech si stolz op mäi Gaart, ech hunn den Numm vu mengem Gaart. (Ech sinn e Bahá'í, e Chrëscht, e Mohamedaner, e Buddhist an sou weider) Alles dat ass gutt. Wéi ass et da mam Sonnestral? Hie seet genee dat selwecht. Ech komme vun der Sonn, ech si stolz op d'Sonn, ech si vun der Sonn ofhängeg an sou weider.

Awer wat passéiert wann een ee Sonnestral zesumme mat engem anere Sonnestral bréngt? Aus deenen zwee Strale gëtt ee Sonnestral. Wann een awer zwou Blumme beieneebréngt, sinn dat ëmmer nach zwou Blummen.

Fir eist Zesummeliewen, op der Aarbecht, an der Famill, an eiser Berodung mat deenen aneren heescht dat, dass eisen Ego bestoe bleift, also um Beispill vun der Blumm am Gaart: Si seet jo vläicht: Ech mengen ech si méi schéin wéi déi aner Blummen, an ech richen och besser. Eisen Ego bleift ëmmer bei eis. Wa mer stierwen, wa mer eis trennen, soe mer Äddi. Awer bis et esouwäit ass, bleift d'Déier an eis.

Kucke mer eis elo de Sonnestral un. De Sonnestral seet : Ech hu keen Numm, et ass egal. Ech hu keng Faarf, et ass egal. Ech komme vun der Sonn. Mäin Job ass et der Sonn trei ze sinn and d'Luucht vun der Sonn ze droen an ze vermëttelen. Dat ass meng Aarbecht a meng Aufgab. An ech maachen et. De Sonnestral ass sou reng dass wann s de e Stull hëlls an du gees eraus wou d'Sonn ass, sees de: ech sëtzen an der Sonn. Natierlech sëtzt du net an der Sonn. D'Sonn ass do uewen. Mee well de Sonnestral sou trei ass, so reng, huet et all d'Qualitéite vun der Sonn, sou dass mir soen: ech sëtzen an der Sonn.

An da gëtt et nach eng Differenz tëschent der Blumm an dem Gaart an dem Sonnestral an der Sonn. D'Blumm déi kritt nämlech andauernd. Si seet: Buedem, gëff mer gudder Buedem, gëff mer gutt Wasser, Luucht a Sonn. Ech wëll méi Luucht. D'Blumm kritt déi ganzen Zäit. An de Sonnestral? Hie wëllt näischt, de Sonnestral gëtt an hëlleft der Blumm wuessen. Eng grouss Differenz also tëschent deenen zwee. Wéi ass meng Bezéiung zu mengem Glawen? Wéi d'Blumm par rapport zu hirem Gaart oder wéi de Sonnestral par rapport zu der Sonn? ¹

95 Eise Kierper an eis Gesondheet

95st Sendung, 22ten a 23te Februar 2002. 1923 koum am Bahá'í Verlag e Buch iwwer de Bahá'í Glawen eraus, „Bahá'u'lláh an dat neit Zeitalter“, zesummege stellt vum Dr. Esslemont. Haut ass d'Buch an 58 Sproochen iwwersat. Hei e puer Gedanken aus dem Buch zum Thema Gesondheet: 'Abdu'l-Bahá seet: Sech Gott zouzewende bréngt Heelung fir de Kierper, de Geescht an d'Séil. De mëschleche Kierper déngt engem zäitbegrenzten Zweck bei der Entwécklung vun der Séil a wann de Kierper hiren Zweck erfëllt huet, gëtt en ofgeluecht. Genee sou wéi bei der Eerscheel, déi bei der Entwécklung vun engem Schippelchen engem zäitlechen Zweck déngt, a wann dësen Zweck erfëllt ass, zerbrécht an ofgeluecht gëtt. De physesche Kierper ass net fäeg zur Onstierflecheet, well en aus Atomen a Molekülen opgebaut ass a wéi all Saachen, déi zesummege sat sinn, sech mat der Zäit opléist. Sou soll de Kierper den Dénger vun der Séil sinn an net hiren Här. De Kierper soll soll mat Rücksicht behandelt ginn. Eis physesch Gesondheet ass genee sou verbonden mat eiser gedanklecher, sittlecher a geeschteger Gesondheet, wéi och mam Wuel vum Einzelnen an der Gemeinschaft vun onse Matmënschen, jo souguer mam Liewe vun den Déieren an de Planzen. An Eent gëtt vun deem anere beaflosst.

'Abdu'l-Bahá seet dass d'Spuersamkeet d'Grundlag vum mëschleche Wuel ass. Verschwendung ass fir jiddereen eng onverzeilech Sënn. Mir duerfen ni op Käschte vun anere liewen. D'Gemitt vun engem zefriddene Mënsch ass ëmmer friddlech a säin Häerz ass roueg.

Iwwer d'Ernährung seet 'Abdu'l-Bahá dass an d'Zukunft d'Ernährung aus Friichten a Getreide bestoe wäert. D'Zäit wäert kommen, wou kee Fleesch méi giess gëtt. D'medezinesch Wëssenschaft stécht eréischt an hire Kannerschong. Trotzdem huet si awer scho gewisen, dass eis natierlech Ernährung an deem besteet wat aus dem Buedem erauswiesst. De Bahá'í Glawe berout op Mäsegung, net Asketentum. Sech de gudden a schéine Saachen am materiellen a geeschtege Liewen ze erfreen ass net nëmmen ugeroden mee eng Pflicht. Loosst iech deem net entgoen, zu deem der erschaf si gitt. An äre Gesichter soll ee Begeeschterung a Freed fannen. Alles wat erschaf gouf, ass fir de Mënsch do, den Höhepunkt vun der Schöpfung, an dofir soll e fir dat wat e kritt, dankbar sinn. All déi materiell Saachen si fir eis do, sou dass mer duerch eis Dankbarkeet léieren, d'Liewen als e göttlecht Geschenk ze verstoen.

Propretéit, obschonn et eppes Stoffleches ass, huet e groussen Afloss op dat Geeschtegt. Wann de Mënsch e propperen a rengen Kierper besëtzt, huet dat genee sou en Afloss op säi Geescht.

Um Wee vun der Krankheitsverhiddung hätten déi relativ einfach hygiesch a sittlech Uweisung vum de groussen Prophete wéi Moses, Buddha, Christus, Mohammed oder Bahá'u'lláh méi bewierkt wéi all d'Dokteren an déi ëffentlech Gesondtheitsvirschrëfte vun der Welt dat hätte kënnen. Souwäit e puer Gedanken zum Thema Kierper a Gesondheet.²

¹ aus enger Uried vum Hār Ali Nakhjavani, August 2001 a Südafrika

² Kapitel 7, BAHÁ'U'LLÁH UND DAS NEUE ZEITALTER J. E. ESSELMONT, BAHÁ'Í-Verlag

96 D'Faaschtenzäit

96t Sendung. Freideg den 1te Mäerz 2002 um 5 vir halwer 7 owes a Samschdes moies den 2te virun 10 Auer. D'Rubrik vun de lëtzebuerger Bahá'í. D'Thema vun haut: D'Faaschtenzäit. Um Mikro de Jean-Marie Nau. Bal all d'Reliounen op der Welt leeë Wäert op d'Faaschten als e Mëttel fir sech spirituellt ze rengen. Sou zum Beispill d'Musulmaner. All Joer, während 28 Deeg, iessen an drénke si näischt nom Sonnenopgank a virum Sonnenënnergank. Sou fanne mer och an der Bibel, an de Kapitele sechs an néng vum Evangelium vum hellegen Mattheus, dass Jesus seet, wéi wichteg d'Faaschten ass.

Bahá'u'lláh, Begrënner vun der Bahá'í Relioun invitéiert d'Bahá'í daagsiwwer, an dat nom Sonnenopgank a bis nom Sonnenënnergank, näischt ze iessen an näischt ze drénken. Dat während 19 Deeg, all Joer, téschent dem 2ten an 20te März. Dës Zäit gëtt einfach d'Faaschtenzäit genannt. Et soll eng Zäit sinn, wou den Einzelnen virun allem méi Zäit fënnt, iwwer säi geeschtege Fortschritt nozedenken. All Bahá'í gëtt sech Méi, sech vu materielle Saache lasszeloossen. Während der Faaschtenzäit ass et dann üblech, dass ee virun Sonnenopgank opsteet fir Kaffi ze drénken an duerno ze bieden. Natierlech muss d'Gesondheet et engem erlaben ze faaschten. Schwanger Frae brauchen net ze faaschten, genau sou wéi Jugendlech ënner 15 Joer oder Leit iwwer 70. D'Faaschten ass och net néideg wann een op der Rees ass oder wann ee schwéier kierperlech schafft. Mee fir e gesonde Mënsch ass d'Faaschten eng wonnerbar Erfahrung, eng Entdeckungsrees zu de Wuerzele vu senger Existenz, eng Rees, vun där ee méi räif a méi geeschteg zrëckkënn.

Wann ee faascht, fënnt een op eemol Zäit, déi een normalerweis mat Iessen an Drénke verbréngt. Et geet u mat der Kaffispaus moies, d'Mëttegiessen natierlech an déi kleng Paus Mëttes. Et ass grad déi sou gewonnen Zäit déi ee kann nützlich mat Meditatioun a Gebiet verbréngen. Frënn an Aarbechtskollege si virwëtzeg firwat een da faascht a wat da Bahá'í eigentlech ass. Déi éischt puer Deeg sinn oft am schwéiersten an da gëtt et méi einfach, an et winnt een sech scho bal drunn.

Mee et ass schonn eng Erausforderung. D'Iessen an d'Drénken kritt och nees vill méi en héije Stelleväert, well een sech wierklech op e Glas Waasser owes freeë kann. Interessant ass och, dass déi puer Deeg virun der Faaschtenzäit, also virum 2te März, besonnesch sinn. D'Bahá'í sinn invitéiert, während deene véier, fënnf Deeg besonnesch frou ze sinn. Oft gi Cadeaue gemaach, et geet een d'Famill a Frënn besichen an et mécht een eppes fir e gudden Zweck. D'Faaschtenzäit hält den 21te Mäerz op. An dat ass d'Bahá'í Neit Joer. Et ass och den Ufank vum Fréijoer. Ofschléissend des Gedanken aus de Bahá'í Schrëften zum Thema Meditatioun: „*Eng Stonn Nodenken ass méi wäert wéi 70 Joer fromm Andacht.*“¹ Bahá'u'lláh seet: „*Versenkt Iech an d'Mier vu Menge Wieder, dass dir hir Geheimnisser ergrënne kënnt an all déi Pärele vu Wäisheet entdecke kënnt, déi an hiren Déifte verbuerge leien.*“² Des Rubrik gouf Iech offréiert vun de lëtzebuerger Bahá'í.

97 Wéi kann ech dat Besch a mir selwer eraushuelen a kultivéieren?

97t Sendung, den 8ten an 9te Mäerz 2002. Dir sidd invitéiert: Hutt Dir iech schonn eemol gefrot; Wéi dir dat Besch aus iech selwer eraushuelen a kultivéiere kënnt? Wéi dir de Sënn vun ärem Liewen opsieren an erfëlle kënnt?

Wéi dir är Kanner zu enger Orientéierung op ethesch Wäerter hin erzéie kënnt? Wéi dir effektiv an harmonesch mat Erwuessenen a Kanner gläichermooes kommunizéiere kënnt? Genau domat beschäftegt sech den Ethik-Atelier an enger Rei vun interessanten an inspiréierende Sessiounen fir Erwuessener. D'Material fir den Atelier liwwert d'Buch: *The family virtues guide, D'Buch vun den Dugenden fir d'ganz Famill*, e kreatiivt a praxisorientéiert Buch zu den ethesche Wäerter am Alldag. Am Atelier gëtt draus gelies an diskutéiert, wéi zum Beispill iwwer Takt, Respekt, Gerechtegkeet, Selbstsicherheit, Héiflechkeet, Mutt a Rücksicht. Zesumme ginn iwwer Beispiller a Situatiounen aus dem Alldag beroden. Doduerch entsteet e Vertrauen mat der Sprooch vun den Dugenden, déi eis Fäegkeet fërdert, e positiven an ermuddegenden Afloss op déi ronderëm eis ze hunn an déi eis selwer bei eiser eegener Ethik ënnerstëtzt. Wann dat iech interesséiert, dat kommt einfach bis laanscht a maacht mat: Dëse Samschdeg, den 9te Mäerz an de Samschdeg drop de 16te Mäerz um 4 Auer an der Stad am Bahá'í Zenter.

Déi, déi sech interesséieren, gi sech zweemol am Mount Rendez-vous, an dat Samschdesmëttes, während de Kannerklassen am Bahá'í Zenter. Duerch den Atelier féiert d'Marion Gottardi. Organiséiert ginn dës Ateliereen vum Familljekomitee vun de lëtzebuerger Bahá'í. Fir iech e bëssen Appetit op dës Ateliereen ze ginn, hei e puer Iddien aus dem Buch: Wie sinn eis Kanner eigentlech wierklech? Déi geeschteg Natur vu Kanner. Wat Kanner sinn a wat se net sinn. Geet Léift aleng dann net duer? Wat sollen d'Elteren da man?

D'Elteren als Erzéier: wéi een erzéierbar Momenter erkenne kann. Wat soll ee maache wann eist Kand eppes wierklech Schlëmme gemaach huet. En Erzéier sinn, kee Priedeger. D'Sprooch vun den Dugenden an d'Kraaft vun

¹ Bahá'u'lláh, *Buch der Gewissheit*, s.157

² Bahá'u'lláh, *Ährenlese*, 70:2

der Sprooch erkennen. Wann eist d’Kand sech net gutt beholl huet, vun deem schwätze wat geschitt ass, net vun deem deen et gemaach huet.

D’Elteren als Autoritéit: kloer Grenze setzen, Familljereegelen opstellen; dem Kand a senge Grenzen verschidde Méiglechkeete ginn. Beispill: Wann et heescht an d’Bett goen, ass et bal eng Topechkeet ze froen: „*Wëlls de an d’Bett goen?*“ Eng Alternativ ass déi hei: „*Karin, Zäit fir an d’Bett. Wëlls de haut d’Geschicht héieren, déi mer gëschter gelies hunn oder eng nei?*“

Zum Thema Disziplin ginn e puer Reegele am Kader vun der Famill proposéiert: Kanner déi léieren, méi verantwortlech ze handeln, kënnen och méi Fräiheet kréien. Wann et ëm d’Sécherheet geet, muss einfach gefollegt ginn. D’Méi vun engem Kand soll ëmmer unerkannt ginn.

98 The family virtues guide, d’Buch vun den Dugende fir d’ganz Famill

98t Sendung, de 15ten a 16te Mäerz 2002. An eiser leschter Emissioun hu mer eis gefrot : Wéi kann ech dat Beschtt aus mir selwer eraushueln a kultivéieren? Wéi ech de Sënn vu mengem Liewen opspieren an erfëlle kann a wéi ech meng Kanner zu enger Orientéierung op ethesch Wäerter hin erzieie kann? Äntwerten op dës Froe kréie mer am Buch: *The family virtues guide, D’Buch vun den Dugende fir d’ganz Famill*, e kreatiivt a praxisorientéiert Buch zu den ethesche Wäerter am Alldag.

Véier grouss Rolle spillen d’Elteren dobäi: als Erzieier, als Autoritéit, als Guide an als Beroder. Als Guide oder een deen de Wee weist kënnen d’Elteren hir praktesch Fäegkeeten a Kenntnisser mat hire Kanner deelen. Sief dat fir an de Garage oder an der Kichen eng Hand unzepaken. Eng wonnerbar Geleeënheet fir d’Kanner ze liewen an eng Plaz wou si hir Talenter a Fäegkeeten entdecke kënnen.

Et ass wichteg dass d’Kanner Geschichten iwwe hir Famill erzielt kréien, sou zum Beispill während dem Iessen. Do sollen si och d’Méiglechkeet hunn, hir eege Geschichten ze erzielen, hir Dreem a Wësch. Engem Kand nolauschteren heescht dass et als eng Persoun respektéiert a geéiert gëtt. Situatiounen wou eppes erzielt gëtt solle benotzt ginn fir zum Beispill déi jeeweileg Dugend a Qualitéit ze fannen.

D’Kanner an d’Elteren sollten sech regelméisseg e bëssen Zäit huelen fir zesummen ze meditieren; eng Zäit zum rouegen Nodenken an zum Gebiet. Ideal dozou sinn ausgewielten Texter aus de Bahá’í Schrëften oder aner hellegen Texter. Duerno soll jiddereen d’Méiglechkeet kréien, ze soen, wéi hien oder hatt déi Zäit zur Besënnung fonnt huet.

Kanner si vun Natur aus mystesch veranlagt. Si schätzen speziell Geleeënheeten a gewësse Ritualer genee sou oder nach méi wéi déi Erwuessen. Den Ufank vun der Pubertéit, de Wiessel vun der Kandheet zum Erwuessene ka vun den Eltere bewosst gefeiert ginn, zum Beispill an deem een hinnen een Owend freien Ausgang gëtt, dat an der Natur fir dat se kënnen iwwe dat nodenken wat an hinne virgeet; oder e spezielle Cadeau fir ervirzehiewen, wéi eng grouss Roll sou Changementer an eisem Liewe spillen.

Et ass wichteg dass mer eise Kanner hëllef kënnen eng Bezéiung opzebauen mat deem, deen eis erschaf huet. Am Buch vun den Dugenden, aus deem déi hei Gedanke kommen gëtt et eng ganz einfach Approche zu Gott, an dat zesumme mat enger Rei vun Dugenden. Gott gëtt beschriwwen als een, deen eis gär huet, een deen nëmmen dat Beschtt fir eis wëll an och dat beschtt vun eis wëll; een deem mir vertraue kënnen an een deen et fäerdeg bréngt, sech ëm eis an eis Problemer ze këmmen. Wa fir eis d’Bezéiung mat Gott eng zentral Roll an eisem Liewe spillt, dann ass et och nëmmen normal dass mer eis Kanner motivéieren geeschteg ze wuessen, an zwar duerch d’däglecht Gebiet, Meditatioun an de Respekt fir d’Natur. Wann dës Themen iech usprieche, da maacht mat am Atelier vum Familljekomitee vun de lëtzebuerger Bahá’í; an dat dës Samschdeg, de 16te Mäerz um véier Auer an der Stad am Bahá’í Zenter. Duerch den Atelier féiert d’Marion Gottardi. Organiséiert ginn dës Ateliere vum Familljekomitee vun de lëtzebuerger Bahá’í.

99 Déi däitsch Bahá’í Internetsäit

99t Sendung, den 22ten an 23te Mäerz 2002. Haut héiert dir eis 99st Sendung um Radio ARA. Dës Woch hunn d’Bahá’í aus aller Welt, Ronn sechs Milliounen, also eng Persoun vun 1000 op der Welt, hiert neit Joer gefeiert. Am Bahá’í Zäitalter ass dat d’Joer 159 wat mam 21ste Mäerz ufänkt, den Ufank vum Fréijor.

Vun Zäit zu Zäit kucken ech am Internet wat et alles Neies gëtt zum Thema Relioun an natierlech iwwe de Bahá’í Glawen. Ech kann iech nëmmen encouragéieren datselwecht ze probéieren. Entweder mat enger Sichmaschinn wéi google oder an deem der einfach eng Address agitt. Sou zum Beispill www.bahai.de fir Däitschland oder www.bahai.lu fir Lëtzebuerg. Do fannt dir normalerweis déi offiziell Säit vun der Bahá’í Gemeng aus dem jeeweilege Land. Op der däitscher Säit huet sech munches verbessert. Sou gëtt et do elo eng flott Säit mat Froen a kuerz Äntwerten. Hei e puer vun dësen Froen an Äntwerten:

Wat ass dat e Bahá'í? Bahá'í nennnen sech déi Mënschen, déi hiert d'Liewen nom Reliounsstëfter Bahá'u'lláh gestalten; genee sou wéi d'Unhänger vum Jesus Christus sech Chrëschte nennnen. Bahá'u'lláh huet vun 1817 bis 1892 gelieft. Haut ginn et ca. 6 Milliounen Bahá'í a liewen an allen Deeler vum der Welt. De Bahá'í Glawen ass déi jénkst Weltrelioun.

Ass d'Bahá'í Relioun eng Sekt vum Islam? Da kann een och froen: Kann d'Chrëschtentum eng Sekt vum Judentum genannt ginn? Gott wäert ni ophalen, sech de Mënschen ze offenbaren. So ass d'Chrëschtentum an der jüddescher Gemeng entstanden, aus jüddesche Wuerzelen. Dat selwecht gëllt och fir de Bahá'í Glawen a seng islamesch Originen. D'Bahá'í Gemengen setzen sech haut aus Leit zesummen, déi aus ganz verschidde reliéisene Traditionen kommen a schaffen zesumme fir eng besser Welt.

Wat ass da besonnesch un der Bahá'í Relioun? De Bahá'í Glawe bekennt sech zu de grondleeënde Wourecht, wéi se vun de Begrënner vun all de grouse Glawensbekenntnisse vum der Welt geléiert goufen. Si hunn all geléiert, dass d'Relioun d'Grundlag vu wierklecher Kultur a reellem Fortschritt ass. Besonnesch ass bei der Bahá'í Relioun, dass si e Plang fir eng Weltuerdnung an eng Weltkultur huet. Hir Institutionen si gëttlecher Natur, well si direkt an den offenbaarte Schrëfte vu Bahá'u'lláh ze fanne sinn. Domat ass et fir eis méi einfach um Weltfridde matzeschaffen.

Eng Fro, déi bei eis oft gestallt gëtt: Wéi steet d'Bahá'í Relioun zum Chrëschtentum? D'Uleies vu Bahá'u'lláh ass genee dat selwecht wéi dat vu Christus. Ass déi selwecht Grundlag. Alle beid si si Fréijorszäiten an Zäite vu séilenerfrëschender Beliewung an d'Ursach vum der Ernierung vum Liewe vum der Mënschheet.

D'Fréijoer vun dësem Joer ass dat selwecht Fréijoer vum Joer virun. D'Originen an d'Ziler sinn déi selwecht. D'Léiere vu Bahá'u'lláh hunn déi selwecht grondleeënd Prinzipien, awer si sinn der Etapp vum der Maturitéit vun eiser mënschlecher Gesellschaft an de Besoine vun eiser Zäitalter ugepasst.

Wéi ginn d'Bahá'í Léieren da verbreet? Well et an der Bahá'í Relioun keng berufflech Geeschtlech oder Enseignante gëtt, léiert jiddereen duerch säi Verhalen a säi Virbild a verbreet sou de Message senger Fäegkeeten no an dat an Zesummenaarbecht mat de jeeweilegen Institutionen. An dësem Zäitalter, wou ëmmer méi Mënschen op der Welt an de Genoss vum Erzéiung a Bildung kommen, ass eng berufflech Geeschtlechkeet, déi fréier déi eenzeg Quell vu reliéisier Beléierung an Ausleeung war, neméi néideg. Alles Guddes a bis d'nächst Woch wënscht iech äre Jean-Marie.

100 Wéi ass d'Bahá'í Relioun entstan?

100t Sendung, den 29ten an 30te Mäerz 2002. D'Bahá'í Relioun huet hiren Ursprung a Persien am Joer 1844. Wichteg ass et fir hei déi dräi zentral Personagen kuerz ze ernimmen. Déi éischt ass de Geschäftsmann Mirza Ali Muhammad. Hien huet sech de Báb, op Lëtzebuergesch eng Dier genannt an huet vun 1819-1850 gelieft. Mat dësem Numm vum enger Dier, enger Paart oder Agank, wollt Hien och den Zweck vu senger Missioun ervirhiewen; anzwar de Wee virzebereeden. A senger Léieren huet Hie verkënnegt, dass no sengem Doud den Erzéier vum der ganzer Mënschheet erschéngt géif. No sechs Joer ass Hien als Märtyrer de 9te Juli 1850 gestuewen.

Déi eigentlech Zentralfigur ass Bahá'u'lláh. Säi Gebuertsnumm ass Mirza Husayn Ali an Hien huet vun 1817-1892 gelieft. 1863 huet Hien ëffentlech erkläert, dass Hien dee wär, deen an allen hellege Bicher propheetzeit gouf. An Him gesinn d'Bahá'í d'Verkierperung vun dëse Propheetzeiungen an och d'Zréckkomme vu Christus „an der Herrlechkeet vum Papp“.

Un drëtter Stell ass Abbas Effendi, dee vun 1844-1921 gelieft huet. Et ass deen eelste Jong vu Bahá'u'lláh a säin Titel ass 'Abdu'l-Bahá, wat souvill heescht wéi Dénger vu Bahá'u'lláh. Mat néng Joer scho gouf Hien zesumme mat sengem Papp aus sengem Land verbannt. No enger Gefaangeschaft wéinst sengem Glawe vu méi wéi fofzeg Joer, ass hien an der Welt gereest fir Virträg iwwer de Glawe vu sengem Papp ze halen. An dat an Afrika, Europa a Nordamerika. Säi Liewen als Bahá'í war beispillhaft an d'Geschicht vu sengem Liewen kaptivéiert haut d'Häerzer an de Verstand vu Milliounen. Ëmmer erëm ginn nei Bicher iwwer säi Liewe verëffentlecht an Historiker studéiere säi Liewen an den Universiteiten.

A sengem Testament huet Hie säin Enkel Shoghi Effendi zum Hidder vum Bahá'í Glawen ernannt, der héchster Autoritéit vun de Bahá'í. Shoghi Effendi ass 1957 gestuewen. No de Verfüegunge vun de Schrëfte vu Bahá'u'lláh, dem Begrënner, gouf dunn dat éischt „Universaalt Haus vun der Gerechtegkeet“ gewielt; Un dëser Wal hu sech déi national Kierperschafte bedeelegt, an dat aus allen Deeler vum der Welt. Dëst héchst Verwaltungskierperschaft vum Glawen huet hire Sëtz zu Haifa an Israel. Déi national Kierperschaft zu Lëtzebuerg huet hire Sëtz am Bahá'í Zenter an der Stad, an dat an der Allée Léopold Goebel. Dir fannt Bahá'í am Telefonsbuch an um Internet ënnert www.bahai.lu.

101 Geschicht: De Kinnek a seng véier Fraen

101t Sendung, de 5ten a 6ten Abrëll 2002. Haut hunn ech eng Geschicht fir Iech. Ech hu se an de Bahá'í Neiegkeete vu Nice op der Côte d'Azur fonnt: Et war eemol e Kinnek deen hat véier Fraen mat deenen hie bestuet war. Déi véiert Fra war déi mat där hien am meeschte frou war a fir déi hien alles gemaach hätt. Seng drëtt Fra hat hien och ganz gär. Mat hir ass hien oft a friem Länner gereest, mee hien huet awer missen op si oppassen an hien huet gefaart dass si hie géing vläicht fir en anere Mann verloossen. Seng zweet Fra war immens léif a war ëmmer fir hien do wann hie si gebrauch huet oder wann hien a Schwieregkeete war. Wat elo seng éischt Fra ubelaangt, sou huet de Kinnek si komplett ignoréiert, obscho si hie vu ganzem Häerze gär hat. Enges Daags ass de Kinnek schwéier krank ginn an hie wosst dass hie gläich huet misse stierwen. Deen Dag ass et him bewosst ginn, dass obschonns hien e Liewe vu Luxus a Räichtum hat an dat mat senge véier Fraen, hie sech dach awer op eemol ganz aleng géif erëmfannen. Dorops hinn huet hie seng véiert Fra geruff an hir gesot: „*Dech hat ech iwwer alles gär, hunn dir déi schéinste Kleeder geschenkt an déi deierst Diamanten. Wëlls du elo mat mir kommen, elo wou ech stierwen?*“ „*Dat kënnt guer net a Fro, huet si geäntwert, éier si séier fort war*». Dës Äntwert war fir de Kinnek wéi e Messerstach an d'Häerz. Zu déifst traureg huet hien du seng drëtt Fra gefrot: „*Dech hat ech mäi ganz Liewe gär, wëlls du elo mat mir goen, elo wou ech stierwen?*“ „*Nee*“ huet si geäntwert, „*d'Liewen ass einfach ze vill schéin, ech wëll dës Geleeënheet notze fir mech erëm ze bestueden*“. Dem Kinnek säin Häerz ass lues e lues ëmmer méi kal an traureg ginn. Also stellt hie senger zweeter Fra déi selwecht Fro: „*Du wars ëmmer do wann ech dech gebraucht hunn, wëlls du elo mat mir goen, elo wou ech stierwen?*“ „*Et deet mir leed, sot si, dat eenzeg wat ech maache kann, ass mat dir bis bei däi Graf goen.*» Total fäerdeg an um Buedem héiert de Kinnek eng Stëmm, déi him seet: „*Ech, ech gi mat der, ech ginn do wou s du geess*“. Hien huet eropgekuckt an huet seng éischt Fra gesinn, sou goureg dass een d'Rëpper ziele konnt. Hie war sou traureg wéi e seng Fra esou gesinn huet an et huet him sou leed gedoen, dass hie sech net besser ëm si gekëmmert huet.

D'Moral vun der Geschicht: An eisem Liewen hu mir och 4 Fraen: Déi véiert ass eise Kierper. Obscho mir him all eis Zäit an Energie ginn, loosse mir en awer hei wa mir stierwen. Déi drëtt, dat sinn all eis materiell Saachen, eise Rang an der Gesellschaft an eist Geld. Och si verschwanne ganz séier. Déi zweet ass eis Famill an eis Frënn. Obscho si eis trei sinn, kënnen si eis am beschte Fall nëmme bis mat op eist d'Graf begleeden. Awer déi éischt, dat ass eis Séil, déi, déi mir sou oft vernoléisegen. An awer ass si déi eenzeg déi iwwerall mat eis geet an ëmmer bei eis bleift. Duerfir solle mir eis gutt ëm si bekëmmern, si kultivéieren, hir ze iesse ginn, si stäerken, si schätzen, sou laang nach Zäit ass! Dass si dach ewéi 1000 Feiere blénkt an d'Liewe vun deenen aneren mat Liicht fëllt!

102 Wëssenschaft a Moral

102t Sendung, den 12ten an 13ten Abrëll 2002. D'international Bahá'ícommunautéit huet eng flott Internetsäit mat Neiegkeeten aus aller Welt. Dir fannt de Site ënnert: www.bahaiworldnews.org.

Hei eng vun de leschten Neiegkeeten: Eng eenzegaarteg Konferenz zu London ënnersicht den Zesammenhang tëschent der Wëssenschaft an der Moral. Gëtt et eng wëssenschaftlech Basis fir d'Moral? Gëtt et an eisem Gehir eng Plaz wou d'Kapazität fir Moral ass? Dat ware just zwou vun de Froen, déi eis zum Iwerleeën urenge an dat op der Konferenz mam Thema *Wëssenschaft a Moral*, den 8ten an 9te Februar zu London.

D'Konferenz gouf vum Chirurg Graham Walker organiséiert an dat am Royal College of Physicians, Regents Park. „*Iwwerall wou een hikuckt, no bannen oder no baussen, fënnt ee Konflikt, a meeschtens wéinst der moralescher Villfaltegkeet. Eng Villfaltegkeet vu moralesche Wäerter, déi doduerch entsteet well mer d'Liewe mat all senge Problemer aus verschidde Perspektive gesinn, sief et wéinst der Kultur aus der mer kommen, sief et wéinst der Relioun mat där mer opgewuess sinn oder sief et wéinst eisem Alter.*“ So sot den Dr Walker, e renoméierten Kapp an Halschirurg an e Member vun der Bahá'ígemeng. Fir dass mer dës Konflikt eliminéiere kënnen, musse mer fir d'éischt eng gemeinsam Basis fannen.

Iwwer 60 Delegéiert, déi medezinesch, wëssenschaftlech a philosophesch Disziplinen vertrieeden, hunn un der Konferenz deelgeholl. Ënnert de Konferenzieren waren den Ian Craig, e weltrenoméierte Spezialist an der Zyklogenetik vum Psychiatreschen Institut zu London, d'Baroness Susan Greenfield, eng Professorin vun der Neuropsychopharmakologie op der Uni zu Oxford, den Hossein Danesh, Psychiatrieprofessor a Prääsident vun der internationaler Uni zu Landegg an der Schwäiz.

D'Konferenz war historiesch well se weltwäit respektéiert Wëssenschaftler a Philosophen zesummebruecht huet, fir op eng éierlech, offen a frëndlech Aart a Weis no de biologeschen, psychologieschen a soziale Faktoren ze sichen, déi anscheinend fir eng gesond moralesch Entwécklung verantwortlech sinn.

Am Mëttelpunkt vun der Konferenz huet den Dr Danesch d'Relatioun vun der Wëssenschaft, der Relioun an der Ethik behandelt. Seng Thèse ass déi dass d'Mënschheet amgaang ass vun enger op sech selwer zentréierter,

iwwerliewensorientéierter Basis zu enger friddlech orientéierter Zukunft histéiert. Vu dass jiddereen an all Gesellschaft engem universale Gesetz vun Entwécklung a Progrès ënnerworfen ass, ass et eis méiglech, dräi Opfaassung vum der Welt ze erkennen, déi méi oder manner an all mënschleche Gesellschaften präsent sinn. Dës Opfaassung vum der Welt spigelt dräi Phasen an der Entwécklung vum Eenzelnen a vun der Gesellschaft erëm: eng Phase vum Iwwerliewen; eng Phase vun der Identitéit an eng Phase wou de Fridde am Mëttelpunkt vun der Weltopfaassung steet.

D'Thèse vun der Baronin Greenfield huet zu villen Diskussiounen ugereegt. Si mengt dass et keng spezifesch Plaz am Gehir gëtt wou sech d'Kapazitéit zur Moral befënnt, mee dass et éischer mat Liewenserfahrungen a Genetik ze dinn huet.

Den Dr. Walker sot dass hien dës Konferenz organiséiert huet well hien de Bahá'í Glawe praktizéiert. Obschonn den Zesammenhang vu Relioun a Wëssenschaft net eenzegaarteg am Bahá'í Glawen ass, ass et trotzdem e staarke Grondsatz. A wann et wierklech en Zesammenhang tëscht Wëssenschaft a Relioun gëtt, da gehéieren dozou och Konzepter wéi Spiritualitéit an Moral, ee vun den Haaptstücker vun der Relioun.

103 Ëffentlech Unerkennung vum Glawen

103t Sendung, den 19ten an 20ten Abrëll 2002. Dëse Weekend feiere Bahá'í iwwerall op der Welt d'Deklaratioun vun hirem Begrënner, Bahá'u'lláh, an dat all Joer, den 21sten Abrëll. E Mount virun, den 21ste Mäerz hu sechs Milliounen Bahá'í hiert neit Joer gefeiert. Ëmmer méi interesséiert d'Ëffentlechkeet sech fir dat wat d'Bahá'ícommunautéit an der Welt mécht. Hei elo puer Beispiller vun ëffentlecher Unerkennung bei eis an Europa: Aus Uleies vum Bahá'í Neie Joer huet de britesche Premier Tony Blair de Bahá'í a Groussbritannien dëse Message geschéckt:

« J'ai une vision claire d'une Grande-Bretagne multiculturelle dans laquelle la contribution de chaque Communauté ethnique, culturelle et religieuse sera mise en valeur. Je suis déterminé à faire en sorte qu'il y ait une société vraiment dynamique, dans laquelle des peuples d'origine ethnique, culturelle et religieuse différente puissent vivre et travailler ensemble, tout en conservant leur identité distinctive, dans une atmosphère de respect et de compréhension mutuels.

Les Bahá'is britanniques font une contribution significative dans le sens de la réalisation de cette vision et, grâce à cela, nous sommes un pays plus fort et meilleur. Il est particulièrement important que nous célébrions la contribution de la Foi Bahá'ie à la stabilité et à la prospérité de la Société britannique tout entière.

Je suis extrêmement encouragé par la vision de la Communauté Bahá'ie qui reconnaît le pouvoir du dialogue inter-religieux et l'importance que tous les citoyens puissent faire épanouir leur potentialité.

Votre Communauté a une vitalité qui a été bien démontrée par l'inauguration récente des Jardins Bahá'is sur le Mont Carmel [en Terre Sainte]. C'est un remarquable témoignage de votre foi ! » [Signé :] Tony BLAIR

An Nordirland huet de Premier David Trimble a säin Deputy de Mark Durkan de Bahá'í dëse Message geschéckt :

Message from the First Minister and Deputy First Minister: *We are committed to the development of a fair, equal and inclusive society in Northern Ireland, where all the people in Northern Ireland, regardless of their race or religion, live and work peacefully side by side in an atmosphere of mutual respect and understanding. We believe that this vision sits well alongside the Baha'i belief that humanity is one single family. We congratulate you on the contribution the Baha'i community has made through activities, your participation in initiatives such as the Northern Ireland Inter-Faith Forum and interaction with local community and voluntary groups, which will help the people of Northern Ireland make this vision a reality. We wish you well on the occasion of the Baha'i New Year and look forward to working alongside the Baha'i community in the future as we all strive to achieve our shared vision of a better society for all the people in Northern Ireland.*

[signed] Rt Hon David Trimble MP MLA [signed] Mark Durkan MLA

Bei eis am Familljeministère huet d'Familljeministesch d'Madame Marie Josée Jacobs d'Union luxembourgeoise des Femmes Bahá'ies empfaang fir hinne merci ze soe fir d'Donation vun engem Collage vun hirem Stand bei der Feier vum internationalem Joer vum Bénévolat. Dëst Konschtwierk huet elo seng Plaz am Familljeministère fonnt a gouf virdrunn am Bahá'í Zenter versteigert an dat fir eng Schoul an Tanzania, engem Projet dee vun der Unity Foundation an dem Kooperationsministère ënnerstëtzt gëtt.

Réception au Ministère de la Famille : Le 25 mars dernier, Madame Marie Josée Jacobs, ministre de la Famille, de la Jeunesse et de la Promotion féminine avait invité l'Union Luxembourgeoise des Femmes Baha'ies à une réception pour la remercier de la donation d'un collage créé par une artiste non baha'ie et réalisé avec le concours

de nombreuses personnes qui avaient visité le stand de l'Union Luxembourgeoise des Femmes Baha'ies lors de la célébration de clôture de l'Année internationale du Bénévolat.

Cette œuvre d'art, qui a trouvé sa place au Ministère de la Famille, a été au préalable vendue aux enchères au Centre baha'i au profit de l'Ecole Ruaha en Tanzanie, projet soutenu par Unity Foundation en coopération avec le Ministère de la Coopération.

Lors de la réception Madame Marie Josée Jacobs soulignait les activités des femmes bahá'íes et la bonne relation qui existe entre son Ministère et les femmes bahá'íes. En présence de quelque dix journalistes, elle exprimait son souhait que cette bonne relation puisse continuer à l'avenir. La réception a été mentionnée dans trois des principaux journaux, dont le Luxemburger Wort et a conduit à un reportage de six minutes par RTL télévision de notre communauté, qui a été diffusé lors de nouvelles du soir et rediffusé six fois par la suite. Suite à cette diffusion le secrétariat a reçu par email des questions concernant notre communauté.¹

104 D'Ofschafung vu rassescher Diskriminatioun, Deel 1/2

104t Sendung, de 26ten a 27ten Abrëll 2002. Méi wéi jee ass d'Ofschafung vu rassescher Diskriminatioun en Zil dat eis all soll um Häerz leien. D'Veereenten Natiounen hunn den 21ste Mäerz als en internationalen Dag fir d'Ofschafung vu rassescher Diskriminatioun gewielt. Aus deem Uleies huet déi international Bahá'ígengeng eng Deklaratioun zum Thema erausginn. Si gouf der Madame Mary Robinson presentéiert, déi Kommissär fir d'Mënscherechter ass. Hei elo fir iech den éischten Deel vun dëser Deklaratioun.

Le rassemblement des peuples du monde dans une relation harmonieuse et créative est le besoin crucial de l'heure actuelle. Suite aux avancées des connaissances humaines qui ont approfondi les liens d'interdépendance et contracté la planète, la principale tâche qu'affronte maintenant tous ses habitants consiste à jeter les bases d'une société mondiale capable de refléter l'unicité de la nature humaine. La création d'une telle culture universelle de collaboration et de conciliation nécessitera un retour à la conscience spirituelle et à la responsabilité.

Il y a plus d'un siècle, Bahá'u'lláh a affirmé que l'humanité entrait dans une nouvelle ère de son histoire pendant laquelle les processus accélérateurs de l'unification obligerait tout le monde à reconnaître que l'humanité est un seul peuple avec un destin commun. En faisant appel à l'humanité pour qu'elle accepte la vérité centrale de son unicité, et mettre de côté les barrières de race, de religion et de nationalité qui ont été les principales causes des conflits au cours de l'histoire, Bahá'u'lláh nous exhorte : "[...] ne vous regardez donc plus comme des étrangers. Vous êtes les fruits d'un même arbre, les feuilles d'une même branche." Il n'y a, dit-il, aucune possibilité de réaliser la paix mondiale tant que le principe fondamental d'unité n'a pas été accepté et mis en pratique dans l'organisation de la société : "*Le bien-être de l'humanité, sa paix et sa sécurité ne pourront être obtenus si son unité n'est pas fermement établie.*" Et "*Que vos relations avec vos semblables soient toujours empreintes d'amour et d'harmonie, de l'esprit le plus amical et le plus fraternel [...]* Si puissante est la lumière d'unité qu'elle peut illuminer toute la terre."

L'unité qui doit étayer un ordre social paisible et juste est une unité qui embrasse et honore la diversité. L'unicité et la diversité se complètent et sont inséparables. Le fait que la conscience humaine fonctionne obligatoirement à travers une diversité infinie d'esprits et de motivations ne diminue en rien son unité essentielle. En effet, c'est précisément une diversité inhérente qui distingue l'unité de l'homogénéité ou de l'uniformité. L'acceptation du concept de l'unité dans la diversité implique donc le développement d'une conscience globale, d'un sens de la citoyenneté mondiale, et d'un amour pour toute l'humanité. Elle incite chaque individu à se rendre compte que, étant donné que le corps de l'humanité est un et indivisible, chaque membre de la race humaine est né dans le monde comme gage de l'ensemble. Elle suggère d'ailleurs que, si une communauté internationale pacifique doit apparaître, alors il y a lieu de permettre aux expressions culturelles complexes et variées de l'humanité de se développer et de s'épanouir, aussi bien que d'interagir les unes avec les autres dans des modèles de civilisation en constante transformation. "*Les différences au sein de la famille humaine devraient être la cause de l'amour et de l'harmonie, de même qu'en musique, l'accord parfait résulte de la résonance simultanée d'un grand nombre de notes différentes.*"

De ce principe fondamental de l'unité des peuples du monde sont nés presque tous les concepts concernant la liberté et le bien-être humains. Si la race humaine est une, il y a lieu de rejeter toute idée qu'un groupe racial, ethnique ou national quelconque est d'une manière ou une autre supérieur au reste de l'humanité; la société doit réorganiser sa vie pour donner une expression pratique au principe d'égalité pour tous ses membres sans égard à la couleur, à la croyance ou au genre; et il y a lieu d'accorder à tous les individus l'occasion de réaliser leur potentiel inhérent et de contribuer ainsi à "*l'amélioration de la civilisation*".

¹ Extrait d'un rapport du Bureau d'information

Souwäit zum éischten Deel vun dëser Deklaratioun vun der internationaler Bahá'ícommunautéit zum Dag vun der Ofschafung vu rassischer Diskriminatioun.

105 D'Ofschafung vu rassischer Diskriminatioun, Deel 2/2

105t Sendung, den 3ten a 4te Mee 2002. Méi wéi jee ass d'Ofschafung vu rassischer Diskriminatioun en Zil dat eis all soll um Häerz leien. D'Veeenten Natiounen hunn den 21ste Mäerz als en internationalen Dag fir d'Ofschafung vu rassischer Diskriminatioun gewielt. Aus deem Uleies huet déi international Bahá'ígengeng Deklaratioun zum Thema erausginn. Si gouf der Madame Mary Robinson presentéiert, déi Kommissär fir d'Mënscherechter ass. Hei elo fir iech den zweeten Deel vun dëser Deklaratioun.

Pendant trop longtemps dans l'histoire, le mal du racisme a violé la dignité humaine. Son influence a retardé le développement de ses victimes, corrompu ses auteurs et anéanti le progrès humain. Des efforts conscients, délibérés et soutenus seront nécessaires pour surmonter ses effets dévastateurs. En effet, rien de moins qu'un amour réel, une patience extrême, une vraie humilité et une réflexion dans une attitude de prière réussiront à libérer les relations humaines de sa tache pernicieuse. *"Fermez vos yeux aux différences raciales et souhaitez la bienvenue à tous à la lumière de l'unicité."*, voici le conseil de Bahá'u'lláh.

Il est clair que la promotion de la tolérance et de l'entente réciproque parmi les différents groupes humains ne constitue pas un simple exercice passif de rhétorique. Il y a lieu d'affronter toutes les formes de provincialisme, toutes les étroitures d'esprit et tous les préjugés. La mise en application de mesures juridiques appropriées qui protègent les droits et chances de tous, et l'adoption d'initiatives éducatives qui favorisent la solidarité humaine et la citoyenneté mondiale devraient être parmi les premières mesures pratiques adoptées par toutes les nations.

La direction morale qu'offrent les communautés religieuses devrait sans doute être un élément-clé de tout effort de ce genre. Cependant, pour assurer un rôle constructif à la religion, les adeptes de toutes les religions devraient reconnaître les conflits et les souffrances causés par ceux qui se sont approprié les symboles et instruments de la religion en vue de fins personnelles égoïstes. Le fanatisme et les conflits empoisonnent les puits de la tolérance et représentent des expressions corrompues des vraies valeurs religieuses. Le défi qu'affrontent tous les chefs religieux consiste à contempler, le cœur rempli de compassion et de soif de vérité, la situation critique de l'humanité, et à se demander si, en toute humilité devant leur Créateur Tout-Puissant, ils ne pourraient pas effacer leurs différences théologiques dans un esprit de tolérance réciproque afin de leur permettre de collaborer à l'avancement de la justice sociale et à la paix. Dans son exhortation à "observer la tolérance et la justice", Bahá'u'lláh affirme qu'il est possible à la fois de croire en Dieu et d'être tolérant.

Le chemin conduisant à l'unité et à la réconciliation est le seul qui se présente à la famille humaine. Un monde dans lequel toutes les nations, races, croyances et classes sociales sont unies étroitement et de façon permanente n'est pas une vision utopique mais une nécessité inévitable et vitale.

"Illuminez et sanctifiez vos cœurs." conseille Bahá'u'lláh, *"Ne permettez pas qu'ils soient profanés par les épines de la haine et les ronces de la malice. Vous êtes, tous, les habitants d'un même monde et vous avez été créés d'une même volonté. Béni celui qui se mêle à tous ses semblables dans un esprit de parfaite bonté et d'amour [...]."*

Souwäit zum zweeten a leschten Deel vun dëser Deklaratioun vun der internationaler Bahá'ícommunautéit zum Dag vun der Ofschafung vu rassischer Diskriminatioun.

106 Invitée D'Esther Zana-Nau, L'union européenne (op franséisch)

107 Invitée D'Esther Zana-Nau, L'union européenne, suite (op franséisch)

108 Buchvirstellung: Eenheet an der Villfalt, Deel 1/4

108t Sendung, de 24ten a 25te Mee 2002. An den nächsten Emissiounen héiert dir Bahá'í Zitater iwwer eng Rei Froen, déi all Mënsch sech fréier oder spéider eng Kéier stellt. Dës Theme kommen aus dem Buch: *Eenheet an der Villfalt, Déi eng Wourecht an de Schrëfte vun alle Reliounen*, erausginn vun engem Inder, O.P. Gai a mat engem Virwuert vum Franz Alt.

Aktiivt Liewen: *„Ihr seid die Bäume Meines Gartens. Ihr müßt gute und köstliche Früchte tragen, damit sie euch und anderen nützen. Darum ist es jedermanns Pflicht, sich einem Handwerk oder Beruf zu widmen, denn darin liegt das Geheimnis des Wohlstandes, o ihr Einsichtigen!“*

Opriichtegkeet: *„Ebenso geziemt es den Geliebten Gottes, mit ihren Mitmenschen nachsichtig zu sein, von allen Dingen so geheiligt und gelöst zu sein und solche Aufrichtigkeit und Redlichkeit aufzuweisen, dass alle Völker der Erde sie als die Treuhänder Gottes unter den Menschen anerkennen.“*

Bridderlechkeet: „Er, der euer Herr ist, der Allerbarmer, hegt in Seinem Herzen die Sehnsucht, das ganze Menschengeschlecht als eine Seele und einen Körper zu sehen.“

Courage: „Löse deine Zunge, und um des Gedenkens an deinen barmherzigen Herrn willen verkünde die Wahrheit. Fürchte dich vor niemandem, setze dein ganzes Vertrauen in Gott, den Allmächtigen, den Allwissenden.“

Famill: „Und erhaben über jede andere Verbindung ist die Verbindung der Menschen miteinander, besonders wenn sie in der Liebe Gottes zustandekommt. So wird die Ureinheit sichtbar, so wird die Grundlage der Liebe im Geiste gelegt.“

Fräigebigkeit: „Sei freigebig im Glück und dankbar im Unglück. Sei des Vertrauens deines Nächsten wert und schaue hellen und freundlichen Auges auf ihn. Sei ein Schatz dem Armen, ein Mahner dem Reichen, eine Antwort auf den Schrei des Bedrückten.“

Fräiheet vun Ierger: „Werdet niemals aufeinander böse. Liebet die Geschöpfe um Gottes willen und nicht um ihrer selbst willen. Ihr werdet niemals böse oder ungeduldig werden, wenn ihr sie um Gottes willen liebt.“

Fräiheet vun Haass: „Der Hauptzweck, der den Glauben Gottes und Seine Religion beseelt, ist, das Wohl des Menschengeschlechts zu sichern, seine Einheit zu fördern und den Geist der Liebe und Verbundenheit unter den Menschen zu pflegen. Lasst sie nicht zur Quelle der Uneinigkeit und der Zwietracht, des Hasses und der Feindschaft werden.“

Fräiheet vun Iwwel: „Höre nichts Schlechtes und sieh nichts Schlechtes, erniedrige dich nicht, und klage nicht! Sprich nichts Schlechtes, auf daß du nichts Schlechtes hörest, und vergrößere die Fehler anderer nicht, damit deine eigenen Fehler nicht groß erscheinen. Wünsche nicht die Erniedrigung eines anderen, damit deine eigene Niedrigkeit nicht offenkundig werde. Verbringe alsdann die Tage deines Lebens, die weniger sind als ein flüchtiger Augenblick, mit makellosem Gemüt, unbeflecktem Herzen, reinen Gedanken und geheiligtem Wesen, damit du die irdische Hülle frei und zufrieden ablegen mögest.“

[109 Invitée D'Esther Zana-Nau, La foi bahá'ie, une utopie ? \(op français\)](#)

[110 Invitée D'Esther Zana-Nau, La vision de la foi bahá'ie \(op français\)](#)

[111 Oppene Bréif un d'reliéis Leadere vun der Welt](#)

111t Sendung, de 14ten a 15te Juni 2002. Viru kuerzem huet den héchste Bahá'í Gremium en offene Bréif un all d'reliéis Leadere vun der Welt adresséiert. Hei zu Lëtzebuerg huet den Nationale Rot vun de Bahá'í vu Lëtzebuerg de reliéise Leader de Message iwwerreecht. De Bréif ass zugläich en Encouragement an eng Warnung. Zwou vun deene gréisste Geforen där d'Welt haut ausgesat ass ginn hei ervirgehuewen: an zwar Haass aus reliéisen Ursachen a Fanatismus. D'Leadere vu Glawensrichtungen ginn opgeruff duerch hiert eegent Beispill, ze weisen, dass si sech honnertpronzeteg fir d'Ausrottung vu reliéisem Konflikt a Gewalt asetzen.

An dësem Communiqué gëtt drop higewisen, dass déi wesentlech Eenheet vun der Mënschheet gréisstendeels akzeptéiert gëtt als Basis fir internationaalt Recht an als Norm mat där d'Behuelen an d'Verhale vu Mënschen a Regierungen jugéiert gëtt.

An der Relioun ass et awer anescht. Do ginn nach ëmmer Trennungen vill ze genee gemaach. Den héchste Gremium am Bahá'í Glawe fuerdert déi reliéis Leaderen dozou op, méi wéi jee den Dialog tëschent de Reliounen ze stäerken an dat mat voll Vertrauen a Gewëssenheet; a virun allem ginn all Glawensrichtungen opgefuerdert Gemeinsamkeeten ënnereneen ze fannen a Communautéiten zesummenzebréngen.

Wann dat net gemaach gëtt ass d'Alternativ kloer an onauswäichlech: wann d'Aarbecht tëschent de Reliounen leie bleift, wäerte mer méi Virurteeler, méi Haass a méi Gewalt gesinn, déi Gemeinschaften a Gesellschaften auserneerappt.

Et ass derwäert dräi Elementer aus dëser Noriicht ervirzesträichen: Relioun huet eng wonnerbar Kraaft, mënschlecht Verhalen ze motivéieren, obschonn een sech muss bewusst sinn, dass dës Kraaft genee sou gutt fi Guddes oder Schlechtes ka benotzt ginn.

Eng däitlech a kloer Warnung géint reliéisen Extremismus an de Wonsch vun enger Relioun oder Gemeinschaft, Finalitéit oder de Monopol vu reliéisem Wourecht wëllen ze hunn. Däaraarteg Uspréich bewierken näischt anescht wéi batter Virurteeler an Haass tëschent de Leit a féieren zu Gewalt.

Den héchste Gremium am Bahá'í Glawen encouragéiert d'Leadere vun de grouse Reliounen eng Konklusioun ze akzeptéieren, déi Hand an Hand mat deem geet, wat zënter Joerzéngten an der Aarbecht tëschent de Reliounen gemaach gouf: datt den Ursprung vun all de grouse Reliounen dee selwechten ass. Aus enger Bahá'í Perspektiv ass dat eng onauswäichlech Wourecht. Wa mer unerkennen, dass ee geeschtege Wäert an all de grouse Reliounen op

der Welt fanne kann, wou all Relioun léiert, dass et nëmmen ee Gott gött, kann een net zugläicher Zäit akzeptéieren, dass si vu verschiddene Gëtter inspiréiert sinn.

Dëse Bréif insistéiert um Fait dass dee selwechte göttlechen Ursprung bei alle Reliounen ze fannen ass.

D'Ënnerscheeder sinn doduerch entstanen, well d'Reliounen a verschiddene Kulturen, zu verschidden Zäiten an a verschidde Gesellschaften ervirkoumen. Jiddereng vun hir bréngt eng eenzegaarteg Perspektiv zu der mënschlecher Spiritualitéit mat sech, jiddereng gött eis verschidde Forme Gott unzibieden an eis Spiritualitéit ze entdecken. Jiddereng ass vu Gott inspiréiert an am Häerz vun all de Reliounen ass nëmmen ee Gott.

112 Buchvirstellung: Eenheet an der Villfalt, Deel 2/4

112t Sendung, den 21ten an 22te Juni 2002. Fräiheet vu Roserei: *»Ich heiße euch alle und jeden von euch, alles, was ihr im Herzen habt, auf Liebe und Einigkeit zu richten. ... Ein Haßgedanke muß durch einen mächtigeren Gedanken der Liebe vernichtet werden. «*

Frënn: *„Ihr seid die Früchte eines Baumes und die Blätter eines Zweiges. Verkehrt miteinander in inniger Liebe und Eintracht, in Freundschaft und Verbundenheit.“*

Fridden: *„Die ganze Welt muß als ein einziges Land betrachtet werden, alle Völker als ein Volk und alle Menschen als Angehörige einer Rasse. Religionen, Rassen und Nationen sind alle nur Trennungen, die der Mensch gemacht hat, und nur in seinem Denken nötig. ...Für ihn gibt es nur eine Schöpfung. Wir müssen Gott gehorchen und danach streben, ihm zu folgen, indem wir alle unsere Vorurteile hinwegtun und der Erde Frieden bringen.“*

Direction divine: *« Quiconque suivra le chemin de la direction divine et s'efforcera de s'élever jusqu'aux sommets de la vertu parviendra à ce sublime et glorieux état. Fût-il à mille lieues de distance, il percevra le parfum de Dieu et verra nettement se lever, au-dessus de l'étoile du matin de toutes choses, la resplendissante aurore de la direction divine. »*

Gerechtegheet: *« O fils de l'esprit ! A mes yeux, ce que j'aime par-dessus tout est la justice; ne t'en écarter pas si c'est moi que tu désires, et ne la néglige pas afin que je puisse me fier à toi. Par elle, tu pourras voir par tes propres yeux et non par ceux des autres, et tu pourras comprendre par ton propre savoir et non par celui du prochain. Pèse bien ceci : comment dois-tu être? »*

Gléck: *« De leur rigoureuse observance ont toujours dépendu et continueront de dépendre la distinction suprême de l'homme, son réel avancement et sa victoire finale. Quiconque garde les commandements de Dieu obtiendra le bonheur éternel. »*

D'golde Reegel: *« Si ton regard se tourne vers la pitié, renonce aux choses qui te profitent et attache-toi à celles qui profiteront à l'humanité ; et si tes yeux se tournent vers la justice alors choisis pour ton voisin ce que tu désirerais pour toi-même. »*

Gutt Aktiounen: *« Si les hommes se rendaient compte de l'éminence de leur rang et de la noblesse de leur destinée, ils ne feraient montrer de rien d'autre que d'un aimable caractère, d'actions pures et d'une conduite convenable et digne de louanges. Si ceux qui sont de bonne volonté parmi les érudits et les sages venaient à orienter les hommes, toute la terre serait considérée comme un seul pays. »*

D'Heem: *« Ma maison est un foyer de paix ! Mon foyer est la maison du délice et de la joie ! Ma maison est la maison du rire et de l'exaltation. Quiconque en franchit le seuil doit s'en retourner le cœur rempli de joie. »*

113 Buchvirstellung: Eenheet an der Villfalt, Deel 3/4

113t Sendung, den 28ten an 29te Juni 2002. Elo e puer Extraiten zu den Themen Ënnerlech Erneierung – d'Kraaft vum Glawen – de Krich – d'Liewen no dem Doud – d'Léift – d'Meditatioun an de Mënsch.

Zur ënnerlecher Erneierung soen d'Bahá'í Schrëften: *„Gott – erhaben sei Seine Herrlichkeit – wünscht nicht die Demütigung Seiner Diener. Wahrlich, Er ist der Mitleidvolle, der Barmherzige. Allein mit Gott sollte der Sünder um Erbarmen aus dem Meer des Erbarmens, um Vergebung aus dem Himmel der Grossmut flehen.“*

Zur Kraaft vum Glawen soen d'Bahá'í Schrëften: *„Sou ass et kloer an däitlech, dass all Propheten Tempele vun der Saach Gottes sinn, déi a verschiddener Truecht erschéngen. Wann s de gutt kucks, wäert s de gesinn, dass si all am selwechten Hellegum wunnen, dass si sech zum selwechten Himmel erophiewen, op deem selwechten Troun sëtzen, déi selwecht Sprooch schwätzen an dee selwechte Glawe verkënnegen.“*

Iwwer de Krich soen d'Bahá'í Schrëften: *„Vun all objektiwem Standpunkt aus betruecht ass de Fridden tëschent de Vëlker eng Noutwendegheet an e Gebot. Gott huet d'Äerd erschaf an eng Mënschheet fir drop ze liewen. De Mënsch*

huet keng aner Plaz fir ze wunnen; awer en huet sech erhuewen an agebilte Grenzen an territorial Beschränkunge verkënnegt. An ënnert der Wanvirstellung vun engem fanateschen, engem Patriotismuss gi Stréim vu wäertvollem Blut vergoss.“

Iwwer d'Liewen nom Doud soen d'Bahá'í Schrëften: „*Sou wéi de Begrëff vum Glawen, dee vun Ufank un, dee keen Ufank huet, bestanen huet bis zum Enn, dee keen Enn huet, dauere wäert, sou wäert och dee wierklech Gleewegen éiweg liewen a bestoen. Sāi Geescht wäert éiweg de Wëlle Gottes ëmkreesen.*“

An iwwer d'Léift schreiwen d'Bahá'í Schrëften: „*A Wierklechkeet, sief der bewusst: Léift ass d'Geheimnis gëttlecher Offenbarung! Léift ass geeschteg Erfëllung! Léift ass d'Licht vum Räich Gottes! Léift ass d'Ursaach vun der Offenbarung vun der Wourecht an der Welt ...! Léift ass d'Mëttel fir déi héchst Gléckséilegkeet an der Welt vum Stoff wéi an der Welt vum Geescht! Léift ass d'Ursaach vun der Entwécklung fir all ... Mënsch! Léift ass dat gréisste Gesetz an dësem onendlechen Räich Gottes! Léift ass dat eent Gesetz, dat d'Uerdnung tëschent de bestehenden Atomen zum Virschäi bréngt an iwwer si Muecht huet! Léift ass d'Ursaach, déi eise sichende Sënner d'Geheimnisser ervirbréngt, déi den Onendlechen an d'Universum geluecht huet!*“

114 Buchvirstellung: Eenheet an der Villfalt, Deel 4/4

114t Sendung, de 5ten a 6te Juli 2002. „*All Reliounen si wéi Blummen an deem enge Gaart vu Gott.*“ Sou schreift de Franz Alt am Virwuert zum Buch: *Eenheet an der Villfalt, Déi eng Wourecht an de Schrëfte vun alle Reliounen*, erausgi vum Inder, O.P. Gai. 29 Kärfroen vum Liewen ginn an dësem Buch beliicht, an dat mat Extraiten aus de wichtigste Schrëfte vun 12 grouss Reliounen. Et sinn dat den Hinduismus, d'zoroastresch Relioun, den Taoismus, de Buddhismus, d'Chrëschtentum, de Konfuzianismus, de Jainismus, d'Judentum, den Islam, de Shintoismus, de Sikhismus an d'Bahá'í. Mat dëser Lektüre gëtt et dem Lieser hei direkt kloer, dass d'Reliounen an hire wichtigsten Themen dat selwecht soen, sou wéi wann et nëmmen eng grouss Relioun vun der Mënschheet géif ginn. E Buch, dat schonn a méi wéi 20 Sproochen iwwersat gouf, ass esou en anere grouss Beitrag fir de Reliounsfridden. A Reliounsfridden ass sécher e grouss Beitrag zum Weltfridden. Kucke mer haut wat d'Bahá'í zu den Theme Meditatioun, de Mënsch, Verantwortung, Verzeiung, vollkommend Gesetz a richtigem Rächtrum soen.

„*Meditatioun ass de Schlëssel zu den Diere vun de Geheimnisser. An dësem Zoustand léisst de Mënsch sech vu sech selwer; hien zitt sech an dësem Zoustand vun alle Saache vun der Aussewelt zrëck. An dëser subjektiver Verfassung daucht hien an d'Mier vum geeschteg Liewen a kann d'Geheimnisser vun de Saache selwer entdecken.*“

De Mënsch: „*Wéi hell dach d'Lichter vun der Erkenntnis an engem eenzegen Atom stralen, wéi grouss dach d'Mierer vun der Wäisheet an enger eenzeger Drëps wuessen! A fir de Mënsch gëllt dëst am héchste Grad, deen ënnert allem wat erschaf ass, dee mam Kleed vu sou Geschenker gekleet ass, dee fir d'Herrlechkeet vu sou enger Auszeehnung gewielt gouf. Well am Mënsch sinn all d'Nimm an d'Eegeschafte vu Gott ... an engem Mooss geoffenbaart, déi vu näischt kënnen iwwertraff ginn, wat jeemols erschaf gouf.*“

Zur Verantwortung: „*Deen ass wierklech e Mënsch, dee sech haut am Déngecht vun der Mënschheet higëtt. Dat héchst Wiese seet: Séileg a glécklech ass deen, dee sech erhieft, fir sech fir d'Wuel vun all de Vëlker a Geschlechter op der Äerd anzesetzen.*“

Verzeien: „*Hie sollt deem dee sënnt verzeien a nimools säin niddregen Zoustand veruechten, well kee weess, wéi säin eegent Enn wäert sinn.*“

Zum perfekte Gesetz: „*Géi duerch d'Onermiesslechkeet vum Universum a géi duerch d'Héichte vum Himmel – du wäerts trotzdem keng Rou fannen, ausser an der Ënnerwerfung ënnert mengem Gebot an an der Demut vun eisem Antlitz.*“

Richtige Rächtrum: „*Wann déi wierklech Eier am Besëtz vu vergängleche Saache bestoe géif, da misst forcément eis Äerd, op där mir ginn, sech virun eis bretzen, well si iech - nom Rotschlo vum Allmächtigen - , ebe grad mat dëse Saachen versuergt. Neen, bei Him, deen d'Räich vun der ganzer Schöpfung a sengem Grëff hält, är bleiwend Eier läit soss néierens wéi doranner dass dir dee richtige Wee gitt.*“

115 Buchvirstellung: Bahá'u'lláh, am Land vun der Eenheet

115t Sendung, den 12ten an 13te Juli 2002. Et ass mer eng Freed iech haut en neit Buch virstellen : Bahá'u'lláh, am Land vun der Eenheet, aus der Serie: *Horizonte der Weisheit* an dat am Horizonte Verlag. Am Buch fënnt een eng Auswiel aus de Schrëfte vu Bahá'u'lláh, zesummegeallt vum Kambiz Poostchi a vum Peter Spiegel. Elo d'Virwuert vum Peter Spiegel:

Bahá'u'lláh, huet am Iran vum 19te Jorhonnert gelieft, an engem Land, wat grouss Kulture gesinn huet, wat awer zu där Zäit a Réckstännegkeet, Bigotterie a Korruptioun verfare war.

Säi Message huet e ganze Bou gemaach, vu mystesche Wäisheeten iwwer d'Wiesen an de Sënn vum Mënschsinn bis zu der Visioun vum enger Mënschheet déi sech eens gëtt; vun de Viraussetzung vum ënnere Fridde bis zu de Bedéngunge vum enger globaler Friddensuerdnung. Et ass dofir kee Wonner dass de Leo Tolstoi a Bahá'u'lláh senge Schrëften « *de Schlëssel zum Geheimnis vum Universum* » an « *déi schéinst a réngst Form vum enger reliéiser Léier* » entdeckt. De Mahama Gandhi erkennt an de Bahá'í Schrëften „*d'Hoffnung vum der Mënschheet*“.

An der klengster Saach vum Universum bemierkt Bahá'u'lláh en Zeeche vu Gott; zugläicher Zäit awer ass Gott fir Hien dee Verbuergeren vum allem Verbuergerenem.

Bahá'u'lláh gesäit de Mënsch als e Wanderer um Wee zu de Welte Gottes, méi wäit an onbegrenzt. Zugläicher Zäit gëtt Hien him an dësem Liewen eng Verantwortung fir Kultur weiderzeféieren an ze erschafen. Bahá'u'lláh bestätegt ganz kloer d'Wourecht an d'Missioun vum alle fréiere Reliounen, awer e verbënnt se zu enger ganzer Usicht vum engem gëttleche Wëllen an all dëse reliéisen Offenbarungen. Bahá'u'lláh erkläert déi weltpolitesch Konsequenze vum dëser neier ëmfaassender Siicht vum der Eenheet: vum der schrëttweiser Aféierung vum engem kollektive Sécherheetssystem fir d'Erhaltung vum Weltfridden iwwer d'Etabléierung vum engem Weltbundesstaat bis zur Begrënnung vum enger Weltkultur. Eng Weltkultur, déi sech hirem wäertvollen Tresor bewosst gëtt: Mënschen, déi a gréisster Onofhängegkeet a Selbstännegkeet no der Wourecht fuerschen an dobäi wëssenschaftlech Erzéiung an ethesch Wäertschätzung matenee verbannen.

Bahá'u'lláh ass de Stëfter vum der Bahá'í Relioun, enger monotheistescher Relioun, déi haut a bal all Land verbreet ass. Hei ginn elo déi zentral Texter aus senge ville Schrëfte präsentéiert. Domat ass et méiglech en éischten Abléck an eng Gedankewelt ze kréien, eng Gedankewelt aus där d'Mënschheet sech eng Nues voll huele kann; Inspiratioun fir eis geeschteg a sozial Erausforderungen! Dat éischt Thema vum eiser nächster Emissioun ass déi vum Sënn vum der Schëpfung.

116 Wat ass de Sënn vum der Schëpfung?

116t Sendung, den 19ten an 20te Juli 2002. „*Kuck der d'Welt un, an denk e bëssen driwwer no.*“ schreift Bahá'u'lláh. „*Virun dengem Aen entschleiert sech d'Buch vum hir selwer a weist der wat d'Fieder vum dengem Här, dem Gestalter, dem Allwëssenden drageschriwwen huet. D'Welt wëllt dech mat allem vertraut man, wat an hir on op hir ass, ...*“

„*D'Natur ass hirem Wiesen no d'Verkierperung vu Mengem Numm, de Gestalter, de Schëpfer. ... D'Natur ass de Wëlle Gottes. ... D'Natur huet eng Kraaft mat enger Realitéit, déi déi Geléiert net begräife kënnen. De Mënsch mat Asiicht ka soss näischt erkennen ausser d'Strale vum onsem Numm, de Schëpfer. Et ass dat eng Existenz, déi keen Ënnergank kennt an d'Natur selwer ass erstaunt iwwer dat wat si eis weist.*“

„*Eng Drëps aus dem Mier vu Senger onendlecher Gnod huet déi ganz Schëpfung mat Liewe gefëllt. ... Ee Fonken aus der onergrëndlecher Déift vu Sengem allduerchdrëngendem Wëllen huet aus guer näischt eng Créatioun an d'Welt geruff, onendlech an hirer Gréisst an onvergänglech an hirer Dauer. ... De Stroum vu senger .. Gnod kann nimools opgehal ginn. Säi Schëpfungsakt huet keen Ufank a keen Enn.*“

Wat wësse mir iwwer Deen deen eis erschaf huet? Wat kënne mer iwwerhaapt iwwer hir wëssen? Op där enger Säit ass Hien Deen, dee verbuergeren ass, verstoppt ass an op der aner Säit ass et Deen, deen omnipräsent ass. Nach eng Kéier d'Bahá'í Schrëften:

„*Alles wat déi Geléiert an d'Mystiker gesot a geschriwwen hunn, goug nach ni iwwer d'Grenzen eraus, déi eisem endleche Verstand ënnerworf sinn, nach kënnen dës Geléiert a Mystiker je hoffen, dës Grenzen ze iwwerschreiden. Zu wéi engen Héichten och ëmmer de Verstand klamme kann, wéi grouss och ëmmer d'Déifte sinn, an déi eist detachéiert a verstoend Häerz andréngt kann eise Verstand an eist Häerz kënnen ni d'Schafung vum eisen eegene Virstellungen, oder d'Resultat vum eisen eegene Gedanken iwwersteigen. D'Meditatioun vum eisen déifsënnegsten Denker, d'Andachte vum den Hellegste vum den Hellegen, den héchste Luef vum enger mënschlecher Fieder oder Zong sinn nëmmen e Spigelbild vum deem, wat duerch d'Offenbarung vum Här, hirem Gott an hinne selwer erschaf gouf. Wann een a sengem Häerz iwwer dës Wourecht nodenkt, fällt et engem net schwéier zouzeginn, dass et Grenze ginn, déi kee mënschlecht Wiesen iwwerschreide kann.*“

„*All Versuch, dee vum Ufank un dee keen Ufank hat, gemaach gouf, sech vu Gott e Bild ze man an Hien ze erkennen, ass begrenzt duerch d'Gegebenheete vu Senger eegener Schëpfung, eng Schëpfung déi Hien duerch d'Wirke vu Sengem Wëllen zu kengem aneren Zil wéi fir sech selwer an d'Existenz geruff huet. Onermiesslech erhuewen ass Hien iwwer d'Ustrengunge vum mënschleche Geescht, säi Wiesen ze erfassen, oder fir d'mënschlech Zong, Seng Geheimnisser ze beschreiwen. ...*“¹

¹ s.16, l.8

117 Réaction des chefs religieux au message sur l'élimination du préjugé religieux

117t Sendung, de 26ten a 27te Juli 2002 Article n°34. NEW-YORK, 12 juillet 2002. BWNS. La communauté bahá'íe a été grandement encouragée par la réaction des chefs religieux au message d'avril 2002 de la Maison universelle de justice. Le message appelle à une action résolue en vue de supprimer l'intolérance et le fanatisme.

Délivré maintenant jusqu'à au moins 1.600 chefs religieux, dans plus de 40 pays, par le réseau des conseils administratifs nationaux et locaux de la communauté mondiale bahá'íe, le message avertit que *«les brasiers allumés par les préjugés religieux» qui se multiplient menacent de «provoquer une conflagration mondiale aux conséquences inimaginables.»* Il exhorte les chefs de toutes les religions à condamner le fanatisme, à renoncer aux revendications d'exclusivité ou de parti, et à s'engager dans un dialogue inter-religieux plus large. À fin juin, la réponse était extrêmement positive, de la part des chefs religieux, des universitaires qui étudient la religion et des spécialistes dans des disciplines connexes disant que le message est un appel opportun et grandement nécessaire.

«C'est le bon message. C'est le bon moment», a dit le professeur Jonathan Sacks, grand rabbin des Congrégations hébraïques unies de Grande-Bretagne et du Commonwealth. *«Nous affrontons le plus grand défi que Dieu nous ait jamais lancé et c'est le message dont nous avons besoin.»* De plus, dans l'esprit de l'accroissement général de l'activité inter-religieuse et de la coopération au niveau mondial, plusieurs chefs-bouddhistes, chrétiens, hindous, juifs, musulmans ou autres-ont fait l'éloge de l'appel contenu dans le message, à un plus grand dialogue entre les religions. *« Nous appuyons l'idée que les chemins qui conduisent au divin sont multiples »,* a dit M. Karan Singh, président du Temple de la compréhension à New-Delhi. *«J'apprécie beaucoup la déclaration et le rôle de la foi bahá'íe lorsqu'elle essaie de réaliser l'harmonie et l'entente religieuses.»* Les rapports reçus des communautés bahá'íes indiquent que les délégations chargées de remettre le message ont été bien reçues. *«Nous avons ressenti une extraordinaire courtoisie à l'égard de nous tous, qui ne nous était pas destinée personnellement, mais plutôt à l'événement même et au poids inhérent au message»,* a dit Amy Marks, membre de l'Assemblée spirituelle locale des Bahá'í du Cap, en Afrique du Sud, qui a présenté le message à une douzaine de responsables religieux locaux.

Le message souligne une tendance générale vers l'unité au cours du siècle passé, notant que les préjugés de sexe, de race ou de nationalité, ont partout été reconnus comme inacceptables. Cependant, en dépit de l'intégration de l'humanité à d'autres niveaux, le préjugé religieux persiste. *«Tragiquement, les religions établies, dont la raison d'être elle-même implique de servir la cause de la fraternité et de la paix, se comportent trop souvent comme une des entraves les plus redoutables à cette cause; qu'elles aient longtemps donné crédit au fanatisme en est une douloureuse illustration.»*, écrit la Maison universelle de justice.

« Chaque jour, le danger grandit de voir les brasiers allumés par les préjugés religieux se multiplier et provoquer une conflagration mondiale aux conséquences inimaginables. », continue le message. *« La crise exige des autorités religieuses qu'elles rompent avec le passé par une coupure aussi décisive que celles qui ont permis à la société de combattre les préjugés tout aussi corrosifs de race, de sexe et de nationalité. « Les communautés nationales bahá'íes se sont d'abord concentrées sur la distribution du message aux chefs religieux nationaux, de même qu'aux universitaires et journalistes spécialisés dans la religion. Au Brésil, par exemple, l'Assemblée spirituelle nationale a préparé une liste de quelque 44 chefs religieux, théologiens et universitaires religieux sur le plan national, puis elle leur a transmis le message par courrier ou personnellement. L'étape suivante a consisté à envoyer quelque 330 exemplaires du message à 66 Assemblées spirituelles locales au Brésil pour qu'elles les distribuent à des chefs religieux sur le plan local.*

«Dans la société brésilienne, les divisions religieuses constituent un problème », dit Roberto Eghrari, secrétaire pour les affaires extérieures de l'Assemblée spirituelle nationale du Brésil. *« Nous croyons donc que la distribution de ce message arrive à un moment très opportun, qu'il a le potentiel pour apporter de nouvelles compréhensions. Et jusqu'à maintenant, la réaction a été très positive. »* Plusieurs responsables religieux ont indiqué qu'ils distribueraient le message à d'autres responsables au sein de leur organisation. Dans un pays africain, le Conseil musulman national a réclamé des exemplaires supplémentaires pour les distribuer à toutes les mosquées de la capitale. Un doyen d'une université catholique d'Amérique latine a exprimé son désir de travailler avec la communauté bahá'íe en vue d'élaborer un programme basé sur le message, pour les professeurs et les étudiants.

Dans plusieurs pays, des responsables ont répondu aux communautés bahá'íes en leur adressant des lettres d'appréciation. Au Royaume-Uni, George Carey, archevêque de Canterbury et chef de l'Église anglicane, a écrit: *« Je partage entièrement votre opinion que nous devons tous nous pencher sur la question de savoir comment nos différences peuvent devenir des forces en faveur de la paix et de la justice. Dans cet objectif, une discussion très sincère entre les communautés sera nécessaire. »* En Tanzanie, Biharlal Keshavji Tanna du Conseil hindou de Tanzanie a écrit:

« J'ai lu le document avec un grand intérêt et je crois qu'il renferme un message très important non seulement pour les dirigeants des groupes religieux, mais également pour tous les individus qui réfléchissent. Ceux-ci doivent

endosser le devoir et la responsabilité de démolir les barrières qui existent entre les différents groupes religieux de la famille humaine. » De ganze Message fannt dir um Internet ënnert www.bahai.lu

118 Präis fir Erzéiung: d'Montessori Schoul, Lucknow, Indien

118t Sendung, den 2ten August 2002. International Bahá'í Neiegkeeten. Dëst Joer geet de Präis fir Erzéiung zum Fridden un d'City Montessori Schoul zu Lucknow an Indien. Dëse Präis gëtt vun der UNESCO verdeelt, an dat mat enger Zomm vun 30 000 USDollar. Dëse Präis gëtt et elo schonn zwanzeg Joer an ass geduecht fir Initiativen ze fërderen déi d'Ëffentlechkeet fir de Fridden opmierksam man. D'City Montessori Schoul krut de Präis dëst Joer als Unerkennung fir hir Efforten universal Wäerter zur Erzéiung zum Fridden an Toleranz ze fërderen. D'Schoul gouf 1959 gegrënnt an huet eng Reputatioun fir en héijen akademeschen Niveau a fir en exzellente Programm vu moralescher a geeschteger Erzéiung. Méi wéi 40 Joer scho ginn d'Schüler an der Schoul dozou erzunn, d'Wäerter vun Toleranz a Fridden ze respektéieren an aus hinne Weltbierger ze man. D'Begrënner vun der Schoul, Jagdish a Bharti Gandhi, inspiréiert vun der Non-violence vum Mahatma Gandhi, hunn hir Schoul op 4 fundamental Prinzipien opgebaut: - universell Wäerter – eng ganz gutt Aarbecht – globalt Verständnes an Dénkscht un der Kommunautéit. Si sinn och Bahá'í an d'Bahá'í Léieren hunn hir Aarbecht an de Curriculum vun der Schoul zimmlech vill inspiréiert.

Viun dräi Joer war d'Schoul am Guinness Buch vun de Weltrekorder als déi gréisste Schoul bei Aschreiwungen. D'Schoul hat dat Joer ëm déi 22000 Schüler. Am Moment huet d'Schoul méi wéi 26000 Schüler, vum Précoce bis zum Kolléisch.

D'Schoul huet sech als Zil gesat, de Schüler Fäegkeeten ze vermëttelen, déi hinnen et erlaben, sech mat de komplexe Problemer vun eiser haiteger Welt ausernee ze setzen; all Schüler Vertrauen ze weisen an deem si hire Sënn fir Verantwortung entwéckelen; duerch theoretesch a praktesch Léiere vu moralesche Wäerter an hinnen hëllefen hir Aen opzeman fir aner Reliounen a Kulturen.

An der Schoul spillt d'Famill eng extrem wichteg Roll. D'Schoul sensibiliséiert d'Elteren an deem si hinne Bicher iwwer hiren erzéiereschen Afloss gëtt a si mat an d'Liewe vun der Schoul abezitt. D'Léierpersonal profitéiere vu Weiterbildung zu den Haaptprinzipie vun der Schoul souwéi zu den Theme Kannerzéiung, Psychologie a Soziologie. All Schüler huet e Mentor deen eng Bezéiung mat den Eltere vum Schüler ageet.

Déi aner Charakteristik vun der City Montessori Schoul ass Recherche an der Erzéiung. 25 Mataarbechter sammelen do déi bescht erzéieresch Methoden an Theorië vun all Land. Méi Informatioun iwwer dës erstaunlech Schoul fannt der um Internet ënnert: www.cmseducation.org.

Oflschléissend dëst Zitat aus de Bahá'í Schrëften zum Thema Erzéiung: Bahá'u'lláh sot: „ *Betruecht de Mënsch als e Biergwierk, räich un Eedelsteng vun onschätzbarem Wäert. Nëmme d'Erzéiung ka bewierken, dass et seng Schätz enthüllt an d'Mënschheet doraus Notzen zéie kann.* “

119 Lassléisung, Détachement

119t Sendung, den 9ten August 2002. Wat heescht et détachéiert a lassgeléist ze sinn? Firwat? Kann een zu gläicher Zäit lassgeléist vu materielle Saache sinn an zugläich materiell Saache besëtzen? Een dee praktesch säi ganz Liewen mat schaffe verbréngt, kann dee vun de Saache vun dëser Welt lassgeléist sinn. Dës an änlech Froen ginn am Moment an de Studiekreesser hei bei eis a bei ville Bahá'í Gemengen uechter d'Welt diskutéiert. Hei e puer Zitater aus de Bahá'í Schrëften, déi eis zum Nodenken ureege sollen:

„O Mensch mit zweierlei Sehvermögen! Schließe ein Auge und öffne das andere. Schließe das eine vor der Welt und allem, was darinnen ist, und öffne das andere für die geheiligte Schönheit des Geliebten.“¹

„O Freunde! Gebt die ewige Schönheit nicht preis um vergänglicher Schönheit willen, und hängt euer Herz nicht an die sterbliche Welt des Staubes.“²

„O Sohn des Wortes! Wende dein Antlitz Mir zu und entsage allem außer Mir, denn Mein Reich ist beständig und Meine Herrschaft vergeht nicht. Suchtest du einen anderen als Mich, dein Trachten wäre vergeblich, selbst wenn du das Weltall in Ewigkeit durchforschtest.“³

„O Fremdling, dem Freundschaft erwiesen wird! Die Kerze deines Herzens ist durch die Hand Meiner Macht entzündet. Lösche sie nicht durch die widrigen Winde der Selbstsucht und der Leidenschaft. Meiner zu gedenken, ist

1 Bahá'u'lláh, Die Verborgenen Worte, Hofheim-Langenhain 1997, pers. 12

2 Bahá'u'lláh, Die Verborgenen Worte, Hofheim-Langenhain 1997, pers. 14

3 Bahá'u'lláh, Die Verborgenen Worte, Hofheim-Langenhain 1997, arab. 15

dein Heil in allen Gebrechen; vergiss dies nicht. Mache Meine Liebe zu deinem Schatz und hege sie wie dein Augenlicht und dein Leben.“¹

„Loslösung ist wie die Sonne; in welches Herz sie scheint, löscht sie das Feuer der Begierde und des Selbstes. Derjenige, dessen Sicht mit dem Lichte des Verstehens erleuchtet ist, wird sich sicherlich von der Welt und ihren Eitelkeiten lösen. ... lass nicht die Welt und ihre Schlechtigkeit dich bekümmern, glücklich ist jener, den Reichtum nicht mit Prahlerei erfüllt noch Armut mit Kummer.“²

„O fils de l'existence! Tu es ma lampe et ma lumière est en toi. Puise en elle ton éclat et ne cherche nul autre que moi. Car je t'ai créé riche, et sur toi, généreusement, j'ai répandu ma grâce.“

120 Buchvirstellung: 'Abdu'l-Bahá : Beantwortet Froen

120t Sendung, den 23ten August 2002. Am Franséischen ass d'Buch wat mer haut virstelle, bekannt ënnert dem Titel: *Les Leçons de Saint Jean d'Acre. Beantwortet Froen* ass eng Zesummestellung vu Froen, op déi 'Abdu'l-Bahá, de Jong vum Begrënner vun der Bahá'í Relioun ufanks vum leschte Jorhonnert Äntworten drop gëtt. Dëst ass a Form vu Gespréicher während e puer Méint opgezeechent ginn an duerno eréischt als Buch verëffentlecht ginn.

Den éischten Deel vum Buch befaasst sech domat wéi en Afloss d'Gottesoffenbarer op d'Entwécklung vun der Mënschheet un. Do geet riets dass d'Natur engem allëmfassende Gesetz ënnersteet. Da weist eis 'Abdu'l-Bahá, dass den Herrgott existéiert, wéi notwendeg et ass, en Erzéier ze hunn. Hie schwätzt iwwer den Abraham, de Moses, Christus, Mohammed, de Báb a Bahá'u'lláh. Da ginn et Beispiller aus der Bibel, aus dem Buch Daniel a Kommentarer zum 11te Kapitel vun der Offenbarung vu Johannes, zum 11te Kapitel aus dem Buch Jesajas an dem 12te Kapitel vun der Offenbarung vu Johannes. Da geet et ëm gescheitge Beweiser an iwwer wierkleche Räichtum.

Am zweeten Deel vun dësem aussergewöhnleche Buch erkläert 'Abdu'l-Bahá e puer chrëschtlech Themen aus enger Bahá'í Siicht. An 20 kleng Kapiteln ginn Theme behandelt wéi d'Gebuert vum Jesus, dass seng Gréisst a senger Vollkommenheet läit. D'Daf vum Jesus, D'Daf am allgemengen a wat et bedeit; d'Symbol vum Brout a vum Wäin; iwwer Wonner, iwwer d'Opersteegung vu Christus; iwwer den hellege Geescht; iwwer d'Zréckkomme vu Jesus an dat jénkst Geriicht; iwwer d'Dräifaltegheet; wat Geschicht vum Adam an Eva alles bedeite kann; iwwer d'Bekanntnes vum Péitruss an iwwer Prädestinatioun.

Am drëtten Deel schwätzt 'Abdu'l-Bahá iwwer d'Kräfte vun de Gottesoffenbarer. Do geet riets iwwer déi fënnef Stufe vum Geescht; dass ee Gott nëmmen duerch déi göttlech Offenbarer erkenne kann; iwwer dee mënschlechen a göttlechen Aspekt vun de Gottesoffenbarer; iwwer dat wat d'Gottesoffenbarer alles wëssen; iwwer universal Zyklen; iwwer d'Muecht an den Afloss vun de Gottesoffenbarer an dass et dräi Zorte vu Prophéite gëtt.

Am drëtten a leschten Deel gi verschidden aner Theme behandelt wéi zum Beispill d'Netexistenz vum Béisen; zweerlee Arte vu Qual; d'Gerechtgheet an d'Barmherzegheet vum Herrgott; déi richteg Manéier mat Verbrieche ëmzegoen; iwwer Streiken; iwwer d'Wierklechheet vun eiser Welt; iwwer Präexistenz; Reinkarnatioun; Pantheismus; iwwer déi véier Aart a Weisen, sech Erkenntnis unzeeegnen an iwwer d'Noutwendegheet, de Léiere vun de göttlechen Offenbarer nozegoen.

Souwäit zu den Themen, déi een am Buch fënnt. D'Buch huet 293 Säiten, dir kritt et an all méiglech Sproochen, am Bahá'í Verlag, am einfachsten op der däitscher Internetsäit: www.bahai.de Ofschléissend dëst Gebiet gesonge vum Edelo an Emma Wayenece : *Qui, hormis Dieu, dissipe les difficultés ? Dis: Loué soit Dieu ! Il est Dieu ! Tous sont ses serviteurs et tous se soumettent à son commandement !*³

121 D'Natur ënnersteet engem allëmfassende Gesetz

121t Sendung, den 30ten August 2002. Nodeems mer an eiser leschter Emissioun dem 'Abdu'l-Bahá säi Buch : *Beantwortet Froen* kuerz virgestallt hunn, proposéieren ech iech haut en éischt Thema an zwar d'Natur. Si ënnersteet engem allemfaassende Gesetz!

D'Natur ass deen Zoustand, déi Wierklechheet, déi anscheinend Liewen an Doud, oder anescht ausgedréckt, d'Zesummesetzung and d'Opléisung vun alle Saachen ëmfaasst.

¹ Bahá'u'lláh, Die Verborgenen Worte, Hofheim-Langenhain 1997, pers. 32

² Bahá'u'lláh, in: Bahá'i-World, Bd. 1, Wilmette 1980, S. 42 (unüberprüfte Übersetzung)

³ Le Báb, Livre de prières, MED, 2003

Dës Natur ënnerläit engem Ganzen, bestëmmte Gesetzen, enger vollstänneger Uerdnung an engem vollkommene Plang, vun deem si nimools ofwäiche wäert; d’Natur ass all deem därmoossen ënnerworf, dass, wann ee gutt kuckt, gesäit, an zwar vum klengsten Atom bis zu der Sonn an deem gréisste Stär, sief dat an hirer Uerdnung an Zesummetzung, sief et an hirer Form a Beweegung, dass een do deen héchste Grad vun Uerder fënnt an erkennt, dass alles ënner engem onauswäichlechen, vollkommene Gesetz steet.

Wann een awer d’Natur selwer betruecht, gesäit een, dass si weder e Verstand nach e Wëllen huet. Sou zum Beispill läit et an der Natur vum Feier, dass et brennt, an et mécht dat ouni Wëllen a Verstand; an esou ass mat der Natur vum Waasser, der Sonn, alles ouni Wëllen a Verstand. Domat steet fest dass all natierlech Beweegunge vun erschafene Saachen zwangseefeg Virgäng sinn a sech net nom eegene Wëlle beweegen, mat Ausnahm vum Déier a virun allem vum Mënsch. De Mënsch ka sech der Natur widersetzen a vun hire Weeër ofwäichen, well hien d’Struktur vun de Saachen entdeckt huet an sech domat mat de Kräfte vun der Natur ausernanersetzt. All Erfindungen, déi hie gemaach huet, berouen op der Entdeckung vun der Struktur vun de Saachen. Sou huet hien zum Beispill d’Telegraphie erfonden, déi den Oste mam Weste verbënnt. Dofir gesi mer däitlech, dass de Mënsch d’Natur beherrscht.

Kann een elo, bei dëser systematescher Uerdnung a Gesetzmässegeket, déi een iwwerall gesäit, gesot ginn, dass dat alles aus dem Wierke vun der Natur eraus entstanen wier, obwuel d’Natur selwer kee Verstand ... besëtzt? Dat weist eis däitlech, dass dës Natur, déi weder Verstand nach Asicht huet, an der Hand vum Allmächtige rout an dass Hien d’Räich vun der Natur regéiert an an hir alles, wat E wëll, erschénge léisst.

Eng vun de Saachen, déi an der Welt vum Dasein erschénge ass, an eng Naturnoutwendegkeet duerstellt, ass dat mënschlecht Liewen. Sou gekuckt, gëtt d’Natur zur Wuerzel an de Mënsch zum Aascht. Ass et da wuel méiglech, dass Wëllen, Verstand a Vollkommenheet nëmmen am Aascht, net awer an der Wuerzel sinn?

Doraus geet kloer erfir, dass d’Natur an hirem ënnerste Wiesen an der staarker Hand vum Herrgott rout. Deen éiwegen Allmächtigen an Eenzege ass et, Deen d’Natur an hire ... Bannen a Gesetzer hält an hiren Herrscher ass.

122 Wéi mer wësse kënnen, dass et Gott gëtt

122t Sendung, den 6ten a 7te September 2002. En onwiderleebare Beweis dass et e Gott gëtt ass d’Tatsaach, dass de Mënsch sech net selwer erschaf huet. Sāi Schöpfer ass en anere wéi hie selwer. Et gëtt keen Zweiwel drunn, dass de Mënsch sech net selwer erschaf huet, well eng schwach Kreatur kann net de Schöpfer vun engem anere Wiese sinn. Am Schöpfer müssen all Vollkommenheete vereent sinn, fir dass hien erschafe kann.

Wär et méiglech dass d’Schöpfung vollkommen ass an de Schöpfer onvollkommen? Ass et denkbar dass e Bild e Meeschterwierk ass an de Moler net vollkommen a senger Konscht ass? D’Bild ass dach seng Konscht a seng Schöpfung. Neen, d’Bild kann net dem Moler gläichkommen, well da wär et jo wéi hien, da kënnt et sech jo selwer molen. Wéi vollkommen d’Bild och ass, sou bleift et awer am Verglach mam Moler ganz onvollkommen.

... Eis Welt ass d’Quell vun der Onvollkommenheet, während Gott d’Quell vun der Vollkommenheet ass. D’Onvollkommenheet vun eiser Welt ass an sech e Beweis fir d’Vollkommenheet vu Gott.

Wann der zum Beispill de Mënsch kuckt, gesitt der dass e schwach ass. Dës Schwächt vum Mënsch ass e Beweis fir d’Stäerkt vum éiwegen Allmächtigen .. well wann et keng Stäerkt géif, wär d’Schwächt onvirstellbar. Dofir weist d’Schwächt vum Mënsch eis d’Stäerkt vum Schöpfer, well wann et keng Stäerkt géif, kënnt et och keng Schwächt ginn. D’Schwächt selwer beweist eis, dass et an der Welt Stäerkt gi muss. En anert Beispill ass d’Aarmut an dëser Welt. Ouni Zweiwel muss et och Räichtum ginn, well een d’Aarmut op dëser Äerd gesäit. Esou gëtt et och Onwëssenheet op dëser Welt. Dofir muss et och Wësse ginn, well wann et kee Wësse géif ginn, sou kënnte mer och keng Onwëssenheet feststellen. Onwëssenheet ass d’Netsinn vu Wëssen a wann et kee *Sinn* géif, wär en *Netsinn* och net virstellbar.

Et ass gewëss, dass dës Welt ënnert enger Uerdnung an ënner Gesetzer steet, deene si sech net entzéie kann. Souguer de Mënsch ass dem Doud, dem Schlof an anere Naturgesetzen ënnerworf. Hie gëtt a viller Hisiicht beherrscht an ouni Zweiwel muss de Beherrschten en Herrscher hunn. Well Ofhängegkeet ass e Kennzeeche vum Mënsch ass an och eng wesentlech Noutwendegkeet, also muss et och en onofhängegt Wiese ginn. ...

Sou erkenne mer zum Beispill un engem Kranken, dass et Gesondheet gëtt, well wann et keng Gesondheet géif, kënnte mer och keng Krankheet erkennen.

Doraus geet ervir, dass et een éiwegen Allmächtige gëtt, Deen all d’Vollkommenheeten a sech vereent, well hätt en se net, wier Hie gläichgestallt mat Sengen Kreaturen. Domat beweist och déi klengste Saach an dëser Welt vum Sinn, dass et e Schöpfer gëtt. ...

... Déi klengste Verännerung an der Form vun enger Saach weist drop hinn, dass si e Schöpfer muss hunn. An dëst gewaltet an onendlecht Weltall soll sech selwer erschaf hunn ...? All dës handgräiflech Beweiser ginn hei opgezielt fir dass mir eis Aen opman. Eis Aen an eis selwer.

123 Firwat d'Mënschheet en Erzéier brauch

123t Sendung, den 13ten a 14te September 2002. Aus dem Buch: *Beäntwert Froe* vum 'Abdu'l-Bahá. Wa mer eis d'Welt ukucken, gesi mer, dass d'Mineralien, d'Planzen, d'Déieren an d'Mënschen en Erzéier brauchen.

Wann d'Äerd net ugebaut gëtt, gëtt si zur Wildnis wou Onkraut wiesst. Wann de Bauer awer d'Äerd beackert, bréngt si Friichten ervir, Doraus ergëtt sech kloer, dass d'Bearbeitung vun der Äerd duerch de Bauer néideg ass. Kuckt ich d'Beem un. Ouni d'Fleg vum Gärtner gi si keng Friichten, an duerch Fleeg, Vereedelung an d'Schneiden, ginn d'Beem, déi virdru batter Friichten haten, séiss. ...

Kuckt iech op déi selwecht Manéier d'Déierewelt un: Gëtt en Déier vum Mënsch geflegt an erzunn, da gëtt et en Hausdéier. Wann de Mënsch awer ouni Erzéiung opwiesst, gëtt hien zum Déier, a wann en der Natur aleng iwwerlooss gëtt, huet e méi en niddrege Stelleväert wéi d'Déier. Wann de Mënsch awer richteg erzu gëtt, ... kann e wonnerbar Saache man. ...

D'Erzéiung bréngt wonnerbar Handwierker zur Vollkommenheet an herrlech Wëssenschaften a Kënschten, genee sou wéi nei Entdeckungen a Gesetzer. Géif et keen Erzéier, hätte mer all déi Saachen net, déi eist Liewe bequem a méi liicht man, genee sou wéi Kultur a Mënschlechkeet. Wann een e Mënsch an der Wildnis sech selwer iwwerléisst a wann hie sengesgläiche net gesäit, gëtt en ouni Zweifel wéi en Déier. Domat gesäit een op en Neits, wéi noutwendeg en Erzéier fir eis ass.

Et gëtt déi kierperlech Erzéiung, déi mënschlech an déi geeschteg Erzéiung. Déi kierperlech Erzéiung befaasst sech mam Fortschritt an der Entwécklung vum Kierper, andeem si materiell Erliichterungen an Entspannung mat sech bréngt. Si ass gutt fir de Mënsch a fir d'Déier.

Déi mënschlech Erzéiung bedeit Kultur a Fortschritt, Regierung, Verwaltung, ... Verkéier, Handel a Commerce, Konscht, Wëssenschaften, grouss Erfindungen an Entdeckunge vu physikalesche Gesetzer. Hei gesäit een daitlech den Ënnerscheed vum Mënsch mam Déier.

Déi geeschteg Erzéiung ass näischt anescht ... wéi déi göttlech Erzéiung. Duerch si léiert de Mënsch göttlech Vollkommenheeten. Si ass déi wierklech Erzéiung, well op dëser Stuf weist sech dat Göttlecht am Mënsch: Wéi mer an den hellege Schrëfte liese kënnen: „*Loosst ons de Mënsch no eisem eegene Bild erschafen. Dës Stuf, déi geeschteg Erzéiung ass dat héchstent Zil vun der Mënschheet.*“

Natierlech brauche mer dofir en Erzéier, een deen Autoritéit an deenen dräi Beräicher huet, dem kierperlechen, dem mënschlechen an dem geeschtegen. Fir sou eng gewaltig Aufgab ze erfüllen, geet eis mënschlech Kraaft sécher net duer. Wéi wier ee Mënsch ouni Hëllef an der Lag, sou eng Erzéiung an d'Weeër ze leeden? E brauch also eng geeschteg, göttlech Kraaft, déi him dobäi hëlleft. Eng eenzeg helleg Séil kann d'ganz Mënschheet beliewen an d'Ausgesinn vun eisem Planéit veränneren. Si vereenegt d'Vëlker an d'Reliounen. Si mécht d'Mënsche fräi vun der Onvollkommenheet a gëtt hinnen eng Sehnsucht an e Verlangen no ugebuerenen an erléierten Dugenden. Sécher muss d'Kraaft, déi sou eppes fäerdeg bréngen soll, göttlech sinn.

Eppes, wat all d'Regierungen an d'Vëlker vun der Welt mat all hirer Muecht net fäerdeg bréngen, gëtt duerch eng helleg Séil ouni Hëllef virubuecht. Sou huet Jesus Christus et fäerdeg bruecht verschidde Vëlker zu senger Zäit ze vereenen. Ënnert dem Afloss vum Chrëschtentum gong dës Eenegkeet bei verschidde Vëlker sou wäit, dass si hire Besëtz an hiert d'Liewen ee fir deen anere ginn hunn. No der Zäit vum Konstantin, dem Virkämpfer fir d'Chrëschtentum, gouf et allerdéngs nees Oneenegkeet ënnert hinnen. Dat heescht Christus huet dat fäerdeg bruecht wat all d'Kinneken op der Welt net konnten. Dofir musse mer kucken ob déi göttlech Offenbarer, dat heescht d'Begrënner vun de grouse Reliounen, ob si all dës Eegeschafte haten. Ouni dës Eegeschafte a Vollkommenheete kënnen si keng richteg Erzéier sinn.

Eis Welt brauch en Erzéier an eng Erzéiung déi eng göttlech Kraaft huet. An dat ass eng Noutwendegkeet. A fir eis Zäit ass dat Bahá'u'lláh.

124 Bescheidenheet, eng Dugend

124t Sendung, den 20ten an 21te September 2002. Am Franséische gëtt Bescheidenheet an Demut mat *humilité* iwwersat a mam Spréchwuert: *Mam Hutt an der Hand kënnt een duerch d'ganz Land.*

Wann ee bescheiden ass, dann heescht dat, dass ee selwer net méi wichteg ass wéi déi aner Leit. Et ass ee frou aneren en Déngscht kënnen ze erweisen an et gëtt een sech bewosst dass d'Besoine vun aneren och wichteg sinn. Wann ee bescheiden ass, kritiséiert een net déi aner. Et kritiséiert een sech selwer och net an et mécht een sech och net selwer erof. Bescheidenheet an Demut hëlleft eis ze verstoen dass d'Liewen do ass fir ze léieren. Et ass een sech bewosst dass et egal ass wéivill ee weess, et weess een ni alles. Dat bedeit och dass ee vu sech selwer net erwaart perfekt ze sinn. Et ass ee bereet vu senge Feeler ze léieren. A wann een Hëllef brauch, ass een net ze stolz fir ze froen.

Bescheidenheet heescht dat Bescht ze man ouni seng Nues wëllen iwwerall virbäi ze hunn. Et heescht einfach dat ze ginn wat een ze ginn huet an net well ee wëllt cool sinn an op déi aner wëllen e gudden Androck man. Einfach ginn, well e wëllt ginn.

Firwat da bescheiden an demütig sinn? Bescheidenheet ass wichteg well et eis hëlleft dass mir eis op eisen eegene Wuesstum konzentréieren an net op d'Feeler vun deenen aneren. Wann ee sech Suerge mécht op een deenen aneren impressionéiert, fänken déi aner un, engem ze soen wat si gär hätten an et verléiert een en Deel vu sech selwer.

Bescheidenheet hëlleft eis vun eise Feeler ze léieren amplaz sech dofir ze schummen. Bescheidenheet an Demut hëlleft eis vun aneren ze léieren. Et hält eis ewech vu Virurteeler an dovunner, aner ze jugéieren.

De Bahá'u'lláh schreift: « *L'humilité exalte l'homme jusqu'aux cieux de la gloire et de la puissance, alors que l'orgueil l'abaisse jusqu'aux profondeurs de la misère et de la dégradation.* » « Geseent ass dee Punkt, an dat Haus, an déi Plaz, an déi Stad, an dat Häerz, an dee Bierg, an deen Ënnerdaach, an déi Hiel, an deen Dall, an dat Land, an dat Mier, an déi Insel, an déi Wiss wou Gott ernimmt a Sāi Luef verherreicht gouf. »

Dëse Samschdeg ass den internationalen Dag vum Fridden, hei zu Lëtzebuerg mat Manifestatiounen ënnert dem héije Patronage vun eiser Grossherzogin Maria Thérèse, Ambassadrice vu guddem Wëlle bei der UNESCO. Dir fannt ënnert aneren och de Bahá'í Stand Samschdes mëttes vun 2 bis 5, an zwar um Knuedler. Owes um 8 dann zu Ettelbréck am Centre des Arts Pluriels e Concert mam Orchester vum Fridden. Virum Concert kënnt iech un enger Table Ronde mam Orchester bedeelegen an dat mat Schüler aus de Lycée vun Dikrech an Ettelbréck. Den Orchester vum Fridden setzt sech aus 40 professionelle Museker vun arabeschem an israeleschem Ursprung zesummen. Den Orchester wëllt e Wee sinn, fir um Friddensprozess am mëttleren Orient matzeschaffen.

Sonndes mëttes am Cercle um 5 Auer kënnt der iech u Gebieder fir de Fridde bedeelegen, an dat mat 4 reliéis Communautéiten, déi chrëschtlech, déi jiddesch, déi musulmanesch an d'Bahá'í Relioun. Méi Info iwwer all dat op der Internetsäit www.paix.lu Fir d'Koordinatioun suergt d'Caritas Lëtzebuerg, tel: 40 21 31. Ënnerstëtzt gëtt dëse Projet vum Ministère des Affaires étrangères. Dës Rubrik gëtt iech wéi gewinnt offréiert vun de lëtzebuerger Bahá'í, um Netz ënnert www.bahai.lu

125 Le mois de la volonté (op franséisch)

125t Sendung, 27ten an 28te September 2002. Tous les 19 jours, les baha'is accueillent un nouveau mois de leur calendrier et le fêtent. Chaque mois porte un nom, symbole d'une des vertus divines.

Hier soir, nous étions réunis avec quelques amis pour partager ensemble un moment de recueillement et de joie et pour fêter le commencement du mois de la volonté. Esther avec nous aujourd'hui en studio, va nous lire quelques extraits des Ecrits Baha'is qui illustrent ce thème de la volonté et nous propose une petite réflexion à ce sujet.

« *Les plus puissants instruments d'éducation de la race humaine ont été envoyés du ciel de la volonté divine pour ennoblir le monde de l'existence et élever l'âme et l'esprit des hommes... Tous les ouvrages merveilleux que vous contemplez en ce monde sont dus à sa souveraine et sublime volonté et à l'exécution de son inflexible et prodigieux dessein...* »

Une grande majorité des êtres humains sont saisis par un sentiment de découragement et d'impuissance quand ils sont confrontés à des épreuves de la vie, ou bien quand ils prennent conscience des injustices et des malheurs qui assaillent la Terre. Ils aimeraient tant que cela change, ils aimeraient tant qu'il y ait plus de justice et que le chemin vers le bonheur soit pour tous plus facile...mais que pouvons-nous faire face au « système » ? se disent-ils. Chacun d'entre nous est si petit et impuissant même si on a de la « bonne volonté »

Les Ecrits baha'is nous enseignent que trois piliers sont indispensables pour notre développement personnel et spirituel : l'amour, la connaissance et la volonté. Sur chacun, nous pourrions nous arrêter des heures, cher Jean-Marie et chers auditeurs, mais ce que nous pouvons proposer à la réflexion aujourd'hui, c'est juste quelques idées sur la volonté, inspirées des principes baha'is. La volonté suprême est entre les mains de Dieu, c'est par Sa volonté que la vie a été insufflée et chaque élément de Sa création témoigne de Sa munificence, l'être humain est un reflet de Sa beauté. Cependant, nous ne devons pas oublier, nous disent les Ecrits Bahá'í que toutes les vertus divines sont inscrites en nous en potentiel et c'est par notre volonté propre d'individus libres et responsables que nous pouvons

les découvrir et les développer. Sans volonté, nous ne pouvons dépasser un stade primitif d'êtres soumis à des pulsions sur lesquelles ils n'exercent aucun contrôle. Sans volonté, nous ne pouvons nous transcender et nous élever au-dessus de notre condition matérielle pour atteindre ces qualités du monde de l'esprit... 'Abdu'l-Bahá nous parle de « l'art divin de vivre » en décrivant toutes ces vertus qui pourraient ennoblir nos caractères et nos vies si nous décidions volontairement et en toute conscience de consacrer nos vies non à nous soumettre à la matière et à nous résigner face à ce qui nous paraît être la puissance, alors qu'elle n'est que force éphémère, mais plutôt à aimer Dieu, à nous efforcer de Le connaître, de se rapprocher de Lui dans toutes nos pensées et nos actes.... Exigeant ? oui, bien sûr, difficile ?, oui, bien sûr, mais nous avons le choix, nous résigner, assister impuissants à la destruction de l'humain, subir nos vies et mourir sans s'être réellement sentir vivre ou exiger de nous –mêmes de toujours aller vers le meilleur de notre être, se lever pour agir, confiants que Dieu nous assistera toujours même dans les pires moments et sentir que l'on grandit et que l'on s'élève.... L'océan tout-puissant n'est-il pas constitué d'une infinité de gouttes d'eau ? Chacun d'entre nous n'est qu'une goutte, chacun d'entre nous n'est qu'un petit maillon de la chaîne humaine mais si nous nous levons, animés de la volonté de plaire à Dieu et de Le servir, en respectant Ses commandements qui sont d'aimer et de servir l'humanité, alors nous pourrions nous transformer et transformer la condition humaine... Un extrait des Ecrits : « *Levez-vous donc, et de tout l'enthousiasme de vos coeurs, de toute l'ardeur de vos âmes, de la pleine ferveur de votre volonté, et de toute la puissance de vos énergies, efforcez-vous d'atteindre le paradis de sa présence, de respirer le parfum de la Fleur incorruptible et les douces saveurs de la sainteté, et d'obtenir enfin votre part de cette fragrance de gloire céleste....Celui qui suivra ce conseil brisera ses chaînes, s'abandonnera aux extases de l'amour, comblera le désir de son coeur et remettra son âme à Dieu. Brisant les barreaux de sa cage, telle la colombe mystique, il prendra son essor vers son nid d'éternelle sainteté.* »

126 Bahá'í Gebieder

126t Sendung um Radio Ara, 4ten a 5ten Oktober 2002. Mat vill Freed wëll ech iech haut e puer Gebieder aus de Bahá'í Schrëften op Lëtzebuergesch virliesen. Mat der Hoffnung dat se iech sou gutt doe wéi se mir ëmmer erëm hëllefen. Bahá'í Gebieder gi fir vill Geleeënheete gebraucht. Et gi Gebieder fir Kanner, fir Familljen, Gebieder fir speziell Geleeënheeten, Gebieder fir eise geeschtegen a materielle Wuesstem a Gebieder fir einfach Merci ze soen. E Gebiet ass ëmmer eng Form vu Meditatioun, e Moment wou ee kann ofschalten, erauskommen aus den aldeegleche Problemer, e Moment wou ee kann nei Kraaft kréien. D'Bahá'í Gebieder sinn authentesch, dat heescht mir wëssen dass si selwer vum Begrënner, also vu Bahá'u'lláh sinn, oder sengem Jong, 'Abdu'l-Bahá oder vum Virleefer vun der Bahá'í Relioun, dem Báb. Aus dem original Arabeschen a Perseschen si si an d'Englescht iwwersat, an dann an all déi aner Sproochen. Fänke mer mat engem vun den deegleche Gebieder un:

„Ech sinn Zeien, o mäi Gott, dass Du mech erschaf hues fir Dech ze erkennen an Dech unzebidden. Ech bekennen an dësem Abléck meng Schwächt an Deng Muecht, meng Aarmut an Däi Räichtum. Et gëtt keen anere Gott ausser Dir, Deen deen hëllef a Gefor, Deen deen duerch Sech selwer ass.“ Bahá'u'lláh

Elo e Gebiet wat ee ka soe wann ee krank ass: *“Däin Numm ass meng Heelung, o mäi Gott, an d'Erënnerung un Dech meng Medezin. No bei Dir ze sinn ass meng Hoffnung, an d'Léift fir Dech ass mäi Geleet. Deng Baarmhärzegheet fir mech ass meng Heelung a meng Hëllef a béide Welten, an dëser an an där déi kënnt. Du bass wierklech Deen, dee ganz a guer gutt ass, deen alles weess a fir alles eng Léisung kennt.“ Bahá'u'lláh*

„Maach mäin Häerz reng, o mäi Gott, a gëff mir op en neits e rouegt Gewëssen, o meng Hoffnung! Stärk mech mam Geescht vun der Muecht, déi an Denger Saach läit, o meng grouss Léift, a looss mech Däi Wee kucken duerch d'Licht vun Denger Herrlechkeet, o Du Zil vu mengem Verlaangeren! Erhief mech mat der Kraaft vun Denger gréisster Muecht an den Himmel vun Denger Hellegkeet, o Quell vu menger Existenz, an erfree mech duerch den duusse Wand vun Denger Éiwegkeet, o Du, deen s Du mäi Gott bass! Looss Deng éiweg Melodië mech mat Rou iwwerstréimen, o mäi Begleeder, a looss de Räichtem vun Dengem uréiwege Gesiicht mech fräimaache vun allem ausser Dir, o mäi Meeschter, a looss d'Nouvelle vun der Offenbarung vun Dengem onvergängleche Wiese mir Freed bréngen, o Du, deen Evidentste vun allem wat evident ass, an dee Verbuergenste vun allem wat verbuergen ass!“ Bahá'u'lláh

„Gëtt et een, dee Schwierigkeeten ewechhëlt ausser Gott? So: Gelueft sief Gott! Hien ass Gott! All si Seng Denger, an all hale sech u Seng Geboter.“ Báb

„O Gott! Erfreusch an erfree mäi Geescht. Maach mäin Häerz reng. Looss meng Kräften oplichten. Ech leeën all meng Affären an Deng Hand. Du bass deen, dee mech leet an an deem ech en Ënnerdaach fannen. Ech wäert net nach méi laang traureg a gedréckt sinn; ech wäert e glécklecht a frount Wiese sinn. O Gott! Ech wäert net nach méi laang voller Angscht sinn, an och de Suergen et net erlabe fir mech ze péngegen. Ech wäert mech net mat deene verdrëssleche Saache vum Liwen ophalen. O Gott! Du bass fir mech e bessere Frënd wéi ech et fir mech selwer sinn. Ech weie mech dir, o Här.“ 'Abdu'l-Bahá

128 Nohalteg zesummeschaffen, an dat nom 11te September

128t Sendung um Radio Ara, 18ten Oktober 2002. news.bahai.de - Presseinformationen, Statements und Mitteilungen der Baha'i-Gemeinde in Deutschland. Nachhaltig zusammenarbeiten! Lernprozesse der Religionen nach dem 11. September 2001

Am 11. September 2002 jähren sich die Anschläge in New York und Washington - ein Angriff, bei dem auch religiöse Motive eine Rolle gespielt haben. Als Mitglieder am Runden Tisch der Religionen in Deutschland fragen wir, welche Folgen nicht nur kurz-, sondern längerfristig zu bedenken sind und was insbesondere die Religionsgemeinschaften lernen müssen:

1. Die Religionen sind zu einer Weggemeinschaft berufen. Dabei brauchen wir den Mut, uns gegenseitig vor ideologischem Missbrauch zu warnen.
2. Die Ursachen der Gewalt liegen tief. Zu ihnen gehören soziale und wirtschaftliche Verarmung, religiös-kulturelle Nichtachtung und verletztes Selbstbewusstsein ebenso wie religiöser Fanatismus und politischer Missbrauch religiöser, kultureller und nationaler Gefühle. Im Hintergrund stehen oft Wunden, die man sich in der Geschichte der Religionen zugefügt hat.
3. Der Terror des 11. September 2001 in den USA ist vom Ausmaß und seiner menschenverachtenden Brutalität her unfassbar. Für Religionsgemeinschaften bedeutet er eine Herausforderung ganz eigener Art.
4. Auch wenn terroristische Taten nur religiös verbrämt, aber nicht motiviert sind, gibt es in Religionsgemeinschaften Sichtweisen, die sie stützen und für die die Religionsgemeinschaften Mitverantwortung tragen.
5. Wir betonen deshalb: Die Religionsgemeinschaften sind ihrem Glauben und damit auch dem Gemeinwohl verpflichtet. Sie müssen - zusammen mit Vertretern der Politik, der Wirtschaft und der Erziehung - daran mitarbeiten, die Mechanismen aufzudecken, die zum Terror führen. Sie sind insbesondere gefordert, ein Netzwerk für die Entwicklung von Frieden und Gerechtigkeit mit aufzubauen.
6. Gefordert ist eine religiöse Ethik, die über die eigene Glaubensfamilie hinaus weist und die Bereitschaft zur Mitarbeit an der Weltgemeinschaft weckt. Nicht nur in Wirtschaft und Politik, sondern auch in den Religionen und Kulturen muss global gedacht und gehandelt werden.
7. Gleichzeitig ist eine wirksame institutionelle Form für das interreligiöse Krisenmanagement gefordert: Über die Aburteilung jeglichen Terrors im Namen der Religionen hinaus müssen Strukturen entwickelt werden, um bei gegenseitigen Beschuldigungen und Verletzungen im Gespräch zu bleiben, an der Deeskalation von Gewaltaktionen mitzuwirken und Versöhnungsprozesse in Gang zu setzen.

Der 11. September 2001 verlangt nachhaltiges Denken und Handeln:

- in einer kontinuierlichen Begegnung und Verständigung zwischen Menschen verschiedener Religionen und Kulturen,
- in einer Erziehung, die Vorurteile überwindet und in der Verletzungen der Vergangenheit aufgearbeitet werden,
- in einer Bildung, die das je eigene religiöse und kulturelle Erbe lebendig macht und fruchtbar werden lässt für eine vielfältige, nicht "gleichgeschaltete" Gemeinschaft,
- im Einsatz für Benachteiligte und an den Rand gedrängte Bevölkerungsgruppen,
- in einer Integrationsbemühung, in die sich alle mit ihren Fähigkeiten und Besonderheiten gleichberechtigt einbringen können.

Wir hoffen, dass vom "Tag der Religionen", der von uns angeregt wurde und am 14. November 2002 erstmals in Hamburg stattfinden wird, nachhaltige Verständigungsimpulse ausgehen.

Bonn, im September 2002

Für den Nationalen Geistigen Rat der Bahá'í: Dr. N. Towfigh

Für die Deutsche Buddhistische Union: Dr. A. Weil

Von der Evangelischen Kirche: Bischöfin B. Wartenberg-Potter

Vorsitzender des Islamrates: A. Kizilkaya

Für den Zentralrat der Juden in Deutschland: N. Kalmanowicz

Für die Orthodoxe Kirche: Metropolit Dr. Serafim

Von der Röm.-Katholischen Kirche Weihbischof Dr. H-J. Jaschke

Vorsitzender des Zentralrates der Muslime: Dr. N. Elyas

129 Geeschteg Grondlage vum Bahá'í Liewen a wéi d'Bahá'í d'Zukunft gesinn

129t Sendung um Radio Ara, 18ten an 19ten Oktober 2002. Wëllkomm bei eiser 129ter Bahá'í Emissioun um Radio ARA. Haut mat e puer Froen an Äntwerten: Wat sinn déi geeschteg Grondlage vum Bahá'í Liewen?

Virun allem dem Herrgott kënnen ze vertrauen an dat zu allen Zäiten an ënner allen Emstänn. Konkret heescht dat fir mech, dass wann ech mäin Deel a mengem Liewe richteg gestalten, also no de Léiere vu Bahá'u'lláh, kann ech mat rouegem Gewësse Gott vertrauen, och a schwéieren Zäiten.

Bahá'í sinn heescht och eemol am Dag bieden, an aus de Bahá'í Schrëfte liesen, sief et och nëmmen ee Satz an dat am Geescht vum Nodenken an der Meditatioun. E Bahá'í probéiert op mannst eemol a sengem Liewe eng Pilgerrees ze man, an dat an d'hellegt Land, Israel, do wou de Begrënner vun der Relioun begrüewen ass, Bahá'u'lláh. Während 9 Deeg kritt een am geeschtegen an am administrative Weltzentrum d'Méiglechkeet, méi genee d'Bahá'í Geschicht kennenzeléieren, mat engem Guide, mat Konferenzen a mat der Méiglechkeet vill Zäit an de Bahá'í Gäert ze verbréngen. Ausserdeem begéint all Pilger während senger Rees d'Membere vum héchste Bahá'í Conseil, am Weltzentrum op eng relax Aart a Weis a bei enger Taass Téi.

Bahá'í sinn heescht och eemol am Joer 19 Deeg Faaschten, vum 2te bis den 21te Mäerz, an dat vu moies bis owes. An all grouss Relioun fanne mer eng Faaschtenzäit, déi haaptsächlech dozou déngt, fir sech eemol am Joer eng zäitlaang kënnen op déi geeschteg Säit vun eisem Liewen ze konzentréieren.

Bahá'í sinn heescht net zu gudder lescht sech um Dénsgscht un der Mënschheet anzesetzen.

Wéi gesinn d'Bahá'í dann d'Zukunft? D'Bahá'í gleewen un eng positiv Zukunft vun der Mënschheet. Bahá'u'lláh schreift dass „*dës verdiefflech Kricher verginn an dass de gréisste Fridde komme wäert*.“ Weider schreift hien: *"In diesem wunderbaren Zyklus aber wird die Erde verwandelt und die Welt der Menschheit mit Frieden und Schönheit geschmückt... Die Starken und die Schwachen, die Reichen und die Armen, die streitenden Sekten und die verfeindeten Nationen, die dem Wolf und dem Lamm... gleichen, werden in größter Liebe, Freundschaft, Gerechtigkeit und Unparteilichkeit zusammenwirken."*

"Nationale Rivalität, Haß und Intrigen werden aufhören, Feindseligkeiten und Rassenvorurteile werden durch Freundschaft, Verständigung und Zusammenarbeit ersetzt werden. Die Ursachen religiöser Zwistigkeit werden für immer aus dem Wege geräumt werden; wirtschaftliche Schranken und Hindernisse werden völlig beseitigt, der maßlose Klassenunterschied verwischt werden... Ein Weltbundsystem, das die ganze Erde beherrscht und unanfechtbare Amtsgewalt über ihre unvorstellbar großen Hilfsquellen hat, ... dessen Leben von der allumfassenden Anerkennung eines Gottes und vom Gehorsam gegen eine gemeinsame Offenbarung getragen ist — dies ist das Ziel, dem die Menschheit, durch die vereinigenden Lebenskräfte angetrieben, zustrebt."

Weltwäit schaffen d'Bahá'í konkret un dëser Realisatioun an offrëieren der Mënschheet d'Modell vun hirem Glawen. Haut, no e bësse méi wéi 150 Joer, sinn dat iwwer 6 Milliounen Bahá'í weltwäit. Wéi ëmmer gouf iech dës Rubrik offrëiert vun de lëtzebuerger Bahá'í.

130 Bahá'í Texter a Schrëften

130t Sendung um Radio Ara, 1ten an 2ten November 2002. D'Bahá'í Relioun huet e ganze Koup authentesch Schrëften. De Reliounsstëfter Bahá'u'lláh selwer an aner zentral Perséinlechkeeten hunn handschrëftlech oder vun hinne bestätegt Opzeechnungen hannerlooss, déi am perseschen, arabeschen oder engleschen Original erhalen sinn. Haut ginn et Iwwersetzungen an all de groussen Sproochen vun der Welt. Bei dësen Schrëften handelt et sech ëm ganz ënnerschiddlech Texter, sou zum Beispill Bréiwer u Privatpersounen, Sendschreiwen un Herrscher, Bicher, Ofhandlungen a kuerz Texter. Dorënner fënnt ee Gebieder, saachlech Ausernansetzungen, Äntwerten op Froen, lyresch oder mystesch Passagen, an historiesch Aufsätz.

Fir e Bahá'í verbindlech sinn d'Schrëfte vun dësen Auteuren:

De Báb, (dee vun 1819 bis 1850 gelieft huet), Stëfter vun der Bábi-Relioun a Virleefer vu Bahá'u'lláh. Hien huet d'Komme vun engem neie Gottesoffenbarer verkënnegt. Bahá'u'lláh, 1817-1892, Begrënner vun der Bahá'í Relioun. Abdu'l-Bahá, 1844-1921, Jong vu Bahá'u'lláh an autoriséierten Interpret vu senger Schrëften. De Shoghi Effendi, 1897 – 1957, Enkel vum Abdu'l-Bahá a Leader vun der weltwäiter Bahá'ícommunautéit, an dat a Virbereedung op d'Universaalt Haus vun der Gerechtegkeet, déi héchst Kierperschaft an der Bahá'í Weltgemeng; dës Gremium gëtt säit 1963 all 5 Joer gewielt an huet säi Sëtz zu Haifa an Israel. Opgrond vun hirer zugläich dezentraler Struktur gëtt et an der Bahá'í Weltcommunautéit nach weider Institutionen, déi, ënner anerem duerch PresseCommuniqueeën

hire Beitrag zur Förderung vu Welteenheet leeschten, sou zum Beispill d'international Bahá'ícommunautéit oder déi National Geeschteg Réit vun all Land.

Hei elo e puer vun den Themen déi trätéiert ginn : Eng nei Weltuerdnung, Fridden, déi wirtschaftlech a sozial Entwécklung, d'Famill, d'Erzéiung, d'Ëmwelt, Fraen, d'international Bahá'í Gemeng an d'Veereenten Natiounen, d'Mëscherechter an d'Verfollegunge vun de Bahá'í am Iran.

Zum Thema Erzéiung seet Bahá'u'lláh dass et jidderengem seng Pflicht ass sech Wëssen unzueeegnen. Dobäi sollten awer déi Wëssenschafte studéiert ginn, déi de Vëlker op der Äerd eppes nützen an net déi, déi mat Wierder ufänken a mat Wierder ophalen. Vill verdanken d'Vëlker vun der Welt de Wëssenschaftler an den Handwierker. Wëssen ass wierklech e Schatz fir de Mësch, eng Quell vu Ruhm, Groussmut, Freed an Erhewenheet. ¹ Wéi ëmmer gouf iech dës Rubrik offréiert vun de lëtzebuerger Bahá'í.

131 Wat bréngt et u Gott ze gleewen?

131t Sendung um Radio Ara, 8ten an 9ten November 2002. Abee, ech hu mer d'Fro gestallt well ech an de Bahá'í Schrëfte liesen et soll ee sech Gott ganz uvertrauen. Firwat dann? Eng Méiglechkeet dëst Thema unzegoen ass déi heiten: Wann ee sech de Mësch a sengem Alldag ukuckt, mierkt ee séier, wivill Aschränkungen hien am Fong huet. Eng Rei Saachen an eisem Liewen ënnerleien einfachen Noutwendegkeeten, deene mer wierklech net entgoe kënnen. Iessen an Drénken, schlofen an iergendwann eng Kéier stierwen. An eisem Liewe komme Momenter wou mer net sou gutt drop sinn, wou mer krank sinn, entweder wou eise Kierper neméi matspillt oder eise Geescht. Mir hu Problemer am Stot, op der Aarbecht, jee et kënnt fir dass mer de Kopplabunz schloen, dass alles eis iwwer de Kapp wiesst.

Et ass grad a sou Momenter, an dëse Phase vun eisem Liewen, wou mer eis d'Fro stellen. Ma gött et da keen dee mer hëllef kann, sinn ech da ganz aleng op mech ugewisen. Grad do froe sech vill vun eis; wann et eng Kraaft gött déi net mëschlech ass, déi net deene selwechte Contrainten ausgesat ass wéi mir, kann si eis dann net hëllefen. Kënne mer un eppes gleewe wat mer net gesinn, wat mer net kënnen upaken?

Eng éischt Méiglechkeet ass ze soen: Allé Jean-Marie, rapp dech um Rimm, huel der Zäit, mach eng Paus a gleef nees un dech selwer. An dat ass gutt esou. U sech selwer gleewen ass menger Meenung no den Ufank vun engem neien Ufank, mat Hoffnung, Vertrauen an Zouversicht. Wat hunn ech da méi u Kraaft wann ech un en Herrgott gleewen, un eng Stärkt, eng Ressource, déi fräi ass vun de Contrainten vun eisem Liewen. Eng Stärkt, déi mir jo am Fong net verstoe kënnen. Gleewen, dass et esou eng Kraaft gött, hëllef mir, mech ze situéieren, do wou ech stinn, wat meng Fäegkeete sinn, wat ech ka man a wat net. Ech mierken dass et mäin eegene Wëlle gött, mat all menge Wësch fir mech selwer, fir d'Leit ronderëm mech a fir d'Mëschheet. An dass et e Wëlle gött op deen ech keen direkten Afloss hunn. De Wëlle Gottes. A wann ech vum Wëlle Gottes schwätzen dann denken ech un en Herrgott deen et gutt mat eis mengt. A wéi weisst hien eis seng Guttheet, vu dass mir Hie jo am Fong net verstoe kënnen? Duerch seng Propheten, oder wéi mir soen, seng Gottesoffenbarer, also näischt anescht wéi Erzéier. Krishna, Zarathustra, Buddha, Abraham, Moses, Christus, Mohamed, de Báb a Bahá'u'lláh. Si vermëttelen eis d'Leift vun eisem Schöpfer fir seng Schöpfung. Dës Erzéier hannerloossen eis hiert Liewen an hir Texter, déi mir helleg Schrëften nennen. Dës Texter passen sech der jeeweileger Zäit un, dat wat mir Mënsche brauchen. An de *Verbuergene Wierder*, engem hellegen Text aus de Bahá'í Schrëfte, schreift Bahá'u'lláh mat der Stëmm vum Herrgott a seet eis an engem Saz firwat hien eis erschaf huet: „*Verstoppt a mengem éiwege Wiesen, wosst ech ëm meng Léift fir dech, dofir hunn ech dech erschaf, hunn dech no mengem Bild geschaf an hunn dir meng Schéinheet offenbaart*“ ²

Wann dës Kraaft mech interesséiert, dës onwahrscheinlech Ressource, wéi kommen ech drunn? Erëmm en Tuyau dee mer an de Bahá'í Schrëfte fannen: Mat der Stëmm vum Herrgott: „*Sief frou mat mir, sou dass ech ka frou si mat dir. Wanns du mech net gär hues, ka meng Léift dech nimols erreechen. Sief der deess bewosst*“ ³

Natierlech erfëllen d'Gebieder op dëser Plaz hire Sënn, nämlech e Gespréich mam Herrgott. An dass dat net sou ohne ass, brauch ech iech net ze soen. Mee do denken ech dass de Wee méi wichteg ass wéi d'Resultat. Einfach d'Sich no der Wourecht, d'Sich no deem wat eis vläicht no dësem Liewen erwaart. Nach ni huet de Mësch sech zefridde ginn, mat deem wat e mat senge bloussen A gesäit. Hu mir e geeschtegt A, eng Séil, a wat ass et? All dës Froen sinn zentral fir eise geeschtege Wuesstum an hëllefen eis schlussendlech besser mat dësem Liewe eens ze ginn! Meng Fro un iech: Hutt dir haut scho probéiert mam Herrgott Kontakt opzehuelen?

¹ Akka 5:15

² Bahá'u'lláh, *Déi Verbuergene Wierder*, ISBN 978-2-9599754-0-0

³ *idem*, arabesch, no 5

Zum Schluss nach eng Invitatioun fir e Méindeg 11ten November, owes um 7 Auer, zu Péteng an der Maison de la culture *A Rousen*, op der Maarktplaz. D'Bahá'í Gemeng organiséiert d'Feiere vum Gebuertsdag vu Bahá'u'lláh. Kommt einfach bis laanscht. Si hunn e flotte Programm mat Musek, Gebieder a Kaffi an Taart fir iech virbereet. Also nächste Méindeg, 11ten November, owes um 7 Auer, zu Péteng an der Maison de la culture *A Rousen*, op der Maarktplaz.

132 Wat et heescht als Bahá'í ze liewen

132t Sendung um Radio Ara, 15ten a 16ten November 2002. Mam Komme vu Bahá'u'lláh huet d'Mënschheet eng nei Etapp an hirer Entwécklung erreecht. Si ass elo erwuesse ginn. Dat bedeit fir jiddereen net nëmme méi Fräiheeten, awer och Verantwortung vu jidderengem fir d'Gemeinschaft a fir d'ganz Mënschheet.

An der Bahá'í Relioun gëtt et keng Geeschtlech a keng Kierch. Jiddereen ass selwer opgefuerdert, no der Wourecht ze sichen. Fir eis dobäi ze hëllefen, stinn eis e ganze Koup Schrëften zur Verfügung. All Aarbecht, déi am Geescht vum Déngecht un der Mënschheet gemaach gëtt, ass an der Bahá'í Relioun Gottesdéngecht. Relioun soll sech virun allem an Aktiounen, net a Wieder ausdrécken. Mëttelpunkt vum Gemeinschaftsliewe vun engem Bahá'í ass d'Nonzéngeegfest. An dat ass am Ufank vun all Bahá'í Mount (E Bahá'í Mount huet 19 Deeg). d'Nonzéngeegfest huet dräi Deeler. Eng Andacht mat Gebieder, en Deel Berodung vun der Gemeng an e gesellegt Zesummesinn.

Fir déi geeschteg Entwécklung vum Eenzelne ginn et verschidde Virschrëften wéi dat deeglecht Gebiet oder d'Faaschten. D'Gläichwäertegkeet vu Mann a Fra, d'Zil vun enger méiglechst gudder Erzéiung fir d'Kanner, sech stänneg beméien, sech selwer weiderze entwéckelen an eng praktizéierend Gastfrëndlechkeet sinn e puer weider Punkten, déi d'Liewe vun engem Bahá'í ausmaachen.

Kucke mer eis e bësse méi genee den Deel vun der Bahá'í Berodung un: Et ass dat en neie Wee fir Entscheidungen ze fannen, wou ëmmer méi Mënschen d'Wourecht fannen oder wou si eppes decidéiere wëllen. Dës Form vu Berodung brauch e kreatiivt Matschaff vu jidderengem. Si erméiglecht et, aus all den Iddien a Virschléi zesummen déi optimal Léisung erauszeschaffen.

Fir d'éischt ginn d'Tatsaachen an d'Fakten als Grondlag festgestallt. All Participant leet da seng Iddien op den Dësch. Et spillt da keng Roll méi, vu wiem wéi eng Ausganksiddi eemol koum. Zesumme beméit jiddereen sech dann, aus all de Beiträg eng optimal Entscheidung ze entwécklen, déi dann d'Eegentum vun der ganzer Grupp gëtt. Op déi Aart a Weis kann e Gremium, eng Grupp oder eng Famill besser Resultater erreechen. Dës Berodung gëtt besonnesch an de reegelméissegeme Gemeengeversammlungen an an de gewielte Gremie praktizéiert. Fir ofzeschléissen nach e klengen Text aus de Bahá'í hellege Schrëften:

*O Sohn des Geistes! Dies ist Mein erster Rat: Besitze ein reines, gütiges und strahlendes Herz, damit du unvergängliche Souveränität erlangest, während von Ewigkeit zu Ewigkeit.*¹

*O Sohn des Geistes! Von allem das Meistgeliebte ist Mir die Gerechtigkeit. Wende dich nicht ab von ihr, wenn du nach Mir verlangst, und vergiss sie nicht, damit Ich dir vertrauen kann. Mit ihrer Hilfe sollst du mit eigenen Augen sehen, nicht mit denen anderer, und durch eigene Erkenntnis Wissen erlangen, nicht durch die deines Nächsten. Bedenke im Herzen, wie du sein solltest. Wahrlich, Gerechtigkeit ist Meine Gabe und das Zeichen Meiner Gnade. So halte sie dir vor Augen.*²

*O Sohn des Menschen! Sprich nicht über die Sünden anderer, solange du selbst ein Sünder bist. So du dieses Gebot übertrittst, bist du verworfen - dies bezeuge Ich dir.*³

133 U Gott gleewen, an dann?

133t Sendung um Radio Ara, 22ten November 2002. Erkennen, dass et ee gëtt, deen eis erschaf huet, kann eis hëllefen d'Welt besser ze verstoen. Mee wat maache mer domat. Mat deem Glawen, kënne mer do eppes damat ufänken? Wéi kann den Herrgott eis da konkret hëllefen?

Abé, wa mer gleewen, dass den Herrgott eis duerch seng Propheten hëlleft, eist d'Liewen hei besser ze liewen, lauschtere mer natierlech op dat wat si eis soen. An dat ass näischt anéisch wéi d'hellege Schrëfte vun de grouse Reliounen. Fir e Bahá'í kommen natierlech d'Schrëfte vun eisem Begrënner Bahá'u'lláh dabei, genee sou wéi säi Virleefer de Báb a säi Jong 'Abdu'l-Bahá. Dës Texter hunn eng Kraaft déi net vun dëser Welt ass. Sech vun der

¹ idem, arabesch, no 1

² idem, arabesch, no 2

³ Bahá'u'lláh, *Déi Verbuerge Wieder*, arabesch, no 27

Schénheet an der Déift vun dësen Texter ze inspiréieren ass dat éischt Resultat. Dat ass awer net alles. D'Schrëfte sollen eis dozou ureegen, eist d'Liewen an dat vun eise Matmënschen ze verbesseren an dat op eng ganz konkret Aart a Weis. Transformatioun vum Eenzelnen ass d'Zil. „D'Schrëfte vum Herrgott verstoen, ... ass op keng Manéier ofhängeg vum mëschleche Wëssen. Et huet mat der Rengheet vum Häerz ze dinn, ... mat der Fräiheet vum Geescht.“

Hei elo e puer vun dësen Texter aus de Bahá'í Schrëfte fir Iech: „Et ass d'Flicht vun all Mësch mat Asticht a Verständnes duerno ze striewen, dat wat hei niddergeschriwwen ass an d'Wierklechkeet an an d'Dot ëmzesetzen.“¹

„Als éischt muss de no Geeschtegkeet duuschtreg sinn, dann lief däi Liewen! Lief däi Liewen! Lief däi Liewen! Fir dësen Duuscht ze kréien, denk iwwer d'Liewen nom Doud no. Studéier d'helleg Wierder, lies deng Bibel, lies d'helleg Bicher a studéier besonnesch d'helleg Aussoe vu Bahá'u'lláh. Gebiet a Meditatioun, huel der fir béid vill Zäit. Da wäers de dëse groussen Duuscht spieren an nëmmen da kanns de ufänken, d'Liewen ze liewen.“²

„En neit Liewen duerchpulst an dëser Zäit all d'Vëlker vun der Äerd, an awer huet keen seng Ursach entdeckt a säi Grond erkannt. Kuck d'Vëlker vum Westen. Kuck wéi si op der Juegd no deem sinn, wat eitel a gemeng ass, wéi si eng Onmass vu Liewe geopfert hunn an nach opferen, fir sech materiell Saachen ze sécheren, ...

Gerechtigkeit beklagt an diesem Tage ihren schweren Stand, und Billigkeit stöhnt unter dem Joch der Unterdrückung. Dichte Wolken der Gewalt haben das Antlitz der Erde verfinstert und ihre Völker umhüllt. Durch die Bewegung Unserer Feder der Herrlichkeit haben Wir auf Befehl des allmächtigen Gesetzgebers neues Leben in jede menschliche Hülle gehaucht und frische Kraft in jedes Wort geflößt. Alles Erschaffene verkündet die Beweise dieser weltweiten Erneuerung. Dies ist die größte, die froheste Botschaft, die der Menschheit durch die Feder dieses Unterdrückten übermittelt wurde.

Sei freigebig im Glück und dankbar im Unglück. Sei des Vertrauens deines Nächsten wert und schaue hellen und freundlichen Auges auf ihn. Sei ein Schatz dem Armen, ein Mahner dem Reichen, eine Antwort auf den Schrei des Bedürftigen, und halte dein Versprechen heilig. Sei gerecht in deinem Urteil und behutsam in deiner Rede. Sei zu keinem Menschen ungerecht und erweise allen Sanftmut. Sei wie eine Lampe für die, so im Dunkeln gehen, eine Freude den Betrühten, ein Meer für die Dürstenden, ein schützender Port für die Bedrängten, Stütze und Verteidiger für das Opfer der Unterdrückung. Laß Lauterkeit und Redlichkeit all dein Handeln auszeichnen. Sei ein Heim dem Fremdling, ein Balsam dem Leidenden, dem Flüchtling ein starker Turm. Sei dem Blinden Auge und ein Licht der Führung für den Fuß des Irrenden. Sei ein Schmuck für das Antlitz der Wahrheit, eine Krone für die Stirn der Treue, ein Pfeiler im Tempel der Rechtschaffenheit, Lebenshauch dem Körper der Menschheit, ein Banner für die Heerscharen der Gerechtigkeit, ein Himmelslicht am Horizont der Tugend, Tau für den Urgrund des Menschenherzens, eine Arche auf dem Meer der Erkenntnis, eine Sonne am Himmel der Großmut, ein Stein im Diadem der Weisheit, ein strahlendes Licht am Firmament deiner Zeitgenossen, eine Frucht am Baume der Demut.

³

134 Eis Relatioun mam Herrgott

134t Sendung um Radio Ara, 29te November 2002

Eis Relatioun mat deem deen eis erschaf huet ass sécher ganz besonnesch. Op eng Manéier ass et wéi e Kontrakt dee mir maachen. E Kontrakt tëschent mir a mengem Schöpfer. An deem Kontrakt fuerdert den Herrgott vu mir e gewësst Verhalen an Hie verspricht mir dofir seng Gnod. Gott verspricht deem Gleewegen och, hien ni am Stéch ze loossen, dat heescht dass Hien eis vun Zäit zu Zäit e Gottesoffenbarer, eng Manifestatioun schéckt. Fir haut ass dat Bahá'u'lláh.

Op Franséisch ass et *une alliance, un covenant*, eng Entente. Wéi all Gottesoffenbarer virun Him, huet Bahá'u'lláh e Versprieche gemaach, an zwar dass no Him en anere Gottesoffenbarer komme wäert. Awer net virun dausend Joer. An dëser Relatioun ass et och wichteg ze wësse wéi de Glawen seng Eenheet behält. An dat ass am Bahá'í Glawen nei. Bahá'u'lláh huet nämlech e Bündnes gemaach mat deenen, déi no Him kommen. D'Zentrum vun dësem Bündnes ass 'Abdu'l-Bahá. An der Persoun vu sengem eegene Jong, gëtt Hien him d'Verantwortung an d'Erlaabnes seng Gesetzter a Léieren ze interpretéieren, ze weisen das dës Gesetzter a Léieren e ganz konkreten a praktesche Wäert hunn a net zu gudder Lescht, dass si eng aussergewéinlech Kraaft duerstellen.

¹ Verse Gottes, s.10

² 'Abdu'l-Bahá, Leitgedanken

³ Bahá'u'lláh, Ährenlese

Mat dësem Verständnes a mat dëser Notioun vu Kontrakt tëschent dem Mënsch a sengem Schöpfer ass et vläicht méi einfach ze verstoen, wat fir eng Relatioun mir mat Him hunn. Eng Relatioun vu Verantwortung, Rechter a Flichten.

Den Nosrat Tirandaz, e Bahá'í a franséische Wëssenschaftler, schreift a sengem neie Buch: *Le Covenant* dat heiten: « *En ce qui concerne la signification de l'alliance baha'ie : D'abord, il y a l'alliance que chaque prophète établit avec l'humanité ou, plus précisément, avec son peuple pour qu'il accepte et suive la Manifestation future qui sera la réapparition de sa réalité.* »

L'histoire spirituelle de l'homme est l'intégration de deux processus imbriqués : c'est d'abord l'histoire de l'individu évoluant dans un laps de temps relativement court (l'espace d'une vie) du monde de la matière vers le monde spirituel. Cette transformation s'inscrit dans un processus plus ancien et plus large: celui de l'évolution collective de l'homme. Tout homme, dans le cheminement qui le mène de la prise de conscience de son entité spirituelle à sa Rédemption par le Verbe, intègre ces deux processus dans une dynamique personnelle. ...

La reconnaissance de la Manifestation de Dieu est un acte qui relève de l'évolution collective de l'humanité (on ne peut reconnaître (Jésus) Muhammad ou le Báb qu'à partir d'une certaine époque de l'histoire humaine) : une Manifestation divine apparaît en un lieu et en un temps correspondant au grand dessein de Dieu pour l'homme (en tant qu'espèce), l'acceptation de cette Manifestation donne la vie et régénère le cœur. Cette acceptation relève de la fidélité à la grande alliance de Dieu. En effet, l'alliance est un pacte liant l'homme à Dieu. Nous retrouvons cette vérité dans tous les livres sacrés, exprimée de façon plus ou moins voilée. »

Bahá'u'lláh schreift: *O amis ! « ...Ne préférez pas votre volonté à la mienne, ne désirez jamais ce que je n'ai pas désiré pour vous, et ne m'approchez pas avec un cœur privé de vie, souillé d'appétits et de désirs terrestres. Si seulement vous pouviez sanctifier vos âmes, ... »*

Säi Jong 'Abdu'l-Bahá gött déi heiten Explikatioun zu dësem Zitat : « *Quant à la déclaration de Bahá'u'lláh ..., selon laquelle l'homme doit renoncer à son moi. elle signifie qu'il doit renoncer à ses désirs immodérés, à ses ambitions égoïstes et aux impulsions de son être humain pour rechercher les saintes brises de l'esprit, suivre les aspirations de son être supérieur et se plonger dans l'océan du sacrifice, le cœur fixé sur la beauté du Très-Glorieux. »*

Eng Fro déi een sech stelle kann: Hunn ech haut schonn iwwer meng Relatioun mat mengem Schöpfer nogeduecht? Ech wënschen iech eppes Schéines!

135 Ethik a Wirtschaft, um Wee zu enger neier Weltuerdnung

135t Sendung, 6ten a 7ten Dezember 2002

Bahá'í Neiegekeiten: Italien: D'Universitéit vu Bari féiert en neie Cours iwwer d'Ethik an d'Wirtschaft an. Dëse permanente Cours baséiert sech op d'Bahá'í Prinzipien an de Co-ordinator ass e gutt bekannte Bahá'í Geschäftsmann.

De Kursus nennt sech: *Ethik an Economie, um Wee zu enger neier Weltuerdnung* a besteet aus zéng Seminaren, déi sech op wesentlech Bahá'í Wäerter konzentréieren, wéi zum Beispill Berodung, Gerechtegkeet an Ethik, Gläichheet, universell Erziéung an d'Eenheet vu Wëssenschaft a Relioun an dat am Bezuch op d'Welt vum Commerce an der Wirtschaft.

D'Universitéit huet de Giuseppe Robiati als Co-ordinator fir de Cours ernannt. Hien ass Member vun der Bahá'í Gemeng an Italien, e Geschäftsmann mat enger wäitleefeger Erfahrung am *Engineering a Business Management*, souwéi am Beräich vun de mënschleche Ressourcen.

Den Här Robiati, Präsidant vun S.C.A.C. eng féierend Firma an der italienescher Industrie, huet och eng Rei Bicher geschriwwen, dorënner *Glawen a Weltwirtschaft, eng Zesummenaarbecht: Eng Bahá'í Perspektiv, Den Herrgott an d'Wirtschaft, eng Partnerschaft déi méiglech ass an Eng Wirtschaft fir eng nei Weltuerdnung*. Den Här Robiati ass och Member vum Europäesche Bahá'í Wirtschaftsforum (EBBF), e Forum dee wesentlech dozou bäigedroen huet, dass dëse Cours zustane koom.

D'Universitéit vu Bari ass déi zweet gréisst Uni an Italien, mat ëm déi 50.000 Studenten an enger Fakultéit vun ëm déi 2200 Professoren. De Cours fänkt am März nächst Joer un. ...

De Professor Girone, Direkter vum der Wirtschaftsfakultéit, deem sech schonn zënter 1990 fir d'Präsentatiounen an d'Virtueg vum Här Robiati interesséiert sot: „*Ech war immens ugezunn vun ärer Visioun an ech soe menge Schüler ëmmer dass dëse Cours net nëmme fir hir Erziéung wichteg ass mee dass si am Cours eng Visioun fir hir eege perséinlech Zukunft kréien.*“

D'lescht Joer krut den EBBF, den Europäesche Bahá'í Wirtschaftsforum den héich unerkannten *Seal of the University of Bari* fir hir Kontributioun an der Erzéiung vun de Studenten an d'Wäerter déi an hirem Programm präsentéiert ginn. Elo ass dëse Bahá'í Wirtschaftsforum ageluede ginn änlech Coursen an den Universitëte vu Rom, Milan, Bologna, Siena a Pisa ze ginn. Dëse Forum, deem 1990 gegrënnt gouf, huet e Réseau vun 350 Geschäftsleit a 50 Länner. De Forum encouragéiert ethesch Wäerter, perséinlech Dugenden a moralesch Leadership an der Geschäftswelt an d'Realitéit ëmzesetzen. De Forum schafft zesumme mat der UNESCO an der internationaler Aarbechterorganisatioun. Souwäit zu dëser Nouvell aus Italien.

Interessant ass, dass 1983, den héchste Bahá'í Gremium sech an enger Konferenz zu Innsbruck un d'Jugendlech geriicht huet, a sot, si solle sech Beruffer uneegnen, déi fir Erzéiung, ländlech Entwécklung, Landwirtschaft, Wirtschaft, Technologie, Gesondheetswiesen an d'Medie vun Notze sinn; also Beruffer, déi dréngend an de sech entwéckelnde Länner vun der Welt gebraucht ginn.

136 Korruptioun, Deel 1/2

136t Sendung, 13ten a 14ten Dezember 2002. An eiser leschter Emissioun hu mer vun engem neie Cours iwwer d'Ethik an d'Wirtschaft an der Universitët zu Bari geschwat, e Cours dee sech op d'Bahá'í Prinzipie baséiert. Haut kucke mer kuerz wat d'Bahá'í uechter d'Welt man, fir dës Ethik a moralesch Wäerter an ëffentlechen Institutiounen anzeféieren.

D'Dokument nennt sech: *Wéi ee Korruptioun iwwerkomme kann a wéi een Integritéit an ëffentlechen Institutiounen kréien a behale kann*. Geschriwwen gouf et vun der internationaler Bahá'í Gemeng a fir d'éischt präsentéiert zu Den Haag d'lescht Joer, beim Forum global intergouvernemental fir d'Korruptioun ze bekämpfen. Ech hu probéiert déi wesentlech Punkten erauszesichen.

Nodeems d'Mënschheet aus engem Jorhonnert vun Opreegung a risegen Ännerungen kënnt, brauch si elo eng moralesch a geeschteg Erneuerung. Verantwortlech fir dës Noutwendegkeet ass en ëmmer méi groussen Drang no Materialissem an d'Schwieregkeet de Sënn vun eisem Liewen ze verstoen.

Bahá'u'lláh, Begrënner vun der Bahá'í Relioun warnt eis dovun dass d'Relioun ëmmer méi op d'Säit gedréckt gëtt. Hie seet dass Relioun eng stralend Luucht ass an e kräftegen Halt fir d'Wuel vun der Mënschheet. ... Sollt dës Luucht vun der Relioun awer zougedeckt ginn, entsteet Chaos an Duercherneen an d'Luuchte vun der Fairness a Gerechtgkeet, vu Rou a Friden halen op ze schéngen.

Wat eng Gesellschaft zesummenhält sinn Idealer a gedeelte Glawen. Rächtrum baséiert op Friden, Kooperatioun, Altruismus, Dignitéit, an engem verstännegem Verhalen genee sou wéi vun den Entdeckungen an dem Fortschrëtt. Relioun gëtt der Gesellschaft d'Zillen an den Ziment, ethesch Prinzipien an d'Visioun déi Leit a Gemeinschaften vereenegt an hinnen eng Direktioun gëtt an e Sënn fir déi individuell an d'kollektiv Existenz.

Déi Dugenden wéi Éierlechkeet a Loyalitéit sinn zentral fir de mënschleche Fortschrëtt a gi vun der Sprooch vum Häerz an der Stëmm vun eisem Gewësse kultivéiert. Obscho Gesetzer a Strofe wesentlech sinn, si si beschränkt an hirer Effikazitéit.

Sech mat de geeschtege Wuerzele vun der Motivatioun ze beschäftegen, déi matzen an der mënschlecher Identitéit leien heescht dann och, op dee wesentlechen Impuls ze stoussen, deem eng wierklech gesellschaftlech Ännerung mat sech bréngen kann. Aus der Bahá'í Perspektiv heescht dat dass ëffentlech Institutiounen déi Vertraue ginn an déi fräi si vu Korruptioun amgaang sinn, sech moralesch a geeschtlech weiderzeentwécklen.

Fir Bahá'í ass d'Zivilisatioun e geeschtege Prozess wou lues a lues déi moralesch a kreativ Fäegkeete vun der Mënschheet sou ze soen erwächen. D'Schafe vun ëffentleche Milieue fräi vu Korruptioun hängt also dovun of, eng moralesch Fäegkeet beim Einzelnen, bei Gemeinschaften a sozialen Institutiounen opzebauen.

Wéi ass et nu méiglech, dës moralesch Fäegkeet opzebauen? Ginn et praktesch Strategien, déi Gesellschaften adoptéiere kënnen, déi aus hirer Populatioun sozial Akteure ervirbréngen kënnen, déi sech entscheeden hunn, hiert d'Liewen am Déngscht an an der Integritéit ze liewen? Ouni Erzéiung geet et sécher net.

Wat dann elo de konkrete Beitrag vun der Bahá'í Communautéit weltwäit ass, gesi mer an eiser Emissioun d'nächst Woch. Bis dohi wënschen ech Iech nëmmen dat Bescht.

137 Korruptioun, Deel 2/2

137t Sendung, 20ten an 21ten Dezember 2002. An eiser leschter Emissioun hu mer en Dokument präsentéiert, dat fir d'éischt d'lescht Joer beim Forum global intergouvernemental fir d'Korruptioun ze bekämpfen, zu den Hag vun der internationaler Bahá'í Communautéit virgestallt gouf. Hätte mer gär en ëffentleche Milieu fräi vu Korruptioun,

da brauche mer Leit, Gemeinschaften a sozial Institutionen déi et fäerdeg bréngen, eng moralesch Fäegkeet opzebauen.

Wéi ass et nu méiglech, dës moralesch Fäegkeet opzebauen? Ginn et praktesch Strategien, déi Gesellschaften adoptéiere kënnen, déi aus hirer Populatioun sozial Akteure ervirbréngen kënnen, déi sech entscheeden hunn hiert d'Liewen am Dénkscht an an der Integritéit ze liewen? Ouni Erzéiung geet et sécher net. Wat ass de konkrete Beitrag vun der Bahá'í Communautéit weltwäit?

Si huet eng Rei vun Initiativen ergraff, wann och bescheiden, an dat am Beräich vu moralescher Erzéiung an etheschem Leadership. D'Formulatioun vu pädagogeschen Approchen a Methoden déi systematesch moralesch Entwécklung fërden, ass e besonnescht Zil fir d'Bahá'í. D'Universitéit Nur ass déi zweetgréisst privat Institution am Beräich vun der Erzéiung a Bolivien. Si verbënnt akademesch Wësse mat praktescher Erfahrung an etheschem Training, speziell am Beräich vum Dénkscht an der Communautéit, sozialer Gerechtegkeet an de Respekt fir mënschlech Verschiddenheet. D'Philosophie vun der Erzéiung baséiert sech op Konzepter a Prinzipien aus de Bahá'í Schrëften. An hirem Programm vum moralesche Leadership oder Féierung léieren d'Participanten dass si eng Obligatioun hunn no moralesche Prinzipien ze sichen, se ze adoptéieren an duerno ze liewen. Leadership ass eng Verantwortung déi vu jidderengem an der Gesellschaft ausgeübt gëtt an dofir muss ee gewësse moralesch Fäegkeeten developéieren. Dozou gehéiert, dass een d'Wourecht applizéiert an dat an allem wat ee mécht. Ronn 400 ländlech Communautéiten a Bolivien a méi wéi eng Dose Gemengen a latäinamerikanesche Länner hunn dëse Programm matgemaach.

En anere Programm mam Titel: *E Programm fir eng gerecht Gouvernance*, gëtt Staatsbeamten, a Membere vu Gemeinschaftsorganisatiounen eng Formatioun. D'Nur Universitéit fërdert domat den Dialog fir d'zukünfteg Entwécklung vun der bolivianescher Gesellschaft. Vill vun de Gemengen hunn an dësem Programm matgemaach. Donieft gëtt et eng Initiativ wou ëm déi 5000 Studenten an den ëffentleche Sekundärschoulen eng Formatioun kréien. De Programm beschäftegt sech domat wéi een déi Jugendlech vun der Kriminalitéit, der Gewalt, dem Alkohol an dem Drogenkonsum ewechkritt. Dat an der Haaptsaach an deem se virbereet gi fir aktiv an der Communautéit en Dénkscht ze leeschten. D'Universitéit Nur huet och méi wéi 2000 Schoulmeeschteren ausgebild, a Bolivien, Argentinien an am Ecuador. Ee vun de Studenten huet geschriwwen: „*An dësem Cours hunn ech virun allem geléiert mäi Liewen no Prinzipien ze féieren. Ech probéieren elo deenen ze hëllef déi Hëllef brauchen, ouni Luef ze erwaarden, deenen ze verzeien déi mer wëgedoen hunn an aneren dat matzeginn wat ech geléiert hunn an esou zu mengem eegene Gléck an deem vun deenen anere bäizedroen.*“

De Projet: *Gerechtegkeet an der Erzéiung* a Brasilien ass eng aner Bahá'í Beméiung, déi versicht ethesche Leadership an der Regierung vum Land ze fërden. De brasilianeschen Erzéiungsministère a Kollaboratioun mat der Associatioun vun de Richteren aus dem Land hunn d'gréng Luucht gi fir e Programm fir ongeféier 6000 Leit aus dem Justizwiesen, déi direkt mat de Jugendlechen am Kontakt sinn. Wat alles an Europa gemaach gëtt fir Korruptioun ze verhënneren, gesi mer d'nächst Woch. Bis dohin, vu mir nëmmen dat Bescht, e schéine Weekend an eng wonnerbar Woch.

138 Wéi d'Bahá'í Chrëschttag feieren

138t Sendung, 27ten an 28ten Dezember 2002. Et kënnt een net dalaanscht. Chrëschtdaagsmusek an de Stroossen, d'Geschäfte si gerëscht, Sonndes sinn d'Butteker op. Geschenker fir grouss a kleng. Et ass eng stëll an heemlech Zäit heescht et am Lidd. An d'Bahá'í? Feieren si och Chrëschttag? Ganz oft ass et fir Familljen eng Geleeënheet, zesummen an eng Wanterschoul ze goen, sief et hei zu Bollendorf, an Däitschland, an der Schwäiz, an Éisträich oder och méi wäit. Wanterschoulen, genee sou wéi Summer a Fréijorsschoulen sinn dofir do, fir zesummen ze sinn, Kollegen erëmzegesinn, seng Batterien erëm opzelueden. Gewéinlech ginn et moies Virtreeg a mëttes Atelierien, Fräizäitaktivitéiten an owes gemittlecht Zesummesinn. D'Kanner an déi Jugendlech präsentéieren dat wat se den Dag iwwer gemaach hunn, mat Musek a gudder Stëmmung. Fir iech e Beispill ze ginn, maacht einfach am Internet eng Recherche ennert: Bahá'í Winterschule Österreich. Do fannt der de Programm vun dësem Wanter. Normalerweis eng kleng Woch, an dësem Fall an engem Hotel. Aus Lëtzebuerg dabei de Graham Walker. Hie schwätzt iwwer d'Wëssenschaftsethik. En anert Thema vum Gudrun Winkler befaasst sech mat de Wäerter a wéi si Kanner a Jugendlecher an hirer Entwécklung hëllef. Aus Paräis hu mer d'Christine Hakim-Samandari mam Thema: d'Bild vun der Bahá'í Gemeng. Wéi gesot méi genee Detailler um Internet ënnert Bahá'í Wanterschoul an Éisträich. Natierlech sinn dës Schoulen op fir jiddereen. Ech kann et nëmme recommandéieren. Well et ass bei sou Geleeënheeten, wou een d'Atmosphäre sou richteg matkritt.

Fir awer kuerz op Chrëschttag zrëckzekommen. Indirekt oder op eng méi passiv Aart a Weis bedeelegen d'Bahá'í sech un de Feierlechteeten. Zu Lëtzebuerg si vill Bahá'í éischt, zweet oder heiansdo drëtt Generatioun Bahá'í, sou dass een awer alt nach eemol fir Chrëschttag fir ze iessen agelueden ass oder am Fall wou an der Koppel nëmmen

ee Bahá'í ass. Et muss ee jo och wëssen, dass een net Bahá'í ka sinn, wann een net u Christus gleeft. Et gehéiert einfach zum Glawen.

Am Bahá'í Glawe schwätze mer vun enger Gottesoffenbarung déi net ophält. Also Gott offenbaart sech dem Mënsch a Form vu Propheten, Gottesoffenbarer vun Zäit zu Zäit, fir him seng Léieren unzëbieden. Zu dëse Gottesoffenbarer gehéiert och Jesus Christus. An de Bahá'í Schrëfte fanne mer vill iwwer Christus. Eng wonnerbar Quell iwweregens fir an de Bahá'í Texter ze sichen, an dat an e puer Sproochen ass den Internetsite: *ocean bahai*. Dir kënnt de Programm eroflueden an dann eng Recherche man mam Wuert: Christus zum Beispill 'Abdu'l-Bahá schreift iwwer Jesus Christus am Buch: *Beäntwert Froen* a seet: Nom Moses „*ass Christus komm an huet gesot: Ech si vum hellege Geescht gebuer. Wann dat och haut fir Chrëschte liicht ze gleewen ass, sou war et awer deemools ganz schwéier a mir héieren aus dem neien Testament: Ass dat net de Jong vum Joseph vun Nazareth, dee mir kennen. Wéi kann en da soen: Ech si vum Himmel komm? Obwuel hien, vu bausse gesinn an an den Ae vu jidderengem, net vill obweises hat, huet hien sech mat sou enger Muecht erhuewen, dass e reliéis Gesetzer, déi fofzëng Jorhonnerte bestan haten, ofgeschaaft huet.*“

An de Bahá'í Schrëfte kreie mer eng nei Aart a Weis ugebueden fir d'Liewen an d'Wierk Christus kennenzelëieren. Chrëscht sinn heescht an allem Him ze gläichen an erfëllt si vum Geescht vu senger Léift. Léift, Verstännegung a Friden si fir 'Abdu'l-Bahá de Kär vun alle Reliounen. Jesus Christus, d'Wuert Gottes verkierpert dës reliéis Essenz. Chrëscht sinn heescht fir 'Abdu'l-Bahá gerad doranner an der Nofolleg vu Christus ze liewen.

Dat wier et fir haut, ech wënschen iech schéi Feierdeeg an e gudde Rutsch.

139 Gutt Virsätz fir d'neit Joer

Sendung 139, 3ten a 4te Januar 2003. Wéi déi Zäit awer erëmgeet. En neit Joer huet ugefaang, bei eis op jidde Fall. Et ass dat symbolesch sécher méi wichteg. Uleies genuch nei Virsätz ze man, nees e bësse Schwong a säi Liewen ze kreien. Et ass erfreenlech ze gesinn dass vill Medie ronderëm eis net nëmme mat Chrëschtliedder iwwerschëdden, mee dass mer an eiser gudder warmer, gemittlecher Stiffchen d'Realitéit vun Aarmut, Nout a Krich a villen Deeler vun der Welt virun d'Nues gehale kréien. Wat een domat ufänkt hängt ëmmer vun eiser eegener Situatioun dee Moment of. Wéi geet et eis selwer, wou si mir drun, kënne mir iwwerhaapt e Vergläich zéien, mat eise Suergen an deenen hire Suergen. Mir kënnen eise Pfefferkärche bäileeën. An deem mer aktiv sinn oder et ginn. D'Gréisst an d'Ausmooss vun eiser Bestriewung ass do Niewesaach. De Wee dee mir maachen ass ausschlaggebend. An de Bahá'í Schrëfte liese mer: „*Lee all Dag Rechenschaft virun dir selwer of, éiers du zur Rechenschaft gezu gëss. Wëll den Doud mellst sech net un an da muss de dech kënne veräntwere fir dat wat s de gemaach hues,*“.¹

Ech huelen dat positiv op a soe mer. Jean-Marie, wat hues de haut gemaach, wat dawäert ass, driwwer ze schwätzen. An der haiteger Pädagogie neméi wegzedenken. Ech stäipe mech op meng gutt Qualitéiten, op déi Saachen, déi ech gutt gemaach hunn a versichen dat vläicht den nächste Dag e bësselche besser ze man. Wichteg sinn dës kleng Schritt no vir, wann ech sou soen duerf. A wann ech vu Virsätz schwätzen ass dat natierlech gutt, wann ech och déi positiv beschreiwe kann. Ech ka soen: ech wäert an nächste Zäit versiche méi gesond ze liewen, amplaz ze soen, ech wäert net méi fëmmen, net méi schlecht a seier Iessen einfach erofschlëcken. Wéi wichteg dobäi d'Ermuddegung ronderëm eis ass, brauch ech iech jo net ze soen. Abbe ech hu mer fir unzefänke virgehol, meng Virsätz opzeschreiwen, an zwar a klengen Tranche vun dräi Méint. Meng éischt Rei vu Virsätz gi bis den 21te März, d'Bahá'í Neit Joer. An da gëtt et eng Kolonn mat Virsätz a Pläng fir meng Fra an ech, déi mir zesummen ausschaffen.

Wiem notze gutt Virsätz, Resolutiounen a Pläng da schlussendlech? „*Betruecht de Mënsch wéi e Biergwierk, räich un Eedelsteng vun onschätzbarem Wäert. Nëmme d'Erzéiung ka bewierken, dass all dës Eedelsteng an him zum Virschäi kommen an dass d'Mënschheet dorausser Notzen zéie kann.*“

Mat deem Gedanken ass et liicht fir eng Astellung zum Liewen ze hunn wou ech an all Liewenssituatioun probéieren dat Beschdt draus ze man, fir mech a fir déi ronderëm mech. Op ech Professor oder Aarbechter, Dokter oder Botzfra, am Chomâge oder am Prisong sinn, d'Fro ass ëmmer déi selwecht: Wéi kann ech mir an deenen ronderëm mech hëllefen, hinnen e klengen Déngscht erweisen, u si denken. A wéi weisen ech anere meng Léift.

An deem Sënn heescht Bahá'í sinn, ugezu si vun der Visioun vun engem Liewen, wou den Déngscht un der Mënschheet un éischter Plaz ass. Bahá'u'lláh schreift: „*Loosst all Moie besser si wéi den Owend virdrunn an all neien Dag méi räich wéi de viregen. De Wäert vum Mënsch läit am Déngscht an an der Dugend, net am Prunk vum gudde Liewen an am Räichtum.*“ Fir iech e schéine Weekend an eng wonnerbar Woch, an dat nach e bësse besser wéi déi lescht!

¹ Bahá'u'lláh, Déi Verbuerge Wieder

140 Buchvirstellung: Gëllen Äppel, Spigelbiller vum Liewen

Sendung 140, 10ten an 11te Januar 2003. Wëllkomm bei eiser 140ter Rubrik um Radio ARA. D'Emissioun vun de lëtzebuurger Bahá'í. Haut mat enger Buchvirstellung aus dem Horizonte Verlag : *Gëllen Äppel, Spigelbiller vum Liewen*, zesummegeallt vum Kambiz Poostchi.

Liicht am Häerz: „*Léift ass eng Luucht, dat ni an engem ängschtlechem Häerz wunnt*“ Am Buch wat ech iech haut virstellen, fannt der eng Sammlung vu léierräichen an humorvolle Geschichten, Wäisheeten an Aphorismen aus aller Welt déi dir am Alldag, am Beruff an a Formatioune gebrauche kënnst.

Zoufall: E Mann hat sech an der Wüst verlaaf. Spéider wéi e senge Kollege beschriwwen huet, wat en alles duerchgemaach hat a verzweiwelt op de Knéie souz fir den Herrgott ëm Hëllef ze froen, hu seng Kollege gefrot: An, huet den Herrgott dir g'äntwert? A wouhir, sot en, éier Hien dat maache konnt, koum zoufälleg en Archäolog laanscht, deen amgaang war an der Géigend ze fuerschen an huet mer de Wee gewisen.

D'Buch ass voll mat sou kleng Geschichtelcher iwwer d'Liewen, kleng Gedichten a witzeg Anekdoten.

D'Paradis: Wanns de der e Palast am Paradis wënschs, da kuck dass däin Doheem eng Plaz gëtt, wou d'Frënn sech begéine kënnen.

De Kambiz Poostchi, deen dës Texter gesammelt huet ass Architekt a Liewens a Sozialberoder mam Schwéierpunkt Firmen an Organisationsentwécklung an Teamtraining. Hien ënnerriicht systemesch Kommunikatioun, Meditatioun a Coaching. Hie selwer gesäit sech als Weltbürger, dee mat Dankbarkeet am Häerz a mat demütegem Staunen duerch de Gaart vun der Mënschheet sträift, een dee léiert a sech un der Schéinheet vun der faarweger Villfalt erfreet an e gewësse Sënn flegt fir d'Eenheet vun der ganzer Mënschheetsfamill an hirer Mannegfaltgeket.

Aus Feeler léieren: E Mann hat sech un den Ouere verbrannt. Am Park freet säi Kolleg en wéi dat geschitt ass: Majo, meng Fra hat d'Streckeisen nach net ausgemaach a wéi den Telefon geschellt huet, hunn ech d'Streckeise geholl. Ja firwat hues de dann déi zwee Ouere verbrannt? Majo, den Iesel huet nach eng Kéier ugeruff!

D'Buch huet siwen Deeler: Am éischten Deel fanne mer Texter iwwer d'Jugend an den Alter, sou zum Beispill e klengen Text wou den Albert Einstein dem Otto Juliusberger schreift: Mënsche wéi mir zwee stierwen zwar och, awer mir ginn net al, soulaang mer liewen. Ech mengen domat, dass mer nach ëmmer virwëtzeg do stinn, wéi Kanner virun engem Rätsel, an dat een eis matzen dra gestallt huet.

Am zweeten Deel geet et iwwer Asiicht a Wäitsiicht, Dreem an Ziler. Kanner déi verhéngeren: E Mann huet d'Nout an d'Aarmut vun de Kanner op der Welt erlieft, hir Krankheeten déi se quälen an en ass déif bedréckt. E mécht dem Herrgott sellege Virwërf a freet en: „*Firwat léisst du et zou, dass all dës Kanner verhéngeren?*“ Gott äntwert him a seet: „*Firwat mengs de, dass ech dech erschaf hunn?*“

Am drëtten Deel geet et iwwer Laachen, Gléck a Freed: *D'Urteel vum Fachmann. E Mann louch schwéierkrank am Bett, sou gutt wéi dout. En huet sech neméi bewegt. D'Fra ríft den Dokter an der Verzweiflung. Den Dokter ënnersicht de Mann ganz genee, hält de Bluttdrock, mécht seng Aen op, kuckt him an de Mond a seet der Fra mat schwéierem Häerz: Léif Madamm, ech muss iech leider soen, dass äre Mann dout ass. Am deem Moment hieft dee Schwéierkranke erschreckt säi Kapp an d'Luucht a jéimert: Nee, meng Déifchen, ech liewen nach. Dorops hi schléit seng Fra e mat der Fauscht op de Kapp a jäizt: Hal de Mond, den Dokter ass de Spezialist an hie muss et jo wëssen!*

Mir wäerte sécher an eisen nächsten Emissiounen weider Geschichten aus dësem flotte Buch eraushuelen. Wéi gesot d'Buch heescht: *Goldene Äpfel, Spiegelbilder des Lebens*, am Horizonte Verlag.

141 Buchvirstellung: Hal mech fest a looss mech lass, Fari Khabirpour

Sendung 141, 17ten an 18te Januar 2003. Wëllkomm bei eiser 141ter Rubrik um Radio ARA. D'Emissioun vun de lëtzebuurger Bahá'í. Haut mat enger Buchvirstellung aus dem Horizonte Verlag: *Hal mech fest a looss mech lass; D'Herausforderunge vun eise Kanner besser verstoen a beäntweren*, vun engem lëtzebuergeschen Auteur, dem Fari Khabirpour. Um Mikro de Jean-Marie Nau

D'Madame S. ass moies amgaang fir sech a seng Duechter Anna d'Mëttegiesse virzebereeden. Spaghetti Bolognese, wat d'Anna am léifsten ësst. D'Anna spillt grad mat senge Frënn am Haff. Wéi d'Iesse fäerdeg ass ríft seng Mamm: „Anna, d'Iessen ass fäerdeg. Komm iessen“. Näischt geschitt. D'Mamm ríft nach eng Kéier. Alt nees keng Reaktioun. D'Mamm gëtt sou lues ongedëlleg. Si huet sech souvill Méi ginn, senger Duechter eppes ze kachen an hir schénge dat ganz egal ze sinn. Si ríft nach eng Kéier, dës Kéier méi haart an denkt sech: Ass dat do nach dran. Ëmmer méi haart jäizt si nom Kand. Eng Nopesch, déi dat ganz matkritt huet, geet bei d'Anna a freet et firwat et

dann net op seng Mamm lauschtert a reagiert. D'Meedchen äntwert a seet: „Si rifft souwisou e puermol, da kann ech roueg nach e bösse spillen“.

Sou fänkt dat drëtt Kapitel un, mam Thema: *Kanner déi net héiere wëllen*. Mat enger konkreter Situatioun. Hei weist sech, wéi perfekt agespillt eis Spiller sinn. Wat sech am Kand a bei der Mamm alles ofspille kann gëtt op einfach Aart a Weis erzielt.

D'Buch fänkt mat engem Zitat vum Khalil Gibran iwwer d'Kanner un: „*Är Kanner sinn net är Kanner. ... Si kommen duerch iech awer net vun iech, an obscho si bei iech sinn, gehéieren si iech net. Dir kënnt hinnen är Léift schenken, awer net är Gedanken, well si hunn hir eege Gedanken.*“

Duerch d'ganz Buch huet een d'Gefill mat Léift a Gebuergeheet begleet ze ginn. D'Kand ass e Geschöpf wat aus Léift entstanen ass. Net nëmmen d'Léift tëscht zwéi Mënschen, mee och déi schéppfresch Kraaft, déi d'Existenz an de Wuestum méiglech man.

Ech hunn Angscht, mäi Kand huet Angscht. Wer nicht hören will muss fühlen? Midd Eltere vu montere Kanner. Iessen a Schlofen an der Kandheet. Kleng Ligner, kleng Déif. Agressioun a Gewalt. Ëmmer dës Schoul. Zerstridden a getrennten Elterenhaiser. Mir kënnen matenee schwätzen. Dat sinn d'Theme vum Buch.

„D'Lisa soll zu Mëtteg iessen. Si wëllt awer fir d'Baschten net d'Geméis iesse wat um Dësch steet. D'Mamm probéiert alles, mat Argumenter, Spiller, Drohungen a Versprieche. Näischt hëlleft. D'Lisa wëll einfach net. D'Mamm ass verzweiwelt a seet sech: *Dat aarme Kand gëtt nach krank. Also freet sie d'Lisa wat et da gär iesse wëllt. D'Lisa hätt gär Spaghetti ouni d'Zooss. D'Mamm tommeelt sech fir him dat ze kache wat et gär hätt. Si ka jo net nokucke wéi hiert eege Kand verhéngert.*“

D'Iessen, genee sou wéi d'Schlofen, op d'Toilette goen a Léieren, hunn eppes gemeinsam: Kee Mënsch kann en anere Mënsch dozou zwingen ze schlofen, op d'Toilette ze goen oder ze léieren. Gerad dowéinst sinn et genee déi Themen, mat deenen d'Kanner am meeschte Muecht op hir Elteren ausüben kënnen.

Den Auteur, Fari Khabirpour huet seng Kandheet a Jugend zu Lëtzebuerg verbruecht. Nom Studium vum der Psychologie an der Pädagogik zu Zürich a sengem Doktorat huet eng therapeutesch Ausbildung um Alfred Adler Institut gemaach. Hien ass Matbegrënner, war laang Prääsident a Léieranalytiker vum der lëtzebuergescher Gesellschaft fir Individualpsychologie vum Alfred Adler. Haut ass hien am Direktiounsrot am Beräich vum der lëtzebuergescher Schoulpsychologie am Erziehungsministère. Hien ass bestuet an huet dräi Kanner.

Fir eis Nolauschterer verschenke mir ee Buch, an dofir braucht dir eis just elo unzeruffen, an dat um Telefon 334210. Den éischten ass fir! Ech wënschen Iech e schéine Weekend an eng wonnerbar Woch.

142 Buchvirstellung: An du sinn ech Bahá'í ginn

Sendung 142, 24ten an 25te Januar 2003. Wëllkomm bei eiser 141ter Rubrik um Radio ARA. D'Emissioun vum der lëtzebuurger Bahá'í. Haut mat enger Buchvirstellung aus dem Bahá'í Verlag : *An du sinn ech Bahá'í ginn*. Um Mikro de Jean-Marie Nau

Haut hunn ech fir iech en neit Buch matbruecht mat véierzeg Geschichte vu Mënschen déi zum Bahá'í Glawe fonnt hunnt: eng Mamm, déi sech beschwéiert huet, well hire Jong eng Retenue krut; en däitschen Ingenieur zu Borneo, deen d'Sprooch vum Land léiere wollt; en Amateurfunker, deen an Israel säi Frënd besiche war; eng Studentin, déi e komeschen Dram hat; en Aarbechter, deen an Owescoursë gaang ass.

„*A wéi bass du Bahá'í ginn?*“ ass eng Fro déi een oft héiert, op Konferenzen oder Summerschoulen an do wou een nei Bekanntschaften mécht. D'Fro ass ganz einfach interessant, well jiddereen seng eege Geschicht huet, oft komesch an ongewinnt. Dat ass natierlech och doduerch well vill Leit, virun allem bei eis, net vu Gebuert u Bahá'í sinn. Do ginn et déi, déi am Ufank immens skeptesch a kritesch reagiert hunn, an zu deene gehéieren ech iwweregens; déi de Glawen direkt an hirem Häerz fonnt hunn an déi, déi iwwer de Wee vum Intellekt de Bahá'í Glawe fonnt hunn.

Hei dem Christel säi Wee: „*Viru méi wéi 20 Joer hunn ech eng Studierees an d'Türkei gemaach. Mäi Liewe sollt sech domat veränneren. Dës Rees huet mer de Schlëssel zur Bahá'í Relioun ginn. Wat war geschitt? Zu Istanbul, huet eise Bus missen op enger ganz lieweger Stroossekräizung waarden. Wéi all déi aner am Bus hunn ech mech och fir dat interesséiert wat op der Strooss alles vir sech geet. Am Gewulls vum der Leit gesinn ech opeemol e Jong vun em déi zwielef Joer, um Kapp e Plateau voll mat Brout, wou ee gemengt huet e kéint all Moment eroffalen. Éier déi aner oder ech iwwerhaupt dru geduecht hätt, war schonn ee vun de Passagéier aus dem Bus gesprong fir dem Jong ze hëllefen, sécher mat sengem Plateau iwwer d'Strooss ze kommen. A mäin éischte Gedanke war: Wann dach all Chrëscht -ech matabezunn- sech sou beispillhaft behuele kéint. Während der Rees hunn ech deem Här a senger Fra dat och gesot. Hie sot dass mënschlech Hëllef dach nëmme selbstverständlech wier. Mir aner hunn eis*

irgendwéi geschummt an hunn eis gefrot, firwat mer dann an der Situatioun net esou reagéiert hunn, obscho mer et jo eigentlech maache wollten.

E puer Deeg duerno hu mer erausfonnt, dass dës Koppel Bahá'í sinn. Ech hat nach ni eppes vun dëser Relioun héieren. Et huet mech interesséiert. Ech hat deermoesse vill Froen, dass et während der Rees net genuch Zäit gouf, se all ze beäntweren. Ech muss hei soen, dass ech aus engem gudde kathouleschem Elterenhaus kommen an dass meng Eltre Wäert drop geluecht hunn, eis net nëmmen zum Glawen mee och zur Toleranz ze erzéien. Ausserdeem war et hinnen och wichteg, dass mer Saachen hannerfrot hunnen, och reliéis Gedanken. All dës Qualitéiten hu sech elo bewäert. Intensiv Gespréicher an d'Studium vun de Bahá'í Schrëften hu mech méi a méi erkenne gelooss, dass ech d'Relioun fir mäin Zäitalter fonnt hat. Erstaunlech dobäi war fir mech d'Erkenntnis dass meng kathoulesch Eltren mat hiren Astellungen am Fong Bahá'í waren, ouni jeemools dervun gehéiert ze hunn. Mir ass wierklech e Liicht opgaangen. Ech si Bahá'í ginn. An de Schlëssel dozou war dat beispilhaft Verhale vun engem Bahá'í.“

Souwäit eng vun deene ville Geschichten aus dem Buch: *An du sinn ech Bahá'í ginn*, op däitsch, am Bahá'í Verlag. Fir Iech nëmmen dat Bescht, e schéine Weekend an eng wonnerbar Woch.

143 Buchvirstellung: Fraepolitik, Farah Dustdar

Sendung 143, 31ste Januar an 1te Februar 2003. D'Emissioun vun de lëtzebuerger Bahá'í. Haut mat enger Buchvirstellung aus dem Bahá'í Verlag: *Fraepolitik, d'Erausfuering vun enger Friddenskultur*. Um Mikro de Jean-Marie Nau

D'Farah Dustdar leeft haut zu Lëtzebuerg. 1999 huet si hiert d'Studium vun der Politikwëssenschaft, Soziologie a Sozialpsychologie mam Doktertittel ofgeschloss. Zënterdeem huet si schonn e puer Bicher erausginn, dorënner *Abschied von der Macht an Demokratie a Verantwortung*, an dat am Fischer Verlag.

An hirem neitste Buch seet si dass Fraepolitik déi traditionell Muechtpolitik a Fro muss stellen. Amplaz sech domat ze beschäftege Muecht ze kréien an déi Muecht ze behalen, orientéiert d'Fraepolitik vum Farah Dustdar sech un den ënnerdréckte Bedierfnesser vun de Fraen, an dat zënter Jordausenden. Mir schwätze vum Besuergnes fir déi Schwaach, Matgefill, Ausgläich, Kooperatioun a Konsens. Fraepolitik riicht sech op eng Kultur vum Fridden.

Fraepolitik ass déi radikal Afrostellung vun der traditioneller Muechtpolitik. No der Bahá'í Opfaassung ass d'Gestaltung vun enger friddlecher Kultur eng Aufgab, déi besonnesch de Fraen zoukënnt.

„Soubal d'Fraen ëmfaassend a gläichberechtigt d'Verhältnesser vun der Welt matgestalten, soubal se zouversüchtlech a fäeg déi grouss Arena vum Recht an der Politik betrieden, wäert de Krich ophalen.“ zitéiert d'Farah Dustdar aus de Bahá'í Schrëften. Zënter Jordausende gëllt d'Fra net nëmme bei de groussen reliéisene Institutiounen, mee och op der Basis vun der griichescher Philosophie als geeschteg beschränkt an dem Mann ënnerleeën. Dëst gong sou wäit, dass munch aflossräich fanatesch Denker d'Frae schlechthin als d'Ursaach vun all Misär vum Mann erkläert hunn, an och nach gerechtfäerdigt duerch de bibleesche Mythos vum Sënnefall. Zu dem Thema sollt der iech iwweregens séier am Utopia de Film: *The Magdalaine Sisters* ukucken.

E Kapitel am Buch befaasst sech mat engem neie Konzept vun der Famill. Well et ass déi Plaz wou d'Astellungen an d'Gewunnechte vun enger Persoun geléiert an entwéckelt ginn.

D'Wirtschaft an d'Economie brauch eng nei Aarbechtsethik. Nohalteg Entwécklung an d'Iwwerwannung vun der Aarmut wäerten dovun ofhänken, op d'Fraen Zougank zu all de Beräicher vum wirtschaftleche Striewe kréien. De Begrëff Aarbecht stoung ursprénglech fir déi schëpfesch an oft genuch qualvoll Ustrengung vum Mënsch, säin Iwwerliewen ze sécheren. A ville Kulture gouf d'Aarbecht mat enger Plo gläichgesat. An dorunner ware Männer a Fraen zesumme bedeelegt. ... D'Aarbecht vun de Fraen an der Famill kann net an der wirtschaftlecher Gesamtrechnung bewäert ginn, well si keen direkte materielle Gewënn bréngt. ... Netkommerziell Aarbecht brauch also vill méi Beuechtung.

D'Farah Dustdar geet op d'Fro an op de Mënsch en aggressiivt Liewewiesen ass mat engem onerschëpfleschem Kampfbedierfnes. Krich ass kee Mëttel vun der Politik. Firwat hunn d'Fraen an der Mënschheetsgeschichte ni eng groussugeluechten Aktioun géint de Krich geplangt an effektiv duerchgefouert?

D'Fraen hunn eng global Verantwortung. *„Nëmmen deen ass wierklech e Mënsch, dee sech haut um Déngecht vun der ganzer Mënschheet higëtt.“*

Déi gréisste Fro, op déi mer haut eng Léisung brauchen ass déi wéi eis haiteg Welt mat hiren déifsetsend Konfliktstrukturen an eng Welt verwandelt ka ginn, wou Eenheet an Zesummenaarbecht virrangeg sinn. *„Beméit iech, dass d'Ideal vum Weltfridden duerch Ustrengunge vun de Frae verwierklecht ginn, well de Mann huet méi eng grouss Tendenz zum Krich wéi d'Fra; e wierkleche Beweis fir d'Iwwerleeënheet vun der Fra wäert hire wierksamen Asaz bei der Eriichtung vum Weltfridde sinn.“*

E Buch mat villen neien Ustéiss an zudeem mat konkreten Aktiounen. Fraepolitik, en neit Buch vum Farah Dustdar. Wéi ëmmer verschenke mir eisen ARA Nolauschterer e Buch. Dir braucht mer just unzeruffen, an dat elo, an zwar um 334210. E schéine Weekend a bis d'nächst Woch.

144 Buchvirstellung: D'Mënschheet ënnerwee zur Eenheet, André Brugiroux

Sendung 144, 7ten an 8te Februar 2003. D'Emissioun vum de lëtzebuerger Bahá'í. Haut mat enger Buchvirstellung aus dem Horizonte Verlag : *Mir Weltbierger. D'Mënschheet ënnerwee zur Eenheet*. Um Mikro de Jean-Marie Nau.

Den André Brugiroux ass wéi ee seet e Weltebummler, e Globetrotter. An dësem Buch beschreift hien seng Rees a wéi hien zu enger neier Siicht vun der Welt komm ass. Mat 18 Joer huet hie sech entschloss d'Welt kennenzelieren. An 18 Joer huet hien 135 Länner besicht. A sengem Buch schwätzt hie vu sengen Erfahrungs mat de Leit, de Kulturen, de Reliounen, d'Aart a Weis fir ze liewen an vun de Liewensbedingungen, déi aus him en neie Mënsch gemaach hunn.

Hien huet d'Virteeler an d'Virdeeler vun de Mënschen an alle Weltrelioune studéiert a gouf sou zum Weltbierger. En huet vun no erlieft dass d'Problemer vun der Mënschheet haut ganz enk matenee verbonne sinn, dass mir dréngend e bewosst Denken a Fillen an enger globaler Verantwortung brauchen. An hien huet eng nei global an zäitgeméiss reliéis Identitéit entdeckt, d'Bahá'í Relioun. Eng Relioun déi wäit iwwer alles wat et bis elo gëtt, e Geescht an e Konzept fir eng Eenheet vun der Mënschheet an der Villfalt ubitt.

Den André Brugiroux ass Fransous an d'Buch an dëser däitscher Iwwersetzung gëtt et am Horizonte Verlag. Fir hien ass d'Eenheet de Schlëssel zum Friden. De Pythagoras sot schonn: D'Evolutioun ass d'Gesetz vum Liewen. D'Eenheet ass d'Gesetz vum Herrgott. An dësem Kapitel erzielt hu vu senger Bekanntschaften an engem klengen Café zu Moskau, am Musée vun Hiroshima, zu Hong Kong wou hie probéiert huet e Visa fir China ze kréien.

Op eng witzeg an erfrëscht Manéier fënnt een am Buch eng Onmass vu klengen Geschichten, Wäisheeten déi hien a senger Reesen entdeckt huet. Hie schreift: „*De Mënsch ka sech ouni Ursaach net weiterentwéckelen. Hie brauch eng Iddi déi mat sengem Verstand a mat der Zäit klappt. Eng Kraaft vun der Freed, net Prinzipien déi nëmmen aschränken. Ech hunn d'Fräiheet gesicht. E Wee fir mech ze befreien. E Philosoph konnt mech net zefriddestellen, well hie sech nëmmen un de Verstand riicht. Sāi Liewen ass kaum eng Inspiratioun. A meng eegen Inspiratioun ass net duergang. Ech hunn alles missen opginn, Jorelaang mam Rucksack wandern, um Buedem vu fënnel Kontinenter schlofen, bis ech mäin Zil erreecht hat. Am Ufank war et onbewosst. Ech sinn zur Konklusioun komm, dass d'Reliounen hirem Wiesen no eent sinn, dass et deeselwechten Herrgott ass deen sie inspiréiert. Firwat ginn et dann sou vill Reliounen? Wat hält se zesammen?*“

A Kanada huet hien an der Zäitschrëft vum Toronto Daily Star en Artikel vun der Kinnigin Maria vu Rumänien gelies: „*Et ass eng wonnerbar Noriicht déi Bahá'u'lláh an 'Abdu'l-Bahá eis ginn hunn. ... Si wossten dass de Kär vun der éiweger Wourecht, Wuerzele schloe wäert a sech ausdehne muss. Si huet nëmmen eng eenzeg Wourecht: D'Léift, d'Quell vun aller Energie, géigesäiteg Toleranz, de Wonsch no Verständnes, géigesäiteg Kennelieren, een deem aneren hëllef, verzeien. Et ass déi erneiert Botschaft vu Christus, bal an de gläiche Wieder, awer ugepasst un eis haiteg Zäit. ... Wann der jeemools de Numm Bahá'u'lláh oder 'Abdu'l-Bahá héiert, da kuckt iech hir Schrëften un. Fuerscht an hire Bicher, loosst déi friddensbréngend Wieder a Léieren an äert Häerz andréngen, wéi si a mäin Häerz agedronge sinn. ...*“

D'Mënschheet, ënnerwee zur Eenheet ass eng Freed ze liesen, wéi gesot am Horizonte Verlag. An och haut verschenke mir eisen ARA Nolauschterer e Buch. Dir braucht mer just unzeruffen, an dat elo, an zwar um 091 334210. E schéine Weekend a bis d'nächst Woch.

145 Buchvirstellung: E Jorhonnert vu Liicht, A Century of Light

Sendung 145, 14ten a 15te Februar 2003. D'Emissioun vum de lëtzebuerger Bahá'í. Haut mat enger Buchvirstellung: *E Jorhonnert vu Liicht*. Um Mikro de Jean-Marie Nau.

Wou geet dat hi mat eiser Welt? Krich oder net Krich? Kënne mir eis jee eens ginn? Wa mer wëllen eppes veränneren ass et gutt ze wësse wou mer hierkommen. Dat Buch wat ech iech haut virstellen ënnersicht dat lescht Jorhonnert a mécht eng Rei Vergläicher.

Stellt iech vir dir sténgt op engem Bierg an dir kéint iech déi leschten honnert Joer vun uewenerof ukucken. D'Verännerungen déi eis Welt an där Zäit gemaach huet, si bei wäitem méi déif wéi iergendeng an der ganzer Geschicht virdrun. Et sinn dat Changementer déi zum gréissten Deel wéineg vun eiser haiteger Generatioun verstane goufen.

An deene selwechten 100 Joer huet een de Bahá'í Glawe gesinn aus der Däischtert erauskommen. E Glawen deen et fäerdeg bruecht huet, global déi vereenegend Kraaft ze weisen, mat där hire göttlechen Ursprung se befäegt huet. Wéi d'Jorhonnert op en Enn goug, gouf et ëmmer méi kloer, wéi dës zwou historesch Entwécklung sech zesumme fonnt hunn.

D'Buch *Century of Light*, ënnersicht déi zwee Prozesser an d'Relatioun tëschent hinnen, an dat am Kontext vun de Bahá'í Léieren. D'Buch ass eng geeschteg Beräicherung an eng praktesch Hëllef wann een déi erausfuendernd Implikatiounen vun der Offenbarung, déi Bahá'u'lláh bruecht huet, mat aneren deele wëllt.

Am Buch gi Leit wéi d'Anne Frank, de Martin Luther King Jr., de Paolo Freire, de Ravi Shankar, d'Gabriel Garcia Marques, d'Kiri Te Kanawa, den Andrei Sakharov, d'Mutter Teresa an den Zhang Yimou ernimmt, déi fir vill Leit eng Quell vun Inspiratioun an Encouragement sinn.

Eist 20t Jorhonnert ass vu moraleschem a soziale Chaos geprägt. Déi meeschte Leit op der Welt wëllen d'Erënnerunge vun dëse Leiden, déi dës Jorzéngte mat sech bruecht hunn, hannert sech loossen. Egal wéi schwaach d'Fondatiounen vu Vertrauen an d'Zukunft och sinn, egal wéi grouss d'Gefore sinn, déi virun eis schwiewen, d'Mënschheet schéngt verzweiwelt un eppes ze gleewen: dass duerch iergendwellech glécklech Ëmstänn et awer nach wäert méiglech sinn, d'Konditiounen vum mënschleche Liewen esou ze diebelen, dass si konform sinn, mam därzäitege mënschlechem Verlaangen. Mir hoffen also, dass d'Welt sech no eis riichte wäert an net dass mir eis no de Besoine vun der Welt riichte mussen.

Sou Hoffnungen sinn am Liicht vun de Bahá'í Léieren net nëmmen illusoresch, mee si gi ganz laanscht d'Natur an d'Bedeitung vun deem groussen Ëmdenken, dat eis Welt an de leschten 100 Joer gemaach huet.

Nëmmen wa mir d'Implikatiounen verstinn vun deem wat an dëser Period vun eiser Geschicht geschitt ass, wäert et méiglech sinn, den Erausforderungen déi virun eis leien, ze begéinen. Wat eis dësen Abléck erméiglecht ass d'Liicht vun der Sonn vun der Offenbarung vu Bahá'u'lláh déi elo opgeet an den Afloss deen dës Offenbarung amgang ass op d'Affairë vun der Mënschheet ze hunn.

Century of Light, eng Publikatioun vum héchste Bahá'í Gremium, ze recommandéieren fir jiddereen dee sech mat der Geschicht vum 20te Jorhonnert ausernanersetzt. D'Buch ass am Original op Englesch a gëtt am Moment op Däitsch a Franséisch iwwersat. Fir eis Nolauschterer hunn ech eng Kopie matbruecht. Wat dir musst man ass mir elo uruffen, an zwar um 091 334210. E schéine Weekend a bis d'nächst Woch.

146 Buchvirstellung: Le livre des sagesses

Sendung 146, 21ten an 22te Februar 2003. D'Emissioun vun de lëtzebuerger Bahá'í. Haut mat enger Buchvirstellung aus dem Bayard Verlag: *Le livre des sagesses, L'aventure spirituelle de l'humanité*. Um Mikro de Jean-Marie Nau.

A bal 2000 Säiten fënnt ee sécher e puer Wäisheeten, déi een usprieche a mat deenen een eppes ufänke kann. Am Virwuert schreiwen d'Auteurs vum Buch, de Frédéric Lenoir, Philosoph a Soziolog an d'Ysé Tardan-Masquelier, déi d'Geschicht vun de Reliounen zu Paräis op der Sorbonn ënnericht, dass d'Geschicht vun der Mënschheet lieweg Spure vu Männer a Fraen dréit, déi aus de verschiddenste kulturellen Horizonter kommen, an dass si all bestätegen, eng radikal Erfahrung mam Absolute gemaach ze hunn. Eng Erfahrung, déi hinnen e Sënn an hirem Liewe ginn huet.

Nach ëmmer gouf et Besoin no Spiritualitéit a Wäisheet. An d'Diversitéit vun dëse Wäisheeten war nach ni sou grouss wéi haut. Iwwer fofzeg Autoren hunn un dësem Wierk matgeschafft, Geschichtsproffen, Schrëftsteller, Paschtéier, Ethnologen, Mönchen, Philosophen, Anthropologen, Journalisten an Theologen.

De Bäitrag iwwer de Báb a Bahá'u'lláh kënnt vum William Hatcher, Mathematiker, Philosoph, Professor op der Uni zu Laval am Québec. Säin Artikel beschreift kuerz wéi d'Bahá'í Relioun entstan ass a wat d'Missioun vu Bahá'u'lláh war. Hie schreift iwwer d'Natur vum Mënsch a seng Evolutioun, iwwer d'Eenheet a Gerechtegkeet an iwwer de Sënn vun der Relioun.

Relioun huet e ganz konkret a praktescht Zil. Et soll dozou déngen, authentesch Reliounen opzebauen, engersäits tëschent Gott an dem Mënsch an anersäits ënnert de Mënschen. De Glawen ass keng Ideologie.

D'Reegelen an d'Prinzipien déi Bahá'u'lláh ernimmt huet, weisen ganz däitlech seng Intentioun e wierklech geeschtegt System ze grënnen an net einfach eng mystesch Philosophie ze proposéieren. Ouni wëllen d'Iddi ze verwerfen dass déi mystesch Verbindung tëschent deem Eenzelnen a Gott am Häerz selwer vun der Spiritualitéit läit, seet Bahá'u'lláh ganz kloer dass d'Relioun och e soziaalt a kollektiivt Zil huet: Gott huet de Mënsche Prophete geschéckt, an dat aus zwou Ursaachen: éischtens fir d'Mënschen aus der Ignoranz ze befreien a si zum Liicht vum

wierkleche Verständnes ze féieren. An zweetens de Friden an d'Rou vun der Mënschheet sécherzestellen, an deem Hien all déi Mëttele bereetstellt, mat där d'Mënschheet dëse Friden erreeche kann.

Souwäit zum Bäitrag iwwer de Bahá'í Glawen. Natierlech ginn déi aner grouss Reliounen am Detail virgestallt, woubei d'Buch och no verschidden Themen ageedeelt ass: Dorënner fënnt een zum Beispill: D'Friichte vum geeschtege Liewen mat Passagen aus der Bhagavad-Gita an dem Franz vun Assisi. Aner Theme sinn: Modeller vu Wäisheet an Hellegkeet, mat Texter aus den Evangelien an Texter aus dem Buddhismus, oder awer Texter zum Thema Lassléisung a Vertrauen.

An ofschléissend dës kleng arabesch Wäisheet, besonnesch relevant an Zäit vu Suergen: *Mir kënnen net verhënnere dass d'Vulle vu Suergen iwwer eisem Kapp kreesen. Awer et läit un eis fir ze entscheeden, op si e Nascht drop bauen duerfen.*

Souwäit zu eiser Buchvirstellung: Le livre des sagess am Bayard Verlag. E schéine Weekend a bis d'nächst Woch.

147 D'Faaschtenzäit

Sendung 147, 28te Februar an 1te März 2003. Et ass erëm eng Kéier sou wäit. Dëse Sonndeg fänkt fir 6 Milliounen Bahá'í op der Welt d'Faaschtenzäit un.

Bahá'u'lláh, Begrënner vun der Bahá'í Relioun invitéiert d'Bahá'í daagsiwwer, an dat nom Sonnenopgank a bis nom Sonnenënnergank, näischt ze iessen an näischt ze drénken. Dat während 19 Deeg, all Joer, vum 2te bis den 20te Mäerz. Et ass mol éischters eng gutt Saach fir déi kierperlech Gesondheet. De Grond firwat d'Bahá'í awer faaschte läit éischer doranner dass een an där Zäit wou een näischt ésst einfach vill méi Zäit huet iwwer säi geeschtege Fortschrëtt nozedenken. Et kann ee soen dass eise Menu vum Dag duerch e geeschtege Menu fir eng Zäit ersat gëtt. Dass deen e bëssen anescht schmaacht ass normal. Also während dem Dag gëtt näischt giess an näischt gedronk. Et ass dann üblech, dass ee viru Sonnenopgank opsteet fir Kaffi ze drénken an dass een sech duerno e Moment Zäit zum Gebiet an der Meditatioun hëlt. Natierlech muss d'Gesondheet et engem erlaben ze faaschten. Schwanger Frae brauchen net ze faaschten, genauso wéi Jugendlech ënner 15 Joer oder Leit iwwer 70. D'Faaschten ass och net néideg wann een op der Rees ass oder wann ee schwéier kierperlech schafft. Mee fir e gesonde Mënsch ass d'Faaschten eng wonnerbar Erfahrung, eng Entdeckungsrees zu de Wuerzele vu senger Existenz, vun där ee méi räif a méi geeschteg erëmkënnt.

Wann ee faascht, fënnt een ebeemol Zäit, déi een normalerweis mat Iessen an Drénke verbréngt. Et geet u mat der Kaffispaus moies, d'Mëttegiessen natierlech an déi kleng Paus Mëttes. Et ass grad déi sou gewonnen Zäit déi ee kann nützlich mat Meditatioun a Gebiet verbréngen. Frënn an Aarbechtskollegen si virwëtzeg firwat een da faascht a wat da Bahá'í eigentlech ass. Déi éischt puer Deeg sinn oft am schwéiersten an da gëtt et méi einfach, an et winnt een sech scho bal drunn.

Mee et ass schonn eng Erausforderung. D'Iessen an d'Drénke kritt och nees vill méi en héije Stelleg, well een sech owes op e Glas Waasser freeë kann. D'Faaschten ass och e Symbol. Wann ee faascht enthält ee sech all deenen op den éischte Bléck flotte Saachen, deenen ee jo andauernd ausgesat ass.

Interessant ass och, dass déi puer Deeg virun der Faaschtenzäit, also virum 2te Mäerz, besonnesch sinn. D'Bahá'í sinn invitéiert, während deene 4, 5 Deeg hir Freed mat aneren ze deelen a sozial Wierker ze realiséieren. Oft gi Cadeaue gemaach, et geet een d'Famill a Frënn besichen an et mécht een eppes fir e gudden Zweck. D'Bahá'í vu Nanzeg zum Beispill haten de leschte Weekend hir Kollegen op e grouss Fest invitéiert wou d'Bahá'í Kanner fir hir Kollegen hir Talenter ënner Beweis gestallt hunn. Bei där Geleeënheet hate si Spillsaachen a Kleeder fir de Secours Populaire gesammelt. E flotten Nomëtteg.

D'Faaschtenzäit hält den 21te Mäerz op. An dat ass d'Bahá'í Neit Joer. Et ass och den Ufank vum Fréijoer. Dëst Joer lued d'Bahá'í Gemeng vun Esch op d'Bahá'í Neit Joer an, an dat zu Esch, e Freideg den Owend, 21te Mäerz. Um Programm ass e spirituellen Deel, duerno Iessen a Musek. Jiddereen ass häerzlech invitéiert.

Ofschléissend dës Gedanken aus de Bahá'í Schrëften zum Thema Meditatioun: „Eng Stonn Nodenken ass méi wäert wéi 70 Joer fromm Andacht.“¹

Bahá'u'lláh seet: „All éierlecht Gebiet huet ëmmer seng Wierkung an et huet e groussen Afloss an der anerer Welt.“²

'Abdu'l-Bahá ass gefrot ginn: „Wéi e Sënn huet d'Bieden eigentlech, wann den Herrgott jo alles am Grëff huet. Wéi e Sënn huet et duefir dass mir Seng Hëllef froen? Dorops hi sot hien: Et gehéiert sech fir e Schwaachen, sech un dee

¹ Bahá'u'lláh, Buch der Gewissheit, S.157

² Esslemont S.221; Compilations, Und Zu Ihm Kehren Wir Zurück

*Staarken ze halen, ... Wann ee sech sengem Här zoudréint, sicht een d'Gnod vu sengem Mir. So ass dëst Flehen aleng schonn e Liicht fir säin Häerz, Erliichtung fir seng Aen, Liewe fir seng Séil an Erhiewung fir säi Wiesen“.*¹

Bahá'u'lláh seet: „Versenkt Iech an d'Mier vu Menge Wieder, dass dir hir Geheimnisser ergrënne kënnt an all déi Pärele vu Wäisheet entdecke kënnt, déi an hiren Déifte verbuerge leien.“²

148 Internationale Fraendag – Interview mam Esther Zana-Nau (op franséisch)

148t Sendung, 7ten an 8te Mäerz 2003. D'Emissioun vun de lëtzebuenger Bahá'í. Um Mikro de Jean-Marie Nau Dëse Samschdeg, 8te März ass internationale Fraendag, ausgeruff och vun de Vereenten Natiounen, eng Geleeënheet wou Fraen d'Welt iwwer feieren, Konferenzen halen an dat fir méi Gerechtegkeet, Gläichheet Fridden an Entwécklung. Zu Lëtzebuerg invitéieren d'Union des femmes bahaies du Luxembourg zu engem Virtrag e Méindeg den Owend, 10te Mäerz am Bahá'í Zenter an dat mat der Madame Esther Zana-Nau, Member vum Informatiounsbüro vun de Bahá'í zu Lëtzebuerg an engagéiert a ville Fraenorganisatiounen a Frankräich.

Ech begrëssen si häerzlech hei bei eis am Studio. Bonjour. Votre conférence porte le titre : Femmes, le monde a besoin de vous. Le savez-vous ? C'est un titre un peu inattendu, un peu provocateur, pourquoi l'avez-vous choisi ?

Esther :

JM : Mais alors, est-ce-que vous voulez dire que le monde a plus besoin des femmes que des hommes ? Esther : ...

JM : Citations d'Abdu'l-Bahá : *“aussi longtemps que les femmes seront empêchées de développer au maximum leurs facultés, les hommes ne pourront atteindre la grandeur qui pourrait être la leur.”* (Abdu'l-Bahá , Causeries de 'Abdu'l-Bahá à Paris, Maison d'Éditions Bahá'ies, Bruxelles, 1987, p. 117)

Merci Madame Zana. Dës Konferenz ass e Méindeg den Owend am Bahá'í Zenter, 17 allée Léopold Goebel an der Stad, an dat um 8 Auer. Méi Info doriwwer hei um Radio Ara: 222289 oder um 44 22 20. Wéi ëmmer gouf iech dës Rubrik offréiert vun de lëtzebuenger Bahá'í .

149 D'Bahá'í Neit Joer – Interview mam Esther Zana-Nau (op franséisch)

Hei ass keen Text, just Audio!

150 Accueil zu Lëtzebuerg (op franséisch)

Hei ass keen Text, just Audio!

151 Krich am Irak

Sendung 151, 28ten an 29te Mäerz 2003. Als Bahá'í ass et ganz kloer dass mir eis net an d'Parteipolitik oder déi international Politik améschen. Well eist gréisst Prinzip ass d'Eenheet. An dat heescht dass wann ech zum Beispill géint de Krich demonstréiere ginn, sinn ech domat automatesch géint d'Positioun vun engem oder méi anere Länner. Et ass sécher net einfach, grad elo, fir keng direkt Positioun zum Krich am Irak ze huelen. Natierlech ass Fridden op der Welt praktesch d'Zil vum Bahá'í Glawen. A wéi dës Fridden zustane komme soll, wësse mer, op mannst an de groussen Zich, wa mer an de Bahá'í Schrëfte kucken. Wéi soll dann de Fridden an der Welt erreecht ginn?

'Abdu'l-Bahá schreift dass „Fridden als isoléiert Zil net ze realiséieren ass; Fridden, wierklechen unhalende Fridden – ass nëmmen an engem Gesamtkonzept méiglech, e Konzept wat geeschteg inspiréiert ass. D'Quell an den Impuls vu sou engem Konzept ass d'Offenbarung vu Bahá'u'lláh als eng ëmfaassend reliéis Neiorientéierung an enger Zäit vum Embroch an allen Aspekter vum mënschleche Liewen. ... Eng Relioun déi net nëmmen d'Prinzipie vun der individueller Dugend vun der Nächsteléift erëm beléift, méi déi och nei gesellschaftlech Moosstief setzt: sou zum Beispill d'Eenheet vun der Mënschheet.“

An der Publikatioun: *D'Versprieche vum Weltfridden, enger Deklaratioun un d'Vëlker vun der Welt* liese mer: „Schonn am 19te Jorhonnert huet Bahá'u'lláh fir d'éischt Propositionen fir den Opbau vun engem Weltfridde virgeluecht. A sengen Deklaratiounen un d'Herrscher vun der Welt huet hien de Prinzip vu kollektiver Sécherheet vertrueden. ... Ass eng Aschränkung vun absolutter nationaler Souveränitéit net onëmgängelech an eng noutwenneg Bedéngung fir d'Formatioun vun enger zoukënfteger Federatioun vun allen Natiounen vun der Welt? Iergend eng Form vu Welt-Iwwerstat muss noutwennegerweis entwéckelt ginn – e Stat, deem all Natiounen fräiwëlleg jiddwer Ussproch op Krichsféierung, verschidde Rechter op Steiererhiewung an all Rechter op Rëschtung ausser fir d'Erhale vun der interner Uerdnung um eegenen Territoire wäerten ofgetrueden hunn. Esou e Stat brauch a sengem Aflossberäich eng international Exekutiv, där et méiglech ass, jiddwer tockegem Member vun der Federatioun hir héchsten an onbestreitbar Autoritéit opzewéngen; e Weltparlament, deem seng Memberen duerch d'Vëlker an alle

¹ Sekundär Literatur, Bahá'u'lláh und das Neue Zeitalter

² Bahá'u'lláh, Ährenlese, 70:2

Länner gewielt an duerch déi respektiv Regierunge bestätegt ginn; an en Héchst Geriicht, deem seng Entscheedungen obligatoresch sinn, och an deene Fäll, wou déi concernéiert Parteien hire Sträitfall net fräiwëlleg senger Juridictioun ënnerwäerfen.

Eng Weltgemeinschaft, an där sämtlech wirtschaftlech Barrière fir ëmmer aus dem Wee geraumt sinn a wou déi géigesäiteg Ofhängegkeet vu Kapital an Aarbecht definitiv unerkannt ass; an där d'Gejätz vu reliéisem Fanatismus a Sträit ee fir allemol ophéiert; an där d'Flam vum Rassenhaas endlech geläscht ass; an där en eenheetleche Code fir internationaalt Recht, d'Produkt vum iwwerluten Urteel vun der Welt hire federéierte Volleksvertrieeder, duerch direkt an zwéngend Agräife vun de Federéierten hire vereenegte Sträitkräfte sanktionéiert gëtt; a schliisslech eng Weltgemeinschaft, an där d'Roserei vun engem onberechenbaren a militanten Nationalismus zu engem permanente Bewosstsinn vun der Qualitéit vum Weltbierger ginn ass, - esou presentéiert sech tatsächlech a graffen Zich déi Uerdnung, déi Bahá'u'lláh virausgesinn huet, eng Uerdnung, déi een enges Daags wäert als déi schéinste Fruucht vun engem Zäitalter betruechten, dat sech lues a lues opdeet.“⁹

152 Informatiounsowenter am Bahá'í Zenter

Sendung 152, 4ten a 5ten Abrëll 2003. D'Emissioun vun de lëtzebuerger Bahá'í. *De Bahá'í Zenter mécht seng Dieren op!* Um Mikro de Jean-Marie Nau.

Während deene nächste véier Dönschdegowenter organiséiert de Bahá'í Informatiounsbüro an hirem Zenter an der allée Léopold Goebel en Zyklus wou de Bahá'í Glawe virgestallt gëtt. Hei elo déi verschidden Themen:

En Dönschdeg, 8ten Abrëll, owes um véierel op 8 léiert dir d'Léiere vum Bahá'í Glawe méi genee kennen. Hei ginn déi markantst Léieren a Prinzipien déi Bahá'u'lláh developéiert huet, presentéiert. D'Eenheet vun der Mënschheet an hirer Villfalt ass d'Missioun vu Bahá'u'lláh. Seng Visioun baséiert sech op engem kohärenten a koordinéierten Ensemble vu mysteschen, etheschen a soziale Prinzipien, déi d'Bahá'í respektéieren an an d'Realitéit ëmsetzen. Sou zum Beispill d'Verwierklechung vun der Gläichheet vu Mann a Fra, d'Ofschaffung vun all Forme vu Virurteeler an Diskriminatioun, universell an obligatoresch Erzéiung an eng gerecht Form vu gouvernance mondiale ...

D'Woch duerno, en Dönschdeg 15ten Abrëll um 20.15 gëtt d'Fro gestallt: Wie sinn d'Bahá'í? Während dësem Owend gëtt d'Bahá'í Gemeng an der Welt a besonnesch hei zu Lëtzebuerg virgestallt. D'Pluralitéit vun enger vereenter Gemeng, an dat an hiren Ziler souwéi an deem wat se gleewen. D'Aart a Weis wéi d'Bahá'í hire Glawe liewen, hiren Engagement an der Welt an deem si Erzéiungs- a sozialprogrammer realiséieren an hir Administratioun ouni Clergé entwéckele gi während dësem Owend diskutéiert.

Déi Woch drop, en Dönschdeg den 22ten Abrëll um 20.15 ass d'Thema: *Wat geschitt mat eiser Welt?* Eng Bahá'í Perspektiv. Dës Sessioun huet als Zil eng Bahá'í Siicht vun de rezente Welt-Evenementer ze ginn, déi d'Geschicht beaflosst hunn an eng Visioun fir d'Mënschheet ze proposéieren, sou wéi een se an de Bahá'í Schrëfte fënnt. Eng Mënschheet um Wee zu enger Zäit vu Friden an Eenheet.

De leschten Dönschdeg am Abrëll, den 29ten ass den Ofschloss vun dësem éischten Zyklus hei zu Lëtzebuerg. Et ass dës Kéier keng Präsentatioun mee éischter e Moment vu Meditatioun a Gebieder aus de Bahá'í Schrëften, fir esou déi verschidde Gebieder a mystesch Texter kennenzeléieren.

Den Zweck vun dësen Owenter ass natierlech fir de Leit Informatiounen iwwer de Bahá'í Glawen unzébieden, an dat op Lëtzebuergesch an op Franséisch.

D'Bahá'í Gemeng offrëiert ausserdeem och e Cours fir Lëtzebuergesch ze léieren, awer e bëssen anescht. D'Méisproochegkeet bei eis am Land ass eng vun eise gréisste Stäerken a well am Moment sou eng grouss Demande fir Lëtzebuergeschcoursë besteet, gouf dës Initiativ geholl, och am Bahá'í Zenter kënne Lëtzebuergesch ze léieren. Fir méi Informatiounen a fir d'Aschreiwungen kënnt dir eis um Radio eng Nooricht hannerloossen. Et ass dat den 228889.

Fir ofzeschléissen kucke mer eis kuerz un, wéi d'Bahá'ígemeng hei am Land entstan ass: Nom zweete Weltkrich, am Februar 1947 ass eng gewëss Madame Honor Kempton, eng Englännerin, an d'Land koom fir den Awunner vum Land de Message vun Eenheet a Weltfridde vu Bahá'u'lláh virzustellen. Kuerz duerno koumen aner amerikanesch an australesch Bahá'í an d'Land fir sech hir unzeschléissen. Am Dezember vum selwechte Joer, also 1947, huet d'Madame Suzette Hipp sech als éischt lëtzebuergesch Bahá'í zum Glawe bekannt. Et huet knapp zwee Joer gedauert bis 1949 den éischte lokale Rot an der Stad entstan ass.

An de 50er Joeren hunn hir Aktivitéiten zougeholl. Sou hu si sech um éischten europäesche Federalistekongress am Stater Cercle bedeelegt, haten hir éischt öffentlech Konferenz am Salon vum Hotel Brasseur an hu sech um europäesche Bahá'í Kongress am Casino des Bourgeois bedeelegt, den haitege Casino fir zäitgenëssesch Konscht, an der Ënneschtgaass. Den éischte Bahá'í Zenter war an der rue Maréchal Foch an 1953 huet Lëtzebuerg sech och un der Formatioun vum regionalem Comité vun de Bahá'í aus der Benelux bedeelegt.

1962 gëtt den éischten nationale Rot gewielt. Fir den 100te Gebuertsdag vun der Offenbarung vu Bahá'u'lláh ze kommémoréieren, deen de Kinneken a Leadere vu senger Zäit e Message adresséiert huet, iwwerreecht den nationale Rot dem Grand-Duc, duerch den deemolege Statsminister Pierre Werner, eng Kopie vun dësem Message.

Haut fënnt een ëm déi 300 Bahá'í a 47 Uertschaften. Et ginn 10 lokal Réit, an dat zu Bartreng, Keelen, Diddeleng, Mamer, Suessem, Walfer, Esch, an der Stad, zu Péiteng an zu Ettelbréck. De national Rot huet säi Sëtz an der Stad am Bahá'í Zenter, 17, Allée Léopold Goebel.

D'Bahá'í bedeelege sech un Ausstellungen, Konferenzen a Foiren, sou zum Beispill dem Festival des Migrations et des Cultures, der Foire vum Bénévolat an dem Carnaval des Cultures. Sou gouf et 93 eng grouss Ausstellung am Stater Cercle iwwer de Bahá'í Glawen. Reegelméisseg Kannerklassen gi fir jiddereen ugebueden, eng Erzéiung wou fir d'éischt moralesche Wäerter geléiert ginn an dernieft d'Geschicht vun der Bahá'í Relioun an den anere grouse Reliounen.

153 Geschicht: Léift, Rächttum an Erfolleg

Sendung 153, 11ten an 12ten Abrëll 2003. Eng Fra kuum aus hirem Haus wéi si dräi eeler Häre mat laange wäisse Bäert gesouch déi virun hirem Haus souzen. Si huet se net erkannt an huet se gefrot: „*Ech mengen net dass ech iech kenne mee ech denke mir dass dir hongereg sidd. Kommt eran an iesst eppes.*“ „*Ass äre Mann dann doheem*“, hu si gefrot. „*Nee*“, äntwert d'Fra. „*Hien ass fort.*“ „*Jo da kënne mer net erakommen*“, hu si g'äntwert. Owes, wéi hire Mann heemkum, huet si him erzielt wat geschitt war. So hinnen dass ech elo heiheem sinn an dass si kënne erakommen. Dat huet si dunno och gemaach. „*Mir ginn awer net zesummen an d'Haus eran*“, soten si. „*A firwat net ?*“ huet si gefrot. Ee vun den eeleren Hären huet dunno erkläert: „*Säin Numm ass Rächttum*“, an huet op ee vu senge Frënn gewisen „*an hien ass Erfolleg. Ech sinn d'Léift. An elo gitt zréck a berot mat ärem Mann wie vun eis an d'Haus erakomme soll.*“ D'Fra ass an d'Haus gaang an huet hirem Mann et verzielt. Hire Mann war immens frou: „*Wéi flott*“ sot hien. „*Wann et esou ass, da loosse mir de Rächttum alueden. Looss e komme fir eis d'Haus mat Rächttum ze fëllen!*“ Seng Fra war net domat averstanen. „*Häerzi, firwat invitéiere mir den Erfolleg net?*“ Hir Schwéiesch hat am aneren Eck vum Haus gelauschert. Si kuum mat hirem Virschlag. „*Wier et net besser d'Léift anzuelueden ? Eist Heem ass da gefëllt mat Léift!*“ „*Komm mir lauschteren op eis Schwéiesch*“ sot de Mann zur Fra. „*Géi an invitéier d'Léift bei eis ze kommen.*“ D'Fra goung eraus an huet déi dräi al Häre gefrot: „*Wie vun iech ass d'Léift? Kommt dir bei eis w.e.g.*“ D'Léift stoung op an ass zum Haus zougang. Déi aner zwee sinn och opgestan a sinn him nokomm. Iwwerrascht, freet d'Fra de Rächttum an den Erfolleg. „*Ech hat dach nëmmen d'Léift agelueden, firwat kommt dir dann och eran?*“ Zesummen hu si du g'äntwert: „*Hätt dir de Rächttum oder den Erfolleg agelueden, wire mir zwee dobausse bliwwen, vu dass dir awer d'Léift agelueden hutt, gi mir mat, well wou och ëmmer d'Léift geet, do gi mir och. Wou och ëmmer Léift ass, do ass och Rächttum an Erfolleg.*“

Fir ofzeschléissen e kuerzen Text op Franséisch aus de Bahá'í Schrëften zum Thema Léift: « *Sois assuré que l'amour est le secret de la sainte loi de Dieu, la manifestation du Miséricordieux, la fontaine d'où s'écoule l'eau spirituelle. L'amour est la douce lumière céleste, le souffle éternel de l'Esprit saint qui vivifie l'âme humaine. L'amour est la cause de la révélation de Dieu aux hommes et, selon la création divine, le lien vital inhérent à la réalité des choses. L'amour est la voie unique qui assure une félicité véritable dans ce monde et dans l'autre. L'amour est la lumière qui guide dans l'obscurité, le trait d'union vivant qui unit l'homme à Dieu et qui assure le progrès de toute âme éclairée. L'amour est la loi la plus grande qui gouverne ce cycle puissant et divin, le pouvoir unique qui lie ensemble les divers éléments de ce monde matériel, la force magnétique suprême qui règle les mouvements des sphères de l'espace céleste. Par sa puissance infaillible et illimitée, l'amour révèle les mystères latents dans l'univers. L'amour est l'esprit de vie qui orne le corps de l'humanité, le fondateur de la vraie civilisation dans ce monde mortel et le flot de gloire impérissable qui se répand sur toute race et nation animées de sentiments élevés.* »¹

Dës Emissioun ass mengem Papp gewidmet, deen dës Woch gestuerwen ass. Wéi ëmmer gouf iech dës Emissioun offréiert vun de lëtzebuerger Bahá'í, um Internet ënner www.bahai.lu

154 E Bahá'í Begriefnes

Sendung 154, 18ten an 19ten Abrëll 2003. D'Stierwe gehéiert zum Liewen. Wann ee stierft dee mer besonnesch gär haten, eng Persoun déi eis ganz no stoung, ass dat ëmmer traureg a schued, well mer jo neméi mat der Persoun kënne sinn, neméi mat hir schwätzen a laache kënne. Et ass eng Eier fir kënne mat op hiert Begriefnes ze goen, de leschte Wee matgoen.

¹ Abdu'l-Bahá, cité dans "L'Art divin de vivre", p. 187-188

Wou dee Wee féiert ass eng Fro vum Glawen. *“Et ass jo nach keen zrëckkomm”* gëtt oft gesot. An der Bahá’í Relioun féiert de Wee an eng nei Welt, eng Welt vun där mer net vill wëssen, ausser dass se eis méi no zum Herrgott féiert. Eis d’nächst Liewen ass esou verschidde vun dësem Liewen wéi dat vum Kand am Bauch vun der Mamm virun der Gebuert.

Während dem Begriefnes ginn eis munch Saachen duerch de Kapp. An de Bahá’í Schrëften fanne mer e puer praktesch Uweisungen, déi eis beim Oflaf vun engem Bahá’í Begriefnes hëllefen.

De Lächnam soll net méi wäit wéi eng Stonn Wee ewech begruewe ginn, wou e gestuerwen ass. E soll mat Freed an an aller Rou nobäi begruewe ginn.¹⁰

De Verstuerwene soll gewäsch ginn an a fënnf Dicher aus wäisser Seid oder Kotteng agewéckelt ginn. Wien d’Mëttelen net dozou huet, kann och een eenzeg Duch aus Seid oder Kotteng benotzen.¹

De Verstuerwene soll e Rank ugedoe kréien wou dropsteet: *„Vum Herrgott kommen ech an zu Him ginn ech nees zrëck, lassgeléist vun allem ausser Him, an ech hale mech fest u Säin Numm, de Barmhärzegen, de Matleedvollen.“* D’Bedeutung vun dësem Rank ass just fir eis déif Iwwerzeegung auszudrécken, dass eis Séile vun eisem Schöpfer kommen and dass si zu Him zrëckginn.²

De Verstuerwene soll an engem Sarg begruewe ginn.³ De Sarg selwer kann aus haardem Holz, Kristall oder Stee sinn. Firwat? Well de Kierper, obschonn en elo Stëbs ass, eng Kéier zesumme war mat der onstierflecher Séil vum Mënsch.⁴ De Kierper soll sou wäit wéi méiglech preservéiert ginn, sou dass een näischt brauch ze erliewen, wat een ofstéisst.⁵

Wann de Verstuerwene gär seng Organer spent, ass dat duerchaus méiglech, oder wann e gär säi Kierper der Fuerschung zur Verfügung stellt.

Éier de Sarg an de Buedem kënnt, gëtt d’Gebiet fir déi Verstuewe gesot. Et gëtt vun engem Glewegen virgedroen iwwerdeems all déi. déi do sinn, stinn.

Am Bahá’í Glawen gëtt de Kierper nom Doud net verbrannt. Vu dass Bahá’u’lláh wollt dass den Doudege begruewe sollt ginn, huet Hien domat indirekt d’Verbrennen découragéiert. De Kierper vum Mënsch gouf lues a lues geschaf, genee sou soll seng Dekompositioun graduell geschéien. Wier et besser fir de Kierper gewiescht, nom Doud verbrannt ze ginn, dann hätt d’Kreatioun dat esou geplangt, dass nom Doud de Kierper automatesch Feier fänkt an zu Äsche gëtt.⁶

Op de Griewer selwer fënnt een oft e klenge Zitat aus de Bahá’í Schrëften, wéi zum Beispill: *“O Jong vum Héchsten! Fir dech hunn Ech den Doud zu engem Glécksbrénger gemaach. Firwat bass de traureg? D’Luucht hunn ech gemaach fir dass si op dech straalt. Firwat verstoppst de dech virun hir?”*⁷

1 130. The Lord hath decreed, moreover, that the deceased should be enfolded in five sheets of silk or cotton. For those whose means are limited a single sheet of either fabric will suffice. Thus hath it been ordained by Him Who is the All-Knowing, the All-Informed. 66 It is forbidden you to transport the body of the deceased a greater distance than one hour's journey from the city; rather should it be interred, with radiance and serenity, in a nearby place. (Bahá’u’lláh, The Kitab-i-Aqdas, p. 65) Verset: 1.130 De plus, le Seigneur a décrété que le défunt devrait être enveloppé dans cinq draps de soie ou de coton. Pour ceux dont les moyens sont limités, un seul drap d'une de ces matières suffira. Ainsi en a-t-il été ordonné par celui qui est l'Omniscient, l'Informé. Il vous est interdit de transporter le corps du défunt à une distance de plus d'une heure de trajet de la cité; il devrait plutôt être enterré, avec une sérénité radieuse, dans un lieu proche. (Bahá’u’lláh, Le Kitab-i-Aqdas) Der Herr hat überdies verordnet, daß der Verstorbene in fünf Tücher aus Seide oder Baumwolle gehüllt werde.¹ Wer über begrenzte Mittel verfügt, für den genügt ein einziges Tuch aus einem der beiden Stoffe. So ward es geboten von Ihm, dem Allwissenden, dem Allunterrichteten. Es ist euch verboten, den Leichnam mehr als eine Stunde Weges aus der Stadt zu bringen²; vielmehr soll er freudig, voll Seelenfrieden an einem nahen Ort begraben werden. ¹² s.n151-n152 (Bahá’u’lláh, Kitab-i-Aqdas)

2 The placing of the burial stone [ring] on the dead has no other significance than to emphasize our profound conviction that our souls come from our Creator and to Him they return, and in Him we believe and trust. Written on behalf of Shoghi Effendi, in Dawn of a New Day, p. 101 (Compilations, NSA USA - Developing Distinctive Baha'i Communities)

3 "Der Herr hat bestimmt, daß die Toten in Särgen beerdigt werden." (128)

4 The Báb has told us to bury the dead in silk (if possible) in coffins of crystal. Why? Because the body, though now dust, was once exalted by the immortal soul of man! Written on behalf of Shoghi Effendi, in Bahá’í News, #210, August 1948, p. 2 (Compilations, NSA USA - Developing Distinctive Baha'i Communities)

5 Since this physical body is the throne whereon the inner temple is established, God hath ordained that the body be preserved to the extent possible, so that nothing that causeth repugnance may be experienced." (Compilations, NSA USA - Developing Distinctive Baha'i Communities)

6 814. The body of man, which has been formed gradually, must similarly be decomposed gradually. This is according to the real and natural order and divine law. If it had been better for it to be burned after death, in its creation it would have been so planned that the body would automatically become ignited after death, be consumed and turned into ashes. But the divine order formulated by the heavenly ordinance is that after death this body shall be transferred from one stage to another different from the preceding one, so that according to the relations which exist in this world, it may gradually combine and mix with other elements, thus going through stages until it arrive in the vegetable kingdom, there turning into plants and flowers, developing into trees of the highest paradise, becoming perfumed and attaining the beauty of color. Cremation suppresses it speedily from attainment to these transformations, the elements becoming so quickly decomposed that transformation to these various stages is checked. 44 (Compilations, Baha'i Scriptures, p. 446)

7 Bahá’u’lláh, Déi Verbuerge Wiederer

Et ganz normal dass een traureg ass, deen deen ee gär hat, ze verléieren. Genée sou frou sollt een awer ënnerlech sinn, dass déi Persoun elo méi no beim Herrgott ass an dass si fir eis biede kann genée sou wéi mir fir si biede kennen.

Zu dësem Thema fënnt ee méi am Bichelchen: *Bahá'í, wat se glewen a wat net*. Fir eis Nolauschterer hunn ech zwee där Bichelcher ze verschenken. Et geet duer wann dir mer elo urufft an dat um 091334210. E schéine Weekend a bis d'nächst Woch.

155 Humor

Sendung 155, 25ten a 26ten Abrëll 2003. Den Zirkus ass um Lampertsbiereg. An dat bis den éischte Mee, also méi laang wéi geplangt. All Dag um halwer véier an owes um aacht. A fir eis Radio ARA Nolauschterer gi mir aacht Ticketen ewech, nëmmen déi beschit Plazen. A wat musst dir man? Einfach mir elo uruffen, an dat um 091334210 an da kënnt dir se op de Radio an d'Stad siche kommen. Also, fir näischt en Owend am Zirkus verbréngen, da rufft mer elo un, um 091334210.

Wat huet dëse spueneschen Zirkus mat eiser Bahá'í Rubrik ze dinn? Et ass d'Freed um Liewen. Et ass d'Striewe fir a sengem Liewen dat Beschit ze man. Et ass den Humor an d'Liewensfreed, ouni déi et sech schwéier hei liewe léist.

'Abdu'l-Bahá dee sécher keen einfacht Liewen hat, ass de Bahá'í par excellence. Iwwer hie gouf gesot dass hien en delikaten an taktvollen Humor hat, dee genée sou natierlech, ustiechend wéi genësserlech war.¹ Am Buch: *'Abdu'l-Bahá zu London', Rieden a Gespréicher vum 'Abdu'l-Bahá*, fënnt een eng Rei vu Beispiller wéi 'Abdu'l-Bahá konnt zu gläicher Zäit lëschtég, monter, frou an och eescht sinn.²

Déi lescht Joere vu sengem Liewen ware friddlech. 1920 wéi Palestina ënnert briteschem Kontroll war, gouf 'Abdu'l-Bahá zum Ritter genannt, an dat wéinst senger Verdéngschter zur Reconciliatioun an dem Wuelstand vun de Leit am haitegen Israel. An där Zäit huet hie vill mat der ganzer Welt geschriwwen, hat Zäit fir um Päerd ze reiden, eppes wat hir gär als Jugendleche gemaach huet. Säin Haus war ëmmer voll mat Invitee vun allen Hautfaarwen, déi ageholl ware vun der Déift vu senger Gespréicher, senger Frëndlechkeet awer och sengem Humor. Mat sengen lëschtégen Anektoten voller Witz krut hie jiddereen un d'Laachen. „*Mäin Haus ass en Heem vu Gléck a Laachen*.“¹¹

Den Howard Colby Yves schreift an de *Weeër vun der Fräiheet* iwwer 'Abdu'l-Bahá: „*Et war sou wéi wa säi Laachen eis géif mat enger iwwergrousser Sympathie awécklen, seng glënnereg Blécker eis aus allen Ecke vum Sall géifen ënnert d'Lupp huelen, fir esou all Nolauschterer ze errechen, seng Gesten zugläicher Zäit sou voll mat Autoritéit a Bescheidenheet, seng Wäisheet a säin Humor, alles dat huet fir mech op manst déi wierklech mënschlech Briddlerlechkeet ausgedréckt*.“³ Dës Liewensfreed fënnt een och bei Bahá'u'lláh, deen ze laache wosst an immens frou konnt sinn.¹²

Niewent de Qualitéite wéi Bescheidenheet, mënschlech Wäermt an Enthusiasmus fënnt een och e sprëtzen Humor, ouni awer d'Wichtigkeet vum Bahá'í Glawen ze vergiessen.¹³

An de Bahá'í Schrëfte liese mer dass „*Humor, Gléck a Freed sinn typesch fir e wierklecht Bahá'í Liewen. ... Wann Humor, Gléck a Freed en Deel vun engem ausgeglachenem Liewen ass, wou een och eescht Gedanken an Iwwerleeungen, Matgefill a bescheidenen Déngscht fir den Herrgott fënnt, dat alles sinn Eegeschafte déi d'Liewe beräicheren an zu senger Ausstralung bäidroen*.“¹⁴

'Abdu'l-Bahá warnt eis awer och dass eis Fräizäit net zu enger Verschwendung vun Zäit sollt ginn.¹⁵

Ofschlëssend dëse Witz fir d'Kanner: Bei enger Méckefamill doheem. Seet d'Kand zur Mamma. Mamma duerf ech muer op de Concert goen. Jo, seet d'Mamm, mee pass awer op wann d'Leit klappen.

Vill Spaass am Zirkus a bis d'nächst Woch wënscht iech äre Jean-Marie.

1 L'impressionnante dignité qui se dégage de sa présence et de sa prestance est teintée d'un humour délicat et plein de tact, qui est tout aussi naturel que contagieux et délicieux.

'Abdu'l-Bahá a Londres

2 avec la rapide transition de quelqu'un qui sait être à la fois gai et grave, il se montra terriblement sérieux. 'Abdu'l-Bahá a Londres

3 Mais son sourire qui semblait nous envelopper d'une sympathie débordante, ses regards étincelants qui scrutaient tous les coins de la salle comme pour y atteindre chaque auditeur, ses gestes si pleins à la fois d'autorité et d'humilité, sa sagesse et son humour tout exprimait (pour moi du moins) la véritable fraternité humaine. (H.C. Yves, voies-liberte)

156 D'Welt brauch eng nei Aarbechtsethik

Sendung 156, 2ten an 3te Mee 2003. Dës Woch hu mer den 1te Mee gefeiert, den Dag vun der Aarbecht. Wann ech un Aarbecht denken, denken ech u Freed, Begeeschterung, Verdéngscht, Zefriddenheet awer och u Chômage, Aarmut, Demoraliséierung an un Ongerechtegkeet. Wat soen d'Bahá'í Schrëften dozou?

„Am haitegen Denken ass d'Virstellung am Bezuch zur Aarbecht virun allem op eng gewënnbréngend Beschäftigung reduzéiert, ... Doraus ergëtt sech ... dass d'Kafen an de Verbrauch zum Erhalen an der Ausdehnung vun der Güterproduktioun féiert a sinn esou d'Basis vu bezuelter Beschäftigung. Op den Einzelne bezu sinn all dës Aktivitéite wesentlech fir d'Wuelergoe vun der Gesellschaft. D'Onzoulänglechkeet vun der Gesamtvirstellung ergëtt sech awer souwuel aus der Apathie, déi Kommentatoren bei enger grousser Zuel vu Beschäftigten an alle Länner feststellen, wéi awer och d'Demoraliséierung vun enger usteigender Zuel vun Aarbechtslosen.“¹

„Et ass dofir net erstaunlech, dass d'Erkenntnis wësst, dass d'Welt dréngend eng nei Aarbechtsethik brauch. Och hei kann näischt Geréngeres wéi d'Asiichten, déi aus der schöpferescher Wiesselwierkung vun de wëssenschaftlechen a reliéise Wëssenssystemer gewonne ginn, eng däraarteg grondleeënd Neiorientéierung vun de Gewunnechten an Haltungen bewierken. Anescht wéi d'Déieren, déi fir hire Liewensënnerhalt vun deem ofhänke wat d'Ëmwelt hinne bitt, sinn d'Mënsche gezwongen, déi ongeheier Fäegkeeten, déi latent an hinne leien, duerch produktiv Aarbecht zum Droen ze bréngen a fir sou hir eege Besoinen an déi vun anerer ze befriddegen. Duerch dës Aktivitéit gi si – wann och nëmmen op engem nach sou bescheidenem Niveau – Akteuren am Prozess deen d'Kultur virundréit. Si erfëlle sou e Sënn, dee si mat anere verbënnt. An deem Mooss wéi d'Aarbecht bewosst am Geescht vum Déngscht un der Mënschheet gemaach gëtt, ass si, seet Bahá'u'lláh, eng Form vu Gebiet, e Wee fir Gott ze verëieren. All Einzelnen huet d'Fäegkeet, sech an dësem Liicht ze gesinn, a gerad op dës ... Méiglechkeet vu sech selwer muss sech d'Entwécklungsstrategie beruffen, onofhängeg vun der Aart vun de jeeweils verfollegte Pläng an deem duerch si an Aussicht gestellte Léin. Keng gerénger Perspektiv wéi déi wäert jeemools d'Mënsche vun der Welt zu jenem Ausmooss u Beméiungen an Engagement veruloossen, wéi déi virun ons leiende wirtschaftlechen Aufgabe verlaangen.“²

Heescht dat also, dass mer an éischter Linn net wëinst de Sue schaffen, mee fir eis eegen Entwécklung weiderzebréngen. Wa mer eis bewosst sinn, dass egal wéi eng Aarbecht mer och maachen, et drop ukënnt, dës Aarbecht am Déngscht vun der Mënschheet ze man, da si mer um richtege Wee. Domat huet jidderee säin Deel vu Verantwortung, sief et de Buschauffer, den Architekt oder de Bankdirekter. All Aarbecht an all Déngscht, déi mat Léift an Devotioun gemaach ginn, si schlussendlech genee wéi e Gebiet.¹⁶ De Wäert läit an deem, wéi een seng Aarbecht mécht. All Aarbecht, déi am Geescht vum Déngscht un der Mënschheet gemaach gëtt, ass an der Bahá'í Relioun Gottesdéngscht. Relioun soll sech virun allem an Aktiounen, net a Wieder ausdrécken.

'Abdu'l-Bahá seet: „Loosst är Aktiounen haart an d'Welt erausruffen, dass dir wierklech Bahá'í sidd, well et sinn d'Aktiounen déi d'Welt usprieche an d'Ursaach vum Fortschrëtt fir d'Mënschheet sinn.“¹⁷

„Eis Aktiounen bréngen d'Welt weider, verbreedten Zivilisatioun, hëllefen der Wëssenschaft zum Fortschrëtt a loosse d'Kënschte sech entwéckelen.“¹⁸ „Strieft duerno, dass är Aktiounen Dag fir Dag wonnerbar Gebieder sinn. Dréint iech zum Herrgott a probéiert ëmmer, dat ze man, wat richtege an eedel ass. Ënnerstëtzt déi Aarm, hëlleft deenen opstoen, déi gefall sinn, gitt deenen Troust déi traureg sinn, bréngt Heelung fir déi, déi krank sinn, stäerkt déi, déi an Ängsche sinn, befreit déi Ënnerdréckt, maacht deenen Hoffnung déi keng méi hunn, a passt op déi op déi verlooss sinn! Dat ass d'Aarbecht vun engem wierkleche Bahá'í. ...“¹⁹

¹ Im gegenwärtigen Denken ist die Vorstellung in Bezug auf Arbeit überwiegend auf eine gewinnbringende Beschäftigung reduziert, die auf den Erwerb von Mitteln für den Konsum verfügbarer Güter abzielt. Daraus ergibt sich ein Kreisschluß: Erwerb und Konsum führen zu Erhalt und Ausdehnung der Güterproduktion und sind damit in der Folge die Grundlage bezahlter Beschäftigung. Auf den einzelnen bezogen sind all diese Tätigkeiten für das Wohlergehen der Gesellschaft wesentlich. Die Unzulänglichkeit der Gesamtvorstellung ergibt sich jedoch sowohl aus der Apathie, die Kommentatoren bei einer großen Zahl der Beschäftigten in allen Ländern feststellen, als auch aus der Demoralisierung der wachsenden Heere von Arbeitslosen.

² Es ist daher nicht erstaunlich, daß die Erkenntnis wächst, daß die Welt dringend eine neue "Arbeitsethik" braucht. Auch hier kann nichts geringeres als die Einsichten, die aus der schöpferischen Wechselwirkung der wissenschaftlichen und religiösen Wissenssysteme gewonnen werden, eine derart grundlegende Neuorientierung der Gewohnheiten und Haltungen bewirken. Anders als die Tiere, die für ihren Lebensunterhalt von dem abhängen, was die Umwelt bereitstellt, sind die Menschen gezwungen, die in ihnen latent vorhandenen ungeheueren Fähigkeiten durch produktive Arbeit zum Tragen zu bringen, um ihre eigenen und die Bedürfnisse anderer zu befriedigen. Durch dieses Tun werden sie - wenn auch auf noch so bescheidenem Niveau - Mitwirkende am Prozeß des Vortransports der Kultur. Sie erfüllen daher einen Sinn, der sie mit anderen verbindet. In dem Maße, wie Arbeit bewußt im Geiste des Dienstes an der Menschheit verrichtet wird, ist sie, sagt Bahá'u'lláh, eine Form des Gebets, ein Weg zur Verehrung Gottes. Jeder einzelne hat die Fähigkeit, sich in diesem Licht zu sehen, und gerade auf diese unveräußerliche Möglichkeit des Selbstes muß sich die Entwicklungsstrategie berufen, unabhängig von der Art der jeweils verfolgten Pläne und dem durch sie in Aussicht gestellten Lohn. Keine geringere Perspektive als diese wird jemals die Menschen der Welt zu jenem Ausmaß an Bemühungen und Engagement veranlassen, das die vor uns liegenden wirtschaftlichen Aufgaben erfordern. (Briefe des UHG, Das Wohlergehen der Menschheit)

157 D'Bahá'í Perspektiv zu den haitege Weltevenementer

Sendung 157, 9ten an 10te Mee 2003. Wat an der Welt geschitt kann ee wuel kaum onberéiert loossen. Wéi kann ee sech eng Meenung maachen iwwer all dat? Wéivill Zeitungge kann ee liesen a wéivill Fernseh a Radioprogrammer kucken a lauschteren? Wéi fënnt een e roude Fueдем? Wat hunn d'Weltevenementer mat der Bahá'í Relioun ze dinn? Den héchste Gremium am Bahá'í Glawe gëtt eis oft Richtlinnen a baséiert sech op den hellege Schrëfte vum Begrënner, Bahá'u'lláh. Engem Bahá'í bidden d'Schrëften eng ongeheier Méiglechkeet méi kloer ze gesinn, de roude Fueдем net ze verléieren a sou duerch konkret Aktiounen d'Visoun vum Fridde Schrëtt fir Schrëtt an d'Realitéit ëmzesetzen.

Fridden ass fir all d'Natiounen méiglech. Et ass eng Etapp an der sozialer Evolutioun vum eisem Planéit laanscht déi mer net kommen. Mir erreechen dës Etapp entweder no engem onvirstellbaren Horror oder andeems mer et fäerdeg bréngen iwwer eis grouss Problemer ze diskutéieren an ze beroden. An domat ass eng Berodung gemengt wou d'Vertrieder vun der Mënschheet zesumme komme fir ze kucke wéi sou e Fridde kann opgestallt ginn.

An dësem Prozess fir friddlech mateneen ze liewen, schéngt et awer wéi wa mer net weider kéimen. Et geet ëm d'Natur vum Mënsch. Engersäits wëllt jidderee Fridden, anersäits awer sinn der vill iwwerzeegt dass et ni wäert Fridde ginn, well de Mënsch vum Natur aus aggressiv wier. Dës Usicht musse mer nach eng Kéier iwwerdenken. De Mënsch huet d'Méiglechkeet Guddes oder Schlechtes ze man. Nëmme eng Erzéiung zum Fridden an zur Nächstelëift kann dës Tendenz zur Aggressivitéit ënnerbannen. De Mënsch entscheed sech ëmmer nees gutt oder schlecht ze sinn.

Sou wéi de Mënsch wüsst an erwuesse gëtt, sou ass dat och mat der Mënschheet als Ganzt. A mir liewen haut an enger Zäit wou mer zesummen aus der Lichtsënnegkeet vum der Jugend mat hiren Topegkeeten erauskommen an ufänken erwuesse ze ginn. Kricher, Virurteeler a Konflikter sinn all Expressiounen vum Etappe vum engem groussen historesche Prozess gewiescht. Et sinn turbulent Zeeche vum kollektive Wuesstem vum der d'Mënschheet. Et sinn dat och Symptomer vum Institutionen déi keng Daseinsberechtigung méi hunn a Manéiere fir ze denken déi iwwerlieft sinn. Do hu mer zum Beispill den Nationalismus, rassistesche Exklusivitéit, Virurteeler, reliéisen Awerqlawen, diktatoresch Regierungen, d'Verletzte vum de Mënscherechter an sou weider.

D'Relioun ass eng staark sozial Kraaft an et duerf een se net iwwersinn wann ee wëllt Weltfridden erreechen. Relioun ass „*dat gréisst vum alle Mëttele fir Uerder an der Welt ze schafen... Sollt dës Luucht vum de Reliounen awer zougedeckt ginn, entsteet Chaos an Duercherneen an d'Luuchte vum der Fairness a Gerechtegkeet, vu Rou a Fridden halen op ze schéngen.*“²⁰

Leider ass et awer sou dass d'Leadere vum de Reliounen an der Vergaangenheet vum hirer Muecht profitéiert hunn. Si hunn aus der Relioun en Instrument vu Sträit gemaach, an dat a sou engem Mooss dass se just de Contraire vum hirem ursprénglechen Zweck bewierkt huet. Dabei kënnt, dass mer gesi wéi Fanatismus nees um Wuessen ass, an och Ersatzreliounen déi am Materialissem, Kapitalismus an aneren Ideologien ëmmer méi Unhänger fannen.

Um Wee zum Fridde sinn awer schonn eng Rei vu kollektive Schrëtt geholl ginn. Dozou gehéieren d'Veereenten Natiounen, de Marché Commun an d'Europäesch Unioun. Fridde schafen heescht awer net nëmme d'Ofschafung vum Krich. Et geet och net duer Verträge ze ënnerschreiwen, et geet drëm Léisunge fir Problemer ze fanne wou mer am Ufank net mengen dass se direkt eppes mam Fridden ze dinn hunn: sou zum Besipill Rassismus, extrem Ënnerscheeder tëschent Aarmen déi ëmmer méi aarm ginn a Räichen déi ëmmer méi Räich ginn; wëllen Nationalismus a reliéise Sträit.

Dozou kommen nach e puer Viraussetzungen déi wesentlech si fir Fridden ze schafen an de Fridden ze halen. Et sinn dat d'Emanzipatioun vum de Fraen; Erzéiung fir jiddereen an eng gemeinsam Sprooch niewent der Mammesprooch fir sou d'Verständnegung ze verbessern. Déi grouss Frou stellt sech elo: Wéi kommen ech do wou ech gär wier a wat brauch ech alles. An dat gesi mer an eiser nächster Emissioun.

158 Frëndschaft

Sendung 158, 16ten a 17te Mee 2003. An der Serie *Juwele vum de Wierder vum 'Abdu'l-Bahá* fanne mer d'Frëndschaft. Wat seet d'Bahá'í Relioun iwwer d'Frëndschaft? Wat ass Frëndschaft? Déi ganz Zesummestellung fannt dir am englesche Bahá'í Verlag oder mam Programm Ozean, deen dir um Internet erofluede kënnt.

Hei e puer Zitater aus de Bahá'í Schrëften dozou. „*Wann s du dir enger Wourecht bewosst bass, wann s du e Juwel besët vum deem anerer ausgeschloss sinn, deel et mat hinnen an enger Sprooch vum extremer Guttheet a guddem Wëllen.*“²¹

„Gëff dech net zefridde fir Frëndschaft eleng mat Wierder ze weisen, looss däin Häerz brenne mat immenser Guttheet fir all déi, déi s du begéins.“²²

„Dass jidderee gesäit dass du mat universalser Léift gefëllt bass. Wann s du engem ... Frieme begéins, schwätz mat him wéi mat engem Frënd; wann en eleng ze si schéngt, probéier him ze hëllefen, gëff him bereedwëlleg däin Dénsgcht; wann en traureg ass, tréisch en, wann en aarm ass, hëllef him, wann en ënnerdréckt ass, rett en, wann en am Misère ass, stéi him bäi. An deem s de dat méchs, manifestéiers de net nëmmen a Wierder, mee an der Aktioun an an der Wourecht, dass d'Mënschen all deng Bridder sinn.“²³

„D'Ongerechtegkeet an der Welt existéiert weider well d'Leit nëmme vun hiren Idealer schwätzen an net beméit sinn déi Idealer an d'Praxis ëmzesetzen. Wann Aktiounen d'Plaz vun de Wierder huelen, géif der Welt hire Misère sech séier a Satisfaktioun ëmwandelen.“²⁴

„Meng net dass de Fridde vun der Welt en Ideal ass, wat een onméiglech erreeche kann! Näischt ass onméiglech fir den Herrgott. Wann s du dir vu ganzem Häerze Frëndschaft mat all Rass op der Äerd wënschs, wäert däi Gedanken, geeschteg a positiv, sech verbreedden; et gëtt de Wonsch vun aneren, a wüsst méi staark a méi staark, bis et de Verstand vun all de Mënschen erreecht.“²⁵

„An der Mënschheet besteet d'Intentioun vun der Bridderlechkeet, well mir sinn all d'Welle vun engem Mier, d'Blieder an d'Friichte vun engem Bam. Dat ass eng physesch Komerodschaft déi materiellt Gléck an der mënschlecher Welt séchert. Wat se méi staark gëtt, wat d'Mënschheet méi weiderkënnt. ...“²⁶

„Wierklech Kollegialitéit ass geeschteg, well physesch Kollegialitéit ënnerläit der Trennung. D'Kricher vun der äusserlecher Welt vun der Existenz trennen d'Mënschheet, awer an der éiweger Welt vun der geeschteger Kollegialitéit ass d'Trennung net bekannt. Stofflech oder physesch Associatioun baséiert op weltlechen Interessen, awer göttlech Frëndschaft schëllegt hir Existenz den Otemzich vum Hellege Geescht. Geeschteg Kollegialitéit kann ee mat der Luucht vergläichen, während d'Séile vun der Mënschheet wéi d'Lantere sinn.“ „²⁷

„Du muss méi frou mat dengem Frënd si wéi mat dir selwer ; jo, du muss bereet sinn dech opzeopferen »“²⁸

„De Mënsch soll bereet si Schwiereregkeete fir sech selwer ze akzeptéieren, fir dass anerer Räichtum genéissee kënnen“²⁹

„Sief beméit kengem Häerz wéi ze doen, an dass de net géint ee schwätz wann en net do ass, ... „“³⁰

An dann nach eng erfreenleche Nouvelle: Nodeem et 34 Joer kee lokale Bahá'í Rot zu Bagdad gouf, ass Enn Abrëll dës Rot nees gewielt ginn. Et ass och schéin ze wëssen dass d'Haus vu Bahá'u'lláh zu Bagdad vun de Bomme verschount blouf. Ëmmerhin huet Bahá'u'lláh eng ganz Zäit zu Bagdad gewunnt. Méi dovun eng aner Kéier.

Zu gudder Lescht eng Invitatioun fir eis Radio ARA Nolauschterer an dat nächste Freideg, 23te Mee um 8 Auer owes am Centre des Loisirs zu Lamadeleine, Gemeng Péiteng. D'Bahá'í vu Lëtzebuerg feieren den 160ste Gebuertsdag vun der Deklaratioun vum Báb, dem Virleefer vun der Bahá'í Relioun. Um Programm ass e geeschtegen Deel mat engem musekaleschen Encadrement, eng kënschtlerech Virstellung an duerno e Buffet.

159 Relioun a Fraen

Sendung 159, 23ten a 24te Mee 2003. Am *Jeudi* vum 8te Mee schreift d'Liliane Thorn Petit iwwer Relioun a Respekt. „Mir müssen“ sou schreift se „am 21te Jorhonnert aner Reliounen akzeptéieren, éischter wéi verréckt oder geféierlech Sekten, fir das mer net an en totalen Atheismus erafalen.“ Ënnert anerem schreift si och dass all d'Relioune vun der Welt de Fraen nëmme ganz wéineg Plaz ginn, mee dass dat awer Niewesaach ass an deem Mooss wou et jo nëmme fir d'Frae wichteg ass.

Als Bahá'í denken ech do direkt un 2 Saachen. Wat ass d'Définitioun vun enger Sekt a wéi eng Roll spillen d'Fraen an der Bahá'í Relioun?

Wann een der Encyclopedie Britannica gleewe kann, ass d'Bahá'í Relioun nom Chrëschtentum déi am wäitvubreetste Relioun op der Welt. Eng Relioun soll een och no hire Friichte beuerteelen. Et ass bekannt dass all déi grouss Reliounen, sief dat d'Chrëschtentum, d'Judentum oder den Islam, sech no enger gewëssen Zäit opgedeelt hunn. D'Katholiken, d'Protestanten, d'Schiiten, d'Sunnis, an déi Opspléckunge kréie keen Enn. Wéi soll ee sech do iwwerhaupt erëmfannen a vill méi wichteg; wéi soll ee sech do nach eens ginn?

Am Abrëll d'lescht Joer huet den héchste Bahá'í Gremium sech un all d'reliéis Leadere vun der Welt geriicht an hinnen an engem Brëf eng Analyse vun der Weltsituatioun gemaach a si opgefuerdert dach zesammenzeschaffen. Wat ass d'Zil vun dëser Initiativ gewiescht? „Fir dass all déi concernéiert Persoune sech bewusst ginn dass et dréngend néideg ass, dass d'reliéis Leadere sech mam Problem vun de reliéise Virurteeler beschäftegen, deen amgaang ass eng ëmmer méi grouss Bedrohung fir d'Mënschheet ze ginn. Déi éischt Reaktiounen vu villen Empfänger

weisen drop hin dass de Message eeschtaft considéréiert gëtt an dass en a gewësse Plazen souguer den interrelieësen Aktivitéiten en neit Liicht bréngt. “¹

Deen anere Punkt deem ech kuerz beliichte wollt ass dee vun der Roll vun der Fra am Liicht vum Bahá'í Glawen. „D'Emanzipatioun vun der Fra, d'Verwierklechung vun enger vollstänneger Gläichberechtigung tëscht de Geschlechter, ass eng vun de wichtegsten, wann och manner erkannte Viraussetzunge fir de Fridden. Wien dës Gläichberechtigung refuséiert, begeet en Onrecht géint d'Hallschecht vun der Weltbevëlkerung a fërdert an de Männer schiedlech Astellungen a Gewunnechten, déi si aus der Famill op d'Aarbechtsplaz, an d'politescht Liewen an zu gudder Lescht och an déi international Relatiounen droen. Et gëtt kee Grond, weder moralesch nach praktesch oder biologesch, deem esou ee Refus justifiéiert. Eréischt wann d'Fraen als vollwäerteg Partner an alle Beräicher vum mënschleche Striewen opgeholl ginn, wäert dee moraleschen a psychologesche Klima entstoen, aus deem de Weltfridde kann ervirgoen. “²

„Wann d'Frae sech voll a ganz an a Gläichheet mat de Männer un deem wat an der Welt geschitt, bedeelegen a wa si mat Sécherheet a Kompetenz an déi grouss Arena vun de Gesetzter an der Politik erakommen, da wäerten d'Kricher ophalen. “³

Eng lëtzebuerger Schrëftstellerin, d'Farah Dustdar schreift: „Fraepolitik ass d'Afrostellung vun der traditioneller Muechtpolitik. Am Plaz Muecht ze kréien an Muecht ze halen, orientéiert d'Fraepolitik sech un deenen zënter Jordausenden ënnerdréckte Bedierfnesser vun de Fraen: d'Suerg fir déi Schwaach, Matgefill, Ausgläich, Kooperatioun a Konsensus. Fraepolitik zielt op eng Kultur vum Fridden. “³

160 L'éducation: Invitéeën: D'Madame Zana-Nau an den Här Benghozi, Deel 1/3

(keen Text) (op franséisch)

161 L'éducation: Invitéeën: D'Madame Zana-Nau an den Här Benghozi, Deel 2/3

(keen Text) (op franséisch)

162 L'éducation: Invitéeën: D'Madame Zana-Nau an den Här Benghozi, Deel 3/3

(keen Text) (op franséisch)

163 Ausstellung am Europaparlament zu Bréissel iwwer de Bahá'í Glawen

Sendung 163, 20ten a 21te Juni 2003. Fir unzefänken eng Invitatioun: De Nationale Rot vun de Bahá'í vu Lëtzebuerg invitéiert iech op eng Rezeptioun fir de Gebuertsdag vun eisem Grand-Duc ze feieren. An dat an der Stad nächste Mëttwoch 25te Juni um halwer siwen owes am Bahá'í Zenter, 17 allée Léopold Goebel. Fir de musekaleschen Encadrement suergt de *Quatuor de Clarinettes* aus dem Stater Conservatoire an zwar d'Klass vum Här Henri Jeitz. Eng gutt Geleeënheet eise Bahá'í Zenter ze besichen.

Südamerika kritt en neit Haus vun der Andacht. No der Ausschreiwung fir dëst Gebai vum héchste Bahá'í Gremium, haten 185 Architekten hire Projet eragereecht. Dovun sinn der fënnf méi genee gekuckt ginn a schlussendlech ass et de Siamak Hariri vun Toronto, Kanada, deem säi Projekt ugeholl gouf. Dëst Haus vun der Andacht huet Plaz fir 500 Leit a gëtt bei Santiago a Chile gebaut. De Projet soll an den nächsten dräi Joer fäerdeg sinn. Den Design huet néng Säiten, déi sech ronderëm d'Haus vun der Andacht bëien. Dës delikat Säiten sinn aus duerchsichtigem Alabaster, eng Säit nobannen an eng no baussen. Fir sech e Bild iwwer dësen ongewéinlechen an awer vun der Natur inspiréierten Design ze man, kuckt een am beschten um Internet ënnert www.bahaiworldnews.org

Bréissel. Eng spezial Ausstellung gouf et d'lescht Woch am Haaptgebai vum Europaparlament zu Bréissel. Eng Ausstellung déi den europäesche Parlamentarier weise soll, wéi d'Bahá'ícommunautéiten an Europa zur sozialer Harmonie bäidroen. D'Jean Lambert, Parlamentarierin hat d'Ausstellung gesponsert an dat mam Titel: *D'international Bahá'í communauté: Méi wéi e Jorhonnert, duerch ganz Europa, d'Eenheet an der Villfalt fërderen*. Iwwer 200 Leit, dorënner d'Ana Palacio, Ausseminister vu Spuenien an aner Prominenter, dorënner och de lëtzebuerger grénge Parlamentarier ware bei der Rezeptioun. Ëm déi nonzeg Leit hu sech un enger Uried vum Professor Suheil Bushrui bedeelegt mam Thema: *D'Ethik vun der Globalisatioun*. Véierzéng Panneauen erzielen mat Wierder a Fotoen wéi d'Bahá'ígemengen an Europa versicht hunn, Fridden, interkulturell Integratioun, reliéis Toleranz a wirtschaftlech Ethik duerch eng Villfalt vu konkrete Projeten an Aktiounen ze fërderen. Vill Leit an Europa, virun allem d'Politiker wësse Bescheed iwwer d'Verfollegunge vun de Bahá'í am Iran. Dës Ausstellung

1 Para 6, Message de Ridvan, MUJ 2003

2 D'Verspriche vum Weltfridden, s.35, eng Deklaratioun un d'Vëlker vun der Welt, Universaalt Haus vun der Gerechtegkeet, 1985

3 Frauenpolitik, Farah DUSTDAR, Bahai Verlag 2002

wëllt weisen, wéi d'Bahá'ícommunautéiten an Europa sech an eiser Gesellschaft implizéieren a bedeelegen, a wéi si op verschidde Manéiere soziale Fortschrëtt fërderen an dazou bäidroen.

An all de fofzëng Memberstaate ginn et gutt etabléiert Bahá'í Gemengen mat hiren nationale Réit un der Spëtzt an dat och an den zéng neien Natiounen, déi sech der Europäescher Unioun d'nächst Joer uschléissen. D'Bahá'í sinn dovun iwwerzeegt, dass et néideg ass dass mer op engem internationale Plang zesummeschaffen an dass mer d'Grondsätz vun der Europäescher Unioun ënnerstëtzen. An Europa ginn et sechsdausend Lokalitéite wou Bahá'í wunnen a si hunn eng 976 lokal gewielte Réit, déi d'Affäre vun der Gemeng um lokale Plang verwalten. Si hunn national Kierperschaften oder Réit a 37 europäesche Länner an Territorien.

An zum Schluss vun eiser Emissioun gi mer op Haifa an Israel. 1.4 Millioun Leit hunn d'Bahá'í Terrassen an d'Gäert um Bierg Karmel besicht, ronderëm de Schräi vum Báb. An dat an nëmmen zwee Joer, also zënter der Erëffnung vun de Gäert. Déi meeschte Besucher kommen aus Israel, mat sechs an eng hallef Millioun Awunner. D'Terrasse sinn eng vun den Top Touristenattraktiounen am Land.

Bal 400 000 Leit hate sech fir eng Visite guidée ageschriwwen. Dës Visite, déi de Bahá'í Weltzentrum stellt, si gratis. Et sinn ongeféier 25 israelesch Universitätsstudenten, déi fir dësen Dénsgsch forméiert a bezuelt ginn, déi déi meescht Visite maachen, awer et ginn och e puer ganzzäiteg professionnell Guiden. D'Guide kommen aus engem jüdesche, chrëschtliche, islameschen oder druse Milieu. An d'Visite kritt een op hebräesch, arabesch, englesch, russesch a spuenesch. Also wann dir är Vakanz an Israel plangt da vergiesst net är Agence ze froen, e Besuch zu Haifa an de Bahá'í Gäert ze plangen. Changementer an der Welt an eis Responsabilitéit; Wat ass Wahrhaftegkeet?

164 Geeschteg Nahrung

Sendung 164, 27ten an 28te Juni 2003. Wat verstitt dir ënnert „geistiger Nahrung“? Ass dat fir iech Meditatioun oder Gebiet, an e Konzert goen, sech an der Bidden entspannen oder mam Auto duerch d'Landschaft fueren? Wat och ëmmer, geeschteg Ernierung ass eppes wat mer all brauchen, eppes wat mer awer vläicht oft vergiessen. Sou geet et mir jiddefalls ganz oft. Abé, en neien Internetsite, deen ënnert www.geistigenahrung.com ze fannen ass, offrëiert iech all Dag e klenge Zitat fir är geeschteg Ernierung. Fir iech unzemellen an esou all Dag e klengen Cadeau ze kréien gitt dir einfach op de Site www.geistigenahrung.com an dir loosst är Emailadress. Ech hunn dat elo bal eng Woch, an hei sinn d'Themen déi ech bis elo krut: De Sënn vum Liewen; d'Liewen nom Doud; den Haaptzweck vum Glawen u Gott a senger Relioun; loosst all Moie besser si wéi den Owend virdrun an; mäi beschte Rot fir iech. Dës Internetsäit kënnt aus Éisträich a sou wäit wéi ech dat konnt gesinn ass et eng privat Initiativ. De Site selwer huet e rouege bloen Hannergrond, mat meditative Landschaftsbiller an eng ganz Rei vu Gedanken déi zum Nodenken ureegen. Déi gewielten Texter baséiere sech op de Bahá'í Schrëften. Mir Lëtzebuerger Bahá'í dinn ons e bësser schwéier fir d'Bahá'í Schrëften an eis Sprooch ze iwwersetzen. Mee dat ass am gaang sech z'änneren. Mir hunn déi offiziell Internetsäit ënnert www.bahai.lu, déi awer op Franséisch ass. Si presentéiert kuerz d'lëtzebuerger Bahá'ígemeng mat hirer Diversitéit an hiren Aktivitéiten, déi eenzel lokal Bahá'í Réit an och d'Union luxembourgeoise des femmes bahá'ies, d'Zäitschrëft *Zeit für Geist* an d'Bahá'í inspiréiert ONG www.unityfoundation.lu. Lëtzebuerger Bahá'í Texter fannt dir um Site www.bci.org/nau eng perséinlech Internetsäit mat den Texter vun der Bahá'í Rubrik um Radio www.ara.lu, mat ausgewielten Texter a Gebieder aus de Bahá'í Schrëften, niewent den däitsch, franséisch an engleschen Texter, awer och Fotoen a mat Informatiounen zu de franséischen www.bahai.fr, däitschen www.bahai.de a belsche Bahá'í Siten www.bahai.be. Et muss och gesot sinn dass dës lëtzebuerger Texter eng virleefeg Iwwersetzung sinn, déi nach drop waarden, vum nationale Rot approuvéiert ze ginn.

An dofir proposéieren ech iech haut e puer däitsch Texter zum Nodenken aus de Bahá'í Schrëften: „Mäi beschte Rot fir iech: Bürdet keiner Seele eine Last auf, die ihr selber nicht tragen wollt, und wünscht niemandem, was ihr euch selbst nicht wünscht. Dies ist Mein bester Rat für euch, wolltet ihr ihn doch beherzigen.“¹

„Loosst all Moie besser si wéi den Owend virdrun: O Völker der Welt! Gebt alles Böse auf und haltet fest, was gut ist. Strebt danach, der ganzen Menschheit leuchtende Beispiele zu bieten und Wahrzeichen der göttlichen Tugenden unter den Menschen zu sein. Wer sich aufmacht, Meiner Sache zu dienen, sollte Meine Weisheit offenbaren und alle Mühe darauf wenden, die Unwissenheit von der Erde zu verbannen. Seid einig in der Beratung, seid eins im Denken. Laßt jeden Morgen besser sein als den Abend davor und jeden neuen Tag reicher werden als den gestrigen. Des Menschen Vorzug liegt im Dienst und in der Tugend, nicht im Prunk des Wohllebens und des Reichtums. Habt acht, daß eure Worte rein sind von eitlen Wahn und weltlichen Lüsten und eure Taten von List und Argwohn. Vergeudet nicht den Reichtum eures kostbaren Lebens im Verfolg böser, verderbter Neigung, noch laßt eure Mühe völlig in der Förderung eurer eigenen Interessen aufgehen. Seid großzügig in Tagen der Fülle und

¹ Bahá'u'lláh, Ährenlese - Eine Auswahl aus den Schriften Bahá'u'lláhs

geduldig in der Stunde des Verlustes. Auf Not kommt Erfolg, und Jubel folgt dem Wehe. Nehmt euch in acht vor Faulheit und Müßiggang, haltet euch an das, was der Menschheit, ob jung oder alt, hoch oder niedrig, Nutzen bringt....

Bei der Gerechtigkeit des Herrn! Ihr seid erschaffen, einander Liebe zu bezeigen, nicht Eigensinn und Groll. Seid nicht stolz auf eure Eigenliebe, sondern auf die Liebe zu euren Mitgeschöpfen. Rühmt euch nicht der Liebe zu eurem Vaterland, sondern der Liebe zur ganzen Menschheit. Laßt euer Auge keusch, eure Hand getreu, eure Zunge wahr und euer Herz licht sein“¹

165 D’Bahá’í Summerschoul a Frankräich

Sendung 165, 4ten a 5te Juli 2003. Wëllt dir och eemol eng Kéier eng aner Zort vu Vakanz maachen? Aner Leit kenneléieren, eppes fir är Séil maachen, d’Natur kenneléieren an de Bahá’í Glaawe méi not ënnert d’Lupp huelen? Da mellst iech fir d’Bahá’í Summerschoul a Frankräich un. Et ass gutt méiglech dass dir do aner Lëtzebuerger kenneléiert. Et ass elo schonn eng Gewunnecht fir sou munch Famillen, all Joer, déi lescht Woch am August an d’Auvergne ze fueren. Net wäit vu Clermont-Ferrand fënnt een e flotte Summercamp mat verschidden Iwwernuechtungsméiglechkeeten, vum Eenzelzëmmer bis zum Camping an dem Chalet, mat enger offener Piscine, engem Séi an enger flotter, grénger Landschaft.

Um Wee zu engem Kulturwiessel ass dëst Joer d’Thema vun der Schoul, déi eng Woch dauert, vum 23te bis den 30ten August. Moies huet een d’Méiglechkeet sech un enger Konferenz ze bedeelegen, an dat mat engem Atelier wou a Gruppen iwwer d’Thema diskutéiert gëtt. An der éischter Konferenz schwätzt de Simon Van Pamel iwwer d’Bahá’í Institutiounen an den Dag drop ass et de Michel Zahrai mam Thema: *Um Wee zu engem Kulturwiessel, d’20t Jorhonnert, e Jorhonnert vu Luucht*. Dëschdes moies ass d’Thema: *Déi nei Paradigme vun der Autoritéit, oder, d’Regierungen an der Zäit vun der Mondialisatioun*. Eise lëtzebuerger Fari Khabirpour schwätzt Mëttwochs an Donneschdes moies iwwer *d’Evolutioun vun de Familljerelatiounen an der geeschteger Transformatioun*. De leschte Moie ass d’Thema: *Eng nei Kultur vun der Kommunautéit* mat der Madame Hélène Sanders. An de Pausen huet een dann d’Méiglechkeet sech an der Librairie ëmzekucken a virum Iesse mëttes sinn da jeweils Reflexiounsatelier a méi kleng Gruppen. An dësen Ateliere ginn ausgewielte Passagen aus de Bahá’í Schrëften zum jeeweilegen Thema gewielt an dës Texter ginn dann an der Grupp zesumme gelies an et gëtt driwwer geschwat. Jidderengem säi Bäitrag, jidderengem seng Iddi ass wichtig a soll respektéiert ginn. Während véier Deeg gëtt och en Atelier iwwer d’Koppel, d’Famill an isoléiert Eltere ugebueden. Wann ee bedenkt dass all zweet Bestietnes an d’Bréch geet, ass et ëmsou wichteg dass d’Thema Familljeliewen eng wichteg Plaz an all Schoul soll hunn.

Nom Iesse mëttes ass een da fräi a verschidden artistesch Ateliere seng Talenter ze entdecken, et kann ee Sport maachen, trëppele goen an dëst Joer nei, am franséische *Radio fréquence 19* un enger Sendung matschaffen. D’Kanner a Jugendlech kommen an esou enger Vakanz voll a ganz op hir Käschten. Si hunn e ganz flott Encadrement a léiere vill nei Saache kennen. Nom Owesiesse geet de Programm da weider mat dësem Joer folkloresch Dänz, eng Diashow, e Concert, an engem Talentowend, presentéiert vun de Kanner a Jugendlechen. Während der ganzer Woch ginn et genuch Geleeënheete sech Zäit fir Gebieder a Meditatioun ze huelen, sief et dobaussen oder dobannen. Méi Infoen iwwer d’Summerschoul fannt dir um franséischen Internetsite www.bahai.fr oder bei eis um Radio um Telefon: 091334210.

Wann ee vun engem Kulturwiessel an der Bahá’ígemeng schwätzt ass et oft net einfach genoe festzehale wat dat dann heescht. Hei e puer Stéchwierder déi vum héchste Bahá’í Gremium aus Haifa kommen: „*Säi Liewe selwer an de Grapp huelen. Duerch eegen Erfahrungs léieren a net bei kleng Feeler stoebleiwen. Sech géigesäiteg ermuddegen. Konkret Aktiounen a Projeten iwwer e puer Méint duerchzéien an se dann evaluéieren. A sengem Liewe sech kënnen op dat wichtegst konzentréieren, fokaliséieren.*“

Et sief nach drop higewisen dass d’nächst Woch, den 9te Juli, d’Bahá’í d’Welt iwwer, mëttes um 12 Auer, d’ëffentlech Hirichtung vum Báb am Iran, 1850 commemoréieren. De Báb, wat souvill wéi Dier heescht, war de Virleefer vun der Bahá’í Relioun an hie gouf higeriicht well hie sozial a reliéis Reformen agefouert huet. Dësen Dag ass ee vu néng Feierdeeg, während deenen e Bahá’í wa méiglech net schaffe sollt! Et ass normalerweis de lokale Rot vun all Uertschaft deen eng Kommemoratioun organiséiert. Ofschléissend dës Gedanken aus de Bahá’í Schrëften iwwer d’Dugenden:

„E gudde Charakter ass wierklech de beschte Mantel vum Herrgott fir d’Mënschen. ... Bei mengem Liewen! D’Licht vun engem gudde Charakter iwwerstrahlt d’Sonn an hire Glanz.“

¹ Bahá’u’lláh, Botschaften aus Akka

„Ein guter Charakter ist wahrlich der beste Mantel Gottes für die Menschen. Gott schmückt damit seine Geliebten. Bei Meinem Leben! Das Licht eines guten Charakters überstrahlt die Sonne und ihren Glanz.“

166 Péng, Schmäerz a Suergen

Sendung 166, 11ten an 12te Juli 2003. Am Ufank vum 20te Jorhonnert huet de Jong vum Begrënner vun der Bahá'í Relioun zu Paräis Usprooch gehale fir all déi, déi sech fir d'Léiere vu sengem Papp interesséiert hunn. Hei elo e klunge Passage aus eng sou enger Uried an dat zum Thema Péng, Schmäerz a Suergen.

„An dëser Welt beaflossen ons zwee Gefiller: Freed a Péng. D'Freed gëtt eis Flilleken. An Zäite vu Freed hu mir méi Kraaft, eisen Intellekt ass méi schaarf a mir versti vill Saache besser. Et fällt eis anscheinend méi liicht ons mat der Welt ze moossen an dat Gebitt erauszefannen, dat eis gutt läit. Wa mer awer traureg ginn, gi mer schwach, d'Kraaft verléisst eis, eist Opnameverméige gëtt dréif an eis Intelligenz ëmschleiert. Mir kréien eist Liewe neméi sou richtig an de Grëff, d'Ae vum Geescht kënnen déi geeschteg Geheimnisser neméi entdecken a souguer d'Liewe schéngt eis ze verloossen.

Kee mënschlecht Wiese bleift vun dësen zwee Aflëss onberéiert, awer all d'Suergen a Verdross deene mer begéinen, kommen aus der materieller Welt, déi geeschteg Welt dogéint schenkt eis nëmmen Freed.

Sou kann zum Beispill de Geschäftsmann säi Geschäft verléieren a niddergeschloe sinn. En Aarbechter gëtt entlooss an e kuckt dem Hunger entgéint. E Bauer huet e schlecht Joer an e gëtt ängschtlech. E Mann baut sech en Haus dat ganz ofbrennt an en ass op eemol ouni Dach iwwer dem Kapp, zugronnegeriicht a verzweiwelt.

Dës Beispiller sollen iech all weisen, dass d'Prüfungen, déi ons bei Schratt an Tratt ëmginn, dass all eis Suergen, eise Leed, Misär a Verdross aus der Welt vun der Matière kommen, wougéint dat geeschteg Räich ni Trauregkeet matsechbréngt a verursaacht. E Mënsch dee mat senge Gedanken an dësem Räich leeft, kennt eng Freed déi undauert. Déi Iwwel déi d'Iewe vun allem Fleeschlege sinn, beréieren hien net, si sträife säi Liewe just un der Uewerfläch, während hien déif an him selwer roueg an zefridden ass.

D'Mënschheet ass haut niddergedréckt vu Problemer, Suergen a Leed. Kee ka sech deem entzëien. D'Welt ass naass vun Tréinen, awer d'Heelmëttel steet virun der Dier. Loosse mer eis Härzer ewegdréine vun der Welt vun der Matière a loosse mer an der Welt vum Geescht liewen. Si aleng ka Fräiheet ginn. Si mer vu Schwieregkeeten ëmginn, da brauche mer den Herrgott nëmmen ze ruffen a seng grouss Baarmhärzegkeet wäert eis hëllefen.

Wa mer krank an an Nout sinn, da loosst ons ëm Gottes Hëllef bidden an Hie wäert eist Gebiet erhéieren.

Wann eis Gedanke voll si mat enger Welt déi batter ass, da loosst ons eis Aen op d'Séissheet vum Matleed vum Herrgott rüchten an hie wäert eis himmlesch Rou schécken. Wa mer och an dëser materieller Welt gefaange sinn, da ka sech awer eise Geescht an den Himmel erhiewen, a mir kënnen tatsächlech fräi sinn.

Wa sech eis Deeg dem Enn méi no kommen, do loosse mer un d'ëiweg Welten denken a mir wäerte voller Freed sinn.

Iwwerall ronderëm iech gesitt der Beweiser fir d'Onzoulänglechkeet vun der materieller Saachen an dass ee Freed, Fridden an Troust net an der vergängleche Saache vun der Welt fanne kann. Ass et dofir net onsënneg, ons ze weigeren dës Schätz do ze sichen wou mer se fanne kënnen. D'Diere vum geeschtege Kinnekräich si wäit op fir jiddereen a soss iwwerall ass alles däischter.

...Wann är Deeg hei op der Äerd gezielt sinn, da sollt der wëssen dass iech d'ëiweg Liewen erwaart. Wann iech materiell Angscht an eng donkel Wollek awéckelt, da wäert geeschteg Glanz äre Wee hell maachen. ...“

'Abdu'l-Bahá schreift weider: „Ech war 40 Joer am Prisong – et wäer onméiglech gewiescht och nëmmen ee Joer ze erdroen – keen huet esou eng Gefaangeschaft méi wéi ee Joer erdroen. Mee Gottseidank, während all dës 40 Joer war ech immens glécklech. All Dag, wéi ech erwächt sinn, war et mer wéi wann ech gutt Noorichten héiere géif an all Nuecht huet mech mat immenser Freed erfëllt. Geeschtegkeet war mäin Troust a meng gréisste Freed war mech Gott zouzeweiden. Wéi soss hätt ech kënne véierzeg Joer Prisong aushalen.

Dofir ass Geeschtegkeet déi gréisst vun all de Geschenker vum Herrgott an ëiweg Liewen heescht sech dem Herrgott zouzedréien. Dass jidderee vun Iech mat all Dag u Geeschtegkeet gewënnt, dass dir an allem wat gutt ass Stärkung fannt, dass iech de göttlechen Troust ëmmer hëllef wäert ... an d'Kraaft vum himmlesche Kinnekräich ënnert iech liewen a wierke wäert. Dat ass mäin déifste Wonsch an ech bidden den Herrgott, iech dës Gonscht ze gewären.“

Souwäit e klunge Passage iwwer d'Thema Suergen a Schmäerz aus dem Buch: Usproochen zu Paräis mam 'Abdu'l-Bahá, Jong vum Begrënner vun der Bahá'í Relioun.

167 Filmvirstellung: Gott spille fir eng Woch, Bruce Almighty

Sendung 167 18ten an 19te Juli 2003. Ech wollt de Film am Fong net kucke goen. Bruce Almighty, mam Jim Carrey a mam Morgan Freeman. An eigentlech sollt ech mat mengem zweielef Joer ale Bouf Legally Blonde zwee kucke goen, wat jo elo wierklech net immens déif ass, vun der Geschicht hier. Well hien sech awer am Dag geiert hat, blouf als Alternative Bruce Almighty, d'Geschicht vum Reporter deen amgaang ass Carrière ze man, bei deem et awer schief leeft. „Gott ass géint mech“ seet hien, alles geet schief a mengem Liewen. Hie gëtt esou rousen dass e Gott verflucht an him d'Zänn weist. Gott äntwert him, an dat an der Form vum Morgan Freeman, deen him vu sengem Papp schwätzt, e Mann dee säi ganzt Liewe laang haart geschäft huet. A sou gëtt den Herrgott dësem Reporter, dem Jim Carrey, d'Geleeënheet, fir eng Woch Gott ze spillen. Dobäi kommen awer zwou Konditiounen. Hien duerf kengem soen dass hie Gott ass an hie muss jidderengem säi fräie Wëlle loossen. Sécher ass dat am Ufank schwéier ze gleewen, mee wéi e mierkt dass e ka säin alen Auto an eng super Sportsmaschinn ëmwandele kann a wann elo endlech säin Hond neméi an der Stuff seng Affär mécht, mee wéi e groussen op d'Toilet geet, mécht dat him op eemol ongeheier Spaass. En plus kann en elo senger Frëndin vill besser imponéieren an e kritt säin Job als Presenter beim Fernseh. Bon, ech kann iech net alles verroden. Wann der gär e lëschtgen Owend hutt, ass dëse Film ze rekommandéieren. Speziell och fir Jugendlecher. Firwat schwätzen ech an der Bahá'í Emissioun iwwer de Film? Well et einfach flott an erfrëschend ass am Kino sou en Thema ze fannen. U Gott gleewen ass schliesslech eng Entscheedung déi een eng Kéier hält. Gott begräife wëllen ass éischer eng Utopie. Schliesslech ass et jo mënschlech Gott wëllen ze verstoen. A wann e Film et fäerdegrëngt, dass een sech duerno Froe stellt a sech Gedanken iwwer d'Thema Gott, Spiritualitéit a Gebiet mécht, dann huet e säin Zil erreecht. Sou soen d'Bahá'í Schrëften, dass d'Kraaft vum Verstand beim Mënsch eent vun de groussen Geschenker vu Gott ass.¹

Bis zu wéi engem Grad kann de Mënsch Gott verstoen? Dës Fro gouf 'Abdu'l-Bahá zu Paräis gestallt. Hei eng kleng Synthèse. Hie seet dass et zwou Zorte vun Erkenntnis gëtt: d'Erkenntnis vum Wiese vun enger Saach an d'Erkenntnis vu sengen Eegeschafte. Zum Beispill kenne mer d'Wiese vun der Sonn net, awer mir verstinn d'Eegeschafte vun der Sonn, d'Wärmt an d'Liicht déi se gëtt zum Beispill. Hie seet och dass et an dëser Welt verschidde Stufe gëtt. D'Mineral gehéiert zum Mineralräich a ka ni d'Kraaft vum Wuesstum verstoen. D'Pflanzen an d'Beem kënnen ni gesinn; d'Déier kann ni d'Stuf vum Mënsch verstoen. Wéi kéint dann d'erschafe Wierklechkeet d'Wierklechkeet vu sengem Schöpfer begräifen? Gott erkennen heescht also seng Eegeschafte verstoen a kennen, awer net seng Wierklechkeet. Awer dës Erkenntnis vun den Eegeschafte ass der Faassungskraaft an der Fäegkeet vum Mënsch ugepasst, si ass net absolutt. Wäisheet besteet doranner, d'Wierklechkeet vun de Saachen, so wéi se sinn, entspreichend der Faassungskraaft an der Fäegkeet vum Mënsch ze erkennen. ... Alles wat mir eis iwwer Gott virstellen ass eist mënschlecht Verstoen an d'Kraaft vum mënschleche Verstoen ëmfasst net d'Wierklechkeet vum gëttleche Wiesen. Alles, wat de Mënsch erkenne kann, sinn d'Eegeschafte vu Gott, deren hire Glanz an de Welten an de Séilen erschéngen a siichtbar sinn. ... D'Wierklechkeet vu Gott kann ee mat der Sonn vergläichen. Wa mer hiert Liicht an dës Stralen neméi hätten, géif et kee Liewen. Et ass also net méiglech d'Wierklechkeet vu Gott ze erkennen, awer mir kënnen d'Propheten, d'Manifestatiounen vu Gott erkennen, well do fanne mer déi gëttlech Eegeschafte.

Ass dat da keng flott Invitatioun Bahá'u'lláh, Begrënner vun der Bahá'í Relioun, kennenzeléieren?

168 Den Dram

Sendung 168 25ten a 26te Juli 2003. Dreeme ka sécher eng vun de schéinsten Aktivitéite sinn. Komesch wat een alles dreeme kann. Wat huet den Draam mat Relioun ze dinn?

Wat soen d'Bahá'í Schrëften iwwer den Dram. Bahá'u'lláh schreift: „... *Wa mer iwwer iergend eng vun den erschafene Saachen nodenken, da fanne mer honnerttausend vollkomme Wäisheeten a mir kréien onzielbaart neit Wëssen. Eng dovunner ass den Dram. Gesitt der wéivill Geheimnisser am Dram sinn, wivill Wäisheeten dra sinn, a wéi grouss d'Zuel vun de Welte ass, déi mer am Dram fannen. Dir schlooft an enger zouener Wunneng an awer sidd der op eemol wäit ewech an enger Stad, wou der erakommt, ouni är Glidder ze réieren oder är Kierper ze gebrauchen; dir gesitt ouni Aen, héiert ouni Oueren a schwätzt ouni Zong. A vläicht kënnt et vir, dass dir zéng Joer duerno an dëser Welt deem begéint wat dir an ärem Dram gesinn hutt.*

Vill Wäisheete ginn et am Dram ... Virun allem, wat ass dat fir eng Welt an där mir ouni Aen, Oueren, Hänn oder Zong gesinn, héieren, schmaachen an upake kënnen? An dann, wéi ass et méiglech, dass sech haut an eiser Welt en Dram verwierklecht, deen dir vläicht virun zéng Joer gedreemt hutt? Denkt no iwwer den Ënnerscheid tëschent

¹Sie bedienen sich nicht der großen Gabe Gottes, der Kraft des Verstandes, Abdu'l-Baha, ANSPRACHEN IN PARIS

dëse béide Welten an iwwer d'Geheimnisser, déi doranner verbuerge leien, fir dass dir déi göttlech Bestätegung an himmlesch Entdeckung fannt an dass dir d'Werte vun der Hellegheet begräift.

Gott, den Erhewenen, huet dës Zeechen an d'Mënsche geluecht, fir dass d'Philosophen d'Geheimnisser vum Weiderliewe net ofstreide kënnen, ...“

Weider schreift Bahá'u'lláh: „... D'Werte vu Gott sinn onbegrenzt an hirer Zuel an onendlech wäit. Kee ka se zielen oder se erfaassen ausser Gott, den Allwëssenden, den Allwäisen. Denk un däin Zoustand am Schlof. A Wierklechheet soen ech der, dës Phenomeen ass dat geheimnisvollst Zeeche vu Gott ënnert de Mënschen, wëllte se dach nëmmen an hiren Häerzer doriwwer nodenken. Kuck, wéi dat, wats du am Dram gesinn hues, no laanger Zäit voll verwierklecht gött. Wä d'Welt, wou s du dech am Dram fonnt hues, déiselwecht wéi déi Welt an där du liefs, wier et néideg dass dës Geschéie wat am Dram passéiert ass, an dëser Welt och am selwechte Moment passéiere misst. Wann dat de Fall wier, hätt der et anuecht geholl. Well dat awer net de Fall ass, ass et noutgedronge sou dass d'Welt an där s du liefs anescht an apart ass vun där, déi s du an dengem Dram erlieft hues. Dës Welt an dengem Dram huet weder en Ufank nach en Enn. Et wär wouer wann s de behaapte géifs, dass dës Dramwelt nom Rot vum allherrlechen an allmächtige Gott an dir selwer läit a ganz an dir opgeet. Et wär genoe sou richtig ze soen, dass dāi Geescht, wann en d'Grenze vum Schlof iwwerschratt huet a sech vun allen irdesche Bindunge befräit huet, duerch de Rot vu Gott e Räich duerchwandert, dat an der ënneschter Wierklechheet vun dëser Welt verbuerge läit. .. Ech soen dass d'Schöpfung vu Gott Welten niewent dëser Welt ëmfaasst a Wiesen niewent dëse Wiesen. A jidderenger vun dëse Welten huet Hie Saache veruerdnet, déi keen erfuersche kann ausser Him, ... den Allweisen. Denkt driwwer no, wat mir iech offenbaart hunn, fir dass dir de Beweggrund vu Gott, dengem Här an den Här vun alle Welten erkennt. An dëse Wieder sinn d'Geheimnisser vun der göttlecher Wäisheet opbewart¹.“

Souwäit e puer Passagen aus de Bahá'í Schrëften zum Thema Dreemen. Et bléift mir nach just iech merci fir d'Nolauschteren ze soen an iech e schéine Weekend ze wënschen, an natierlech dreemt schéin.

169 Éischte Kontakt mat de Bahá'í, Deel 1/7

Sendung 169 1ten August 2003. Wie sinn d'Bahá'í a wat bewegt se? Eng nei Brochür soll e puer Froe beäntweren, déi sech Leit no engem éischte Kontakt mat dësem Glawe stellen.

Vu jee hir waren et d'Reliounen déi déi sozial a geeschteg Impulser ginn hunn an déi d'Liewe vu ville Mënsche verännert hunn. An dëser Ketten ass d'Bahá'í Relioun dat jénkste Stéck a gouf virun iwwer 140 Joer vu Bahá'u'lláh gegrënnt. Bahá'u'lláh gött de Reliounsgrënner virun Him, déi sech a verschidden Epochen un d'Mënschheet geriicht hunn, voll Unerkennung. An hire Léiere fënnt een ëmmer e ganze Koup vu geeschtege Wourechten; Wourechten déi a verschidde Formen an all Relioun ëremkommen. D'Bahá'í Relioun erweidert de Räichtum vun de Reliounen déi existéieren mat neie Léieren. D'Zil vun der Bahá'í Relioun ass eng geeschteg Erneuerung an eng ëmfaassend Vereenegung vun der ganzer Mënschheet.²

Wat heescht et Bahá'í ze sinn? Sech als Bahá'í erklären heescht Member vun enger weltwäiter Kommunautéit ginn. Am Mëttelpunkt vum Gemeinschaftsliewen ass d'19Deegfest. Dat ass am Ufank vun all Bahá'í Mount – de Bahá'í Kalenner huet 19 Méint mat 19 Deeg – an huet dräi Deeler: Gebieder a Meditatioun, Berodung vun der Gemeng an e gesellegt Zesummesinn. An der Bahá'í Relioun gött et keng Geeschtlech a keng Kierch. Jidderee soll selbststänneg no der Wourecht sichen, sech Gott zoudréien a sech fir d'Wuel vun der Mënschheet asetzen.

Bahá'í ass jiddereen dee Bahá'u'lláh als Gottesoffenbarer unerkennt an a senge Léieren d'Medezin fir d'Besoie vun eiser Zäit gesäit. E Bahá'í gött awer och all den anere Reliounen déi gläich Unerkennung. Sou gött et zum Beispill an den Haiser vun der Andacht regelméisseg Liesungen aus den hellege Schrëfte vun all de Reliounen.

Dat deeglecht Gebiet a regelméisseg Studéiere vun den hellege Schrëften hëllefen eiser geeschteger Entwécklung. Aarbecht, déi am Geescht vum Déngecht un der Mënschheet gemaach gött, ass gläichgesat mam Gottesdéngecht. Dës weideren hu mer d'Gläichstellung vu Mann a Fra, eng héich Wäertschätzung vun der Famill, Offenheet a Gaaschtfreundlechheet, déi beschtméiglech Erzéiung fir d'Kanner an d'Bestriewen, sech weiderzeentwécklen an d'Eenheet vun der Mënschheet ze fërderen. Relioun soll sech méi duerch Aktiounen wéi duerch Wieder ausdrécken. De Geescht vun der Léift an der Eenegheet gött scho bei der Erzéiung vun de Kanner praktizéiert. Bahá'í Kanner ginn do och scho vertraut gemaach mat de Grondlage vun all den anere Reliounen. Mat fofzeng Joer duerfe si hir Reliounszougehéieregheet selwer entscheeden. Bahá'u'lláh seet dass d'Mënschheet elo seng Maturitéit erreecht huet. Dat heescht awer net nëmme méi Fräiheeten, mee virun allem méi Verantwortung vu jidderengem vun eis fir d'Kommunautéit an d'ganz Mënschheet.

¹ versuergt

² Bahá'í, Einblicke, Broschüre

Bahá'u'lláh, wat op arabesch *Herrlechteet Gottes* heescht, ass d'Zentralgestalt vun der Bahá'í Relioun. Seng Unhänger gesinn an him en Erneierer vun der éiweger Relioun vu Gott. Bahá'u'lláh selwer vergläicht d'Reliounstëfter mat der Sonn vun der Wourecht, déi a gréisseren Zäitofschneetter ëmmer nees nei opgeet. De Mënsche fällt et oft net liicht, sech der neier verkënnegter Wourecht opzeman an hiren iwwerliwwerte Glawen an engem neie Liicht ze gesinn. Nodeems Bahá'u'lláh am Joer 1863 seng vum Islam onofhängeg nei Relioun ëffentlech verkënnegt hat, gouf hien no Akka bei Haifa an Israel verbannt, wou Hie bis zu sengem Doud am Joer 1892 gelieft huet.

170 Éischte Kontakt mat de Bahá'í, Bahá'u'lláh, Deel 2/7

Bahá'u'lláh gouf den 12ten November 1817 a Persie gebuer. Hie staamt aus enger adleger Famill, déi bis op déi grouss alpersesch Dynastien zrëckgeet. Schonn a jonke Joeren huet en sech enger messianescher Beweegung am deemolege Persien ugeschloss, enger Beweegung, déi 1844 vun engem jonke Mann man Numm Báb, wat op arabesch eng Dier heescht, ugefouert gouf an déi d'Komme vun engem neien Zäitalter erwaart hunn. Dës Erneuerungsbeweegung an der deemoleger islamescher Welt war vergläichbar mat den Templeren an den Adventisten am Westen, déi zur gläicher Zäit d'Zrëckkomme vu Christus erwaart hunn. All d'Beméiunge vun der Regierung an der Geeschtlechkeet vu sengem Gebuertsland, hien a säi Message ze ënnerdrécken, waren ëmsoss. Säi Glawen huet sech uechtert d'ganz Welt verbreet. Haut ginn et iwwer sechs Milliounen Mënschen aus ënnerschiddlechster reliéiser, ethnescher, sozialer a kultureller Hierkonft, déi sech zu Bahá'u'lláh bekennen.

A senge Schrëfte verkënnegt Bahá'u'lláh de Message vun engem Zäitalter wou d'Maturitéit vun der ganzer Mënschheet ufänkt an en dauerhaften, weltwäite Fridden. Zu den hellege Schrëfte gehéieren och d'Wierder vum 'Abdu'l-Bahá, dem Jong vu Bahá'u'lláh. Hie war dozou autoriséiert, d'Léiere vu sengem Papp ze erklären an ze beschreiwen. Dës weidere gehéieren och d'Schrëfte vum Báb, dem Virleefer vu Bahá'u'lláh, zu den hellege Schrëften.

Bahá'u'lláh schreift: *„Kengem Mënsch ass et méiglech, d'Küste vun den Ozeanen vum richtigen Erkennen ze erreechen, ier e sech net fräigemaach huet vun allem wat am Himmel an op der Äerd ass.“*

Bahá'u'lláh verkënnegt dass all Relioun d'Mënschheetsentwécklung ëm en néidege Schrëtt weiderféiert. D'Mënschheet muss haut – bei aller Verschiddenheet vun Natioun, Relioun, ethnescher oder sozialer Hierkonft – zu engem Organismus zesummewuessen, wa se iwwerliewe wëll. Eenheet an der Villfalt ass déi geeschteg Richtung déi mer mussen huelen. Ënnerscheeder vun de Vëlker an de Kulture sollen als Räichtum bäibehale ginn. Eenheet heescht, dass mer an alle wichtegen Ugeleeënheeten eng gemeinsam Siicht an Handlungsweis entwécklen.

Bahá'u'lláh léiert: D'Eenheet vu Gott. Et gött nëmmen ee Gott, dee sech der Mënschheet, am Verlaf vun der Geschicht ënnert verschiddene Nimm offenbaart huet. D'Eenheet vun de Reliounen. Well et jo nëmmen ee Gott gött, kann et keng wierklech trennend Ënnerscheeder tëschent de verschidde Reliounen ginn. Den Haaptzweck vun der Relioun ass et, Léift an Eenegkeet ze fërderen. Deemno ass et besser keng Relioun ze hunn, wéi eng, déi zu Mëssel a Sträit féiert. Relioun brauch, a gréisseren Zäitofschneetter eng Erneuerung an dofir huet Gott sech am Laf vun der Mënschheetsgeschichte ëmmer nees offenbaart. D'Eenheet vun der Mënschheet. All d'Mënsche vun dëser Äerd gehéieren enger Famill un. D'Verkënnegung vun dëser Léier, zesumme mat enger globaler Weltuerdnung war zu Liefzäite Bahá'u'lláh's total revolutionär an net vill Mënschen hunn dat begraff. Virgesi waren do scho Steuerungsmechanisme fir d'Wirtschaft, d'Ressourcë vun der Äerd an d'Erhalung vum Fridden.

Bahá'u'lláh seet: *„D'Prophéite vu Gott sollten als Dokteren ugesi ginn an hir Aufgab soll et sinn, d'Wuelergi vun der Welt an hire Vëlker ze fërderen, fir dass si duerch de Geescht vun der Eenheet d'Krankheet vun enger gespléckter Mënschheet heele kënnen.“*

171 Éischte Kontakt mat de Bahá'í, Glawen a Verstand, Deel 3/7

De Schlëssel zum wierkleche Liewe läit an eiser geeschteger Natur an an der Onstierflechteet vun der Séil. An dësem Liewe schaffe mer un dëse geeschtegen Eegeschafte, wéi zum Beispill Léift, Wourecht, Demut, Eenegkeet, Gerechtegkeet a Gott erkennen. Si all ginn eis Liicht a Féierung fir eis Entwécklung. D'Weiderliewe vun der Séil nom Doud heescht dass d'Séil sech an Etappe weiderentwéckelt an dat duerch déi verschidde geeschteg Welte Gott méi no kënnt; e Prozess vun deem keen ausgeschloss ass.

Mir liewen an enger Zäit vou de Fortschrëtt vun der Technik an der Kommunikatioun sech ëmmer méi schnell weiderentwéckelt. Dobäi kënnt déi geeschteg-spirituell Entwécklung ze kuerz. An awer si vill Mënschen op der Sich no engem méi déiwe Sënn an hirem Liewen. Bahá'u'lláh hätt gär dass mer selbstänneg no der Wourecht fuerschen an eis fräimaache vu blanner Imitatioun oder reliéise Virurteeler.

D'Wuert vu Gott, datt mer an de Schrëfte vu Bahá'u'lláh fannen, hëlleft eis zu ëmmer nees méi déiwen Asiichten an de Sënn vum Liewen. Et ass eng geeschteg Kraaftquell, déi jidderengem opsteet a wou ee sech nei Welte vu

Verstoen an Handelen opmaache kann. Sech ëmmer nees beméien, seng Virurteeler bei aneren ze erkennen a sech bei anere Mënschen op dat Gutt a Positivt ze kucken, gehéiert zum praktesche Wee vun eiser Vergeeschtegung. Gott huet de Mënsch erschaf als Ausdrock vun der Léift fir Seng Schöpfung. Hien ze erkennen a gär ze hunn ass dem Mënsch säin héichst Zil. Wierklech Mënschsinn bedeit, dass d'Léift fir Gott an den Déngscht un der Mënschheet ëmmer méi zum Mëttelpunkt vun eisem Liewe gëtt.

„Betruucht de Mënsch als e Biergwierk, räich un Eedelsteng vun onschätzbarem Wäert. Nëmme d'Erzéiung bréngt et fäerdeg dës Eedelsteng an Diamanten am Mënsch ze fannen an ze entdecken, sou dass och d'ganz Mënschheet domat eppes kann ufänken.“

Der Relioun blann vertrauen ass genee sou geféierlech wéi der Wëssenschaft blann vertrauen. Wierklech Relioun ass eng Luucht fir d'Wëssenschaft a gëtt hir déi néideg ethesch Repären. Dat spillt eng wichteg Roll an enger Welt an där d'Versuchung grouss ass, alles wëssenschaftlech an technesch Machbares an d'Realitéit ëmzesetzen.

No de Léiere Bahá'u'lláh's ass wierklech Relioun duerchaus eens mat der Vernonft an der Wëssenschaft. Mir fannen de Schlëssel dofir, wa mer bereet sinn, bestëmmten Aussoe vun den hellege Schrëften net wuertwärtlech ze huelen, mee se symbolesch ze deiten. Begrëffer wéi Paradis, Hell, Erëmkommen, dat jénkst Geriicht, Operstéiung an anerer gehéieren enger Billersprooch un, déi fréier ganz dacks benotzt goufen, fir geeschteg Wourechte verständlech ze man. De Gottesbegrëff vun der Bahá'í Relioun seet dass Gott d'Welt erschaf huet, déi weder en Ufank nach en Enn huet. D'Bahá'í gleewen och un d'Evolutioun, déi awer net engem blannen Zoufall no besteet mee um Wee ass no engem méi héijen Zil. Gott ass ewech vun der erschafener Welt a sengem Wiese no fir eis net erkennbar. Mee mir kënnen awer an eisem Liewen eng ënner Gewëssheet kréien, dass et Gott gëtt. Dës Gewëssheet an eist Beméien, dat wat mer maachen duerno ze riichten, ass wierkleche Glawen.

„Relioun a Wëssenschaft sinn déi zwee Flilleken op deene sech d'mënschlech Geeschteskraaft an d'Luucht erhiewe kann a mat deenen d'mënschlech Séil Fortschrëtter maache kann. Mat engem Flillek eleng kann een onméiglech fléien. Wann ee probéiere wéilt, nëmme mam Flillek vun der Relioun ze fléien, da géif ee séier an de Bulli vum Awer glawe fallen; an anerersäits géif ee mam Flillek vun der Wëssenschaft eleng och net weiderkommen, mee an den hoffnungslose Sumpf vum Materialissem falen.“¹

172 Éischte Kontakt mat de Bahá'í, Gebiet a Meditatioun, Deel 4/7

D'Gebiet ass eng Lieder zu Gott. An den hellege Schrëfte vun der Bahá'í Relioun fënnt een eng räich Auswiel vu Gebieder zu verschiddene Geleeënheeten an Uläss. Am Gebiet dréine mer eis zu Gott oder sengem Offenbarer a biede fir geeschteg Kraaft a Féierung fir eis selwer, aner Mënschen oder d'ganz Mënschheet.

Bieden a Meditéiere sinn eis geeschteg Nahrung ob déi mer net verzichte kënnen. Geneesou ass d'Soe vun engem deegleche Gebiet eent vun de Geboter vu Bahá'u'lláh. Vun dësen dräi verschiddene Gebieder kann eent gewielt ginn. Eent dovunner ass dat hei:

„Ech bezeien o mäi Gott, dass du mech erschaf hues, fir Dech ze erkennen an Dech unzabieden. Ech bezeien an dësem Abléck meng Schwächt an Deng Muecht, meng Aarmut an Däi Räichtum. Et gëtt keen anere Gott ausser Dir, deen deen hëllef a Gefor, deen deen duerch sech selwer ass.“

An den Haiser vun der Andacht gi Gebieder an Texter aus den hellege Schrëfte vun alle Reliounen gelies oder gesongen, niewent de Bahá'í Schrëften och aus dem Alen an Neien Testament, dem Koran, der Bhagavadgita oder dem Pali-Kanon. D'Bahá'í Haiser vun der Andacht hunn all, architektonesch gesinn, eppes gemeinsam: Si hunn all néng Entréeën an eng zentral Kuppel als Zeeche vun der geeschteger Eenheet vun de Reliounen an der Mënschheet. Déi néng Agäng symboliséieren d'Ouverture fir all d'Reliounen an hir Unhänger. Zur Zäit gëtt et op all Kontinent en Haus vun der Andacht, fir Europa ass dat bei Frankfurt. An Zukunft sollen an all Uertschaft Häiser vun der Andacht gebaut ginn. Si wäerte vu sozialen Ariichtungen ëmgi sinn, déi de Weisen, Kranken an Alen awer och der Erzéiung an der Wëssenschaft gewidmet sinn.

Ofschlëssend dësen Opruff vu Bahá'u'lláh wéi mer solle sinn: *„Am Gléck géff mat an am Ongléck sief dankbar. Sief d'Vertraue vun dengem Noper wäert, a kuck op hie mat hellen a frëndlechen Aen. Sief e Schatz fir deen Aarmen, eng Äntwert op deen, deen no Hëllef jätzt an hal däi Versprieche helleg. Sief gerecht an dengem Urteel a géff Uecht wann s de schwätz. Sief ongerecht zu kengem Mënsch, a géi mat jidderengem duuss ëm. Sief wéi eng Luucht fir déi, déi an der Däischtert ginn, eng Freed fir deen, dee Misär huet, e Mier fir den Duuschterege, e Beschützer fir dee Bedrängten, eng Stäip an e Verdeedeger fir d'Affer vun Ënnerdréckung. Dass alles dat, wat s de méchs, sech duerch Integritéit an Oprichtegkeet auszeechent. Sief en Heem fir de Friemen, e Balsam fir deen dee leid, dem Flüchtling e staarken Tuerm. Sief d'Ae fir de Blannen an eng Luucht déi féiert fir deen deen de Wee net*

¹ Abdu'l-Baha

weess. Sief e Bijou vun der Wourecht, eng Kroun fir d'Stir vun der Trei, e Pillier vum Tempel vun der Rechtschaffenheet, e Liewenshauch fir de Kierper vun der Mënschheet, ... en Himmelsliicht um Horizont vun der Dugend, den Da fir de Buedem vum mënschlechen Häerz, eng Arch um Mier vun der Erkenntnis, eng Sonn am Himmel vun der Guttheet, e Steen am Diadem vun der Wäisheet, e stralend Liicht um Firmament vun dengen Zäitgenossen an eng Fruucht um Bam vun der Bescheidenheet. “

173 Éischte Kontakt mat de Bahá'í, Berodung, Deel 5/7

Wie sinn d'Bahá'í a wat bewegt se? Eng nei Broschür soll e puer Froe beäntweren, déi sech Leit no engem éischte Kontakt mat dësem Glawe stellen. Dëse fënneften Deel huet als Thema d'Berodung an der Gemeinschaft.

D'Bahá'í Berodung ass e praktesche Wee, ëmmer da wann e Gremium oder eng Grupp vu Leit eng Entscheedung sichen. Bei dëser Manéier fir eng Entscheedung ze treffen ass d'kreatiivt Matmaache vu jidderengem wichteg an och en héije Grad vu Gemeinsamkeet an Eenegkeet. Eng Berodung gëtt am Geescht vum Gebiet ugefaangen a soll hëllefen, aus allen Iddien a Virschléi zesummen déi optimal Léisung auszuschaffen.

D'Bahá'í Communautéit an hiren Opbau ginn an de Grondzich op Bahá'u'lláh selwer zrëck. Am Plaz vun de Paschtéier an dem Klerus – wéi an de fréiere Reliounen – sinn et gewielte Gremien, déi fir d'Uleië vun der Gemeng verantwortlech sinn. An dëse Gremien an an de reegelméisseg 19Deeg Fester, gëtt d'Bahá'í Berodung praktizéiert. Et ginn do keng Parteien a Fraktiounen, keng präparéiert Entscheedungen iwwer déi nëmmen nach ofgestëmmt gëtt. Vill méi gëtt jidderee sech méi, aus dem Zesammentreffe vun de verschidde Meenungen d'Wourecht ze fannen. Am Geescht vun der Eenegkeet ginn déi getrafte Mehrheitsentscheedungen vu jidderengem voll ënnerstëtzt. Zu den Themaë vun der Berodung zielen niewent der Gestaltung vun de reegelméisseg Gemeengeversammlungen – dat sinn 19Deeg Fester an d'Bahá'í Feierdeeg – och d'Kannererzéiung, Koordinatioun an d'Verdeiwung vun der Gemeng an dat ëffentlecht a soziaalt Engagement am Geescht vun de Bahá'í Léieren. D'Bahá'í Wale sinn demokratesch, awer et gëtt keng Walpropaganda oder eng Kandidatur. Nëmmen déi perséinlech Eegenschaften zielen. No dësem Prinzip gëtt an all Uertschaft all Joer e Geeschtege Rot als Féierungsgremium gewielt. An all Land en Nationale Rot. Fir d'ganz Bahá'í Welt gëtt all fënnef Joer d'Universaalt Haus vun der Gerechtegkeet gewielt, mat hirem Sëtz um Bierg Karmel zu Haifa an Israel.

Bahá'u'lláh seet: „*D'Gedanke sinn onendlech, sou wéi d'Mier. Eréischt wann d'Mier wot, ginn d'Wellen méi grouss an droen d'Perele vun der Erkenntnis un d'Ufer vum Liewen.*“

'Abdu'l-Bahá seet: „*Och wann der Mënsche begéint, déi anerer Meinung si wéi dir selwer, dréit iech net of vun hinnen; jidderee sicht d'Wourecht, an et gitt villerlee Weeër, déi zur Wourecht féieren. Wourecht ka verschidden erschéngen, mee si bleift ëmmer eng an déiselwecht.*“

„*Den Haaptzweck, deen de Glawe Gottes a seng Relioun beséilt*“ schreift Bahá'u'lláh, „*ass d'Wuel vum Mënschegeslecht ze sécheren, seng Eenheet ze fërderen an de Geescht vun der Léift an der Verbonnenheet ënnert de Mënschen ze fleegen. Loosst se net zur Quell vun Oneenhegkeet a Sträit, zum Haass an zur Feindschaft ginn.*“

Souwäit zu dëser neier däitscher Broschüre iwwer de Glawen. Dir fannt och vill nützlich Informatiounen um Internet, an dat op der däitscher Säit ënnert www.bahai.de. De Radio ARA Nolauschterer wënschen ech e schéine Weekend a bis d'nächst Woch.

174 Éischte Kontakt mat de Bahá'í, Entwécklungsperspektiven, Deel 6/7

Wie sinn d'Bahá'í a wat bewegt se? Eng nei Broschür soll e puer Froe beäntweren, déi sech Leit no engem éischte Kontakt mat dësem Glawe stellen. Dëse sechsten Deel huet als Thema d'Entwécklungsperspektive vun der Mënschheet.

Mam Zesummewuesse vun de Vëlker vun der Äerd huet d'Geschicht vun der Mënschheet, déi Baha'u'lláh virausgesinn huet, als d'Geschicht vun engem Vollek ugefaangen. D'Tatsaach, dass een nach ganz oft d'Welt an zwee Deeler deelt; deen Deel deen entwéckelt ass, an deen Deel dee sech entwéckelt, ass op kee Fall eppes wat vu Gott kënnt. Genausou wéineg d'Tatsaach, dass ee klengen Deel vun der Mënschheet en onwahrscheinleche Räichtum opkéipt. An de Léiere vu Baha'u'lláh fënnt een e Wee, iwwer deen d'ganz Weltbevölkerung d'Responsabilitéit fir hiert gemeinsam Schicksal iwwerhëlt. Den zentrale Gedanke vun dësem Wee ass de Fait dass mer eis méi a méi bewosst ginn, dass d'Mënschheet eng Eenheet ass.

Déi haiteg Gesellschaft a Politik sinn awer nach wäit vun dësem Wee eweg. Virun honnert Joer schonn huet Baha'u'lláh, d'Welt mam mënschleche Kierper verglach. All Zellen droen an hirer Villfalt zum gudde Fonktionnement an Zesummeschaffe vum Ganze bäi. Mir befannen eis eréischt ganz am Ufank vun dësem Entwécklungsprozess, an dat verlaangt vun eis en Ëmdenken an en Ëmléieren a ville Beräicher. De Léiere

Baha'u'llah no, sti mir am Ufank vum Erwuessesinn vun der Mënschheet; an enger Welt wou Krich als e Geschir vun der Politik fir ëmmer wäert ofgeschaf ginn.

D'Weltuerdnung déi Baha'u'llah verkënnegt huet, ass eppes Neies fir déi ganz Reliounsgeschicht. Virgesi si global Steierungsmechanisme wéi e Weltparlament, e Weltschiedsgeriichtshaf an eng Weltgouvernance, déi vun der ganzer Mënschheet gedroe ginn. Dass esou eng nei Weltuerdnung dréngend néideg ass weist déi dramatesch Entwécklung vun de leschte Joere zu ëmmer méi Globaliséierung an de Beräicher Wirtschaft a Kommunikatioun. Op länger Zäit gesinn, wäerten d'Friichten dovunner sozial Gerechtegkeet fir jidderee sinn, an en dauerhafte Weltfridden.

Als netstaatlech Organisatioun vun de Vereenten Natiounen ënnerstëtzt d'international Bahá'í communautéit zënter 1948 hir Ziler, sou zum Beispill d'Mënscherechter, Ofrüstung, Entwécklung a Fridde, Ëmwelt, Drogenbekämpfung, Gläichberechtigung vun de Fraen an d'Besäitegung vu Rassendiskriminéierung.

A speziell haut wëll ech iech net nëmmen e schéine Weekend wënsche, mee ech wëll iech gesinn, an zwar dëse Sonndeg vu moies 11 bis owes 6 si mir zu Huelmes, also Hollenfels am Schlass fir e grousst Fest vun der Freed a vir mäi Gebuertsdag, dat huet sech esou erginn. Et erwaart iech um 11 Auer e klengen ekologeschen Tour duerch de Bësch, Barbecue de ganzen Dag iwwer, Spiller fir d'Kanner, Live Musek mat e puer Iwwerraschungen, Bauchdanz, eng Oasis de Paix. An den Erléis vum ganzen Dag ass fir zwou ONGen, d'Unity Foundation, en Erzéiungsprojet fir Kanner zu Sumatra an Indonesien an d'Tarbiat Associatioun, en Erzéiungsprojet a Costa Rica. Also mir gesinn eis e Sonndeg vun 11 bis 6 zu Huelmes, bei Koplescht fir e flotten Dag fir d'ganz Famill.

175 Éischte Kontakt mat de Bahá'í, d'Geschicht, Deel 7/7

Wie sinn d'Bahá'í a wat bewegt se? Eng nei Broschür soll e puer Froe beäntweren, déi sech Leit no engem éischte Kontakt mat dësem Glawe stellen. Dëse leschten Deel befaasst sech mat der Bahá'í Geschicht.

Den eigentlechen Ufank vun der Bahá'í Geschicht, an och den Ufank vum Bahá'í Kalenner geet op d'Joer 1844 zrëck. An der persescher Stad Shiras hat de Báb, also de Virleefer vu Bahá'u'lláh, verkënnegt, dass d'Mënschheet am Ufank vun engem neien Zäitalter stéing. Deen am Islam awer och am Judentum a Chrëschtentum ugekënnegten *Dag vu Gott* wier elo komm. Zugläicherzäit huet E verkënnegt, dass sech Bahá'u'lláh elo gläich géif mat engem Message un d'ganz Mënschheet riichten.

Deen immensen Ulaaf, deem dës Beweegung ënner Theologiestudenten, Geléierten an der breeder Bevëlkerung vu Persie fonnt huet, huet hefteg Opposition a grausam Verfolgung vu Säite vun der islamescher Geeschtlechkeet an de weltleche Leaderen erbäigeruff. De Báb gouf 1850 ëffentlech higeriicht an Dausende vu sengen Unhänger hunn hiert d'Liewen als Martyrer verluer. Bahá'u'lláh huet fir d'éischt zu den Unhänger vum Báb gehéiert, bis hien 1853 – a schonn a Gefaangeschaft – duerch eng Visioun seng Berufung als dee vum Báb ugekënnegten Erneierer vun all de Reliounen bis haut, gewuer gouf. Hie gouf aus sengem Gebuertsland verbannt, iwwer Bagdad bis an d'Festungsstad Akká bei Haifa. Do war E bis zu sengem Doud am Joer 1892 a Prisonéier.

Säi Jong 'Abdu'l-Bahá, dee vun 1844 bis 1921 gelieft huet, war zu Liefzäiten sengem Papp seng riets Hand. Sou huet Bahá'u'lláh hien och a sengem Testament zum Ausleeër vu senger Schréfte gemaach. 'Abdu'l-Bahá ass fir d'Bahá'í e Virbild. Vun 1911 bis 1913 huet hien duerch seng Reesen d'Bahá'í Relioun an Europa an an Amerika bekannt gemaach. Sou koum hien zum Beispill och op Stuttgart, London a Paräis. Vun 1921 bis 1957 huet säin Enkel Shoghi Effendi d'Geschécker vum Glawe geleet, e Glawen dee sech an där Zäit iwwer vill Länner verbreet huet. Zënter 1963 steet d'*Universaalt Haus vun der Gerechtegkeet* un der Spëtzt vun der Weltgemeng, mat am Moment iwwer 6 Milliounen Unhänger, 182 nationalen an iwwer 12000 lokale geeschtege Réit.

Souwäit zu dëser neier däitscher Broschüre iwwer de Glawen. Dir fannt och vill nützelech Informatiounen um Internet, an dat op der däitscher Säit ënnert www.bahai.de. De Radio ARA Nolauschterer wënschen ech e schéine Weekend a bis d'nächst Woch.

176 Kannerklassen am Norde vum Land

Sendung 176. Elo ass et nees gläich souwäit. Déi meescht sinn aus der Vakanz erëm, oder ware guer net fort, bei deem Wieder; D'Kanner, zesumme mat den Eltere freeë sech nees op d'Schoul, enfin, meeschtens. D'Bahá'í Klasse fir Kanner a Jugendlecher aus dem Norden hunn dëst Joer fir d'éischt eng flott informativ Brochür erausginn. Hir Klasse fänken e Samschdeg, 20te September zu Mertzeg un, an dann all 2 Wochen, ofwiessend zu Mertzeg an zu Viichten. Opgepasst, dës Klasse si fir all Kand aus dem Norden.

Firwat soll mäi Kand un sou enger Klass deelhuele? Wëllt hat sech aktiv un der Integratioun an der Toleranz bedeelegen? Wie sinn déi aner? Hir Ënnerscheeder verstoen. Wat ass eise Programm an eis Methodologie ?

D'Geschicht vun all de grouse Reliounen. D'Gebiet, d'Meditatioun an d'Liese vun den hellegen Texter. Seng perséinlech Fäegkeeten entfalten; onofhängeg d'Wourecht sichen; léieren zesummen ze wuessen an zesummen ze schaffen; Erzéiung zur Berodung; kënschtlersch, kreativ a sportlech Aktivitéiten.

Mat der Pedagogie vun der aktiver Klass gi mer vum Interessen an der Kapazitéit vum Kand aus. Eis Aktivitéiten entwéckle sech ronderëm dat wat d'Kand an de Jugendlechen interesséieren a ronderëm d'Joreszäit.

« Kanner kann ee mat enger jonker, zaarter Planz vergläichen. Si wuessen an déi Riichtung déi dir hinne gitt. Gitt iech déi gréisste Méi, hinnen nobel Idealer an héich Ziler bäizebréngen, sou dass si, wa se erwuesse sinn, hir Stralen duerch d'Welt projetéiere kënnen, sou wéi hell a kloer Luuchten. » aus de Bahá'í Schrëften

Fir wie sinn dës Klassen? Fir Kanner vu méi oder wéineger 3 bis 13 Joer, egal aus wéi enger Kultur oder Relioun oder ouni Relioun si och kommen.

D'Personal: D'Madame Veronika Blockhuys, Léierin a graduéiert Educatrice an der Formatioun, an d'Madame Margot Molitor, an hir Equippe. Wou? Zu Mertzig an zu Viichten. Wéi oft sinn d'Klassen? D'Klasse fänken de Samschdeg, 20te September 2003 um 5 Auer un, an dat all zweete Samschdeg. D'Ofschlossfeier mat der Diplomiwwerreechung ass den 10te Juli 2004. Bis zu 15 Kanner kënnen matmaachen. Wéi kann ech als Eltrendeel matmaachen a mathëllefen? Meng Bedeelegung kann sech op verschidde Manéieren ausdrécken: kulturell, zum Beispill en Danz aus mengem Land mat der Klass léieren, reliéis, wéi feiert dir reliéis Fester, artistesch, kulinaresch, a sou weider. Aschreiwung ass d'ganz Joer méiglech. Numm a Virnumm vum Kand oder Jugendlechen, Gebuertsdatum, Mammesprooch, souwéi d'Adress an Telefon vun den Eltren. Kommt eis onverbindlech den 20te September 2003 besichen.

Dës Klasse si vum Bahá'í Grupp aus dem Norden organiséiert: Gilles a Margot Molitor, Tél : 26910059 jumo@pt.lu, Thierry a Veronika Blockhuys, Tél : 889275 thierryb@pt.lu. D'Klasse ginn ënnerstëtzt vum Nationale Geeschtege Rot vun de Bahá'í vu Lëtzebuerg, www.bahai.lu.

« Ech wënsche mer dass der glécklech sidd, ... dass der laacht, dass der straalt an dass der frou sidd, fir dass aner kënnen duerch iech frou ginn. » aus de Bahá'í Schrëften.

Wat déi aner Bahá'í Klassen am Land ugeet, sou rufft der am beschten am Bahá'í Zenter an der Stad un, an dat um 44 22 20. D'Bahá'í Gemeng zu Lëtzebuerg organiséiert dës Saison eng ganz Rei vun Aktivitéite fir jiddereen dee sech un enger besserer Welt interesséiert. Dorënner fannt dir Gebiets a Meditatiounsowenter aus den hellege Schrëfte vun all de grouse Reliounen. Sechs Informatiounsowenter iwwer d'Geschicht, d'Prinzipien an d'Léiere vum Bahá'í Glawen, Studiekreesser iwwer d'Entwécklung vum Mënsch a sengem geeschtege Liewen. Interessant ass e Seminaire mam franséischen Titel: *À AILES ÉGALES*, iwwer d'Bezéiungen tëschent Mann a Fra an der Koppel an dem Familljeliewen. Donieft hutt der d'Méiglechkeet un themateschen Owender iwwer d'Wäerter an der Kannererzéiung deelzehuelen. Wann dat eent oder dat anert iech usprécht, da kënnst dir natierlech dem Radio ARA direkt uruffen, um 22 22 89, am Bahá'í Zenter um 44 22 20 oder um Internet ënnert www.bahai.lu. Alles Guddes, e schéine Weekend a bis d'nächst Woch wënscht iech äre Jean-Marie.

177 Internationalen Dag vum Fridden

Sendung 177. Dëse Sonndeg ass internationalen Dag vum Fridden. Samschdes mëttes vun 3 bis 7 um Knuedler ginn et eng ganz Rei vu Manifestatiounen a Stänn zum Thema Fridden an Non-Violence. Ënnert deenen 21 Organisatiounen déi matmaache fannt dir d'Caritas an hir Cellule Friddensfërderung, Jugend fir Fridden a Gerechtegkeet, d'Primärschoul « am Päsche » vu Rodange, den CPOS, de Centre de Médiation, Peace Factory an och d'Bahá'ígemeng. Dëse Weekend vum Fridde ass ënnert dem Patronage vun eiser Grand-Duchesse Maria Theresa, a gëtt ënnerstëtzt vum Ausseministerium an der Stad Lëtzebuerg. Sonndes geet et weider am Centre Culturel zu Bouneweg mat Gebieder fir de Fridden an dem Thema: Fir de Fridden handeln. Niewent de Gebieder, Lidder an Uriede vun de verschidde reliése Vertrieeder kritt dir och e Frëndschaftsglieschen offréiert. Dat also e Sonndeg um 5 am Centre Culturel zu Bouneweg.

*« De Fridden ass Luucht, de Krich dogéint d'Däischtert. De Fridden ass d'Liewen, de Krich den Doud. De Fridden weist de Wee, de Krich de Feeler. De Fridden ass d'Erlichtung vun der Welt vun der Mënschheet, de Krich ass den Zerstéierer vun de mënschleche Fondatiounen. »*¹

Fridde kann een net einfach virschreiwen, Fridden ass Prozess. De Verstand an d'Häerz vu ville mussen seche änneren, Häerzer déi Jorhonnerte vu Kricher a Gewalt mat der Iddi geprägt hunn dass de Mënsch e wëllt Déier ass.

D'Zukunft hängt vun eisem Wëllen of, wierklech eppes anescht ze man, vun eisem Wëlle mat der Kultur vun der Gewalt opzehalen. Mat deem Zil am Kapp, huet Generalversammlung vun de Vereenten Natiounen vun 2000 bis

2010 d'Jorzéngt vum Fridden an der Non-Violence ernannt. Un dëser Konstruktioun vum Fridden sinn d'Bahá'í d'Welt iwwer stänneg amgaang ze schaffen, an dat zënter méi wéi 150 Joer. D'Inspiratioun dofir hu si an de Léiere vun hirem Glawe fonnt. D'Bahá'í Schrëfte soen: « *Dass jidderee sech vun iech beméit, all seng Gedanken a säin Häerz der Léift an der Eenheet ze riichten. Dass der engem Krichsgedanke méi e staarke Gedanke vu Fridden entgéintsetzt. E Gedanke vun Haass muss zerstéiert ginn duerch e méi staarke Gedanke vu Léift. D'Krichsgedanken zerstëieren all Harmonie, dass een sech gutt fillt, all Rou an all Satisfaktioun. D'Gedanke vun der Léift schafe Bridderlechkeet, Fridden, Frëndschaft a Gléck.* »¹

Dat do war vläicht eng Kéier e geckegen Dram, eng Utopie. Haut ass et dat wat déi meeschte Leit ustriewen.

Et brauch een e ganze Koup Courage fir sech fir de Fridden anzesetzen. E Glawen dass Fridden och de Plang vu Gott ass an dass en eis dobäi hëllef. Fir de Fridde schaffe kënne mer nëmme wa mer zur fester Iwwerzeegung kommen dass de Mënsch net e wëllt Déier ass mee am Fong gutt ass.

An de Bahá'í Schrëfte seet Gott dem Mënsch : « *Ech hu meng Léift fir dech kannt, dofir hunn dech dech erschaf. ... Du bass meng Luucht, a mäi Liicht ass an dir. Ech hunn dech räich erschaf an dir hunn ech meng Gonscht ginn. ... Dir sidd meng Schätz an an iech hunn ech d'Pärelle vu menge Geheimnisser an d'Bijouë vu mengem Wësse verbueren.* »

Mee dës Schéinhéit an dëse Räichtum, déi am Mënsch leien, si potentiell a jidderengem. Nëmme d'Erzéiung bréngt et fäerdeg dës Eedelsteng am Mënsch zum Virschäin ze bréngen.

An et ass do wou d'Reliounen hire Sënn fannen : si bréngen dem Mënsch dës Erzéiung, déi et him erlaben, déi gutt Dugenden an him ze entwécklen. An deem aneren och e Stéck vu Gott ze gesinn. D'Verantwortung an d'Aufgab vun de Reliéise läit doranner eis kloer ze man, dass eis Ënnerscheeder eise Räichtum sinn an eng wonnerbar Geleeënheet eis besser kennenzeléieren. Rassismuss ass keng Meenung mee e Verbräichen.

Mee och d'reliéis Viruteeler bleiwe leider weiderhi bestoen, fest verankert, an dat duerch den Usproch un d'Exklusivitéit, dass dës oder déi Relioun déi eenzeg richteg ass, déi eenzeg Wourecht huet.

Dobäi fanne mer an de Bahá'í Schrëften dass « *d'fundementaalt Zil vum Glawe vu Gott a senger Relioun doranner läit, d'Interesse vun der mënschlecher Rass ze schützen, seng Eenheet ze etabléieren, an ënnert de Mënschen de Geescht vun der Léift an der Bridderlechkeet ze entwécklen. Hitt iech dovun dass dëse Glawen ënnert iech d'Quell vun Onstëmmegkeet a Sträit gëtt, vun Haass a Feindschaft. Dat ass de Wee deen dir goe musst, déi onbewegelech Fondatioun, op där dir baue musst. ... Haalt iech un deem fest, wat iech een deen anere méi no bréngt an iech eenegt.* »

Wéi kann een de Fridde bauen, wann een net voll a ganz ageholl ass vum Prinzip vun der Eenheet ? „*D'Wuelergoe vun der Mënschheet, hire Fridden an hir Sécherheet kënne ni erreecht ginn, wann hir Eenheet net fest etabléiert ass.*“ Dësen Appel fir d'Eenheet ass keen Appell fir d'Uniformitéit oder eng Opfuederung säi Glawen opzeginn. Et ass d'Unerkennung, dat, wat ëmmer och eis Ënnerscheeder sinn, dass mir all eis geeschteg Inspiratioun vun enger an darselwechter Quell kréien. D'Relioune sinn all déi verschidden Expressiounen vun darselwechter gëttlecher Realitéit.

Souwäit zu dësem internationale Friddensdag dëse Weekend. Iech Radio ARA Nolauschterer alles Gudds a bis d'nächst Woch. Äre Jean-Marie.

178 Presentatioun vum Film: Prendre de l'élan

Sendung 178. *Prendre de l'élan*, en neie Film iwwer d'Bahá'í Aktivitéiten uechter d'Welt. En neie Film iwwer de Bahá'í Glawen ass eraus: *Prendre de l'élan*. Grond fir dës Produktioun vu 46 Minutten ass déi néngt international Konventioun an Israel gewiescht, wou all fënnf Joer, den héchste Bahá'í Gremium demokratesch gewielt gëtt. Dir kritt dës Cassette am einfachsten iwwer de Bahá'í Zenter an der Stad a fir eis Radio ARA Nolauschterer hu mir haut zwou Vidéoen ze verschenken. An dat op normal Videokassette oder op DVD-CD.

Dëse Film vermëttelt e Bild wat d'Bahá'í uechter d'Welt alles maachen, wéi se sech konkret engagéieren a wat hiren Alldag ass. An Afrika zu Zambia geet et lass. De Chef vum Stamm an engem ofgeleeënen Duerf, dee bis elo d'absolutt Muecht iwwer seng Awunner hat, huet sech entschloss, d'Frae mat an d'Gemengeberodung ze huelen. De Bahá'í Glawen steet fir hien am Zentrum vu sengem Liewen. En Awunner zielt dass e muss 85km mam Vëlo fueren, fir op d'Hauptstrooss ze kommen, fir kënne e Brëif fortzuschécken. Am Duerf gesäit een wéi d'Kannerklasse gehale ginn, wéi se zesumme léieren a bieden.

¹ Abdu'l-Baha, *Causeries d'Abdu'l-Baha a Paris*

An den anere sechs Deeler vu jeweils siwwer Minutte kritt een e kuerzen Abléck an d'Bahá'í Liewen zu Vancouver a Kanada, zu Mantova an Italien, zu Subang jaya a Malaysia, zu Perth an Australien, zu Cartagna a Kolumbien an zu Murang a Sunsari am Nepal.

179 Geld

Sendung 179, 3ten a 4ten Oktober 2003. Wéi jidderee vun eis, all Clibbchen an Organisatioun, brauch de Bahá'í Glawen och finanziell Mëttele fir sech ze entwéckelen. All Bahá'í ka mat senger Suë maache wat e wëllt. Et ass keen do, dee kontrolléiert op een eng Contributioun mécht oder net. Finanziell Mëttele hei zu Lëtzebuerg sinn zum Beispill fir de Bahá'í Zenter noutwendig, fir Publikatiounen, fir d'Sekretariat, fir Invitatiounen ze schécken, fir verschidden national an international Projeten ze ënnerstëtzen. Et ass den Trésorier vum Nationale Rot vu Lëtzebuerg, deen e Bilan zesummestellt. Transparenz besteet doran dass jidderee weess wéi d'Sue verwennt ginn a wéivill Suen erakommen. Ausser dem Trésorier, weess keen, wie wéivill Sue spent. Genau sou wéi bei de Bahá'í Walen, gëtt et keng Lescht mat Kandidaten a wat d'Kontributiounen ubelaangt gëtt et keng Lëscht mat de Nimm vun de Leit déi spenden. Et huet och keen d'Recht, aner Bahá'í opzufuederen eng Kontributioun ze man. Dës Entscheedung hält deen Eenzelne selwer. Op lokalem Plang gëtt et e lokale Rot, och mat engem Trésorier, deen sech ëm déi lokal Ausgabe bekëmmert. Wann ech elo gäre als Bahá'í eng Contributioun man, ginn ech dem Trésorier d'Suen oder e Scheck, an ech kréien eng Quittung vun him. An de Bahá'í Schrëfte fanne mer eng Rei Texter déi eis encouragéieren, Contributiounen ze man. Dass mer eis a schlechten Zäiten net bekloe sollten an a gudden Zäiten generéis sollte sinn. Dass et guer net drop ukënnt, wéivill mer ginn, mee vill méi mat wéi enger Astellung eis Contributioun maachen. Ass et e Sacrifice €25 ze ginn wann een der all Mount €10.000 verdénkt, oder ass et e Sacrifice €1 ze ginn, wann een eng ganz kleng Péi huet?

Sue gi gebraucht fir Idealer ëmzesetzen. D'Erzéiung vun eise Kanner; d'Leit iwwer dat informéieren, firwat d'Bahá'í sech asetzen a wat se gleewen. Sue gi gebraucht fir Infrastrukturen opzebauen, op lokalem, nationalen an internationalem Plang. Dobäi gëtt dee gréissten Deel vun der Aarbecht am Volontariat gemaach.

Fir e Bahá'í ass d'Spenden ee geeschtegt Virrecht, duerch dat hie sech vum Materiellen détachéiere léiert an an engems seng Gemeinschaft ënnerstëtzt. D'Bahá'í Schrëfte ginn eis zum Thema Matginn e flott Beispill: Mir solle sou wéi e Buer oder eng Quell sinn; déi stänneg, ouni opzehalen, alles gëtt, wat se huet; an déi stänneg aus enger onsichtbarer Urquell hiert d'Wasser erëmkritt. Ëmmer ze ginn, zum Wuel vun eise Matmënschen, ouni sech elo Suergen ze man, dass een e beemol näischt méi huet, awer sech kënnen absolutt drop verloossen, dass et eng Quell vu Rächthum a Guttheet gëtt, déi ni ophállt mat fléissen – sech esou ze verhalten – dat ass en fait, d'Geheimnis vum richtege Liewen.

Sou wéi e Bam, deen en Deel vu senger Blieder a Friichte verléiert, déi op de Buedem falen an dem Bam sou erëm Kraaft a Wuesstum ginn, sou sollte mir och dankbar sinn fir dat wat mer hunn. Anersäits soen d'Bahá'í Schrëften och ganz kloer dass Gott selwer eiser net brauch a scho guer net eis finanziell Mëttelen.

180 Sozial an ekonomesch Entwécklung, Bahá'í Approche

Sendung 180, 10ten an 11ten Oktober 2003. Fänke mer eis Emissioun haut mat enger Invitatioun op eng Konferenz zu Walfer nächsten Donneschdeg den Owend am Centre Prince Henri un. D'Esther Zana-Nau, Economistin, Business Development Manager a fréier Directrice de Recherches gëtt dëser Conférence économique folgenden Titel : *Y a-t-il place pour des valeurs éthiques dans l'économie mondialisée ?* Vu Cancun bis Dubäi, d'international Communautéit ass op der Sich no Mëttele fir eng international Regulatioun vun der Weltwirtschaft ze fannen. Ass e sou eng Regulatioun an den aktuelle Konditiounen vun der Mondialisatioun iwwerhaupt méiglech? Wéi kann een d'Mondialisatioun verstoen? Gëtt et eng Fatalitéit an ass se ethesch akzeptabel? Ëm dës Fro geet et an dëser Konferenz, an dat wéi gesot nächsten Donneschdeg Owend, um 8 Auer am Centre Prince Henri zu Walfer. Organiséiert ass dës Konferenz vun der Bahá'í Gemeng Walfer.

Zum Thema vun der Weltwirtschaft passt och ganz gutt eng nei Publikatioun vum Büro fir sozial an ekonomesch Entwécklung vun der internationaler Bahá'í Communautéit. Fir d'Besserung vun der Welt – D'weltwäit Approche vun der Bahá'í Gemeng zur sozialer an ekonomescher Entwécklung.

Den Engagement zur Entwécklungshëllef fënnt een an de Bahá'í Schrëften, déi soen dass all Mënsch „*erschaf gouf fir eng Zivilisatioun weiderzeféieren déi stänneg avancéiert*.“ Bahá'u'lláh huet geschriwwen, „*Maach däi Bescht fir dech ëm d'Besoie vun der Zäit ze befaassen an där s de liefs an zentréier deng Iwwerleeungen op d'Uspréich an dat wat däin Zäitalter brauch*.“ Fundamental zum Bahá'í Glawen ass d'Iwwerzeegung dass all Persoun, all Vollek, all Natioun hiren Deel bäizedroen huet fir eng friddlech a räich global Gesellschaft opzebauen.

Am traditionellen Denken iwwer d'Entwécklungshëllef huet d'Relioun sou gutt wéi keng Roll gespillt. Ausserdeem stellt ee fest, dass obschonn immens vill Suen an d'Entwécklungshëllef gestach goufen a vill Efforte gemaach goufen, sech nach ëmmer keng kloer Strategie erausgeschiet huet. Sou ass et keng grouss Iwwerraschung dass an der lescht méi driwwer geschwat gëtt, wéi eng Kontributioun Spiritualitéit a Relioun zur Entwécklungshëllef maache kéint. Et ass genee zu deem Thema wou dës Publikatioun d'Bahá'í Approche duerch konkret Beispiller duerstellt, e Prozess wou iwwer Entwécklung bäigeléiert gëtt, vum lokalen zum globalen Niveau, an dat duerch Aktioun, d'Nodenken iwwer d'Aktioun, studéieren, Berodung, d'Systematisatioun vun der Erfahrung an Training a Formatioun.

Bahá'í gesinn Entwécklung als eng weltwäit Enterprise mam Zil, alle Mënsche Räichtum ze bréngen, an dat am Wëssen dass mer an enger Zäit liewe wou eng Weltzivilisatioun amgang ass ze entstoen. D'Bahá'í Schrëften erklären, dass d'Mënschheet an engem Zäitalter vun enger Transitioun ass, am beschte beschriwwen als e Passage vu kollektiver Kandheet hin zu enger kollektiver Maturitéit. Wat dëst Zäitalter vum Erwuessesinn auszeechent ass d'Vereenegung vun der mënschlecher Rass. A fir dat ze erreeche brauche mer Prinzipie vu Gerechtegkeet. Déi grouss Kluft déi am Moment tëschent Aarm a Räich besteet duerf neméi weiderbestoen. D'Awunner vun der ganzer Äerd sollte kënne vun de Friichte vun enger materiell a spiritueller globaler Gesellschaft profitéieren. Fir sou eng Gesellschaft ze schafen, ass et wesentlech, dass Leit iwwerall d'Méiglechkeet kréien, sech un dësem konstruktive Prozess ze bedeelegen.

D'Kapazitéit vum Einzelnen, vu Communautéiten an Institutionen opzebauen, fir effektiv un dëse Prozesser matzeschaffen, dat ass déi éischt Aufgab vun Entwécklung. D'Publikatioun weist dann un Hand vu konkrete Beispiller wéi den Einzelne säi Potential erfëlle kann an dat duerch den Déngscht un der Mënschheet.

183 D'Changementer an der Welt an deem Einzelne seng Verantwortung

Sendung 183, 31ten Oktober an 1ten November 2003. Dëslescht war den Här Arbab, Member vum héchste Gremium am Bahá'í Glawen e puer Deeg zu Lëtzebuerg fir säi Jong ze besichen. Bei där Geleeënheet huet hien e kleng Virtrag gehalten. Hei elo e kuerze Resumé vun deem wat mir besonnesch gutt gefall huet.

Wéi den Dr Arbab säin Doktorat an der Physik an der Mathematik als jonke Mann an de 60er Joeren zu Berkely an Amerika fäerdeg hat, wollt hien e puer Joer a Südamerika säi Wësse op den Unie vermëttelen. Hie war awer sou ugezunn vun der Atmosphäre an de Mënschen, déi e ganz anere Liewensstandard hate wéi an Amerika, dass hien iwwer zwanzeg Joer bliwwen ass. Zesumme mat aneren hu si eng Universität gegrënnt a vill Entwécklungsprojete gestart. Als Bahá'í war fir hien natierlech d'Erzéiung vun héchster Bedeitung fir d'Entwécklung vum Einzelnen an der Gesellschaft. Eppes wat mer gutt gefall huet ass dëst Raisonement. Et ass vill méi einfach Entscheedungen ze treffen wann ee vun enger Saach ugezunn ass. Wann ee sech forcéiert oder forcéiert gëtt, ass et vill méi schwéier eppes ze man. A sou war et mam Här Arbab am Liewen. Hie war meeschtens vu Saachen ugezunn, wéi dass e forcéiert war, se ze man.

Dës Emissioun riicht sech un all déi, déi hiert Liewe gär selwer an d'Hand huelen a selwer e Katalisator fir Changement ginn. D'Rapiditéit vun de Changementen war an der Geschicht vun der Mënschheet nach ni sou grouss a sou séier wéi an de leschten 200 Joer. D'Evolutioun vun der Mënschheet kann ee mat der Entwécklung vum Mënsch vergläichen. An haut huet d'Mënschheet hir Kandheet haneru sech an de Lichtsënn vun der Jugend ass amgang sech an d'Maturitéit vum Erwuessesinn ëmzewandelen. Natierlech ass alles dat eng turbulent Entwécklung, wou och alt emol d'Faze ewechfléien. Alles an allem kann een haut an der ganzer Welt zwee Prozesser feststellen, zwou Kräften. Eng Kraaft ass destruktiv. D'Welt ass voll vu Konflikter tëschent Vëlker, Regierungen an Natiounen. D'Aarmut vun den Armen an de Räichtum vun de Räichen hält stänneg zou. Den Hunger an der Welt léisst all Sekonn honnerte vu Kanner verhéngeren. Bei wäitem déi schlëmmste Kraaft déi destruktiv ass, ass déi moralesch Desintegratioun. Fréier wéi haut hunn d'Leit gelunn, mee fréier war et kloer dass léien am Fong schlecht ass an et war een sech an deem Punkt eens. Haut ass et anescht. Haut ginn et Presidenten a Ministeren déi léien an dobäi erwëscht ginn. An et ass esougutt wéi keen deen eppes dergéint mécht. Net nëmmen dat mee et ass oft esou dass et an der Rei ass ze léien, wann een zum Schluss Recht kritt a gewënnt. Wann ee verléiert war et eng falsch Décisioun ze leien a wann e wënnt war et néideg a richtig ze léien! Fir beim Thema vun der Wourecht ze bleiwen, sou ass et fréier duergang fir ze soen: Ech léien net, ech soen d'Wourecht. Haut ass dat net nëmme vill méi schwéier mee et geet neméi duer ze soen: Ech léie jo net, also geet dat duer. D'Dugend vun der Wahrhaftegkeet, der *véracité* ass vill méi wéi dat. Et muss een och déi néideg Erzéiung hunn fir kënne selwer ze entscheeden wat wouer, richtig a wat falsch ass. Sécher ass dat och e Wee op deem mer sinn, well 100% kënne mer jo seele sinn. Also heescht et haut seng Moralitéit aktiv ze liewen. An dat ass sécher schwéier an engem Entourage wou alles erlaabt ass, sou laang een zum Schluss gewënnt.

Déi zerstéierend Kraaft an der Welt huet nach eng aner Charakteristik, an zwar ass se vill méi spektakulär wéi déi opbauend Kraaft. Huele mer d'Beispill vun engem Héichhaus wat an zwou Minutte mat Hëllef vun Dynamit

gespréngt gëtt. Do gëtt et eppes ze kucken. Do stëbst et an et mécht Kaméidi. An do dernieft kucke mer wéi Zill fir Zill en anert Héichhaus nees opgeriicht gëtt. Et mécht net vill Kaméidi an dauert sécher méi laang. D'Kanner wëssen direkt wat méi flott ze kucken ass.

Wat sinn dann déi opbauend Kräfte an der Welt déi een elo scho gesi kann? D'Gläichheet vu Mann a Fra. D'Rassegläichheet. Méi a méi Erziehung fir jiddereen. Vun dësen an anere Prinzipier huet Bahá'u'lláh schonn iwwer honnert Joer geschwat. An haut si mer nach e gutt Stéck dervun ewech. Awer et ka kee méi haut zumannst ëffentlech soen, dass d'Männer méi intelligent wéi d'Frae sinn, oder dass déi wäiss Rass besser ass wéi déi schwartz. Alles dat geet lues a lues viru sech a brauch seng Zäit. Bahá'u'lláh huet vun der kollektiver Sécherheet geschwat an dëst Prinzip gouf vun de Vereenten Natiounen während dem Golfkrich fir d'éischt ugewannt. Vun de Motivatiounen fir all dat soll hei net geschwat ginn. Genee sou elo virum kuerzem am Irakkriich. Dee mächtigste Prääsident vun der Welt huet gemengt seng Natioun misst d'Saache selwer an d'Hand huelen an haut gesi mer d'Konsequenzen dovun. An deem Mooss, dass haut gesot gëtt, sou eppes soll vun de Vereenten Natiounen bestëmmt ginn.

Et kann een d'Welt mat engem Stéck Stoff vergläichen, wat vun alle Säiten gezunn an zerappt gëtt. Et kann een net genee soen, wie responsabel fir wat ass. Wann een dat Stéck Stoff wëllt flécken, mierkt een oft séier, dass een einfach neméi mat flécke fäerdeg gëtt. Dofir brauche mer haut och Institutiounen, déi eng nei Welt opbaue kënnen, mat enger aktiver Moralitéit. Eng Welt wou jidderee seng Verantwortung spiert. Dat ass haut déi gréissten Erausforderung. Mir kënnen och soen, esou laang et mir hei gutt geet brauch ech jo näischt ze maachen. Awer wéi laang dat geet ass schwéier ze soen. An déi aner Fro déi een sech da stelle kann ass déi wivill Ustréngungen ee maache wëll fir sech aktiv un enger besserer Welt ze bedeelegen. Méi doriwwer an eisen nächsten Emissiounen, a bis dohin e schéinen an interessante Weekend.

184 Visite du Professeur Davachi au Luxembourg (op français)

Sendung 184, 7ten November 2003. Le lundi 27 octobre dernier, à l'invitation de la communauté baha'ie du Luxembourg, nous avons eu le plaisir de recevoir, la visite d'une personnalité éminente, le Docteur Davachi, Professeur de cardiologie infantile au New York Medical College et Consultant auprès des Nations-Unies et pour l'OMS : Organisation Mondiale de la Santé. Outre ses nombreux travaux et publications en matière médicale, M. Davachi a consacré une bonne partie de sa carrière à la définition de moyens efficaces de prévention des maladies actuelles liées aux maux de notre société : le SIDA, la drogue, l'alcoolisme, la violence. Il a été consultant pour de nombreux pays et a beaucoup servi, notamment en Afrique. Au cours de ses nombreux voyages à travers le monde, il a rencontré des Chefs d'Etat, parlementaires, Ministres de la santé, de la justice, et de l'éducation et a partout prôné une approche holistique de l'éducation des enfants, en insistant sur l'urgence d'intégrer dans les programmes éducatifs nationaux les valeurs morales à inculquer aux enfants, dès leur plus jeune âge.

M. Davachi nous a fait bénéficier de ses connaissances et expériences enrichissantes au cours de la conférence qu'il a présentée au Centre baha'i et qui portait sur : *Les valeurs morales et éthiques dans l'éducation : une approche scientifique*. En voici les idées maîtresses: Le monde affronte actuellement une profonde crise de nature morale et spirituelle qui se manifeste par l'abus d'alcool et de drogues, le Sida, et l'ensemble des préjugés générateurs de violence. Quand on est médecin, on sait que le plus important est de faire le bon diagnostic et de donner le traitement approprié à la maladie identifiée. Si l'on voit que le traitement ne conduit pas à la guérison mais que la maladie continue à s'aggraver, il faut alors se rendre à l'évidence que le traitement choisi n'était pas le bon et en changer sans tarder. Il en est de même face aux maux de notre société: si la maladie de notre société est d'ordre moral, aucune réponse militaire ou policière, aussi forte soit-elle, ne pourra arrêter ce mal, la réponse doit être aussi, d'ordre moral. Monsieur Davachi raconte comment dans un pays d'Asie qui rencontrait de graves problèmes de trafic et de consommation de drogues, la politique répressive était d'une grande sévérité. « Chez nous », lui avait dit le Ministre de la Justice, « on ne tergiverse pas, la peine de mort est requise si l'on vous arrête avec quelques grammes de drogue sur vous. » Monsieur Davachi a alors demandé: « Et vous avez exécuté de nombreuses personnes depuis la promulgation de cette loi? » Le Ministre répond fièrement: « oui, beaucoup! » Monsieur Davachi demande alors : « Et avez-vous noté une diminution de la consommation de drogues? » Le Ministre, un peu embarrassé, répond : « je dois avouer que non, au contraire, nos statistiques augmentent de façon alarmante » Et Monsieur Davachi de conclure que l'aspirine est certes un excellent médicament mais donner seulement de l'aspirine pour une angine ne résout pas le problème !

Il existe deux types de forces, nous dit-il, qui nous gouvernent dans la vie: La force externe: c'est celle de la société, la police. Elle n'est pas là pour améliorer le caractère des gens, mais pour la protection de la société et la punition. Mais quelle que soit la sévérité de cette force externe, elle ne suffit pas à prévenir tous les maux de notre société. L'autre force est de nature interne, elle est notre conscience, c'est elle qu'il faut promouvoir. C'est elle qui est notre véritable rempart. Seule l'éducation morale peut renforcer cette force interne et apporter le changement fondamental

dans le comportement des hommes qui permettrait de soigner efficacement et prévenir ces maladies de notre société.

Mais il s'agit de savoir de quelle morale parlons-nous ? Nous sommes face à des problèmes de dimension planétaire. Il y a par exemple, 70 millions de personnes atteintes du SIDA dans le monde, en Afrique du Sud il y a 600 personnes qui en meurent chaque jour. Le virus ne connaît pas de frontières. La violence générée par la perte de tous repères moraux n'est pas l'apanage d'une seule société. Toutes les sociétés du monde sont confrontées à la même problématique. De plus, nos sociétés sont de plus en plus multiculturelles. Alors, choisir telle ou telle moralité risque de ne pas convenir à une partie de la société. Donc, il s'agit d'identifier quelques valeurs de nature universelle qui correspondraient aux attentes de tous et qui permettraient l'acquisition de vertus prônées par toutes les cultures. Quel gouvernement responsable ne souhaite pas que son peuple se développe dans une société juste et morale ? Aucun. Tous les gouvernants sont accablés par la gravité des statistiques et recherchent des réponses appropriées. Il est de leur responsabilité de mettre en place ces cursus d'éducation morale dans les programmes des écoles car cette éducation doit commencer très tôt. La formation du caractère est pratiquement finie à la puberté, même si notre caractère continue à s'affiner tout au long de notre vie, le changer radicalement devient très difficile voire impossible après la puberté.

Les enfants ont plusieurs sortes de capacités: physiques, intellectuelles, morales, et spirituelles. Si l'on considère la manière dont nos systèmes scolaires sont organisés actuellement, tous les efforts portent sur le développement des deux premières capacités: les physiques et intellectuelles. Très peu est consacré au reste. Ce déséquilibre est la cause de la crise morale et spirituelle de notre monde. L'éducation spirituelle est de la responsabilité de la famille en fonction de leurs religions, mais l'éducation morale est de la responsabilité des gouvernements.

Alors quelles sont ces valeurs essentielles et universelles à développer dans nos systèmes scolaires. Leur absence est la cause de chacun des problèmes dont nous entendons parler chaque jour: l'intégrité, la véracité, être digne de confiance, la générosité, la compassion, la justice, la poursuite de l'excellence, le respect de soi et des autres, le service des autres, l'unité et l'unité dans la diversité.

Monsieur Davachi insiste beaucoup sur l'éducation au principe d'unité dans la diversité car nous dit-il, partout dans le monde, l'intolérance et les préjugés religieux, raciaux, économiques et sociaux conduisent à la violence et dégénèrent en guerres dans de nombreux endroits de la planète. Pour prévenir cela, il nous faut changer la culture de haine perpétuée jusqu'à présent, en culture d'unité. Si nous semons la haine, nous ne pouvons récolter que de la haine. Si nous voulons vivre dans la paix et la sécurité, il faut semer la graine de l'unité en enseignant que la diversité est richesse mutuelle et doit être glorifiée.

«Considérez l'homme comme une mine riche en pierres précieuses d'une valeur inestimable. Seule l'éducation peut l'amener à en livrer les trésors et permettre à l'humanité d'en profiter.»

185 Generositéit

Sendung 185 14ten a 15ten November 2003. Generositéit ass eng vun den Dugenden, déi an de Bahá'í Kannerklassen hei zu Lëtzebuerg ënnerriicht ginn. Mëtschgiwegkeet, mat deenen aneren deelen a matginn. Generéis sinn, heescht virun allem ginn, well een et wëllt, an net mat der Iddi am Kapp, eppes dofir erëmzekerien. Engem eppes ginn bedeit och dass ee gëtt ouni sech Gedanken driwwer ze maachen, wat mat eisem Cadeau geschitt. 'Abdu'l-Bahá, de Jong vu Bahá'u'lláh, dem Begrënner vun der Bahá'í Relioun ass fir d'Bahá'í e Virbild an allen Hisiichten. Sāi Liewe war e Liewe vum Déngscht an Hëllef fir déi Aarm an déi, déi an Nout waren. Hei eng kleng Geschicht aus sengem Liewen, déi weist, wéi grouss sāin Häerz wierklech war. D'Geschicht riicht sech virun allem un d'Kanner:

„Enges Daags ass 'Abdu'l-Bahá vu sengem Papp geschéckt gi fir ze kucken op d'Hiirten, déi sech ëm seng Schof këmmere, och gutt schaffen. 'Abdu'l-Bahá war deemools nach e klengt Kand an d'Verfollegunge vu sengem Papp a senger Famill haten nach net ugefaang. Bahá'u'lláh hat zu där Zäit e grousst Stéck Land an de Bierger an etlech Häerden Hämmlen. Wéi 'Abdu'l-Bahá sech alles ugesinn hat an nees goe wollt, sot de Mann deen hie begleet huet: „Äre Papp gëtt all Hiirt ëmmer e Geschenk ier e geet.“ 'Abdu'l-Bahá war ee Moment roueg an huet nageduecht, well een näischt hat fir hinnen als Cadeau ze ginn. De Mann bei him huet awer dropgehalen, dass hien hinnen eppes gëtt, well d'Hiirten sech eppes erwaaden. An dunn hat 'Abdu'l-Bahá eng Iddi, iwwer déi hie ganz frou war! Hie géif den Hiirten all d'Schof schenken, ëm déi si sech bekëmmere.

Sengem Papp huet et vill Freed gemaach, ze héiere wéi generéis 'Abdu'l-Bahá mat den Hiirde war. Am Geck huet e gesot, dass jidderee gutt op 'Abdu'l-Bahá oppasse misst, well soss géif hie sech enges Daags nach selwer verschenken. Natierlech ass et genee dat wat 'Abdu'l-Bahá sāi ganzt Liewe laang gemaach huet. Fir d'Mënschheet gouf hien alles wat en hat, all Ablak vu sengem Liewen, fir eis ze vereenegen an eis wierklecht Gléck ze bréngen.“

Et gehéiert zum Räichtum vum Bahá'í Glawen, sou Geschichten ze hunn. Si hëllefen net nëmmen de Kanner, e Prinzip oder eng Dugend besser ze verstoen. D'Geschicht vun de groussen Figuren am Glawen sinn ëmmer e Virbild fir eist eegent Liewen.

Ouni Generositéit wier dës Welt eng traureg Plaz. An enger Welt ouni Mëtschgiewegkeet, wier all Cadeau mat enger Konditioun verbonnen, sou dass deen dee gëtt eppes gewënnt. Dat ass net *ginn*.

Wann een eppes fräiwëlleg gëtt, virun allem wann een eppes opgëtt, ass dat a wichtege Wee, seng Geeschtegkeet ze üben. Wann ee gëtt dann ass dat oft och ustiechend fir déi aner. Wann eng Persoun generéis ass, beréiert dat och d'Häerz vun den aneren a si wëllen och generéis sinn. An domat huet jidderee méi vun deem wat se brauchen.

Generéis sinn heescht och, vu senger Zäit ginn, seng Aarbecht sou maachen, dass et wéi e Gebiet ass, kucke wie meng Hëllef brauche kann, zum Beispill meng Famill a meng Frënn an Aarbechtsskollegen. Et kann ee seng Zäit ginn, säi Wëssen, Saachen a Suen. Wat déi aner domat maachen, ass hir Saach. Et spiert een sech einfach gutt wann e generéis matginn huet.

Ofschléissend dëst Zitat aus de Bahá'í Schrëften: Wéi mer solle sinn: „*Am Gléck gëff mat an am Ongléck sief dankbar. Sief d'Vertraue vun dengem Noper wäert, a kuck op hie mat hellen a frëndlechen Aen. Sief e Schatz fir deen Aarmen, eng Äntwert op deen, deen no Hëllef jätzt an hal däi Versproochen helleg.*“

186 Buchvirstellung: D'Verbuerge Wierder vu Bahá'u'lláh, Deel 1/2

Sendung 186, 21ten an 22ten November 2003. D'Verbuerge Wierder, e Meeschterwierk vu mystescher Poesie, gouf 1858 am Iraq geschriwwen. Laanscht den Ufer vum Floss Tigris, déif a Meditatioun, huet Bahá'u'lláh, Begrënner vum Bahá'í Glawen, nogeduecht, iwwer déi éiweg Bezéiung tëschent Gott an dem Mënsch, iwwer de Sënn vum Liewen an all d'Hürden déi virum Mënsch leien, an dat um Wee vun der geeschteger Perfektioun. Aus sou enger déiwer Kontemplatioun koum d'Inspiratioun fir eng erstaunlech Kollektioun vu kuerze meditative Versen. An deene puer Zeile fënnt een eng Distillatioun vun deene geeschtege Wourecht, déi d'zentral Kraaft hannert all de reliéisene Traditione vun der Vergaangenheet duerstellen.

Hei elo wat Bahá'u'lláh am Ufank vun dësen Zeile schreift: „*Dëst ass dat wat aus dem Räich vun der Herrlechkeet erofkum, ausgeschwat duerch d'Zong vun der Muecht an der Stäerkt, a wat de fréiere Propheten duergeluecht gouf. Dorausser hu Mir den déifste Käer geholl an et an d'Kleed vun der Kierzt gekleed ...*“

D'Wierder an dësen 153 Verse si fir de Mënsch eng Virbereedung un den Appell dee Gott an eiser Zäit un d'Mënschheet riicht. Si féieren d'Séil an eng Atmosphère vu Meditatioun déi eiser geeschteger Entwécklung hëllefen an déi de Mënsch un e Grad vu Bewosstsinn erhiewen, déi hie bis elo nach ni erreicht hat.

Et kann een e puer Säite vun dësem Buch an enger Kéier liesen. Awer ee Vers geet schonn duer fir eng laang Meditatioun. All Kéier wann een en neie Sënn an engem Vers fënnt, huet een e Schrëtt no fir gemaach am Wësse vun de ville Bedeitunge vun den hellege Schrëften.

D'Liewe vum Auteur vun dëse Versen ass aussergewöhnlech. 1817 ass hien an enger laang bestoender, nobler Famill a Persie gebuer. Wéi d'Begrënner vun anere Reliounen virun him, ass hien ouni Erbaarme verfollegt ginn an dat vum Klergé an dem Stat am Land vu senger Gebuert, a säi Glawe gouf gréisstendeels vu sengen eegene Landsleit ofgeleent. E krut alles ofgehall wat en hat, an de Prisong gehäit, gefoltert an aus sengem Land an den Exil geschéckt. 1868 gouf en zum Schluss liewenslänglech festgehal, an dat an der Strofkolonie zu Akka, zu Palestina, eng Plaz reservéiert fir déi schlëmmste Vebrieche vum ottomanesche Räich, an deenen hir Hänn déi perséisch Autoritéiten hien ausgeliiwert hunn. Als Gefaangenen ass Bahá'u'lláh gestuerwen, no bal 40 Joer onvirstellbare Schwieeregkeeten am Exil a Gefaangenschaft, am Alter vu 74 Joer.

D'Schrëfte vu Bahá'u'lláh, trotz de schwéieren Ëmstänn vu sengem Liewen, bestinn aus méi wéi 100 Bänn vu Commentairen, Bréiwer, Gebieder a Léieren. Am beschte bekannt dovunner si wahrscheinlech d'Verbuerge Wierder. Während ville Joere gouf et just e puer geschätzte Manuskripter vun dësem Buch, iwwerreecht vun enger Hand an déi aner, a mat vill Suergfalt verstoppt vun deenen, déi sech der neier Relioun widdersat hunn.

Haut ass dëst klengt Buch aus dem original perseschem an arabeschen an 69 Sproochen iwwersat an ass uechter d'Welt beléift. Wann och de Message vu Bahá'u'lláh virun allem e Message vun universaler Léift ass, setzt Hien awer och d'Grundsteng vun enger neier Gesellschaft.

Fir ofzeschléissen, e puer Zeilen aus dem Buch: Verbuerge Wierder: „*A Mengen Aen, wat Ech vun Allem am léifsten hunn ass d'Gerechtkeet; schwäif net dovun of, wann s du Mech wëlls a vernoléisseg si net, sou dass Ech Mech dir uvertraue kann. Mat hirer Hëllef wäerts du mat dengem eegenen Ae gesinn, an net duerch déi vun aneren, a wäerts duerch deng eegen Erkenntnes wëssen an net duerch d'Wësse vun dengem Noper. Iwwerlee der an dengem*

Häerz wéi s de solls sinn. A Wierklechkeet ass d'Gerechtegkeet Mäi Cadeau fir dech an d'Zeeche vu Menger zaarter Gnod. Hal der dat virun Aen.“

187 Dat éiwegt Bündnes mam Herrgott¹

Sendung 187 28ten an 29ten November 2003. Deen, deen alles erschaf huet ass Gott, deen Onvergläichlechen. Gott ass d'Ursaach vun allem wat existéiert. Hien huet de Mënsch erschaf an an him säin eegent Bild agravéiert.

Bahá'u'lláh seet dass d'Realitéit vu Gott onverständlech fir déi mënschlech Intelligenz ass, well dat wat limitéiert ass kann net vun deem verstane gi wat onendlech ass. D'Biller déi d'Unhänger vun anere Reliounen sech vu Gott maachen sinn d'Friichte vun hirer eegener Imaginatioun. Gott ass kee Mënsch an en ass net einfach eng Kraaft déi iwwerall am Universum präsent ass. All déi Nimm déi mer Gott ginn, bréngen et net fäerdeg seng Réalitéit ze beschreiwen.

Bahá'u'lláh schreift an de *Verbuergene Wierder* : „Ech hat eng Léift fir dech ze erschafen, also hunn Ech dech erschaf. Sief du also frou mat Mir, fir dass Ech dän Numm soe kann, an deng Séil mam Geescht vum Liewen erfëlle kann.“

D'Léift vu Gott fir eis ass d'Ursaach selwer vun eiser Existenz. Mir sollten eis dëser Léift ëmmer bewosst sinn, well si eis beschützt, eis ënnerstëtzt an eis mat Liewe fëllt. Sief et dass mer a Schwieeregkeete sinn oder ob et eis gutt geet, ob mer traureg oder frou sinn, mir sollten ni vergiessen dass Gott seng Léift andauernd iwwer eis schëtt.

D'Bahá'í Léieren soen dass Gott, nodeem en eis aus senger Léift fir eis erschaf huet, mat eis e Bündnes, eng Allianz gemaach huet, déi éiweg dauere wäert. Dat Wuert *Allianz* bezitt sech op e Versprieche oder e Kontrakt tëschent zwou oder méi Persounen. An dëser éiweger Allianz verspricht Gott dass Hien eis ni wäert am Stach loossen. Konkret heescht dat, dass en eis duerch seng Manifestatiounen oder Propheten, säi Wëllen a säi grouse Plang matdeelt. Dat franséisch Wuert *manifeste* bedeit an dësem Kontext eng Saach offebaren oder enthüllen déi bis elo nach onbekannt war. D'Manifestatiounen vu Gott sinn eenzegaarteg a si offebaren eis d'Wuert vu Gott. Et sinn universal Erzéier déi eis bäibréngen, wéi een en accord mam Wëlle Gottes liewe kann a wéi ee wierklech Gléck erreeche kann. Mir fannen ënnert de Manifestatiounen, Krishna, Moses, Zoraster, Budda, Jesus Christus, Mohamet an natierlech de Báb a Bahá'u'lláh, déi zwou Manifestatiounen vu Gott fir äis Zäit.

Eng Allianz huet zwou Säiten ; si gëtt tëschent zwou Parteie gemaach, woubei all Partei sech engagéiert op eng gewëssen Aart a Weis ze handeln. Gott huet seng Engagementer nach ëmmer agehalen. Wéi kënne mir also sécher sinn, eisen Deel zu der Allianz bäizedroen ?

D'Allianz seet eis dass et eis éischt Aufgab ass, d'Manifestatioun vu Gott ze erkennen. De Sënn vun eisem Liewen ass et Gott méi no ze kommen. An déi eenzeg Méiglechkeet fir Gott méi no ze kommen ass wa mer seng Manifestatioun erkennen. Doranner läit eis éischt Aufgab. De Bahá'í Glawen ass haut an der ganzer Welt verspreet a gëtt ëmmer méi vun ëffentlecher Säit uerkannt. Ass et keng Erausfuederung erauszefanne wéi e Message de Bahá'í Glawen huet ? Ass et net traureg wann ee sech hannert den Traditionen vun der Vergaangenheet verstoppt ? D'Telefonnummer vum Bahá'í Zenter ass 442220 fir méi Informatiounen iwwer dat wat mir zu Lëtzebuerg ubidden, oder um Internet ënnert www.bahai.lu

188 Buchvirstellung: D'Verbuerge Wierder vu Bahá'u'lláh, Deel 2/2

Sendung 188, 5ten a 6ten Dezember 2003. Viru kuerzem hunn ech iech dat Buch *Verbuerge Wierder* vu Bahá'u'lláh virgestallt. 1853, laanscht den Ufere vum Floss Tigris am Iraq geschriwwen, sinn d'Verbuerge Wierder e Meeschterwierk vun déiwer Meditatioun iwwer dat wat de Mënsch ass, a firwat de Mënsch erschaf ginn ass. An den nächste puer Minutten elo en éischten Deel aus dem Buch, wou den Herrgott sech un d'Mënsche riicht.

¹ *Se lever pour servir, Livret 2 Ruhi*

O Jong vum Geesch! Hei ass Mäin éischte Rot: Dass Du e rengt, guttmiddegt a stralent Häerz hues, sou dass du onvergänglech Herrlechkeet kriss, onzerstéierbar an éiweg.

O Jong vum Mënsch! Verstoppt a Mengem éiwege Wiesen an an der Uréiwegkeet vu Menger Essenz wosst Ech vu Menger Léift zu dir. Dofir hunn Ech dech erschaf, hunn an dir Mäi Bild aggravéiert an hunn dir Meng Schéinheet offenbaart.

O Jong vum Mënsch! Ech hat eng Léift fir dech ze erschafen, also hunn Ech dech erschaf. Sief du also frou mat Mir, fir dass Ech däin Numm soe kann, an deng Séil mam Geesch vum Liewen erfëlle kann.

O Jong vum Geesch! Sief du frou mat Mir, fir dass Ech dech gär hunn. Wann s du Mech net gär hues, ka Meng Léift dech nimools erreechen. Sief der dees bewosst, O Dënger!

O Jong vun der Existenz! Däi Paradis ass Meng Léift. Däin himmlechte Heem ass nees mat Mir vereent ze sinn. Komm eran ouni ze zécken. Dat ass dat wat an eisem himmleche Räich an an Eiser erhuewener Herrschaft bestëmmt gouf.

O Jong vum Mënsch! Wann s du Mech gär hues, dann dréin dech ewech vun dir selwer, a wann s du Mäi Pleséier sichts, dann denk net un däin, fir dass du a Mir stierwe kanns a fir dass Ech éiweg an dir liewe kann.

O Jong vum Geesch! Et gött kee Fridde fir dech, et sief dann du entsees dir selwer an dréins dech Mir zou. Well et passt sech dass du dech a Mengem Numm verherrlechs an net an dengem, däi Vertrauen a Mech lees an net an dech, well Ech wëll dass ee mat Mir aleng frou ass, an iwwer alles wat ass.

O Jong vum Sinn! Meng Léift ass Meng Festung; deen deen erakënnt ass sécher a geschützt, an deen dee sech dovun ëmdréint wäert sécherlech irgoen an zu Gronn goen.

O Jong vum Wuert! Du bass Meng Festung, géi eran, fir dass de a Sécherheet do liewe kanns. Meng Léift ass an dir, sief der et bewosst, fir dass de Mech no bei dir fënns.

O Jong vun der Existenz! Du bass Meng Luucht, a Mäi Liicht ass an dir. Huel der dorausser däi Liicht a sich keen aneren ausser Mir. Well Ech hunn dech räich erschaf an iwwer dech hunn Ech Meng Gonscht geschott.

O Jong vun der Existenz! Mat den Hänn vun der Muecht hunn Ech dech gemaach a mat de Fangere vun der Kraaft hunn Ech dech erschaf; an an dir hunn Ech d'Essenz vu mengem Liicht geluecht. Sief domader zefridden a sich soss näischt, well Mäi Wierk ass vollkommen a Mäi Gebot ass verbindlech. Sief der deess gewëss an zweiwel net dorunner.

O Jong vum Geesch! Räich hunn Ech dech erschaf, firwat méchs du dech selwer aarm? Eedel hunn Ech dech erschaf, firwat ernidderegs du dech selwer? Aus der Essenz vum Wëssen hunn Ech der Liewe ginn, firwat sichts du Erleuchtung bei engem anere wëi Mir? Aus dem Toun vun der Léift hunn Ech dech geformt, firwat befaass de dech mat aneren? Kuck an dech, dass de Mech an dir fënns, mächtig, staark a selbstbestoend.

O Jong vum Mënsch! Du bass Mäin Eegentum, a Mäin Eegentum vergeet net. Firwat fäerts du deng Vergänglechkeet? Du bass Meng Luucht a Meng Luucht verläscht ni. Firwat fäerts du däi Verläschen. Du bass Meng Herrlechkeet a Meng Herrlechkeet verschwënnt net. Du bass Mäi Gezei a Mäi Gezei gött ni al. Bleif dofir an denger Léift fir Mech fir dass de Mech am Räich vun der Herrlechkeet fënns.¹

189 De Bahá'í Glawen, en Humanismus géint d'Fanatissemen

Sendung 189, 12ten an 13ten Dezember 2003. Léif Radio ARA Nolauschterer, haalt iech dëse Samschdeg den Owend fräi, an dat fir eng interessant Konferenz mat enger Diskussioun zum Thema: De Bahá'í Glawen, en Humanismus géint d'Fanatissemen. Et ass dat um 8 Auer am Bahá'í Zenter, 17, allée Léopold Goebel an der Stad. Dës Konferenz ass organiséiert vun der lëtzebuerger Bahá'ígemeng. De Conférencier ass den Dokter Said Rouhani, Neurophysiologist zu Paräis a Member vum nationale Rot vun de Bahá'í aus Frankräich.

Ech kann iech am viraus versécheren dass et bestëmmt e flotten Owend gött, an dat virun allem wéinst dem Humor an der Perséinlechkeet vum Conférencier. Hien ass awer och Docteur en Médecine, Docteur en Sciences, Neurophysiologiste, praticien attaché vun de Spideeler vu Paräis, Responsabel vun der Unitéit vun der Neurophysiologie vum Spidol Cochin, Chargé de cours un der medezinescher Fakultéit an Auteur vun enger ganzer Rei vu wëssenschaftlechen a medezineschen Artikelen.

Ganz fréi schonn huet hie sech fir déi ethesch Froen an der Medezin an d'Ethik an der biomedezinescher Recherche interesséiert. Hie war ee vun de Grënnermembere vun der Association Médicale Bahá'íe, déi hie während ville Jore presidéiert huet. Hien ass och Member vum Mouvement universel fir d'wëssenschaftlech Recherche.

¹ Déi Verbuerge Wierder, aus dem arabeschen, 1,3-14, Verëffentlechung, Bahá'í Lëtzebuerg 2008

Duerch seng Originen an duerch säin eegent Liewen, ass hie gewinnt sech mat zwou Kulturen ausernanerzesetzen. Déi orientalesch an déi westlech Kultur. De Said Rouhani ass selwer e gutt Beispill vun Offenheet an engem Rächtrum déi eng multikulturell Identitéit matsechbréngt.

Hien ass och aktiv am interreliéisem Dialog, ass Member vun der *Conférence Mondiale des Religions pour la Paix* an huet u ville Kolloquen a Seminaren deelgeholl. Do setzt hie sech fir d'Konzept vun der Eenheet an de Reliounen an, fir d'Kooperatioun vun de Gleewegen an der gemeinsamer Aarbecht fir d'Ofschafung vun ethnischen, kulturellen a sozial ekonomesche Virurteeler a virun allem fir d'Ofschafung vun de reliéise Virurteeler, déi Gewalt an e Fanatissem matsechbréngen, déi zerstéierend sinn.

De Said Rouhani ass Bahá'í a leeft zu Paräis. Den Titel vun der Konferenz, *De Bahá'í Glawen, en Humanismus géint d'Fanatissemen*, fënnt een an engem Artikel, deem 1999 am Monde diplomatique stoung, (<http://www.monde-diplomatique.fr/1999/07/HATCHER/12219#nb9>) geschriwwen vum William Hatcher, Matematiker, Philosoph a Professer op der Universitéit Laval am Québec.

Ervirgeet, dass d'Bahá'í Relioun weder eng Sekt oder e Synkretismus ass, mee eng onofhängeg Relioun, genee sou wéi den Islam, d'Chrëschtentum an déi aner grouss Reliounen. An dass et Uganks vun de 60er Joeren ëm déi 400 000 Unhänger weltwäit gouf, haut awer méi wéi 5 Milliounen. Dat weist och drophinn, dass de Glawe weider wuesse wäert, well de Message aktuell ass.

Zum Schluss vu sengem Artikel schreift den Hatcher : « *Elo wou et schéngt dass déi grouss Ideologie vum 20te Joerhonnert ëmmer méi u Kraaft verléieren. Elo wou et sech weist dass de reliéisen Integrismus an enger Sakgaass ass, kann een dann net hoffen dass dës Jorhonnert e Jorhonnert vun engem wierklechen Humanismus gëtt, net ideologesch an net materialistesche ? Wa jo, da besteet keen Zweifel dass d'Bahá'í Gemeng hir Roll ze spillen huet* »

190 Chrëschtadag a Jesus Christus

Sendung 190, 19ten an 20ten Dezember 2003. Wann e Bahá'í och am Prinzip Chrëschtadag net feiert, ass et awer wichteg eppes iwwer Jesus Christus ze wëssen. A sengem Buch : *Beäntwert Froen* schreift 'Abdu'l-Bahá wéi wichteg et ass Erzéier an eisem Liewen ze hunn. Leit, déi eis de Wee weisen, déi eis hëllefen dass mer op der richteger Bunn bleiwen. Déi grouss Propheten wéi Krishna, Buddha, Christus a Mohamet si fir d'Bahá'í göttlech Erzéier, vu Gott geschéckt fir eis e puer Rotschléi mat op de Wee ze ginn. E laange Wee. An dëser Chrëschtadagszäit passt et sech u Jesus ze denken an hei elo e puer Wieder déi 'Abdu'l-Bahá iwwer Jesus als Erzéier geschriwwen huet :

Wéi Christus koom sot hien : « *Ech si vum Hellege Geescht gebuer.* » Wann et och haut fir d'Chrëschten einfach ass, dat ze gleewen, sou war et awer deemools ganz schwéier a mir héieren aus dem Neien Testament, dass d'Pharisäer soten : « *Ass dat net de Jong vum Joseph vun Nazaret, dee mir all kennen ; wéi kann hien da soen, Ech si vum Himmel komm ?* »

Obwuel Hie vu bausse gesinn aus engem niddrege Stand war, huet Hie sech mat sou enger Muecht erhuewen, dass Hie reliéis Gesetzer, déi fofzénghonnert Joer bestannen hunn, ofgeschaaft huet, an dat obscho jiddereen, dee sech der klengster Iwwertriedung schëlleg gemaach huet, an déi gréisste Gefor geroden ass a säi Liewen op d'Spill gesat huet. Mee net genuch: Zur Zäit vu Christus war d'moralescht Verhale vun der ganzer Welt an den Zoustand vun de Kanner Israel ganz verduerwen an d'Stämm vun Israel hu sech an déiwer Erniddregung, Kniechtschaft an Nout fonnt. Si sinn an d'Gefaangeschaft vun de Chaldäer an de Perser gefall, goufen eng aner Kéier vun Assyrier versklaavt, an dann erëm Vassale vun de Griechen. Wéi Christus koom, goufe se vun de Réimer beherrscht a veruecht.

Christus huet sech als jonke Mënsch mat Hëllef vun enger iwwerirdescher Muecht dat aalt mosaescht Gesetz opgehuewen, huet dat allgemengt sittlecht Verhale verbessert an huet fir d'zweet de Grond fir den éiwege Ruhm fir d'Vollek vun Israel geluecht. Doriwwer ewech huet Hien der Mënschheet allgemenge Fridde bruecht an huet Léiere verkënnegt, déi net nëmme fir dat israelescht Vollek bestëmmt waren, mee déi d'Basis gi sinn fir dat allëmfaassend Gléck vun der mënschlecher Gemeinschaft.

Déi éischt, déi sech erhuewen hunn, fir Hien ze vernichten, waren d'Israeliten, säin eegene Stamm. Reng vu bausse gesinn, hu se Hien iwwerwältegt, an hunn En an déi déifst Erniddregung gestierzt. Zum Schluss hu si Him d'Därekroun opgesat an hunn E gekräizegt. Awer Christus huet an der Stonn vu senger anscheinend héchster Not a Suerg verkënnegt : « *Dës Sonn wäert stralen, dës Liicht wäert schéngen, a Meng Gnod wäert d'ganze Welt ëmfaassen, an all meng Feinde wäerten erniddregt ginn.* » Wat Hie sout ass an Erfëllung gaang. All d'Kinnecke vun der Welt konnten Him net widderstoën ; méi nach, d'Kinnecke sinn all ënnergaangen, a Jesus, den Ënnerdréckten, gouf zum héchste Gipfel erhuewen.

Alles dat widdersprécht ganz a guer der mënschlecher Vernunft. Domat ass kloer an däitlech erweisen, dass dës stralend Wiesen als wirklechen Erzéier vum Mëschegeschlecht vun der Muecht Gottes gedroen a bestätegt ginn ass.

Souwäit den 'Abdu'l-Bahá iwwer Christus als göttlechen Erzéier a sengem Buch : *Beäntwert Froen*. Iech alleguer schéi Chrëschtdeeg, schéi Feierdeeg an e gudde Rutsch !

191 Weltproblemer a wat d'Bahá'í maachen

Sendung 191, 26ten a 27ten Dezember 2003. Den Dr Peter Khan, Member vum héchste Bahá'í Gremium zu Haifa an Israel, war viru kuerzem op Besuch am Bahá'í Zenter zu Sydney an Australien. Hei elo e puer Stéchwierder vun deem wat hie gesot huet.

Et ass noutwenneg dass d'Bahá'í Gemeng méi déif driwwer nodenkt wat si mécht a wat jiddereen dozou bäidroen kann, fir d'Problemer vun der Welt ze léisen. D'Erausfuorderung ass déi hei : De Fait dass d'Bahá'í amgang sinn eng nei Weltuerdnung opzebauen, wéi hänkt dat mat den haitege Weltproblemer zesummen ?

Fir d'éischt musse mer verstoen, wat dann déi wichtegst Problemer vun der Welt sinn an do kann ee véier grouss Punkte gesinn.

Gouvernance, d'Manier fir ze regéieren. Uechtert d'ganz Welt weisen ëmmer manner Leit en Interessen un hirer Regierung a fille sech souguer vun hir entfremt. An ënnert hinne ginn et der déi op d'Strooss gi fir hir Regierung wëlle vum Pouvoir ze geheien.

Konflikter tëschent Länner ass en anere grouss Weltproblem. Op en neits fënnt den Nationalismus nees Unhänger, an dat gesäit ee virun allem an enger méi grousser Zuel vu Grenzkonflikter a staarke Spannungen iwwer Minoritéitsgruppen déi net hir Plaz fannen. Am allgemengen interesséieren déi aner Länner sech net fir sou Problemer sou laang si selwer net dovun betraff sinn.

Da ginn et all déi reliéis Streidereien. D'Géigner vun der Relioun an déi, déi u Relioun zweiwelen an déi geduecht hunn dass Relioun an engem weltleche System verschwanne géif, hu sech geiert. Wat am Moment déi global Communautéit paralyséiert sinn eng Rei vu reliésen Theme wéi den Terrorismus, fanatesch Indoktrinatioun vu Kanner, an d'Ofleennung vun de Rechter vun de Fraen.

An de gött et déi sozial Problemer, wéi zum Beispill eng ëmmer méi grouss Gewalt, d'Verbreedung vum AIDS – wat zum Resultat eng Rei vu Bevëlkerunge quasi ouni Erwuessener mat sech bruecht huet, den Drogenträffik, Terrorismus an d'Korruptioun vu Rechtskräften an der Media; alles dat befällt am Moment eis Gesellschaft weltwäit.

D'Fro déi sech stellt: konfrontéiert mat all dese Problemer, wat maachen d'Bahá'í ?

Verschidde Leit an Instanzen an der Gesellschaft gi sech méi dës Problemer duerch materiell Mëttelen ze léisen. Dobäi ass et awer sou, dass dës materiell Mëttele sech nëmmen un d'Symptomer riichten. Si packen d'Ursaache vun de Konflikter net un. D'Roll vun de Bahá'í ass et, d'Problemer op engem geeschtegen Niveau unzepaken.

D'Bahá'í sollte mat gläichgesënnte Leit an Organisatiounen zesummeschaffen, déi sech beméien, Léisunge fir dës Problemer ze fannen. D'Aufgab vun de Bahá'í ass et virun allem awer dësen Efforte Geeschtegkeet, de Geescht vum Glawe vu Bahá'u'lláh ze ginn.

Niewent den Haaptaktivitéite vun der Bahá'í Gemeng, gesäit den Dr Khan véier grouss Beräicher wou d'Bahá'í sech engagéiere kënnen.

Dauerhaft Bestietnesser opbauen : mat der dramatescher Zuel vu Scheedungen an eiser westlecher Gesellschaft besteet e Besoin an eng Méiglechkeet déi staark Bahá'í Léieren iwwer d'Bestietnes mat aneren ze deelen, wéi zum Beispill d'Gläichheet vu Mann a Fra, zesummen Entscheedungen huelen, an zesumme fir en nobelt Zeil ze schaffen.

Gutt Wäerter fir eis Kanner : Elteren an d'Gesellschaft am allgemenge siche kohärent geeschteg Wäerter fir Kanner déi fräi si vu Fanatismus. De Bahá'í Glawen huet déi néideg Léieren an Approche.

Eng sécher Plaz fir sozial Interaktioun : D'Bahá'í Gemeng huet d'Erfahrung, d'Fäegkeeten an d'Ressourcë fir e sécher Ëmfeld wat op Wäerter berout fir sozial Aktivitéiten. En Ëmfeld wat op ass fir Verschiddenheet a wou keen ausgeschloss ass.

Féierung fir déi, déi e Sënn am Liewe sichen : sou vill Leit interesséiere sech einfach neméi un eiser Gesellschaft – virun allem ënnert den 30-40 järege. D'Bahá'í Schrëften erméigleche jidderengem sech selwer ze entdecken an e Sënn am Liewen ze fannen.

Zum Schluss huet den Dr Khan déi mysteriéis Kraaft vum kreative Wuert vum Herrgott ervirgehuewen. Et ass dat kreatiivt Wuert vu Gott dat onendlecht Wëssen a Wäisheet gëtt, virun allem wann et duerch Aktioun geschitt, an dat renforçéiert eise Glawen erëm op en neits. An deem Sënn, mat voller Kraaft no vir !

192 Fridden

Sendung 192, 2ten an 3te Januar 2004. Den Ufank vum neie Joer ass oft eng Ureegung fir iwwer dat Joer virdrun nozedenken. Gëtt et e bessert Joer a wat kënne mer dozou bäidroen. D'Zäitschrëft *Der Spiegel* huet als Titelsäit e Bild vum Philosoph Kant, deen an d'Stäre weist. Am Februar ass dem Kant säin 200sten Doudesdag. Speziell an enger Zäit wou déi sozialistesche Utopie gescheitert sinn, an domat och e bëssen de Ruhm vum Karl Marx an dem Hegel e bësse verblatzt ass, interesséieren sech nees méi Leit un deem wat de Kant gesot huet. Dozou gehéieren d'Trennung vu Staat a Kierch oder d'Iddi vun engem Weltbürgerrecht als Viraussetzung fir Fridden an och d'Begrënnung vun enger Moral ouni Relioun. D'Farah Dustdar dat zu Lëtzebuerg leeft a Bahá'í ass, ass Schrëftstellerin a Politologin an huet hir Dokteraarbecht iwwer de Kant geschriwwen. Mir wäerte sécher nach mat hir diskutéieren, wéi eng Relevanz de Kant fir eis haut erëm huet.

D'Schafung vum Fridden ass haut déi gréissten Erausfuerderung mat där d'Mënschheet konfrontéiert ass. Fridden ass Liicht a Liewen, Krich ass Däischtert a stellt den Doud duer. Bahá'u'lláh huet viru méi wéi 100 Joer Weltfridden ugekënnegt. Fir dee Fridde kënnen ze hunn, proposéiert Hien eng Rei vu Léieren, déi et erméiglechen, dese Fridden ze schafen.

Do gëtt et d'onofhängeg Siche vun der Realitéit. Wann et de Leit erlaabt ass, no der Wourecht ze sichen, wäerten si d'Eenheet vun der Mënschheet entdecken. Vu dass et nëmmen eng Realitéit gëtt, wäert dës Realitéit d'Welt vereenegen. D'Virurteeler vun all Zort – vu Rass, vu Klass, vu Faarf, vu Glawen, vun Natioun, vu Geschlecht a vum Grad vu materieller Zivilisatioun – sinn all Ursaache vu Konflikt. Wa mer akzeptéieren d'Realitéit ze sichen amplaz blann d'Meenungen an d'Traditiounen vun der Vergaangenheet ze imitéieren, da si mer um richtege Wee all Zort vu Virurteeler ofzeschaffen.

D'Léier vu Bahá'u'lláh iwwer d'Relioun mécht en däitlechen Ënnerschied tëschent wierklecher Relioun a Superstitioun, Awerglawen. Relioun muss an Harmonie si mat der Wëssenschaft a mam Verstand. Relioun muss d'Quell si vu Solidaritéit a Léift. Wa Relioun zu Sträit an Haass féiert, ass et besser keng Relioun ze hunn. Eng Léier vu Bahá'u'lláh déi zum Fridde bäidréit ass d'Gläichheet vu Mann a Fra. Wa mer d'Mënschheet wéi e Vull gesinn, stellt d'Fra e Flillek duer an de Mann deen aneren. Fir kënne fortzeleéien, mussen béid Flilleke gläichméisseg entwéckelt sinn. Et soll een och wëssen wéi e grouse Wäert am Bahá'í Glawen drop geluecht gëtt, dass jiddereen an der Welt Zougank zu Erzéiung soll hunn; dass et en immense Virdeel ass, wa mer eis niewent dem Léiere vun eiser Mammesprooch, eens ginn eng gemeinsam Sprooch ze léieren, sief et Sprooch déi schonn existéiert, oder eng nei Sprooch. Et ass genee sou néideg, spirituell Léisunge fir eis ekonomesch Problemer ze sichen.

De Mënsch soll sech fräimaache vun der Gefaangeschaft vun der Welt an der Natur. De Mënsch gouf geschaf fir um Fortschritt vun enger Zivilisatioun matzeschaffen déi kontinuéierlech avancéiert. D'Zivilisatioun huet awer zwee Aspekter, dee Materiellen an dee Geeschtegen. Wann dat Materiellt an dat Geeschtegt et fäerdeg bréngen, sech mateneen ze verstoen, da si mer amgang, un eisem Gléck ze schaffen. A wa mer et fäerdeg bréngen, dass Gerechtegkeet an eisem Zesummeliewen an an eisem Alldag ass, droe mer zu Uerdnung an der Welt bäi.³²

Et ass eng Ermuddegung an de Bahá'í Schrëften ze liesen dass „d'Verbesserung vun der Welt kann erreecht ginn duerch reng a gutt Doten, duerch e luewenswäert an anstänneg Behuelen.“³³

Mir sinn also fest dovun iwwerzeegt, dass jidderengem Eenzelne säi Verhale wichteg ass an dozou bäidréit, eng besser Welt ze schafen. An deem Sënn, e schéint a frouit neit Joer am Numm vun der ganzer Bahá'í Gemeng zu Lëtzebuerg.

193 Gerechtegkeet

193t Sendung 9ten an 10te Januar 2004. Et gëtt wuel kaum een deen net gäre gerecht behandelt gëtt. Wéi oft héiert een: Dat do ass net fair, dat do ass net gerecht. Gëtt et iwwerhaupt hei op der Welt Gerechtegkeet? An dëser Emissioun gesi mer e bësse wéi eng Stellung d'Gerechtegkeet am Bahá'í Glawen huet.

Dass et ënnert de Mënschen Ënnerscheeder an hire Kapazitéite gëtt geheiert zum Wiese vun der mënschlecher Existenz. Et ass fundamental. Et ass einfach onméiglech dass mer all d'selwecht sinn, dass mer all gläich sinn. Mee d'Affäre vun eisem Alldag mussen an all hiren Aspekter nom Prinzip vun der Gerechtegkeet geféiert ginn.

D'Gerechtegkeet ass net limitéiert, net begrenzt; et ass eng universal Qualitéit. Si applizéiert sech un all Niveaue vun eiser Gesellschaft. D'Gerechtegkeet muss als helleg ugesi ginn, an d'Rechter vu jidderengem mussen

respektéiert a gesécher sinn. D'Gesetzer vun der Gesellschaft mussen sou formuléiert sinn a mussen esou applizéiert an ugewannt ginn, dass et enger Minoritéit net méiglech ass onwahrscheinleche Räichtum opzekéipen an ëmmer an ëmmer méi räich ze ginn an dass anerer awer och glat a guer nâischt hunn. Ënnert de Léiere vu Bahá'u'lláh fënnt een d'Ofschaffung vun extremem Räichtum an extremer Aarmut.

Jidder Eenzelnen an der Gesellschaft muss kennen Notzen zéie vun den Avantagë vun eiser Zivilisatioun, well all Eenzelnen ass jo e Stéck vum Kierper vun der Mënschheet. Wann et engem vun de Kierperdeeler schlecht geet, müssen déi aner Kierperdeeler noutgedrungen och iergendwann eng Kéier leiden. Mee hautdésdaags, wou et un harmoniéise Relatiounen feelt, ass et esou dass verschidde Leit an eiser Gesellschaft an engem ongeheiere Wuelstand liewen, mat deem gréisste Luxus, während deems anerer net genuch ze iessen hunn a mol keen Dag iwwer dem Kapp hunn. Déi néideg Reziprozitéit an déi néideg Symetrie feelen an eiser haiteger Gesellschaft, si ass an deem Punkt net gutt organiséiert. Déi eng kréien nëmme a ginn nâischt an déi aner ginn oft vill ouni dat néidegt zrëck ze kréien. Mir brauche Gesetzer a Prinzipien déi d'Gléck an de Wuelstand vun alle Membre vun der mënschlecher Famill assuréieren.

D'Gerechtkeet berout op den zwee Stäiler vun der Belounung an der Bestrafung. D'Leit sinn encouragéiert gerecht ze sinn aus der Hoffnung no Belounung an der Angscht vun der Bestrafung. Dës zwee Gefiller sinn indispensable fir d'Oppressioun ze vermeiden. D'Legislateuren an d'Administrateurs vun de Gesetzer mussen sech bewusst sinn dass hir Entscheidungen och spirituellt, geeschteg Konsequenzen hunn. Wann e Staatsbeamte versteet dass hie Râcheschaft muss ofleeë fir dat wat he mécht, an dat iwwer dëst Liewen hei eraus, dann ass hien ermuddegt op eng gerecht Manéier ze handeln. De Patron dee weess dass seng Entscheidungen mat der Wo vun der göttlecher Gerechtkeet gewie ginn, probéiert sécher all Oppressioun ze vermeiden.³⁴

Ofschléissend dës Wieder aus de Bahá'í Schrëften zum Thema Gerechtkeet: „*O Jong vum Geescht! A Mengen Aen, wat Ech vun Allem am léifsten hunn ass d'Gerechtkeet; schwäif net dovun of wann s du Mech wëlls a vernoléisseg si net, sou dass Ech Mech dir uvertraue kann. Mat hirer Hëllef wäerts du mat dengem eegenen Ae gesinn, an net duerch déi vun aneren, a wäerts duerch deng eegen Erkenntnis wëssen an net duerch d'Wësse vun dengem Noper. Iwwerlee der an dengem Häerz wéi s de solls sinn. A Wierklechkeet ass d'Gerechtkeet Mäi Cadeau fir dech an d'Zeeche vu Menger zaarter Gnod. Hal der dat virun Aen.*“

194 Eenheet

Sendung 194, 16ten a 17te Januar 2004. Gëtt et am Bahá'í Glawen e Prinzip wat méi wesentlech, méi wichteg ass wéi d'Prinzip vun der Eenheet vun der mënschlecher Rass? Neen, wuel kaum. Mee wat heescht dat d'Eenheet a virun allem wat kënne mer zur Eenheet ënnert de Leit an de Vëlker bäidroen?

Fir d'éischt emol soll een Eenheet net mat Uniformitéit verwiesselen. E Gaart an deem all d'Planzen déi selwecht Form an déi nämlecht Faarf hunn ass sécher net immens schéin. Mee e Gaart an deem et vill ënnerschiedlech Blumme ginn, mat ville Faarwen an a verschidde Gréissten ass eng Freed fir d'A. Et ass genee dës freeleche Kontrast deen engem Gaart seng Schéinheet a säi Charme gëtt. An obwuel all Blumm a Planz anescht ass, gëtt jiddereng vum selwechte Reen erfrëscht a kritt hir Hëtzt vun der selwechter Sonn. A genee sou ass et och mat eis Mënschen. Mir setzen eis zesummen aus verschiddene Rassen a Faarwen. Mee mir sinn all erschaf vum selwechten Herrgott, mir hunn dee gläichen Ursprung. D'Diversitéit, de Räichtum u Villfalt an eiser mënschlecher Famill soll dach d'Ursaach vun der Léift an Harmonie sinn, wéi an der Musek; verschidden Nouten an Téin setzen sech zesumme fir e perfekte Accord ze produzéieren.

Eis Existenz verlaangt Eenheet. Eenheet ass wesentlech. D'Quell selwer vum Liewen ass Léift. An eiser materieller Welt ass d'Existenz vun alle Saachen ofhängeg vun der Eenheet. Hir Atomer sinn zesummegehalen duerch d'Gesetz vun der Unzéiung. An der Form vun enger schéiner Blumm zum Beispill fënnt een d'Gesetz vun der Unzéiung. Mee wann dës Unzéiung neméi do ass, stierft d'Blumm. A sou ass natierlech mat allem wat existéiert a besonnesch beim Mënsch. D'Unzéiung, d'Harmonie an d'Eenheet si Kräfte déi d'Mënschheet um Liewe behalen.

Bahá'u'lláh, Begrënner vum Bahá'í Glawen huet e Plang entworfen, deen et erlaabt d'Mënschen alleguer op der Welt ze vereenen. Mir müssen eis voll a ganz engagéieren déi Leit ronderëm eis an dës Kreesen vun der Eenheet ze invitéieren. Egal weem mer och begéinen, duerfe mer et ni erlaben, dass eis Ënnerscheeder eng Barrière tëschent eis ginn. Am Contraire, eis Ënnerscheeder sollen eng Ursaach vu Freed an Interesse ginn.³⁵

D'ganz Schwierigkeet läit doranner, vir an deem aneren dat Beschte ze gesinn a sech net mat senger Feeler ze beschäftegen. Wa mer dat maachen, gesinn déi aner och éischter eis gutt Säiten. Schlecht iwwer aner Leit schwätzen ass wahrscheinlech eng vun de gréissten Ursaachen vu Sträit, Mëssverständnesen a Mësstrauen. Eppes guddes bei egal weem entdecken ass eng vun de schéinsten Entdeckungen, déi mer iwwerhaupt maache kënnen. An domat maache mer och schonn e wichtige Beitrag zur Eenheet. An dat an eiser Famill, eisem Bekantekrees, an eisem Duerf an doriwwer ewech.

Wat mer nach entdecke mussen ass einfach ze gesinn, wéi staark d'Luucht vun der Eenheet ass, sou staark dass dës Luucht d'ganz Welt erliichte kann.

195 Erzéiung³⁶

Sendung 195. Wann ee wëllt e puer vun de wesentleche Bahá'í Prinzipie presentéieren, kënnst een net laanscht d'Thema Erzéiung. An zwar Erzéiung fir jiddereen. An dorop huet Bahá'u'lláh besonnesch insistéiert. Eng universal Erzéiung heescht net déi selwecht Erzéiung fir jiddereen op der ganzer Welt. Et geet drëm d'Erzéiung iwwerall ze fërderen an et ass dat speziell an eiser haiteger Zäit dréngend noutwendeg. Keng Natioun op der Welt ka wierkleche Wuelstand hunn ouni sech vill Zäit fir d'Erzéiung ze huelen. Déi éischt Ursaach vum Ënnergank vun engem Vollek ass d'Ignoranz, d'Netwëssen. D'Erzéiung gëtt der Regierung an hire Bierger Eier, Wuelstand, Onofhängegkeet a Fräiheet.

Erzéiung muss sécher am ganz jonkem Alter ufänken. Et ass d'Aufgab vum Papp an der Mamm mat alle Mëttelen ze versichen hir Kanner ze erzéien, hir Charakteren ze raffinéieren an ze verfeinere, an dat an Harmonie mat de geeschtegen a moralesche Gesetzer. An d'Eltere sollen hir Kanner an de Kënschten a Wëssenschaften erzéien. D'Mamm ass déi éischt Erzéierin vun der mënschlecher Rass; si kuckt nom Kand a niert et un der Broscht vum Wëssen. All Kand brauch eng Erzéiung a muss eng Erzéiung kréien; et ass net eppes wat ee ka vernoléisegen. Wann d'Eltere kënnen d'Käschte vun der Erzéiung droen, sollen se et maachen. Soss muss d'Gemeinschaft déi néideg Mëttele virgesinn fir dem Kand eng gutt Erzéiung ze ginn.

A wat soll d'Erzéiung bewierken? Si soll an all Mënsch e Verlaangen ureegen oder stimuléieren, fir Exzellenz ze erreechen, fir dat Bescht wëllen ze maachen, en Drang dat wat ee mécht sou gutt wéi méiglech ze man. De Mënsch soll en Duuscht entwécklen fir mënschlech Perfektioun an dësem Duuscht mat all senger Leidenschaft nogoen. Hie muss no Geeschtegkeet striewen an den Dugende wéi Eierlechkeet, Loyalitéit, Déngscht un der Mënschheet, Léift a Gerechtegkeet. Hie soll versichen sech auszezeechnen duerch seng Bestriewungen an Efforten, Friden an Eenheet ze fërderen a Kenntnisser ze vermëttelen. Anere Leit op dësem Wee hëllefen ass déi wierklech Funktioun vun Erzéiung.

Et ginn eng ganz Rei vun Themen, wou ee kann iwwer d'Erzéiung schwätzen. Ech denken do emol an éischter Linn un d'Erzéiung vun de Kanner, awer och de soziale Fortschrëtt, d'Kraaft vun der Wëssenschaft ass sécher e ganz aktuell d'Thema, nämlech eise Schoulsystem. Déi aner Fro iwwer déi ee kann nodenken ass déi hei: Wéi stellt der iech vir, Erzéiung ënnert Milliarde vu Mënschen, déi haut op der Äerd wunnen, ze generaliséieren, en allgemenge Curriculum auszeschaffen? Ass dat och wëschenswäert?

Ofschléissend nach e puer Zitater aus de Bahá'í Schrëften, déi zum weidere Nodenken ureege sollen. „*Et ass net wëschenswäert dass e Mënsch keng Kenntnisser a kee Beruff huet, well dann ass wéi e Bam ouni Friichten.*“

„*Dass äre Geescht an äre Wëlle sech der Erzéiung vun de Vëlker an de Stämm vun der Äerd widmen.*“

„*D'Kënschten, d'Handwierker an d'Wëssenschaften erhiewen d'Welt vun der Existenz an droen derzou bäi, si ze valoriséieren, hir e Wäert ze ginn. Wësse kann ee mat engem Puer Flilleken am Liewe vum Mënsch vergläichen an eng Lieder mat där hien eropklamme kann.*“

„*A Wierklechkeet, ass Wëssen e richtege Schatz, en Tresor fir de Mënsch an eng Quell vun Eier, vu Gnod, vu Freed, vu Begeeschterung, vu Courage a vu Gléck fir hien.*“

Iech léif Radio Ara Nolauschterer e schéinen erhuelsame Weekend, äre Jean-Marie.

196 D'Maturitéit vun der Mënschheet³⁷

Sendung 196, 30te Januar 2004. All Mënsch op dëser Welt, vu senger Gebuert bis zu sengem Doud, geet duerch eng Rei vun Etappen. All Etapp huet seng spezifesch Bedingungen an Ufuerderungen. Am Liewe vun engem Mënsch, sinn dës Konditiounen an Exigencë vun der Kandheet, der Jugend an dem Erwuessesinn net déi selwecht. All Etapp brauch hir Zäit a bereet eis op déi nächst Etapp vir. Mir léieren eis Fäegkeeten ze entwécklen a mir gi méi intelligent.

An esou wéi de Mënsch a sengem Liewen duerch eng Rei Etappe geet a bäiléiert a sech entwéckelt, geneesou ginn et och Etappen am kollektive Liewe vun der Mënschheet. Am Moment, si mer als Mënschheet amgaangen, eis Kandheet hannert eis ze loossen. Mir kommen esou lues an d'Period vum Erwuessesinn, eng Zäit op déi mer scho laang waarden. Dat wat mer haut brauchen entsprécht net deem wat mer als Kand gebraucht hunn. Mir wëllen aner Saache. Mir verlaangen no deem wat en Erwuessene verlaangt.

Vu wou een och ëmmer kuckt, stellt ee fest, dass mir als Mënschheet e revolutionäre Ëmännerungsprozess matgemaach hunn, sief dat am Beräich vun der Politik, dem Gesetz, der Wëssenschaft oder an der Industrie. Eis ethesch Kriterien, eis moralesch Wäerter an eis Liewensaartaweis vu fréier sinn eiser haiteger Zäit neméi ugepasst, si si neméi adequat; an dat an enger Zäit déi markéiert ass vum Fortschrétt.

Wa mer dës Etappen an dës Entwécklung beim Mënsch feststellen, a bei der Mënschheet als e Ganzt, liewe mer haut och an enger Zäit vun Erwuessesinn a Reform vun der Relioun. D'Bigoterie a sech wëllen dogmatesch un déi fräi Glawensrichtunge festklammern sinn haut d'Ursaach vu grousser Feindséilegkeet. Einfach wëlle maache wéi ëmmer, wéi fréier; d'Imitatiounen vun der Vergaangenheet mussen Plaz maache fir göttlech Léieren déi offenbaart goufen fir d'Mënschheet an eisem Zäitalter ze avancéieren, widerzebréngen. Dës Reform an dës Erneuerung vun der fundamentaler Realitéit vun der Relioun ass dee wierkleche Geescht vum Modernismus, et ass dat kloert Liicht vun der Welt an déi göttlech Medezin fir all d'Boboen an Iwwelen vun der Welt.

Dass dës d'Thema vun Aktualitéit ass, schénkt engem kloer ze sinn. Et mierkt een dat wann ee sech fir d'Geschicht interesséiert, oder d'modern Literatur. Et ass och vu gréisster Bedeitung wann een interesséiert ass wat mat eis an Zukunft geschéie wäert an net zu gudder Lescht ass dës d'Thema am Mëttelpunkt vun der d'Tatsaach dass eis haiteg Gesellschaft sech an engem groussen Duerchernee befënnt.

Ofschléissend e puer Passagen aus de Bahá'í Schrëften zum Thema: *« All Zäitalter huet säin eegene Problem, all Séil seng eege Bestriewung. D'Heelmëttel wat fir d'Problemer vum haitegen Dag gutt ass an Hëllef kann, kann net datselwecht sinn fir d'Iwwelë vun engem spéideren Zäitalter. »*

« Beschäftegt iech mat Suerg iwwer d'Besoie vun der Zäit an där dir leeft an dass all är Berodungen sech domat ausenanner setze wat dës Zäit erfuerdert a verlaangt. »

« Eng ganz nei Liewenskraaft beliefs an dësem Moment d'Vëlker vun der ganzer Äerd, awer kee Mënsch huet d'Ursaach dovun entdeckt oder de Grund dofir ernuecht geholl. » Iech Radio ARA Nolauschterer dee beschte Weekend, a bis d'nächst Woch.

197 Léift³⁸

Sendung 197, 6ten a 7te Februar 2004. Bal dräidausendmol fënnt een d'Wuert Léift an de Bahá'í Schrëften, wann een eng Recherche um Computer nom Wuert mécht. D'Léift huet och eng grouss Plaz an eise Lidder an Texter déi mer héieren a sangen. A vill grouss Filmer a Bicher kënnt d'Thema vun der Léift ëmmer nees erëm.

D'nächst Woch, de 14te Februar ass Valentinsdag a fir d'Geschäfte eng weider Méiglechkeet e puer Su ze verdéngen. Rout ass eng Faarf déi dacks mat der Léift verbonne gëtt. D'Léift zu enger Saach, zu sengem Museksveräin, d'Léift zu senger Kanner, sengen Elteren a sengem Partner. Wann ech u Léift denke froen ech mech: Wat ass da Léift? Wéi dréckt d'Léift sech a mengem Alldag aus? Kann ech vu Léift schwätzen zu enger Saach, enger Persoun, enger Relioun, wann dat Gefill, dat Bewosstsinn, deen ënneren Drang, déi Passioun sech net op iergendeng Manéier ausdréckt. Ech kann all déi Léift déi a mer ass net einfach a mir behalen. Soss nützt se jo kengem eppes. Ech vergläichen d'Léift emol einfach mat Sport. Wann ech gär fit ginn, muss ech fir d'éischt Kraaft an Energie iewechginn, lafen, turnen a sou weider. Wann ech gär Léift kréie wëll, muss ech dann net och fir d'éischt Léift ginn, ier ech der kréie kann. Ech denken dass d'Léift eng mysteriéis Saach ass. Esou vill Saache kënne mer einfach net verstoen. Just versichen, der Wourecht e bësse méi no ze kommen. Dofir probéieren ech an dëser Emissioun einfach iwwer e puer Eegeschafte vun der Léift ze schwätzen. Fir se einfach e bësse besser an de Grëff ze kréien.

Wéi oft sinn ech vun eppes ugezunn a soen dass ech et gär hunn. An der Koppel denken ech dass d'Léift fir d'éischt eng Unzéiung ass, et begéint ee sech, et verléift ee sech an dann, an da kënnt dee brennende Punkt. Wéi geet et weider? Op deem Punkt ginn d'Meenungen auseneen. Wat geschitt mat der Léift? Déi éischt Léift verännert sech an d'Koppel schafft un hirer Léift, d'Koppel ass amgaangen eppes opzebaue mat dëser Léift. An d'Léift ass den Zement an d'Fundament vun dëser Konstruktioun. An dofir brauch ee Wëllen. Et muss e wëllen zesummen eppes opbauen; eng Famill, en Heem schafen. An do kann ee soen dass d'Léift sech léiert. An an der Frëndschaft brauch een och eng Partie Léift an e puer wesentlech Dugenden. Sou zum Beispill Héiflechkeet, Éierlechkeet, Matgefill a Verständnes. An alles dat léiert sech. Doheem an an der Schoul.

A wann ee vu Léift schwätzt, ass een och séier beim Thema Häerz, dat wat eis wierklech usprécht, déi Plaz déi eis am déifste beréiert. 'Abdu'l-Bahá seet: „ Et geet net domat duer, iech duerch Wieder eleng Frëndschaft ze weisen, loosst är Häerzer a léiwer Frëndlechkeet fir all opléien, déi äre Wee kräizen.“ A weider seet 'Abdu'l-Bahá: „Léift ass den Hauch vum hellege Geescht am Häerz vum Mënsch“. Heescht dat net dass d'Léift also vum göttlechen hirkënnt. Ass dat och net eng vun den Aufgabe vun der Relioun, dass si eist d'Liewe mat Léift erfëlle kann, sou dass mir et mat eise Matmënschen deele kënne an déi Léift déi an eis ass, weiderginn. Well et ass jo virun allem wa mer déi Léift déi an eis ass, weiderginn a matginn, dass mir se selwer an eis spieren.

Ass do net e wesentleche Punkt, deen eis hëllef kann, eis Relioun besser ze verstoen. Wa mer se mat der Léift verbannen. Dann ass et d'Wuert vu Gott, dat schépferscht Wuert vu Gott, mat all senger Kraaft, dat eppes an eis ausléist wat immens ass. Et ass net nëmmen eist Bestriewen als Mënsch sou richtig wéi méiglech ze liewen, wat eis weiderbréngt, mee virun allem wann eist Bestriewe sech inspiréiert vum Wuert Gottes, vun den hellege Schrëfte vun all de grouse Reliounen. Et ass vläicht dann, wou mer der Léift am nootste kommen.

An zum Thema Léift luet d'Bahá'í Gemeng vu Steesel iech op en Owend zum Thema Léift an, an dat e Freideg den Owend, den 13ten um 7 Auer bei der Famill Nau. Mellet iech am beschten un iwwer den Telefon 091 334210, wéi gesot zu Steesel bei der Famill Nau. Iech alleguer e wonnerschéine Weekend.

198 Buchvirstellung: D'Bahá'í Welt 2002-2003

Sendung 198, 13ten a 14te Februar 2004. Fir all déi, déi sech gär e gutt Bild iwwer d'Bahá'í Relioun an der Welt maachen, ass en neit Buch eraus mam Titel: *d'Bahá'í Welt 2002-2003*. D'Buch huet 316 Säiten an ass fir all geduecht, déi Referenze sichen, déi eng Recherche am Beräich vun der Relioun maachen, et ass fir Institutionen an der Erziéung, fir Regierungen, fir d'Medien an all Assoziatiounen eng wäertvoll Hëllef. A fir eis Radio ARA Nolauschterer hu mir eng Kopie ze verschenken. Et geet duer vir eis um Radio unzeruffen oder direkt bei mir, no der Sendung.

Et fënnt een am Buch ganz verschidde Saachen. Sou zum Beispill de kompletten Text vum héchste Bahá'í Gremium adresséiert un déi reliéis Leaderen an der Welt a mat engem Rapport vun all de Reaktiounen.

D'Publikatioun: *D'Bahá'í Welt* gouf 1926 vum Hidder vum Bahá'í Glawe lancéiert. Et war deemools scho geplangt dës Serie dem grouse Publikum zougänglech ze man. Haut huet se natierlech faarweg Fotoe vun den Aktivitéiten an deene verschiddenen Deeler vun der Welt dran. Et kritt een am Buch e gudden Iwwerbléck vun all den Aktivitéite vun de Bahá'í Gemengen uechter d'Welt.

Wat ass nach alles am Buch? En Artikel iwwer déi nei Iwwersetzunge vun de Schrëfte vu Bahá'u'lláh, Begrënner vum Bahá'í Glawen; e Rapport iwwer d'Bedelegung vun der internationaler Bahá'í Gemeng um Weltsommet iwwer d'dauerhaft Entwécklung zu Johannesburg a Südafrika; den Text vun enger Deklaratioun: d'Relioun an d'Entwécklung op enger Kräizung vu Weeër: Konvergenz oder Divergenz? En Essai iwwer eis Verflechtungen a Verantwortungen am Opbau vun enger Weltzivilisatioun. Eng Bahá'í Perspektiv iwwer déi global AIDS-HIV Epidemie an en Artikel iwwer d'Roll vum Einzelnen an eiser Gesellschaft. Donieft kann een iwwer e puer vun den Entwécklungsprojete liesen, dorënner e Portrait vun APRODEPIT, enger Associatioun fir d'Promotion an d'Entwécklung vun der Pisciculture intégrée am Tschad.

Fir all déi Nolauschterer déi net regelméisseg eis Emissioun lauschteren, sief gesot dass de Bahá'í Glawen aus enger obskurer Bewegung am Mëttleren Orient zu der zweetmeescht verbreeter vun den onofhängege Reliounen gewuess ass. Et fënnt ee Leit vun iwwer 2100 ethnische Gruppen, Stämm a Rassen an ass domat zimlech sécher déi villsäitegste organiséiert Bewegung vu Leit déi et haut op eise Planéit gëtt. D'Eenheet vun dëser Gemeinschaft ass eng Erausforderung fir déi virherrschend Theroie iwwer d'Natur vum Mënsch an d'Aussichte fir eis gemeinsam Zukunft.

Den zentralen Thema vum Glawen ass dee vun der Eenheet. Hire Begrënner, Bahá'u'lláh léiert eis dass et nëmmen ee Gott gëtt, dass et nëmmen eng Mënschheet gëtt, an dass all d'Reliounen vun der Welt Etappe waren, an dat an der Offenbarung vun deem wat Gott de Mënsche soe wollt. Haut, ass d'Mënschheet erwuess ginn. „*D'Äerd ass nëmmen ee Land*“, seet Bahá'u'lláh, „*an d'Mënschen hir Bierger*“. D'Erviertriede vun der Bahá'í Gemeng stellt iwwerzeegend Beweiser duer dass d'mënschlech Rass, an all hirer Diversitéit, léiere kann zesummen ze liewen an ze schaffen an hirem Heemechtsland, dem Planéit.

Dëst Buch, d'Bahá'í Welt wat elo zënter 1926 all puer Joer erauskënnt, ass déi wesentlech ëffentlech Opzeechnung vum Wuesstum an der Entwécklung vum Bahá'í Glawen. Wéi gesot an all Band fënnt ee wichteg Dokumenter a statistesch Donnéeën an aner Informatiounen iwwer de wäitgefechte Programm vun Aktivitéite vum Bahá'í Glawen. Fir de Lieser stellt den dramatesche Wuesstum vum Glawen nei an interessant Froen iwwer d'Roll vun der Relioun an der Entwécklung vun eiser Gesellschaft. Dëst Band besteet virun allem fir ze hëllefen dës Froen ze beäntweren. Wéi gesot, e Band, d'Bahá'í Welt 2002-2003 waart hei op den éischte Radio ARA Nolauschterer, dee mir elo urifft, am beschten um 091 334210. Iech alleguer e schéine Weekend a bis d'nächst Woch.

199 D'Bahá'í Wanterschoul zu Bollendorf

199t Sendung, 20ten an 21te Februar 2004. Wann dir tëschent all de Fuesbaler dëse Weekend nach Zäit fannt fir iech e bëssen ze erhuelen, kann ech iech e puer gemittlech Stonnen ubidden, an dat an der Bahá'í Wanterschoul zu Bollendorf, an der Jugendherberg, just hannert Iechternach. Dës Invitatioun ass fir d'ganz Famill geduecht. Fir déi

Grouss ginn et Virträg an et kann ee matschwätzen. Fir déi Kleng ginn et flott a kreativ Aktivitéiten de ganzen Dag iwwer. Et ass kloer, dass zesumme giess gëtt an dass een nei Leit ka kenneléieren, an dat op eng gemittlech Aart a Weis, fräi vun Alkohol. Duerch de Weekend féieren eis den Dr Moojan Momen aus England an den Här Kambiz Poostchi aus Éisterräich. Fir eng däitsch Iwwersetzung aus dem Engleschen ass gesuergt.

Den Dr Momen interesséiert sech fir wëssenschaftlech Recherchen iwwer Relioun am allgemengen an iwwer de Bahá'í Glawen. Hien huet eng Rei Bicher iwwer d'Bahá'í Geschicht geschriwwen an iwwer zwanzeg Artikele fir eng Bahá'í Enzyklopedie. Doriwwer eraus interesséiert hie sech fir den Hinduismus par Rapport zum Bahá'í Glawen. Zesumme mat senger Fra, dem Wendi Momen, wat iwweregens aktiv als Soroptimist ass, hu si eng flott Internetsäit, wou dir nach vill Informatiounen fannt. Maacht am beschten eng Recherche ënnert Momen a Bahá'í.

Den Här Kambiz Poostchi kënnt aus Éisterräich. Hien ass Architekt a Liewens- a Sozialberoder. E ganz waarme Mënsch, deem säin neit Buch: *Goldene Äpfel, Spiegelbilder des Lebens* ech hei op dëser Plaz scho virgestallt hunn. Hie wäert och méi Zäit mat de Kanner an de Jugendlecher verbréngen. Et wier wierklech schéi wann dir Zäit hätt dëse Weekend bis op Bollendorf ze kommen. Dir kënnt einfach kommen, eng Taass Kaffi drénken an e bëssen ernalauschteren. Fir iech e bëssen Appetit ze man, hunn ech e puer Geschichten aus sengem Buch matbruecht.

Fir d'Kanner ass och gesuecht an do hu mer d'Famill Schwanenengel, de Fernand Schaber, d'Margarit Molaian an d'Jeannette Kaber, déi e flotte Programm zesummegestallt hunn. Dir hutt och d'Méiglechkeet an der Jugendherberg ze schlofen. Da rufft der am beschten direkt zu Bollendorf un.

Den Dr. Momen schwätzt iwwer d'Bahá'í Gemeng an d'Gesellschaft am Wandel vun der Zäit an den Här Poostchi iwwer de Prozess vun der Vergeeschtegung a seng Uwendung am deegleche Liewen. Wéi gesot dir kënnt komme vu Freides owes bis Méindes Mëttes. Fir Iessen an Drénken ass gesuecht.

An elo e bëssen iwwer dat neit Buch vum Kambiz Poostchi: *Gëllen Äpfel, Spiegelbilder vum Liewen*. D'Buch ass eng Sammlung vu Geschichten, Gedichter a Wuertspiller. Et huet sechs Deeler, ugefaang mat der Jugend an dem Alter an aner Saachen déi eist d'Liewe bestëmmen. Dann en Deel iwwer Wäisheeten, Dreem an Ziler an anere perséinleche Saachen. Duerno en Deel iwwer d'Laachen, d'Gléck an d'Freed an aner Saachen déi eis erhiewen. Als véierten Deel hu mer d'Sichen, d'Léieren, d'Wuessen an aner verdéiwend Saachen. Bal zum Schluss dann iwwer friem Leit, Frënn, d'Gemeinschaft, een deen anere begéinen an aner Saachen déi eis matenee verbannen an zum Schluss da Wäisheeten a Spréch, Gedichter a Gedankesplitter an aner besënnlech Saachen. An eisem Liewen hale mir eis also mat Saachen op, déi eist d'Liewe bestëmmen, Saachen déi eist d'Liewen erhiewen, Saachen déi eist d'Liewe verdéiwen, eist d'Liewe méi räich maachen, Saachen déi eis matenee verbannen a Saachen déi eis zum Nodenken ureegen.

Iwwer d'Paradis soen d'Bahá'í Schrëften: „*Wann s du der e Palast am Paradis wënschs, da maach däin Doheem zu enger Plaz wou d'Frënn sech begéine kënnen.*“¹

„*Kreativitéit ass d'Fäegkeet, aus bekannten Informatiounen nei Kombinatiounen ze man.*“

De Biolog Edwin Conklin sot d'Entstehung vum Liewen op der Äerd mam Zoufall wëllen ze erklären heescht sech vun der Explosioun vun enger Dréckerei d'Zustanekomme vun engem Lexikon ze erwaarden.

En däitscht Spréchwuert seet: „*Waart ni bis de Zäit hues.*“

Den Churchill huet gesot: „*Et muss ee Gefalle fannen un deem wat ee mécht. Et huet kee Sënn, nëmmen dat ze man, wat engem gefällt.*“

De Gotthold Ephraim Lessing schreift: „*Dee Luesten, dee säin Zil net aus den Ae verléiert, geet ëmmer nach méi séier wéi deen, deen ouni Zil doruechter rennt.*“

Den Einstein sot: „*Deen, dee sech neméi wonnere kann, ass séilesch schonn dout.*“

A vläicht nach dëse Satz vum Khalil Gibran, iwwer dat wat mer wëlle gesinn. Hie schreift a sengem Buch *Der Prophet*: „*D'Eil, dären hir Aen, déi sech op d'Nuecht beschränken, am Dag erblannen, kann net dat hellegt Geheimnis vum Liicht entschleieren.*“

200 D'Roll vun der Fra

200t Sendung, 27ten an 28te Februar 2004. An de Bahá'í Schrëfte fanne mer eng ganz Rei vun Texter zu der Stellung vun der Fra am Bahá'í Glawen. Hei elo e puer ausgewielten Texter aus enger Zesummestellung vum Département de Recherche vum héchste Gremium an dem Buch: *La grandeur qui pourrait être la leur*,

¹ S.175, *Goldene Äpfel*, Kambiz Poostchi, Horizonte Verlag

Reflexiounen iwwer konkret Aktiounen vum der véierter Weltkonferenz vum de Vereenten Natiounen iwwer d'Fraen, 1995 zu Beijing a China.

'Abdu'l-Bahá schreift: „Den Zäitgeescht wëllt, dass d'Frae Progrès maachen an hir Missioun an alle Spaarte vum Liewen erfëllen, an esou gläich gi mat de Männer. Si musse gläich sinn an vun de selwechte Rechter profitéieren. Dat ass mäin éierlecht Gebiet an ee vun de grousser Prinzipie vu Bahá'u'lláh.“

Weider seet hien: „D'Mënschheet kritt Zougank zum Gléck wann d'Fra an de Mann hir Beméiungen koordinéieren an op gläichem Fouss Progrès maachen, well jiddereen ass d'Ergänzung an de Begleeder vum aneren.“

„Soubal d'Frae voll a ganz a gläichberechtigt mat de Männer d'Affairë vun der Welt matgestalten, soubal se zouversiichtlech a kompetent déi grouss Arena vum Recht an der Politik betrieden, wäerten d'Kricher ophalen.“

„Fréier gouff d'Welt vun der Kraaft regéiert ... mee d'Gewicht verleet sech schonn; d'Kraaft verléiert vu senger Stellung, an d'Flénckheet vum Geescht, d'Intuitioun an déi geeschteg Qualitéite vun der Léift a sech kënnen enger Saach ganz higin, all dës Saachent déi d'Fra charakteriséieren, kréien ëmmer méi Gewiicht.“

„Wéi de Vull brauch d'Mënschheet zwee Flilleken, deen ee männlech, deen anere weiblech. Wann déi zwee Flilleken net déi gläich Stärkt hunn an net vun enger gemeinsamer Kraaft gedriwwen sinn, kann de Vull net an den Himmel fléien.“

„Soulaang eng wierklech Gläichheet tëschent Männer a Fraen net voll a ganz realiséiert ass, kann d'Mënschheet op keng Manéier hiren héchste Grad vu sozialer Entwécklung erreechen.“¹

„... Et duerf keen Ënnerschied tëschent der Erzéiung vun engem Jong an engem Meedche ginn, ... A fréieren Zäiten war d'Mënschheet net perfekt an net efficace well se net vollstänneg war. De Krich an hir Verwüstungen hunn d'Welt verdonkelt; d'Erzéiung vun der Fra ass e grousser Schrëtt no fir fir de Krich ofzeschaffen well d'Fra wäert all hiren Afloss géint de Krich benotzen. D'Fra erzitt d'Kand an déi Jugendlech bis dass si Erwuesse sinn. Si wäert sech weigere hir Kanner als Sacrifice an de Krich ze ginn. A Wierklechkeet, wäert si dee gréisste Facteur sinn fir universelle Friden an internationalen Arbitrage. D'Fra wäert sécher d'Kricher ënnert der mënschlecher Rass ofschafen.“²

Souwäit e puer Zitater aus de Bahá'í Schrëften zu der Roll vun der Fra an eiser Gesellschaft an hire Bäitrag zum Friden. Interessant ass et feststellen, dass dës Wieder méi wéi honnert Joer al sinn an das haut op deene Plaze wou Konflikter op der Welt sinn, d'Fra meeschtens ganz wéineg Erzéiung krut an esou och bal keen Afloss an der Politik huet.

Hei am Land ass et d'Union luxembourgeoise des femmes bahá'íes déi sech fir d'Chancegläichheet vun de Fraen setzt. Méi Informatiounen kritt dir vun der Madame Jutta Bayani um 312295.³ Zu Steesel invitéieren iech d'Famill Nau op en Owend iwwer d'Fra, an dat de 5te Mäerz. Fir eng Invitatioun loosst hinnen einfach e Message um 334210.

201 Den Europäesche Bahá'í Business Forum

201t Sendung, 5ten a 6te Mäerz 2004. D'Rubrik vun de lëtzebuerger Bahá'í. Haut mat engem Interview mam Serge Thill iwwer eng nei Associatioun zu Lëtzebuerg, den europäesche Bahá'í Business Forum. Um Mikro de Jean-Marie Nau.

202 Fraepäis fir d'Bani Dugal, Bahá'í Vertriederin vun der Bahá'í International Community bei der UNO

202t Sendung, 12ten an 13te Mäerz 2004. D'Hauptvertriederin vun der internationaler Bahá'í Gemeng bei de Vereenten Natiounen, d'Madame Bani Dugal, krut de Präis *Fraen hëllef Fraen*, an dat vun der internationaler Fraenorganisatioun Soroptomist. Dës Organisatioun ass och zu Lëtzebuerg vertrueden a steet ënnert dem Haut Patronage vun hirer Altesse Royale d'Grande-Duchesse Maria Theresa. Dës Präis kout an de leschte Woche

¹ La grandeur qui pourrait être la leur, Introduction, 1995, BIC

² 'Abdu'l-Bahá, The Promulgation of Universal Peace, p.108

³ Fondée en 1986, elle fut constituée en asbl en 1991. Ses membres viennent d'une grande diversité de milieux culturels et de couches sociales. Son but est de promouvoir l'égalité de chances des femmes à tous les niveaux de la société et de les encourager à développer leurs facultés intellectuelles, matérielles et spirituelles. Pour atteindre ce but, elle organise périodiquement, seule ou avec d'autres organisations féminines, des conférences, des ateliers de travail, des activités culturelles etc., qui sont également ouverts aux hommes. Elle participe de même aux débats d'orientation sur des questions touchant l'intérêt des femmes qui sont organisés par le Parlement luxembourgeois.

virum internationale Fraen Dag, den 8te Mäerz, eng Geleeënheet, déi vu ville Bahá'í Gemengen uechtert d'Welt beuecht gëtt.

De Präis *Fraen hëllef Fraen* ass ee vun dräi Präisser vum Programm: *En Ënnerscheed fir Frae maachen*, 1986 vun de Soroptimisten etabléiert fir d'Aarbecht vun deenen unzekerken, déi fir d'Verbesserung vum Statut vun de Fraen an der Gesellschaft schaffen. *Soroptimist International* ass eng Fraenorganisatioun déi et scho 70 Joer gëtt, a wéi gesot, bei eis am Land ginn et si schonn eng etlech Joeren.

Iwwer d'Bani Dugal, déi de Präis krut, seet d'Presidentin vun der Präiszereomie: *“Hir Sensibilitéit an hiren Erfolleg bei Gender- an interkulturelle Relatiounen sinn am Zentrum vun hirem Fäegkeet, net nëmmen als eng Fra déi Fraen hëllef, mee si hëllef och Fraen, an zesummenaarbecht, dass si aner Fraen hëllef.”*

D'Madame Dugal gouf och viru kuerzem zur Presidentin vum ONG Comité vum Status vun de Frae bei de Vereenten Natiounen gewielt, an dës weist hiert diplomatescht Verhale wat déif an hirem Séil läit.

Dëse Präis ass fir Fraen, déi bestänneg an op eng efficace Manéier hir Ressource benotzen, hir Talenter an hiren Afloss, fir aner Fraen ze hëllefen hiert d'Potential ze erreechen.

Bei der Präisiwwerreechung huet d'Madame Dugal hire Präis akzeptéiert, an zwar am Numm vun all de Fraen an der Welt déi dofir schaffen een deem aneren ze hëllefen, virunzekommen an deesewechte Status mat de Männer ze genéissen. Si sot wéi wichteg et ass déi international Mechanisme vun de Mënscherechter ze benotzen, fir Fraen an hirem Weiderkommen ze hëllefen. *„Vill Frae kennen hir Rechter net, an anerer mengen dës Rechter wieren abstrakt an onerreechbar,”* sot d'Madame Dugal. *„Während Aktivismus an de leschte Joer de Fraerechter vill Opmierksamkeet ginn huet, ass elo d'Erausforderung fir dës Rechter méi zougänglech ze maachen, an deems d'Strategien an d'Verspriechen, déi d'Regierung gemaach hunn, elo implementéiert ginn.”* Fir d'Rechter vun de Fraen ze verbesseren, brauch een eng Erziéung déi Wäert drop leet, dass ee sech muss bewosst ginn, dass d'Interesse vun de Männer an de Jonge verbonne si mat deene vun de Fraen. En Zitat aus de Bahá'í Schrëften: *„Sou laang d'Fraen dru gehënnert ginn hir héchste Bestriewungen ze erreechen, sou laang wäerten d'Männer net kënnen déi Gréisst realisieren, déi hir kéint sinn.”*¹

„Eis Aufgab ass kloer,” sot d'Madame Dugal *„an zesummen, andeems mir een deem aneren hëllefen, kënnen mer eis Dreem fir eng besser Zukunft fir d'Fraen an d'Männer realisieren.”*

Dofir wëll ech gären all de Fraen hei zu Lëtzebuerg, déi sech fir gläich Rechter vu Fra a Mann asetzen, Merci soen, an och iech Radio ARA Nolauschterinnen, e wonnerschéine Weekend, äre Jean-Marie.

203 Peace Factory

203te Sendung 19ten an 20te Mäerz 2004. Dëser Deeg haten de Grupp AGIR, am Kader vum Festival de l'immigration um Lampertsbeierg, op en Diskussionsabend agelueden, fir iwwer d'Thema Erziéung zum Fridden ze schwätzen. Déi verschidde Reliounen, dorënner och de Bahá'í Glawen, hu sech kuerz virgestallt, an dat mat enger Auswiel vun Texter zum Thema Fridden. Et war guer net sou einfach ze héieren, wat dës Grupp AGIR dann eigentlech zesumme fir de Fridde konkret mécht. At ass éischter esou dass déi eenzel Reliounsgemeinschaften hei am Land ganz vill ënnert sech bleiwen. Ganz gutt war awer d'Iddi fir zwou Initiative fir de Fridden zu Lëtzebuerg ze invitéieren fir iwwer hire Projet ze schwätzen. Ech wëll haut kuerz ee sou e Projet virstellen: *D'Peace Factory*, e praktesche Laboratoire fir jonk Leit tëschent 12 a 15 Joer. ...

204 'Abdu'l-Bahá a seng Stellung am Bahá'í Glawen²

204te Sendung, 26ten a 27te Mäerz 2004. 'Abdu'l-Bahá ass e Personage deem eng eenzegaarteg Stellung an der Geschicht vun der Mënschheet huet. Keng aner Relioun virum Bahá'í Glawen hat eng Figur, deem ee ka mat 'Abdu'l-Bahá vergläichen. Dass Bahá'u'lláh d' Bahá'í Gemeng no sengem Doud ënnert dem Schutz vun 'Abdu'l-Bahá gesat huet, ass eng onbeschreiblech Gnod. Net nëmmen huet Bahá'u'lláh der Mënschheet eng sublim Offenbarung ginn, mee hien huet hir och säin eegene Jong ginn. An hie sot dass duerch säi Wëssen a seng Wäisheet, d'ganz Mënschheet géif erliicht ginn. Et ass schwéier fir eis och nëmmen eng Iddi vun der Gréisst vum Bahá'í Glawen ze maachen, ouni eis bewosst ze sinn, wéi eng eenzegaarteg Stellung 'Abdu'l-Bahá huet.

¹ "I quote from the Baha'i writings: 'As long as women are prevented from attaining their highest possibility, so long will men be unable to achieve the greatness which might be theirs.'"

Fir d'éischt emol ass 'Abdu'l-Bahá de Mëttelpunkt vum Bahá'u'lláh sengem Bündnes. D'Muecht vum dësem Bündnes vereent d'Bahá'í Gemeng a schützt se virun Attacken, géint eng Zerdeelung a géint d'Opléisung. Et ass d'Muecht vum Bündnes déi d'Victoire garantéiert.

Am Fong ass et d'Bündnes wat Bahá'u'lláh mat sengen Unhänger gemaach huet, dat vum eis all verlaangt, dass mir eist d'Häerz 'Abdu'l-Bahá zoudréien an Him voll a ganz trei sinn. 'Abdu'l-Bahá ass dëst Zentrum. An no Him, esou steet et a sengem Testament, ass et Shoghi Effendi, den Hidder vum der Saach Gottes, deen d'Zentrum ass, deem mir eis mussen zoudréien. Haut ass d'Zentrum vum Glawen d'Universaalt Haus vum der Gerechtegkeet, wat nom ausdrécklechen Uerder vu Bahá'u'lláh etabléiert gouf, a vu kloeren Uweisung vum 'Abdu'l-Bahá an dem Hidder.

Zweetens ass 'Abdu'l-Bahá den onfeelbaren Ausleeër, Porte-Parole an Interpret vu Bahá'u'lláh sengem Wuert. Sou grouss ass d'Offenbarung vu Bahá'u'lláh, sou déifgräifend sinn d'Bedeitung vum all deem wat Hie gesot huet, dass Hien et fir néideg fonnt huet, no Him en Interpret ze loossen, an deem Hie selwer géif inspiréieren. Am Laf vum de kommende Generatiounen, kann d'Mënschheet d'Léiere vu Bahá'u'lláh verstoen, an deems si d'Interpretatiounen vum 'Abdu'l-Bahá studéieren, déi Hien a senger Schrëfte ginn huet. No 'Abdu'l-Bahá ass den Hidder den Ausleeër vu Bahá'u'lláh senger Schrëften; a sengem Wierk gouf d'Aufgab vum der Ausleeung fäerdeg gemaach, a keen huet d'Autoritéit, d'Wierder vu Bahá'u'lláh während senger ganzer Zäit ze interpretéieren.

Mir müssen eis bewosst sinn, dass doduerch dass Bahá'u'lláh eis no Him en Ausleeër vu senger Schrëfte gelooss huet, eng Persoun déi hie selwer genannt huet, dass Hien doduerch der Bahá'í Gemeng en immensen Dénsgscht erweisen huet. Fréier gouf all Relioun an eng selleche Sekte gedeelt, an dat well et un enger Autoritéit gefeelt huet, zu där all déi Gleeweg sech riichte konnten, wa si sech net eens waren iwwer d'Bedeitung vu Passagen aus hiren hellege Bicher. An dëser Zäit dogéint, wann et eng Onsécherheet iwwer d'Bedeitung vum Texter vu Bahá'u'lláh gëtt, dréint jidderee sech zu den Interpretatiounen vum 'Abdu'l-Bahá a vum Hidder. Wann dann nach en Zweifel besteet, kann ee sech un d'Universaalt Haus vum der Gerechtegkeet riichten, fir Kloeerheet ze kréien. Domat bleift also keng Plaz méi fir sech iwwer de Sënn vum de Léieren ze streiden an d'Eenheet vum Glawe gëtt geschützt.

An drëttens ass 'Abdu'l-Bahá d'perfekt Beispill vu sengem Papp senger Léieren. Obscho mir ni wäerten sou eng Perfektioun erreechen, solle mer awer 'Abdu'l-Bahá ëmmer als e Modell huelen an eis beméien sech e Beispill un Him ze huelen. Wa mer d'Schrëften zum Thema Léift studéieren, brauche mer eis nëmmen 'Abdu'l-Bahá zouzedréien, an eis un Him e Beispill huelen a mir wäerten d'Essenz vum der Léift an der Frëndlechkeet gesinn. Genau sou ass et wa mer versichen ze verstoen wat Rengheet, Gerechtegkeet, Opriichtegkeet, Freed a Generosität bedeuten, brauche mer nëmme säi Liewen ze kucken, a mir wäerte gesinn, wéi Hien dës Eegeschafte bis zur Perfektioun gewisen huet.

Dat wat Hien awer besonnesch ausgezeechent huet, war säin Dénsgscht un der Mënschheet. Den Numm 'Abdu'l-Bahá heescht Dénger vu Bahá. Säi gréisste Wonsch war deen, behëlleflech ze sinn, an anere kënnen en Dénsgscht erweisen.

205 D' Fräiheet am Bahá'í Glawen

205t Sendung. An dëser Emissioun hunn ech an de Bahá'í Schrëften nom Wuert Fräiheet gesicht. Hei e puer Gedanken déi mer besonnesch gutt gefall hunn.

Eng Aktivitéit déi am engste verbonnen ass mam Gewëssen, déi der mënschlecher Natur eegen ass, ass d'Fäegkeet selwer d'Realitéit ze erfuerschen. D'Fräiheet de Sënn vum der Existenz ze sichen a seng potentiell Talenter ze entwécklen, déi sou en Zil géife méiglech maachen, muss beschützt ginn. D'Mënschen hunn d'Recht fräi u Wëssen ze kommen, ... och wann dës fräien Zougank an eiser haiteger Gesellschaft net ëmmer ginn ass.

Dësen eenzegarten Elan vum mënschleche Gewëssen ass déi moralesch Gerechtfertegung vum enger Rei vu Rechter déi an der universeller Deklaratioun an op aner Plaze geschriwwen sinn. D'Recht dass jiddereen eng Erzéiung kritt, d'Fräiheet sech ze beweegen, den Zougank zur Informatioun an d'Méiglechkeet um politesche Liewen deelzehuelen sinn alles Aspekter déi eng ausdrécklech Garantie vu säitens der internationaler Gemeng brauchen. Esou ass ass et och mat der Fräiheet vum Denken am Glawen, wouranner d'reliéis Fräiheet ass, an och d'Recht Meenungen ze hunn an déi richtig auszudrécken.¹

„D'Eenheet vum der mënschlecher Rass, sou wéi Bahá'u'lláh se virgesinn huet, gesäit d'Schafung vum enger universeller Federatioun vir, an där all Natiounen, Rassen, Klassen a Glawensrichtungen enk mateneen an definitif vereent sinn; wou d'Autonomie vum de Memberstaaten, an d'perséinlech Fräiheet sou wéi d'Initiativ vum den Einzelnen komplett a fir ëmmer geschützt wäerte sinn.“²

¹ MUJ, vers une humanité prospère.

² Shoghi Effendi, Appel aux Nations

„... Wat déi Leit ugeet, déi per force a mat alle Mëttelen d'Fräiheet verlaangen: sief dat hei gesot: eng moderéiert Fräiheet, déi d'Wuel vun der Mënschheet garantéiert, déi d'Bezéiungen um Niveau vum Universum bäibehält a preservéiert, dës Fräiheet ass an all senger Kraaft an Ausmooss an de Léiere vu Bahá'u'lláh enthalen.“¹

„Déi Aufgab, déi haut de wichtigste Regierunge ginn ass, ass déi, universelle Fridden ze schafen, well am Fridde läit d'Fräiheet vun alle Vëlker.“²

„Kuckt gutt, wéi d'Erzéiung an d'Kënschte vun der Zivilisatioun engem Vollek a senger Regierung Éier, Wuelstand, Onofhängekeet a Fräiheet bréngen.“³

Eng vun de Léiere vu Bahá'u'lláh ass d'Fräiheet vum Mënsch; „... sou laang de Mënsch Prisonéier vun der Natur ass, ass hien e wëllt Déier, well de Kampf ëm d'Existenz ass eng vun de Fuerderunge vun der Welt vun der Natur.“⁴ De Wee vun der Natur ass dee wou dat animalescht regéiert. D'Déier handelt en accord mat den Noutwendegkeete vun der Natur, geet sengen eegenen Instinkten a sengen eegene Wënsch no. Wat och ëmmer seng Impulser a seng Zouneigungen sinn, hien huet d'Fräiheet déi ze befriddegen; awer, hien ass e Gefaangene vun der Natur. Hien kann net een Hoer vum Wee ofwäichen, deen d'Natur him ginn huet.“

206 Ridvan - 21sten Abrëll - D'Bahá'í feieren hire wichtigsten Dag

206t Sendung, 9ten an 10ten Abrëll 2004. D'Membere vun de verschidde Bahá'í Gemengen am Land, geneesou wéi an dausende vu Plazen uechtert d'Welt, feieren de Mëttwoch, 21sten Abrëll als e Feiertag. Et ass den Ufank vun engem reliéise Festival dat sech iwwer 12 Deeg streckt. Et heescht Ridvan, wat souvill wéi Paradis bedeit.

Den éischten Dag vu Ridván, den 21sten Abrëll ass dee wichtigsten Dag am Joer fir eis. Et ass den Anniversaire vun der Zäit am Joer 1863, wou Bahá'u'lláh, de Begrënner vum Bahá'í Glawen, fir d'éischt seng Missioun bekannt ginn huet. Zënter där Zäit, also 1863, also a just iwwer 131 Joer ass de Bahá'í Glawen déi am zweetmeescht verbreete Relioun nom Chrëschtentum ginn a fiert weider ze wuessen a sech ze verbreed. Méi iwwer déi eenzel Feierlechkeeten hei am Land an eisen nächsten Emissiounen.

Ridván ass och d'Zäit wou déi lokal Réit gewielt ginn, déi sech fir ee Joer ëm d'Affäre vun der jeeweileger Gemeng bekëmmern. Well de Bahá'í Glawe kee Clergé huet oder Leit mat Leadership Positiounen, spillt dës Gremium, de lokale Bahá'í Rot, eng Schlësselroll. Wéi all Bahá'í Walen, fannen se an engem Geescht vu Gebiet statt. Virun de Wale ginn et keng Nominatiounen an all déi groussjäreg Memberë vun der Gemeng schreiwen op e wäisse Walziedel d'Nimm vun de Leit, déi si mengen am beschten hirer Gemeng en Déngscht erweisen ze kënnen.

An da wollt ech nach kuerz en neit Buch vum bekannte Philosoph Keith Ward virstellen. Et ass eng Erausfuerderung un all déi mengen, d'Relioun hätt keng Roll méi an eiser haiteger Welt ze spillen. D'Buch ass op englesch mam Titel: *The Case for Religion*. Hei e bësse Luef vun de Kritiker: A brilliant Buch wat sech gutt liest fir reliéis Leit an déi déi sech als netreliéis bezeichnen. E Buch iwwer d'Thema vun eiser Zäit; d'Wichtigkeet vun de Reliounen trotz allem wat se net erreicht hunn.

Den Auteur, Keith Ward verteidegt Relioun virun der Uklo vu souvill Wëssenschaftler dass Relioun keng Daseinsberechtigung méi huet, dass se geféierlech an intolerant ass. Den Auteur ënnersicht d'Wierker vu Schrëftsteller, Philosophen, Psychologen a Soziologe vun héchstem Rang, dorënner och de Karl Marx, de Sigmund Freud an den Emile Durkheim. A senger Défense fir d'Relioun bréngt en eis eng rational Rechtfertigung fir reliéise Glawen. Hie weist eis wéi Glawen eis Weltusiichte kann dramatesch änneren an eise Liewen en neie Sënn an Zweck ka ginn. Mee hie warnt eis awer och dass et néideg ass dass déi reliéis Traditionen sech änneren müssen; anstatt dass d'Relioun sech an d'Hoer kréien, matenee streiden a matenee konkuréieren, müssen se fir d'éischt méi tolerant ginn a Verständnes weisen. Si müssen eng global reliéis Siicht akzeptéieren. Op deem Choix, schreift den Auteur, hänkt d'Zukunft vun der Relioun of, a vläicht d'Zukunft vun eiser Welt selwer.

Méi iwwer d'Buch fannt dir um Internetsite: www.oneworldpublications. D'Buch heescht: *The case for religion*, erausgi vu oneworldpublications, Auteur: Keith Ward

207 Wie schreift d'Zukunft? Deel 1/10

207t Sendung, 16ten a 17ten Abrëll 2004. Den 28te Mee 1992 hu sech d'Volleksvertreieder vu Brasilien zu enger extraer Sëtzung getraff. Ulass dofir war den honnertste Joresdag vum Doud vu Bahá'u'lláh, deem säin Afloss an der

¹ *Sélections des écrits de 'Abdu'l-Bahá – m.e.b. édition 1983 -227*

² *'Abdu'l-Bahá, Le secret de la civilisation divine*

³ *idem*

⁴ *'Abdu'l-Bahá, Les bases de l'unité du monde*

gesellschaftlecher an intellektueller Landschaft vun der Welt ëmmer méi Vertraue fënnt. Et ass kloer dass dem Bahá'u'lláh seng Botschaft vun der Eenheet déi brasilianesch Gesetzgeber zu déifst beréiert huet. Während dëser aussergewöhnlecher Sëtzung hu Verrieder vun all de Parteien, déi an der Chamber vertraute sinn, deene Schrëften hire Respekt ausgesprach; Schrëften, déi ee vun den Deputéierten als „*dat ëmfassenst reliéist Wierk aus der Fieder vun engem eenzege Mënsch*“ bezechent huet. De Respekt vun den Deputéierten huet och enger Zukunftsvisioun fir eise Planéit gegollt; eng Visioun déi „*materiell Grenzen iwwerschreit*“ an – wéi en Deputéierte sot – eng Visioun „*déi sech un d'ganz Mënscheet geriicht huet, ouni kleng Ënnerscheeder tëschent Natiounen, Rassen, aneren Ofgrenzungen oder Glawensrichtungen ze maachen*“.

Dëse Luef vun der brasilianescher Chamber war ëm sou méi beandrockent vu dass am Gebuertsland dem Bahá'u'lláh säi Wierk weiderhi vun der muslemescher Geeschtlechkeet, déi den Iran regéiert, batter condemnéiert gëtt. Deenen hir Virgänger ware verantwortlech fir seng Verbannung a Gefaangeschaft an der Mëtt vum 19te Jorhonnert, genee sou wéi fir d'Massaker un Dausende vun deene Mënschen, déi dem Bahá'u'lláh seng Idealer vun der Verännerung vun der mënschlecher Liewensweis an der Gesellschaft gedeelt hunn. Zur gläicher Zäit, wou a Brasilien d'Feierlechkeeten amgaange waren, liewen am Iran 300.000 Bahá'í, déi sech geweigert hunn, hir Glawensgrondsätz opzeginn; Glawensgrondsätz, déi vum gréissten Deel vun der Welt héich gelueft ginn, déi de Bahá'í am Iran awer Verfollegungen, Entbierungen an, an ze ville Fäll, och Verhaftungen an den Doud bréngen. Änlech Oppositioun charakteriséieren oft d'Astellunge vu verschiddenen totalitäre Regimer am Laf vum leschte Jorhonnert. Mee wat stécht an esou enge Léieren, déi sou verschiddenaarteg Reaktiounen opgeworf hunn?¹ Méi dozou an eiser nächster Emissioun an enger Woch.

208 Wie schreift d'Zukunft? Deel 2/10

Wie schreift d'Zukunft war d'Thema mat deem mer d'lescht Woch ugefaang hunn. Sou heescht den Titel vun engem Statement wat déi international Bahá'í Gemeng viru kuerzem erausginn huet, mat dem Ënnertitel: *Nodenken iwwer d'20t Jorhonnert*.

Wéi ass et dass d'Léiere vu Bahá'u'lláh, Begrënner vum Bahá'í Glawen, sou verschiddenaarteg Reaktiounen an der Welt opwäerfen? A Brasilien gëtt Hien an enger aussergewöhnlecher Sëtzung an der Chamber geéiert, säi Wierk gëtt gelueft als dat ëmfassenst reliéist Wierk aus der Fieder vun engem eenzege Mënsch. An zu gläicher Zäit, sinn am Iran Membere vum Bahá'í Glawen am Prisong, well si hir Glawensgrondsätz net wëllen opginn; well si sech einfach als Bahá'í bekennen.

I. Den Haaptgrond vun deem wat Bahá'u'lláh der Welt bruecht huet, ass d'Erklärung vun der Wierklechkeet als eppes, wat primär geeschteger Natur ass, an d'Duerstellung vun de Gesetzer, déi d'Fonktionéiere vun dëser Wierklechkeet beherrschen. [*Also d'Wierklechkeet, d'Realitéit ass an der Haaptsaach geeschteger Natur. Dat seet Bahá'u'lláh. An dës geeschteg Wierklechkeet baséiert, geneesou wéi déi materiell Wierklechkeet, op Gesetzer. A Bahá'u'lláh bréngt eis d'Gesetzer, déi bei dës geeschteg Wierklechkeet passen.*]² Dës Duerstellung vun de Gesetzer betruecht net nëmmen den eenzelne Mënsch als e geeschtegt Wiesen, als eng Séil mat Vernunft, mee betount nodrécklech, dass alles dat wat mir Zivilisatioun nennen, och e geeschtege Prozess duerstellt. E Prozess, an deem de mënschleche Verstand an d'mënschlech Séil ëmmer méi komplex an effizient Mëttelen entwéckelt hunn, fir hir moraleschen an intellektuelle Fäegkeeten, déi an hinne sinn, zum Ausdrock ze bréngen.

Während Bahá'u'lláh déi herrschend Dogme vum Materialissem net akzeptéiert, offréiert Hien eng ganz entgéegengesaten Interpretatioun vun der Geschicht. D'Mënschheet - Feilspëtzt vun der Evolutioun vum Bewosstsënn - duerschleift Stadien, déi mat den Entwécklungsphase vun engem Säugling, engem Kand a Jugendleche am Liewe vun all Mënsch vergläichbar sinn. Dës Rees huet eis bis bei d'Schwell vun enger Maturitéit bruecht, eng Räifheet op déi mir laang gewaart hunn, d'Eenheet vun der mënschlecher Rass. Kricher, Ausbeutung a Virurteeler, déi typesch ware fir d'Etappe vun der Immaturitéit, sollten eis net zur Verzweiwelung bréngen, mee sollten eis dozou ureegen, eis Responsabilitéiten ze huelen, déi mat eiser kollektiver Maturitéit verbonne sinn.

Wéi Bahá'u'lláh sech un déi politesch a reliéis Leadere vu senger Zäit geriicht huet, huet Hien d'Entdeckung vun neie Ressourcen annoncéiert, onendlech méi staark, wäit aus méi wéi d'Generatioun vu senger Zäit sech konnt virstellen; Ressourcen, déi der Mënschheet geschwënn d'Mëttel kënne ginn, d'materiell Liewe vum Planéit ze veränneren. Weider sot Hien, dass et essentiell wier dësen zukünftege materielle Fortschrëtt am Dëngscht vun ekonomeschem a soziale Fortschrëtt ze benotzen. Wann nationalistesch a sektäresch Konflikter dat verhënnere sollten, da wäert de materielle Fortschrëtt net nëmme Virdeeler, mee och bis elo ni virgestallte negativ Konsequenzen hunn. E puer vun dëse Warnungen, déi Bahá'u'lláh formuléiert huet, erënneren eis un däischter Evenementer an onsem eegenen Zäitalter. „*Komesch, erstaunlech Saache ginn et an der Äerd*“, huet Hien eis

¹ Wer schreibt die Zukunft ? Nachdenken über das 20. Jahrhundert, ein Statement der Bahá'í International Community, 1999

² A Klammer si meng Ergänzungen zum Text.

gewarnt. „Dës Saache sinn amstand, déi ganz Äerdatmosfera ze verwandelen, an eng Verseuchung mat der Äerd wär déidlech.“

An eiser nächster Emissioun kucke mer eng zentral Fro, déi jidderee sech stelle sollt: wéi kënne mer d'Grondlage fir eng global Gesellschaft schafen, eng Gesellschaft, déi d'Eenheet vun der mënschlecher Natur erëmspigele kann?

209 Wie schreift d'Zukunft? Deel 3/10

An de leschten zwou Emissiounen hu mer gesinn, wéi d'Léiere vu Bahá'u'lláh an der Welt ganz verschiddearteneg Reaktiounen mat sech bréngen. Bahá'u'lláh, Begrënner vum Bahá'í Glawen, seet dass d'Wierklechkeet an éischer Linn geeschteger Natur ass. An am Bahá'í Glawe fanne mer d'Gesetzer op deenen dës Wierklechkeet baséiert. Eent vun dëse Gesetzer ass d'Prinzip dass d'Mënschheet, geneesou wéi am Liewe vum Mënsch, eng Rei vu Phasen duerchgeet, an das mir haut als Mënschheet erwuesse ginn, och wann et op den éischte Bléck net duerno ausgesäit. Wat mir haut am dréngsten brauchen, sinn d'Grondlage fir eng global Gesellschaft ze schafen, eng Gesellschaft, déi d'Eenheet vun der mënschlecher Natur erëmspigele kann.

D'Vereenegung vun den Awunner vun der Äerd ass weder eng utopesch Visioun, déi wäit ewech ass, an och keng Affaire, bei där mir iwwerhaupt keng Wiel hunn. Dës Vereenegung ass déi nächst onauswäichlech Etapp am gesellschaftlechen Entwécklungsprozess, eng Etapp, zu där eis all d'Erfarunge vun der Vergaangenheet an der Géigewart histeieren. Eréischt wann d'Existenz vun dëser Tatsaach erkannt an an Ugrëff geholl gëtt, kënnen déi quälend Problemer, déi eise Planéit huet, geléist ginn. Well all déi wesentlech Erausfuerderunge vum Zäitalter, an deem mir sinn, si global an universell a beschränkt sech net op Eenzelaspekter oder Regionen.

Déi selleg Textstellen an de Schrëfte vu Bahá'u'lláh an deenen et ëm d'Erreeche vun der Maturitéit vun der Mënschheet geet, sinn duerchdronge mat der Liichtmetaphorik, déi d'Kraaft vun der Eenheet ausdréckt: Hie seet: „*Sou mächtig ass d'Liicht vun der Eenheet, dass si déi ganz Äerd erliichte kann.*“ Dës Ausso stellt eis haiteg Geschicht an eng Perspektiv, déi sech staark ënnerscheet vun der virherrschender Usicht vum Enn vum 20te Jorhonnert. Dës Feststellung féiert eis dozou, an all dem Leed an dem Zerfall vun onserer Zäit d'Wierke vu Kräften ze erkennen, déi dat mënschlecht Bewosstsinn fir eng nei Etapp vun eiser Evolutioun fräimaachen. Dës Feststellung rífft ons dozou op, d'Evenementer vun de leschten honnert Joer ze iwwerdenken, geneesou wéi d'Wierkung, déi dës Entwécklungen op déi ënnerschiedlech Vëlker, Rassen, Natiounen a Gemeinschaften haten.

Wann, wéi Bahá'u'lláh betount, „*d'Wuel vun der Mënschheet, hire Friden a Sécherheet ... onerreechbar (sinn), wann a sou laang wéi hir Eenheet net fest begrënnt ass*“, dann ass et verständlech, firwat d'Bahá'í dat 20t Jorhonnert – mat all senge Katastrophen – als d'Jorhonnert vum Liicht betruechten. Well déi lescht honnert Joer waren Zeie vun engem Wandel, souwuel vun der Aart a Weis, wéi d'Mënschen ugefaangen hunn, eis gemeinsam Zukunft ze plangen, mee och d'Aart a Weis, wéi mir ufänken, eis een deen aneren ze betruechten. Dës zwee Prozesser konnt een an der Entwécklung zur Eenheet erkennen. Changementer, déi net ënnert der Kontroll vun den existéierenden Institutiounen louchen, hunn d'Féierungskräfte vun der Welt dozou gezwongen, nei Systemer vu globaler Organisatioun ze initiéieren, déi am Ufank vum Jorhonnert noch ondenkbar gewiescht wieren. Während deems, hu Gewunnechten an Astellungen opgehalen, déi Mënschen an Natiounen getrennt haten, an dat während zech Jorhonnerten, voll mat Konflikter. Ausserdeem huet ee geduecht, dass et selbstverständlech wier, mat dëse Gewunnechten an Astellung weiderzefueren.

An eiser nächster Emissioun gesi mer, wéi eng zwou Entwécklungen an der Mëtt vum leschte Jorhonnert zu engem historeschen Duerchbroch gefouert hunn.

210 Wie schreift d'Zukunft? Deel 4/10

Léif Nolauschterer, Bahá'u'lláh, Begrënner vum Bahá'í Glawen, koum an der Mëtt vum 19te Jorhonnert mat Léieren, déi sou déifgräifend sinn, wéi d'Léiere vu Jesus Christus virun 2000 Joer. Et ass duerfir nëmmen normal, dass mir am Ufank vu ganz vill Changementer stinn. Mir wëssen all, dass eis Welt sech relativ séier verännert, virun allem wann een eis haiteg Welt vergläicht mat deene fréiere Jorhonnerten.

An der Bahá'í Welt, ass dat 20t Jorhonnert e Jorhonnert vum Liicht. An eisen nächsten Emissiounen schwätze mir iwwer déi wichtegst Evenementer, an dat aus enger Bahá'í Siicht. Fir de geneene Text ze kréien, braucht dir just um Internet ze sichen, an zwar ënnert: *Wer schreibt die Zukunft? Nachdenken über das 20te Jahrhundert*, ein Statement der Bahá'í International Community.

11. An der Mëtt vum leschte Jorhonnert, waren et zwou Entwécklungen, déi zu engem Duerchbroch gefouert hunn, an deren hir historesch Bedeitung eréischt spéider Generatiounen voll a ganz verstoe wäerten. Während den Noweeë vum zweete Weltkrich konnte wäitsiichteg Perséinlechkeeten endlech ufänken, duerch d'Organisatioun vun de Vereenten Natiounen d'Grondlage vun enger Weltuerdnung ze schafen an ze festegen. Dat System vun

internationalen Ofkommen an déi domat verbonnen Institutiounen, dat scho laang vu fortschrëttlechen Denker gewünscht gouf, hat elo Méiglechkeeten, déi dee gescheiterte Vëlkerbund net hat. Am Laf vum Jorhonnert huet d'System am Beräich vun der Friddenssécherung ëmmer méi grouss Wierksaamkeet op eng Aart a Weis gewonnen, déi iwwerzeegend gewisen huet, wat erreecht ka ginn. Gläichzäiteg sinn an der ganzer Welt ëmmer méi demokratesch Regierungsformen entstanden. Déi praktesch Auswierkungen enttäusche vläicht, awer si verklengeren net d'Bedeutung vun dësem historiesche Richtungswiessel, e Wiessel deen neméi ka réckgäנגeg gemaach ginn, an deen an der Organisatioun vu mënschlechen Affäre geschitt ass.

12. Wéi am Fall vun der Weltuerdnung ass et och mat de Rechter vun de Vëlker op der Äerd. Dat schrecklecht Leed dat opgedeckt gouf, an déi d'Affer vun der mënschlecher Perversioun am Laf vum Krich erdroen hunn, hunn eng weltwäit Schockreaktioun ausgeléist – an eppes wat een nëmme kann als déif Gefiller vu Schan nennen. Aus dësem Trauma eraus ass eng nei Aart vu moraleschem Verantwortungsbewosstsinn entstanden, déi offiziell an der Aarbecht vun der Mënscherechtskommissioun vun de Vereenten Natiounen an hiren Ënnerorganisatiounen institutionaliséiert gouf – eng Entwécklung, déi den Herrscher am 19te Jorhonnert onvirstellbar gewiescht wier; Herrscher, deene Bahá'u'lláh geschriwwen hat. Haut mat deenen néidege Mëttelen a Kompetenzen, hu sech eng ëmmer méi grouss Zuel vun netstaatlechen Organisatiounen als Zil gesetzt, dofir ze suergen, dass déi allgemeng Erklärung vun de Mënscherechter als Grondlag vun normativen internationale Reegele gëlt an deementspriedend duerchgesat gëtt.

Wéi eng Entwécklung et am Wirtschaftsliewe gouf, gesi mer an eiser nächster Emissioun.

211 Wie schreift d'Zukunft? Deel 5/10

Léif Radio ARA Nolauschterer, an eise 5ten Deel an der Rubrik iwwer de Bahá'í Glawen, kucke mer eis d'Entwécklung am Wirtschaftsliewe vum 20te Jorhonnert un, an dat aus enger erstaunlecher positiver Perspektiv. Den Text dozou fannt dir am Buch: *Wer schreibt die Zukunft? Nachdenken über das 20te Jahrhundert*, ein Statement der Bahá'í International Community.

An der éischter Halschent vum Jorhonnert hu vill Regierunge, wéinst dem Chaos déi déi wirtschaftlech Crise verursaacht huet, Gesetzer fir d'Schafung vu Sozialhëllefprogrammer a Systemer fir d'Finanzkontroll agefuert, geneesou wéi Reservefongen an Handelsofkomme mam Zil, hir Gesellschaft virun der Widderhuelung vu sou enger Verwüstung ze beschützen. D'Zäit nom zweete Weltkrich huet zu der Ariichtung vun Institutiounen gefouert, déi weltwäit schaffen: den internationale Währungsfond, d'Weltbank, dat allgemengt Zoll- an Handelsofkommen an en Netzwierk vun Entwécklungsorganisatiounen, déi sech der Fërderung an der Weiderentwécklung vum materiellen Wuelstand um Planéit widmen. Um Enn vum Jorhonnert huet d'Mënschheet gewise kritt, dass, egal wéi d'Motivatiounen a wéi primitiv d'Methode sinn, d'Notzung vum Räichtum vun der Äerd grondleeënd ëmorganiséiert ka ginn, vir enger ganz neier Virstellung vu Besoine gerecht ze ginn. D'Auswierkunge vun dësen Entwécklung goufen enorm verstärkt duerch deen ëmmer méi séieren Ausbau vu Bildungsméiglechkeete fir d'Massen. Nieft der Bereetschaft vun nationale Regierungen a Gemeindeverwaltungen, dësem Beräich vill méi Mëttelen ze ginn, an d'Fäegkeet vun der Gesellschaft, Arméie vu professionellen Enseignanten auszubilden, waren zwee weider Fortschreitter am 20te Jorhonnert op internationalem Plang besonnesch aflossräich. Deen éischte war eng Rei vun Entwécklungspläng, déi sech op Bildungsbedürfnisser konzentréiert hunn a massiv vun Institutiounen wéi d'Weltbank, Regierungen, grouse Stëftungen a verschidden Deeler vun der UNO finanziert goufen. Deen zweete Fortschritt war déi explosiounsarteg Entwécklung vun der Informatiounstechnologie, déi aus alle Bierger potentiell Benotzer vum ganze Wësse vun der Mënschheet gemaach huet. Dës strukturell Neioorganisatioun op globalem Plang gouf vun engem déifgräifendem Bewosstsinnsandel belieft a verstärkt. Ganz Bevëlkerunge waren op eemol mat festgefuehren Denkgewunnechte konfrontéiert, déi zu Konflikter féieren, an zwar am grelle Licht vun der weltwäiter Veruerteelung vu Gewunnechten an Astellungen déi soss akzeptéiert waren. Dat huet revolutionär Verännerungen erbäigeruff an der Aart a Weis, wéi Mënschen een deen anere gesinn. Zum Beispill huet et geschéngt, wéi wann am Laf vun der Mënschheetsgeschicht d'Erfahrung wéise géif – a reliéis Léiere schéngen dat ze bestätegen – dass Frae vum Wiesen hir de Männer ënnerleeë wäeren. Wann een déi ganz Geschicht als Zäitpunkt hält, huet dës plötzlechen an iwwerall existéierende Réckzuch vun dëser virherrschender Manéier d'Saachen ze gesinn, iwwer Nuecht ugefaang. Wéi laang a pengegend dës Prozess och si wäert, bis d'Erklärung vu Bahá'u'lláh, dass Fraen a Männer an allen Aspekter gläichwäerteg sinn, voll verwierklecht gëtt – déi intellektuell an emotionell Ënnerstëtzung fir d'Erklärung dass Männer a Fraen net gläichwäerteg sinn – gëtt ëmmer méi kleng. En anere Fixpunkt am Selbstverständnis vun der Mënschheet während dësem Jorhonnert war d'Verherrschung vun ethneschen Ënnerscheeder, déi sech an de leschte Jorhonnerten zu verschiddenen Formen vu rassistescher Wäinverstellung verhäert hunn. Mat enger Geschwindegkeet, déi am allgemengen Zesammenhang vun der Mënscheetsgeschichte verblüfft, huet dat 20te Jorhonnert erlieft, wéi sech d'Eenheet vun der Mënschheet zu engem féierende Prinzip an internationale Bezéiungen etabléiert huet. Haut ginn déi ethnesch Streidereien, déi och elo nach a villen Deeler vun der Welt uerg Konsequenzen hunn, net als natierlech an de Bezéiungen tëschent

ënnerschiddlech Vëlker betruecht, mee als gewollte Sträit, deen ënnert effiacer internationaler Kontroll bruecht muss ginn.

Während der ganzer laanger Kandheet vun der Mënschheet huet een och ugeholl – alt nees mat der ganzer Ënnerstëtzung vu reliéisen Institutioune – dass Aarmut en onëmgängelecht Zeeche vun der Gesellschaftsuerdnung wier, dat éiweg bléift. Haut awer gëtt dës Astellung, déi d'Prioritéit vun allen an der Welt bekannte Wirtschaftssystemer gepräht huet, allgemeng ofgeleent. Op mannst an der Theorie gëtt iwwerall eng Regierung am Wesentlechen als e Garant verstanen, deem seng Verantwortung et ass, d'Wuel vun all de Membere vun der Gesellschaft ze sécheren.

Souwäit zu e puer vun de Verännerungen an eisem leschte Jorhonnert. An eiser nächster Emissioun kucke mer, wéi d'Positiounen an den Afloss vun de Reliounen am leschte Jorhonnert. Bis dohin, iech Radio ARA Nolauschterer en erhuelen Weekend, äre Jean-Marie.

212 Wie schreift d'Zukunft? Deel 6/10

Léif Radio ARA Nolauschterer, an eisem 6ten Deel an der Rubrik iwwer d'Buch *Wie schreift d'Zukunft, Iwwerleeungen iwwer dat 20t Jorhonnert* vun der internationaler Bahá'í Gemeng, fuere mer haut weider mam Afloss vun de Reliounen am leschte Jorhonnert.

Besounnesch bedeitend, an dat opgrond vu senger enker Verbindung zu de Wuerzele vun deem wat de Mënsch motivéiert, war de Fait, dass de feste Grëff vun de reliéise Viruteeler méi labber gouf. Schonn Enn vum 19te Jorhonnert huet d'*Parlament vun de Reliounen* grousst Interessi fonnt. An dës Entwécklung vum interreliéisen Dialog an der Zesummenaarbecht huet d'Auswierkunge vum Sekularismus verstärkt, an deem si déi soss sou staark Mauere vun der geeschtlecher Autoritéit a Fro gestallt hunn. Am Liicht vun de Changementer vu reliéise Konzepter während de leschten honnert Joer, wäert ee vläicht am nachhinein souguer déi aktuell Ausbréch fundamentaler Reaktiounen als net vill méi wéi verzweiwelt Aktiounen d'*arrière-garde* gesinn, déi sech géint déi onvermeidlech Opléisung vu sekteresche Gruppe wiert, an d'Kontroll déi si nach hunn. Wéi Bahá'u'lláh schreift: „*Ouni Zweiwel verdanken d'Vëlker vun der Äerd, egal zu wéi enger Rass oder Relioun si och gehéieren, hir Inspiratioun der selwechter himmlescher Quell an ënnerstinn engem eenzege Gott.*“

Während dësen entscheidende Jorzéngte vum 20te Jorhonnert, huet de mënschleche Geescht och grondleeënd Verännerungen a sengem Verständnes vum materiellen Universum erlieft. An der éischter Halschent vum Jorhonnert sinn nei Theorien iwwer d'Relativitéit an d'Quantemechanik entstanen, déi allebéid enk mat der Natur an der Funktiounsweis vum Liicht verbonne sinn. Dës Theorien hunn d'Physik revolutionéiert an déi ganz Wëssenschaftsentwécklung verännert. Et gouf kloer, dass déi klassesch Physik nëmmen e begrenzte Beräich vun Naturphenomeener erkläre konnt. Op eemol huet sech eng nei Dier an der Ënnersichung souwuel vun de klengen Bestanddeeler vum Universum wéi och vun de groussen Systemer vum Kosmos opgemaach, eng Verännerung, déi wäit iwwer d'Physik eraus Wierkunge gewisen huet an d'Fundamenter vun engem jorhonnertelaangen Denke vun de Wëssenschaften erschüttert huet. Fir ëmmer verluer waren d'Iddi vun engem mechanischen Universum, dat engem Auerwierk gläicht, geneesou wéi déi deemools présuméiert Trennung vum deem, deen observéiert an de Géigestand deen observéiert gëtt, vu Geescht a Matière. Virum Hannergrond vun dësen wäitreechenden Studien, déi sou méiglech waren, fänkt elo déi theoretesch Naturwëssenschaft domat un, ze denken dass et méiglech ass, dass tatsächlech d'Natur an d'Funktionsweis vum Universum en Zweck an e Verstand a sech hunn.

Am Ufank vun dësen konzeptuellen Verännerungen ass d'Mënschheet dunn an en Zäitalter erakomm, an deem d'Zesummenaarbecht vun de Naturwëssenschaften – der Physik, Chimie, Biologie an och där nach jonker Ökologie – otemberaubend Méiglechkeeten zur Verbesserung vun de Liewensbedingungen opgemaach huet. Déi positiv Auswierkunge goufen op eng dramatesch Weis däitlech a sou liewenswichtige Problembereicher wéi d'Landwirtschaft an d'Medezin geneesou wéi a Beräicher, déi aus de Succèsen an der Notzung vun neien Energiequellen entstan sinn. Zu gläicher Zäit huet dat neit Forschungsgebitt vun der Werkstoffkunde eng Onmass vu spezialiséierte Materiale wéi Kunststoff, Glasfaser a Kuelestofffaser bereetgestallt; Saachen déi een am Ufank vum Jorhonnert nach net kennt huet.

Sou Fortschrëtt an der Wëssenschaft an an der Technologie hu sech géigesäiteg befrucht. Sandkären, dat nidderegst an anscheinend dat wäertlost vun alle Materialien, hu sech a Silikonplättcher an optesch rengt Glas verwandelt an hunn d'Schafung vu weltwäite Kommunikatiounsnetzer erméiglecht. Dës Tatsaach geneesou wéi den Asaz vun ëmmer méi komplizéierte Satellitesystemer fänken u fir d'Mënschen iwwerall an ouni Ënnerschied Zougank zum ganze Wësse vun der ganzer Mënschheet opzemaachen.

Et ass kloer, dass déi Jorzéngter déi virun eis leien, d'Verbindung vun Telefon-, Fernseh- a Computertechnologie zu engem eenzege vereenheetleche System erliewe wäerten, an dat mat bëllege Geräter, déi een a groussen Quantitéite kréie kann. Et wäert schwéier, déi psychologesch a gesellschaftlech Auswierkungen ze iwwerdréien, déi entstinn,

wann dat Duerchernee vu Wäringssystemer – déi fir munch déi lescht Bastion vun engem nationalistesche Stolz duerstellen – duerch eng eenzeg Weltwäring, déi gréisstendeels elektronesch funktionéiert, ersetzt géif ginn.

Effektiv sinn d'Konsequenze vun de Changementer déi am 20te Jorhonnert méi a méi zur Eenheet féieren, néierens sou einfach ze gesinn wéi an de Folge vun der Verännerung an der Naturwëssenschaft an an der Technologie.

213 Wie schreift d'Zukunft? Deel 7/10

Léif Radio ARA Nolauschterer, an eisem 7ten Deel an der Rubrik iwwer d'Buch *Wie schreift d'Zukunft, Iwwerleeungen iwwer dat 20t Jorhonnert*, vun der internationaler Bahá'í Gemeng, fuere mer haut weider mat aner Saachen déi dat lescht Jorhonnert bewegt hunn.

Et ass kloer, dass déi Jorzéngter déi virun eis leien, d'Verbindung vun Telefon-, Fernseh- a Computertechnologie zu engem eenzege vereenheetleche System erliewe wäerten, an dat mat bëllege Geräter, déi een grouse Quantitéiten kréie kann. Et wäer schwéier, déi psychologesch a gesellschaftlech Auswierkungen ze iwwerdréien, déi entstinn, wann dat Duerchernee vu Wäringssystemer – déi fir munch déi lescht Bastion vun engem nationalistesche Stolz duerstellen – duerch eng eenzeg Weltwäring, déi gréisstendeels elektronesch funktionéiert, ersetzt géif ginn.

Effektiv sinn d'Konsequenze vun de Changementer déi am 20te Jorhonnert méi a méi zur Eenheet féieren, néierens sou einfach ze gesinn wéi an de Konsequenze vun der Verännerung an der Naturwëssenschaft an an der Technologie. Ganz kloer ass et elo, dass d'Mënschheet elo déi néideg Mëttelen huet, déi zur Realisatioun vun de visionären Ziler néideg sinn, déi ee Bewosstsinn sech gesat huet, wat stänneg méi räif gëtt. Wann ee sech méi ausféierlech mat der Matière ausernanersetzt, weist sech, dass all dës verschiddearteneg Méiglechkeete potentiell all den Awunner vun eiser Äerd zur Verfügung stinn, egal wéi enger Rass, Kultur oder Natioun si och gehéieren. Bahá'u'lláh huet viraus gesinn: „*Neit Liewen geet an dëser Zäit duerch all Vëlker vun der Äerd, awer keen huet seng Ursaach entdeckt a säi Grond erkannt.*“ Haut, méi wéi honnert Joer nodeem dës Wieder geschriwwen goufen, gëtt nodenkeleche Gemidder den Ausmooss vun deem wat geschitt ass daitlech.

III

Déi positiv Changementer am 20te Jorhonnert ze erkennen heescht awer net d'Aen zouzemaache virun dem Schiet, deen den Errungeschafte schaarf Konture ginn huet: déi bewosst Vernichtung vu Milliounen hëllefloser Mënschen; d'Erfindung an de Gebrauch vun neien Zerstéierungswaffen, déi et fäerdeg bréngen, ganz Bevëlkerungen auseläschen; Ideologien, déi dat geeschtegt an intellektuell Liewe vu ganzen Natiounen erstéckt hunn; Ëmweltzerstéierung op globaler Ebene a sou engem groussen Ausmooss, dass et Jorhonnerten dauere kann, déi nees réckgäנגeg ze maachen; an deen onermiesslech grouse Schued, dee Generatiounen vu Kanner ugedoe gouf, andeem si geléiert goufen, dass Gewalt, Onanstännegkeet a Selbstsucht en Triumph vu perséinlecher Fräiheet wieren.

Dat sinn nëmmen déi offensichtlechste Beispiller aus engem Katalog vun Iwwelen, déi an der Geschicht hiresgläiche sichen an deenen hir Lektionen eist Zäitalter zur Erzéiung vun de gepéngten zukünftige Generatiounen als Ierwen hannerlooss hunn.

D'Donkelheet ass awer kee Phänomeen, deem iergendeng Form vun Existenz, oder souguer eng Autonomie zousteet. D'Donkelheet ka weder d'Liicht ausmaachen, oder d'Luucht manner staark maachen. Awer si markéiert déi Regiounen, déi d'Liicht nach net erreicht huet oder genuch erliicht huet. Sou wäerten ouni Zweifel d'Historiker d'Zivilisatioun vum 20te Jorhonnert beuerteelen. D'Grausamkeet vun der déierescher Natur, déi onkontrolléiert an deene kritesche Joren aktiv war an déi heiansdo souguer anscheinend d'Iwwerliewe vun der Gesellschaft bedrunn huet, konnt tatsächlech net déi fortlaafend Entwécklung vun de schöpferesche Potentialer, mat deenen dat mënschlecht Bewosstsinn ausgestatt ass, verhënneren. Am Géigendeel – je méi d'Jorhonnert virukomm ass, desto méi Mënschen erkannt hunn, wéi eidel dës Ängschte waren, déi si nach virun e puer Joer gefaange gehalten haten.

„*Onvergläichlech ass dësen Dag*“, betount Bahá'u'lláh, „*well hien ass wéi d'A vu vergaangen Zäitalteren a Jorhonnerten a wéi e Liicht an der Däischtert vun den Zäiten.*“

Aus dëser Perspektiv ass et net d'Däischtert, déi d'Fortschrëtter vun dëse leschten aussergewéinlechen honnert Joer zrëckgehalen hunn, de Problem. D'Fro ass vill méi, wéivill Leed an Zerstéierung d'Mënschheet nach erdroe muss, bis si vu ganzem Häerzen d'geeschtegt Natur akzeptéiert, déi si zu engem eenzege Vollek mécht, a bis si genuch Mutt huet, hir Zukunft am Liicht vun deem sou schmärerzhaft Erléierten ze plangen. Wéi eng Virstellung vun der Entwécklung vun der mënschlecher Kultur d'Bahá'í Schrëften hunn, gesi mir an eisen nächsten Emissiounen.

214 Wie schreift d'Zukunft? Deel 8/10

Léif Radio ARA Nolauschterer, an eisem 7ten Deel an der Rubrik iwwer d'Buch *Wie schreift d'Zukunft, Iwwerleeungen iwwer dat 20t Jorhonnert*, vun der internationaler Bahá'í Gemeng, Mir kucken haut wéi, aus enger Bahá'í Siicht, eis Kultur sech entwéckele kann.

Déi an de Schrëfte vu Bahá'u'lláh duergeluechte Virstellung vun der Entwécklung vun der mënschlecher Kultur stellt viles a Fro, wat an eiser haiteger Welt als normativ an onverännerlech ugehol gëtt. D'Entwécklung vum 19te Jorhonnert, dem Jorhonnert vum Liicht, hunn d'Dier zu enger neier Welt opgemaach. Wann déi gesellschaftlech an intellektuell Entwécklung tatsächlech eng Reaktioun ass op eng moralesch Intelligenz, déi an allem ass wat existéiert, dann hu vill vun den Theorien, déi zäitgenëssesch Entscheidungsmethode bestëmmen, grouss Feeler. Wann dat mënschlecht Bewosstsënn vu sengem Wiesen hir geeschteg ass - eng Tatsaach, vun der sech déi meescht Mënschen intuitiv ëmmer bewosst gewiescht sinn - da kann e Verständnes vun der Wirklecheit, dat dogmatesch op hirem Géigendeel beharrt, d'Entwécklungsbedierfnesser vun dësem Bewosstsënn weder begräifen nach hinne vun Notze sinn.

Keen Deel vun eiser haiteger Zivilisatioun gëtt vun der Zukunftsvirstellung vu Bahá'u'lláh op méi enger direkt Manéier a Fro gestallt wéi dee virherrschende Kult vum Individualismus. En Individualismus, dee sech bal op der ganzer Welt verbreet huet. Geniert gëtt dësen Individualismus vu kulturellen Aflëss wéi politescher Ideologie, akademeschen Elitedenken an enger konsumorientierter Wirtschaft. Sou huet „*d'Striwen no individuellem Gléck*“ en aggressiivt a bal grenzenloost Bewosstsënn fir d'Uspréich vum Einzelne gefuerdert. Déi moralesch Konsequenze fir deen Einzelnen wéi fir d'Gesellschaft si schrecklech, sou zum Beispill d'Vebreedung vun ustiechende Krankheeten, den Drogemëssbrauch an aner Iwwel vun de leschte Joren, déi mer allzegutt kennen. D'Aufgab besteet doranner, d'Mënschheet vu sou engem grondleeënden an alles duerchdréngendem Mëssverständnes ze befreien. An dat wäert e puer vun de festverankerte Virstellungen vum 20te Jorhonnert vu Recht an Onrecht a Fro stellen.

Froe mer eis, wéi eng Denkweise fallen an dës Kategorie vun ongeprüften Iddien? Dat offensichtlechste Beispill ass d'Iwwerzeegung, dass Eenheet en Ideal ass, dat wäit ewech ass, bal onnerreechbar, eppes wat een eréischt da kann upaken, wann emol vill vun de politesche Konflikter iergendwéi geléist sinn, wa materiell Besoinen iergendwéi befriddegt sinn an Ongerechtegkeeten iergendwéi eliminéiert goufen. Bahá'u'lláh betount, dass de Géigendeel de Fall ass. *[Also fir d'éischt muss un der Eenheet geschafft ginn, fir d'éischt muss de Prinzip vun der Eenheet verstane ginn an an d'Realitéit ëmgesat ginn, an da kënnen all déi aner Problemer besser ugepackt ginn.]*¹

Déi gréisste Krankheet, déi eis Gesellschaft péngt, déi d'Gesellschaft lämt, seet Hien, ass d'Oneenegkeet ënnert de Mënschen. Eng Mënschheet déi sech awer auszeechent duerch hir Fäegkeet fir zesummenzeschaffen. Souguer de Fortschrëtt deen d'Mënschheet gemaach huet ass enk domat verbonnen, dass d'Mënsche kënnen zesummen handeln. Dëst ass eppes, wat zu verschidden Zäiten an a verschidde Gesellschaften erreecht gouf. Sech un d'Virstellung ze klammern, dass d'Konfliktbereetschaft eng Grondeegenschaft vun der mënschlecher Natur wier, anstatt eng Mëschung vu geléierte Gewunnechten an Astellungen, bedeit, engem neie Jorhonnert en Iertum opzelueden, déi méi wéi all anere Faktor op tragesch Aart a Weis d'Vergaangenheet vun der Mënschheet influencéiert huet. „*Betruecht d'Welt wéi e mënschleche Kierper*“ huet Bahá'u'lláh de gewielte Regéierende ugeroden. Obwuel dës Kierper bei senger Erschafung gesond a perfekt war, huet hien haut – an dat aus verschidden Ursaachen – schwéier Stéierungen a Krankheeten.

Enk verbonne mat der Problematik vun der Eenheet ass déi zweet moralesch Erausfuerderung, déi dat lescht Jorhonnert mat ëmmer méi grousser Drénglechkeet gestallt huet. Méi doriwwer an eiser nächster Emissioun.

215 Wie schreift d'Zukunft? Deel 9/10

Léif Radio ARA Nolauschterer, eisem 9ten Deel an der Rubrik iwwer d'Buch „*Wie schreift d'Zukunft, Iwwerleeungen iwwer dat 20t Jorhonnert*“, vun der internationaler Bahá'í Gemeng. Enk verbonne mat der Problematik vun der Eenheet, vun der mir d'lescht Woch geschwat hunn, ass déi zweet moralesch Erausfuerderung, déi dat lescht Jorhonnert mat ëmmer méi grousser Drénglechkeet gestallt huet.²

An den Ae vu Gott, wéi Bahá'u'lláh betount, ass d'Gerechtegkeet „*vun allem dat wat Hien am léifsten huet*“. Si gëtt jidderengem d'Fäegkeet, d'Realitéit mat sengen eegenen Aen an net duerch d'Ae vun aneren ze gesinn, a gëtt der kollektiver Entscheedung eng Autoritéit, déi eleng d'Eenheet am Denken an am Handele sécher stelle kann. Egal

¹ A Klammer si meng Ergänzungen zum Text

² S.13

wéi zefriddestellend dat aus dem 20te Jorhonnert entstanend System internationaler Uerdnung och wäert sinn – den Afloss vun dësem System wäert vun der allgemenger Akzeptanz vun senge moralesche Prinzipien ofhänken. Wann d'ganz Mënschheet wierklech eens ass an onzertrennlech, da repräsentéiert d'Autoritéit déi vu sengen Institutionen ausgeübt gëtt, e wesentleche kollektive Schutz. All eenzel Persoun kënnt op d'Welt als eppes wat der Gemeinschaft uvertraut gëtt. An dës Charakteristik vun der mënschlecher Existenz ass déi wierklech Grondlag vun de gesellschaftlechen, wirtschaftlechen a kulturelle Rechter, sou wéi se an der Charte vun de Vereenten Natiounen an hiren Dokumenter ausgedréckt ginn. Gerechtegkeet an Eenheet stinn an enger Wiesselbeziehung. „*Den Zweck vun der Gerechtegkeet*“, huet Bahá'u'lláh geschriwwen, „*ass d'Zustanekomme vun Eenheet ënnert de Mënschen. E Mier vu göttlecher Wäisheet stécht an dëse Wieder, an all d'Bücher vun der Welt kënnen hir déif Bedeutung net erfassen.*“

An deem Mooss wou d'Gesellschaft – wann och mat Zécken an Angscht – sech dësen an änleche moralesche Prinzipie verflucht, déi wesentlechste Roll déi si deem Einzelnen ubidde kann, ass déi, deem aneren en Déngscht ze erweisen. Ee vun de Paradoxe vum Mënsch läit doranner, dass hie sech an der Haaptsaach duerch säin Engagement an en nobelt Zil entfale kann, do wou hie sech selwer also vergiesse kann, a wann et och nëmmen fir eng kuerz Zäit ass. An engem Zäitalter, wou sech de Mënschen an alle Liewenssituatiounen d'Méiglechkeet opdeet, op eng wierksam Manéier un der Gestaltung vun der Gesellschaftsuerdnung matzemaachen, kritt d'Ideal vum Déngscht um aneren eng ganz nei Bedeutung. Wann een d'Ziler wéi perséinlech Beräicherung a Selbstbestätegung zum Liewenszil erklärt, da fërdert een nëmmen déi déieresch Säit vun der mënschlecher Natur. Wat déi simplistesche Messagë vun individueller Erléisung ugeet, sou gi si net méi duer fir d'Aspiratiounen vu Generatiounen ze befriedegen, déi d'Gewëssheet kruten dass wierklech Erfëllung souwuel vun dëser wéi och vun der nächster Welt ofhänken.

Bahá'u'lláh seet: „*Befasst iech grëndlech mat de Besoinë vun der Zäit an där dir leeft a leet de Schwéierpunkt vun ären Iwwerleeungen op d'Bedierfnesser an d'Fuederunge vun ärer Zäit.*“

Dës Perspektiven hunn en déiwen Afloss dorop wéi mir eis Ugeleeënheete féieren. Zum Beispill schéngt et evident, dass sou laang wéi den Nationalstat déi wichtegst Roll an der Entwécklung vum Schicksal vun der Mënschheet spillt – wat och ëmmer déi erbruechte Leeschtungen an der Vergaangenheet waren – d'Erreeche vum Weltfridden zrëckgehele gëtt an d'Weltbevëlkerung méi leide muss. Am Wirtschaftsliewe vun der Mënschheet ass et kloer dass d'Mondialisatioun, och wa si vill Guddes bruecht huet, dass si och eng Konzentratioun vun autokratescher Muecht geschafent huet, déi ënnert eng international demokratesch Kontroll muss bruecht ginn, fir dass dës Globaliséierung net fir Milliounen vu Mënschen Aarmut a Verzweiflung mat sech bréngt. Änlech ass et mam historeschen Duerchbroch an der Informatiouns- a Kommunikatiounstechnologie, déi sou e staarkt Mëttel ass fir sozial Entwécklung weiderzebréngen an déi dozou bäidréit dass mir alleguer zesumme gehéieren; dës Technologie ass awer och mat der selwechter Stousskraaft amstand, dës Vereenegungsprozesser an dës liewenswichtige Impulser ëmzelenken an ze entstellen.

An eisem leschten Deel vun dësen Iwwerleeungen iwwer dat 20t Jorhonnert schwätze mer iwwer eng nei Beziéung tëschent Gott an der Mënschheet.

216 Wie schreift d'Zukunft? Deel 10/10

Léif Radio ARA Nolauschterer. An eisem leschten Deel vun dësen Iwwerleeungen iwwer dat 20t Jorhonnert schwätze mer iwwer eng nei Beziéung tëschent Gott an der Mënschheet.

Bahá'u'lláh schwätzt vun enger neier Beziéung tëschent Gott an der Mënschheet, enger Beziéung déi zesummegeet mam Erwuessegi vun der Mënschheet. Déi héchste Wierklechkeet, déi d'Universum geschafent huet an eis um Liewen hält, wäert ëmmer ausserhalb der Räichwäit vum mënschleche Geescht a Verstand bleiwen. Déi bewusst Beziéung, déi d'Mënschheet mat dëser göttlecher Realitéit geknüpft huet, ass d'Resultat vum Afloss vun de grouse Reliounsstëfter gewiescht: Moses, Zarathustra, Buddha, Jesus, Mohammad a fréier Stëfter, deenen hir Nimm gréisstendeels vergiess goufen. An deem si op dës göttlech Impulser reagéiert hunn, hunn d'Vëlker vun der Äerd ëmmer méi déi geeschteg, intellektuell a moralesch Fäegkeeten entwéckelt, déi zesummen de mënschleche Charakter ziviliséiert hunn. Dës openaner opbauend, jordausende laang Entwécklung huet elo eng Phase erreecht, déi typesch ass fir all decisiv Dréipunkte vun enger Evolutioun, enger Phase, an där virdrun net erkannte Méiglechkeete sech op eemol opmaachen: „*Dëst ass den Dag*“, bekräftegt Bahá'u'lláh, „*wou déi erhuewenst Seegnunge vu Gott dem Mënschen zougefloss sinn, den Dag, wou alles wat erschaf gouf, mat senger mächtigster Gnod erfëllt gouf.*“

Aus der Perspektiv vu Bahá'u'lláh huet d'Geschicht vun de Stämm, Vëlker an Natiounen tatsächlech hiren Ofschloss fonnt. Wat mir haut materliewen ass den Ufank vun der mënschewiederger Geschicht vun der Mënschheet, d'Geschicht vun enger Mënschheet, déi sech hirer eegener Eenheet bewusst ass. An dësem Dréipunkt vun der Entwécklung mënschlecher Kultur offréieren d'Schrëfte vu Bahá'u'lláh eng Neibestëmmung vum Wiesen an den

Entwécklungsprozesser vun der Zivilisatioun an eng Neiuerdnung vun hire Prioritéiten. D'Zil vun dëse Schrëften ass, eis zu enger geeschterer Bewusstheet a Verantwortung zréckzeruffen.

Et wäert een an de Schrëfte vu Bahá'u'lláh näischt fannen, dat zu der Illusioun encouragéiert, dass déi prophezeite Verännerungen op eng einfach Aart a Weis wäerte realiséiert ginn. Ganz am Géigendeel. Wéi d'Evenementer am zwanzegste Jorhonnert scho gewisen hunn, wäerte Gewunnechts- an Astellungsmuster, déi zënter dausende vu Jore fest verwuerzelt sinn, weder spontan nach als einfach Reaktioun op d'Erzéiung oder Gesetzer niddergeluecht ginn. Souwuel am Liewe vum Eenzelne wéi och der Gesellschaft geschéien déifgräifend Verännerungen meeschtens als Äntwert op intensiivt Leiden an onerdreeglech Schwierigkeeten, déi op eng aner Manéier net ze iwwerwanne wäeren. Genau sou eng grouss Prüfung, huet Bahá'u'lláh gewarnt, ass néideg, fir déi verschidde Vëlker vun der Äerd zu engem eenzege Vollek zesummenzeschmieden.

Geeschteg a materialistesche Virstellung vum Wiese vun der Realitéit sinn net matenee vereinbar a féieren an entgéegengesate Richtungen. Während dat neit Jorhonnert säin Ufank hält, huet déi vun der materialistescher Virstellung gesaten Zilrichtung eng onglécklech Mënschheet scho wäit iwwer de Punkt hinausbruecht, an deem d'Illusioun vun der Rationalitéit an déi vum mënschleche Wuel opriichterhale konnt ginn. Mat all Dag, dee vergeet, huelen d'Zeechen dovunner zou, dass sech vill Mënschen iwwerall dëser Erkenntnis bewusst ginn.

Obschonn d'Meenung vu villen net domat d'accord ass, ass d'Mënschheet keen eidelt Blad, op déi privilegiert Schiedsrichter mënschlecher Ugeleeënheet einfach hir eege Wënsch androe kënnen. D'Quelle vum Geescht spruddele wéi a wou se wëllen. Si ginn net op onbestëmmten Zäit duerch d'Geröll vun der zäitgenëssecher Gesellschaft ënnerdréckt. Et brauch ee kee Prophet méi ze sinn fir ze erkennen, dass déi éischt Jore vum neie Jorhonnert Zeie vun engem Fräiginn vun Energien an Ziler wäerte sinn, déi onermiesslech méi staark wäerte sinn wéi déi gesammelt Gewunnechten, illusoresch Irrtëmmer an Ofhängegkeeten, déi sou laang d'Ëmsetzung vun dësen Energie verhënnert hunn.

Wéi grouss den Tumult och wäert sinn – d'Zäitperiod, op déi d'Mënschheet am Moment histeiert, wäert jidderengem, all Institutioun an all Communautéit op dëser Äerd Méiglechkeeten opmaachen, déi et bis elo nach ni gouf, an dat fir d'Zukunft vun eisem Planéit matzestalten. „*Geschwënn*,“ sou verspricht Bahá'u'lláh mat voller Zouversicht, „*wäert déi haiteg Uerdnung opgerullt ginn an eng nei an hirer Plaz opgoen*.“

217 Honnert Bahá'í Gospel Sänger zu Lëtzebuerg - Visiounen

217t Sendung, 25ten an 26te Juni 2004. Léif Radio ARA Nolauschterer. Méindes owes de 5te Juli ass en Datum, deem dir iech verhele sollt. Well et ass net all Dag wou mir honnert Gospel Sänger aus Amerika an zéng aner Natiounen bei eis hunn, an dat am Kulturzentrum zu Bouneweg. *Change the World Chorus* mécht am Moment eng Europatournee a si sinn nëmmen een Dag zu Lëtzebuerg, an dat fir eis Härzer unzefänken duerch hir Musek, déi voll ass mat Léift, Freed an Eenheet. Wéi kann een dësem Appell vun honnert Choristen aus de Vereenegte Staaten an aner Länner widderstoen, Leit déi hir Konscht an hiert d'Talent hierginn, fir hire Message ze verbreeden, e Message dee vun de Bahá'í Léieren inspiréiert ass: Et gëtt nëmmen ee Gott, et gëtt nëmmen eng Mënschheet an d'Äerd gehéiert eis alleguer. Den Ensemble ass ënnert der Direktioun vum Van Gilmer. Maacht iech bäi, well d'Tickete kritt der just den Owend selwer, ausser dir lauschtert de Radio ARA, well mir ginn eng Koppel Gratisticketen ewech, just fir iech. Alles wat dir musst maachen, ass mir elo uruffen an dat um 091 334210. Dëse Konzert ass en plus fir e gudden Zweck an zwar fir d'Peace Factory, eng Asbl déi all Joers e Summercamp fir Jugendleche tëscht 12 a 15 Joer organiséiert, wou si zesumme Strategien ausschaffe fir Konflikter ze léisen. Respekt ass d'Zil bei Peace Factory. Während de Summeraktivitéite léiert de Jugendlechen den Alldag ze liewen, an dat am Respekt vu sech selwer, deenen aneren an der Ëmwelt, Kompetenzen ze entwécklen fir sech besser ze verstoen a mateneen ze schwätzen, sech selwer besser kennenzelieren, seng eege Spiritualitéit ze erkennen a sozial Verantwortung ze entwécklen. Ausserdeem steet dëse Konzert: *Change the World Chorus* ënnert dem Patronage vum Kulturministère. Net vergiessen, Méindes owes de 5te Juli um 8 Auer am Kulturzentrum zu Bouneweg.

Komme mer awer zu eisem Thema vun haut: *Näischt ass méi realistesch wéi eng staark Visioun*, oder wéi kann ee mat Visiounen d'Zukunft matgestalten? Visioun bedeit virausgesinn. Et huet missen e Visionär sinn, dee geduecht huet, et misst dach e Wee ginn, dem Mënsch d'Fléier ze erméiglechen. Aus dëser verréckter Visioun ass haut en alldueglech Verkéiersmëttel ginn.

Eng gutt Visioun sprécht ëmmer d'Häerz an de Verstand un. Virwëtzeg sinn am gudde Sënn ass eng elementar Kraaft vun onsem Geescht déi ons weiderdreift. Natierlech soll ee Spaass dobäi hunn. Visiounen sinn e Versuch, sech op d'Zukunft anzeloossen a versichen d'Zukunft ze gestalten. Dat wat eriwwe ass, ass eriwwe, mir liewen elo an eis Ae solle no vir kucken.

Mir wëllen e puer Denkestéiss ginn, fir dass jidderee seng eege Visiounen entwéckle kann. Dofir brauche mer spilleresch Qualitéiten. An deem mer versichen, Gedanken a Gefiller zesammenzuféieren ass e Changement méiglech.

„Eng chaotesch international Gesellschaft, hin an hirgerass vu géigesetzlech Virstellungen an Interessen, ass ëmmer méi dem Terrorismus, der Gesetzlosigkeit an der Korruptioun ausgesat a gëtt duerch de wirtschaftlechen Ënnergank, duerch Aarmut a Krankheet begrüewen.“¹

Et ass kloer dass mir staark visionär Qualitéite brauchen. Wéi kann een awer praktesch eng Visioun entwécklen? Wéi gëtt eng Visioun Wirklechkeet? Eng Visioun ass net fest a steif, méi fléissend, ka changéieren a sech entwécklen. Eis Zukunft kann also méi spannend a méi sënnvoll a méi flott ausgesinn. Hei elo e puer vun dese Qualitéiten, déi eis Hëllef kënnen, um Wee zu neie Visiounen. Dozou gehéiere geeschteg Offenheet, Optimismus, en Entdeckungsgeescht, Freed op d'Zukunft, Vertrauen a sech selwer an och an eis eegen Intuitioun, Glawen, fräi si vu Virurteeler, offe sinn an entspaant sinn. Lieweg a schöpferesch sinn, Freed a Gléck ausstralen an net vergiessen: gutt Visiounen sinn ustiechend. Visiounen beschäftege sech mat der Zukunft, awer visionäert Denke fänkt direkt un a wirkt direkt op ee selwer.

Méi praktesch heescht dat och an eisem Alldag fir sech selwer emol seng Gesondheet fleegen, de richtege Partner wielen, e glécklecht Bestietnes ustriewen, senge Kanner eng gutt Erzéiung ginn, e passend Studium an de richtege Beruff wielen, sech Zäit huele bei der Orientéierung an der Wiel vun enger Weltanschauung an der Relioun. Fridde bei sech selwer schafen a mat sengem Nächsten. Mir wëssen dass d'Welt an enger déiwer Kris stécht an das eis positiv Visioun dozoubäidréit, d'Welt ze veränneren. Bahá'u'lláh seet dass d'Welt eng Heemecht ass an d'Mënschen all hir Bierger sinn.

Grouss Visiounen setze sech aus ville klengen Visiounen zesammen. Wat kann zum Weltfridde bäidroen? Ganz einfach, an deems ech ufänke, ronderëm mech friddlech ze sinn, mat mengem Partner, menge Kanner, menger Famill, Kollegen, op der Aarbecht a virun allem an deem ech Freed a Gléck ausstralen. Ech kann och an enger Grupp mat Leit zesammeschaffen déi änlech Visiounen hu wéi ech. Dobäi kann ech meng Talenter a Méiglechkeeten asetzen an aner Mënschen ermuddegen, matzemaachen.

Genee sou wéi ech all Dag eppes iessen, kann ech och all Dag eng schéi Wäisheet aus oder Gebiet soen, sief dat aus de Bahá'í Schrëften oder aner Schrëften oder groussen Denker vun eiser Zäit.

Abdu'l-Bahá schreift: *„Kuckt net op haut. Riicht äre Bléck op d'Zukunft. Wéi kleng e Kär am Ufank och ass, awer zum Schluss ass et e mächtege Bam. Kuckt net op de Kär, kuckt op de Bam, op seng Bléien, Blieder a Friichten.“³⁹*

Iech Radio ARA Nolauschterer en erhuelen Weekend. Äre Jean-Marie!

218 Texter zum Nodenken

218t Sendung, 2ten an 3te Juli 2004. A fir déi puer Minutten déi eis elo nach bleiwen, nach e puer Spréch an Texter zum Nodenken.

'Abdu'l-Bahá huet 1912 zu Paräis zum Thema Berodung gesot: „Wa fënnf Leit zesammekomme fir no der Wourecht ze sichen, müsse si ufänken sech selwer vun allem lasszeléisen an och vun alle virdrun ausgeduechten Iddien. Fir d'Wourecht ze fanne, müsse mer eis Virurteeler opginn; en opene Geescht ass wesentlech. Wann eist d'Glas voll ass mat eis selwer, dann ass keng Plaz méi do fir d'Waasser vum Liewen. D'Tatsach dass mir eis virstellen, selwer Recht ze hunn an all déi aner am Feeler sinn, ass dat gréissten Hënnernes um Wee zur Eenheet, an Eenheet ass néideg wa mer gär d'Wourecht hätten, well d'Wourecht ass eng.“⁴⁰

De William Sears sot dass d'Mënsche wéi de Mound sinn. *„De Mound huet keen eegent Liicht. E kritt alles vun der Sonn. Wann de Mound der Ärd zougedréint ass, ass en den donkle Mound. E gëtt keng Luucht. Mee wann e sech vun der Ärd ofdréint a sech der Sonn zoudréint, gëtt e lues a lues méi schéin. Fir d'éischt ass et e Sëlwersträifen, dann e Véierelmound, dann en halwen, dann en Dräivéierelmound bis schliesslech, wann en der Ärd ganz de Réck weist a sech no der Sonn riicht, gëtt en zu engem groussen, ronne stralende Vollmound. Dat ass den Zäitpunkt, wou hien der donkler Ärd am meeschte Liicht gëtt.“⁴¹*

Den Dag vum der Erkenntnis, vum Max Hayek: *„Deen Dag, wou s du erkennst, dass de verantwortlech bass, dass d'Welt mat dir steigt a fällt, sënndegt oder reng ass – deem Dag ass däi Gebuertsdag.“*

Den Ënnerscheed, vum Friedrich Oetinger: *„Gott, géff mer d'Geloosheet, d'Saachen ze akzeptéieren, déi ech net änneren kann, de Mutt déi Saachen z'änneren, déi ech änneren kann an d'Wäisheet, dat eent vun deem aneren ze ënnerscheeden.“*

¹ Universaalt Haus vun der Gerechtegkeet, Ridván Message 2004

Huel der Zäit, eng persesch Wäisheet: „Huel der Zäit, fir ze schaffen, et ass de Präis vum Erfolleg. Huel der Zäit, fir nozedenken, et ass d'Quell vun der Kraaft. Huel der Zäit, fir ze spillen, et ass d'Geheimnis vun der Jugend. Huel der Zäit, fir ze liesen, et ass d'Grundlag vum Wëssen. Huel der Zäit, fir ze dreemen, et ass de Wee zu de Stären. Huel der Zäit, fir gär ze hunn, et ass déi wierklech Liewensfreed. Huel der Zäit, fir frou ze sinn, et ass d'Musek vun der Séil.“

Bahá'u'lláh seet: „D'Léift ass eng Luucht dat nimools an engem ängschtlechen Häerz wunnt.“

Visioun vermëttelt, vum Antoine de Saint-Exupéry: « Wanns du e Schëff baue wëlls, dann trommel d'Männer net zesummen, fir Holz erbäizehuelen, Geschir virzebereeden, Aufgaben ze verdeelen an d'Aarbecht anzedeelen, méi geëff de Männer d'Sehnsucht an d'Verlaangen no der wäiter onendlecher Welt! »

219 Courage a Freed

219t Sendung, 9ten an 10te Juli 2004. Léif Radio ARA Nolauschterer. D'Begeeschterung war grouss fir déi 250 Leit, déi leschte Méindeg am Kulturzentrum zu Bouneweg waren, fir zesumme mat honnert Gospelsänger aus Amerika an zéng aneren Natiounen ze sangen an ze danzen. Am Chouer war och ee Lëtzebuerger de Jean Weber a jiddereen huet zum Schluss op Lëtzebuergesch gesongen: „Mir halen op mat haassen“ – „We give up on hate“. Et gouf geklappt, gesongen, gedantz an et hat een och Tréinen an den Aen. Et gouf méi roueg Momenter, sou zum Beispill d'Lidd: „I'm so glad, Ech si sou frou.“ An der Paus hunn d'Gospelsänger sech an de Publikum gemëscht, fir hiren Enthusiasmus mat den Zuschauer ze deelen. Et ware jonker an aler dabei, grousser a klenger. Déi allermeeschte sinn, sou kann ee soen, ugestach ginn vun dëser Freed fir d'Léift déi e fir säi Schöpfer huet, anere matzedeelen. „We praise the Lord, Mir luewen eisen Här“ hu si gesongen, an dat mat aller Kraaft. Et deet wierklech gutt, dat sou no baussen hin ze héieren. Dës Qualitéit fir kënnen aus sech erauszegoe bréngen déi schwaarz Amerikaner wéi keng aner fäerdeg. Et deet richtig gutt. Hoffe mer dass si gläich nees erëmkommen.

Dofir wollt ech haut kuerz iwwer zwou Qualitéite schwätzen, déi mir hei wichteg schéngen: Courage a Freed. Courage hunn fir aus sech erauszegoen an dat ze maachen wat muss gemaach ginn och wann et wierklech haart oder schwéier ass. Courage ass och da weidermaachen wann ee wëllt opginn. Et heescht d'Gefor erkennen a standhaft bleiwen. Et heescht awer net, onnéideg Risiken agoe fir einfach wëlle Mutt ze weisen. Et brauch ee Courage fir nei Saachen auszeprobéieren, sech schwéier Situatiounen ze stellen a sech nees an de Grëff kréien no engem Feeler an nach eng Kéier probéieren. Et heescht dat maache wann ee weess dass et richtig ass och wann aner Leit een auslaachen. Courage ass eng Qualitéit vum Häerz. Courage kënnt vun deem wat een a sengem Häerz fillt an net nëmmen dat wat een denkt. Et kënnt dovun dass ee sech selwer kennt an dass ee weess dass een eppes maache sollt. Courage kënnt dovun dass ee weess dass Gott do ass fir ze hëllefen an dass een op Hien ziele kann.

D'Léift kann eis Courage ginn. Si gëtt eis Kraaft an hëlleft eis dat richtig man, trotz eisen Ängschten.

Déi aner Qualitéit, déi ech dësen Owend mat de Gospelsänger gespuert hunn war eng immens Freed. D'Freed fir mat vollem Häerz ze sangen, dass si e Wee fonnt hunn, dass si Bahá'u'lláh unerkennen als dee Versprachene vun alle Reliounen, dass si am Bahá'í Glawen eng Visioun fir d'Zukunft fonnt hunn, dass si dat voll a ganz am Gesank a sou wéi si sinn, ausdrécken. An de Bahá'í Schrëfte liese mer iwwer d'Freed, also Joyfulness: „Freed gëtt eis Flilleken! An Zäite vu Freed ass eis Kraaft méi staark, eisen Intellekt méi schaarf, an eist Verständnes méi kloer. Et schéngt wéi wa mir besser géifen eens gi mat der Welt an dass mir besser eist Gebitt fannen, wou mir kënnen en Afloss hunn.“¹

Freed heescht, dass ee voll ass mat Gléck, Friden, Léift an engem Gefill vu Gutsinn. Freed ass a jidderengem vun eis. Et kënnt vum Gefill dass aner eis gär hunn. Et kënnt vun der Appreciatioun dass d'Liewen e Geschenk ass. Et kënnt da wa mir eppes maachen a wëssen dass et richtig ass wat mer maachen. Freed huet eppes mat Spaass ze dinn mee et ass net grad dat selwecht. Spaass ass eppes wat ausserhalb geschitt – sech gutt ameséieren. Freed kënnt vun deem wat an eis bannendra geschitt.

Freed ass ëmmer do, egal wat dobausse geschitt. Dës ënner Freed kënne mir an alles investéiere wat mir maachen. Et kann ee seng Aarbecht gär maachen, seng Hausaufgaben, souguer eng Aarbecht déi langweileg an net flott ass. Wann een a sech selwer kuckt, fënnt ee Freed, an et kann een dann aus alles eppes flottes maachen. Freed ass dës Gefill dat eis duerch schwéier Zäite bréngt, och wa mir ganz traureg sinn.

Et sief hei gesot dass een dës an aner Qualitéiten an engem flotte Buch erëmfënnt: *The Family Virtues Guide*, e Guide fir d'Dugenden an der Famill. Dir fannt méi Informatiounen um Internet oder wann dir eis um Radio ARA urufft: Dat ass den 22.22.89. An ech sinn haut besonnesch frou, iech kënnen duerch eis Emissiounen e klengen Abléck ze ginn an de Bahá'í Glawen.

¹ Abdu'l-Baha, Paris Talks

220 Visiounen an Texter zum Nodenken

220t Sendung, 23ten a 24te Juli 2004. Wien an Harmonie wëllt si mat de Prinzipie vum Liewen, musst d'Zil vun der Rees kennen. Déi richteg Wiel vum Wee an de Moyenen, Sécherheet an den Entscheedungen an en Equiliber am Uerteel hänke vun der Klorheet vun der Visioun of. Asiicht hänkt vun der Wäitsiicht of.

D'Quell vun der Motivatioun an der Energie ass e kloert Zil virun Aen ze hunn. Och wann ee menge kéint, dass d'Fruucht aus dem Bam kënnt, ass et tatsächlech ëmgedréint. De Bam ass d'Resultat vun der Fruucht. Well wier et net wéinst de Friichten, da géing de Gärtner de Bam guer net setzen a sech Méi ginn dass de Bam och wiisst. Et ass d'Unzéiung vun der Visioun déi Beweegung an Tatendrang mat sech bréngt.

Ziler bedeuten awer och Herausforderung; bereet ze sinn, sech lasszeloosse vu Gewunnechten, säi Kompass anescht auszeriichten an deem Neien entgéint ze goen. Ziler bedeuten, en Expert vu Prozesser ze ginn, Gedold an Ausdauer ze weisen, open a flexibel ze sinn fir Changementer a wëlle léieren. D'Freed an den Erfolleg leien awer net just um Enn vun der Rees mee et fënnt een see bei all Schratt. Och wann et heescht säin Zweifel ze besiegen, éier den Dram zur stralender Wierklechkeet gëtt a wann d'Nobannekucken sech no bausse verwickelt. Déi kloer Visioun liicht dem Wanderer ëmmer sou wéi de Muerestär vun der Féierung op sengem Wee.

Zum Thema Visioun elo eng léif kleng Geschicht: *De Wonschbuttek!* E jonke Mann hat en Dram: E war an engem Butték an hannert der Téik huet hien en Engel gesinn. Séier huet hien den Engel gefrot. „*Wat verkaaft dir hei?*“ „*Alles wat dir wëllt*“ sot den Engel. De jonke Kärrel war begeeschtert an huet sech iwwerluecht: „*Dann hätt ech gär: D'Ophale vu Kricher op der Äerd, besser Konditiounen fir d'Kanner an d'Familljen an der Gesellschaft, Aarbecht fir jiddereen, Ausbildungsplaze fir Jugendlech, eng gerecht Behandlung vun de Minoritéiten, ...*“ Dunn ass den Engel him an d'Wuert gefall: „*Entschëllegt jonke Mënsch, dir hutt mech falsch verstan. Mir verkafen hei keng Friichten, mir verkafen de Som!*“

Dass et net sou einfach ass, an eiser haiteger Zäit de richtege Som ze fanne fir eng besser Welt ze schafe wësse mer. D'Visioun vun enger friddlecher Welt fënnt een als déi gréisste Visioun iwwerhaupt an de Schrëfte vu Bahá'u'lláh, Begrënner vum Bahá'í Glawen. Viru méi wéi 100 Joer huet hie sech un d'Weltleadere geriicht a sinn opgefuerdert sech zesummesetze fir Fridden an der Welt ze schafen.

Dast dëst Thema méi wéi je aktuell ass, weist en Artikel an der Zäitschrëft P.M. déi elo just erauskoum. D'Iwwerschrëft seet: *Come together* an d'Bild ënnendrenner weist e riesege Stull, wou d'Leadere vun der Welt dropstinn an ënnert dem Stull gesäit en eis Äerd. Den Artikel seet: „*Den Irak-Krich huet et erëm gewisen: Kee Land, wann och nach sou mächtig, ass an der Lag, als Weltpolizist, Fridden ze schafen. De Ruff no enger staarker Weltregierung gëtt ëmmer méi staark. Si soll Recht an Uerdnung an de State vun der Äerd duerchsetzen. Wa néideg mat Gewalt. Awer dës Weltregierung géif onweigerlech zur Diktatur féieren. Wëssenschaftler gesinn déi eenzeg Léisung an enger ganz neier Weltpolitik – a gemeinsamer Verantwortung. D'Zauberwuert heescht: „Global Governance“. De Professor Franz Nuscheler beschreift, wéi dat funktionéiere kënnt. Weider heescht et: „Mateneen – Eifersüchtig op seng eegen Interessen ze setze bréngt soss näischt wéi Krich a Konflikter. Aus dësem Däiwelskrees komme mer nëmmen dann eraus, wann an de Staten eng Asiicht wiisst, dass mer Fridden nëmme kënnen zesumme schafen. D'Denkmodell „Global Governance“ weist de Wee zu dësem Zil.“*

Méi Virschléi zum Thema Global Governance fënnt een zum Beispill am Dokument: *Wendzeit für die Nationen*, e Statement vun der internationaler Bahá'í Gemeng, erausginn 1996, also virun aacht Joer! Als Bahá'í ass et e grousst Encouragement, ze gesinn, dass d'Prophezeiungen an d'Visiounen déi een an de Bahá'í Schrëfte fënnt, eiser haiteger Realitéit ëmmer méi no kommen, an dass méi a méi zäitgenëssesch Denker a Wëssenschaftler op hir Manéier zu de selwechte Konklusione kommen, ouni selwer Bahá'í ze sinn oder d'Bahá'í Schrëften ze kennen. Bahá'u'lláh schreift: „*D'Welt ass aus dem Gläichgewicht geroden duerch d'Schwongkraaft vun dëser gréissten, dëser neier Weltuerdning. D'gereegelt Liewe vun der Mënschheet ass opgewullt duerch d'Wierke vun dësem eenzegaartegen, dësem erstaunleche System, desgläichen na kee stierflecht A jee gesinn huet.*“¹

220a Buchvirstellung: Honnert Bréiwer u Gott

220t Sendung, 16ten a 17te Juli 2004. *Honnert Bréiwer u Gott* ass den Titel vun engem neie Buch, op Franséisch. Geschriwwen vu Fraen a Männer, déi reliéis sinn oder och net: Äerzbëscheef, Shéiken, Mönche, Paschtéier, Rabbiner, Bahá'í oder Buddhisten, Schrëftsteller, Intellektueller, Journalisten, Philosophen oder Wëssenschaftler aus Europa, Afrika oder dem Orient. Si all bezieen méi wéi jee d'Noutwendegkeet vun engem Dialog. An dësem Buch drécken si hire Glawen aus, hir Zweifelen, hir Revolt, hir intiimst Froen, hir Hoffnungen an hir Verzweiflung. Op dës honnert Bréiwer och pathetesch sinn, oder violent, poetesch, erfrëschend, si stellen all en eenzegaartegt Mosaik duer vun der Sich vun de Mënschen.

¹ Bahá'u'lláh, *Ährenlese*, s. 70

Aus dem Franséischen iwversat a fir iech ausgewielt ee vun dësen honnert Bréiwer u Gott, an zwar vum Hélène Guyot-Sander, Maître de conférences vun der Universitéit Blaise-Pascal a Member vum Bahá'í Glawen.

Mäi Gott,

D'Iddi fir dir ze schreiwe wier mer bestëmmt net komm an huet mech fir d'éischt emol zum Nodenke bruecht. Ass et sennvoll Dir ze schreiwen, Dir dee mäin Häerz a meng Gedanke liest, sou wéi ech et selwer ni kéint maachen? A wie sinn ech fir mir esou eppes ze erlaben.

Mee anerwäerts schwätzen ech jo souwisou mat dir, an do gëllen déi selwecht Iwwerleeungen, genau sou wéi d'Gebiet wou ech och mengen dass et net deem entsprécht wat s du vu mir erwaarts. Zu gläicher Zäit huet et mer geschéngt wéi wann dëse Bréif eng gutt Geleeëenheet wier mech un dech mat enger méi grousser Reflexioun ze riichten, och wann et net méiglech ass, alles auszedrécken wat ech spieren. Ech hunn also geschriwwen, mee ech si mer voll a ganz bewusst dass am Absolutten, näischt vun deem wat ech schreiwe kann, convenable ass fir dech.

Ech froen dech och, mäin Herr, des Zeilen ze akzeptéiere fir dat wat se sinn: e mënschlechen Ausdrock, onendlech onperfekt, onendlech kleng vis-à-vis vun deem onendlech Groussen, deem wat een net wësse kann.

Fir d'éischt emol wollt ech Dir mäi Gefill vun Dankbarkeet ausdrécken an d'Guttheet déi s Du eis weis.

D'Räichheet vun der ganzer Schöpfung an d'Räichheet vun all de Wiesen déi d'Mënschheet ausmaachen, kënne sech nëmme wonneren iwver all Liewewiesen dat mat Perzeptioun begabt¹ ass. All Dag sinn ech Dir dankbar wann ech d'Natur ronderëm mer observéieren, well s du eis d'Sënne ginn hues. An ech si mer dees all Kéiers voll bewusst wann ech an deem aneren nëmmen dat gesinn wat hien erhieft.

Ech soen der merci mäi Gott, fir dës Schéinheet a fir all dës Qualitéiten déi s du an eis mënschlech Realitéite gesat hues. Ech hu verstan dass et un eis ass, sech deem bewusst ze ginn, dës gutt Qualitéiten an eis ze entdecken an se ze exploitéieren. Wat net ëmmer eng einfach Saach ass. Mee ech mengen dass dat wat s du vun eis verlaangs ass keng einfach Saach, sief dat den Eenzelnen oder d'Mënschheet a sengem Ganzen.

Wat de Mënsch ugeet, sou geet et fir d'éischt emol drëm ze gleewen. An dat obschonn et keng Beweiser ginn. An dann heescht et follegen, ouni ëmmer sécher ze sinn dass ee wirklech verstanen huet, weder wéi nach firwat. An am allgemengen, dat akzeptéiere wat s du fir eis entscheeds, an deem mer Vertrauen hunn an d'Tatsaach dass Deng Gerechtegkeet net eis Gerechtegkeet ass an dass du dat wäerts wiele wat eis passt. Et fällt mer heiansdo schwéier, mäi Gott, einfach ze akzeptéieren, och wann s du schreifs dass du kengem eng Laascht gëss, déi hien net erdroe kann.

Et ass elo un der Mënschheet fir hir Eenheet ze realiséieren. Fir een eenzegt Vollek ze ginn, iwver d'Länner, d'Rassen an d'Reliounen eweg, och wann et heiansdo schwéier ass dës Eenheet an der Famill, ënnert den Noperen an op der Aarbecht ze erreechen.

Ouni Zweifel ass dat eng Erausfuerderung, an awer gesinn ech, mäi Gott, dass dës Eenheet sech mécht, dass iwverall op der Welt, Fraen a Männer, vun allen Originen, vun allen Hautfaarwen, sech zesummen erhuewen hunn fir dass Kricher a Leed ophalen an dass sech Friden a Gerechtegkeet etabléiert. De Wee ass oft schwéier, mee mir komme virun, mam Präis vun individuellen a solidareschen Efforten, a mir si frou.

Mäi Gott, vill vun eis wëssen dass du existéiers a mir hunn dech gär.

An da ginn et nach all déi, déi ganz einfach an hirem Häerz Deng Léif fir eis nach net entdeckt hunn, an nach ni an hirem Wiesen d'Kraaft vun denger Kreatioun gespuert hunn.

Papp, deen s du eis gär hues, verzei eis fir all dat wat mir maachen an hëllef eis fir dass mir dës Welt ännere kënnen.

Wat mech ubelaangt, weess ech wat s du mir ginn hues, an dat wëll ech an den Déngscht vun deene setzen, déi s du gär hues. Ech ka just mat engem Gebiet ophalen, a Form vun engem Glaawensbekenntnes: „*Wann däi Vollek emol léiert, dech ze kennen, o mäi Gott, wäert et Däi Wee net verloossen.*“

221 Buchvirstellung : D'Liewen ass e Paradis, zu deem mir de Schlëssel fanne kënnen

221t Sendung. Léif Radio ARA Nolauschterer. De Summer ass endlech do a sou muncher ee geet elo vläicht an e Bicherbutték fir sech e Buch ze kafe fir an der Vakanz ze liesen. Dat hunn ech gemaach an ech hunn am Herder spektrum Verlag en neit Buch vum Nosrat Peseschkian fonnt: *D'Liewen ass e Paradis, zu dem mir de Schlëssel fanne kënnen*. D'Buch ass net ze grouss a passt an all Täsch, an net ze deier mat just iwver sechs Euro. Am Buch fënnt een eng Rei vu Wäisheetsgeschichten, erzielt vum Meeschter vun der positiver Psychologie. Aus enger verfuereener Situatioun mécht sech en Auswee op, en Aha-Erliefnes féiert zu engem Laachen, dat ee fräi mécht. An

¹ talentéiert

dat mat kuerze Bemierkunge vun engem Therapeut mat Erfahrung. E Geschenk fir all déi, déi d'Liewe munchmol fir net grad sou paradisesch halen – a fir all déi, déi sech paradisesch Inseln an hirem Alldag séchere wëllen.

Hei elo eng vun deene ville Geschichten aus dem Buch, mam Titel: *De klengen Ënnerscheed*. En orientalesche Kinnek hat en ängschtlichen Dram. Hien huet gedreemt, dass hien all seng Zänn, een nom aner, verluer huet. Beonrouegt rifft en eng Persoun, déi sech mat Dreem an hirem Sënn auskennt, fir him ze soen wat dat bedeit. „*Ech muss iech leider soen*“ seet hien dem Kinnek, „*dass dir genee sou wéi är Zänn, all är Familljememberen, een nom anere verléier wäert.*“ Dorops hi gouf de Kinnek rosen an huet de Mann, deem him näischt besseres konnt soen, an de Prisong gehäit. Dunn huet en eng aner Persoun gefrot fir him d'Bedeutung vu sengem Dram ze erklären. De Mann huet sech den Dram unhéieren a sot: „*Ech si frou iech kënnen eng freedeg Nouvell matzedeele. Dir gitt méi al wéi jiddereen aus ärer Famill an dir wäert si all iwuerliwen.*“ De Kinnek war immens frou an huet hie räich belount fir seng Wieder. Déi aner Leit um Haff hue sech doriwwer gewonnert an zum Mann gesot: „*Du hues dach am Fong näischt anescht gesot wéi däi Virgänger. Firwat ass hie bestroft ginn an du goufs belount?*“ „*Majo, mir hu jo allenzwee dee gläichen Dram héieren. Awer et kënnt net nëmmen drop un, wat ee seet, mee och wéi een eppes seet.*“

Souwäit d'Geschicht an da fënnt een no all Geschicht eng kleng Erklärung. Bei dëser Geschicht ass d'Thema d'Dugend vun der Héiflechkeet. Héiflechkeet mécht viles méi einfach. Dat heescht net, dass ee litt, mee dass een d'Wourecht op eng frëndlech Manéier seet, sou dass deen aneren se och akzeptéiere kann.

Passend dozou fënnt een an de Bahá'í Schrëfte wéi wichteg et ass an alle Situatiounen frëndlech ze sinn, eppes wat wirklech net einfach ass: Abdu'l-Baha schreift: „*Eng frëndlech Zong ass e Magnét fir d'Häerzer vun de Mënschen. Si ass d'Brout vum Geescht, si kleet d'Wieder mat Bedeitung, si ass d'Lichtquell vun der Wäisheet a vum Verstand.*“¹

Ofschléissend, nach e puer Gedanken zum Gléck: „*Fir d'Paradis ze sichen, muss een Energie aktivéieren: Et gött kee Lift fir bei d'Gléck ze kommen. Et muss een d'Trap huelen.*“

An iwuer d'Wierklechkeet schreift de George Bernard Shaw: „*D'Schwieregkeet besteet net doranner, dass et keng schéi Wierklechkeete gött, mee doranner, dass sou wéineg vun eis se erkennen, wa mer hinne begéinen.*“

222 All Reliounen sinn eng

222t Sendung, 6ten a 7ten August 2004. Léif Radio ARA Nolauschterer. An den nächsten Emissiounen géif ech iech gär eng Rei vu Brochüre virstellen, déi zu verschidden Themen d'Astellung vum Bahá'í Glawe ginn. Fir unzefänke proposéieren ech iech d'Opfaassung dass all Reliounen eng sinn. Wéi kann een dat aus der Bahá'í Siicht verstoen?

D'Bahá'í gleewen dass Relioun sech entwéckelt vun engem Zäitalter zum aneren, sou wéi d'Bedingunge changéieren an der Mënschheet hir geeschteg Fäegkeet sech entwéckelt. Wann een sech d'Schrëfte vun all de grouse Reliounen genee ukukt, fënnt een, dass déi geeschteg Wourecht, wéi zum Beispill de Message vun der Léift, d'Noutwendigkeet fir éierlech, wahrhafteg a reng ze sinn, dass een dës Wourecht an all Relioun erëmfënnt. D'Bahá'í Schrëfte bestätegen dass dës „*Foundatiounen vun der Relioun vu Gott, déi geeschteg sinn an déi d'Dugende vun der Mënschheet sinn, net kënne geännert ginn; si sinn .. éiweg a ginn am Zyklus vun all Prophét erneiert.*“²

Gott ass net erfaassbar, et kann een en net kennen. Eng Kreatur kann ni säi Schöpfer verstoen, net méi wéi e Bild kann de Kënschtler verstoen, deem d'Bild gemoolt huet. Dofir schéckt Gott eis an all Zäitalter eng Persoun, duerch deem Hien der Mënschheet seng Qualitéite kann offenbaren. D'Bahá'í gebrauchen den Ausdrock *Manifestatiounen vu Gott* wa si vu Prophete schwätzen. D'Bahá'í gleewen, dat ënnert aneren, Krishna, Moses, Buddha, Christus, Mohammed a Bahá'u'lláh Manifestatiounen vu Gott sinn. All Manifestatioun vu Gott ass eng Persoun mat engem Numm a mat senger eegener Perséinlechkeet, a mat materieller Besoiene, awer op engem aneren Niveau, si sinn alleguer en Deel vum selwechte göttleche Geescht.

Dofir ass et och, dass eng Manifestatioun heiansdo als Gott schwätzt an heiansdo als e Mësch. Sou huet Christus gesot: „*Ech a mäi Papp sinn enges.*“ (John 10,v30) an op enger aner Plaz liest een an der Bibel: „*Firwat nenns du mech gutt? Et ass kee gutt ausser engem, an dat ass Gott.*“ (Mark 10,v18)

¹ Eine freundliche Zunge ist ein Magnet für die Menschenherzen. Sie ist das Brot des Geistes, sie kleidet die Worte in Bedeutung, sie ist der Lichtquell der Weisheit und des Verstehens.“ Abdu'l-Baha, Auf den Pfaden der Gottesliebe

Un langage bienveillant est l'aimant qui attire les cœurs des hommes. C'est le pain de l'esprit qui revêt les mots de signification; c'est la fontaine d'où coule la lumière de la sagesse et de la compréhension. Bahá'u'lláh, "Extraits des écrits de Bahá'u'lláh", p. 190

² LSA of the Bahá'ís of Warwick, quotations from the Bahá'í writings

All Prophet, dee mat der Stëmm vu Gott schwätzt, baut op de Prophete virun him op. A fréieren Zäiten zum Beispill huet ee Frëndlechkeet a Frëndschaft an der Famill gewisen, dunno am Stamm. Christus huet e Beispill gebraucht fir de Leit aus där Zäit ze weisen dass een eng Persoun aus engem anere Stamm als säin Noper betruechte soll. Elo huet Bahá'u'lláh et daitlech gemaach, dass all Persoun op der Welt eisen Noper ass, well „D'Äerd ass nëmmen ee Land an all Mënsche si seng Bierger.“

„Deen zweeten Deel vun der Relioun vu Gott, dee sech op d'materiell Welt bezitt, an deem d'Faaschten, d'Gebiet, d'Hochzäit an d'Scheidung ëmfaasst, d'Ofschafung vun der Sklaverei, ... dësen Deel vum Gesetz vu Gott, dee sech op materiell Saache bezitt, gëtt geännert en accord mat de Noutwendegkeete vun der Zäit.“

Ausserdeem liese mer an de Bahá'í Schrëften: „All Zäitalter huet hir eegen Problemer an all Séil hir eegen Aspiratioun. D'Medezin déi d'Welt an hiren haitege Problemer brauch kann ni déi selwecht sinn wéi déi, déi si an aneren Zäitaltere vläicht brauch.“

Sou kann een zum Beispill d'Gesetzter vu Moses a vu Christus vergläichen. Moses krut säi Message vu Gott fir Leit déi stänneg op der Wanderung waren an dat ënner schwéieren Ëmstänn. Sou huet Moses geléiert: „en A fir en A an en Zant fir en Zant“, an dat als eng méi praktesch Approche zur Gerechtegkéit wéi dat bis dohin de Gebrauch war. Spéider zur Zäit vu Jesus huet hien de Leit geroden „och deem anere Bak dohinnerzehalen“.

Et ass esou wéi wann d'Mënschheet an eng Schoul geet. An all Klass léiert den Enseignant nëmmen dat wat d'Kanner och fäeg sinn ze verstoen. D'Manifestatioun vu Gott leet spezielle Wäert op déi Saachen, déi fir déi Zäit néideg sinn.

Een Deel vun der Relioun gëtt net erneiert, an zwar d'Traditiounen déi de Mënsch geschaf huet. Si ginn op der Sait gelooss wann eng nei Manifestatioun vu Gott kënnt. Dëse Prozess vu Gott, wou Hie sech der Mënschheet offenbaart ass e Prozess ouni Enn. All Manifestatioun ass eng Luucht déi mam Liicht vu Gott straalt. Mir müssen oppassen dass mir eis net zevill un d'Luucht attachéieren, mee éischter un d'Léift vum Liicht déi aus der Luucht kënnt.

Dëse Prozess vun der Relioun ass dee selwechte Prozess vu Gott wou Hien der Mënschheet eng Basis gëtt wou deem Eenzelen awer och d'Gesellschaft Spiritualitéit entwéckele kann. D'Bahá'í gleewen dass d'Mënschheet als e Ganz, sech iwwer d'Jorhonnerten entwéckelt huet a grouss an erwuesse ginn ass. D'Basis vun der Offenbarung vu Bahá'u'lláh ass d'Eenheet, d'Eenheet vun alle Leit, déi zesummen an Harmonie fir dat Gutt vun alle schaffen.

D'Manifestatiounen vu Gott si wéi perfekt Spigelen, déi d'Liicht vu Gott reflektéieren. Wa mer an d'Sonn kucken, déi sech am Spigel reflektéiert, kënnen mer mat aller Wourecht soen, dass mer d'Sonn gesinn hunn. Mee d'Sonn ass net aus dem Himmel erofkomm an de Spigel. Genee sou ass et mat de Manifestatiounen: si si perfekt Spigelen an deene mer den Härgott kënnen gesinn.

An eise Liewe kënnen mir eis Härzer fräi maache vum Stëbs vun der materieller Welt an esou kënnen mir besser d'Léift vu Gott reflektéieren. Mir kënnen d'Gesetzter vu Gott befollegen, déi Hien eis fir dëst Zäitalter ginn huet. An de Bahá'í Schrëfte liese mer: „All Natiounen wäerten eng ginn; all Reliounen wäerten sech vereenegen; d'Mënschen alleguer wäerten eng Famill ginn.“

223 Wieder déi inspiréieren

223t Sendung, 13ten a 14ten August 2004. Léif Radio ARA Nolauschterer. An dëser Emissioun fannt dir eng Rei vu schéinen Zitater aus de Bahá'í Schrëften zu verschidden Themen, déi iech hoffentlech ureegen an iech e bëssen Inspiratioun ginn fir dëse schéine Summer. D'Bahá'í Schrëften hu vill Rotschléi wéi ee säi Liewe liewe kann.

Wierklecht Gléck:

„De Mënsch ass a Wierklechkeet e geeschtegt Wiesen, an nëmme wann hien am Geescht leeft, ass e wierklech glécklech D'Welt ass nëmmen eng Schow, si ass näischt an eidel, si gläicht der Realitéit. Klammert iech net fest un si. Deen, deem sech selwer opgëtt, huet wierklech Freed. Sitt op, a mat der Kraaft vun der Muecht Gottes, gitt iech drun iwwer iech selwer ze gewinnen.“

Een deem anere gär hunn:

„Déi beschte Manéier dem Härgott Merci ze soen, ass een deem anere gären ze hunn. Wann e Mënsch säi Gesicht Gott zoudréint, fënnt hien d'Sonn iwwerall. All Mënsche si seng Bridder. Gitt all Mënsch deem dir begéint eng Léift ouni Grenzen. Beméit iech jidderengem, deem dir begéint, eppes guddes ze man, a sidd him vun Notzen.“

Positiv sinn:

„Pass op dass du kengem seng Gefiller verletz, oder dass du engem wéi deem, oder dass du bei engem iergendengem Feeler fënns. Sief ongerecht mat kengem. Luet kenger Séil eng Laascht op, déi dir selwer net droe wëllt, a wënscht

kengem eppes, wat dir iech net selwer wënscht.¹ Pass op, dass du kee vun deene bass, déi anere gudde Rod ginn awer selwer vergëss dëse Rot ze beuechten.“

Eenheet an Harmonie:

„Verkëier mat all Mënsch an engem Geescht vu Frëndlechkeet a Frëndschaft. D'Verschiddenheet an der mënschlecher Famill soll d'Ursach si vu Léift an Harmonie, sou wéi et an der Musek ass, wou vill verschidden Nouten sech zesummen dinn an engem perfektem Accord.“

Gutt Doten:

„Mir sollten alleguer déi Krank besichen. Wa si am Trauer sinn a leiden ass eng richtig Hëllef an nützelech wann e Frënd op Besuch kënnt. Et soll ee säi Glawen am Alldag weisen, sou dass d'Welt gesäit wéi e Liicht an de Gesiichter straalt. En hellt a glécklecht Gesiicht erfreet d'Leit iwwerall. Gitt iech Méi dass är Doten Dag fir Dag wonnerschéi Gebieder ginn.“

Der ganzer Welt en Déngscht erweisen:

„Deen ass wierklech e Mënsch haut, deem sech dem Déngscht vun der ganzer Mënschheet hirgëtt. Beschäftegt iech net mat ären eegenen Affären; fixéiert är Gedanken op dat wat zum Wuel vun der ganzer Mënschheet fëiert.“

An ofschléissend dës kleng orientalesch Wäisheet: Fir d'éischt d'Zil, dann de Wee.

„Wien d'Zil kennt, kann entscheeden. Wien entscheed, fënnt Rou. Wie Rou fënnt ass sécher. Wie sécher ass, kann iwwerleeën. Wien iwwerleet, ka verbessern.“

224 Beweiser dass Gott existéiert

224t Sendung, 20ten an 21ten August 2004. Dës Woch hat ech d'Geleeënheet un der Belscher Bahá'í Summerschoul deelzehuelen. Eng 120km wäit ewech vu Lëtzebuerg, bei Ciney, an dat an engem schéine Schluss mat vill Gréngs ronderëm. Haaptinvité war den Här Nakhjavani mat senger Fra, fréiere Member vum héchste Bahá'í Gremium zu Haifa, am Weltzentrum an Israel. Owe nom Iessen huet hie Froe beäntwert an eng vun de Froen huet mir besonnesch gutt gefall. Déi vun engem Jugendlechen, dee freet: Wéi kann ech menger Schwëster vu 15 Joer beweisen, dass Gott existéiert? D'Äntwert vum Här Nakhjavani baséiert sech op deem wat een an de Bahá'í Schäfte fënnt. Hei e puer vun de Gedanken un déi ech mech erënnere kann an och e puer Zeilen aus de Bahá'í Schrëften:

’Abdu'l-Bahá schreift uganks vum leschte Jorhonnert: En onwiderleebare Beweis fir d'Existenz vu Gott ass d'Tatsaach dass sech de Mënsch net selwer erschaf huet. Säi Schöpfer ass en anere wéi hie selwer.² E schwaacht Geschöpf kann net de Schöpfer vun engem anere Wiese sinn. Am Schöpfer mussen all Vollkommenheete vereent sinn, fir dass hien erschafe kann. Wier et méiglech dass d'Schöpfung vollkommen ass an de Schöpfer onvollkommen? Ass et denkbar, dass e Bild e Meeschterwierk ass an dass de Moler net vollkommen ass a senger Konscht? D'Bild ass dach seng Konscht a seng Schöpfung. Neen, d'Bild kann dem Moler net emol gläichkommen, well wann et wéi hie wier, da kéint et sech jo selwer molen. Wéi vollkommen d'Bild och ass, so bleift et dach am Vergläich zum Moler ganz onvollkommen.

Kuckt een zum Beispill de Mënsch, da gesäit een, dass e schwaach ass. Dës Schwächt vum Mënsch ass e Beweis vun der Stärkt, well wann et keng Stärkt géif ginn, kéint een sech d'Schwächt net virstellen. D'Schwächt selwer weist eis dass et an der Welt Stärkt muss ginn. Eng aner Schwächt an dëser bedéngte Welt ass d'Aarmut. Ouni Zweiwel muss et och Räichtum ginn. An dëser Welt gëtt et och Onwëssenheet. Dofir muss et och Wësse ginn, well soss kéint een och keng Onwëssenheet feststellen. Et ass sécher, dass dës ganz Welt enger Uerdnung a Gesetzer ënnerläit, deene si sech net entzéie kann. Souguer de Mënsch ass dem Doud, dem Schlof an aner Naturgesetzer ënnerleeën. Also gëtt de Mënsch beherrscht, an dofir muss et sécher och en Herrscher ginn. Well Ofhängegkeet eng wesentlech Noutwendegkeet ass, muss et och en onofhängegt Wiese ginn. Sou erkenne mer zum Beispill un engem Kranken, dass et Gesondheet muss ginn, well ouni Gesondheet géif et och keng Krankheet ginn. Aus all deem kann ee schléissen, dass et en éiwegen Allmächtege gëtt an een deem all d'Vollkommenheeten a sech vereent, wëll hätt en dat net, da wier hie senger Geschöpfer gläich. Dofir beweist déi klengst erschafent Saach op dëser Welt dass et e Schöpfer gëtt. Zum Beispill beweist e Stéck Brout, dass och een dat Brout gebak huet.

Wéi wier et méiglech dass dëst gewaltge an onendlecht Weltall sech selwer soll erschaf hunn? Dozou gëtt eng kleng Geschicht wou zwee Wëssenschaftler, zwee Astronomen andauerend diskutéieren, well een u Gott gleeft an deem aneren net. Deen deem u Gott gleeft léisst sech eng afalen. Während engem Joer, ouni sengem Kolleg eppes ze soen, bastelt hien un engem Modell vum Universum wat hien an engem Zëmmer opriicht. Wéi hie fäerdeg ass, invitéiert hie säi Kolleg bei sech. Hie seet him: Ech hunn eng Iwwerraschung fir dech. Maach d'Dier op an da

¹ Baha'u'llah, Aehrenlese

² 'Abdu'l-Bahá, Beantwortete Fragen, Bahá'í Verlag 1954

gesäis de. Wéi säi Kolleg, dee jo net u Gott gleeft dat mécht, fënnt hien en Zëmmer mat engem rise Modell vum Universum, mat de Planéiten, der Sonn, Galaxien, enfin, einfach immens. Hien ass esou erstaunt a seet zu sengem Frënd: Dat do ass jo fantastesch, immens. Wien huet dat gemaach? A säi Kolleg äntwert him: Keen, guer keen, dat war einfach a mengem Zëmmer.....

225 De Juddentum an de Bahá'í Glawen⁴²

225t Sendung, 27ten an 28ten August 2004. De Juddentum ass eng vun den eelste Weltreliounen a baséiert op enger Rei vu Propheten a Gottesoffenbarer, déi de Wëlle Gottes iwwer vill Jorhonnerten offenbaart hunn. D'Jude gesinn et als hir Pflicht d'Gesetzter vu Gott ze befolgen, an dat sou gutt wéi si et no hirem Verständnes kënnen. Gott verspricht hinnen dann op si opzepassen a si op hirem Wee ze leeden.

D'Bahá'í gleewen, dass dës Féierung duerch d'Zäiten a Jorhonnerten net opgehalen huet an dass Bahá'u'lláh dee leschte vun dëse Gottesoffenbarer ass. Gutt verstanen dee leschte wëllt hei net heeschen dass kee méi no Bahá'u'lláh kennt, mee dass Bahá'u'lláh de Gottesoffenbarer fir eist Zäitalter ass. Bahá'u'lláh gouf 1817 a Persien, am haitegen Iran, gebuer. D'Bahá'í gleewen, dass Hien dee Prophet ass, op deen all d'Relioune gewaart hunn.

A senge Schrëfte leet Bahá'u'lláh e grouse Wäert op d'Eenheet vu Gott, dee Gott dee mer ni kënnen verstoen. Déi göttlech Begrënner vun der Relioun, wéi den Abraham, de Moses, de Jesus, de Mohammed a Bahá'u'lláh, sinn, fir dat jeeweilegt Zäitalter d'Stëmm vu Gott, ouni awer Gott selwer ze sinn. Gott, a senger Essenz, bleift onbeschreibbar wäit ewech vu senge Kreaturen. An hire Persounen an duerch hir Léieren gi si der Mënschheet de Wëlle vu Gott fir hir Zäit. Déi fundamental Wourechte vun der Relioun bleiwen déi selwecht a kënnen weider developpéiert ginn. Verschidde sozial Léiere kënnen änneren, an dat entsprécht den Noutwendegkeete vun der Zäit. De Moses huet zum Beispill Geboter bruecht fir d'Gesellschaft, fir déi si an der Zäit vum Abraham nach net prett waren. Haut féiert Bahá'u'lláh dës Léiere weider, un eis Zäit ugepasst.

Et gi vill Prophezeiungen an de jiddesche Schrëften iwwer d'Komme vum Verheeschenen. Aus dëse Schrëfte geet kloer ervir, dass Hie vum Osten an d'Hellegt Land kennt. Dat fënnt een am alen Testament, Ezekiel, 43:2.

Bahá'u'lláh, wat op Lëtzebuergesch *D'Herrlechkeet Gottes* bedeit, koom aus Persien, wat östlech vum hellege Land ass. A weider fënnt een am alen Testamen, Ezekiel, 43:4 An d'Herrlechkeet vum Här koom an d'Haus duerch d'Paart, déi aus dem Osten ass. Déi Persoun déi koom fir Bahá'u'lláh de Wee virzebereeden war de Báb, wat eng Dier oder eng Paart heescht.

Well Bahá'u'lláh gesot huet dass Hien e Gottesoffenbarer wier, gouf Hien als Prisonéier an den Exil geschéckt an dat duerch verschidden Deeler vum tierkesche Räich a schliesslech bis an d'hellegt Land. Dës Prophezeiung fënnt een alt erëm am alen Testament, beim Micha, 7: 10-12.

Nach e puer Wuert zum hellege Land, dem haitegen Israel. De Mont Carmel, de Bierg Carmel zu Haifa, ass déi Plaz, wou, op Uweisung vu Bahá'u'lláh, e wonnerschéint Mausoleum vum Báb entstanden ass, an ëmgi vu Gäert. An dëse friddleche Gäert stinn haut d'Gebeier déi d'Weltzentrum vum Bahá'í Glawen ausmaachen. Bahá'u'lláh selwer läit net wäit ewech zu Akko begruewen. Fir d'Bahá'í ass dësen Deel vum hellege Land déi hellegst Plaz op der Äerd. D'Bahá'í Prophezeiunge soen, dass déi zwou Stiet, Haifa an Akko an der Zukunft d'Hauptstad vun enger föderierter Welt ginn.

Wat d'Famill ubelaangt, sou ass si de Kär vun der Gesellschaft. Duefir ass et liewenswichtig dass d'Famill op eng gesond Aart a Weis fonktionéiert. D'Rechter vun all Familljemember duerfen net iwwerschratt ginn. Respekt fir d'Eltere bleift weiderhi wichtig.

Fir d'Bahá'í, genee sou wéi fir d'Judden, hänkt d'Stabilitéit an de Fortschritt vun der Famill vun hirer Eenheet of: Wann an enger Famill Léift an Averständnis existéieren, wäert dës Famill an allen Hisiichte virukommen.

An dësem Zäitalter léiert Bahá'u'lláh eis, dass d'ganz Mënschheet wéi eng Famill muss ginn. „*D'Verschiddenheet an der mënschlecher Famill soll d'Ursaach vu Léift an Harmonie sinn, sou wéi et an der Musek ass, wou vill verschidden Nouten sech zesummendinn fir e perfekten Accord ze maachen.*“

An zum Thema Gerechtegkeet seet Bahá'u'lláh dass d'Ursaach vun der Gerechtegkeet, d'Erschéng vum Eenheet ënnert de Mënschen ass. D'Léiere vu Bahá'u'lláh basieren op de Prinzipie vun der Gerechtegkeet an der Eenheet. Dozou gehéieren: d'Ofschaf vum all Zort vu Virurteeler, d'Gläichberechtegung vu Frae mat de Männer, eng geeschteg Attitude zu der Wirtschaft, d'Eweghuele vun Aarmut, Erzéiung fir jiddereen, e weltwäit Fridensofkommen, eng Weltfederatioun, an eng gemeinsam Sprooch fir eng Weltkommunikatioun.

An dësem neien Zäitalter rífft Bahá'u'lláh d'Mënschen op, seng Uweisungen ze beuechten.

226 Dausend Schüler solle sech zum Islam bekéieren oder op hir Studie verzichten

226t Sendung, 3ten a 4te September 2004. Mëtt September geet bei eis d'Schoul nees un, d'Spillschoul, d'Primärschoul, d'Lycéen, an am Oktober dann eis Universitéit. Virun allen den Iwwergank vum Lycée op d'Uni ass e grouse Schrëtt am Liewe vun all Schüler. Dat ass esou sécher iwwerall op der Welt. An och am Iran. D'Freed ass grouss an d'Erwaardunge sinn héich. Leider fillen sech am Iran eng ronn dausend Bahá'í Studenten ugeschass. Si kënnen sech entweder zum Islam bekennen oder si müssen hir Studien opginn.

Obschonn d'Regierung de Bahá'í versprach hat, d'Diere vun den Universitéite fir si nees opzemaachen, an dat no engem Verbuet vu méi wéi zwanzeg Joer, sinn déi héijer Studien de Bahá'í en fait verbueden.

Viru sechs Méint waren déi jonk Bahá'í voller Hoffnung a Freed, wéi déi iranesch Autoritéiten eng historesch Décisioun geholl haten: vun elo un géif et keng Referenz méi, zu wéi enger Relioun ee gehéiert wann een sech fir den Opnahmexamen an d'Uni aschreift. Eng immens Hoffnung also fir d'Bahá'í, nodeem praktesch eng ganz Generatioun net konnt héijer Studie maachen.

Dësen Draam ass awer zerfall. D'lescht Woch, eng ronn dausend Bahá'í, déi hiren Opnahmexame gepackt haten hu mat Schrecken entdeckt, dass si als Musulmaner agedroe waren. Obschonn d'Bahá'í Versprache gemaach kruten, bestätegen déi iranesch Autoritéiten, dass den Zougank zu der Universitéit gläichgestallt ass mam Zoutritt zum Islam. D'Bahá'í Studenten am Iran sinn also gezwongen d'Universitéit opzeginn, well et soss sou wier dass si hire Glawe géifen oflehnen an dass dat da vun den Autoritéite wéi e Beweis dofir wier.

„Et ass dat eng diskriminatoresch Moosnam déi hiren Numm net seet. Et ass elo méi wéi e Joer dass d'Regierung de Bahá'í Accès zu den héijer Studie verspricht,“ erkläert d'Vertiederin vun der internationaler Bahá'í Communautéit bei der UNO, d'Bani Dugal. *„A Wierklechkeet wëllt d'Regierung se zwéngen hire Glawen ze verneinen. Dës Moosnam geet géint all d'Versécherungen, déi Iran der internationaler Communautéit ginn huet, a hirem Wonsch déi reliéis Fréiheeten ze respektéieren, a virun allem verstéisst si géint déi international Conventiounen am Bezuch op d'Mënscherechter déi den Iran ënnerschriwwen huet.“*

D'Bahá'í Gemeinschaft am Iran huet ëm déi 350.000 Memberen an ass déi gréisste reliéis Minoritéit am Land. Zënter 1979, Gebuertsdatum vun der islamescher Revolutioun, goufe méi wéi 200 Bahá'í ëmbruecht, an honnerte goufen an de Prisong gestach. Dausende vun hinne kruten den Zougank zu de Studie gespaart, Zougank zu der Aarbecht an der Penssioun. Hir Kierfechter an all de grouse Stied am Land goufen zerstiört. Si si keng Bierger, einfach weinst hirem reliése Glawen.

Ofschléissend dëse klengen Text deen engem hëlleft beim Gebiet an der Meditatioun: *„Maach d'Dier zou, just fir e Moment, a sich bei dir de Friden. Späer d'Dier zou virun der Welt an all hirem Kaméidi, a looss eran d'Stëll. Maach deng Oueren zou, just fir e Moment, bis de nëmmen héiers, déi roueg kleng Stëmm déi pëspert. Alles ass an der Rei well s du bass do.“*¹

227 Geschicht: de Bam

227t Sendung, 10ten an 11te September 2004. Léif Radio Ara Nolauschterer. Op dëser Plaz hutt dir vläicht schonn eng oder déi aner Geschicht héieren. An haut hunn ech nees eng kleng fir iech. Geschichten hunn et a sech. Enger Geschicht kann een nolauschteren a sech da selwer eng Meenung dazou maachen. Bei dëser Geschicht denken ech un eis Welt an dat wat mir draus gemaach hunn an dat wat mir aus hir kënne maachen. Et ass d'Geschicht vun engem Bam.

Et waren emol eng Kéier zwee Bridder, déi waren op der Juegd am Bësch. Enges Dags ware si vill méi wäit an de Bësch era wéi gewéinlech. Déif am Bësch si si op e Bam gestouss, awer e Bam wéi si nach ni ee gesinn haten. Dëse Bam war eenzeg ënnert deenen anere Beem am Bësch, vun enger aussergewéinlecher Gréisst a Schéinheet. Ronderëm dëse Bam war e speziell dousse Geroch an en huet immens vill Friichte gedroen. E puer vun de Friichte ware vum Bam erofgefall an dofir hunn déi zwee Bridder sech ënnert e gesat fir se am Schiet ze schmaachen. Esou eng gutt Fruucht haten si nach ni gehat an den Ernährungswäert hu si ganz séier gespuert.

Si hunn dann nach e puer vun den zeidege Friichten opgeraf fir se zrëck bei hir Familljen ze huelen. Si wollten der Famill matgi wat si fonnt hunn. Wéi déi aner d'Friichte bis geschmaach haten a wéi si héieren hunn, wéi d'Bridder iwwer dëse wonnerbare Bam geschwat hunn, hu si beschloss hir siwe Saachen ze paken a mat de Bridder op déi Plaz vum Bam ze goen fir sech do niddereeloossen. An dat hu se gemaach.

¹ www.tranquility-zone.org.uk Close the door for just a while - And seek the peace within.- Shut out the world and all its noise - And let the silence in. - Close your ears for just a while - Until you only hear - That still small voice that whisper - All is well for you are here.

An esou ass d'Zäit vergaangen an no ville Generatiounen sinn déi zwou Familljen zu engem groussen Duerf gewuess an all d'Famillen hu friddlech an der Ëmgéigend vun dësem schéinen an aussergewöhnleche Bam gelieft. Um Bam waren och ëmmer genuch Friichte fir jiddereen a si konnten sech all un de Friichten erfreuen.

Mat de Joere si verchidde Geschichten a Legenden entstanen, wéi dann elo déi Bridder dëse Bam entdeckt hunn, wéi e Brudder de Bam da fir d'éischt gesinn hat a wíem säin Entschloss et da war, fir mat de Famillen an d'Géigend vum Bam ze plënnere. Mat der Zäit sinn och verschidden Nimm fir de Bam an d'Friichten ënnert de Familljen entstanen. Obwuel de Bam ëmmer genuch Friichte fir jidderee ginn huet, ass Angscht a Mësstrauen ënnert de Familljen gewuess, well jiddereen huet gefaart dass deen aneren ze vill Friichte sammele géif an dass herno neméi genuch do wär. A sou gouf et Streidereien a Grenze goufe gestallt, sou dass kee kéint op deem anere säi Gebitt trieden fir d'Friichten ze huelen.

An du gouf iwwer déi verschidde Grenze gestriden a wat dann déi wierklech Grenz wier a wéi de Bam da géif wierklech heeschen. Mat der Zäit goufen dës Streidereien ëmmer méi grouss a Leit goufe verletzt an et goufen der souguer ëmbruecht. A sou koum et dass déi wonnerschén Harmonie, dëse Friden an dës Zesummenaarbecht, déi si sou laang genoss hunn, elo anscheinend fir ëmmer verluer war.

No ville Joere vu Verwüstung ass versicht ginn, nees e bëssen Uerdnung ze schafen. Delegatiounen goufe vun deenen eenzelne Parteien gebilt a si hu probéiert sech zesummenzefannen, fir kënnen eng Léisung ze fannen. Mee et war bal onméiglech sech eens ze ginn, wou a wéini si sech sollten treffen a vill vun de Parteien wollten sech net treffen, ausser si kréiche Recht wat den Numm vum Bam an der Frucht ubelaangt. Jiddereen huet u sengem Numm fir de Bam festgehalten a wann déi aner net domat averstane sinn, kéint een ni eng friddlech Léisung fannen. Ausserdeem wollten si net riskéieren, d'Wourecht mat den Iddien a Feeler vun den anere knaschteg ze man. Et waren der souguer do déi geduecht hunn dass dëse Bam guer net sou extra wier a si gehu gemengt e kéint ëmgehae ginn. A sou ass et eng gutt Zäit laang mat de Streidereie weidergaangen.

Awer do gouf et een dee matsen an der Feindséilegkeet an am Duercherneen standhaft bliwwen ass. Een dee weiderhi seng Schéinheet ginn huet, säi Schiet, seng Friichten fir jiddereen, ouni Diskriminatioun. De Bam.

Ofschléissend dëse Passage aus de Bahá'í Schrëften: „*Betruecht een deen anere net als Friemen, well dir sidd alleguer d'Strale vun enger Sonn, d'Friichte vun engem Bam an d'Blieder vun engem Aascht.*“¹

228 Identitéit fir de Planéit

228t Sendung, 17ten an 18te September 2004. 100 Joer am Dénkscht vun der Eenheet an der Verschiddenheet an Europa. Léif Radio Ara Nolauschterer, D'Mënschheet wísst aus hire Kannerschong eraus a gétt erwuessen. Och wann dat haut dacks schwéier feststellen ass. D'Mënschheet ass haut mat Sécherheet neien Erausforderunge konfrontéiert. Eng dovunner ass déi vir déi sozial Uerdnung ze restrukturéieren. An dat ass net nëmmen d'Aufgab vun de Politiker an aner Organisatiounen, mee et ass och d'Aufgab vun de Kënschtler, de Wëssenschaftler, vun den Aarbechter an de Firmendirekteren, en fait et ass d'Aufgab vu jidderengem vun eis. Jidderee vun eis soll sech asetze fir eng nei sozial Uerdnung.²

D'Bahá'í Gemeng proposéiert aacht Beräicher, déi ee soll speziell favoriséieren. Éischtens d'Wuel vum Eenzelne genee sou wéi d'Wuel vun der Kollektivitéit favoriséieren. Zweetens, wann een op der Sich ass no praktesche Léisunge fir d'Problemer vum Mënsch an der Gesellschaft, soll ee sech un ethesch Wäerter an u geeschteg Prinzipien halen. Drëttens soll ee jiddereen encouragéieren, selwer den Haaptakteur vum soziale Changement ze ginn. Soss ass een a bleift ee just en Zuschauer, e Spektateur, an dat ganz oft vu sengem eegene Liewen, an deem vu senger Famill. Véiertens soll een Initiativen um Terrain favoriséieren, zesumme mat enger permanenter Formatioun. Fënneftens soll jiddere kënne seng Talenter voll entwéckelen a jidderengem säi Potential soll am Dénkscht vun der Mënschheet agesat ginn. Sechstens, soll d'Gläichheet vu Mann a Fra favoriséiert ginn an d'Frae solle sech voll a ganz an alle Beräicher vun der mënschlecher Aktivitéit bedeelege kënnen. Siwentens ass et wichteg dass mer eis bewosst ginn, dass d'Mënschheet eng Eenheet duerstellt, déi et fäerdeg bréngt, all rassistesche, wirtschaftlech a sozial Barrieren ze brieche. Als leschte Punkt op dëser Plaz setzt d'Bahá'í Gemeng sech an, fir d'Konzept vum Weltbierger, an dat mat engem reelle Partage vu Verantwortungen fir domat kënnen d'Wuel vu jidderengem ze sécheren.

D'Bahá'í gehéieren enger Weltgemeinschaft un, déi vun demokratesch gewielte Réit verwalt gëtt, an zwar an 182 Länner an an 11746 Stied an Dierfer an der Welt. Wat si belieft ass de Glawen an d'Eenheet vun der Mënschheet. D'Bahá'í ënnerhuele breetgefächert Aktivitéiten, ëmmer mam Zil fir Virurteeler ofzebauen, dass d'Mënscherechter

¹ Nous ne considérons personne comme un étranger, car Bahá'u'lláh a dit: 'Vous êtes tous les rayons d'un seul soleil, les fruits d'un seul arbre, et les feuilles d'une seule branche' (Abdu'l-Baha a Londres)

² L'émergence d'une identité planétaire, brochure de l'exposition au Parlement Européen, 2003-2004

agehale ginn, fir d'Gläichheet ënnert de Fraen an de Männer ze fërderen, dass eis Kanner duerch Erzéiung selbststänneg denken an handele kënnen, fir sozial, kulturell a wirtschaftlech Entwécklung ze fërderen an doduerch, fir de Friden ze schaffen.

Hir Inspiratioun fanne si an de Léiere vum Begrënner vum Bahá'í Glawen, Bahá'u'lláh, dee vun 1817-1892 gelieft huet. An Europa hu sech déi éischt Bahá'í Gemengen Enn vum 19te Jorhonnert etabléiert. Haut ginn et Bahá'í an allen europäesche Länner.

An éischter Linn soll Relioun eng Quell vu Motivatioun sinn, fir sech wëllen ze verbesseren an e bëssere Mënsch ze ginn. D'Bahá'í Gemeng vu Lëtzebuerg ass der fester Iwwerzeugung dass d'Relioune sollen zesummeschaffen, am Dëngscht vun der Mënschheet. Dofir sidd dir léif Nolauschterer häerzlech ageluede fir zesumme mat eis nei Weeër fir eng besser Welt ze sichen. Dir fannt eis am Telefonsbuch, an der Stad oder um Internet ënnert bahai.

229 Mir sinn alleguer wéi eng Gittar

229t Sendung, 24ten an 25te September 2004. Léif Radio Ara Nolauschterer, An Tunesien gëtt et zënter méi wéi 50 Joer eng Bahá'í Communautéit an ech hunn d'Chance mat enger Fra bestued ze sinn, déi an Tunesien opgewuess ass. Hir Eltere si Judden, an an Tunesien ass den Islam déi grouss Majoritéit. Si ass zu Sousse an d'Schoul gaang, en Internat, dat vu chrëchtliche Schwëstere gefouert gouf. Si war also vun hirer Kandheet un, konfrontéiert mat dräi grouss Reliounen. Spéider, op der Côte d'Azur huet si fir d'éischt vum Bahá'í Glawen héieren. Während eiser klenger Vakanz an Tunesien ware mir frou, d'Bahá'í vun do kennenzeléieren an eis un hire Gebietsowenter zu Monastir an zu Tunis unzeschléissen.

Hei elo eng kleng Geschicht, erzielt vun enger Perséinlechkeet am Bahá'í Glawen, dem Här Enoch Olinga, deen de Glawen an Afrika kennegeléiert huet. A sengem Liewen hat hie vill Schwieeregkeeten a Leed kannt, hien huet vill matgemaach, an hien, seng Fra an dräi Kanner sinn an de 70er Joren an der Haaptstad vun Uganda, mattsen an den deemolegen Onrouen, an hirem Haus, ëmbruecht ginn. D'Ursaache vun dëser Tragedie si bis haut nach net gekläert. Den Här Olinga war e Mënsch voller Begeeschtertung, mat enger immenser Ausstralung an engem häerzhaften Laachen, deem ee sech schwéier entzéie konnt. Mat dësem Hannergrond mécht déi Geschicht déi der elo héiert vläicht méi Sënn. An der Geschicht kann ee soen, dass d'Gittar de Mënsch duerstellt an de Museker eise Schöpfer, den Härgott.

Oft sot den Här Olinga, dass mir alleguer wéi eng Gittar sinn. Wann eng Gittar vun engem grouss gëttleche Museker héiert, hofft si, dass de Museker op hir spillt. Et ass dat de gréisste Wonsch vun der Gittar. Si gëtt sech voll a ganz dësem Museker. De Museker akzeptéiert fir op der Gittar ze spillen, hien hält se no bei sech a fänkt un drop ze spillen. Zimmlech séier mierkt hien, dass schonn eng Zäit laang neméi op der Gittar gespillt gouf, an esou fänkt hien un d'Gittar ze stëmmen, an d'Säiten unzezéien. D'Gittar ass dësen Drock net gewinnt an dësen Drock deet der Gittar wéi. Si hält et neméi aus, an déi éischt Säit brécht. Vu dass d'Gittar sech sou wënscht, dass op hier dës gëttleche Melodie gespillt gëtt, spillt de Museker mat de Säiten, déi iwwereg bleiwen. Mee et héiert sech nees falsch un. Also stëmmt de Museker d'Säiten nees. Mee de Widderstand an den Drock ass ze grouss an d'Säit brécht. A sou geet et weider bis nach eng eenzeg Säit do ass fir drop ze spillen. An de Museker bleift der Gittar trei, déi sech esou wënscht dass de Museker drop spillt. Natierlech geschitt nees dat selwecht an och dës lescht Säit widdersteet dem Drock net an zerräisst schliesslech. Elo huet de Museker keng aner Wiel wéi d'Gittar op d'Säit ze leeën.

Wéi kann een dëse Verglach vun der Gittar, déi de Mënsch duerstellt an de Museker, dee Gott duerstellt, verstoen? Eng Méiglechkeet ass fir ze soen dass Gott eis test fir dass mir eis verbesseren, hie gëtt eis Epreuven fir eis ze perfektionéieren, net fir eis ze zerstéieren. D'Zerstéierung kënnt nëmmen duerch eise Widderstand fir eis stëmmen ze loossen. Den Zweck ass net d'Bestrofung, mee d'Intentioun der Gittar hire Wonsch ze erfëllen fir drop gespillt ze ginn. An esou fënnt een aussergewéinlech Leit, déi vill an hirem Liewe matgemaach hunn, déi awer hir eege Musek fir eis hannerloossen.

Bahá'u'lláh seet dass d'Zeeche vun der Léift Standhaftegkeet a Sengem Rot ass a Gedold a Sengen Prüfungen.

Vläicht ass d'Spréchwuert: „*Ouni Fläiss kee Präiss*“ guer net sou falsch a jidderee weess wéivill ee muss prouwe fir säin Instrument ze beherrschen, oder wéivill ee muss trainéieren, fir gutt kënnen eng sportlech Aktivitéit ze maachen. Wann een an der Musek säin Instrument beherrscht, kann ee jo dann och vun enger Fräiheet a Kreativitéit schwätzen. Also kann ee sech och froen: Wéi soll ech mäi Liewe am beschte liewen, sou dass dat wat ech denken, dat wat ech fillen an dat wat ech maachen, an Harmonie mateneen ass? An do kënnen eis vläicht eis gëttleche Erzieier hëllefen, d'Propheten an d'Manifestatiounen. A fir eis Zäit ass dat Bahá'u'lláh, Begrënner vum Bahá'í Glawen.

230 Wat vill Bahá'í de Summer iwwer maachen¹

230t Sendung, 31te September an 1ten Oktober 2004. De Summer ass eriwwer. Vill vun eis haten d'Geleeënheet e bësse Vakanz ze maachen a vläicht nei Leit kennenzeléieren. D'Bahá'í Summerschoulen, déi fir jiddereen op sinn, haten dëse Summer ganz oft als Thema d'Kreativitéit. Hei eng kleng Rees an e puer vun de Länner déi dat organiséiert haten.

A Rumänien, zu Tohanu Nou, hunn d'Frënn d'Summerresidenz vun der Kinnegin Maria vu Rumänie besicht. Si war den éischte Monarch deen de Bahá'í Glawen ugeholl huet. Den Ausflug bei hiert Schloss an der schéiner Regioun vu Bran war en Deel vum Programm, esou charakteristesche fir Summerschoulen an Europa dëst Joer.

Weltwäit kombinéieren d'Bahá'í Summerschoulen dräi grouss Aspekter; de meditativen Deel mat Gebieder, den Deel vu Konferenzen an Atelierer an d'Fräizäit während de Schoulen.

Sou war zum Beispill de Besuch an d'Schloss eng Geleeënheet Inspiratioun ze fanne bei Personagen aus der Geschicht, wéi d'Kinnegin Maria an d'Martha Root, eng Bahá'í déi hir de Glawe méi no bruecht huet.

Déi gemeinsam Theme vun de Schoulen an de Länner wéi Rumänien, Norwegen, Irland, Slovakien a Kroatien waren déi kreativ Aart a Weise wéi ee Gebietsréuniounen, Studiekreesser a Kannerklassen ugoe kann. Dës Grondaktivitéiten fënnt een elo bei de Bahá'í uechtert d'Welt.

A Rumänie gouf vill Gewiicht op d'Ateliere geluecht, a wéi d'Bahá'í an hir Frënn d'Manéier, wéi si der Communautéit hir Grondaktivitéite verbessere kéinten. An den Atelierer hunn d'Participante Gebietsbicher dekoréiert, Invitatiounen fir Gebietsowenter a Studiekreesser gemaach. Si hu geléiert, wéi een am beschte Geschichten erzielt a wéi ee kann einfach Lidder komponéieren.

Gi mer elo an Norwege kucken. Do hu sech zu Beitostolen iwwer 300 Bahá'í zesummefonnt, an dat an enger spektakulärer Bierregioun. E Conférencier, den Dr Hossain Danesh aus Canada hat als Thema, wéi mir eis als Erwuessener kënne weiterentwéckelen, an dat am Kontext vun der Famill, der Aarbecht an dem Dénsgscht am Bahá'í Glawen.

Eng aner Interventioun huet sech mat engem sozioekonomeschen Entwécklungsprojet ausernanergesat an eng aner huet sech drop konzentréiert wéi wichteg d'Landwirtschaft an der Gesellschaft ass.

Mëttes konnt een tëschen e puer Aktivitéite wielen a während der Schoul gouf et speziell Programmer fir Kanner a Jugendlecher.

Gi mer elo eriwwer an Irland, op Waterford, wou iwwer 500 Bahá'í mat hire Frënn eng flott Summerschoul genoss hunn. Sou hunn do d'Kanner an déi Jugendlech nomëttes eng grouss holze Schaukel an en Aussichtsturm gebaut. Et gouf natierlech och Fussball, Schwammen a Gesichtsmlerei.

Awakening the Spirit war d'Thema vun der Schoul. Fir den zéngte Gebuertsdag vum internationale Joer vun der Famill vun de Vereente Natiounen ze feieren, hat d'Schoul d'Leit vu Waterford op eng Porte Ouverte invitéiert. Dorops hi gouf et eng Konferenz an der Gemeng an eng Visite vum Buergermeeschter, dem Seamus Ryan.

An elo an d'Slovakei. Den Haaptconférencier an der nationaler Summerschoul war den Dr Firaydoun Javaher, e Member vum héchste Bahá'í Gremium. Hien huet iwwer d'Roll vum Glawen am 21ste Jorhonnert geschwat. Den Acteur an Humorist Omid Djalili a seng Fra d'Annabel hunn en Theater Atelier animéiert. Hien ass bekannt fir seng Rollen a Filmer wéi *The Mummy*, *Spy Games* an de *Gladiator*. Den Här Jalili huet zwee Joer an der Slovakei gelieft, vun 1991 bis 93.

Aner Interventiounen gouf et iwwer d'Bestietniss, d'Familieliewen a wéi ee besser kann eens gi mat senger Zäit a sengem Geld.

An zum Schluss gi mer a Kroatien a Slovenien. Do war d'Summerschoul zu Seline. Et war wierklech eng international Schoul mat Frënn vu Bosnien an Herzegovina, Serbien a Montenegro, Australien, Eisträich, Kanada, Frankräich, Däitschland, Ungarn, Italien, Polen, England an Amerika. Ënnert den Theme gouf et: *Living by the will of God*, *Bahá'í family identity*, *Spirituality at work*, *Marriage and finding a partner*, an d'Gebiet.

Ech loossen iech mat dësem Text aus de Bahá'í Schrëften iwwer de Mënsch: « *L'homme est au rang suprême de la matérialité et au commencement de la spiritualité : c'est-à-dire qu'il est la fin de l'imperfection et le commencement de la perfection. Il est au dernier degré des ténèbres et au commencement de la lumière; aussi a-t-on dit que la condition de l'homme était la fin de la nuit et le commencement du jour; c'est-à-dire qu'il réunit tous les degrés des*

¹ <http://news.bahai.org/story.cfm?storyid=327> BWC-MD-040929-1-SUMMER-327-N

imperfections et possède les degrés de perfection. Il a le côté animal aussi bien que le côté angélique; la raison d'être de l'éducateur est d'instruire les hommes de telle façon que le côté angélique l'emporte sur le côté animal.»¹

231 17ten Oktober, Internationalen Dag fir d'Ofschafung vun der Aarmut

231t Sendung, 8ten an 9ten Oktober 2004. Léif Radio Ara Nolauschterer, de 17ten Oktober ass den internationalen Dag fir d'Ofschafung vun der Aarmut an der Welt. En Ustouss also fir sech Gendanken iwwer d'Aarmut ze maachen. Aarm ass een dann, wann een net genuch ze iessen huet, wann et um Néidegste feelt. Aarm ass een och wann een an engem Ëmfeld leeft, deen onsécher ass, schlecht Liewensbedingungen, keng Aarbecht, keng medezinesch Fleg a keng Erzéiung an Ausbildung. Aarm ass een och wann een all déi materiell Saachen am Liewen huet, wann een ëmmer enger neier Saach noleeft, also materiell räich, awer séilesch aarm.

Zënter Joren elo maachen sech d'Veereenten Natiounen an d'Länner vun der Welt Gedanken wéi een d'Aarmut ka reduzéieren. Et ass schéin ze gesinn, dass op deem Punkt jidderee sech eens ass. Mee d'Beméiungen déi am Moment an der Welt gemaach ginn, brauchen geeschteg Prinzipie fir d'Aarmut kënnen ofzeschaffen. An dat an enger Welt wou bal alles sech ëm d'Geld dréint. An da musse Regierunge mat wéineg Erfahrung a mat vill Korruptioun emol léieren, d'Hëllef déi si vu bausse kréien, gerecht an hirem Land ze verdeelen, ouni sech fir d'éischt ze beräicheren.

Am Bahá'í Glawen fënnt ee konkret Léisungsvirschléi fir d'Extremer vu Räichtum an Aarmut méi kleng ze maachen. Erstaunlech dës kloer Rotschléi: „*Ëmmer erëm gi fir d'Wuel vu senge Matmënschen, ouni Angscht virun der Aarmut a mat vollem Vertrauen an déi onfeelbar Generositéit vun der Quell vun allem Räichtum a vun allem Guddem – dat ass d'Geheimnis vun emgem éierleche Liewen.*“

Fir all déi Räich vun eis dës Rot: *« O vous les riches de la terre! Les pauvres sont mon dépôt que j'ai placé parmi vous. Veillez sur ce dépôt et ne soyez pas uniquement absorbés par votre bien-être personnel. » ...*

Den Taoismus huet eng ganz flott Defintioun vum Räichtum: *« Deen, dee weess dass hie genuch huet, ass räich »*

D'Bahá'í Schrëfte soe weider: „*Maacht iech keng Suergen an der Aarmut a sidd net voll Vertrauen am Räichtum, well no der Aarmut kënnt de Räichtum an nom Räichtum kënnt d'Aarmut.*“

En anere Rot wéi de Mënsch liewe sollt ass deen hei: *« L'homme devrait connaître son propre moi et reconnaître ce qui mène à la grandeur ou à la bassesse, à la gloire ou à l'humiliation, à la richesse ou à la pauvreté. Dès qu'il a atteint son niveau de réalisation et de maturité l'homme a besoin de ressources et les richesses qu'il acquiert par son art ou par sa profession sont louables et méritoires aux yeux des hommes de sagesse particulièrement pour les serviteurs qui se consacrent à l'éducation du monde et à l'instruction de ses peuples. »*

An den Dalaï Lama hat dat hei ze soen zu Rio am Juni 1992: „*Ech menge fir d'Erausfuerrunge vun eiser Zäit unzegoen, sollte mir méi e grouse Sënn fir eng universell Verantwortung entwéckelen. Jidderee vun eis muss léieren, net nëmme fir sech selwer, seng Famill oder säi Land ze schaffen, mee fir d'ganz Mënschheet.*“

Natierlech ass et grouse Schrëtt vir eis an eis Regierungen ze soen dass de Räichtum vun der Welt, den Uelech, d'Wasser, eis alleguer gehéiert an net nëmme deem Land an deem et sech befënnt.

Ass et net gerecht, dass mer d'Extremer vu Räichtum an Aarmut sollen ofschafen. De Bahá'í Glawe condemnéiert eng Beräicherung déi op enger Aarbecht baséiert, déi net produktiv ass an der Gemeinschaft keen Notze bréngt a Bahá'u'lláh bestätegt, dass wann een d'Industrie encouragéiere sollt, sou ass et d'Entwécklung vun der Landwirtschaft déi d'Basis vun eiser Gesellschaft ass.

An zum Schluss dës Passage vum héchste Bahá'í Gremium: *"Le gouffre qui sépare les riches des pauvres, source de grandes souffrances, maintient le monde dans un état d'instabilité, pratiquement au seuil de la guerre. Peu de sociétés ont su apporter une solution efficace à cette situation. La solution requiert l'alliance d'éléments spirituels, moraux et pratiques. Il faut envisager le problème dans une perspective nouvelle, consulter des experts couvrant une vaste gamme de disciplines, à l'abri des polémiques économiques et idéologiques, et s'assurer le concours de gens qui sont directement concernés par les décisions devant être prises d'urgence. Cette question est liée non seulement à la nécessité d'éliminer les extrêmes de richesse et de pauvreté, mais aussi aux vérités spirituelles dont la compréhension pourra donner naissance à une attitude universelle nouvelle. L'encouragement et le développement d'une telle attitude représentent en eux-mêmes un élément-clé de la solution."*²

¹ Abdu'l-Bahá, *Les leçons de Saint Jean d'Acre*, p. 268

² *Maison universelle de justice, La promesse de la paix mondiale, 1986, 16-17*

232 Sech virbereeden

232t Sendung, 15ten a 16ten Oktober 2004. Léif Radio Ara Nolauschterer, wann dir Email hutt, ass et iech sécher net erspuert, vun Zäit zu Zäit Geschichten ze kréien a Rezepten fir besser ze liewen. Dacks steet och zum Schluss vu sou E-mailer dass een se soll u seng Frënn weiderschécken. Abee, haut héiert dir sou eng Geschicht, an zwar sinn et aacht Saachen déi den Herrgott iech net froe wäert, wann et esou wäit ass, wann dir Him begéint. Dir kënnt mir jo duerno soen op et iech gefall huet.

Éischtens: Gott freet iech net mat wéi engem Auto dir gefuer sidd; Hie freet iech wéivill Leit dir matgeholl hutt, déi keen Transportmëttel haten.

Zweetens: Gott freet iech net wéivill Qudratmeter äert Haus hat; Hie freet iech wéivill Leit bei iech doheim wëllkomm waren.

Drëttens: Gott freet iech net iwwer d'Kleeder, déi dir an äre Schief hänken hat; Hie freet iech wéivill Leit dir geholl hutt, sech ze kleeden.

Véiertens: Gott freet iech net wéivill äre héchste Pei war; Hie freet iech ob dir onéierlech waart, op dir Kompromësser gemaach hutt fir se kréien.

Fënneftens: Gott freet iech net wat äre Aarbecht war; Hie freet iech ob dir äre Aarbecht sou gutt gemaach hutt, wéi et iech méiglech war.

Sechstens: Gott freet iech net wéivill Frënn dir hat; Hie freet iech wéi ville Leit dir e Frënn waart.

Gott freet iech net a wéi engem Quartier dir gewunnt hutt; Hie freet iech wéi dir mat ären Nopere waart.

Gott freet iech net d'Faarf vun ärer Haut; Hie freet iech iwwer äre Charakter.

Wann et iech gutt geet, wann dir frou sidd, da lueft deen, deen iech erschaf huet. A schwéieren Zäiten, wann et iech net gutt geet, da sicht deen, deen iech erschaf huet. A rouege Momenter, ënnerhaalt iech mat deem, deen iech erschaf huet. A schwéieren Zäiten, vertraut deem, deen iech erschaf huet. Zu jidder Zäit, zu all Moment, sot deem merci, deen iech erschaf huet.¹

Bahá'í gleewen dass et en Dag vum jénkste Geriicht gëtt: An de Schrëfte liese mir: „*Lee all Dag Rechenschaft virun dir selwer of, éiers du zur Rechenschaft gezu gëss. Wëll den Doud mellst sech net un an da muss du dech verantworten fir dat wat s de gemaach hues.*“

Et kann ee sech also owes, wann een am Bett läit, froen: wéi war mäin Dag, wat ass gutt gaang a wat net sou gutt. Sinn ech mat mir zefridden? Schliesslech si mer verantwortlech fir dat wat mer maachen.

Wann een dru gleeft, dass d'Liewen net mam Doud ophält, freet een sech natierlech, wéi et weidergeet a wat een alles an engem nächste Liewe brauch. Eens si sech déi méischt, dass mir keng materiell Saache brauchen. An dass et keng Zäit a kee Raum gëtt.

Virbereedung ass ëmmer gutt: Fir eng Prüfung bereet een sech vir. Beim Sport, bei der Musek ass d'Virbereedung an d'Prouwen e wichtege Deel vum Erfolleg.

Wann d'Kand am Bauch vun der Mamm wisst, sinn déi néng Méint eng laang Virbereedung op d'Liewen hei op der Äerd. Well fir den Embryo gëtt et soss keng Welt wéi déi am Bauch vun der Mamm. Obschonn d'Kand jo net weess dass et eng aner Welt gëtt, entwéckelt hat all seng Organer déi et brauch, Hänn, Féiss, Been, Oueren, Fangeren, a sou weider. Sécher huet d'Kand selwer kee Choix, an d'Mamm kann d'Entwécklung sécher positiv beaflossen. Mir wëssen haut das d'Kanner am Bauch vun der Mamm, Musek héieren a souguer Stëmmen erkennen. Ech ka mech ganz einfach froen: Wéi bereeden ech mech op en neien Dag fir? Wéi bereeden ech mech op d'Vakanz fir? Wéi bereeden ech mech op d'Bestietnes fir, op d'Zesummeliewe mat engem anere Mënsch? A wéi bereeden ech mech op e Liewen nom Doud fir? Wann ech gleewen, dass d'Liewen an iergendenger Form nom Doud weidergeet. Iech alleguer e schéinen, erhuelsame Weekend, äre Jean-Marie.

233 D'Versprieche vum Weltfridden, Deel 1/13

233t Sendung, 22ten a 23ten Oktober 2004. Léif Radio Ara Nolauschterer, den héchste Bahá'í Gremium huet sech virun 19 Joer an engem Dokument vu ronn 30 Säiten un all d'Mënsche geriicht, mam Titel: *D'Versprieche vum Weltfridden*. Wie kann eis iwwerhaupt de Fridden op der Welt verspriechen? Abee, an den nächsten Emissiounen héiere mer, wat alles an dësem Dokument dran ass. Iwwrégens kënnt dir gären dës Deklaratioun op Lëtzebuergesch kréien. Rufft mir einfach um Radio ARA un, 222289. *D'Versprieche vum Weltfridden. Eng Deklaratioun vum Universalen Haus vun der Gerechtegkeet*. Un d'Vëlker vun der Welt:

Dee Grousse Fridden, no deem d'Mënsche vu guddem Wëllen am Laf vun de Jorhonnerten esou staark verlaangert hunn, dee Prophéiten an Dichter zënter ville Generatiounen an hire Visiounen beschriwwen an deem déi helleg Schrëfte vun der Mënschheet zënter je hier ugekënnegt hunn, ass fir d'Natiounen elo endlech gräifbar ginn. Fir d'éischt an der Geschicht huet haut jiddereen d'Méiglechkeet, dee ganze Planéit an déi Onmass vu Vëlker, déi op ëm liewen, an enger globaler Perspektiv ze gesinn. Weltfridden ass net méi nëmme méiglech, en ass onëmgängelech ginn. En ass déi nächst Etapp an eisem Planéit senger Entwécklung – „d'Planéitiséierung vun der Mënschheet“, wéi e groussen Denker et ausdréckt.

Ob de Fridden eréischt no onvirstellbare Leiden erreecht gëtt, déi d'Mënschen doduerch erbäiféieren, datt se stur un ale Verhalensweise festhalen, oder ob mir en elo, an engem Akt vu gemeinsamem Wëllen, zustanbréngen, datt ass d'Entscheidung, virun där all déi stinn, déi op der Äerd wunnen. Zu dësem kriteschen Zäitpunkt, wou déi vill bal onléisbar Problemer, déi d'Natiounen belaaschten, an enger gemeinsamer Suerg fir déi ganz Welt zum Ausrock kommen, wär et absolutt onveräntwerlech, wa mir et net géife fäerdegréngen, fir deene sëllege Konflikter an Onroue mat den néidege Moosnamen ze begéinen.

Gënschteg Zeeche sinn déi ëmmer méi grouss Ustrengunge fir d'Verwierklechung vun enger Weltuerdnung: fir d'éischt d'Schafe vum Vëlkerbond am Ufank vum Jorhonnert, duerno, op méi enger breeder Grondlag, d'Organisatioun vun de Vereenten Natiounen; dann d'Tatsaach, dass zënter dem Zweete Weltkrich d'Majoritéit vun all Länner onofhängeg gi sinn, wat drop hiweist, dass de Prozess vum Opbau vun den Natiounen op en Enn geet; an och dëse jonken Natiounen hir Bedeelegung, zesumme mat méi alen, un Affäre vu gemeinsamen Intressi; déi doduerch bedéngte vill méi enk Zesummenaarbecht tëschent Vëlker a Gruppen, déi bis elo isoléiert oder zerstridde waren, am Kader vun internationale Projekter op wëssenschaftlech, erzéiereschem, legislativem, wirtschaftlech a kulturellem Plang; d'Grënnung vu sëllegen internationalen humanitären Organisatiounen am Laf vun de leschte Jorzéngten; d'Verbreedung vu Fraen- a JugendBewegungen, déi derzou opfuerderen, de Krich ofzeschaffen; an dat spontaant, ëmmer méi grousst Netzwierk vun einfache Leit, déi no Verstännegung duerch perséinlech Kontakter sichen.

De wëssenschaftlechen an technologesche Fortschrëtt, deem an dësem ongewéinlech verwinnte Jorhonnert gemaach gëtt, bedeit e grouss Schrack vijenzeg fir dem Planéit seng sozial Entwécklung, an e weist eis, mat wéi enge Mëttelen der Mënschheet hir praktesch Problemer kënnen geléist ginn. Hie gëtt eis wierklech déi Mëttelen an d'Hand, mat deene sech dat komplizéiert Liewen an enger geeentener Welt reegele léist. Mee et bestinn nach Hënnernesser. Zweiwel, Mëssverständneser, Virurteeler, Mësstrauen a bornéierten Egoismus belaaschten d'Bezéiungen tëschent Länner a Vëlker.

Aus engem déiwe Gefill vu geeshteger a moralescher Verflüchtung eraus spire mir zu dësem gënschtegen Zäitpunkt den Drang, Iech op déi déifgräifend Iddien opmierksam ze maachen, déi der Mënschheet hir Regéierer fir d'éischt virun iwwer honnert Joer gewuer goufen duerch Bahá'u'lláh, Begrënner vum Bahá'í Glawen, deem seng Verwalter mir sinn.

Méi dozou an eiser nächster Emissioun.

234 D'Vesprieche vum Weltfridden, Deel 2/13

234t Sendung, 29ten an 30ten Oktober. Léif Radio Ara Nolauschterer, wëllkomm bei eisem 2ten Deel iwwer d'Dokument d'Vesprieche vum Weltfridden:

„De Wand vun der Verzweiflung“, sot Bahá'u'lláh a senge Schrëften, „bléist leider aus alle Richtungen, an de Sträit, deem d'Mënschen auserneen dreift a bedréckt, hält all Dag zou. D'Unzeeche vun Ëmwälzungen a chaoteschen Zoustänn, déi kuerz bevirstinn, erkennt ee schon elo un där etabléierter Uerdnung hirer lamentabler Feelerhaftegkeet.“ Dës prophéitesch Aschätzung ass duerch der Mënschheet hir gemeinsam Erfahrung genuch konfirméiert ginn. D'Feeler vun der etabléierter Uerdnung weise sech däitlech doran, dass déi al Vereenten Natiounen organiséiert souverän Staaten net amstand sinn, d'Gespenst vun engem Krich ze verdreiwen, oder och d'Geför, dass déi international Wirtschaftsuordnung zesummebrécht, d'Ausbreede vun Anarchie an Terrorismus an déi onvirstellbar Péng, déi dës an nach aner Ploen fir ëm méi Milliounen Mënsche bedeuten. Agressiounen a Konflikter si mëttlerweil däermoossen e Bestanddeel vun eise sozialen, wirtschaftlechen a reliéise Systemer ginn, dass vill Leit mengen, dëst Behuele léich an der Natur vum Mënsch a kéint dofir net geännert ginn.

D'Verwuerzelung vun dëser Meenung huet an de mënschlechen Ugeleeënheten e Widdersproch geschaf, dee se paraliséiert. Engersäits versécheren d'Mënschen aus allen Natiounen, datt si net nëmme prett sinn, mee duerno verlaangeren, fir a Fridden an Harmonie ze liewen a fir déi qualvoll Ängscht ze iwwerwannen, déi hiirt deeglecht Liewe bedrécken. Op där aner Säit akzeptéiere si awer ouni sech ze mucksen d'Opfaassung, de Mënsch wier onverbetterlech egoistes an aggressiv an duerfir net amstand, e soziale System opzebauen, deem an engems

progressiv a friddlech, dynamesch an harmonesch ass, e System, deen der individueller Kreativitéit an Initiativ fräie Laf léisst, mee op Zesummenaarbecht an op Géigesäitegkeet berout.

An deem Mooss, wéi d'Noutwennegkeet vum Fridden zouhëlt, forcéiert eis dëse grondsätzleche Widdersproch, d'Hypothesen, op déi sech déi geleefeg Astellung zu der Mënschheet hirem historeschen Dilemma grënnt, nei ze iwwerpräiwen. Wann een déi Saach objektiv ënnersicht, weist sech, dass esou eng Astellung, wäit dervun, dem Mënsch säi wierklecht Wiesen erëmzeginn, eng Verzerrung vum mënschleche Geescht bedeit. Esou bal all Vëlker sech doriwwer kloer sinn, kënnen si konstruktiv sozial Kräften a Beweegung setzen, déi der mënschlecher Natur entspriechen an duerfir Harmonie an Zesummenaarbecht encouragéieren amplaz vu Krich a Sträit.

Dëse Wee ze wielen heescht net, der Mënschheet hir Vergaangenheet ze leegnen, mee se ze verstoen. De Bahá'í Glawe betruecht déi momentan weltwäit Confusioun an déi verhängnesvoll Situatioun vun de mënschlechen Ugeleeënheten als eng natierlech Phase an engem organesche Prozess; dëse Prozess, dee sech net ophale léisst, wäert um Enn zur Eenegung vun der mënschlecher Rass an engem eenzege grouse soziale System fëieren, deem seng Grenzen déi vum ganze Planéit sinn. Als eegen, organesch Unitéit huet d'mënschlech Rass eng Rei vun Evolutiounsstadien duerchlaf, déi dem Puppelchesalter an der Kannerzäit am Liewe vum Eenzelne gläichen, a si ass elo um Héichpunkt vun hirer turbulenter Jugend ukomm an um Wee endlech maans ze ginn.

Wa mer eis éierlech agestinn, dass Viruerteler, Krich an Exploitiatioun den Ausdrock vun onräife Phasen an engem groussen historesche Prozess waren, an dass d'Mënschheet haut déi onvermeidlech Tumult erlieft, déi mam Erreeche vun hirer kollektiver Maturitéit verbonne sinn, dann ass dat kee Grond fir de Kapp hänken ze loosse, mee eng Viraussetzung fir déi formidabel Aufgab, eng friddlech Welt opzebauen. Dass dës Aufgab ka verwierklecht ginn, dass déi noutwenneg konstruktiv Kräften do sinn an dass sozial Strukture kënnen geschaf ginn, déi d'Mënschen zouenee fëieren, biede mer iech onbedéngt ze iwwerleeën. Egal wéivill Leed an Onrou eis an deenen nächste puer Joren erwaarden, egal wéi däischter d'Situatioun op kuerz Zäit gesinn och ass, d'Bahá'ícommunautéit ass iwwerzeegt, dass d'Mënschheet dësem gréissten Test ka mat rouegem Gewëssen entgéint goen. Déi Emwäzungen, op déi d'Mënschheet ëmmer méi séier zoudreift, signaliséieren nach laang net d'Enn vun der Zivilisatioun; si hëllefe villméi, déi „*Potentialer, déi an der mënschlecher Natur leien*“, fräizesetzen a „*seng ierdesch Bestëmmung, déi ugebueren Auszeechnung vu senger Wierklechkeet a vollem Mooss*“ opzedeecken. Méi zu dësem spannenden Thema an eiser nächster Sendung!

235 Allerhellegen an Allerscéilen

235t Sendung, 5ten a 6ten November 2004. Uganks dëser Woch hat ech d'Geleeënheet mat der Famill op de Kierfecht ze goen, oder méi richteg gesot op e puer Kierfechter ze goen, dee vu menger Mamm hirer Säit, vu mengem Papp senger Säit a bei d'Graf vu mengem Papp. Allerhellegen ass deen Dag wou bei eis an a ganz villen anere Länner un déi Verstuerwe geduecht gëtt. Ech hu Cousinen a kleng Cousinnen erëmgesinn, déi ech soss dat ganz Joer net gesinn. Fir mech war et awer och flott fir ze kucken wat de Bahá'í Glawen iwwer déi Verstuerwe seet. Also am Bahá'í Kalenner gëtt et kee speziellen Dag fir un déi Verstuerwen ze denken a fir si ze bidden. Mee mir hunn eng Rei Gebieder fir déi Verstuerwen an e speziellt Gebiet wann e Bahá'í stierft.

D'Bahá'í gleewen dass mir kënnen fir déi Verstuerwe bidden, dass mir eise Schöpfer froe kënnen, dass dee Verstuerwenen Zuflucht bei Him fënnt. Fir verstuerwe Kanner gëtt et e Gebiet wou mir Gott froen, dass dat wat Hien eis uvertraut hat, elo nees zrëckgeruff gouf bei Hien, an dass et eis net zousteet ze froen firwat eis sou eppes getraff huet.

An de Bahá'í Gebieder fir déi Verstuerwe steet och, dass dee Verstuerwenen net soll erniddrégt ginn an net soll zrëckgewise ginn. Mir froen eise Schöpfer am Gebiet: „*Kann s du deen erniddregen, deens du opgeriicht hues, oder dee vergiessen, deem s du d'Fäegkeet ginn hues, Denger ze gedenken?*“¹ A wann s du Dengen Dénger net hëllefs, wie kéint hinnen dann hëllefen?

Am Gebiet froe mir eise Schöpfer dass Hien dat akzeptéiert wat dee Verstuerwenen a Sengen Deeg gemaach huet, dass hie Seng Erwielt, Seng Helleg a seng Prophete begéine kann an enger Plaz déi weder d'Fieder oder d'Zong beschreiwe kann. Dass dee Verstuerwenen d'Geschenker an d'Friichte vum Bam vu Senger Gnod kréie kann. Dass dee Verstuerwenen an d'Präsenz vu sengem Schöpfer kënnt.

Dass Gott d'Sënne vun deene verzeit, déi hiert ierdescht Gezei ofgeluecht hunn, an an déi geeschteg Welt eropgaange sinn. An engem anere Gebiet fir déi Verstuerwe liese mir: „*O mäin Herr! Maach si reng vu Feeler, verdreif hir Suergen a changéier hir Däischtert a Liicht. Looss si anrieden an de Gaart vun der Gléckséilegkeet, wäsch si mam réngste Waasser a géff, dass si Deng Herrlechkeet op dem erhuewenste Bierg kucken.*“

¹ Bahá'í Gebete

Mir hunn eng grouss Chance, dass Bahá'u'lláh an 'Abdu'l-Bahá, de Begrënner vum Bahá'í Glawen a säi Jong, eis esou Gebieder offenbaart hunn. Si soen eis munches iwver d'Liewen nom Doud a wéi eng Relatioun mir eigentlech mat eise Verstuerwene kënnen hunn.

An engem anere Gebiet liese mir: „*O mäi Gott, däin Dénger huet un Dech an Deng Verse gegleeft. Hien huet fir Däi Wuert bezeit a war entflamt vum Feier vun Denger Léift. Déif war hien an d'Mier vun Denger Erkenntnis agedaucht an ugezu vum Dengem Wand. Op Dech huet hie sech verlooss, Dir huet hie säi Gesiicht zougedréint an Dir huet hie seng Gebieder duerbruecht, Denger Verzeiung gewäss. Elo huet hien dëst vergänglecht Liewe verlooss fir an d'Räich vum der Onstierflechkeet, voller Sehnsucht no Denger Gnod a fir Dir ze begéinen. O Herr, ... gëff him en Ënnerdaach am Zelt vum Dengem Erbaarmen, gewär him Zougank an däin herrlecht Paradis a looss hie fir ëmmer liewen an dengem Rousegaart, agedaucht an d'Welt vum de Mysterien wéi an engem Mier vu Liicht.*“

Nach e praktescht Wuert zum Begriefnes am Bahá'í Glawen. E Bahá'í soll do begruewe ginn, wou e stierft, also net méi wäit ewech wéi eng Stonn vum do wou e gestuerwen ass. E Bahá'í soll net verbrannt ginn, ganz einfach fir der Natur hire Laf ze loossen an der Séil Zäit ze ginn, sech vum Kierper ze trennen. Wa Gott et gewollt hätt, géif de Kierper nom Doud einfach vum selwe verbrennen oder verschwannen.

Wa bei de Chrëschten Allerhellegen deen Dag ass fir un all déi Helleg ze denken, gëtt et am Bahá'í Glawen keng Hellegspriechung.

Uechter d'Welt sinn d'Bahá'í am Moment mat dräi Haaptaktivitéiten amgaang, Aktivitéiten déi sech u jidderee riichten, a wou jiddereen agelueden ass, sech drun ze bedeelegen.

An zwar d'Kannererzéiung. D'Kanner sinn an eiser Gesellschaft dee wäertvollsten Tresor well si sinn d'Verspriechen an d'Garantie vum der Zukunft. Am Bahá'í Zenter an der Stad treffe sech iwver 60 Kanner a Jugendlech eemol d'Woch fir un der Entwécklung vum den Dugenden ze schaffen, an dat mat Hëllef vu Musek a Konscht. Fir méi Informatioun, telefonéiert dem Erzéiungscomité um 442220.

Zu deem Thema ass den 11ten November um halwer aacht an der Fondation Pescatore eng ëffentlech Konferenz mam Bernard Benghozi mam Titel: *Un nouveau modèle d'exemplarité dans les rôles de parent, d'enseignant et d'éducateur*, organiséiert vum MEN et de la Formation Professionnelle an dem Centre de psychologie et d'orientation scolaire.

Eng aner Aktivitéit ass déi vu Gebiets a Meditatiounsreuniounen, an dat an der Stad all éischte Sonndegmoien am Mount, am Bahá'í Zenter. Et ass eng Zäit fir iwver d'Liewen nozedenken, fir d'Kraaft vum Gebiet ze erliewen. Jiddereen ass wëllkomm.

Déi drëtt grouss Aktivitéit am Bahá'í Glawen am Moment ass d'Nodenken iwver d'Liewe vum Geescht, an dat a Form vu Studiekreesser, kleng Gruppe vum enger Dose Leit, wou jidderee d'Geleeënheet kritt, d'Bahá'í Schrëfte kennenzeléieren, am Austausch mat aneren. D'Theme sinn déi vum Sënn vum Liewen, d'Natur vum eiser Séil, d'Roll vum Gebiet fir eis Entwécklung, den Zoustand vum eiser Séil nom Liewen hei op der Äerd an eis Astellung zu verschiddene Liewenssituatiounen. Dës Studiekreesser ginn et uechter d'ganzt Land. Wann dir wëllt matmaachen, telefonéiert am beschten dem Bahá'í Zenter um 44 22 20. Déi finanziell Bedeelegung un de Coursë si gratis, dir musst just d'Bicher bezuelen.

236 D'Vesprieche vum Weltfridden, Deel 3/13

236t Sendung, 12ten an 13ten November. Léif Radio Ara Nolauschterer, an eiem drëttten Deel iwver dat Dokument vum héchste Bahá'í Gremium wat sech un d'Vëlker vum der Welt riicht, hei nach eng Kéier d'Hauptgedanken, déi mir bis elo fonnt hunn:

Weltfridden ass net méi nëmme méiglech, en ass onëmgängelech ginn. En ass déi nächst Etapp an eiem Planéit senger Entwécklung. Dëse Fridden kann entweder entstoen, an deem mir, an domat mengen ech och eis Institutiounen, eis Verhalensweise änneren oder dass mir ganz vill leide mussen. Vlächet ass et och einfach eng Mëschung vum dësen zwou Saachen.

D'Vereenten Natiounen sinn e Beispill vu enger Institutioun, déi am Fong an déi richteg Richtung geet, un där awer nach vill ka verbessert ginn. D'international Bahá'í Communautéit huet do konkret Virschléi gemaach.

De wëssenschaftlechen an technologesche Fortschrëtt weist eis haut, mat wéi enge Mëttelen der Mënschheet hir praktesch Problemer kënnen geléist ginn.

De Bahá'í Glawe gesäit et als eng geeschteg a moralesch Verflüchtung, jiddereen drop opmierksam ze maachen, dass d'Léieren an d'Visiounen vum hirem Begrënner, Bahá'u'lláh, noutwendig sinn fir en dauerhafte Fridden an der Welt ze schaffen.

De Bahá'í Glawe betruecht déi momentan weltwäit Confusioun an déi verhängnesvoll Situatioun vun de mënshlechen Ugeleeënheten als eng natierlech Phase an engem organesche Prozess; dëse Prozess, dee sech net ophale léisst, wäert um Enn zur Enegung vun der mënshlecher Rass an engem eenzege grouse soziale System féieren, deem seng Grenzen déi vum ganze Planéit sinn.

I. D'Fäegketen, déi d'mënshlech Rass vun all anere Liewensformen, ënnerscheiden, loosse sech an deem zesumme faassen, wat een de mënshleche Geescht nennt; de Verstand ass seng wichtegst Egeschaft. Dës Fäegketen hunn et der Mënshheet erméiglecht, Zivilisatiounen opzebauen a materiell gutt virunzekommen. Allerdéngs hunn esou Leeschtungen eleng et ni fäerdeg bruecht, de mënshleche Geescht zefridden ze stellen, deem a senger mysteriéisier Aart op Transzendenz ausgeriicht ass, op d'Striwen no enger onsichtbarer Welt, no der leschter Wourécht, deem onerkennbare Wiese vun allem Wiesen, dat mir Gott nennen. D'Reliounen, déi der Mënshheet duerch eng Successioun vu geeschteg Kapazitéite bruecht goufen, waren d'Hauptverbindung tëscht der Mënshheet an dëser leschter Wourécht; si hunn dem Mënsch seng Fäegkeet, fir an engems geeschtegen Erfolleg a soziale Fortschrëtt ze erreechen, stimuliert a raffinéiert. Keen eescht gemengte Versuch, déi mënshlech Uleiessen ze regelen an de Weltfridden ze verwierklechen, kann d'Relioun ignoréieren. D'Aart a Weis wéi de Mënsch si verstan a praktizéiert huet, maachen e groussen Deel vun der Geschicht aus. E bedeitenden Historiker huet d'Relioun als „*Fäegkeet vun der mënshlecher Natur*“ beschriwwen. Et léisst sech kaum ofstreiden, dass d'Perversioun vun dëser Fäegkeet vill zu der Confusioun an der Gesellschaft an zu de Konflikter an an tëscht Einzelner bäigedroen huet. Mee grad esou wéineg kann en objektiven Observateur den iwwergroussen Afloss erofspillen, deem d'Relioun op der Zivilisatioun hir wichtegst Expressiounsformen hat. Ausserdeem weist hir onmëttelbar Wierkung op Gesetz a Moral ëmmer nees, dass si fir d'sozial Uerdnung onentbierlech ass.

Iwwer d'Relioun als eng sozial Kraaft huet Bahá'u'lláh gesot: „*D'Relioun ass dat wichtegst Mëttel fir Uerdnung an d'Welt ze bréngen a fir hir Bewunner zefridden a friddlech ze stëmmen.*“ Iwwer den Ënnergank oder d'Korruptioun vun der Relioun huet hie geschriwwen: „*Wann d'Luucht vun der Relioun méi schwach gëtt, kënnt et zu Chaos a Confusioun, an d'Liicht vun der Oprichtegkeet, der Gerechtegkeet, der Rou an dem Fridden erläsch*“ An enger Opzielung vun esou Konsequenze weisen d'Bahá'í Schrëften drop hinn, dass „*d'Perversioun vun der mënshlecher Natur, d'Verdierfnes vum mënshleche Behuelen, d'Korruptioun an d'Opléisung vu mënshlechen Institutiounen sech ënnert deenen Ëmstänn vun hirer schlëmmster an ofstoussendster Säit weisen. De mënshleche Charakter verléiert seng Dignitéit, d'Vertrauen zerfällt, d'Disziplin gëtt labber, d'Stëmm vum mënshleche Gewësse gëtt erstéckt, de Sënn dofir, wat anstänneg a wat schummenswäert ass, léisst no, all Konzeptiounen vu Flicht, Solidaritéit, Géigesäitegkeet an Trei gi verdréit, an esouguer d'Gefiller vu Friddlechkeet, vu Freed a vun Hoffnung ginn no an no ausgeläsch.*“

237 D'Vesprieche vum Weltfridden, Deel 4/13

238t Sendung, 19ten an 20ten November. Léif Radio Ara Nolauschterer, hei elo eise fënneften Deel iwwer dat Dokument vum héchste Bahá'í Gremium wat sech un d'Vëlker vun der Welt ríicht.

Wann also d'Mënshheet op deem kritesche Punkt ukomm ass, wou d'Konflikter se paralyséieren, da muss si d'Quell vun de Mëssverständnesser a vun der Confusioun, déi am Numm vun der Relioun entstan sinn, bei sech selwer sichen, bei hirer eegener Noléissegkeet a bei deene Stëmmen, deene si nogelauschert a vun deene si sech verfëiere geloos huet. Wie blann an egoistesche u senger spezieller Orthodoxy festgehalten huet, wie sengen Unhänger falsch a widdersprénglech Interpretatiounen zu deem operluegt huet, wat d'Prophéite vu Gott gesot hunn, deem dréit eng schwéier Verantwortung fir dës Confusioun – eng Confusioun, déi nach vergréissert gëtt duerch déi kënschtlech Barrieren tëscht Glawen a Verstand, tëscht Wëssenschaft a Relioun. Well wa mer déi tatsächlech Aussoe vun de grouse Reliounsstëfter an de soziale Milieu, an deem si hir Missioun hu missen ausféieren, objektiv ënnersichen, da fanne mir näischt, wat déi Behauptungen a Viruurteler ënnerstëtzt, déi der Mënshheet hir Reliounsgemeinschaften (an domat all mënshlech Ugeleeënheten) entfremden.

D'Gebot, dass mir anerer solle behandelen, wéi mir selwer gär behandelt ginn, eng Ethik, déi ënnert där enger oder anerer Form an alle grouse Reliounen erëmkënnt, ënnermauert dës lescht Feststellung an zwou Hissiichten: et resuméiert déi moralesch Haltung, dee friddensstëftenden Aspekt, deem dës Reliounen onofhängeg vun hirer Ursprongsplaz an –zäit duerschzitt; an et weist op en Aspekt vun Eenheet hinn, deem hir wiesentlech Dugend ass, eng Dugend, déi de Mënsch wéinst sengem inkoherente Geschichtsverständnes net amstand war ze apprécieieren.

Hätt d'Mënshheet d'Erzéier vun hirer gemeinsamer Kannerzäit als dat ugesinn, wat se waren, als Agente vun deem enge Prozess, dee se ziviliséiert huet, dann hätten se garantéiert onendlech méi Profit gezunn aus der kumuléierter Wierkung vun de Missiounen, déi si noeneen ausgefouert hunn. Leider huet se dës net gemaach.

Dass a ville Länner e fanatesche reliéisien Äifer nees oplieft, kann een nëmmen als eng lescht Zuckung virum Doud betruuchten. Eleng schon am Ausbroch vu Gewalt an Zerstéierung, deem domat verbonnen ass, weist sech de geeschtege Bankrott hannert dësem Äifer. Eng vun den eegenaartegsten an trauregste Charakteristike bei deem

aktuellen Opkomme vu reliéisem Fanatissem ass effektiv den Ausmooss, an deem hie vu Fall zu Fall net nëmmen déi geeschteg Wäerter ënnnergriecht, déi de Mënschen hir Eenheet begënschtegen, mee och déi eenzegaarteg moralesch Triumpher vun där Relioun, déi e behaupt ze verdeedegen.

Trotz där liewenswichteger Roll, déi d'Relioun an der Geschicht vum Mënsch gespillt huet, an trotz der Dramatik, mat där an eiser Zäit de militante reliése Fanatissem erëm zouhëlt, betruuechten zënter ville Jorzingen ëmmer méi Leit d'Relioun an déi reliéis Institutionen als irrelevant fir der Welt hir grouss Uleiessen; si ersetzen d'Relioun doduerch, dass se sech dem hedonistesche Striewen no materieller Befriedegung verschreiwen oder enger hausmaacher Ideologi noginn, déi d'Gesellschaft vun hirem offensichtleche Misär soll erlëisen. Mee amplaz ze begräifen, dass d'Mënschheet eng Eenheet ass an d'Harmonie tëscht de verschiddene Vëlker ze vergrësseren, haten zevill vun dësen Ideologien d'Tendenz, fir de Staat ze vergëttlechen, de Rescht vun der Mënschheet ënnert eng bestëmmten Natioun, Rass oder Klass ze stellen oder all Diskussioun an all Gedankenaustausch ze ënnerrécken. Oder si hu Milliounen vu Leit, déi Honger leiden, ongenéiert dem Mechanismus vun engem Wirtschaftssystem ausgesat, deem der Majoritéit hir Situatioun ganz kloer verschlëmmert, iwwerdeems an e puer kleng Gruppen d'Méiglechkeet gëtt, an engem Iwwerfloss ze liewen, vun deem eis Grousseltere knapps konnten dremen. Souwäit zu eisem fënneften Deel iwwer d'Dokument: *D'Vesprieche vum Weltfridden*.

239 Internationale Kannerdag

239t Sendung, 26ten an 27ten November. Léif Radio Ara Nolauschterer, leschte Samschdeg war internationalen Dag vun de Kanner an dofir geet et an dëser Sendung an der Haaptsaach ëm d'Erzéiung vun de Kanner. Fänke mer awer mat enger Geschicht zum Nodenken un.

Den Zaubermoschtertär. Et gëtt eng al chinesesch Legend vun enger Fra, där hire Jong gestuerwen ass. An hirer Trauer gong si bei en hellege Mann fir en ëm Rot ze froen. „*Hellege Mann, wéi eng Gebieder a Rezepter kenns du, fir mäi Jong nees lieweg ze maachen?*“ „*Bréng mir*“, sot den hellege Mann, „*e Moschtertär aus engem Haus, wat nach ni Leed kennegeléiert huet. Mat deem Moschtertär wäerte mir de Misär aus dengem Liewe verdriewen.*“

D'Fra huet sech op d'Sich gemaach nom Moschtertär. Fir d'éischt kouw si bei e grousst Haus, huet un d'Dier geklappt a gesot. „*Ech sichen en Haus, dat nach ni Leed erfuer huet. Ass hei esou eng Plaz? Et ass ganz wichteg fir mech.*“ „*Ma da bass du hei op der falscher Plaz*“ a si hunn all hiert Ongléck verzielt, dat si an der Lescht haten. D'Fra huet sech geduecht: „*Wie kann dësen ongléckleche Leit wuel besser hëllef wéi ee wéi ech, déi selwer so déif am Ongléck sëtzt?*“ Sou ass si bliwwen an huet si getréischt. Duerno ass si weidergaang fir no engem Haus ze sichen, dat nach ni Leed erlieft huet. Mee iwwerall wou si komm ass, an Dierfer a Stiet, iwwerall ass si dem Leed begéint. Zum Schluss huet si sech nëmmen nach mam Leed vun anere Leit beschäftegt, soudass si d'Sich nom Moschtertär ganz vergiess huet. Dobäi gouf si sech guer net bewosst, dass si op dës Weis tatsächlech d'Peng aus hirem Liewe verdriewen huet.¹

Dës Geschicht erënnert mech un e Fernsehewend bei ARTE iwwer d'Laachen. Huet ee Grond fir net ze laachen, wann ee genuch ze iessen huet a wann een op mannst e Frënd a sengem Liewen huet? Kanner brauche souvill Léift well si nach méi vulnérabel si wéi mir Erwuessener.

Hei elo e Gebiet vun engem Kand dat sengen Eltere seet:

Ech wier sou gär de Felix, eis kleng Kaz, fir kënne an d'Äerm geholl ze ginn, all Kéier wann dir heemkومت. Heiansdo wier ech sou gär e Walkman, fir dass ech spieren, dass dir mir nolauschtert, mat nēme menge Wieder no bei ären Oueren, mam Echo vu mengem Alengsinn. Ech wier gär eng Zeitung, fir dass dir iech all Dag Zäit huet fir mech a mech frot wéi eng Neiegeketen et ginn.

Ech wier gär eng Tēlee, fir dass ech nie brauch owes aleng angeschlossen, ouni dass dir mech op mannst eng Kéier mat Interessi gekuckt hutt. Ech wier sou gär eng Kéier d'Fussballsequipp Pappa, fir dass ech dech voll Freed gesinn, no jidderenge vu menge Victoiren an e Roman fir dech Mamma, fir dass du meng Gefiller liese kanns. Wann ech sou nodenken, wēilt ech wierklech nēme just eng Saach sinn: en onschätzbare Cadeau fir iech zwee. Kaapt mir nāischt fir mäi Gebuertsdag, maacht just dass ech spieren, dass ech äert Kand sinn.

Ofschlëssend nach e puer Zitater iwwer d'Kanner: Vum William Butler Yeats: „*Erzēien heescht net einfach eng Vase vollschēdden, mee villmēi e Feier ufānken*“.

Vum Antoine de Saint-Exupéry: „*Mēsch sinn, ass genee gesinn, verantwortlech, responsabel sinn. Et ass spieren, wann ee sāi Liewe lieft, dass een derzou bāigedroen huet, d'Welt ze bauen.*“

Aus de Bahá'í Schrēften: „*Betruecht de Mēsch als e Biergwierk, rāich un Eedelsteng vun onschätzbarem Wāert. Nēmen d'Erzēiung ka bewierken, dass et seng Schätz ervierbrēngt an dass d'Mēschheet dorauser Notzen zēie*

¹ Goldene Äpfel, Spiegelbilder des Lebens, Kambiz Poostchi, Horizonte Verlag 2002

kann.” *“Training a moralescher Wäerter an an engem gudde Behuele si vill méi wichtig wéi an de Bicher léieren. E Kand dat propper ass, agreabel ass, e gudde Charakter huet, sech gutt behält – och wann et onwëssend ass – ass engem Kand virzezéien, wat graff ass, knaschteg, e schlechte Charakter huet an awer vill Kenntnisser an de Wëssenschaften a Kënschten huet. De Grond dofir ass, dass d’Kand wat sech gutt behält, och wann et onwëssend ass, ass anere vun Notzen, während e Kand mat engem schlechte Charakter a schlecht erzunn verduewen ass an anere schuede kann, och wann et vill Wëssen huet. Wann awer d’Kand so erzunn ass dass et vill weess a gutt ass, ass d’Resultat Liicht op Liicht.”*¹

240 D’Versprieche vum Weltfridden, Deel 5/13

240t Sendung, 3ten a 4ten Dezember 2004. Léif Radio Ara Nolauschterer, dir héiert elo eise sechsten Deel iwwer dat Dokument vum héchste Bahá’í Gremium wat sech un d’Vëlker vun der Welt riicht, d’Versprieche vum Weltfridden.

Wéi schappeg ass dach d’Leeschung vun den Ersatzreligionen, déi an eisem Zäitalter opkomm sinn. An der massiver Erniichterung vu ganze Populationen, déi geléiert goufen, un hiren Altär ze bidden, weist sech der Geschicht hiert onwidderrufflecht Urteel iwwer hire Wäert. Déi, déi hinnen hir Carrière an de mënschlechen Affäre verdanken, hu Jorzéngten erduerch ëmmer méi eng onbegrenzte Muecht kritt; an d’Friichte vun där Entwécklung sinn déi sozial an ekonomesch Krankheeten, déi um Enn vum zwanzegste Jorhonnert all Regioun vun der Welt befall hunn. Hannert all dëse baussenzege Ploe gesäit een de geeschtege Schued an der Apathi, déi d’Mass vun der Bevëlkerung vun allen Natiounen gepaakt huet, an am Ofstierwe vun Hoffnung an den Häerzer vu Milliounen, deenen dat Néidegst feelt an déi vun Angscht erfëllt sinn.

Elo ass d’Zäit, wou déi, déi den Dogma vum Materialismus priedegen, egal ob am Osten oder am Westen, egal ob am Kapitalismus oder am Sozialismus, musse Rechenschaft ofleeën iwwer déi geeschteg Féierung, déi se behaupt hunn ze vermëttelen. Wou ass déi „nei Welt“, déi dës Ideologien versprochen? Wou ass den internationale Fridden, deem seng Idealer si wéi et schéngt ënnerstëtzen? Wou huet d’Glorifikatioun vun enger bestëmmter Rass, Natioun oder Klass et erméiglecht, an nei Beräicher vu kultureller Leeschung virzestoussen? Firwat geet déi grouss Majoritéit vun de Vëlker vun der Welt ëmmer méi am Hunger an am Misär ënner, wann déi aktuell Arbitere vun de Mënschen hiren Uleiessen iwwer e Räichtem verfügen, dee sech d’Pharaonen, déi réimesch Keiser oder souguer déi imperialistesche Muechten aus dem nonzéngte Jorhonnert am Dram net hätte kënnen virstellen?

Et ass virun allem an der Verherrlechung vum Truechten no materieller Saachen – an engems d’Quell an déi gemeinsam Egeschaft vun all deenen Ideologien – wou mir d’Wuerzel fannen, aus där déi falsch Opfaassung staamt, dass d’Mënschen onverbesserlech egoistesche an aggressiv sinn. Hei muss de Buedem preparéiert gi fir d’Opriichte vun enger neier Welt, an där sech eis Kanner kënnen wuel fillen.

Wéi d’Erfahrung weist, hunn déi materialistesche Idealer et net fäerdegruecht, der Mënschheet hir Bedierfnisser zefriddenzustellen; dofir sollte mer éierlech sinn an zouginn, dass elo en neien Effort muss gemaach ginn, fir dem Planéit seng akut Probleemer ze léisen. Déi onerdreigleche Conditionen, déi an der Gesellschaft virherrschen, verroden e gemeinsam Versoe vun alle Mënschen, en Ëmstand, deen d’Divisioun tëscht deene verschiddene Gruppen nach éischer verstärkt, wéi se ofzebauen. Ouni Zweiwel ginn hei dréngend gemeinsam Léisungsstengunge gebraucht. Et ass virun allem eng Fro vun der Astellung. Wäert d’Mënschheet weiderfueren, de Kapp ze weisen an un iwwerliefte Konzepter an onverantwortbaren Hypothese festzehalen? Oder wäerten hir Cheffen, onofhängeg vun hirer Ideolog, virtrieden a resolutt matenee beroden, fir zesummen déi richteg Äntwerten ze fannen?

Wiem d’Zukunft vun der mënschlecher Rass net egal ass, sollt sech dës Rot zu Häerz huelen: „*Wa laang ënnerstëtzen Idealer a fest verankert Institutionen, wa verschidden Hypothese vum Zesummeliwwen a bestëmmt reliéis Bekenntnesser opgehale hunn, der ganzer Mënschheet hiert Wuel ze fërderen, wa se de Bedierfnisser vun enger Mënschheet a bestänneger Evolutioun net méi gerecht ginn, da loosst eis se op d’Säit kiere bei déi Doktrinnen, déi iwwerholl a vergiess sinn. Firwat sollte grad si, an enger Welt, déi dem éiwege Gesetz vu Verännerung an Zerfall ausgesat ass, vun der Degradatioun verschount bleiwen, déi noutwennegerweis all mënschlech Institution befällt? Schliesslech hu gesetzlech Normen, politesch a wirtschaftlech Theorien just nëmmen d’Aufgab, fir d’Intresse vun der Mënschheet als ganzer ze schützen; dogéint dierf d’Mënschheet net gekräizegt ginn, fir dass e bestëmmt Gesetz oder eng bestëmmt Doktrinn bestoe bleift.*“

Souwäit zu eisem sechsten Deel iwwer d’Dokument: *D’Versprieche vum Weltfridden.*

¹ Ruhi Institut, Buch 5, Lehren in Kinderklassen, Alterstufe 2

241 D'Versprieche vum Weltfridden, Deel 6/13

241t Sendung, 10ten an 11ten Dezember 2004. Léif Radio Ara Nolauschterer, dir héiert elo eise siwenten Deel iwwer dat Dokument vum héchste Bahá'í Gremium wat sech un d'Vëlker vun der Welt riicht.

II. Moosnamen, déi d'Atomwaffen ofschafen, de Gebruauch vu Gëftgase verbidden oder déi bakteriell Krichsféierung ënnersoen, kënnen dem Krich seng eigentlech Ursaachen net ewechhuelen. Onofhängeg dervun, wéi wichteg natierlech esou praktesch Schrëtt als Elementer vum Friddensprozess sinn, si sinn u sech ze iwwerflächlech, fir laang en Afloss ze hunn. D'Vëlker hu genuch Fantasie, fir nach aner Forme vu Krichsféierung ze erfannen, a fir Liewesmëttel, Réistoffer, Geld, Industrimuecht, Ideologie an Terrorismus anzesetzen, fir eent dat anert ze ënnerwerfen an engem Striewen ouni Enn no Iwwerleëenheet a Muecht. Grad esou léisst sech deen aktuelle groussen Duercherneen an der Mënschheet hiren Ugeleëenheeten net doduerch verbessern, dass spezifesch Konflikter oder Meenungsverschiddenheeten tëscht den Natiounen bäigeluecht ginn. E wierklech universelle Kader muss ugeholl ginn.

Sécher feelt et net um Geständnes vun nationale Leaderen, dass et sech hei ëm e weltwäite Problem handelt, wat jo aus den ëmmer méi dréngleche Froen, déi si all Dag konfrontéieren, kloer ervirgeet. Ausserdeem gëtt et déi sëlleg Etüden a Léisungsvirschléi vun intresséierten an opgeklärte Gruppen a vun de Vereenten Natiounen hire Servicer, déi praktesch ausschléissen, dass een iwwer déi grouss Ufuerderungen net am Bild ass. Et besteet allerdéngs eng Lähmung, wat de Wëllen ubelaangt; a grad dës Lähmung muss genee ënnersicht a resolutt behandelt ginn. Wéi mer scho festgestallt hunn, leien hir Wuerzelen an enger déiwer Iwwerzegung vun der Mënschheet hirer onëmgängelecher Streidereegkeet, wat derzou féiert, dass kaum vun der Méiglechkeet riets geet, den nationalen Eegenintressi ënnert d'Ufuerderunge vun enger Weltuerdnung ze stellen, an dass keen de Courage huet, den enormen Implikatiounen an d'Aen ze kucken, déi d'Opriichte vun enger vereenegter Weltautoritéit géif mat sech bréngen. Si léisst sech och zrëckféieren op d'Onfäegkeet vu gréisstendeels ongebilten an ënnerdréckte Mënschmassen, fir hiert Verlaangeren no enger neier Uerdnung auszudrécken, an där si mat alle Mënschen a Fridden, Harmonie a Wuelstand kënnen liewen.

Déi kleng Schrëtt, mat deene sech – besonnesch zënter dem Zweete Weltkrich – un eng Weltuerdnung erugetascht gëtt, setzen hoffnungsvoll Zeechen. Déi steigend Tendenz vu Gruppe vun Natiounen, fir Bezéiungen ze fromaliséieren, déi eng Zesummenaarbecht op Gebitter vu béidsäitegem Intressi méiglech maachen, léisst hoffen, dass geschwënn all Länner dës Lämung kënnen iwwerwannen. D'Associatioun vu Südostasiateschen Natiounen, d'Karibesch Gemeinschaft an hire Marché Commun, de Mëttelamerikanesche Marché Commun, de Rot fir Géigesäiteg Wirtschaftlech Ënnerstëtzung, d'Europäesch Gemeinschaften, d'Liga vun den Arabesche Staaten, d'Organisatioun fir Afrikanesch Eenheet, d'Organisatioun vun den Amerikanesche Staaten, de Südpazifische Forum – all déi gemeinsam Initiativen, déi dës Organisatiounen verkierperen, maachen de Wee fräi an eng Weltuerdnung.

Souwäit zu eisem siwenten Deel iwwer d'Dokument: *D'Versprieche vum Weltfridden*.

Ofschléissend wëllt ech iech ganz häerzlech op eng Konferenz nächsten Dënschdeg den Owend alueden, an dat um aacht Auer owes am Bahá'í Zenter, Allée Léopold Goebel. Bei Geleeeenheet vun internationalen Dag vun de Mënscherechter eng Konferenz op franséisch mam Titel: *Justice internationale: une vision, des réalités*, mat der Madame Jeanne Sulzer, Responsable Justice Internationale à la Fédération Internationale des Ligues des Droits de l'Homme (FIDH) et Mme Caroline Samandari-Avanzo, Représentante de la Communauté Internationale Baha'ie, Paris Consultante auprès du Groupe d'Action Judiciaire de la FIDH. Hei den Text vun der Invitatioun: «*La réflexion a beaucoup porté, au cours des cinquante dernières années, sur la nécessité de juger les responsables des crimes les plus graves: génocides, crimes de guerre, crimes contre l'humanité, ceux «qui touchent l'ensemble de la communauté internationale», selon l'expression consacrée dans le statut de la Cour pénale internationale (CPI). On a pu ainsi assister à une véritable prise de conscience, tant au niveau institutionnel qu'au niveau de la société civile internationale, des enjeux et des conséquences que pouvait susciter la permanence de l'impunité. Depuis la fin de la Seconde Guerre mondiale, la FIDH n'a cessé d'oeuvrer pour la création d'une juridiction pénale internationale qui soit dotée d'un caractère permanent. Membre fondateur de la Coalition internationale des ONG pour la CPI qui regroupe plus de mille organisations, la FIDH a été présente à toutes les négociations pour la création de la Cour et s'est avérée particulièrement active lors de la conférence de Rome, au cours de laquelle cent vingt États ont adopté, en juillet 1998, le statut de la Cour pénale internationale. Depuis, elle continue de participer sans relâche à toutes les sessions permettant de préparer le fonctionnement effectif de cette juridiction et cherche à faciliter l'information, l'accompagnement et la représentation des victimes devant la Cour.*»

Souwäit d'Rubrik vun de lëtzebuerger Bahá'í um Radio ARA. Iech alleguer e schéine Weekend.

242 D’Versprieche vum Weltfridden, Deel 7/13

242t Sendung, 17ten an 18ten Dezember 2004. Léif Radio Ara Nolauschterer, dir héiert elo eisen aachten Deel iwwer dat Dokument vum héchste Bahá’í Gremium wat sech un d’Vëlker vun der Welt riicht.

Dass verschiddene vun eise Planéit sengen am déifste verwuerzelte Problemer méi eng grouss Opmierksamkeet geschenkt gëtt, ass en anert Signal vun Hoffnung. Trotz de Vereenten Natiounen hiren evidente Feeler ginn déi iwwer véierzeg Deklaratiounen a Conventiounen, déi des Organisatioun adoptéiert huet, esouguer wann d’Regierungen se net mat Begeeschterung ënnerstëtzt hunn, den einfache Mënschen d’Gefill vun engem neien Opschwung. Déi Allgemeng Erklärung vun de Mënscherechter, d’Ofkommen iwwer d’Preventioun an d’Bestrofung vu Vëltermuerd an déi aner Moosnamen, déi sech zum Zil gesat hunn, all Forme vun Diskriminatioun opgrond vu Rass, Geschlecht oder Glawen ze eliminéieren; d’Verdeedegung vun de Rechter vum Kand; d’Protektioun géint Folter; d’Iwwerwonne vun Hunger an Ënnerernierung; de Gebrauch vu wëssenschaftlechem an technologeschem Fortschrëtt fir de Fridden a fir d’Wuel vun der Mënschheet – all des Schrëtt wäerten, wa se mat Courage applizéiert a weiterentwéckelt ginn, deen Dag méi no bréngen, wou d’Gespenst vum Krich net méi d’Muecht huet, fir déi international Bezéiungen ze dominéieren. Et brauch een d’Bedeutung vun de Froen, déi des Deklaratiounen a Conventiounen behandelen, net ervirzesträichen. Allerdéngs verdéngen e puer vun dese Froen weinst hirer onmëttelbarer Wichtigkeet fir d’Verwierklechung vum Weltfridden méi eng ausféierlech Behandlung.

De Rassismus, eent vun de schlëmmsten an haartnäckegsten Iwwelen, ass eng Haaptbarrière fir de Fridden. Wou hien d’Handele bestëmmt, gëtt dem Mënsch seng Dignitéit esou mat Féiss getrueden, dass e sech ënnert kengem Virwand rechtfertige léisst. De Rassismus behënnert seng Affer doran, hiert onbegrenzte Potential ze entfalten, e mécht seng Vertrieeder korrupt a steet dem mënschleche Fortschrëtt am Wee. D’Unerkennung vun der Eenheet vun der Mënschheet, duerch géiegent gesetzlech Moosname verwierklecht, muss weltwäit ënnerstëtzt ginn, wa mir dese Problem wellen an de Grëff kréien.

Déi extrem Ongläichheet tëscht Aarmen a Räichen, eng Quell vun onvirstellbarem Leed, hält d’Welt an engem Zoustand vun Instabilitéit, dee praktesch all Ament kann zu Krich féieren. Des Situatioun hunn net vill Gesellschaften mat Erfolleg ugepaakt. D’Léisung verlaangt eng kombinéiert Applikatioun vu geeschtegen, moraleschen a prakteschen Moosnamen. Eng nei Perspektiv ass erfuerdert, an dozou gehéiert d’Berodung mat Spezialisten aus villerlei Branchen, ouni wirtschaftlech an ideologesch Polemik, an d’Bedeedegung vun de Leit, déi direkt betraff sinn, un den Entscheedungen, déi dréngend mussen geholl ginn. Et handelt sech hei ëm eng Fro, déi net nëmmen un d’Noutwenegkeet geknäppt ass, d’Extremer vu Räichtem an Aarmut ass der Welt ze schafen, mee och un déi geeschteg Wourächten, déi, wa se verstan ginn, eng nei ganzheetlech Attitude kënnen ervirbréngen. Esou eng Attitude ze begënschtegen, ass u sech schon een Haaptelement vun der Léisung.

En Nationalismus ouni Gitt, am Géigesaz zu engem verstännegen a legitime Patriotismus, muss enger méi ëmfaassender Loyautéit Plaz maachen, enger Léift zu der Mënschheet als ganzer. Dem Bahá’u’lláh seng Wieder sinn: „*Dës Äerd ass nëmmen ee Land, an all Mënsche si seng Büirger.*“ D’Konzept vum Weltbürgertum ergëtt sech onmëttelbar aus der Welt hirer Verkleinerung zu enger Stad, déi mam wëssenschaftlechen Fortschrëtt an der onbestreitbarer géigesäiteger Ofhängegkeet tëscht den Natiounen erfollegt ass. D’Léift zu all de Vëlker vun der Welt schléisst d’Léift zum eegene Land net aus. An enger Weltgesellschaft déngt een deem Deel senger Intressen am beschten, wann ee sech fir d’Intresse vum Ganzen asetzt. Aktuell international Aktivitéiten op verschiddene Gebitter, déi géigesäiteg Affektioun an e Gefill vu Solidaritéit ënnert de Vëlker nieren, müssen nach staark zouhuelen.

Souwäit d’Rubrik vun de lëtzebuerger Bahá’í um Radio ARA, iech alleguer e schéine Weekend.

243 D’Versprieche vum Weltfridden, Deel 8/13

243t Sendung, 24ten an 25ten Dezember 2004. Léif Radio Ara Nolauschterer, dir héiert elo eisen néngten Deel iwwer dat Dokument vum héchste Bahá’í Gremium wat sech un d’Vëlker vun der Welt riicht.

Reliöse Sträit war am Laf vun der Geschicht d’Ursach vu ville Kricher a Konflikter an en Haapthindernis fir de Fortschrëtt, an e wierkt ëmmer méi ofstoussend op d’Adepte vu jiddwer a vu kengem Glawensbekenntnes. Alle Reliounen hir Unhänger müssen d’accord sinn, fir sech deenen elementare Froen ze stellen, déi dese Sträit opwërft, an zu kloren Äntwerten kommen. Wéi sollen, an der Theorie wéi an der Praxis, hir Meinungsverschiedenheete bäigeluecht ginn? D’Erausfuerderung fir der Mënschheet hir reliéis Leader besteet doran, mat Häerzer, déi vu Matgefill a vun engem Verlaangeren no Wourécht erfëllt sinn, de Mënschen hire Misär ze betruichten a sech dann ze froen, ob si net, an Demut virun hirem allmächtige Schöpfer, hir ënnerschiddlech theologesch Opfaassungen an engem grousshäerzege Geescht vu géigesäitegem Versteesdemech kënnen begrüewen, an doduerch d’Méiglechkeet kréien, zesumme fir d’Entwécklung vu mënschlechem Verständnes a Fridden ze schaffen.

D'Emanzipatioun vun der Frau, d'Verwierklechung vun enger vollstänneger Gläichberechtigung téscht de Geschlechter, ass eng vun de wichtigsten, wann och manner erkannte Viraussetzung fir de Fridden. Wien dës Gläichberechtigung refuséiert, begeet en Onrecht géint d'Hallschecht vun der Weltbevëlkerung a fôrdert an de Männer schiedlech Astellungen a Gewunnechten, déi si aus der Famill op d'Aarbechtsplaz, an d'politescht Liewen an zu gudder Lescht och an déi international Relatiounen droen. Et gëtt kee Grond, weder moralesch nach praktesch oder biologesch, deen esou ee Refus justifiéiert. Eréischt wann d'Fraen als vollwäerteg Partner an alle Beräicher vum mënschleche Striewen opgeholl ginn, wäert dee moraleschen a psychologesche Klima entstoën, aus deem de Weltfridde kann ervirgoen.

Den Ideal vun universeller Erzéiung, fir dee sech schon eng Arméi vun dévouéierte Leit aus alle Glawensrichtungen an Natiounen asetzen, verdénkt déi gréisst Ënnerstëtzung, déi der Welt hir Regirunge kënnen opbréngen. Et léisst sech nämlech net ofstreiden, dass d'Onwëssenheet d'Hauptursaach ass fir de Verfall an den Ënnergank vun de Vëlker an d'Bestoebleiwe vu Viruerteler. Keng Natioun kann et zum Erfolleg bréngen, wann net all hire Biirger eng Bildung vermëttelt gëtt. Wéinst dem Fele vu Ressource si vill Natiounen nëmme begrenzt fäeg, dës Noutwendegkeet ze erfëllen, a kréien eng gewëss Reieffolleg vu Prioritéiten operluecht. Déi Gremien, déi doriwwer decidéieren, wäer gutt beroden, wa se sech géingen iwwerleën, fir der Ausbildung vu Fraen a Meedercher d'Prioritéit ze ginn, well iwwer gebillte Mamme léisst sech de Benefice vum Wëssen am wierksaamsten an am séiersten an der Gesellschaft verbreed. Fir den Ufuerderunge vun eiser Zäit gerecht ze ginn, sollt een och drun denken, fir de Konzept vum Weltbiurgertum als Bestanddeel vun all Kand senger normaler schoulescher Erzéiung ze vermëttelen.

E grondsätzleche Manktem u Kommunikatioun téscht de Vëlker behënnert eeschlech d'Beméiungen ëm de Weltfridden. D'Adoptioun vun enger internationaler Hëllefssprooch géif vill derzou bäidroen, dës Problem ze léisen, a verdénkt dofir déi gréissten Opmierksamkeet.

Bei all dësen Themaen sollt een zwee Punkten ervirhiewen. Éischtens besteet d'Ofschafe vum Krich net einfach doran, Verträge a Protokoller ze ënnerschreiwen; et ass eng komplex Aufgab, déi verlaangt, dass ee sech op engem neien Niveau fir d'Léisung vu Froen asetzt, déi normalerweis net mam Striewen no Fridden associéiert ginn. Wa se sech ausschliisslech op politesch Ofmaachunge stäipt, bleift d'Iddi vu kollektiver Sécherheet eng Illusioun. Zweetens ass déi primär Erausforderung am Ëmgank mat Friddensfroen déi, sech aus purem Pragmatismus ze léisen an eng Grondsazdiskussioun ze féieren. Well eigentlech entsteet de Fridden aus engem ënnerlechen Zoustand eraus, deen duerch eng geeschteg oder moralesch Astellung gestäipt gëtt, an d'Méiglechkeet vun dauerhafte Léisunge fënnt sech haaptsächlech dann, wann esou eng Astellung kann ervirgeruff ginn.

Et gëtt geeschteg Prinzipien – oder wéi verschidde Leit soen, mënschlech Wäerter – mat deenen hirer Hëllef sech fir all soziale Problem Léisunge fanne loos. Allgemeng gesi kann all Grupp mat gudden Intentiounen sech fir seng Problemer praktesch Léisungen ausdenken, mee gutt Intentiounen a praktescht Wësse ginn normalerweis net duer. Den Hauptverdénkscht un engem geeschtege Prinzip läit doran, dass hien net nëmmen eng Perspektiv virgëtt, déi mam Wësse vum Mënsch iwwereneestëmmt, mee doriwwer eraus eng Astellung, eng Dynamik, ee Wëllen, ee Striewen ausléist, déi d'Entdeckung an d'Duerchféierung vu praktesche Moossnamen erliichten. De Regierungschef an alle Mënschen, déi Muecht ausüben, wär an hirem Striewen no Problemléisunge vill gehollef, wa se fir d'éischt géifen erausfannen, wat fir Prinzipien am Spill sinn, a sech dann duerch dës leede loos. Souwäit d'Rubrik vun de lëtzebuerger Bahá'í um Radio ARA. Iech alleguer e schéine Weekend.

244 D'Vesprieche vum Weltfridden, Deel 9/13

244t Sendung, 31ten Dezember an den 1ten Januar 2004. Léif Radio Ara Nolauschterer, dir héiert elo eisen zéngten Deel iwwer dat Dokument vum héchste Bahá'í Gremium wat sech un d'Vëlker vun der Welt riicht.

III. Déi wichtegst Fro, déi muss gekläert ginn, ass, wéi d'Welt vun haut mat hiren agerappte Konfliktstrukture sech zu enger Welt verännere kann, an där Harmonie an Zesummenaarbecht virherrschen.

Eng Weltuerdnung léisst sech nëmmen op dat iwwerzeegte Bewosstsi grënnen, dass d'Mënschheet eng Eenheet ass, eng geeschteg Wourécht, déi all Humanwëssenschafte konfirméieren. D'Anthropologie, d'Physiologie, d'Psychologie kennen nëmmen eng Spezies Mënsch, och wann dës an den zweetranegen Aspekter vum Liewen onendlech variéiert. Dës Wourécht unzekerken heescht, all Zorte vu Virurteeler opzeginn, wat Rass, Klass, Hautfaarf, Glawen, Natioun, Geschlecht, materiellen Entwécklungsstand betrëfft, alles wat d'Mënschen derzou féiert, sech anere géint iwwer fir iwwerleën ze halen.

D'Eenheet vun der Mënschheet unzuhuelen, ass déi éischt fundamental Viraussetzung fir der Welt hir Reorganisatioun an Administratioun als en eenzegt Land – der Mënschheet hir Hemecht. Eng weltwäit Unerkennung vun dësem geeschtege Prinzip ass wiesentlech fir all erfollegräiche Versuch, de Weltfridden opzeriichten. Si sollt dofir uechter d'ganz Welt proklaméiert, an de Schoule geléiert an an all Land ëmmer nees

affirmiert ginn als Virbereedung op déi organesch Verännerung an der Gesellschaft hirer Struktur, déi et mat sech brénkt.

Vum Bahá'í Standpunkt aus verlaangt d'Unerkennung vun der Eenheet vun der Mënschheet „*net manner wéi d'Rekonstruktioun an d'Demilitariséierung vun der ganzer ziviliséierter Welt – enger Welt, déi an alle wiesentlechen Aspekter vun hirem Liewen, hirer politescher Maschinnerie, hirem geeschtege Striewen, hirem Commerce an hire Finanzen, hirer Schrëft an hirer Sprooch organesch zesummegeuuss ass an trotzdeem onendlech villfälteg an den nationalen Egenaarte vun hire federéierten Elementer.*“

A sengen Ausféierungen iwwer dësem Grondprinzip seng Implikatiounen sot de Shoghi Effendi, den Hiddler vum Bahá'í Glawen, am Joer 1931: „*Wäit dervun, d'Fondatiounen vun der haiteger Gesellschaft wëllen ëmzegeheien, versicht et, hir Basis ze erweidern, hir Institutiounen esou ëmzestalten, dass se mat de Bedierfnesser vun enger Welt a bestänneger Verännerung iwwereneestëmmen. Et ka mat kenge legitimen nationale Pflichtgefiller a Konflikte trieden oder wiesentlech Loyautéiten ënnergruewen. Säin Zil ass et weder, d'Flam vun engem gesonden an intelligente Patriotissem an de Mënschen hiren Häerzer ze erstécken, nach, de System vun nationaler Autonomie ofzeschaffen, dee jo esou wiesentlech ass, wann d'Iwwele vun enger iwwerdriwwener Zentraliséierung solle verhënnert ginn. Et ignoréiert net d'Diversitéit vum Urspronk vun de Vëlker, vu Klima, vu Geschicht, Sprooch an Tradition, vun Denkweisen a Gewunnechten, déi der Welt hir Vëlker vuneneen ënnerscheden, an et versicht och net, dës Diversitéit ze ënnerdrécken. Et rëfft op zu méi enger grousser Loyautéit, zu méi engem héije Striewen, wéi et je virdrun d'Mënschen ugedriwwen huet. Et insistéiert drop, fir national Motivatiounen an Intressen hannert déi zwéngend Fuerderunge vun enger geeentener Welt ze stellen. Et verwerft iwwerdriwwen Zentraliséierung op där enger Säit a refuséiert all Bestriewen no Uniformitéit op där anerer. Seng Devis ass d'Eenheet an der Diversitéit ...*“

Fir dës Ziler ze erreechen, müssen hinne schrëttweis déi national politesch Astellungen ugepasst ginn, déi den Ament un Anarchie grenzen, well et keng kloer definéiert Gesetzer oder iwwerall unerkannten an applikabel Prinzipie gëtt, déi d'Bezéiungen tëscht den Natiounen reegelen. De Vëlkerbond, d'Vereenten Natiounen an déi sëlleg Organisatiounen an Ententen, déi se ervirgeruff hunn, hunn ouni Zweifel gehollef, e puer negativ Auswierkunge vun internationale Konflikte ofzeschwächen, mee si hu sech als onfäeg erweisen, de Krich ze verhënnern. Tatsächlech goufen et zënter dem Enn vum Zweete Weltkrich eng grouss Zuel aner Kricher, vun deenen der vill nach ëmmer amgaang sinn.

Souwäit d'Rubrik vun de lëtzebuerger Bahá'í um Radio ARA, iech alleguer e schéine Weekend.

245 D'Versprieche vum Weltfridden, Deel 10/13

245t Sendung, 8ten an 9te Januar 2005. Léif Radio Ara Nolauschterer, dir héiert elo eisen eeleften Deel iwwer d'Versprieche vum Weltfridden, dat Dokument vum héchste Bahá'í Gremium wat sech un d'Vëlker vun der Welt rëicht.

Dësem Problem seng wichtegst Aspekter hate sech schon am nonzénge Jorhonnert ze erkenne ginn, wéi Bahá'u'lláh fir d'éischt seng Propositionen fir den Opbau vum Weltfridden virgeluecht huet. A sengen Deklaratiounen un d'Herrscher vun der Welt huet hien de Prinzip vu kollektiver Sécherheet vertrauen. De Shoghi Effendi huet d'Bedeitung dervu kommentéiert: „*Wat soss kënnen dës beandrockend Wieder heeschen,*“ huet e geschriwwen, „*wann net den Hiwäis op déi onemgänglich Aschränkung vun absoluter nationaler Souveränitéit als enger noutwenneger Bedéngung fir d'Formatioun vun enger zoukënfteger Federatioun vun allen Natiounen vun der Welt? Iergend eng Form vu Welt-Iwwerstaat muss noutwennegerweis entwéckelt ginn – ee Staat, deem all Natiounen fräiwëlleg jiddwer Usproch op Krichsféierung, verschidde Rechter op Steiererhiewung an all Rechter op Rëschtung ausser fir d'Erhale vun der interner Uerdnung um eegenen Territoire wäerten ofgetrueden hunn. Esou ee Staat brauch a sengem Aflossberäich eng international Exekutiv, där et méiglech ass, jiddwer tockegem Member vun der Federatioun hir héchsten an onbestreitbar Autoritéit opzewéngen; e Weltparlament, deem seng Memberen duerch d'Vëlker an alle Länner gewielt an duerch déi respektiv Regéierungen bestätegt ginn; an en Héchst Geriicht, deem seng Entscheedungen obligatoresch sinn, och an deene Fäll, wou déi concernéiert Parteien hire Sträitfall net fräiwëlleg senger Juridictioun ënnerwerfen.*“

Eng Weltgemeinschaft, an där sämtlech wirtschaftlech Barrière fir ëmmer aus dem Wee geraumt sinn a wou déi géigesäiteg Ofhängegkeet vu Kapital an Aarbecht definitiv unerkannt ass; an där d'Gejätz vu reliéisem Fanatismus a Sträit ee fir allemol vertommt ass; an där d'Flam vum Rassenhaass endlech geläscht ass; an där en eenheetleche Code fir internationaalt Recht, d'Produkt vum gutt iwwerluechten Uerteel vun der Welt hire federéierte Volleksvertrieder, duerch d'direkt an zwéngend Agräife vun de Federéierten hire vereenegte Sträitkräfte sanktionéiert gëtt; a schliisslech eng Weltgemeinschaft, an där d'Roserei vun engem onberechenbaren a militanten Nationalissem zu engem permanente Bewosstsinn vun der Qualitéit vum Weltbierger ginn ass – esou presentéiert

sech tatsächlich a graffen Zich déi Uerdnung, déi Bahá'u'lláh virausgesinn huet, eng Uerdnung, déi een enges Daags wäert als déi schéinste Fruucht vun engem Zäitalter betruuchten, dat sech lues a lues opdeet.“

Bahá'u'lláh huet drop higewisen, dass dës Moosname géifen an d'Weeër geleed ginn: „D'Zäit muss kommen, an där op der ganzer Welt realiséiert gëtt, wéi dréngend noutwenneg et ass, dass d'Mënschen eng grouss, eng allëmfaassend Versammlung ofhalen. Der Äerd hir Regéierer a Kinneke müssen onbedéngt dorun deelhuefen an iwwer d'Bedelegung un hiren Deliberatiounen déi Méiglechkeeten a Mëttelen an d'Ae faassen, déi d'Fondatioun fir der Welt hire Gréisste Friden tëscht de Mënsche leeën.“

De Courage, d'Determinatioun, d'Eierlechkeet, d'oneegennëtzeg Léift vun engem Vollek fir dat anert – all déi geeschteg a moralesch Eegeschaften, déi gebraucht ginn, fir dës gewaltege Schratt an d'Richtung vum Friden ze ënnerhuefen, leien am Wëllen zur Handlung. An et ass am Bestriewen, fir deen néidege Wëllen opzebréngen, wou ee sech eeschtlech muss mat der Wierklechkeet vum Mënsch, nämlech mat séngem Denken, befaassen. Dëser mächtiger Wierklechkeet hir Bedeitung verstoen, heescht och erkennen, dass et sozial gesinn noutwenneg ass, hiren eenzegartege Wäert mat Hëllef vun oppener, onparteiescher a frëndschaftlecher Berodung ëmzesetzen, an no deem ze handelen, wat bei dësem Prozess erauskënnt. Bahá'u'lláh huet mat Nodrock drop higewisen, wéi wäertvoll an onverzichtbar d'Berodung ass, fir déi mënschlech Ugeleeënheeten an d'Fassung ze bréngen. Hie sot: „Berodung vermëttelt méi en déift Bewosstsinn an erhieft d'Suppositioun zur Gewëssheet. Si ass en hellt Liicht, dat an enger däischtrer Welt de Wee weist an eis féiert. Fir alles gëtt et elo an och an Zukunft e Grad vu Perfektioun a vu Räifheet. Den Don vum Verstoe weist seng Räifheet an der Berodung.“ Eleng de Versuch, fir de Friden duerch Berodung ze erreechen, wéi Hien et virgeschloen huet, kann esou en heelsame Geescht ënnert der Äerd hire Vëlker fräisetzen, dass keng Muecht deem schlussendlechen trimphalen Ausgang kéint widderstoën.

Souwäit d'Rubrik vun de lëtzebuerger Bahá'í um Radio ARA. Iech alleguer e schéine Weekend.

246 Den Tsunami

246t Sendung, 14ten an 15te Januar 2005. Léif Radio Ara Nolauschterer, D'Séibiewen a Südostasien, en Tsunami, eng Naturkatastroph wéi mir se kaum erlieft hunn, woubei souvill Leit ëm d'Liewe koumen, dass et en Drëttel vun eiser Bevëlkerung ausmécht, dat beréiert. Natierlech well mer jo och d'Biller an eiser Stuff gewise kréien, op de Kaffisdësch moies. Aussergewéinlech ass wierklech d'Solidaritéit ënnert de Leit weltwäit, kleng a grouss, jidderee wëllt hëllefen, spenden, eppes maachen. Dat ass och an de Medien dëser Deeg grouss erauskomm. Et sinn och méi Leit déi bidden. Bei der Geleeënheet vum Weltdag vun de Reliounen, invitéiert d'Bahá'í Gemeng mat der Bedelegung vum interreligiöse Grupp AGIR op eng Zeremonie vu Gebieder aus verschiddene Reliounen. Gewidmet sinn dës Gebieder den Affär vum Séibiewen an Asien. Dir Radio ARA Nolauschterer sidd heimat invitéiert, an dat dës Sonndeg, 16te Januar, um 5 Auer nomëttes, an dat wéi gewinnt am Bahá'í Zenter, 17, allée Léopold Goebel. Extraite vun Texter aus de verschiddenen hellege Schrëften si fir iech do. Füllt iech awer och fräi fir mat eis ären Text oder Gebiet, dat iech um Häerz läit, mat eis ze deelen. De Programm fänkt um 5 Auer un an dauert bis halwer 7. Tëscht de Gebieder gëtt et och Musek. Fir ofzeschlësse sidd dir dann op e Patt invitéiert. Also dës Sonndeg, um 5 Auer, am Bahá'í Zenter, Gebieder fir d'Affär vun Asien, mat der Bedelegung vun all de grouse Reliounen.

U wat denke mer, wa mer gesinn, dass esou Naturkatastrophen sou mächtig sinn a mir sou schwach? Eng interessant Analogie heizou fënnt een an der Bahá'í Geschicht ëm déi Zäit wou d'Titanic hir éischt grouss an eenzeg Rees gemaach huet. 'Abdu'l-Bahá, Jong vu Bahá'u'lláh, Begrënner vum Bahá'í Glawen war deemools an Europa op Besuch a sollt mat der Titanic fueren. Am leschte Moment hat en sech anescht decidéiert an huet d'Cédric geholl. No der Katastroph vun der Titanic schreift hien den 23ten Abrëll 1912 dat hei doriwwer: Ech faassen zesummen:

Wat dëser Deeg geschitt ass, mécht all Häerz traureg. Souvill Leit hunn hiert Liewe gelooss an hunn dës stierflech Welt verlooss. Obschonn esou en Evenement wierklech bedauerenswäert ass, musse mir eis bewosst ginn dass all Evenement a sech och eng Wäisheet dréit, an dass näischt ouni Grond passéiert. Doranner ass e Geheimnis, mee wat och ëmmer d'Ursach war, et ass en trauregt Evenement an huet ville Mënsche vill Tréine bruecht. ...

Wann ech un déi denken, déi hiert Liewe verluer hunn, sinn ech wierklech traureg, mee wann ech dës Ongléck aus engem anere Wénkel kucken, da sinn ech getréischt wann ech mir bewosst sinn dass d'Werte vu Gott onendlech sinn. Och wann si dës Existenz weggeholl kruten, hu si aner Méiglechkeeten am anere Liewen, am Jenseits, sou wéi Jesus och sot: am Haus vu mengem Papp ginn et eng sëllege Plazen. Si hunn déi stierflech Plaz opginn fir an déi éiweg ze kommen. Si hunn de Plesier an de Komfort vun dësem Liewen opginn, fir eng méi dauerhaft a reell Freed ze erliewen. D'Gnott vum Härgott ass onendlech an et ass un eis fir dëser Séilen ze gedenken, an eise Gebieder, fir dass si der Quell méi no kommen.

Dës mënschlech Bedingunge kënnen mir mat der Matrix vun der Mamm vergläichen, wou d'Kand op d'Welt kënnt, eng Welt mat ville Plazen déi et net kennt. Am Ufank ass et schwéier fir d'Kand sech un seng nei Existenz ze winnen. Et kräischt, wéi wann et de Bauch vu senger Mamm net verlosse wollt. Et huet sech virgestallt dass

d'Liewe sech nēnnen op dēsem klenge Raum begrenze géif. Et wēllt sāin doheem net verlooßen, mee d'Natur zwēngt et dozou an dēs Welt eranzekommen. An dēsem Zoustand entdeckt et dass et aus der Dāischtert an d'Luucht kēnt. D'Isse koum vum Blut vū senger Mamm, an elo entdeckt et wonnerbar Platen, déi et genēsst. Sāin neit Liewen ass voll mat Schēinheet; mat Erstaunen ergēzt et sech un de Bierger an den Dāll, dem Grēngs, de Flēss an de wonnerbare Stāren. Et otemt frēsch Loft a seet Gott Merci dass et aus sengem viregen Zoustand befrāit gouf fir elo a Frāiheet an engem neie Kinnekrāich ze liewen.

Dēs Analogie weist eis d'Relatioun tēschent dēser zāitlecher Welt an dem nächste Liewen – den Iwwergank vū der mēnschlecher Séil vū der Dāischtert an der Incertitude, zu der Luucht an der Realitēit vū ēiwege Kinnekrāich. Am Ufank ass et schwēier den Doud ze begreissen, mee wann d'Séil sāin neien Zoustand erreecht huet, ass si dankbar, well se befrāit ginn ass vū der Kaptivitēit vū der beschränkter Welt fir d'Frāiheete vū enger Welt ouni Grenzen ze erreechen. D'Séil ass befreit ginn vū enger Welt vū Trauer, Suergen a Prüfungen, fir an enger Welt vū onendlecher Freed an Extase ze liewen.

'Abdu'l-Bahá seet dass dēs Gedanken den eenzegen Trouscht kēne sinn fir d'Famill an d'Frēnn vū den Afferen.

Hie seet awer och, dass dēs Evenementer méi déif Ursaachen hunn. Si sollen de Mēnsche verschidde Saache bāibrēngen a kloer maachen. Dēser Deeg seet hien, an dat 1912, gi mir de materielle Mēttel vill Vertrauen. D'Mēnsche stelle sech fir, dass d'Grēisst an d'Stärkt vū engem Schēff, d'Perfektion vū de Maschinnen oder d'Kompetenz vū engem Kapitān hinne Sécherheet ginn. (mir schwätze jo vū Onglēck vū der Titanic) Mee sou Katastrofe geschēien heiansdo fir dem Mēnsch ze verstoen ze ginn dass Gott dee Wierkleche Beschützer ass. Wa Gott de Mēnsch beschütze wēll, ka souguer e klengt Schēff ouni Zerstēierung devu kommen, an dat allgrēisste, modernste Schēff mat der beschter Besatzung kann d'Gefor um Mier net iwwerliewen. De But ass deen dass d'Leit sech Gott zouwenne sollen, den eengege Beschützer, fir dass si wēssen dass Hien déi wierklech Sécherheet brēngt. Dēs Evenementer geschēien fir de Glawe vū Mēnsch ze stārken.

All dat wēllt awer net heeschen, dass mir net sollte virsiichteg sinn, an deem wat mir maachen. Gott huet eis d'Intelligenz gi fir dass mir op eis oppasse kēnnen. Sou sollte mir eis ēmginn mat allem gudde wat d'Wēssenschaft eis ze bidden huet.

Heescht dat net fir eis haut, wat an dēsen Deeg passēiert, dass mir natierlech sollte kucken fir déi beschten Alarmsystemer, Warnsystemer sollte bereet hunn, fir Liewe kēnnen ze retten, mee zousätzlech sollte mir Gott vertrauen an eis bewosst ginn, dass letztendlech Hien eisen eenzege Beschützer ass. Mat senger Hēllef kann eis nāischt passēieren, wann et net Sāi Wēllen ass, kēnnen all eis Preparatiounen a Précautiounen net duergoen.

247 D'Vesprieche vum Weltfridden, Deel 11/13

Intro ...

Dozou, wēi dēs Weltversammlung soll virgoen, huet 'Abdu'l-Bahá, Fils vū Bahá'u'lláh an autoriséierten Interpret vū senge Léieren, eis folgend Iwwerleeunge matgedeelt: *“Si müssen d'Saach vū Fridden zum Géigestand vū allgemenger Berodung maachen a sämtlech Mēttelen asetzen, déi hinnen zur Verfügung stinn, fir eng Unioun vū allen Natioune vū der Welt op d'Been ze stellen. Si müssen e verbindleche Vertrag ofschléissen an e Pakt ausschaffen, deem seng Dispositiounen gerecht, onverletzbar a prezis sinn. Si müssen en der ganzer Welt virstellen an der ganzer Mēnschheet hiren Accord dofir krēien. Dēs héich an nobel Enterprise – déi wierklech Quell vū Fridden a vū Wuel fir d'ganze Welt – sollt jiddwerengem helleg sinn, deen op der Äerd wunnt. All der Mēnschheet hir Kräfte müsse mobiliséiert ginn, fir d'Stabilitéit an d'Bestoebleiwe vū dēsem Grēisste Pakt ze garantēieren. An dēsem universelle Pakt sollte jidder einzelner Natioun hir Grenze kloer festegeluecht, d'Prinzipien, op déi d'Bezéiungen tēscht de Regierunge sech grēnnen, definitiv verzeechent a sämtlech international Accorden an Obligatiounen bekräftegt ginn. Genes esou sollt d'Stärkt vū de Waffenarsenaler vū all Regierung strikt limitēiert ginn, well wann ee géif zouloossen, dass d'Krichsvirberedung an d'Truppestärkte vū iergend enger Natioun zouhuelen, misst dēst bei anere Mēsstrauen ervirruffen. D'Grondprinzip vū dēsem feierleche Pakt sollt esou festgeluecht sinn, dass am Fall, wou iergend eng Regierung eng vū sengen Dispositiounen verletzt, all Regierunge vū der Äerd sech erhiewen, fir se zu totaler Ennerwerfung ze zwēngen, méi nach, d'Mēnschheet als Ganzt sollt sech entschlēissen, fir déi Regierung mat aller Kraaft, iwwer déi se verfügt, ze stierzen. Wann dēst grēissten Heelmēttel op der Welt hire kranke Kierper géif applizēiert ginn, géing se sech ouni Zweifel vū hire Leiden erhuelen a fir ēmmer roueg a sécher bleiwen.“*

Déi mächtig Versammlung hätt scho laang missen ofgehole ginn.

Mir appellēiere vū ganzem Häerz un d'Leader vū allen Natiounen, vū dēsem gēnschtegen Zāitpunkt ze profitēieren an irreversibel Moosnamen ze ergrāifen, fir dass dēs Weltversammlung ofgeruff gētt. All Kräfte vū der Geschicht dreiwēn d'Mēnschheet zu dēser Handlung, déi fir ēmmer den Ufank vū hirer laang erwaarter Maturitēit wāert markēieren.

Wëlle sech net d'Veereenten Natiounen, mat der voller Ënnerstëtzung vun hire Memberen, hannert déi héich Ziler vun esou engem kréinenden Ereegnes stellen?

Loosst Männer a Fraen, jonk Leit a Kanner iwwerall dësem onverzichtbaren Akt säin éiwege Verdéngscht fir all Vëlker erkennen an hir Stëmm erhiewen, fir e bereetwëlleg ze stäipen. Loosst et eis Generatioun sinn, déi déi glorriich Etapp an der Evolutioun vum gesellschaftleche Liewen op dësem Planéit inauguréiert.

IV. D'Quell vun eisem Optimismus ass eng Visioun, déi iwwer d'Bënnegung vum Krich an d'Schafe vun Agencë fir international Zesummenaarbecht erausgeet. Permanente Fridden tëscht den Natiounen ass eng wesentlech Etapp, mee net, wéi Bahá'u'lláh feststellt, dat lescht Zil fir der Mënschheet hir sozial Entwécklung. Hannert engem éischte Waffestëllstand, deem der Welt aus Angscht virun engem nuklearen Holocaust opgezwonge gëtt, hannert dem politesche Fridden, op dee sech vu Mësstrauen a Konkurrenzdenken erfüllten Natiounen widderwëlleg aloossen, hannert de pragmateschen Accorden iwwer Sécherheet a Koexistenz, esouguer hannert de sëllegen Experimenten zur Zesummenaarbecht, déi dës Schrëtt wäerte méiglech maachen, waart eréischt dat héchstent Zil: d'Veereenigung vun alle Vëlker vun der Welt an enger universeller Famill.¹

248 D'Vesprieche vum Weltfridden, Deel 12/13

Intro ...

Oneenegkeet ass eng Gefor, déi der Äerd hir Natiounen a Vëlker net nach méi laang kënnen erdroen; hir Konsequenzen sinn ze schrecklech, fir se a Betruecht ze zéien, an ze evident, fir eng Demonstratioun ze brauchen. „D'Wuel vun der Mënschheet“, huet Baha'u'llah viru méi wéi honnert Joer geschriwwen. „hire Fridden an hir Sécherheet sinn onerreechbar, wann an esou laang net hir Eenheet fest begrënnt ass. D'Mënschheet jéimert a vergeet bal vu Verlaangeren duerno, gëeent ze ginn an e Schlusstréch ënnert hir Jordausenden al Péng ze zéien,“, mengt Schoghi Effendi a seet weider: « D'Veereenigung vun der ganzer Mënschheet ass d'Kennzeeche vun deem Stadium, o dee sech d'mënschlech Gesellschaft haut zoubewegt. D'Eenheet vun der Famill, vum Stamm, vum Stadstat a vun der Natioun sinn noeneen ausprobéiert a vollstänneg verwierklecht ginn. Welteenheet ass dat Zil, no deem eng gepéngt Mënschheet strieft. Den Opbau vun Natiounen ass ofgeschloss. D'Anarchie, déi an der Souveränitéit vun Nationalstate läit, ass elo bei hirem Héichpunkt. Eng Welt, déi maans gëtt, muss op dëse Fetisch verzichten, d'Eenheet an d'Vollstännegkeet vun de mënschleche Bezéiungen erkennen an ee fir allemol deem Organismus opriichten, deem dëse Grondprinzip vun hirem Liewen am beschte ka verkierperen. »

All aktuell Stréimunge vu Verännerung bekräftegen dës Vu. D'Beweiser fanne sech an deene vill schon ernimmte Beispiller vun de positiven Zeechen a momentanen internationale Beweeungen an Entwécklungen, déi an d'Richtung vum Weltfridde weisen. D'Arméi vu Männer a Fraen aus praktesch jiddwer Kultur, Rass an Natioun op der Äerd, déi an de Vereenten Natiounen hire villen Zerwisser schaffen, stellen e planetaresche « service pulic » duer, deem eng beandrockend Leeschtungen Zeie si fir de Grad un Zesummenaarbecht, deem esouguer ënnert decouragante Konditiounen méiglech ass. En Drang no Eenheet mécht sech wéi e geeschtegt Fréijoer an enger Onmass vun internationale Kongresser bemierkar, déi Leit aus enger breeder Palette vun Disziplinen zesummeféieren. Hie motivéiert d'Appeller no internationale Projekter fir Kanner a Jugendlecher. Tatsächlech ass hien déi wierklech Quell vun där bemierkenswäerter Beweeegung op d'Ökumene hin, duerch déi Unhänger vun traditionell opposéierte Reliounen a Sekten sech onwiderstéilech vuneneen ugezu fillen. Nieft der géigesätzlecher Tendenz zu Krich a Selbstverherrlechung, géint déi e sech onermiddlech wiert, ass den Driff zur Welteenheet eng vun den dominanten an iwwerall spierbare Charakteristike vum Liewen op dësem Planéit an deene leschte Jore vum zwanzegste Jorhonnert.

249 D'Vesprieche vum Weltfridden, Deel 13/13

D'Erfahrung vun der Bahá'í Communautéit kann als e Beispill fir ëmmer méi grouss Eenheet betruecht ginn. Si ass eng Communautéit vun dräi bis véier Milliounen Mënschen aus villen Natiounen, Kulturen, Klassen a Glawensrichtungen, déi sech an engem groussen Spektrum vun Aktivitéiten am Déngscht vun de Vëlker hire geeschtegen, sozialen a wirtschaftleche Bedierfnesser a ville Länner engagéieren. Si ass en eenzege sozialen Organismus, representativ fir d'Diversitéit vun der Mënschefamill, si reegelt hir Aktivitéiten duerch e System vun allgemeng unerkannte Berodungsprinzipien a si respektéiert ouni Ënnerschied all grouss Awierkunge vu gëttlecher Féierung am Laf vun der Mënschheetsgeschicht. Hir Existenz ass nach e Beweis fir d'Realiséierbarkeet vun hirem Begrënner senger Visioun vun enger gëeentener Welt, nach eng Bestätegung dofir, dass d'Mënschheet kann als eng global Gesellschaft liewen an all Erausforderunge meeschter ginn, déi hiren Iwwergank an d'Maturitéit mat sech

¹ D'Vesprieche vum Weltfridden, s.46

bréngt. Wann de Bahá'í hir Erfarungen an iergend engem Mooss derzou bäidroen kënnen, fir d'Hoffnung op d'Eenheet vum Mënschegeslecht ze stäerken, wire mir glécklech, si als Studiemonn zubeiden.

Iwwerdeems mir déi gewaltig Bedeitung vun där Aufgab betruechten, déi an dësem Ablack d'ganz Welt erausfuert, bëcke mir demüteg de Kapp virun der imposanter Majestéit vu Gott, dem Schöpfer, deen aus Senger onendlecher Léift eraus déi ganz Mënschheet aus deem selwechte Stamm erschaf, dem Mënsch seng wäertvoll Wierklechkeet vereedelt, e mat Verstand a Wäisheet, Noblesse an Onstierflechkeet ausgezechent an him déi *“eenzegaarteg Distinctioun a Fäegkeet geschenkt huet, Hien ze erkennen an Hie gär ze hunn”*, eng Fäegkeet, déi *“noutwennegerweis als de kreativen Impuls an d'Haaptzil vun der ganzer Schöpfung muss verstane ginn.”*

Mir stinn zu där fester Iwwerzeugung, dass d'Mënschen all erschaf goufen, *“fir eng Zivilisatioun ze ënnerstëtzen, déi sech bestänneg weiderentwéckelt”*; dass *“et dem Mënsch senger net wierdeg ass, sech wéi d'Déieren um Feld ze behuelen”*, dass d'Dugenden, déi der mënschlecher Dignitéit entsprechen, Loyautéit, Nosiicht, Barmhärzegkeet, Matleed a Guttheet vis-à-vis vun all Vollek sinn. Mir bekräftegen nach eng Kéier eis Sécherheet, dass *“d'Potentialer, déi an der mënschlecher Natur leien, dee ganzen Ausmooss vu senger irdescher Bestëmmung, déi ugebueren Auszeechnung vu senger Wierklechkeet... sech op dësem virausgesoten Dag Gottes musse weisen.”* Dëst ass d'Motivatioun fir eisen onzerstéierbare Glawen dorun, dass Eenheet a Fridden dat errechbaart Zil sinn, op dat d'Mënschheet zoustréift.

Iwwerdeems mir dës Zeilen nidderschreiw, héiert een de Bahá'í hir erwaardungsvoll Stëmmen trotz de Persecutiounen, deenen si am Ursprongsland vun hirem Glawen nach ëmmer ausgesat sinn. Duerch hiert Beispill vu standhafter Hoffnung si si Zeie fir d'Iwwerzeugung, dass déi nobäi Verwierklechung vun deem Jortausenden alen Draam vu Fridden duerch déi gestaltend Wierkung vum Bahá'u'lláh senger Offenbarung, an där d'Kraaft vu gëttlecher Autoritéit läit, elo geschitt. Mir vermëttelen Iech also eng Visioun, déi net eleng aus Wieder besteet: mir appelléieren un d'Kraaft vun Akte vu Glawen a vu Sacrifice, mir iwwermëttelen all eise reliéise Bridder a Schwëstere hire besuerge Plädoyer fir Fridden an Eenheet. Mir schléissen eis all deenen un, déi d'Affer si vun Aggressiounen, all deenen, déi nom Enn vu Konflikt a Sträit verlaangeren, all deenen, deenen hir Devotioun fir d'Prinzipie vu Fridden a Weltuerdnung déi nobel Ziler fërdert, fir déi d'Mënschheet vum Schöpfer a Senger onbegrenzter Léift an d'Liewe geruff gouf.

An eise oprichtege Verlaangen, fir d'Feier vun eiser Hoffnung an d'Déift vun eise Vertraue mat Iech ze deelen, zitéiere mir dem Bahá'u'lláh säi formellt Versprechen: *“Dës Streidereien, déi keng Fruucht droen, dës Kricher, déi alles ruinéieren, si wäerten ophalen an dee “Gréisste Fridde” wäert kommen.”*

D'Universaalt Haus vun der Gerechtegkeet.

250 D'Fro nom Gléck

250t Sendung, 11ten an 12te Februar 2005. Léif Radio ARA Nolauschterer. Et freet mech besonnesch, iech haut eis 250t Sendung um Radio ARA ze presentéieren. Am Mee 2000 gouf déi éischt Emissioun vun de lëtzebuerger Bahá'í presentéiert.

D'Thema vun dëser Emissioun ass d'Gléck, le bonheur, happiness. Jidderee vun eis ka sech bestëmmen a sengem Liewen un e Moment erënneren, wou hie sou richtig frou war, sou richtig glécklech. An am Fong wëllt jidderee vun eis e glécklecht Liewe féieren, fir sech selwer, fir säi Partner, seng Kanner, seng Famill a vläicht och wëlle mer dass d'Mënschheet als ganz méi glécklech ass. Wéi kënnen mir konkret méi Gléck an eise Liewen hunn. Hei e puer Gedanken dozou, déi ee bei enger Recherche iwwer d'Thema fanne kann.

An de Bahá'í Schrëfte liese mir: *« Le bonheur, la grandeur, le rang, le plaisir et la paix d'un individu n'ont jamais résidé dans sa propre richesse mais dans l'excellence de son caractère, sa ferme résolution, l'étendue de son savoir et son aptitude à résoudre des problèmes ardues. »*

Eng aner Iddi fanne mir beim Albert Schweitzer. Hie seet: *« Le succès n'est pas la clé du bonheur. Le bonheur est la clé du succès. Si vous aimez ce que vous faites, vous connaîtrez le succès. Je ne sais pas ce que sera votre destinée, mais il y a une chose que je sais: les seuls parmi vous qui seront vraiment heureux sont ceux qui auront cherché et trouvé comment servir. »*

E Saz vum Albert Camus iwwer d'Gléck huet mech besonnesch beréiert: *Quand il vous est arrivé de voir la lueur du bonheur sur le visage d'une personne aimée, vous savez alors que la vocation de l'être humain est d'éveiller cette lumière sur les visages de ceux qui l'entourent.*

An de grouse Psycholog Carl Jung sot dat hei: *« Il y a autant de nuits que de jours, et tout aussi longues au cours d'une année. Même une vie heureuse ne peut pas ne pas connaître de moments sombres, et le mot « heureux » perdrait son sens s'il n'était contrebalancé par la tristesse. »*

En aneren Aspekt iwwer d'Gléck liese mer beim Gandhi : *« Le bonheur c'est quand ce que vous pensez, ce que vous dites et ce que vous faites est en harmonie. »*

An hei e puer Gedanken aus de Bahá'í Schrëften iwwer zwou Zorte vu Gléck: materiellt Gléck a geeschtegt Gléck.

« Sachez qu'il existe deux sortes de bonheur, le spirituel et le matériel. Pour ce qui est du bonheur matériel on ne le trouve vraiment jamais, mieux, il n'est qu'une illusion, une image réfléchie dans un miroir, un spectre, une ombre. Considérez sa nature : c'est quelque chose qui parvient à peine à éloigner nos chagrins, et pourtant les gens s'imaginent que c'est la joie, les délices, l'exultation et le plus grand des bienfaits. Tous les biens matériels, tels que la nourriture, la boisson, etc... tendant seulement à soulager notre faim, notre soif, notre fatigue... ils ne dispensent ni plaisir à notre esprit, ni délices à notre âme, mais répondent uniquement à des besoins physiques. Il s'ensuit que cette sorte de bonheur n'a pas d'existence réelle.

Quant au bonheur spirituel, c'est la base véritable de la vie de l'homme, car cette vie est faite pour le bonheur et non pour la peine, pour le plaisir et non pour la tristesse.

Le bonheur, c'est la vie; la souffrance, la mort. Le bonheur spirituel est la vie éternelle, c'est une lumière qui n'est pas suivie de l'obscurité, c'est un honneur auquel ne succède pas la honte, c'est une vie que la mort ne remplace pas. La voici, l'existence qui n'est pas suivie du néant. Cette suprême bénédiction, ce don précieux, l'homme ne l'obtient que par la Direction de Dieu.

Ce bonheur est la source essentielle d'où l'homme fut créé, d'où les mondes furent tirés, d'où les êtres contingents reçurent l'existence et d'où le monde de Dieu apparut comme apparaissent les rayons du soleil au milieu du jour. Ce bonheur n'est rien d'autre que l'amour de Dieu; si ce n'était pour cela, le monde de l'existence n'aurait pas été créé. ...

L'amour est le seul moyen d'obtenir le véritable bonheur dans ce monde et dans l'autre, il est la lumière qui guide dans les ténèbres, c'est le trait d'union vivant, entre Dieu et l'homme qui assure le progrès de toute âme éclairée.

L'amour de Dieu procure un bonheur sans fin, car ce sont là des joies pures et non des satisfactions. »

251 En Owend zu Éiere vum Martin Luther King

251t Sendung, 18ten an 19te Februar 2005. Léif Radio ARA Nolauschterer, dëse Weekend invitéieren de CLAE, de Comité de Liaison et d'Action des Etrangers, den ENAR, dat ass den europäesche Réseau géint de Rassismuss an d'Bahá'í vu Lëtzebuerg op en Owend zu Éiere vum Martin Luther King a fir e bessert Verständnes an eise ville Kulturen hei zu Lëtzebuerg. Am Programm fannt dir fir d'éischt e méi rouegen Deel mat enger Auswiel vun Texter iwwer Briddlerlechkeet an Eenheet. Et ass Musek um Programm, ënnert aneren och eng Djembégrupp, geféiert vum Ali Dede. Et ginn Ausschnëtter vum Liewe vum Martin Luther King gewisen an erzielt. Natierlech ass den Owend geduecht fir kënnen aner Kulture kennenzeléieren an eppes zesummen ze drénken.

Apostel vun der Gewaltlosegkeet, gouf de Martin Luther King Jr. genannt. Hien ass 1929 op d'Welt komm. Hie war amerikanesche Paschtouer, hie krut de Friddensnobelpräis 1964. Hie war ee vun de gréisste Leadere vun der BiergerrechterBeweegung an Amerika. Mat 39 Joer, de 4ten Abrëll 1968 gouf hien zu Memphis am Tennessee ëmbruecht. An de Vereenegte Staate gëtt et am drëtte Méindeg am Januar fir hien en nationale Feierdag. Bei enger Ëmfro an Däitschland virun e puer Joer hunn 58% vun de befragen Däitsche de Martin Luther King als Virbild genannt. Just den Albert Schweitzer louch bei dëser Ëmfro knapp virum King. Dës an e ganze Koup aner Informatiounen fannt dir op enger flotter däitscher Internetsäit, dem Martin Luther King Zentrum zu Werdaun.

Aus enger Bahá'í Siicht ass et wesentlech, Weeër ze fanne fir mat aneren iwwer wichteg Punkte vum Fridden ze schwätzen. Ee Wee fir sou Diskussiounen relevant a wäertvoll ze gestalten ass ebe just, d'Liewe vu Leit unzeerkennen, déi hiert Liewe ginn hunn, fir friddlech Weeër ze fannen, fir besser zesummen ze liewen. De Martin Luther King war eng sou eng Persoun. Säin Asaz fir gewaltlos Mëttelen ze fannen fir Rassegläichheet ze encouragéieren, huet hie mam Liewe bezuelt. Seng Beméiunge fir eng Gesellschaft wou d'Rassen an Harmonie kënnen zesumme liewe si vläicht am beschten ausgedréckt a senger berüümter Ried, 1963, an der amerikanescher Hauptstadt, viru méi wéi 250 000 Leit. „ *I have a dream.*“

Elo e puer Gedanken zum Thema: De King seet: „*Mäin Dram: Enges Dags léieren d'Kanner Wierder, déi se net wäerte verstoen. D'Kanner aus Indien froen: Wat heescht dat: Hunger? D'Kanner aus Alabama froen: Wat ass dat rassistesch Segregatioun? D'Kanner vun Hiroshima wunnere sech: Wat ass dat: d'Atombomm? D'Kanner froen. Wat ass dat: de Krich? Du äntwers hinnen, du sees hinnen: Dat si Wierder déi mir net méi benotzen, wéi dat Wuert: Sklaverei.... Dës Wierder bedeuten näischt méi. An dofir hu mir se aus dem Dictionaire ewechgeholl.*“

An de Bahá'í Schrëfte liese mir: „*Wësst dir net firwat mir iech alleguer aus deem selwechte Stëbs erschaf hunn? Et ass fir dass kee sech soll iwwer deen aneren erhiewen. Denkt ëmmer doriwwer no, iwwer d'Aart a Weis wéi dir erschaf gouft. Well Mir hunn iech alleguer aus der selwechter Substanz erschaf, an et ass et un iech, wéi eng eenzeg*

Séil ze sinn, mam selwechte Schrëtt ze goen, aus engem Mond ze iessen an op der selwechter Äerd ze wunnen, fir dass am Wiese vun iech selwer, duerch dat wat der maacht an duerch är Wierker, dir kënnt d'Zeeche vun der Eenheet an d'Essenz vun der Lassléisung bezeien. Dat ass de Rot deen ech iech ginn, ...”¹

252 Geschicht: d'Ae vun der Séil

252st Sendung, 25ten a 26te Februar 2005. Wëllkomm bei eiser 252ster Emissioun um Radio Ara.

Haut mat enger Geschicht am Spidol. Zweek Männer, allen zwee schwéier krank, leien zesummen an engem Zëmmer am Spidol. Ee vun hinnen muss dee ganzen Dag um Réck an am Bett leien. Deen anere ka sech eng Stonn am Dag op d'Bett setze fir seng Longen ze botzen.

Déi zwee Kranker am Zëmmer schwätze stonnelaang mateneen, iwwer hir Fraen an hir Familjen. Si schwätzen iwwer hiert Haus an hir Aarbecht an do wou si iwwerall an d'Vakanz waren. An all Mëtteg, wann de Mann a sengem Bett bei der Fënster sech eng Stonn setze kann, verbréngt hien seng Zäit domat sengem Frënd alles ze beschreiwe wat hien dobausse gesäit.

De Mann, deen de ganzen Dag am Bett muss leie bleiwen, freet sech op déi Stonn wou säi Frënd him erzielt, wat hien alles dobausse gesäit. An dëser Stonn ass et wéi wa fir hien eng Welt opgeet. Hie leeft praktesch fir dës Momenter wou säi Zëmmerkomerod him eng Welt beschreift. Vum Zëmmer gesäit een e Park mat engem schéine Séi, mat Inten a Schwanen déi um Waasser spillen. Kanner déi hir Schëffelcher um Waasser fuereuloossen, eng Koppel déi Hand an Hand laanscht de Séi spadséiert a sech op eng Bänk setzt, a méi wäit ewech déi grouss Stad.

Während de Mann bei der Fënster all dës Detailer beschreift, läit de Mann op där anerer Säit vum Zëmmer am Bett. Hien huet seng Aen zou a stellt sech dës iddilesch Landschaft fir. Een Nomëtteg beschreift de Mann bei der Fënster eng Musekspatrouille déi laanscht geet. Obschonn deen anere Mann d'Musek net héiere kann, kann hie se mat den Ae vu senger Imaginatioun gesinn, well säi Frënd sech esou Méi gëtt, alles am Detail ze erzielen.

Deeg a Woche gi laanscht. Enges Moies fënnt d'Infirmière de Mann am Bett bei der Fënster a gesäit dass hien net méi otemt. Hien ass an der Nuecht friddlech am Schlof gestuerwen.

Kuerz Zäit drop, freet den anere Mann, ob hie kann d'Plaz bei der Fënster kréien. D'Infirmière ass frou fir him eng Freed ze maachen a verséichert sech dass alles an der Rei ass. De Mann am Bett probéiert dann, lues a lues, mat vill Schwieregkeeten, sech ze setze fir kënne fir d'éischte Kéier aus der Fënster ze kucken. Endlech kann hien och alles dat gesinn wat säi Frënd him sou oft beschriwwen hat.

Hie streckt sech mat vill Méi a kuckt aus der Fënster. Mee alles wat hie gesäit ass eng Mauer. Et ass soss näischt do. Hie kann et einfach net gleewen a rifft ongedëlleg d'Infirmière. « *Wou ass de Park mat dem Séi an den Inten an de Beem an de Blumen, vun deem mäin Zëmmerkolleg mir all Dag erzielt huet ?* » D'Infirmière ass e bësse verwonnert a seet zu him : « *Äre Kolleg konnt guer näischt gesinn. Hie war blann. Vlächtt wollt hien iech e bësse Mut maachen !* »

Aner glécklech maachen ass en immenst Gléck, och wa mir selwer Schwieregkeeten hunn. Gedeeltent Leed ass nëmmen halleft Leed. Gléck dogéint, wann een et deelt, ass duebel Freed.

Wann Dir iech wëllt räich spieren, braucht Dir nëmmen all déi Saachen opzezielen déi Dir hutt, déi Dir awer net kënnt kafen. Haut ass e Cadeau, dofir heescht et jo och de Présent an dofir leeft voll a mat all der Léift déi Dir hutt ! Souwäit fir haut dës kleng Geschicht iwwer d'Ermuddegung an d'Encouragement. Ofschléissend nach dës orientalesch Wäisheet iwwer d'Schicksal :

Vum Schicksal:

*Pass op deng Gedanken op, well si ginn deng Wierder.
Pass op deng Wierder op, well si ginn deng Handlungen.
Pass op dat op wat s de méchs, well dat ginn deng Gewunnechten.
Pass op deng Gewunnechten op, well si ginn däi Charakter.
Pass op däi Charakter op, well däi Charakter gëtt däi Schicksal.*⁴³

253 Wat ass d'Liewen?

Sendung 253, 4ten a 5te Mäerz 2005. Léif Radio ARA Nolauschterer, Ech begréissen iech häerzlech bei eiser 253ster Bahá'í Emissioun. Dëse Mount faaschten d'Bahá'í uechter d'Welt, vu moies bis owes, dat heescht näischt iessen an näischt drénken. Et heescht awer och sech ze besënnen an iwwer säi Liewen nozedenken. Et ass

¹ Bahá'u'lláh, Verbuerge Wierder

interessant ze wëssen dass d'Begrënner vun alle grouse Reliounen gefaacht hunn, wann och aus verschiddenen Ursaachen. Wann ee faacht gëtt ee sech bewosst wéi ofhängeg een dach vu materielle Saachen hei op der Welt ass. Natierlech ass d'Faachten, genee sou wéi d'Gebiet eppes ganz perséinlech an et ass een nëmme sengem Schöpfer géintwärtig verantwortlech. Mir liesen an de Baha'i Schrëften dass « *Faachten an d'Flichtgebieder wéi zwee Filleke fir d'Liewe vum Mënsch sinn. Séileg, deen, dee sech mat hirer Hëllef an den Himmel vun der Léift vum Herrgott, den Här vun alle Welten erheft.* »⁴⁴

An elo eng léif Geschicht iwwer d'Liewen : *Wat ass d'Liewen ?*

Et ass e wonnerschéine Summerdag. Et ass Mëtteg an am Bësch ass et roueg. D'Villercher stiechen hir Käpp ënnert d'Filleken. Alles schléift. Op eemol weist de Buchfink säi Käppchen a freet : « *Wat ass eigentlech d'Liewen ?* » All déi aner Déieren hunn dës schwéier Fro héieren. D'Rous mécht hir Knosp op mécht lues e Blat no deem aneren eraus a seet : « *D'Liewen ass eng Entwécklung.* » De Päiperléck ass net esou déifsenneg veranlaagt. Lëschtteg flitt hie vun enger Blumm op déi aner, naschelt e bëssen hei an e bëssen do a seet : « *D'Liewen ass voller Freed a Sonnestralen.* » Ënnen um Buedem schleift sech eng Seegemoss mat engem Stréihalle, zéngmol wéi laang wéi si selwer a seet : « *D'Liewen ass soss näischt wéi eng Plo a vill Aarbecht.* » E bëssen an der Hetz kënnt eng Bei. Si war grad bei enger Blumm mat Hunneg a mengt : « *D'Liewen ass e stännege Wiessel tëschent Aarbecht a Plesier.* » Wou esou gescheit geschwat gëtt, streckt de Maulwurf säi Kapp aus der Äerd a seet : « *D'Liewen ass e Kampf an der Däischtert.* »

Mat all dëse verschiddene Meenungen kënnt et bal zum Sträit. Awer do fänkt et un, lues a liicht ze reenen. An de Reen seet : « *D'Liewe besteet nëmme aus Tréinen, soss näischt wéi Tréinen.* » Wéi de Reen du bei d'Mier kënnt, maachen d'Wellen e grouse Kaméidi wéi si sech mat aller Gewalt géint Fielse geheien a si soen : « *D'Liewen ass ëmmer ërem d'Striewen ouni Erfolleg no der Fräiheet.* » Héich iwwer de Wellen zitt majestätesch en Adler seng Kreiser an hie seet : « *D'Liewen, d'Liewen ass e Striewen no uewen !* » Ënnen op der Äerd steet eng Weed, déi de Stuerm schonn zur Säit gedréckt huet. Si seet : « *D'Liewe besteet doranner sech enger méi héijerer Muecht ze bëcken.* »

Du kënnt d'Nuecht. Mat engem rouege Flug flitt den Uhu duerch d'Ächter vum Bësch a seet : « *D'Liewe bedeit d'Geleeënheet ze notzen, wann anerer schlofen.* » Zu gudder Lescht gëtt et elo ganz roueg. De Bësch ass roueg, d'Wiss ass roueg an d'Stad schléift. Du geet e jonke Mann duerch eidel Stroossen heem. E kënnt virun e Feier a seet : « *D'Liewen ass déi éiweg Sich nom Gléck an eng Kette vun Enttäuschungen.* » Op eemol steet déi rout Moiesonn an hirer voller Pracht do a seet : « *Sou wéi ech, d'Moiesonn, den Ufank vun engem neien Dag sinn, sou ass d'Liewen den Ufank vun der Éiwegkeet.* »

En interessante Text aus de Baha'i Schrëften wat d'Zil vum Liewe sollt sinn : „*Das Leben mancher Menschen befaßt sich lediglich mit den Dingen dieser Welt. Ihr Sinn bewegt sich derart in äußeren Sitten und überkommenen Neigungen, dass sie für alle anderen Daseinsbereiche und die geistigen Bedeutungen der Dinge blind sind. Ihre Gedanken und Träume gelten irdischem Ruhm und materiellem Fortschritt. Sinnesfreuden und Behaglichkeit begrenzen ihren Blick. Ihr höchster Ehrgeiz kreist um weltlich gegebene und geartete Erfolge. Sie halten ihre niederen Neigungen nicht im Zaume, essen, trinken und schlafen. Gleich dem Tier beschränken sich ihre Gedanken auf das eigene körperliche Wohlergehen. Sicher müssen diese Bedürfnisse befriedigt werden. Das Leben ist eine Last, die wir tragen müssen, solange wir auf Erden sind, doch sollten wir den Sorgen um die niederen Lebensdinge nicht gestatten, dass sie allein über das menschliche Dichten und Trachten herrschen. Des Herzens Streben sollte sich zu einem herrlicheren Ziel erheben, die geistige Regsamkeit auf eine höhere Ebene steigen. Die Menschen sollten in ihrer Seele das Abbild himmlischer Vollkommenheit tragen und dort den unerschöpflichen Segnungen des göttlichen Geistes einen Ort bereiten.*

Setzt euren Ehrgeiz auf die Vollendung einer himmlischen Zivilisation auf Erden! Ich bitte für euch um den höchsten Segen, damit euch die Lebenskraft des himmlischen Geistes so erfülle, dass ihr für die Welt zur Ursache des Lebens werdet.“¹

254 Naw-Ruz an d'Faachtenzäit

Sendung 254, 10ten an 11te Mäerz 2005. An zwou Wochen, den 21ste Mäerz ass Naw-Ruz, d'Bahá'í Neit Joer. Fir eng sechs Milliounen Bahá'í uechter d'Welt gëtt deen Dag den Ufank vum neie Joer gefeiert. Et ass zu gläicher Zäit de Schluss vum der Faachtenzäit an dat aalt Joer hält op. Astronomesch ass Naw-Ruz deen Dag, wou den Dag genee soul laang ass wéi d'Nuecht. Den éischten Dag vum Fréijoer. 'Abdu'l-Bahá seet dass Naw-Ruz en hellegen Dag ass, e Symbol fir d'Manifestatioun vu Gott. Et ass deen Dag, wou d'Sonn vun der Wourecht um Horizont gëttlecher Gnod erschénkt an en neit Fréijoer bréngt. Alles wat erschaf ass kënnt a Beweegung an erwächt zu engem

¹ Abdu'l-Bahá, Ansprachen in Paris

neie Liewen. Dofir ass et och d'Symbol vum Liewen. Wéi déi natierlech Sonn d'Grundlag vum Liewen op der Äerd ass, sou erfëllt d'Sonn vun der Wourecht d'Mënschheet mat éiwegem Liewen.¹

1912, an enger Usprooch beim Naw-Ruz Fest zu Alexandria an Egypten sot 'Abdu'l-Bahá: „*An all Zyklus a mat all Offenbarung gëtt et an de gehellegte Gesetzer vu Gott geseente Fester, Feierdeeg an aarbechtsfräi Deeg. A sou Deeg sollt een all Zort vu Beschäftegung, Handel, Industrie, Ackerbau, Landbau an dësgläichen ënnerloossen. Alleguer sollt sech matenee freeën, allgemeng Versammlungen ofhalen, wéi eng Gemeng ginn, fir dass jiddereen déi national Eenheet, Eenegkeet an Harmonie ka gesinn.*

Well dës Deeg geseent sinn, sollt si net vernoléisseg ginn ... andeem ee sech einfach nëmmen ameséiert. Während dësen Deeg sollten Institutiounen geschaf ginn, déi de Mënschen en dauerhafte Segen a Wäert bréngen... Ouni Zweifel muss een an dësen Deeg mënschefeëndlech oder ideal Spure vun de Frënn vum Herrgott bestoebleiwen; (Spuren), déi an d'ganz Mënschheet erausginn. ...“²

De leschte Mount am Bahá'í Kalenner heescht Erhewenheet. Bahá'u'lláh huet dee leschte Mount vu nonzëng Deeg als Faaschtenzäit bezechent. Et ass da wann Erwuesse Bahá'í vu Sonnenopgaang bis Sonnenënnergaang näischt iessen. Faaschten ass eppes wat een och an aner grouse Reliounen fënnt, an de Bahá'í Glawe gesäit e grouse Wäert am Faaschten, an dat als eng Disziplin fir d'Séil. Et ass eng Zäit vu geeschteger Virbereedung an Erneiereung fir d'Aktivitéit vum neie Joer. Faaschten ass de Bahá'í Schrëften no eng Flicht fir all Bahá'í. Awer Fraen déi schwanger sinn oder déi nieren, eeler Leit, krank Leit, Leit déi reesen, Leit déi kierperlech schwéier schaffen a Kanner ënner fofzëng Joer, brauchen net ze faaschten.³

Et liest een och an de Bahá'í Schrëften dass d'Faaschte ganz gutt ass net nëmme fir de Geescht mee och fir de Kierper an dass Bahá'u'lláh sécher net eppes géif virschreiwe wat der Gesondheet schuede géing.⁴

Dëst Joer fällt Naw-Ruz, d'Bahá'í neit Joer op de Méindeg, 21ste Mäerz. Zu Lëtzebuerg ass eng Feier op nationalem Plang, Samschdes owes, den 20te Mäerz, zu Péiteng am Haus vun der Kultur A Rousen op der Marktplatz. De Programm fänkt owes um 6 Auer un, mat engem meditativen Deel mat Musek a Gebieder. Duerno gëtt et ze iesse mat engem musekaleschen Deel wou gedantz gëtt.

255 D'Fréijoer

Sendung 255, 18ten an 19te Mäerz 2005. D'Fréijoer fänkt den 21te Mäerz un. Deen Dag wou d'Nuecht sou laang oder sou kuerz ass wéi den Dag. D'Fréijoer ass eng interessant Zäit, souwuel an eiser materieller Welt wéi och an der geeschteger Welt. D'Bild vum Fréijor fënnt een a ville Passagen an de Bahá'í Schrëften. Hei eng kleng Selektioun:

« *D'Bedeutung vum éiwege Liewen ass d'Geschenk vum hellege Geescht, sou wéi d'Blumm d'Geschenk vun der Joreszäit, der Loft an der Fréijorsloft kritt. Beuecht gutt, dass dës Blumm ursprénglech e Liewe wéi d'Mineral hat ; awer duerch d'Komme vum Fréijor, duerch d'Geschenker vun de Fréijorswolléken an der Wäermt vun der stralender Sonn ass si zu engem anere Liewe komm, engem Liewe vu gréisster Frëschheet a Feinheit an héchstem Geroch. Dat éischt Liewe vun der Blumm ass am Verglach zu hirem zweete Liewen den Doud. Dat bedeit dass d'Liewe vun Kinnekräich d'Liewe vum Geescht ass, dat heescht éiwegt Liewen, an dass et fräi ass vum Raum, sou wéi de mënschleche Geescht, dee keng Plaz huet. Well wann een de mënschleche Kierper ënnersicht, fënnt ee keng besonnesch Plaz fir de Geescht, well et ni esou eng gouf ; en ass onkierperlech. Seng Verbindung mam Kierper ass wéi déi vun der Sonn mat dësem Spigel. D'Sonn ass net de Spigel, awer si steet a Verbindung mat him. »⁵*

Am Buch *Beäntwert Froen* schreift 'Abdu'l-Bahá iwwer déi fennëf Stufe vum Geescht. Do ass déi vun der Planz, déi vum Déier, déi vum Mënsch, déi vum Glawen, an déi vum hellege Geescht. „*Hien ass de Vermëttler tëschent Gott a Sengen Geschöpfen. Hie gläicht dem Spigel, deen der Sonn zougedréint ass. Wéi dee rengen Spigel Liicht vun der Sonn kritt an dëse Segen anere weidergëtt, so ass den Hellege Geescht de Vermëttler vum hellege Liicht vun der Sonn vun der Wourecht, dat hien de gehellegte Wiesen (also de Gottesoffenbarer, de Reliounsstëfter) weiderreecht. Hien ass mat alle gëttleche Vollkommenheete gerëscht. All Kéier wann Hien erschénge, gëtt d'Welt ernéiert an en neien Zyklus gëtt gegrënnt. De Kierper vun der mënschlecher Welt deet en neit Kleed un. Et kann een e mam Fréijor vergläichen; all Kéier wann et (d'Fréijor) kënnt, geet d'Welt vun engem Zoustand zum aneren iwwer. Wann d'Fréijorszäit kënnt, gëtt déi donkel Äerd, ginn d'Felder an d'Steppe gréng a si bléien, an all Zorte vu Blummen a séissrichend Kreider wuessen; d'Beem kréien en neit Liewen an nei Friichten kommen an en neien Zyklus gëtt*

¹ Verse Gottes, Bahá'í Verlag, S441

² 'Abdu'l-Bahá, Verse Gottes, Bahá'í Verlag, S440

³ The Bahá'í Faith, The Emerging Global Religion, W. Hatcher, JD Martin, Bahá'í Publishing, S.160-1

⁴ From a letter written on behalf of the Guardian to an individual believer, May 21, 1946

⁵ EWIGES LEBEN UND EINGEHEN INS GOTTESREICH, 'Abdu'l-Bahá, Beantwortete Fragen

gegrännt. Sou ass (och) d'Erschéng vum Hellege Geesch. Wann ëmmer Hien erschéngt, gëtt Hien de mënschleche Realitéiten en neie Geesch: Hien erneiert d'Welt vun der Existenz an e luewenswäert Kleed, verdreift d'Däischtert vun der Onwëssenheet an deed d'Liicht vun de Vollkommenheete schéngen. Duerch dës Kraaft huet Christus säin Zäitalter nei gestallt; mat ganz neiem Liewen a gréisster Frëschheet huet dat himmlescht Fréijor säin Zelt an der mënschlecher Welt opgeriicht, ...

Genee sou huet d'Erschéng vu Bahá'u'lláh engem neie Fréijor geglach, ... Duerch d'Kraaft vum Hellege Geesch huet Hien d'Seile beliefs an en neit Zäitalter gegrännt.¹

Den héchste Bahá'í Gremium schreift dass „déis rieseg Kräften déi an der déifster Wierklechkeet“ vum Bahá'í Glawe „verbuerge leien, all Dag en neien Afloss op d'ganz Welt ausüben an dass si mat ëmmer méi enger grousser Stärkt liichten. ... Duerch d'Beméiunge vu sengen Unhänger, fänken d'Léiere vum Glawen un, an der Welt ... Fouss ze faassen. ... Si weisen ëmmer méi d'Muecht, d'Problemer déi virun der Mënschheet leien, ze léisen.“ Si fuere weider a vergläichen de Bahá'í Glawe mat engem Bam, „dee fest am Buede verwuerzelt ass, an deem seng Äscht a Sprassen zum Himmel zou wuessen. All dat ass méiglech duerch d'Wisselwierkung an d'Zesummenaarbecht vun zwou mächtege ... Kräften, déi am Eeklang mam Gottes Wëlle gläichzäiteg wierken. Si erméiglechen dem ... Bam ze wuessen ... fir dass en zur festgeluechten Zäit der Mënschheet seng erliese Friichten ubidde kann. Eng vun de ... Kräfte vun dësem geeschtege Fréijor ass vun der Natur hir stiermesch an opwullend, si veruersaacht Blëtz an Donner, vill Wand, stiermesche Reen a räissend Fluten. Dat awer mécht d'Uebstgärt an d'Felder gréng a fruchtbar. Déi aner Kraaft ass déi am ... Som verbuerge ... Fäegkeet vum Wuesstum. ... D'Noutwendegkeet déi d'Sot wuesse léisst. D'Strale vun der Sonn vun der Wourecht an d'Drëpse vun der Wollék vun der Gnod hëllefen him ze wuessen an e kräftegen a fruchtdroende Bam ze ginn. ... Den allgemenge göttleche Plang, deen d'Mënschheet zur geeschteger Räif fëiert, ass net an eiser Hand, ... a seng Verwierklechung hängk vum Wëlle Gottes of.“²

256 Buchvirstellung: La foi bahá'ie, L'émergence d'une religion mondiale

The Bahá'í Faith, The emerging global religion. Sendung 256, 25ten an 26te Mäerz 2005. Léif Radio Ara Nolauschterer. Wëllkomm bei eiser 256ster Bahá'í Emissioun hei um Radio Ara, direkt beim Palais an der Stad. Haut wëll ech Iech déi nei Editioun vun engem Buch virstellen: *De Bahá'í Glawen. Eng Weltrelioun déi sech lues a lues weist. The Bahá'í Faith, The emerging global religion, La foi bahá'ie, L'émergence d'une religion mondiale.*

Et ass eng Afëierung an de Bahá'í Glawen mat bal 250 Säiten, an d'Geschicht, d'Léieren, d'administrativ Struktur an d'Gemengeliwe vum Bahá'í Glawen, déi jénkst an eng vun deene onofhängeg Weltreliounen, déi am séierste wüsst. D'Auteure sinn de William Hatcher, Mathematikprofessor, Philosoph an Erzéier op der Uni zu Quebec a Kanada, an den Douglas Martin, dee seng Studien a Business Administration a Geschicht gemaach huet, an dee laang Zäit Generaldirekter vun der internationaler Bahá'í Gemeng war.

D'Buch weist de Wuesstum vum Glawen, ugefaangen an engem donklen Iran vum 19te Jorhonnert bis den haitegen Dag. De Glawen huet sech quasi iwwehall op der Welt verspreet, huet administrativ Institutionen an 235 Natiounen an Territorien, an ëmfaasst Gleeweger vu praktesch all kulturellem, sozialem a reliéisem Hannergrond. D'Auteure weisen, dass dësen neie Glawen eng eegestänneg Relioun ass, déi sech ausschliesslech op d'Léiere vun hirem Begrënner baséiert, Bahá'u'lláh.

D'Auteure insistéieren op dat wesentlecht Konzept vum Bahá'í Glawen – d'Eenheet vun der Mënschheet – an op eng Weltuerdnung, déi sech lues a lues weist. Si ënnersichen déi grouss Palette vu Bahá'í Léieren, sou wéi d'Eenheet an de fortschrëttleche Charakter vun der Relioun, d'Eenheet vu Wëssenschaft a Relioun, d'Gläichheet vu Mann a Frau, wirtschaftlech Gerechtegkeet, dat geeschtegt Fundament vum Liewen, Konzepter vun Offenbarung, Administratioun a Gesetzer, Institutionen vum Bahá'í Glawen an d'Disziplin vum deegleche Liewen.

Dëst Buch weist dem Lieser och wéi d'Studium vun den Originen an de Wuesstum vum Bahá'í Glawen dem Student dee komparativ Relioun studéiert, e wäertvollt Mëttel gëtt, fir ze verstoen, wéi eng Relioun entsteet, sech entwéckelt a sech etabléiert. De Bahá'í Glawen ass eng Relioun vun der Neizäit a si weisen dass dëse Glawen natierlech méi zougängelech ass fir ze studéieren an ze verstoen wéi méi al Reliounen. Si leeë Wäert drop, dass de Bahá'í Glawen en fait sou eng Etude encouragéiert, well jo eng vun de Léiere vun hirem Begrënner, Bahá'u'lláh seet, dass de gréisste Cadeau dee Gott de Mënsche gemaach huet, hire Verstand ass.

D'Auteure kucken e bësse méi genee d'Herausfuierungen déi den dramatesche Wuesstum vun dëser jonker Relioun matsechbréngen. Si ënnersichen d'Verfollegunge vun den iranische Bahá'í, am Kontext vun de Bahá'í an

¹ DIE FÜNF STUFEN DES GEISTES, 'Abdu'l-Bahá, Beantwortete Fragen

² DAS UNIVERSALE HAUS DER GERECHTIGKEIT, Bahá'í-Weltzentrum, Bahá 154 B. E, (Briefe des UHG, 1997 Mar 21)

der muslemescher Shiite Geschicht. D'Auteure weisen drop hin, wéi de Bahá'í Glawen e Sujet ass, deen déi déifst Iwwerzeegunge vu ëm déi fënnf Milliounen Leit ausmécht, Iwwerzeegungen, déi déi wichtegst Entscheedungen am mënschleche Liewen ausmaachen, a fir déi dausende vu Bahá'í Verfollegung an Doud akzeptéiert hunn an haut nach akzeptéieren. Souwäit zu dëser neier Editioun vum Buch: *La foi bahá'íe, L'émergence d'une religion mondiale – The Bahá'í Faith, The emerging global religion*.

Dir fannt eng Onmass vu Bicher elo och am däitsche Bahá'í Verlag, ënnert www.bahai.de

257 Naturkatastrofen als Appell fir ze erwächen

Sendung 257, 1ten an 2ten Abrëll 2005. Léif Radio ARA Nolauschterer, déi grouss Verwüstung an Zerstéierung, veruersaacht viru kuerzem bei den Äerdbiewen an den Tsunamien am indeschen Ozean, hu vill vun eis zum Iwwerleeë bruecht. Sou muncher ee freet sech: Gi mir sou mat eisem Planéit ëm wéi mir eigentlech sollen? Hei e puer Gedanken zu dëser Fro vun engem Bahá'í aus Indien, Vizepresident vum Nationale Rot an Indien. Säin Artikel fannt dir och um Internet op englesch ënnert *Times of India* mam Titel: *The speaking tree: Natural Calamity ass Wake-up-Call*.

Uechter d'Welt beméie sech Regierungen, Leit an Organisatiounen fir deene Betraffenen Erliichterung an Hëllef ze bréngen. Traditionsgeméis goufen extra Gebieder a ville Commuautéiten gemaach, fir d'Natur praktesch ze berouegen, speziell an deene Regiounen, déi dacks Erdbiewen an Iwwerschwemmungen hunn. Naturkatastrofen goufen ëmmer als e Wierk vu Gott gesinn, dee vläicht eng kosmesch Roserei oder eng Onzefriddenheet ausdréckt. Haut ass dat anescht. D'Vernonft gëtt virun de Glawe gestallt a mir siche léiwer no logeschen Explikatiounen déi op enger wëssenschaftlecher Recherche baséieren. Trotzdeem schued et awer net fir sech e bëssen Zäit ze huele fir doriwwer nozedenken, wéi eng Relatioun mir mat eiser Ëmwelt hunn.

D'Bahá'í Gemeng gesäit d'Natur als en eenheetlecht System. An deem System sinn all Liewewiesen matenee verbonnen, sief dat d'Planzen, d'Déieren oder d'Mikroben. Zesummenaarbecht a Reziprozitéit ginn als wesentlech Attributer vun der Koexistenz an der Natur ugesinn. Changement ass natierlech a kontinuéierlech an all Liewen. Awer turbulent a mächtig Changementer, veruersaacht duerch eis eege Gurmangzegkeet, eist oniwwerluecht Verhalen, an eise brutale Konsumverbrauch ginn der Natur keng Zäit sech ze adaptéieren, sech unzepassen. D'Bahá'í Schrëften illustréieren d'Konzept dass alles an der Natur matenee verbonnen ass. „...*Déi onendlech Phenomeener vun der Kreatioun si genee sou ofhängeg, genee sou an enger Wiesselbeziung wéi d'Verbindungsstécker vun enger Ketten. Wa verschidde Stécker raschteg ginn, brieche si, an dat duerch Kräften, déi mir net gesinn. Dës Verbindungsstécker ginn duerch nei a besser Stécker ersat. Sou ginn et verschidde kolossal, rieseg Evenementer déi an eiser Welt virkommen. Si si vun Zäit zu Zäit noutwenneg.*“¹

Et ass seelen dass mir Zäit fannen oder dass mir eis dofir interesséieren, wäertvoll Lektionen aus esou Katastrofen ze léieren. Wa mir eis nëmme heiansdo kënnent dorunner erënneren, dass eist Liewen hei op der Äerd ze vergläichen ass mat enger Well am Mier, déi amgang ass, ze schwellen a méi grouss ze ginn. D'Liewen ass net anescht wéi eng Abildung, eng Illusioun, eng Fata Morgana. Wa mir eis dees bewusst sinn, dréine mir eis vläicht e bësse méi dacks eisem Schöpfer zou, fir Hien ëm Schutz ze froen. „*Ass et net am Gedenke un deen, deen eis erschaf huet, dass eis Härzer a Sécherheet sinn?*“

Gott huet dem Mënsch Intelligenz ginn, fir op seng eegen Aart opzepassen. Krise sollten eis net an e Vakuum geheien. Vill méi sollte si eis dozou féieren ze erwächen. Et soll eise *Wake-up call* sinn. D'Krise sollten eis ureegen ze handeln, ze agéieren. Well grouss Changementer musse gemaach ginn. An enger Welt wou d'Ëmwelt an d'Technologie sech mat grousser Vitesse entwécklen, sinn onvermeidbar weltwäit Changementer an den Institutiounen néideg. D'Haapterausfuerderung ass déi, e Fundament vu gedeelte Valeuren, Wäerter ënnert den Natiounen ze schafen. Wäerter déi staark genuch sinn, fir en Zesammenhang ze sécheren a Wäerter déi méi staark si wéi déi negativ an zerstéierend Tendenzen an eiser haiteger Gesellschaft. Déi wierklech Gefor läit an der Passivitéit, well ee fäert eppes ze änneren, oder well een d'Gefill huet ouni Hëllef ze sinn, virun der Komplexitéit vun de Situatiounen a Problemer, virun deene mir am Moment stinn.

Anstatt der Muecht nozelafen, sollten d'Regierung sech als Partner zesummendoe fir eng vereente Welt opzebauen an dat mat engem Sënn fir global Verantwortung. Mat neie Wäerter an Astellungen déi sech geännert hunn, kënnen mir méi sënnvoll liewen. Wa mir besser kënnen ee mat deem aneren ëmgoen, kréie mir eng méi grouss

1 Although outwardly cataclysms are hard to understand and to endure, yet there lies a great wisdom behind them which appears later. All the visible material events are inter-related with invisible spiritual forces. The infinite phenomena of creation are as interdependent as the links of a chain. When certain links become rusty, they are broken by unseen forces, to be replaced by newer and better ones. There are certain colossal events which transpire in the world of humanity which are required by the nature of the times (Abdu'l-Baha, Divine Philosophy, p. 115)

Zesummenaarbecht a manner Konflikt. Amplaz nëmmen un eis selwer ze denken, hu mir méi Zäit fir gär ze hunn, generéis ze sinn, ze verzeien, deem aneren ze vertrauen, méi disziplinéiert ze sinn a méi zefriddene ze sinn.

258 De Poopst ass gestuerwen

Sendung 258, 8ten an 9ten Abrëll 2005. Léif Radio ARA Nolauschterer. Fir déi réimesch kathoulesch Kierch war de Poopst de Vetrieder vu Gott hei op der Welt. D'Bahá'í Gemeng vu Lëtzebuerg gëtt all de Chrëschtent hiert Bäileed, am Wëssen an am Glawen doranner, dass d'Séil no dësem Liewen an aner Welte weiderlieft. Hei e puer Iwwerleeungen zum Poopst an dem Amt selwer; d'Relatioun vum de Pöpst am Bahá'í Glawen an d'Roll déi si an der Geschicht gespillt hunn.

Dëse Poopst war sécher beméit, den Dialog tëschent de Reliounen ze encouragéieren. Sou hunn zum Beispill Bahá'í Vetrieder u Manifestatiounen an der Vatikanstad an zu Nei Delhi partizipéiert, Manifestatiounen déi vun der réimesch kathoulescher Kierch organiséiert goufen. Bei enger zweeter Kéier war d'Bahá'í Beroderin Zena Sorabjee eng vun de Vetriederinnen vu Reliounen, déi a Präsenz vum Poopst Johannes Paul II an der Versammlung geschwat hunn.¹

Dëse Poopst huet bei enger Rezeptioun zu Burundi an Afrika, d'Bahá'í besonnesch ernimmt, an och eng offiziell Opzielung vum Bahá'í Glawen als eng vun de Reliounen déi an Tuvalu vertruede sinn.²

Bahá'u'lláh, deem an der Zäit vum Poopst Pius IX gelieft huet, adresséiert sech un all déi grouss Herrscher vun der Zäit. Dem Poopst Pius IX schreift hien 1867 vun Adrianopel aus, dass seng nei Offenbarung déi göttlech Reformatioun ass, den Dag vun der Rekolt.³ Dëse Poopst war Poopst vun 1846 bis 1878. Bahá'u'lláh säi Bréif un de Poopst ass en eeschten, léiwene Opruff un d'Chrëschtent, dass si den haitegen Tag vu Gott erkennen, sech opmaache fir säi Liicht, hirem Herr entgéintkommen an a Sengem Numm d'Kinnekräich betrieden. Si wieren zum Liicht erschaf, Hie wëll net, dass si an der Däischtert bleiwen. Christus hätt d'Welt duerch Seng Léift a Säi Geescht duerchdrängt, fir dass si un deem Dag kéinten d'Liewen aus der Hand vum Baarmhärzegen empfangen. Dëst wier d'Komme vum Papp, vun deem Jesaja geschwat huet, an déi duerch hie manifestéiert Léier wier dat, wat Christus nach zrëckgehalen huet, wéi Hie gesot huet: „*Ech hätt iech nach vill ze soen, awer dir kënnt et elo nach net erdroen.*“ Bahá'u'lláh fuerdert de Poopst op, d'Coupe vum Liewen ze huelen, doraus ze drénken an d'Coupe all deenen ze offrëien, „*déi sech Him an der Mëtt vun de Vëlker vun all Glawen zoudrëien.*“⁴

Wann een déi lescht Halschent vum 19ten Jorhonnert e bëssen ënnert d'Lupp hält, gesäit een, dass Glanz a Pracht deemools déi gewaltig Muecht uitgemaach hunn, déi d'Herrscher, am allgemengen op eng autokratesch Aart a Weis, iwwer de gréissten Deel vun der Welt ausgeübt hunn. Bahá'u'lláh, deem aus sengem Gebuertsland Persien wéinst Seng reliéise Léiere verbannt gouf, war de Prisonéier vum tyranneschen a mächtige Sultan vum ottomanesche Räich. An dëser Situatioun huet Hie sech un d'Herrscher vun der Welt geriicht. Och wa Seng Bréiwer un eenzel Kinneken an de Poopst iwwerreecht goufen, si si entweder bewusst iwwersinn oder zrëckgewise ginn, seng Rotschlei a Warnunge bloufen onbeuecht, an an engem Fall gouf deem, deem de Bréif bruecht huet, grausam gefoltert and doutgemaach.⁵

Bahá'u'lláh kouw zu der Erkenntnis, dass d'Welt der Gnod vu sou engen Herrscher ausgeliewert war, voll vun Arroganz, déi hiren eegene wierkleche Virdeel net méi kloer kënne gesinn. Hien erkläert: „*D'Onzefriddeneheet, déi*

¹ Bahá'í-Vertreter nahmen auch an Veranstaltungen in der Vatikanstadt und in Neu Delhi teil, die von der römisch-katholischen Kirche veranstaltet wurden. Beim zweiten Anlass war Beraterin Zena Sorabjee eine der Vertreterinnen von Religionen, die in Gegenwart von Papst Johannes Paul II zur Versammlung sprachen.

(Ridvan Botschaften, Ridvan Botschaften 1988-2003)

² ...der besonderen Erwähnung der Bahá'í durch Papst Johannes Paul II. unlängst bei einem Empfang während seines Besuches in Burundi, der offiziellen Auflistung des Bahá'í-Glaubens als eine der vertretenen Religionen in Tuvalu, ... - eines ist unzweifelhaft klar: Die sich steigende weltweite Wirkung bestätigt, daß der Bahá'í-Glaube aus der Verborgenheit hervortritt. (Briefe des UHG, Ausgewählte Botschaften 1963-1996)

³ Die neue Offenbarung ist sozusagen die göttliche "Reformation", der "Tag der Ernte", wie Bahá'u'lláh in seinem Sendschreiben an Papst Pius IX. verkündete. (Udo Schaefer, Die mystische Einheit der Religionen)

⁴ Sein Sendbrief an den Papst enthält einen eindringlichen, liebevollen Aufruf an die Christen, daß sie den heutigen verheißenen Tag Gottes erkennen, sich seinem Licht erschließen, ihrem Herrn entgegenjauchzen und in Seinem Namen das Königreich betreten. Zum Lichte seien sie erschaffen, Er wolle sie nicht im Dunkeln wissen. Christus habe die Welt durch Seine Liebe und Seinen Geist geläutert, auf daß sie an diesem Tag fähig sei, das Leben aus der Hand des Barmherzigen zu empfangen. Dies sei das Kommen des Vaters, von dem Jesaja sprach, und die jetzt durch Ihn offenbarte Lehre sei das, was Christus noch zurückhielt, als Er sprach: »Ich hätte euch noch viel zu sagen, doch ihr vermögt es jetzt noch nicht zu tragen.« Er fordere den Papst auf, den Kelch des Lebens hinzunehmen, daraus zu trinken und ihn dann solchen anzubieten, »die sich ihm inmitten der Völker allen Glaubens zuwenden.« (Shoghi Effendi, Gott Geht Vorüber)

⁵ Glanz und Pracht kennzeichneten damals die gewaltige Macht, die die Herrscher, im allgemeinen in autokratischer Weise, über den größten Teil der Erde ausübten. Bahá'u'lláh, aus Seinem Geburtsland Persien wegen Seiner religiösen Lehren verbannt, war der Gefangene des tyrannischen und mächtigen Sultans des Osmanischen Reiches. In dieser Lage wandte Er sich an die Herrscher der Welt. Obgleich Seine Tablets an einzelne Könige und den Papst übergeben wurden, sind sie entweder absichtlich übersehen oder zurückgewiesen worden, ihr weiser Rat und ihre unheilverkündenden Warnungen blieben unbeachtet, und in einem Falle wurde sogar der Überbringer grausam gefoltert und getötet.

déi mënschlech Rass spléckt a péngegt, hëlt all Dag zou. D'Zeeche vun der Schwächt an dem Chaos sinn haut ze erkennen, well déi momentan Uerdnung schappeng an onvollkommen erschénkt. "Och wann Hien an däischtere Faarwen dës „göttlech Zichtung“ gemoolt huet, déi iwwer déi meescht vun deenen Herrscher komme géif an d'Völker vun der Welt zerstéierech iwwerwältege géif, huet Bahá'u'lláh awer keen Zweifel um Resultat gelooss. „Geschwënn,“ so huet Hien erkläert, „gëtt déi haiteg Uerdnung opgerullt an eng nei gëtt an hirer Plaz ausgefalt.“ ... Dës Oprulle vun der aler Weltuerdnung ass eng deeglech Tatsaach vun der Mënschheet ginn, an et kann ee keen Enn dovunner gesinn.¹

De Kär vun der Weltuerdnung vu Bahá'u'lláh ass d'Eenheet vun der mënschlecher Rass. Bahá'u'lláh schreift: „*De wesentleche Grond vum Glawe Gottes a Senger Relioun ass deen, d'mënschlech Rass ze schützen an hir Eenheet ze fërderen ...*“ Hie waarnt eis: „*D'Wuelergoe vun der Mënschheet, hire Friden an hir Sécherheet sinn onerreechbar, wann net, an éier net hir Eenheet fest begrënnt sinn.*“ Dës Eenheet ze verwierklechen ass déi ausdrécklech Aufgab vu Bahá'u'lláh an d'Zil vun all Bahá'í Aktivitéit.²

259 E puer Froen iwwer d'Bahá'í Gemeng³

Sendung 259, 15ten an 16ten Abrëll 2005. Léif Radio ARA Nolauschterer, an dëser 259ter Bahá'í Emissioun um Radio ARA kucke mir e bësse méi genee wien dann d'Bahá'í Gemeng ass? Wat d'Bahá'í Gemeng mécht? Wéi eng Kraaft d'Bahá'í Gemeng an der Welt ass a wéi eng Kraaft si an Zukunft wäert sinn.

Déi éischt Äntwert op d'Fro wéi eng Gemeng mir sinn, ass déi, dass mir Unhänger vu Bahá'u'lláh sinn. Mir, d'Bahá'í, deelen eise gemeinsame Glawen a mir sinn ee mat dem anere verbonden duerch eis gemeinsam Léift fir Bahá'u'lláh. Dofir ass e wesentlechen Aspekt vun eisem Gemeinschaftsliewen eis Frëndschaft a Léift ënnereneen. En aneren Aspekt vun der Bahá'í Gemeng ass ganz kloer d'Gebiet. Mir sinn eng Kommunität vu Leit déi zesummekommen fir eise Schöpfer ze liewen. A mir kommen zesumme fir eist Verständnis vun de Léiere vu Bahá'u'lláh ze deelen a fir eist Wësse vu senger Offenbarung ze verdéiwen. Do derbei kënnt d'Dimensioun vun den Institutiounen. Mir sinn eng Gemeng déi organiséiert ass. Eis Institutiounen këmmere sech ëm d'Bestietnisser, organiséiere Kanner- a Jugendklassen fir hir geeschteg Erziéung, probéieren eis Differenzen ze léisen an ënnerstëtzen eis an eise Beméiungen an Harmonie mat de Gesetzer vun enger neier Uerdnung ze liewen. A wa mir stierwen, hëlleft d'Gemeng eis, dass mir en éierbaart Begriefnes kréien; an et gëtt un eis an de Gebieder geduecht.

Bahá'u'lláh huet eng weltwäit Gemeng geschaf déi Leit mat esou verchidden Hannergrënn zesumme verbënnt, Leit déi sech eens sinn an hirem Verstoe vun enger Rei vu wesentleche Glawenspunkten. An dat a sech ass wierklech e Wonner. Et schéngt nach méi erstaunlech wa mir un déi verfolgegt Bahá'í Gemeng am Iran denken, an där mir eis Wuerzelen hunn. Mee all dat wat elo opgezielt gouf, geet dat duer? Ass et dofir wou mir Bahá'í sinn? Natierlech kann een och nach soen, dass d'Bahá'í Gemeng sech an den Dénkscht vun der Mënschheet asetzt. Mee et ass wichteg, dësen Dénkscht méi genee ze definéieren, méi genee ze beschreiwen, dësen Dénkscht an e Kontext ze setzen. Wat ënnerscheet d'Bahá'í Gemeng vun anere Kongregatiounen déi méi oder wéiniger déi selwecht Saache maache wéi mir? Leit mat héijen Idealer, Leit déi sech asetze fir aneren ze hëllef? Natierlech ass dee wichtigste Punkt deen d'Bahá'í Gemeng definéiert de Fait dass mir eng Kommunität sinn, geschaf duerch d'Kraaft vum Bündnis, eng Alliance déi d'Spëtzt ass vun der Eenheet vun der Mënschheet. Dobäi kommen nach d'Léiere vu Bahá'u'lláh fir eist Liewen an der Gemeng: Eis Beméiunge fir Virurteeler ofzeschaffen, d'Tatsaach dass mir un d'Prinzip vun der Berodung gleewen, dass mir op sinn an tolerant. An dass d'Bahá'í administratiivt Uerder eenzegaarteg ass. Mir kéinten och nach weiderfueren mat aner spezifischen Eegeschaften, déi een am Bahá'í Glawe fënnt. Wat mir dann eigentlech maachen, ass natierlech d'Schéinheet vun de Léiere liewen an hir Relevanz fir d'Liewe vun der Mënschheet. Dat ass eenzegaarteg. An awer, all dës Tatsaachen sinn nëmmen deelweis eng Äntwert op déi Fro: Wéi eng Gemeng ass d'Bahá'í Gemeng dann? Mir fanne méi eng komplett Äntwert wa mir méi genee d'Konzept vum Dénkscht ënnersichen.

¹ Nachdem Bahá'u'lláh diese alte Welt geprüft hatte und zu der Erkenntnis gekommen war, daß sie "der Gnade solcher Herrscher ausgeliefert (war), die, von Hochmut trunken, ihren eigenen wirklichen Vorteil nicht mehr deutlich wahrnehmen können", erklärte Er: "Der Hader, der die menschliche Rasse zerspaltet und peinigt, nimmt täglich zu. Die Zeichen drohender Schwäche und des nahen Chaos sind heute zu erkennen, da die bestehende Ordnung bejammernswert unvollkommen erscheint." Obgleich Er in düsteren Farben diese "göttliche Züchtigung" malte, welche über die meisten jener Herrscher kommen und die Völker der Welt zerstörerisch überwältigen würde, hat Bahá'u'lláh doch keinen Zweifel an dem Ergebnis gelassen. "Bald", so erklärte Er, "wird die heutige Ordnung aufgerollt und eine neue an ihrer Statt entfaltet werden". Seit dem Heimgang Bahá'u'lláhs im Heiligen Land im Jahre 1892 ist das "Aufrollen" der alten Ordnung eine tägliche Erfahrungstatsache der Menschheit geworden, und kein Ende ist in diesem Vorgang abzusehen. (Bahá'u'lláh, Die Verkuendigung Baháullahs)

² Der Kern der Weltordnung Bahá'u'lláhs ist die Einheit der menschlichen Rasse. "O ihr Menschenkinder!", schreibt Er. "Die grundlegende Absicht, die den Glauben Gottes und Seine Religion beseelt, ist, die Belange der menschlichen Rasse zu schützen und ihre Einheit zu fördern ..." Und Er warnt: "Das Wohlergehen der Menschheit, ihr Friede und ihre Sicherheit sind unerreichbar, sofern nicht und ehe nicht ihre Einheit fest begründet ist." Diese Einheit zu verwirklichen ist Bahá'u'lláhs ausdrückliche Aufgabe und das Ziel aller Bahá'í-Tätigkeit. (Bahá'u'lláh, Die Verkuendigung Baháullahs)

³ aus enger Konferenz an Australien, vum Dr Farzam Arbab, 2004

D'Konzept vum Dénsgscht un der Mënschheet, un der Gesellschaft kann ee sou verstoen, dass dësen Dénsgscht net wëllt heeschen, dass een eppes ännere wëll. Sécher wëllt ee sozial Konditiounen verbessern. All déi grouss Hëlleforganisatiounen hunn dacks d'Gefill dass si e Feier läschen, mee dass et op enger anerer Plaz schon nees brennt. An da ginn et och ReformBewegungen, awer och si hunn net als Zil eng komplett Restrukturierung vun der Gesellschaft. Als Bahá'í gleewe mir wa Bahá'u'lláh seet: „*Gläich gött déi haiteg Uerdnung opgerullt, an eng nei Uerdnung kënnt an hir Plaz.*“ Dat heescht eng nei Weltuerdnung ass néideg. Dat heescht mir sinn eis bewusst dass eis Welt, elo wéi se ass net an der Rei ass, och wa mir vläicht a relativem Komfort liewen. Tatsaach ass, dass Ënnerdréckung gréisstendeels d'Welt regéiert, dass Gurmangzegkeet eng Kraaft ass déi d'Liewe vu Milliarde vu Leit ruinéiert. An awer si mir keng revolutionär Bewegung am normale Sënn. Während mir gleewen, dass déi haiteg Weltuerdnung voll a ganz futti ass, wëlle mir näischt mat hirer Zerstéierung ze dinn hunn. D'Bahá'í Gemeng ass eng Gemeng déi baut an net eng Gemeng déi zerstéiert. Mir hu kee Gebrauch fir e Konzept vu Muecht, wou e puer déi aner dominéieren oder manipuléieren. Mir gleewen un d'Kraaft vun der Eenheet, d'Kraaft vu gudden a rengen Doten, d'Kraaft vum éierlechen Dénsgscht, ouni dobäi u säin eegenen Interessi ze denken. Mir déngen den Interesse vun der Mënschheet, der ganzer mënschlecher Rass a mir schaffen zesumme mat all Projet dat dësen Interessen déngt. Awer eist Ënnerhuele befaasst sech domat, eng ganz nei Zivilisatioun ze bauen, eng Zivilisatioun wéi d'Mënschheet sech nach ni eng virgestallt huet. An dës Kombinatioun vun Approche a Glawen ass wierklech revolutionär. Wann ee sech d'Bahá'í Gemeng esou virstellt, fënnt ee vill Passagen an de Bahá'í Schrëften, déi dëse Prozess beschreiwen: „*Geeschteg Eroberer, eng Arméi vu Liicht, d'Zaldote vum Liewen.*“ Fir all Bahá'í deen doriwwer nodenkt, eng wierklech Erausforderung!

260 Suerg ëm eng weider Verfolgung vun de Bahá'í am Iran

Sendung 260, 22ten an 23ten Abrëll 2005. Berlin/Genf. – Déi international Bahá'í Gemeng ass bestierzt an enttäuscht, dass d'UN Mënscherechtskommissioun versot huet, eng Resolutioun zur Mënscherechtslag am Iran och nëmmen a Betruecht ze zéien. Dat obscho sech d'Situatioun am Land verschlechtert a besonnesch d'Verfolgung vum de Bahá'í.

„*Wann ee gesäit wéi d'Mënscherechtsverletzungen an der Bahá'í Gemeng am Iran zougeholl huet, kann et nëmme schockéieren, dass et der UN-Mënscherechtskommissioun dräi Joer laang hannereneen net gelongen ass, déi international Observatioun vun der Mënscherechtslag ze erneieren*“, sot d'Bani Dugal, Haaptrepräsentantin vun der Bahá'í International Community bei de Vereenten Natiounen.

„*Am leschte Joer goufen zwou bedeitend Helleg Plaze vun de Bahá'í zerstéiert, de Bahá'í Jugendleche gouf den Zougank zu héijerer Bildung an zum Studium alt ërem eng Kéier verweigert, an eréischt kierzlech waren d'Bahá'í an de Stiet Yazd an Teheran vun enger neier Well vun Iwwergrëff, Schikanen a Festname betraff*“, sot d'Bani Dugal.

„*All dat ass Bestanddeel vun engem Muster vu reliéiser motivierter Verfolgung, ugestëft a guttgeheesch vun der iranischer Regierung, déi d'lescht Joer virun enger däitlecher Veruerteelung vun hiren Handlung bei der internationaler Staatengemeinschaft stoung*“, sot d'Madame Dugal.

„*Mir si ganz enttäuscht dass d'Mënscherechtskommissioun keen Erfolleg hat. Leider hu Staaten, déi an der Vergaangenheet Resolutiounen bruecht hunn an domat eng international Observatioun vum Iran ermëglecht hunn, sech an dësem Joer nees zrëckgezunn.*“ sot d'Madame Dugal.

D'Diane Ala'i, Verriederi vun der BIC am Sëtz vun de Vereenten Natiounen zu Genf, huet den 23te Mäerz virun der Mënscherechtskommissioun gesot: „*Zënter dräi Joer ass d'Kommissioun net amstand, eng Iran-Resolutioun ze huelen, während deem sech d'Situatioun am Land lues awer sécher verschlechtert huet. An elo, an de leschte Méint hu mir den Androck, dass et e Réckfall an d'Zäit vu virun 20 Joer gëtt, wou mir gewalttätig Ugrëff op d'Bahá'í Gemeng am Iran erlieft hunn.*“ sot D'Madame Ala'i weider.

„*Dee schlëmmsten Ausbroch gouf et an der Stad Yazd, wo e puer Bahá'í an hiren Haiser ugegraff a mëssshandelt goufen. D'Geschäft vun engem Bahá'í gouf a Brand gesat, aner Bahá'í goufen intimidéiert a menacéiert. Duerno gouf et eng Rei vun Arrestatiounen a kuerzzäitegen Inhaftéierungen. De Kierfécht vun de Bahá'í a Yazd gouf muttwëlleg zerstéiert, an deems Gefierer iwwer d'Griewer gefuer sinn, Grafsteng goufe futti gemaach an déi stierflech Iwwerreschter ausgegruween a verstreet.*“ D'Diane Ala'i huet och gesot, dass am Mäerz zu Teheran Agente vum iranischen Geheimdénsgscht d'Wunnenge vun e puer Bahá'í gestiermt hunn a Stonnen domat verbruecht hunn, d'Wunnengen ze duerchwullen, éier si d'Eigentum vun de Bahá'í matgeholl hunn a si inhaftéiert hunn.

„*Fënnf Bahá'í goufen eleng am Mäerz inhaftéiert*“, sot d'Diane Ala'i. „*Zwee vun hinne goufe schliesslech op Kautioun fräigelooos, awer d'Famill an d'Gemeng wëssen net wou déi aner inhaftéiert sinn. Zwee aner Bahá'í, déi festgeholl goufen, well si just Kopië vun engem opene Brëif, an dat an engem héiflechen Toun, vun den iranische*

Bahá'í fir de Präsident Khatami weiderginn hunn, kruten d'Héchststrof fir dëst sougenannte Verbräichen. „An engem anere Fall goufen d'Haiser an d'Grundstécker vu sechs Bahá'í-Familie konfiskéiert an hinnen esou hir eenzeg Liewensgrondlag geholl“, sot d'Madame Ala'í.

Tëschent 1978 an 1998 huet d'iranesch Regierung méi wéi 200 Bahá'í hiriichte gelooss. Honnerte goufen inhaftéiert an zéngdausende Bahá'í hunn hir Aarbechtsplaze verluer, hiren Usproch op eng Pensioun, hir Geschäfte a Studiéméiglechkeeten. Op Grond vun intensivem internationalem Drock, virun allem duerch Resolutiounen vun der UN-Mënscherechtskommissioun bis zum Joer 2002, huet d'iranesch Regierung d'Hiriichtungen agestallt an huet d'Zuel vun den inhaftéierte Bahá'í staark reduzéiert.

Obschonn d'iranesch Regierung déi schwéierst Form vum direkter Gewalt a Mënscherechtsverletzung un eenzelne Membere vun der Bahá'í Gemeng gestoppt huet, huet si weidergemaach mat hirer Verfolgungskampagne, an dat besonnesch duerch sozial a wirtschaftlech Restriktiounen. Zil ass déi allmählech Erwiegung vun enger reliéiser Gemeinschaft an hirer Totalitéit.

261 Honnert Joer däitsch Bahá'í Gemeng

Sendung 261, 29ten an 30ten Abrëll 2005. Déi däitsch Bahá'í-Gemeng feiert dëst Joer hiert honnertjäregt Jubiläum. Schonn 1905 koum den éischte Bahá'í an Däitschland an eng lieweg Gemeng huet sech séier entwéckelt. En Empfang am Europäesche Bahá'í-Haus vun der Andacht zu Hofheim am Taunus dëser Deeg ass den Optakt fir eng ganz Rei vu Jubiläumsfeieren, déi et an den nächste Méint wäerte ginn. Héichpunkt vun de Feierlechkeeten ass den 10te September eng Festveranstaltung vun der ganzer däitscher Bahá'í Gemeng zu Stuttgart.

Do, zu Stuttgart huet déi däitsch Bahá'í Gemeng virun 100 Joer ugefaangen, wéi den Dr. Edwin Fisher aus Amerika a seng schwäbesch Heemecht zrëckkoum an eng Zänndoktesch Praxis opgemaach huet. Den zweete Weltkrich war natierlech e Réckschlag. Mam Nationalsozialismus gouf en ëffentlecht Optrieden ëmmer méi schwéier. Dat war doduerch, dass am Bahá'í Glawen d'Gedanke vun der Vëlkerverständegung fest verankert sinn, an och wéint de kosmopoliteschen an antirassistesche Léiere. Duerch e Sondererlass vum Himmler gouf de Bahá'í Glawen a seng Institutiounen verbueden. All Gemenge goufen 1937 opgeléist, all Eegentum an déi ganz Literatur konfiskéiert. Obwuel d'Bahá'í kee Widderstand gelescht hunn, koum et zu Verhaftungen, Prozesser, a vereenzelt och zu KZ-Haft. Nom Krich huet déi däitsch Bahá'í-Gemeng sech nees nei etabléiert. Geschwënn gouf et a ville Stiet Gemengenaktivitéiten. Schonn 1950 gouf et Bahá'í an ongeféier 65 Uertschaften an der Bundesrepublik. Mat der Bildung vun der DDR war do eng fräi Reliounsäusübung onméiglech an d'Gemeng am ëstlechen Deel vun Däitschland war bis zum Fale vun der Mauer verbueden. D'Präsenz vun der Bahá'í-Gemeng gouf besonnesch ënnerstrach duerch d'Aweigung 1964 vum Haus vun der Andacht bei Frankfurt. Et ass dat eenzeg vu senger Aart an Europa an huet zu enger Plaz vun Andacht a Meditatioun entwéckelt, zu engem Unzéiungspunkt fir jiddereen. 1987 gouf d'Bahá'í-Haus vun der Andacht vum Land Hessen zum Kulturdenkmal erkläert.

Bahá'í sinn haut an zirka 900 Uertschaften an Däitschland vertrauten. Si engagéiere sech lokal an national an enger Rei vun Themen, ënnert anneren am interreliösen Dialog, fir Integratioun a soziale Zesummenhalt, Geschlechtergläichstellung, nohalteg Entwécklung oder Mënscherechtsbildung. D'Wierken an der Gesellschaft an d'Entwécklung vum Gemengeliewen gi fir d'Bahá'í Hand an Hand. Sou sinn Andachtsversammlungen, Klasse fir d'Wäerteerzéiung vu Kanner a Studiekreesser zu geeschteg reliösen Theme grondsetzlech op fir jiddereen, Bahá'í oder net. Bei allen dräi Aktivitéiten geet et drëm, déi perséinlech Liewensféierung méi staark u geeschteg Wäerter ze orientéieren a sech an den Déngscht an der Gesellschaft ze stellen.

An Däitschland wéi och an aner Länner hunn d'Bahá'í sech och mat Stellungnahmen zur Léisung gesellschaftlecher Probemer un Entscheidungsdréier a Perséinlechkeete vum ëffentleche Liewe geriicht. Zum Beispill 1986 mat enger Erklärung zum Friden, 1998 mam Statement *Integratioun als Erausfuerderung a Chance* oder zulescht 2002 mat engem Opruff zur Iwwerwannung vu Virurteeler un d'Repräsentante vun de Reliounen. Bahá'í sinn opgeruff, mat de Gleewege vun alle Reliounen an „*härzlecher Verbondenheet an Eenheet*“ an „*am Geescht vum Wuelwëllen an der Bridderlechkeet*“ ze verkéieren. Gerad den interreliösen Dialog huet de Bahá'í an Däitschland vill Geleeënheete ginn, Verrieder vu Reliounen a Kiirchen ze begéinen, ënner aneren um *Ronnen Dësch vun de Reliounen* an Däitschland.

D'Aarbecht vun de Bahá'í fënnt hir Inspiratioun aus de Schrëfte vu Bahá'u'lláh (1817-1892), dem Begrënner vun der Bahá'í Relioun. E groussen Deel vu Senge Schrëfte ass op däitsch iwwersat. E wesentlecht Prinzip ass dobäi déi gemeinsam Berodung. Dorënner verstinn d'Bahá'í e Prozess wou d'Entscheidung kollektiv fonnt gëtt; e Prozess dee fir den Erfolleg vun de gemeinschaftleche Beméiungen onentbierlech ass. Dës Berodungskultur gëtt am Gemengeliewe vun de Bahá'í bewosst geflegt an entwéckelt. A si gëtt als Modell offréiert fir Entscheidungsprozesser op alle gesellschaftlechen Ebenen.

262 Pilgerrees am Hellege Land

Sendung 262, 13ten a 14te Mee 2005. Léif Radio Ara Nolauschterer, wëllkomm bei eiser 262ter Bahá'í Emissioun hei um Radio ARA. Meng Fra an ech hate viru kuerzem eng wonnerbar Geleeënheet eng organiséiert Bahá'í Pilgerrees ze maachen. Eng Pilgerrees vun néng Deeg an Israel, d'Hellegt Land fir d'Judden, d'Chrëschen, d'Musulmaner an d'Bahá'í. Am hellege Land sinn et zwou Stied, Haifa um Bierg Karmel an déi fréier Festungsstad Akko, déi am Bahá'í Glawe vu grousser Bedeitung sinn. A wat eng Chance mir hunn, zäitlech gesinn esou no ze sinn, bei engem Begrënner vun engem Glawen, deen eis Welt changéiert. Knapps 150 Joer, zu enger Zäit wou déi industriell Revolutioun ugefaang huet, wou déi éischt Fotoe gemaach goufen a wou den Telefon erfount gouf. Et ass scho bemierkenswäert ze gesinn, dass mat dëser neier Relioun, dem Bahá'í Glawen, dass zur gläicher Zäit wou de Bahá'í Glawen entsteet, dass vun deem Zäitpunkt un de materielle Fortschrëtt immens zouhëlt, dass d'Wëssenschaften ongeheiere Progrès maachen. An dës Pilgerrees erlaabt eis an de Fousspuere vun der Geschicht ze trëppelen, Plazen ze gesinn, Zëmmeren ze besiche, wou Evenementer geschitt sinn, déi en Afloss op eist haitegt Liewen hunn. Ech denken do zum Beispill un dat Zëmmer dat mir besiche konnte, wou Bahá'u'lláh säi Buch vun de Gesetzer offenbaart huet, zu Akko, an engem Haus mat Vue sur mer, wat haut fir d'Bahá'í vun der Welt en Deel vun hirer Pilgerrees ass.

Fir sou eng Pilgerrees ze maachen, mécht een eng Demande zu Haifa. D'Demande ass grouss an esou kann ee mat fënnf Joer rechnen, éier een eng Äntwert kritt. Da kritt een e puer Datumer, wou e wile kann. An dann huet een Zäit sech op seng Pilgerrees virzebereeden. Fir vill Bahá'í ass et eng eemoleg Geleeënheet säi Glawe besser kennenzelieren. Et muss ee bedenken, dass sou eng Rees muss finanzéiert ginn an dass Leit vu ganz wäit kommen. An eise Pilgergrupp hate mir Leit aus Kanada, Amerika, Rwanda, Südafrika an den Iles Maurices, fir der nëmmen e puer ze nennen. Bei der Invitatioun fir d'Pilgerrees fënnt een och ganz praktesch Informatiounen, besonnesch och fir Leit, déi vläicht nach ni eng gréisser Rees an d'Ausland gemaach hunn.

Wann een da bis do ass, zu Haifa, fir sech anzeschreiwen, kritt een ënnert aneren och e klenge Bichelchen, wat als Guide déngt. Do liest een an der Afëierung dass „*heilige Stätte ... gewiss Zentren der Ausgiessung göttlicher Gnade sind, denn beim Betreten der erleuchteten Orte, die physisch wie auch geistig mit Märtyrern und heiligen Seelen in Verbindung gebracht werden, wird eines jedes Herz von tiefer Empfindsamkeit durchströmt.*“

„*D'Bahá'í Weltzentrum ass räich u Plazen, déi an enker Bezéiung zur Offenbarung stinn, déi de Glawe vu Bahá'u'lláh an déi weltwäit Gemeng vu Sengen Gleewegen an d'Liewe geruff hunn.*“ „*Virun allem sinn dat d'Mausole, déi déi stierflech Iwwerreschter vum Stëfter vum Glawen, Sengem Virleefer an de Mëttelpunkt vu Senger Alliance enthalen. Häiser, déi vun der helleger Famill während verschiddene Phase vun hirer Verbannung bewunnt woren, ... déi verbonne si mat Evenementer, déi d'Entwécklung vum Glawe geprägt hunn. All dat vermëttelt dem Visiteur d'Méiglechkeet vun engem geeschtegen Erleefnes, dat eenzegaarteg an der reliéiser Geschicht ass. Dobäi kënnt dat groussaarteg Panorama vun de Gebeier an de Gäert, dat sech iwwer den Hang vum Bierg Karmel erstreckt. An dat verkierpert dat administratiivt Häerz vun der Bahá'í Welt.*“

D'Pilgergrupp vun 200 war dës Kéier an dräi Sproochen agedeelt, Franséisch, Englesch a Persesch. Mir waren am franséische Grupp zu gutt 40 Leit. De Programm ass esou dass et genuch Zäit gëtt fir sech ze entspannen, fir ze bidden an ze meditieren. Während der ganzer Zäit hu mir e Guide gehat, deen eis wonnerbar encadréiert huet. Iwwerhaupt hate mir op all de Bahá'í Plazen e waarmen, häerzlechen Accueil. Déi néng Deeg als Pilger si mir wierklech d'Gäescht vun eise héchste Gremium, dem Universalen Haus vun der Gerechtegkeet, dat eis den zweeten Dag an hirem Sëtz perséinlech empfangen huet.

Während dësen néng Deeg léiert een natierlech aner Bahá'í vu ganz verschidde Plazen op der Welt kennen. Dës Diversitéit ass wéi e frësche Wand, deen engem richteg gutt doet. Et ass awer och eng wonnerbar Zäit fir ze meditieren an ze bidden, fir sech ze besënnen iwwer säi Liewen a wat ee ka konkret mat dëser Pilgerrees ufänken wann een nees doheem ass. Mir hu ganz vill Fotoe gemaach, déi mir eise Frënn doheem weisen. Et ass eng gutt Méiglechkeet fir konkret iwwer de Bahá'í Glawen ze schwätzen.

263 Lassléisung, eng Dugend

Sendung 263, 20ten a 21te Mee 2005. Léif Radio Ara Nolauschterer, wëllkomm bei eiser 263ter Bahá'í Emissioun hei um Radio ARA. D'Thema vun haut ass d'Lassléisung, détachéiert sinn. Et ass eng Dugend fir déi mir eng ganz Rei Gebieder hunn an d'Thema Lassléisung, niewent dem Gebiet an der Meditatioun gehéiert zum Curriculum vun eise Kannerklassen. An der Bhagavad-Gita, dem hellege Buch am Hinduismus liese mir: „*Bei allem wat s du méchs, denk un dat Hellegt, sief lassgeléisst a kuck op den Erfolleg an d'Nidderlag mam gläichen A. Spiritualitéit implizéiert Geloossenheit a Gläichgewiicht.*“ Wat heescht et lassgeléisst ze sinn? Am *Family Virtues Guide*, engem Buch fir d'ganz Famill, liese mir: „*Lassléisung heescht, seng Gefiller erliewen ouni de Gefiller et ze erlaben, dass*

si eis kontrolléieren“¹ Et bedeit dass mir entscheeden wéi mir an enger Situatioun agéieren anstatt dass mir einfach reagéieren. Gefiller wéi Trauer, Freed, Enttäuschung, Frustratioun, Roserei sinn normal. Jiddereen huet se. Lassléisung ass eng Manéier, säin Denken a seng Gefiller zesummen ze benotzen fir dass d’Gefiller net mat eis fortlafen.

Lassgeléisst sinn heescht net wëllen anescht ze fillen wéi ee wierklech fillt. Gefiller si wonnerbar wa si eis gehéieren, wa mir se benotzen fir dat ze maache wat mir wierklech gewielt hunn ze maachen.

Lassgeléisst sinn bedeit, dat ze fille wat ee fillt, mee net mussen op dat Gefill hin ze handlen, ausser et ze wëllen. Et ass esou wéi wann ee niewent sech selwer steet a kuckt wat ee fillt an et och fillt.

Firwat solle mir Lassléisung üben? Well et wichteg ass fir e geeschtegt Wiesen. Et erlaabt eis ze wielen wéi mir handle sollen, egal wéi mir och fillen. Et erlaabt ass léif ze si mat Leit déi mir net gär hunn, oder eppes schwéieres ze maachen well et richtig ass dat ze maachen.

Lassléisung hëlleft eis ze entscheede wat mir mat staarke Gefiller wéi Roserei maache sollen. Ech kann engem soe wéi rosen ech sinn a firwat anstatt d’Dier hannert mir zouzeklacken a voller Roserei fortzelaufen.

Lassléisung ka mir Selbstvertraue ginn. Et ass esou wéi wann ech a menge Gedanke roueg a friddlech am Bësch spadséieren a kucke wat geschitt ouni d’Nerven ze verléieren.

OUNI Lassléisung weess ech ni wat ech maache wäert; et hänkt dovun of wéi ech mech spieren. Wann ech Lassléisung vill üben, gëtt et méi einfach et ze maachen, och wann ech ganz staark Gefiller fir eppes oder een hunn. D’Gebiet an d’Meditatioun kënnen vill hëllef Lassléisung ze léieren.

OUNI Lassléisung géif ech vun all deene Saachen ewechbleiwen déi ech net gär hunn oder déi schwéier sinn – och wann et wichteg ass dass ech se maachen. Mat Lassléisung kann ech entscheeden eppes mat Moderatioun ze maachen anstatt ze vill ze iessen oder ze vill Tëlee ze kucken an domat aner Saachen ze vernoléisegen, Saachen déi musse gemaach ginn.

Wéi üben ech Lassléisung? Ëmmer da wann ech e Gefill hu fir eppes oder fir een. Fir d’éischt heescht et d’Gefill erkennen, well wéi kann ech lassgeléisst sinn wann ech net weess vu wat ech lassgeléisst sinn?

Bleif stoen a kuck op deng Gefiller a Gedanken. Stell dir zwou Froen: Wat fillen ech iwwer dat do? Wat wëll ech maachen? Dann iwwerlee wat s du maache wëlls a fro dech: Ass et gutt fir mech? Hëlleft et vläicht engem aneren? Ass et richtig? Ass et dat bescht wat ech maache kann? Wann d’Äntwert do op eng vun de Froen nee ass, dann decidéier, eppes anescht amplaz ze maachen. Dräi Saachen also: kucken, wielen, handlen.

Konkret kann ee sech Lassléisung virstelle bei Situatiounen an der Famill: D’Mamm freet d’Kanner am Haus ze hëllef awer si wëlle léiwer dobausse spillen. Oder ech wëll onbedéngt e Spill gewannen awer ech verléieren. Oder et ass een invitéiert an et huet een d’Gefill dass keen engem nolauschtert. Oder et ass ee bestued an op eemol léiert een eng aner Persoun kennen an et ass ee fuerchtbar vun hir ugezunn.

Lassléisung kann also ganz konkret am Alldag hëllef, sech bewosst ze ginn, wat mat engem passéiert. Et kann een op mannst eng Kéier déif anootmen, éier een sech an eppes erastierzt, wat ee vläicht am Moment als richtig empfënnt.

D’Konscht, d’Wäisheet läit doranner e Gläichgewicht ze fannen tëschent dräi Saachen an eisem Liewen: dat wat ee fillt, dat wat een déinkt an dat wat ee mécht.

Ofschléissend fanne mir an der Bahá’í Encyclopédie dass Lassléisung net nëmmen am Hibleck op materiell Saache nützlich ass, mee et betrëfft och de Wunsch an den Himmel, an de Paradis ze kommen, de Stolz op säin eegent Wëssen an dat wat een erreecht huet.

264 De Bahá’í Glawen an e puer Minutten erklären, Deel 1/7

Sendung 264, 27ten an 28te Mee 2005. Wat ass Bahá’í? Wéi kann ech engem dat an e puer Minutten erklären?² An dëser Emissioun probéiere mir en Ufank ze maachen. Mir stellen eis d’Anna vir, e Meedche vu 17 Joer dat senger Frëndin, dem Emilia, vu sengem Glawe schwätzt. Emilia, mir hu jo schonn driwwer geschwat, dass de Bahá’í Glawen eng Weltrelioun ass, mam Zil dass all Rassen an all Vëlker kënnen an engem gemeinsame Glawen zesummekommen. Bahá’í sinn Unhänger vu Bahá’u’lláh. Hien ass fir si deen, deen zu allen Zäite versprach gouf, *le Promis, der Verheissene*. Wéi s du weess, fënnt een an den Traditione vu bal alle Vëlker d’Versprieche vun enger Zukunft wou Friden an Harmonie op der Äerd wäert etabliert ginn, d’Versprieche vun enger Zukunft wou

¹ Family Virtues Guide, PLUME, S. 101

² Ruhi 6, L’acte d’enseigner, s7

d'Mënschheet am Gléck an am Wuelstand liewe wäert. Mir gleewen dass d'Zäit vun dësem Versprieche komm ass an dass Bahá'u'lláh dës Persoun ass an dass seng Léieren der Mënschheet et erlaben eng nei Welt ze schafen. Bahá'u'lláh schreift op enger Plaz: „*Dat wat den Här als héchst Heelmëttel a mächtigst Instrument fir d'Heelung vun der ganzer Welt verschriwwen huet, ass d'Unioun vun all senge Vëlker an enger universaler Saach, engem gemeinsame Glawen.*“¹

Wann s du d'accord bass, wollt ech dir fir d'éischt vun enger Léier vu Bahá'u'lláh erzielen; et ass iwwer den Herrgott an eiser Relatioun, eiser Bezéiung mat Him. Bahá'u'lláh léiert eis dass ee Gott a senger Essenz net kenne kann. Dat heescht mir sollten eis kee Bild vun Him maachen, wéi dass mir eis Hien zum Beispill als e Mënsch virstellen. Dat wat erschaf gouf, ka säi Schöpfer net verstoen. En Dësch zum Beispill kann d'Natur vum Schräiner, deen den Dësch gemaach huet, ni verstoen. D'Bild kann de Moler net verstoen. Genau sou ass eis Relatioun mat Gott.

Gott huet alles erschaf, Himmel an Äerd, mat senge Bierger an Däll, senge Wüsten a Mierer, senge Felder a Beem. Gott huet d'Déieren erschaf an d'Mënschen. D'Ursaach hannert eiser Kreatioun, eiser Schöpfung, seet Bahá'u'lláh, ass d'Léift. Hie seet: „*Ech hat eng Léift fir dech ze erschafen, also hunn Ech dech erschaf. Sief du also frou mat Mir, fir dass Ech däin Numm soe kann, an deng Séil mam Geescht vum Liewen erfëlle kann.*“

Och wann d'Existenz vu Gott wäit iwwer eist Verstoen ewech geet, beréiert Seng Léift eist Liewen an eis selwer déi ganzen Zäit. Dës Léift kënnt op eis zou duerch Säin éiweg Bündnes, Seng éiweg Alliance. Dat heescht einfach dass Gott eis ni aleng léisst, Hie léisst eis ni ouni Direktioun. All Kéier wann d'Mënschheet vun Him ewech geet, wann d'Mënschheet Seng Léiere vergësst, erschénkt eng Manifestatioun vu Gott an offenbaart eis Säi Wëllen a Seng Ziler.

Dat Wuert *manifest* bedeit eppes offenbaren, eppes bréngen dat virdrun net bekannt war. D'Manifestatioun vu Gott si besonnesch Wiesen déi der Mënschheet d'Wuert an de Wëlle vu Gott offenbaren; a wa mir hinnen nolauschteren, äntwere mir dem Appell vum Herrgott.

E Beispill aus der physischer Welt hëllef eis d'Konzept vun der Manifestatioun ze verstoen. Op dëser Äerd ass et d'Sonn déi d'Ursaach vun all eiser Hëtzt a Luucht ass. Ouni d'Sonn wier kee Liewen op der Äerd méiglech. An awer kënnt d'Sonn net erof hei op d'Welt, a géife mir probéieren no bei si ze kommen, géife mir direkt verbrennen.

Wa mir elo e proppere Spigel huelen an deen der Sonn zou riichten, gesi mir d'Bild vun der Sonn am Spigel. A wat de Spigel méi propper ass, wat d'Bild vun der Sonn am Spigel méi perfekt ass. An d'Manifestatioun vu Gott si wéi perfekt Spigelen déi d'Luucht vu Gott an all Senger Herrlechkeet refletéieren. An all déi Spigelen refletéieren déi selwecht Luucht. Während mir Gott selwer net erreeche kënnen, kommen dës perfekt Wiese vun Zäit zu Zäit bei eis, liewe mat eis, ginn eis eng Richtung a fëllen eis mat Energie déi mir brauchen fir Progrès ze maachen, materiell a spirituell.

Du hues d'Chance no de Léiere vu Christus erzunn ze ginn, eng Manifestatioun déi Gott der Mënschheet virun 2000 Joer geschéckt huet. Säi Rang ass dee vum Jong vu Gott. Elo kann s du d'Léiere vun enger neier Manifestatioun vu Gott kréien, Bahá'u'lláh. Säin Titel bedeit *Herrlechkeet Gottes*. D'Léiere vu Bahá'u'lláh sinn a perfekter Harmonie mat de Léiere vu Christus, awer si riichte sech un d'Besoinen vun der Mënschheet vun haut. Wann s du e Moment un d'Schicksal vun der Mënschheet denks, bass du bestëmmt mat mir d'accord dass d'Zäit do ass fir eng aner Manifestatioun vu Gott.

Hei ass e kleng Passage vun de Schrëfte vu Bahá'u'lláh, iwwer den Dag an deem mir liewen: „*Dëst ass den Dag wou d'Gonscht vu Gott sech iwwer d'Mënsche verspreet huet, deen Dag wou seng allermächtigst Gnod alles wat erschaf ass, imprégnéiert huet. Et gehéiert sech dass all d'Mënsche vun der Welt hir Differenzen ausgläichen, an a perfekter Eenheet a Friden ënnert dem Schiet vum Bam vu Senger Suerg an .. Guttheet zesummekommen.*“² Eier ech weiderfueren Emilia, hues du vläicht Froen. Wat denks du iwwer dat wat ech gesot hunn?

Sou wäit dës kuerz Explikatioun vum Anna, wéi hat senger Frëndinn dem Emilia de Bahá'í Glawe presentéiert. An eiser nächster Emissioun héiere mir den zweeten Deel vun dëser Aféierung an de Glawen.

265 De Bahá'í Glawen an e puer Minutten erklären, Deel 2/7

Sendung 265, 3ten an 4te Juni 2005. An eiser leschter Emissioun hu mir gesinn wéi d'Anna, e Meedche vu 17 Joer senger Frëndin, dem Emilia de Bahá'í Glawen presentéiert. Dass et eng Weltrelioun ass, wou all Rassen a Vëlker an engem Glawen kënnen zesummekommen. Dass Bahá'u'lláh deen ass, deen zu allen Zäite versprach gouf. D'Anna zitéiert Bahá'u'lláh, dee seet: „*Dat wat den Här als héchst Heelmëttel a mächtigst Instrument fir d'Heelung vun der*

¹ Ruhi 6, section 7, Bahá'u'lláh, Gleanings, CXX

² Bahá'u'lláh, Gleanings, IV

ganzer Welt verschriwwen huet, ass d'Unioun vun all senge Vëlker an enger universaler Saach, engem gemeinsame Glawen.“¹ Déi éischt Léier an dëser kuerzer Presentatioun war d'Bezéiung tëschent dem Mënsch a sengem Schöpfer. Gott direkt kann een net a senger Essenz kenneléieren. All Virstellung déi mir vun eisem Schöpfer hunn kennt vun eiser eegener Virstellungskraft.

D'Bild kann de Moler net verstoen. D'Buch kann den Auteur net verstoen. Genée sou ass eis Relatioun mat Gott. Well Gott eis awer ni aleng léisst, bréngt Hien eis all Kéier dann e Prophet, eng Manifestatioun, deen eis Gottes Wëllen a seng Ziler bréngt. D'Manifestatioun vu Gott fir eis haiteg Zäit ass Bahá'u'lláh, sou wéi et virun 2000 Joer Christus war. Gott schéckt vun Zäit zu Zäit, no de Besoine vun der Mënschheet eng Manifestatioun fir eis de Wee ze weisen. Gutt verstan, mir decidéiere wat mir domat maachen. Mir hunn eise fräie Wëllen. Dat ass esou wéi d'Sonn déi Gott duerstellt an e Spigel, deen d'Manifestatioun duerstellt. D'Hëtzt vun der Sonn ass vill ze staark fir eis Mënschen. Wa mir ze no sinn, verbrenne mir. Am Spigel gesi mir d'Sonn genée sou gutt.

A mir sinn och wéi e Spigel, an deem sech d'Luucht vu Gott refletéiert. Wann de Spigel vun eisem Häerz propper ass, kann e vill vun der Luucht vu Gott refletéieren. Wann ee voll mat weltlechem Stëbs ass, refletéiert ee sou gutt wéi näischt. A wa mir eis der Sonn zoudréien, kréie mir déi néideg Kraaft an Energie, sou wéi hei op der Äerd d'Sonn alles wat erschaf ass, mat Liewen erfëllt.

De Rang vu Jesus Christus ass dee vum Jong vu Gott. Am Bahá'í Glawen ass de Rang vu Bahá'u'lláh dee vun der Herrlechkeet Gottes. D'Léiere vu Bahá'u'lláh sinn a perfekter Harmonie mat de Léiere vu Christus, awer si riichte sech un d'Besoinen vun haut. Et ass haut Zäit fir eng aner Manifestatioun vu Gott.

Op dëser Plaz mécht d'Anna eng Paus mat senger Presentatioun a freet d'Emilia, seng Frëndin, op hatt vläicht Froen huet zu all deem.² Da proposéiert hatt dem Emilia eng aner Léier vu Bahá'u'lláh ze presentéieren, d'Zil vum Bahá'í Glawen. Et ass dat d'Eenheet vun der Mënschheet. D'Bahá'í Léiere soen eis dass mir d'Friichte vun engem Bam sinn an d'Blieder vun engem Aascht. Och wa mir anescht ausgesinn an eis eege Gefiller hunn, och wa jidderee ënnerschiddlech Talenter a Fäegkeeten huet, komme mir alleguer vun der selwechter Wuerzel; mir gehéieren all zu der mënschlecher Rass.

D'Mënschheet kann ee mat engem grouse Gaart vergläichen, an deem all Zorte Blumme niewentenee wuesse, vun alle Faarwen a jiddereng mat engem anere Geroch. De Charme an d'Schëinheet vum Gaart läit an dëser Verschiddenheet. Mir duerfen et net zouloossen dass eis Ënnerscheeder an eise Charakter, eis Temperamenter, eis Gedanken a Meenungen, dass déi Konflikter a Streidereie mat sech bréngen. Mir sollten d'Membere vun der mënschlecher Rass wéi schéi Blummen am Gaart vun der Mënschheet gesinn an eis erfreen, dass mir dozou gehéieren.

Och wann d'Eenheet vun der Mënschheet eng Wourecht ass, un der keen Zweiwel besteet, si mir nach wäit ewech vun dësem Konzept, a fir si ze vereenen ass keng einfach Aarbecht. Wann s du decidéiers dech der Bahá'í Gemeng unzeschleissen, wier ech wierklech immens frou. Da wäerts du mat eis un der Konstruktioun, um Bau vun dëser Eenheet deelhuelen. Mir ginn eis all Méi eis Gedanken an dat wat mir maachen, mat eisem Glawen un d'Eenheet vun der Mënschheet ze verbannen. Engem Krichsgedanke sollte mir direkt mat engem Friddensgedanken äntweren. E Gedanke vun Haass sollte mir direkt mat engem Gefill vu Léift tauschen. Mir sollen alles maachen wat méiglech ass, fir manner Virurteeler ze hunn. Si hënneren eis drun, eng besser Welt ze bauen. Vill Texter an de Bahá'í Schrëfte weisen eis de Wee vun der Eenheet a weisen eis wéi mir deenen aneren Hëllef kënne dee selwechte Wee ze huelen.

Hei dësen Extrait aus de Schrëften: „Bahá'u'lláh huet de Krees vun der Eenheet gezechent. Hien huet e Plang gemaach fir all Mënschen ze vereenen a si zesammenzebréngen ënnert dem Schiet vum Zelt vun der universeller Eenheet. Dat hei ass d'Wierk vun der helleger Guttheet, a mir sollen eis mat Häerz a Séil Méi ginn, dës Eenheet ënnert eis ze realiséieren. Sou laang wéi mir dru schaffen, wäerte mir Kraaft kréien.“³

266 De Bahá'í Glawen an e puer Minutten erklären, Deel 3/7

Sendung 266, 10ten an 11te Juni 2005. An eise leschten zwou Emissiounen hu mir eng Aféierung an de Bahá'í Glawen héieren, dass de Bahá'í Glawen eng Weltrelioun ass, mam Zil dass all Rassen an all Vëlker kënne an engem gemeinsame Glawen zesummekommen. Mir hu weider héieren dass ee Gott selwer a senger Essenz net ka kenneléieren. Genée sou kann och d'Bild säi Moler, säi Schöpfer net verstoen. D'Ursach hannert eiser Kreatioun, eiser Schöpfung, ass d'Léift. De Schräiner ass frou mat senger Kreatioun, sengem Schaf, sengem Stull. De Kënschtler ass frou mat sengem Wierk. Mir hu gesinn, wéi Gott sech de Mënsche weist. Esou wéi d'Sonn ze staark

¹ Ruhi 6, section 7, Bahá'u'lláh, Gleanings, CXX

² Ruhi 6, section 9

³ 'Abdu'l-Bahá, Causeways, p.73-4

ass, fir direkt bei eis erofzekommen, schéckt si eis d'Stralen, déi eis Hëtzt a Liewe ginn. Op déi Manéier schéckt Gott eis seng Offenbarer, seng Propheten, seng Manifestatiounen, fir eis geeschtegt Liewen ze ginn, fir eis de Wee ze weisen, fir eis seng Léier der Mënschheet unzëbiden, ze offrëieren. Mir entscheede schlussendlech wat mir domat maachen. Wa mir elo wëllen d'Hëtzt an d'Léift vu Gott kréien, musse mir an d'Liicht goen. Mir musse wéi e Spigel sinn, dee propper ass, wou kee Stëbs drop ass. Da kënne mir d'Liicht vu Gott a vu senger Manifestatioun spieren an dovunner Notzen zéien. Jesus Christus ass de Jong vu Gott. Bahá'u'lláh bedeit Herrlechkeet Gottes. D'Léiere vu Bahá'u'lláh sinn a perfekter Harmonie mat de Léiere vu Christus, awer si riichte sech un d'Besoinen vun haut. Et ass haut Zäit fir eng aner Manifestatioun vu Gott.

D'Prinzip vun der Eenheet an der Villfalt, an der Diversitéit, dëst Prinzipp gëtt haut vu ville Mënschen empfonnt. Mir sinn alleguer d'Friichte vun engem Bam an d'Blieder vun engem Aascht. Mir kommen alleguer vun der selwechter Wuerzel, mir gehéieren zu der mënschlecher Rass. Sech der Bahá'í Gemeng uschlëssen heescht um Bau vun dëser Eenheet deelezueilen. Einfach ass et net, mee passionant.

Souwäit zu de leschten zwou Emissiounen. Virurteeler vun all Zort sinn déi gréisste Barrière fir Eenheet an der Diversitéit ze erreechen.

Bahá'u'lláh gouf 1817 zu Teheran, der iranesischer Hauptstadt gebuer.¹ Schonn als Kand, war Hien erstaunlech. Hien ass doheem erzu ginn, mee Hien huet net missten an d'Schoul goen, well Hie vu Gott ugebuerent Wësse krut. Bahá'u'lláh kount ass enger adleger Famill, an als jonke Mann, krut Hien e wichtege Posten um Hof vum Kinnek ugebueden, deen Hie refuséiert huet. Hien huet léiwer seng Zäit domat verbruecht, den Ënnerdréckten ze hëllefen, de Kranken an Aarmen ze hëllefen, a sech vir Gerechtegkeet anzusetzen.

Et si virun allem zwee Aspekter aus dem Liewe vu Bahá'u'lláh déi ech ernimme wëll. Een ass d'Leiden, wat Hien huet missen erdroen. Deen aneren ass deen immensen Afloss deen Hien op d'Härzer an d'Geeschter vun de Leit hat. Dës zwee Aspekter charakteriséieren all d'Propheten an d'Manifestatiounen vu Gott.

D'Leide vu Bahá'u'lláh hunn ugefaang wéi Hie sech erhuewen huet fir d'Saach Gottes ze verbreeden. Säi Liewe war e Liewen am Exil, Prisong a Verfollegungen. Hie gouf an engem trauregen an däischtere Prisong zu Teheran a Kette gehalen. Véier mol gouf Hie vu Land zu Land exiléiert, fir zum Schluss an d'Prisongsstad vun Akko am ottomanesche Räich geschéckt ze ginn. Sou grouss ware seng Leiden dass fir Hien Akko « *dee gréisste Prisong* » war.

Déi zwee mächtég Regierungen vun der Zäit, de Schah vum Iran an den ottomaneschen Herrscher, hunn alles probéiert fir sech géint Bahá'u'lláh a seng Léieren ze erhiewen. Mee d'Luucht vun der Wourecht ass net einfach aus ze kréien. D'Waasser selwer wat op d'Feier geschott gëtt fir d'Flamen ze lëschten, gëtt zu Uelech, an d'Feier brennt mat nach méi enger Intensitéit. Näischt konnt gemaach ginn fir deen ëmmer méi groussen Afloss vu Bahá'u'lláh ze verhënneren. Wat d'Autoritéiten Hie méi wäit an den Exil geschéckt hunn, wat d'Zuel vun de Leit déi vu Seng Léieren ugezu ware, an déi seng Muecht a seng Majestéit unerkannt hunn, méi grouss gouf. Trotz der konstanter Verfolgung, huet Bahá'u'lláh weider d'Wuert vu Gott offenbaart, an dat während méi wéi véierzeg Joer. Hien huet der Welt souvill Léift an Energie bruecht, dass zum Schluss d'Victoire vu senger Saach sécher ass.

Bahá'u'lláh ass 1892 gestuerwen. Säi Mausoleum, dee fir eis déi hellegst Plaz vun der Welt ass, ass ganz no bei der Stad Akko, haut an Israel, net wäit ewech vum Bierg Karmel. Souwäit eis kuerz Aféierung iwwer de Bahá'í Glawen.

Iwweregens hat ech zesumme mat menger Fra, d'Geleeënheet, viru kuerzem eng Pilgerrees an Israel ze maachen, a mir wäerten demnächst eng audiovisuell Presentatioun vun eiser Rees am Bahá'í Zenter weisen.

267 De Bahá'í Glawen an e puer Minutten erklären, Deel 4/7

Sendung 267, 17ten an 18te Juni 2005. Mir fieren haut weider an eiser Aféierung an de Bahá'í Glawen. An eiser leschter Emissioun hu mir gesinn dass all Manifestatioun vu Gott, all Prophet éischters vill gelidden huet an zweetens d'Leit ronderëm immens ugezu ware vun der Persoun vun der Manifestatioun.

Christus huet säi Liewe gi fir d'Mënschheet ze retten.² Wéi eng Bedeutung hunn d'Leide vun de Manifestatiounen vu Gott, déi, obscho si allmächtég sinn, fräiwelleg Schmärer a Peng ze akzeptéieren an op sech huelen, fir dass mir solle fräi sinn. Eng aner zentral Figur am Bahá'í Glawen ass de Báb: Iwwer Hie schwätze mir haut e bëssen.

E puer Joer éier Bahá'u'lláh seng Missioun proklaméiert huet, huet Gott e speziellen Offenbarer geschéckt fir säi Kommen ze annoncieren. Dës grouss Persoun huet als Titel de Báb, wat op Lëtzebuergesch eng Dier bedeit. Hie war en fait eng Dier fir d'Wësse vu Gott, eng Dier zu enger neier Era an der mënschlecher Existenz. Während sechs Joer, huet Hien andauerend virausgesot dass d'Komme vun enger neier Manifestatioun vu Gott ganz no wier. Hien

¹ Ruhi 6, s.112

² Ruhi 6, sect13.p.116

huet de Wee fir Sâi Komme virbereet. Hien huet de Leit gesot dass si géifen den Ufank vun engem neien Zäitalter erliewen, den Ufank vum Dag, dee vu Gott versprach gouf. Hien huet d'Leit agelueden hier Häerzer vum Houfert vun dëser Welt ze rengen fir dass si kënnen deen erkennen dee Gott wäert gläich manifestéieren.

Zéchtausende vu Leit hunn de Message vum Báb akzeptéiert an ugefaang Seng Léieren unzewenden. Mee déi iranesch Regierung an hire mächtege Clergé deen iwwer d'Massen herrscht, hu sech géint Hien erhewen. Seng Unhänger goufe verfollegt a vill vun hinne goufen higeriicht. De Báb selwer gouf e Martyr mat 31 Joer. Op Uerder vun der Regierung gouf Hien erschoss, an dat vun engem Regiment vun Zaldoten, déi Hien op enger ëffentlecher Plaz ugestréckt haten on op Hie geschooss hunn. D'Wierder vum Báb si staark. Hei zwee Gebieder vun Him:

„Wien ausser Gott hält Schwieregkeeten ewech? So: Gelueft sief Gott! Hien aleng ass Gott! All si Seng Dénge an all sti si ënnert Sengem Gebot!“

„So: Gott geet allen duer, an iwwer alles. Näischt, weder an den Himmelen, nach op der Äerd, ausser Gott kann duergoen. A Wierklechkeet, ass Hie selwer deen dee weess, deen deen ënnerstëtzt, den Allmächtigen.“

Vill Bahá'í kenne ganz besonnesch dat éischt Gebiet a soen et an Zäit vu Schwieregkeeten.

Nodeem de Báb erschoss gouf, hu seng Unhänger d'Reschter vu sengem Kierper geholl, a si goufe vu enger Plaz op déi aner transportéiert a verstoppt, virun de Géigner vum Glawen. Zum Schluss koumen d'Iwwerreschter vum Báb op de Bierg Karmel, am Hellege Land. Jidderee deen an Israel war a virun allem zu Haifa, kann de Mausoleum vum Báb mat sengen herrlechen Terrassen net iwwersinn. Haifa ass haut den drëttgréissten Hafen an Israel. Zesumme mat Akko, der fréierer Prisongsstad, déi och um Mier läit, sinn dës zwou Stiet haut dat administratiivt a geeschtegt Weltzentrum vum Bahá'í Glawen: dat geeschtegt Zentrum well et ass do wou d'Mausoleume vum Báb a Bahá'u'lláh sinn, wéi och déi aner helleg Plazen, an dat administratiivt Zentrum well de Sëtz vum héchste Bahá'í Gremium, d'Universaalt Haus vun der Gerechtegkeet, och um Bierg Karmel ass.

268 De Bahá'í Glawen an e puer Minutten erklären, Deel 5/7

Sendung 268, 24ten an 25te Juni 2005. Mir fueren haut weider an eiser Aféierung an de Bahá'í Glawen.¹ Déi wichtegst Iddi, dee wichtegste Gedanken an eisem Liewen als Bahá'í ass deen, dass mir e Bündnis, eng Alliance mat Bahá'u'lláh gemaach hunn. Wéi dir wësst, gouf et an all den anere Reliounen, nom Doud vun der Manifestatioun, also nom Doud vu Jesus, nom Doud vu Mohammed, vill Streidereien. D'Konsequenz dovunner war d'Divisioun vun der Relioun an eng grouss Zuel vu Sekten. D'Ursach vun der Désunioun war heiansdo d'Léift fir d'Muecht vu verschidden ambitiéis Persounen. Mee wann et Meenungsverschiddenheeten tëschent de Gleewegen goufen, wat d'Bedeutung vun de Wieder vun der Manifestatioun ubelaangt, hat keen d'Autoritéit vun der Manifestatioun selwer kritt, fir des Désaccorden ze léisen. An domat goufen et natierlech nach méi Konflikter a Streidereien. All Kéier wann et nei Interpretatiounen gouf, ass domat och eng nei Sekt entstanden.

Bahá'u'lláh huet säi Glawe virun esou Divisiounen geschützt, an dat mat engem eenzegartege Pouvoir, d'Muecht vun der Alliance. Viru Sengem Doud, huet Hie ganz kloer a schrëftlech gesot, dass no Him, all d'Bahá'í sech sollten zu Abdu'l-Bahá zoudréien, säin eeltste Jong. Hien ass deen eenzegen Interpret vu Sengem Wieder an d'Zentrum vun der Alliance. 'Abdu'l-Bahá gouf vu Bahá'u'lláh selwer erzunn. Vu Kandheet un huet Hien d'Statioun vu sengem Papp erkannt an huet mat Him gelidden. Hie war de wäertvollste Kadeau deen der Mënschheet offréiert gouf. 'Abdu'l-Bahá ass d'perfekt Beispill vun all de Bahá'í Léieren.

'Abdu'l-Bahá huet 77 Joer gelieft. Hie gouf gebuer an der Nuecht wou de Báb seng Missioun deklaréiert huet, 1844 an Hien ass am November 1921 gestuerwen. Sâi Liewe war voll mat Schwieregkeeten a Leed, mee awer jidderengem, deen Hie begéint huet, krut déi gréisste Freed an dat gréisste Gléck. Nom Doud vu Sengem Papp, louch d'Verantwortung vun der Bahá'í Gemeng op Sengem Schëlleren. Hien huet Dag a Nuecht de Glawen am Okzident an am Orient verbreet. Hien huet dausende vu Bréiwer u Leit a Gruppe geschriwwen, an dat iwwerall an der Welt. Hien huet domat och d'Léiere vu Sengem Papp erkläert a méi kloer gemaach. Seng Interpretatiounen sinn elo e wesentleche Bestanddeel vun de Schrëften am Bahá'í Glawen.

Mat 'Abdu'l-Bahá als Zentrum vun der Alliance vu Bahá'u'lláh, bleiwen d'Bahá'í uechter d'Welt vereent an hire Beméiungen e Bahá'í Liewen ze liewen an eng nei Zivilisatioun ze schafen. Mir denken un eist Versprieche vis à vis vu Bahá'u'lláh, een deen anere gär ze hunn, an mam 'Abdu'l-Bahá gesi mir dat perfekt Beispill vun engem dee gär huet. Mir erënneren eis, dass mir sollen d'Gerechtegkeet verteidegen, generéis sinn, dass mir net d'Feeler vun den anere solle gesinn. Et ass duerch d'Beispill vun 'Abdu'l-Bahá wou mir d'Gerechtegkeet léieren, Generositéit an d'Verzeiung. Méi wéi alles, wa mir eis op 'Abdu'l-Bahá konzentréieren, si mir eiser Alliance mat Bahá'u'lláh

¹ Ruhi 6, sect 15, p. 118

bewusst, well mir d'Eenheet vu sengen Unhänger net zerbriche loosser, a vereent an enger Weltgemeinschaft, mir dorunner schaffe bis d'Eenheet vun der Mënschheet voll a ganz etabléiert ass.

A Sengem Testament, huet 'Abdu'l-Bahá Säin Enkelkand als Hidder vum Glawen ernannt. Nom Doud vun 'Abdu'l-Bahá, hat Schoghi Effendi d'Autoritéit fir d'Léieren ze interpretéieren. Während 36 Joer huet hien d'Aarbecht vu sengem Grousspapp weidergefouert. Hien huet d'Schrëfte vun der Manifestatioun clarifiéiert an hien huet de Glawen an allen Deeler vun der Welt fest etabléiert. Fënnf an en halleft Joer no sengem Doud, hunn d'Bahá'í vun der Welt d'Universelt Haus vun der Gerechtegkeet gewielt, sou wéi Bahá'u'lláh dat virgesinn hat, a sou wéi dat kloer vun 'Abdu'l-Bahá a vum Hidder beschriwwen gouf. D'Universaalt Haus vun der Gerechtegkeet ass déi héchsten Institutioun vum Glawen an all Bahá'í op der Welt dréinen sech dëser Institutioun haut zou.

269 De Bahá'í Glawen an e puer Minutten erklären, Deel 6/7

Sendung 269, 1ten an 2te Juli 2005. Ee vun de wichtegsten Aspekter vun all Relioun betrëfft d'Gesetzer déi d'Manifestatioun der Mënschheet bréngt fir si op de richtege Wee ze leeden. Verschidde vun dëse Gesetzer a Virschrëfte si fir ëmmer, anerer changéiere mam Fortschrëtt vun der Mënschheet a senger Evolutioun. Am Glawen, léiere mir d'Gesetzer net einfach als eppes ze gesinn wat ee maache muss oder net maachen däerf. Bahá'u'lláh seet eis dass seng Gesetzer „*d'Luuchte vu menger léiwer Féierung ënnert mengen Denger sinn, d'Schlëssele vu menger Baarmhärzegkeet fir meng Kreaturen.*“¹ Mir sollten de Gesetzer och net einfach follegen aus Angscht virun enger Strof, well a sengem hellegste Buch steet ganz kloer: „*Beuecht meng Gesetzer aus Léift zu menger Schéinheet.*“

Mat e puer Beispiller vun de Gesetzer vu Bahá'u'lláh gëtt et méi kloer. An dëser physischer Welt musse mir all Dag iessen. De mënschleche Kierper brauch dat. Wa mir et net maachen, gi mir krank a mir kënnen séier stierwen. Mir kënnen dofir soen, dass reegelméisseg, deeglecht lessen e Gesetz vun der physischer Existenz ass, där mir follege mussen. Genee sou fanne mir eng vun den Uweisung vu Bahá'u'lláh, dass mir all Dag bidden sollen. Wéi eise Kierper brauch och eis Séil konstant Nahrung. D'Gebiet gëtt eis dës Nahrung fir eise geeschtege Wuesstum. De Báb, Bahá'u'lláh an 'Abdu'l-Bahá hu wonnerbar Gebieder offenbaart. Mir kënnen se soe wa mir aleng sinn oder wa mir mat aneren zesumme sinn. Verschidde Gebieder si besonnesch, anerer sinn obligatoresch. Ee vun dëse Gebieder gëtt vun de Bahá'í all Dag tëschent Mëtteg an dem Sonnenënnergank gesot. Et geet esou: „*Ech sinn Zeien, o mäi Gott, dass Du mech erschaf hues, fir Dech ze erkennen an Dech unzabieden. Ech bekennen an dësem Abléck meng Schwächt an Deng Muecht, meng Aarmut an Däi Räichtum. Et gëtt keen anere Gott ausser Dir, Deen deen hëlleft a Gefor, Deen deen duerch Sech selwer ass.*“

Am Bahá'í Glawen ass et verbueden schlecht iwwer aner Leit ze schwätzen. Et ass wichteg, well wann een e bësse nodenkt gesäit een dass de Beschass ee vun de gréisste Feinde vun der Eenheet ass. Leider gëtt de Beschass vun enger grousser Majoritéit vun der Mënschheet praktizéiert, dat heescht also vun de Feeler vun deenen anere schwätze wann si net do sinn. Jidderee schéngt sech Suergen ze maachen iwwer d'Schwächte vun den aneren. Wann een dann och nach andauernd dovunner schwätzt, ginn se och nach méi grouss. Abdu'l-Bahá seet eis mir solle genee de Géigendeel maachen. Wa mir zéng Qualitéit bei engem gesinn an eng Schwächt, sollte mir eis op seng Qualitéit konzentréieren. A souguer wann eng Persoun zéng Schwächen huet an eng Qualitéit, sollte mer nëmmen dës Qualitéit gesinn.

Schlecht iwwer aner schwätzen, d'Médisance blesséiert vill Leit, sief et op der Aarbecht, an der Schoul oder an der Famill. Bahá'u'lláh seet: „*... Héier näischt schlechtes a lauschter näischt schlechtes; erniddreg dech net a beschwéier dech net. So näischt schlechtes fir dass du näischt schlechtes héiers, a vergréisser d'Feeler net vun deenen aneren fir dass deng eege Feeler manner grouss erschéngen; wënsch kengem Erniddregung, fir dass deng eegen Erniddregung net gewise gëtt. Verbréng also d'Deeg vun dengem Liewen, déi méi kuerz sinn wéi en Abléck, mat engem onbefleckte Geescht, engem propperen Häerz, rengen Gedanken an enger gehellegter Natur, fir dass du, fräi an zefriden, dës stierflech Form verlosse kanns, fir an d'mystescht Paradis ze goen a fir ëmmer am éiwege Kinnekräich ze wunnen.*“

Am Bahá'í Glawen sinn den Alkohol an d'Droge verbueden. Den Alkoholkonsum ass haut ee vun de gréissten Iwwel vun der Gesellschaft, an dat weltwäit. Et ass mat aneren eng vun den éischten Ursaache vu Gewalt an heefeg dréit den Alkohol dazou bäi e gesond Familljeliewen ze zerstéieren. Et ass en fait schwéier ze verstoen firwat Leit eppes drénken wat en Afloss op hire Verstand huet a wou si d'Kapazitéit verléieren, kloer ze denken. Drénke bréngt Leit dozou, schlëmm Saachen ze maachen, an dobäi si mir eedel an nobel erschaf ginn.

¹ Ruhi 6, Section 17, p.121

270 De Bahá'í Glawen an e puer Minutten erklären, Deel 7/7

Sendung 270, 8ten an 9te Juli 2005. Léif Radio ARA Nolauschterer. Eng vun de schéinste Léiere vu Bahá'u'lláh ass déi, dass d'Elteren an d'Gesellschaft d'Obligatioun hunn d'Kanner ze erzéien. An de Schrëfte vun 'Abdu'l-Bahá liese mir dass d'Kanner solle mat Häerz a mat Liewen erzu ginn. « *Si sollen erzu ginn an der Schoul vun der Dugend an der Perfektioun. Doranner solle si net noléisseg sinn ; si sollen efficace sinn. Et wier wierklech besser dass e Puppelchen net leeft, wéi dass et ignorant ass. Well dëst onschëllegt Kand, spéider a sengem Liewen, kritt onzieleg Défauten, ass verantwortlech viru Gott a gëtt vu Gott gefrot. Et gëtt vun de Leit rejetéiert. Wat wier dat eng Sënn an eng Noléissegkeet !* » « *Alles soll gemaach ginn, Jongen a Meedercher op déi selwecht Aart a Weis ze erzéien : et gëtt keen Ënnerscheed tëschent hinnen. Ignoranz vun deenen zwee an d'Negligenz ass condemnéiert. « Sinn déi gläich déi wëssen an déi, déi net wëssen? »*

Uechter d'Land gëtt et esou eng Rei vu Bahá'í Kannerklassen, déi op sinn fir all Kanner aus der Ëmgegend a wou et an der Haaptsaach ëm d'Bäibrënge vun Dugende geet.

Als Bahá'í, wann een e Kolleg oder e Member vun der Famill invitéiert sech dem Bahá'í Glawen unzeschléissen, heescht dat net einfach d'accord si mat engem Ensemble vu schéine Prinzipien. En fait ass de Bahá'í Glawen eng ganz organiséiert Relioun mat engem héijen Zil : d'Vereenegung vun der ganzer mënschlecher Rass. Et kann ee soen dass d'Aarbecht vun de Bahá'í déi ass, eng Weltzivilisatioun opzebauen. Den héchste Bahá'í Gremium seet eis dass dräi Akteuren un dësem Wierk deelhuefen, a jidderee spillt eng wichteg Roll. Den éischten Akteur ass deen eenzelne Gleewegen. Deen zweeten ass d'Gemeng, an deen drëtten Akteur sinn d'Institutiounen vum Glawen.

Den éischten Akteur, de Gleewegen mécht säi Bescht fir all Dag d'Léire vu Bahá'u'lláh ze liewen an der Mënschheet en Déngscht ze erweisen. Hien ass sech awer stets bewosst dass säi Liewen net mam Doud ophält an dass seng Bezéiung mat Gott éiweg ass. Nom Doud ginn eis Séile fräi a fueren éiweg weider an hirem Fortschritt zu Gott. Eist Liewen ass vergläichbar mat deem vun engem Embryo am Bauch vu senger Mamm. Während neng Méint entwéckelt d'Kand Fäegkeeten : fir ze kucken, ze richen, unzepacken, an sou weider. Hie brauch dat duerno, no senger Gebuert. Genee sou muss mir hei op dëser Welt eis geeschteg Fäegkeeten entwéckelen, déi mir an den anere Welte vu Gott brauchen. Dat geet natierlech net nëmmen andeems mir drun denken. Mir muss schaffen, deene ronderëm eis hëllef, an dat wat mir wësse mat aneren deelen.

Den zweeten Akteur ass d'Gemeng, d'Communautéit. D'Mënsche goufen net erschaf fir eleng ze liewen. Mir liewen a Gemeinschaften a mir muss schaffen fir eng nei Zivilisatioun ze bauen. Déi nootste Gemeng ass déi wou mir wunnen, mat de Bahá'í vun eiser Stat oder eisem Duerf. Et ass do wou mir léieren, ee mat deem aneren ze kooperéieren, zesummen ze wuessen a méi vereent ze sinn. Mir sinn awer och Membere vun enger nationaler a Weltcommunautéit, déi andauernd wiesst a Leit vun all Rassen, Nationalitéiten a reliéisen Urspréng unzitt.

D'Universaalt Haus vun der Gerechtegkeet seet eis dass d'Institutiounen vum Glawen den drëtten Akteur vun der Konstruktioun vun enger neier Zivilisatioun ass. Verschidde Léiere vu Bahá'u'lláh bezéien sech op d'Aart a Weis wéi d'Gesellschaft sollt organiséiert sinn. An der Vergaangenheet hunn d'Manifestatiounen vu Gott net vill erkläert wéi hir Unhänger sech organiséiere sollten an d'Leit hu misse selwer erausfannen wéi si et maache sollten. Mee am Bahá'í Glawen huet Bahá'u'lláh säin eegent administratiivt System bruecht. Hie sot eis wéi eng Institutiounen mir schafe sollten, wéi si sollte funktionéieren a wéi d'Mënschheet sollt regéiert ginn.

271 One Common Faith – Ee gemeinsame Glawen

Sendung 271, 15ten an 16te Juli 2005¹. Léif Radio ARA Nolauschterer. Virun dräi Joer huet den héchste Bahá'í Gremium sech an engem opene Bréif un déi reliéis Leadere vun der Welt gericht. Dës Aktioun gouf gemaach, well et ëmmer méi kloer gouf, dass zur Zäit en Haass tëschent de Reliounen besteet. An dat ass eng Krankheet, déi ee behandle muss. Et ass eng Krankheet déi eng Bedrohung ass, vun där bal keen Deel vun der Welt ausgeschloss ass. Eng Krankheet mat uerge Konsequenzen. Dëse Bréif un déi reliéis Leadere vun der Welt bestätegt och wéi wichteg den Dialog tëschent de Reliounen ass. Zu Lëtzebuerg ass et dësen interreligiöse Grupp AGIR, deen dësen Dialog féiert. Bahá'í maachen do scho ganz laang mat. Trotz dëse Beméiungen, sou schréift den héchste Gremium, muss mir riichtaus soen, dass wann déi reliéis Krisis soll sou seriö geholl ginn wéi dat mat anere Virurteeler de Fall ass, déi d'Mënschheet befällt, da muss déi organiséiert Relioun an hir selwer e gewësse Courage fannen, fir sech vu festgeluechte Konzeptiounen aus enger noer Vergaangenheet ze befreien.

Den héchste Gremium ass iwwerzeegt dass d'Zäit komm ass wou d'reliéis Leaderen éierlech an ouni Auswäichung sech den Implikatiounen vun enger Wourecht mussen bewosst ginn: Et gëtt nëmmen ee Gott, an iwwer all Verschiddenheet vu kultureller Expressioun a mënschlecher Interpretatioun hinaus, de Fait, dass et och nëmmen eng Relioun gëtt. Dass d'Relioun eng ass. Et war dës Wourecht déi ganz am Ufank, a während deene leschten honnert

¹ One Common Faith, Foreward, BIC, 2005

Joer, den interreliéisene Dialog ugereegt huet. Et geet guer net drëm fir d'Gültigkeet vun iergendenger vun de groussen offenbaarte Glawen ze bezweiwelen. De Prinzip, dass Gott een ass an dass d'Relioun eng ass, huet d'Kapazitéit fir dass d'Reliounen hir Relevanz weider behalen. Awer dofir muss een och am Kär vum reliésene Discours dës Realitéit akzeptéieren an unerkennen.

Wéi 2002 dës Bréif un déi reliés Leadere vun der Welt verdeelt gouf, war den Echo am allgemenge gutt. Vill vun hinne ware ganz eierlech a verzweiwelt well si gesinn dass déi reliés Institutiounen et net fäerdegbruecht hunn der Mënschheet ze hëllefen. Hëllef mat Erausforderungen déi an hirer wesentlecher Natur geeschteg a moralesch sinn. Diskussiounen hu sech mat der Noutwendegkeet befaasst dass fundamental Ännerungen néideg sinn, an dat an der Manéier wéi déi Gleeweg mateneen ëmginn, wéi si zuenee stinn. Den héchste Bahá'í Gremium hofft, dass hir Initiativ vun dësem opene Bréif un déi reliés Leaderen als e Katalisator déngen wäert, fir sou de Wee opzemaachen zu engem neie Verständnes iwwer den Zweck vun der Relioun.

Bahá'í iwwerall op der Welt hunn hir Verantwortung fir de Message vu Bahá'u'lláh mat aneren ze deelen. Awer den ëmmer méi séieren Zerfall vun der sozialer Uerdnung verlaangt verzweiwelt duerno dass de reliése Geescht nees kapabel gëtt en Afloss ze hunn deen heele kann.

Fir dësem Besoin entgéintzekommen, ass et wichteg de Prozess ze verstoen, duerch deen d'geeschtegt Liewe vun der Mënschheet sech entwéckelt. D'Schrëfte vu Bahá'u'lláh ginn eis Asiichten déi eis hëllefen Diskussiounen iwwer Reliéis Themen ze féieren. „*Reliése Fanatismus an Haass*,“ warnt Bahá'u'lláh, „*sinn e Feier, déi d'Welt verschléckt, an eng Gewalt déi net ka geläscht ginn. D'Hand vun der göttlecher Muecht aleng, kann d'Mënschheet vun dëser uerger Affliktioun befreien. ...*“

D'Erausforderunge vun eiser Zäit verlaangen dass mir eis Froe stellen an zesumme Léisunge fannen. Iwwerall ginn et Leit déi domat ufänken, egal wéi eng Relioun se hunn an och wa si keng reliés Neigung hunn.

Souwäit dës Aféierung zu engem neien Dokument: *One Common Faith – Ee gemeinsame Glawen*, iwwer dat mir an eisen nächsten Emissiounen nach méi wäerte schwätzen. Iech Radio ARA Nolauschterer en erhuelen Weekend.

272 Buchvirstellung: D'Duechter vun engem Prophet

Sendung 272, 22ten an 23te Juli 2005. Léif Radio ARA Nolauschterer. Ech si frou iech haut kënnen en neit Buch virstellen. Et ass op Englesch an heescht: *Prophet's Daughter, a story of an exceptional woman*. Den Auteur vum Buch ass Dr. Janet Khan a si erzielt d'Geschicht vun der Bahiyyih Khanum, der Duechter vu Bahá'u'lláh, Begrënner vum Bahá'í Glawen. Si huet vun 1846 bis 1932 geléift a si krut d'Haaptverantwortung iwwer d'Administratioun vun enger onofhängeger Weltrelioun, an dat an enger kruzialer Zäit an der Entwécklung vun der jénkster Weltrelioun, dem Bahá'í Glawen. D'Buch beschreift d'Liewe vun der Duechter vu Bahá'u'lláh a gouf fir d'éischt op der BookExpo Amerika zu New York am Juni presentéiert.

D'Buch beschreift alles dat wat d'Bahiyyih Khanum erreecht huet an hir aussergewöhnlech Fäegkeet mat Schwierigkeeten eens ze ginn. D'Buch gëtt all deenen Encouragement an Hoffnung, déi sech Gedanke maachen op d'Mënschheet et fäerdeg bréngt Ignoranz, Virurteeler a Repressioun ze bekämpfen. D'Autorin ass Member vum Département de Recherche am Bahá'í Weltzentrum zu Haifa, Israel. Si huet en Doktorat an der Berodung an zesumme mat hirem Mamm den Dr Peter Khan hu si 1998 e Buch geschriwwen mam Titel: *The Advancement of Women: Eng Bahá'í Perspektiv*.

Dëst Buch, „*d'Duechter vum Prophet*“, analyséiert déi wesentlech Roll, déi d'Bahiyyih Khanum an der Entwécklung vum Glawe senger administrativer Struktur gespillt huet an d'Ervirtieden als e weltwäite Glawen. „*An der Mëtt vum 19te Jorhonnert an Ufanks dem 20te Jorhonnert, wéi d'Fraen aus dem mëttleren Osten gréisstendeels onsiichtbar waren, un d'Heem gebonnen, ouni iergendeng Erzéiung a soziale Status, war d'Bahiyyih Khanum aktiv an den dramatesche Jore vum Bahá'í Glawen*“ sot Dr. Janet Khan.

D'Buch illustréiert wéi si kulturell Restriktiounen vun hirer Zäit iwwerwonnen huet. Als Kand schon huet si mat hirer Famill gelidden, wéi d'Autoritéiten a Persien hir d'Heem mat all hirem Besëtz konfiskéiert hunn, a si zum Schluss an den Exil geschéckt hunn, an Akko, am hellege Land. Hir Roll an der fréier Geschicht vum Bahá'í Glawen war anescht zu verschidden Zäiten. Et ass kloer dass si schon an hirer Kandheet e Verständnis vun hirem Papp sengem Status hat an där neier reliéisere Offenbarung déi hie bruecht huet.

Bahá'u'lláh ass 1892 verscheet an huet Säin eelste Jong, 'Abdu'l-Bahá als Säin Nofolger ernannt. Tëschen 1911 an 1913, wéi 'Abdu'l-Bahá an Europa an Amerika gereest ass, huet Hie Senger Schwëster, déi du Mëtt fofzeg war, d'Verantwortunge vun der deeglecher Administratioun vum Glawen uvertraut.

Während hire Brudder fort war, huet d'Bahiyyih Khanum sech ëm Dignitäre an héich Gäscht bekëmmert, huet sech mat de Bahá'í Pilger getraff an huet sech ëm d'Affäre vun der grousser Famill vun 'Abdu'l-Bahá bekëmmert. Wéi hire Brudder huet si den Aarme gehollef an de Kranke medezinesch Fleeg ginn.

Eng aner bedeitend Phase an hirem Liewe kouw nom Doud vun 'Abdu'l-Bahá, 1921. A Sengem Wëllen an Testament, huet 'Abdu'l-Bahá Säin eelstent Enkelkand Shoghi Effendi als Nofolger a Chef vum Glawen ernannt, mam Titel *Hidder*.

Hien hat eréischt 24 Joer a war schockéiert vum plötzlechen Doud vu sengem Grousspapp a war sech senger schwéierer Aarbecht bewosst. Fir sech op dës onerwaart Verantwortung virzebereeden huet hien déi nächst dräi Joer während laange Perioden seng Zäit mat Kontemplatioun, Gebiet a Plangen an der Schwäiz verbruecht. An där Zäit huet hien dem Bahiyyih Khanum d'Aufgab ginn, sech ëm d'Bahá'í Gemeng ze këmmern.

Dat huet geheescht dass fir d'éischte Kéier an der Geschicht eng Frau ernannt gouf fir d'Affairë vun enger Weltreligioun ze leeden. A Shoghi Effendi hat d'Vertrauen dass d'Bahiyyih Khanum dës Aufgab mat Erfolleg iwwerhuele géif. Si hat déi néideg Kompetenzen a Charakterqualitéiten fir dat ze maachen. Si hat eng Visioun wéi de Glawe sech entwéckele géif, well si d'administratiivt Uerder vu Bahá'u'lláh verstanen hat.

Duerch hir Korrespondenz mat Bahá'í Gemengen weltwäit huet si den Iwwergangsprozess tëschent dem Hirscheede vun 'Abdu'l-Bahá, der Nofolleg vu Shoghi Effendi als Chef vum Glawen an de Wale vun de geeschtege Réit erliichtert. Si hat net nëmmen eng héich raffinéiert Geeschtegkeet, mee si war och eng Fra mat vill Stäerkt an engem Sënn fir dat Praktesch. Si war e Prisonéier mat sechs Joer, awer ëmmer optimisteschesch an huet déi aner ermuddegt, ëmmer op d'Aktioun ausgeriicht. Eng Frau déi ëmmer no vir gekuckt huet.

„D'Buch wëllt déi Aspekter vun hir analyséieren, déi fir eis elo nach weider eng Relevanz hunn, fir Mann a Fra, an net nëmmen elo mee och an der Zukunft“ sot d'Dr. Khan. Dir kritt d'Buch *Prophet's Daughter* am Bicherbuttek oder iwwer Amazon.

273 La parole cachée – Dat verstoppte Wuert – La tribu des malakoum

Sendung 273, 29ten an 30te Juli 2005. Léif Radio ARA Nolauschterer, leschte Weekend war eng Trupp vun zéng jonke Leit mat hirem Coach de Bernard Rochas fir dräi Owenter am Art Café am Haff vum Kapuzinertheater. Sechsmol hu si hiert Stéck: *La parole cachée* virun engem interesséierten a begeeschterte Publikum virgedroen. D'Theaterstéck dréit sech ëm Gewalt, Krich, Exklusiv, Aarmut, Verknaschtung a Korrumpioun. Wann d'Stéck sech och an enger biblescher Zäit ofspilt, hunn d'Zäite sech net vill geännert. Wéi kann een déi mënschlech Séil verstoen. Mat all dëse Schwieregkeeten, kommen och hei am Stéck Leit zur Geltung, déi sech géint dës Ongerechtegkeet wieren, déi eppes wëlle maachen, an dobäi och hiert Liewe kënnen verléieren. Si setzen sech a fir Gerechtegkeet, Eenheet, Léift a Fridden. An dëser Fabel sangen d'Akteuren och. Et si Gesäng vun Hoffnung, dass enges Dags eng Erliichtung kënnt. Schued dass ee vun de Lidder op Esperanto ass, an do versteet een näischt. En Ufank vun enger Léisung vun eisen haitege Problemer gesäit een an de Gesichter vun dëse Jugendlechen aus Frankräich, déi eis selwer nees Hoffnung ginn an eng besser Welt. Et sinn dat keng Utopien, mee konkret Léisungsvirschléi, déi mir an eis selwer fir d'éischt fannen, Qualitéiten an Dugenden, wéi Eierlechkeet, Frëndlechkeet an Hëllefsbereitschaft. Et sinn d'Bahá'í Schrëften, déi si inspiréiert hunn an déi een och oft am Stéck héiert.

Hei e puer Passagen aus dem Stéck selwer: „*Hei ass Mäin éischte Rot: Dass Du e réngt, guttmiddegt a stralent Häerz hues, sou dass du onvergänglich Herrlechkeet kriss, onzerstéierbar an éiweg.*“

Akteur: „*Well et ass am Häerz vu jidderengem wou een d'Häerz vun der Welt fënnt, ... an et ass an dëser renger Äerd wou een d'Käere vum Wëssen an der Wäisheet planze muss.*“

Scène Sechs: „*Wësst dir net firwat mir iech alleguer aus dem selwechte Stëbs erschaf hunn? Et ass fir dass kee sech soll iwwer deen aneren erhiewen.*“ „*Well Mir hunn iech alleguer aus der selwechter Substanz erschaf, ass et un iech, wéi eng eenzeg Séil ze sinn, mam selwechte Schrëtt ze goen, aus engem Mond ze iessen an op der selwechter Äerd ze wunnen, fir dass am Wiese vun iech selwer, duerch dat wat der maacht an duerch är Wierker, dir kënnt d'Zeeche vun der Eenheet an d'Essenz vun der Lassléisung bezeien. Dat ass de Rot deen ech iech ginn, ...*“¹

D'Theaterstéck hält dann domadder op, dass déi Jugendlech kuerz erzielen, wat fir si wesentlech ass, fir eng besser Welt ze schafen: dass all Mënsch nobel a räich erschaf ginn ass, dass a jidderengem Fäegkeeten a Kapazitéite leien, dass wierklecht Gléck an Zefriddenheet an der Entwécklung vu senger Fäegkeeten an am Dëngscht u sengem Nächsteläit, an dass d'Äerd nëmmen ee Land ass an all Mënschen d'Bierger vun deem Land sinn.

Souwäit zum Stéck selwer. Vläch awer nach méi wichteg war d'Virbereedung zu dësen Opféierungen. Déi zéng Jugendlecher hunn eng Woch laang zesummen dru geschafft, vu moies bis owes. An do léiert ee vill bäi, wéi zum Beispill mat aneren zesummeschaffen, déi aner respektéieren a seng Gedold net verléieren. No all Opféierung gouf

¹ Bahá'u'lláh, Déi Verbuerge Wierder vu Bahá'u'lláh, 2008

et ëmmer eng Zäit fir Feedback ze ginn, wa méiglech am positive Sënn, eng Zäit vu jidderee sech konnt ausschwätzen a seng Gefiller deelen.

E grouse Merci un de Coach, deen de Scénario an d'Mise en scène gemaach huet, de Bernard Rochas, d'Jugendlech déi hiert Beschit ginn hunn, den Art Café, an d'Bahá'í Gemeng aus der Stad, déi dëse Weekend hei an der Stad organiséiert hunn.

274 De Wäert vu Geschichten

Sendung 274, 5ten a 6ten August 2005. Léif Radio ARA Nolauschterer, fir unzeefänken eng kleng Geschicht. *D'Wourecht geet bei d'Leit un d'Diere klappen, awer si kritt net opgemaach. D'Leit wëllen d'Wourecht sou direkt net héieren. Dunn iwwerleet d'Wourecht a freet sech: Wat kann ech maachen, fir dass d'Leit mir nolauschteren. A scho kënnt eng Iddi. D'Wourecht verstoppt sech, verkleed sech an eng Geschicht. An dës Kéier, wann d'Wourecht un d'Diere klappt, seet si de Leit si hätt eng Geschicht fir si. Kann si hir Geschicht verzielen. An déi allermeeschte Leit wëlle gär eng Geschicht héieren.*

Am Bahá'í Glawen hu mir eng Onmass vu Geschichten, sief et fir e geeschtege Prinzip ze erklären, Geschichte fir Kanner fir eng Wourecht ze erklären, Geschichten aus dem Liewe vu Bahá'u'lláh, 'Abdu'l-Bahá, Shoghi Effendi, déi ganz kloer weisen, wéi si hiert Liewe gelieft hunn. Geschichte si wéi eng Illustratioun vun enger Wierklechkeet. Dozou dëse Sproch aus Persien: „Bei engem gudde Riedner fänken d'Nolauschterer u mat den Oueren ze gesinn.“

Eng wonnerbar Quell vu Geschichten ass en neit Buch vum Kambiz Poostchi: *Goldene Äpfel, Spiegelbilder des Lebens, Lehrreiche und humorvolle Geschichten, Weisheiten und Aphorismen aus aller Welt für Alltag, Beruf und Training*. Am Buch vum Nossrat Peseschkian am Fischer Verlag fënnt een orientalesch Geschichten, déi hien a sengem Beruff als Psychotherapeut benotzt. Hien ass iwweregens de Begrënner vun der Positiver Psychotherapie. Da gëtt et e Buch vum Anthony de Mello, *Wo das Glück zu finden ist, Weisheitsgeschichten für jeden Tag*, am Herder Verlag. A speziell fir d'Kanner gëtt et d'Buch 5 vum Ruhi Institut, wou een drësseg Lektioenen huet. All Lektiooun huet eng Geschicht an zousätzlech Material wéi ee mat de Kanner kann d'Geschichten als Theaterstéck spillen.

Hei elo eng kleng Geschicht aus der Zen-Traditioun: *Déi voll Taass! „Eng Kéier gouf e Meeschter no dem Wee vun der Wourecht gefrot. Mee an statt dem Rot vum Meeschter nozelauschteren, war de Visiteur déi ganzen Zäit domat beschäftegt, vu senge Suergen a Schwierigkeeten ze erzielen. Du koum d'Zäit fir eng Taass Téi ze drénken, an de Meeschter huet ugefaangen erauszuschëdden. Hien huet dem Visiteur d'Taass bis zum Rand vollgeschott, a wär him de Visiteur net an den Arm gefall, hätt hie weidergefuert, erauszuschëdden. „Meeschter, wat maacht dir dann nëmme“, freet de Visiteur verwonnert, „gesitt dir dann net, dass d'Taass scho ganz voll ass?“, „Jo, si ass voll“, seet de Meeschter, „an och du bass bis zum Rand vollgeschott mat dengen eegene Gedanken a Virstellungen. Wéi soll ech dir Wäisheet ginn, wann s du mir keng eidel Taass gëss?“*

Bahá'u'lláh schreift zu dësem Thema am Buch Ährenlese: „*Wéi grouss sinn d'Wourechten, déi d'Kleed vun de Wierder ni faasse kann! Wéi grouss d'Zuel vun deene Wourechten, déi keen Ausdrock treffend beschreiwe kann, deren hire Sënn ni enthüllt ka ginn, an déi net am entfernteste kënne ugedeit ginn! Wéi mannegfalteg sinn d'Wourechten, déi onausgeschwat bleiwe mussen, bis déi festgesate Zäit komm ass! Sou ass gesot: Net alles wat e Mënsch weess, kann enthüllt ginn, als zäitgeméiss ugesi ginn, nach kann all zäitgeméiss Äusserung als tauglich fir d'Faassungskraaft vun deem deen et héiert, eruecht ginn.*“

„Wie groß ist die Menge der Wahrheiten, die das Gewand der Worte nie fassen kann! Wie groß die Zahl jener Wahrheiten, die kein Ausdruck treffend beschreiben kann, deren Sinn nie enthüllt und die nicht im entferntesten angedeutet werden können! Wie mannigfaltig sind die Wahrheiten, die unausgesprochen bleiben müssen, bis die festgesetzte Zeit gekommen ist! So ist gesagt: Nicht alles, was ein Mensch weiß, kann enthüllt werden, noch kann alles, was er enthüllen kann, als zeitgemäß angesehen werden, noch kann jede zeitgemäße Äußerung als tauglich für die Fassungskraft der Hörer erachtet werden.“¹

Even as it hath been said: "Not everything that a man knoweth can be disclosed, nor can everything that he can disclose be regarded as timely, nor can every timely utterance be considered as suited to the capacity of those who hear it."²

275 Konscht am Bahá'í Glawen

Sendung 275, 12ten an 13ten August 2005. Léif Radio ARA Nolauschterer, Déi 13t Bahá'í Konschtakademie zu Sidcot bei Bristol an England hat dëst Joer iwwer 250 Aschreiwungen, mat méi wéi 15 Méiglechkeeten, sech

¹ Bahá'u'lláh, Ährenlese

² Bahá'u'lláh, Gleanings from the Writings of Bahá'u'lláh, p. 176

kënschtlerech auszedrécken, sief et duerch d'Sangen, Molen, Skulptur, Perkussioun oder Theater, an dat fir all Alter vu 5 bis 105. Fir eis war et déi éischte Kéier, dass mir matgemaach hunn, an de Programm huet eis wierklech gutt gefall. De Kader vun der Schoul war herrlech, eng 15km vu Bristol an der englescher Landschaft net wäit ewech vun Cheddar a Wells, der klengster Stad an England.

D'Philosophie vun der Akademie baséiert op enger Zitatioun vu Bahá'u'lláh. Hie schreift: „*Den Zweck vun dem engen, wierkleche Gott ... - dee sech der Mënschheet offenbaart – ass deen, fir déi Eedelsteng ervirzebréngen, déi verstoppt leien an der Minn vun hirem wierklechen an ënnerem Wiesen.*“¹

An der Brochure liest ee weider: „*Mir gleewen dass jiddereen, ouni Exceptioun verstoppten Talenter huet. Mir beméien eis an der Akademie iech d'Méiglechkeet an d'Mëttelen ze ginn, dës Talenter ze entdecken a se ze poléieren.*“ Et ass egal op een e Student ass dee seng Diamanten entdeckt oder op e se scho geschlaff a poléiert huet, et ass een akzeptéiert a respektéiert mat deem wat ee grad huet. D'Akademie wëllt Excellence encouragéieren, si wëllt spirituell beräichernd sinn, kënschtlerech eng Erausfuerderung a perséinlech nahrhaft sinn.

D'Akademie dauert eng Woch. Moies geet et u mat engem *Morning Focus*. Jiddereen ass zesummen fir eng kuerz Zäit vu Meditatioun a Gebieder an e bësse Moies sport. Da fänken déi éischt zwou Stonne Cours un an nom Mëttesiessen ginn et nach eng Kéier zwou Stonne Cours. Owes nom Iessen gëtt et ëmmer e gemeinsame Programm, sief et Karaoke, en Talentowend, eng kënschtlerech Presentatioun oder e Film. Dee leschten Owend weist all Grupp wat se während der Woch gemaach hunn. Wann dir méi iwwer déi nächst Konschtakademie wësse wëllt, da mellst iech bei mir um Radio ARA, dem 22 22 89.

Nach e puer Wuert zum Thema Konscht am Bahá'í Glawen. 160 Joer no der Gebuert vum Bahá'í Glawe kann een nach net vu Bahá'í Konscht schwätzen. Et fënnt een awer an de Bahá'í Schrëften Ureegungen an Texter déi ganz kloer soen, wéi wichteg Konscht am Liewe vu jiddereen ass. An enger Zesummestellung iwwer d'Konscht liese mir dass d'Handwierk mam Gebiet gläichgestallt ass.² „... *an all Konscht a Fäegkeet huet Gott déi héchste Perfektioun gär*“³

D'Bahá'í Schrëften encouragéiere jiddereen, mat Konscht a Literatur de Geescht an d'Léiere vum Bahá'í Glawen op der Bühn duerstellen. Konscht bréngt et besser fäerdeg nobel Gefiller ze erwächen. ... All Relioun huet eng Form vu Konscht erschaf, loosse mir gesinn wat dës Glawe wäert fäerdeg bréngen.⁴

An der Erzéiung gëtt ëmmer nees Wäert drop geluecht, dass d'Kanner sech an hirem Liewen eppes zouwidmen wat vu gréisster Wichtigkeet ass an dass si sollen déi Saache studéieren, déi der Mënschheet vun Notze sinn.⁵ De Bahá'í Glawen ermuddegt jiddereen a besonnesch Kënschtler hiert Talent sou anzesetzen, dass et der Mënschheet hëllef kann.⁶

276 Weltjugenddag

Sendung 276, 19ten an 20ten August 2005. Léif Radio ARA Nolauschterer, 1985 hunn d'Veereenten Natiounen als Joer vun der Jugend erkläert. De Poopst huet deemools e Jugendtreffen zu Roum organiséiert an iwwer 250.000 Jugendleche koumen. D'Haaptuleies vun de Weltjugenddeeg ass et, de Jugendlechen d'Aufgab ze vermëttelen, eng Welt vun der Wourecht, der Solidaritéit, dem Friden an der Léift ze bauen. Dëser Deeg war den neie Poopst zu Köln fir de Jugenddag 2005 a Bahá'í Jugendlecher waren och vertrueden. Am Rautenstrauch-Joest Museum zu Köln kann een d'Ausstellung: *Eine Frage des Glaubens. Religiöse Vielfalt in Köln*, bis den 2ten Oktober gesinn. Wéi kann ee Glawen ausstellen? Mat dëser Fro hu sech 25 Ethnologiestudentinne vun der Uni Köln beschäftegt. D'Resultat kënnt dir am Musee gesinn.

Haut e Jugendlechen ze sinn ass a villen Hisiichten eng wierklech Erausfuerderung. D'Etapp vun der Jugend ass déi tëschent der Kandheet an dem Erwuessesinn. Wichteg Entscheedunge fir d'spéidert Liewe solle geholl ginn. Wéi eng Studien? Wat wëll ech léieren? Wéi eng Visioun hunn ech fir d'Zukunft. Als Jugendleche wëllt ee sech seng eege Gedanke maachen, an heiansdo stinn d'Elteren am Wee. Et ass déi Zäit am Liewe wou ee säi Wee sicht, seng

1 L'intention du seul vrai Dieu (exaltée sois sa gloire!) en se révélant aux hommes est de mettre au jour les perles enfouies dans la mine de leur être intime et essentiel. Wenn der eine, wahre Gott - gepriesen sei seine Herrlichkeit - sich den Menschen offenbart, verfolgt Er das Ziel, die Edelsteine ans Licht zu bringen, die in den Gesteinsadern ihres wahren inneren Selbstes verborgen liegen. The purpose of the one true God ... in revealing Himself unto men, is to lay bare those gems that lie hidden within the mine of their true and inmost selves. Gleanings, 132 Bahá'u'lláh

2 P.1, Volume 1, Compilation of Compilations, Bahá'u'lláh

3 P.2 Volume 1, Compilation of Compilations, Bahá'u'lláh

4 P.7 Volume 1, Compilation of Compilations

5 'Abdu'l-Bahá: Compilation of Compilations, P.6 Volume 1,

6 „Wenn Sie echtes Talent zum Schreiben besitzen, dann sollten Sie es als eine Gabe Gottes ansehen und sich darum bemühen, es zur Besserung der Gesellschaft einzusetzen“ ITC, 2001 Nov 5, Gebrauch der Kuenste

Kollegen, seng éischt Léift, wou ee vun alle Säiten gezunn a gerappt gött. Et ass déi Zäit wou engem alles méiglech schénkt, all Dieren opstinn. Eng wonnerbar Zäit fir säi Glawen ze fannen a sech mat Kapp a Séil dofir anzesetzen. D'Jugendlech vun haut kënne fir eis alleguer e Beispill si vun engem gudde Charakter, vu Frëndlechkeet, Héiflechkeet an engem freedegen Optimissem.

Wat awer elo nach fir de Jugendleche vun haut als extra Erausforderung dabei kënnt ass d'Zäit an där mir elo liewen. Eng Zäit voll mat Schwierigkeeten a souville Méiglechkeeten. Eng Zäit an der Evolutioun vun der Mënschheet déi voll Turbulenzen ass. Wat sinn haut moralesch Wäerter, un déi mir eis hale kënne. Weem soll ee gleewen? Eng Onmass vu politeschen Iwwerzeugungen, vu Reliounen an Organisatiounen, déi sou verschidden Opfaassungen hunn. Jidderee wëllt fräi sinn, ouni genee ze wëssen wat dat dann heescht. Also ass eis haiteg Gesellschaft an enger Zäit déi een als Jugend bezeichne kann.

D'Bahá'í Schrëfte si voll mat Theme fir déi Jugendlech, an déi wichteg Roll déi d'Jugendlech haut an eiser Gesellschaft hunn. D'Gebiet an d'Meditatioun sollen net vergiess ginn. 'Abdu'l-Bahá schreift dat heiten zu dësem Thema: „*Duerch d'Fäegkeet vun der Meditatioun kritt de Mënsch éiweg Liewen, ... De Geescht vum Mënsch kritt Kenntniss an nei Kraaft duerch d'Meditatioun. Duerch d'Meditatioun gi Saache viru sengen Aen ausgebreit, vun deenen hien näischt woosst. Duerch d'Meditatioun kritt hien himmlesch Nahrung. ... Meditatioun ass de Schlëssel zu den Dieren vun de Geheimnissen. An dësem Zoustand léisst sech de Mënsch vu sech selwer; hien zitt sech an dësem Zoustand zrëck vun allem vun der Welt ... D'Fäegkeet vum Mediteiere mécht de Mënsch fräi vu senger déierescher Natur, léisst hien d'Wierklechkeet vun de Saachen kloer gesinn a bréngt hien a Verbindung mat Gott. Dës Fäegkeet bréngt Kënschten a Wëssenschaften aus dem Beräich vum Onsiichtbaren ervir*“.¹

Wat Jugendlech sécher ganz gutt kënne, ass eis unzestieche mat engem Enthusiasmus fir d'Liewen..

Weider liese mir an de Bahá'í Schrëften: „*Wat déi Jugendlech ka virun der Gefor vum Materialissem retten, ass d'Kraaft vun engem éierleche, konstruktivem a liewege Glawen, sou wéi deen der Welt vu Bahá'u'lláh offenbaart gouf. Wéi fréier ass Relioun nach ëmmer der Welt hir eenzeg Hoffnung. ... Wann eng wierklech Relioun kombinéiert ass mat wierklecher Ethik, gött moralesche Fortschrëtt eng Méiglechkeet an net einfach en Ideal*“.²

277 Buchvirstellung: Psychology of Spirituality

Sendung 277, 26ten an 27ten August 2005. Léif Radio ARA Nolauschterer, *The Psychology of Spirituality, d'Psychologie vun der Spiritualitéit*, ass den Titel vum Buch wat ech iech haut kuerz virstellen. Geschriwwen vum Dr. Danesh, en internationale Beroder mat iwwer drësseg Joer Erfahrung am Beräich vun der Psychiatrie an der Familljemedezin, Gemengenentwécklung, Ethik a Weltuerderstudien. Seng Recherchen an Expertise leien am Beräich vun der Gewalt a Roserei, Hochzäit a Famill, dem Doud an dem Stierwen, der Berodung an der Konfliktresolutioun.³

D'Buch ass fir déi geduecht déi schwéier Froe stellen: Wat ass d'Natur vun der mënschlecher Realitéit? Wat ass de Sënn vum mënschleche Liewen? Wat ass Léift? Wat ass Realitéit? Wat ass d'Geheimnis vum Gléck? Hu mir e fräie Wëllen? Wier et méiglech dass eise Wunsch no Guttheet net einfach eise Versuch ass eis schlecht Natur ze verstoppen? Ass et méiglech dass eis Unzéiung no engem Gott net einfach an eise Kannerängscheit läit an an eisem Besoin no enger Autoritéitsfigur?

Zum Thema Léift schreift den Dr. Danesh dass et e ganze Koup vun Onuerdnunge vu Léift ginn, sou zum Beispill well eng Persoun a senger ganzer Maturatioun hannendran ass, do wou d'Kapazitéit fir gären ze hunn net richtig entwéckelt ass. Ënner gesonden Ëmstänn geet d'Léift duerch eng Rei vun Etappen a wiesst dobäi. Et fänkt un mat enger Léift déi op sech selwer gerichtet ass, da kommen Etappe vu kompetitiver Léift an Etappe vu kooperativer Léift, fir zum Schluss op engem Niveau vu Léift ouni Konditiounen ze kommen.

Kucke mir eis e bësse méi genee déi véier Etappe vun der Entwécklung vun der Léift un:

D'Léift déi op sech selwer gerichtet ass. Den Einzelne huet gär fir sech an aneren ze beweisen dass hie ka gären hunn. D'Léift geet an eng Direktioun, entweder virun allem dass si gött oder dass si kritt a mat wéineg Geschéck fir béid ze maachen. Dës Aart vu Léift ass nëmme an der Kandheet gesond.

Kompetitiv Léift fënnt een zum Beispill bei engem Gebuertsdag, wou ee probéiert der Gebuertsdagspersoun méi Léift ze ginn. Den Einzelnen, an der kompetitiver Léift huet aner gär fir sech selwer ze beweisen dass hie kapabel ass méi Léift ze ginn wéi aner Leit. Dës Form vu Léift fënnt ee virun allem an de Bezéiunge vu Jugendlechen.

¹ 'Abdu'l-Bahá über die Macht des Gebets, S.17 Meditationen für Jugendliche

² Youth, Compilation of Compilations, Vol II, 2263

³ Psychology of spirituality, H.B. Danesh, M.D., isbn 1-895456-05-03 Nine Pines Publishing

An der kooperativer Léift huet deen Eenzelnen aner gär fir säi Besoin ze erfëllen fir gären ze hunn a Léift ze kréien. D'Relatioun an der Léift ass kooperativ, an déi, déi sech gär hunn, deelen, gi matt a kréien an erlaben deem anere Léift ze ginn an ze kréien. Dës Zort vu Léift gëtt vun den allermeeschten Erwuessene gebraucht, virun allem am Kader vum Bestietness an der Frëndschaft.

Déi lescht Etapp an der Entwécklung vun der Léift ass déi ouni Konditiounen. Déi Eenzel hunn aner gär genee sou wéi d'Sonn iwwerall schénkt. Den Eenzelnen huet d'ganz Mënschheet gär. Dës Zort vu Léift ass am meeschten avancéiert. Et fënnt een se am Liewe vun de Propheten, Helleger an déi Mënschen, déi fräi si vu Virurteeler an déi keen ausschléissen.

D'Buch hält op mat engem schéinen Text deen engem hëlleft um Wee fir e spirituelle Lifestyle. De Passage ass aus de Bahá'í Schrëften :

„Am Gléck géff mat an am Ongléck sief dankbar. Sief d'Vetraue vun dengem Noper wäert, a kuck op hie mat hellen a frëndlechen Aen. Sief e Schatz fir deen Aarmen, eng Äntwert op deen, deen no Hëllef jätzt an hal däi Versprieche helleg. Sief gerecht an dengem Urteel a géff Uecht wann s de schwätz. Sief ongerecht zu kengem Mënsch, a géi mat jidderengem duuss ëm. Sief wéi eng Luucht fir déi, déi an der Däischtert ginn, eng Freed fir deen dee Misär huet, e Mier fir den Duuschteregen, e Beschützer fir dee Bedrängten, eng Stäip an e Verdedeger fir d'Affer vun Ënnerdrückung. Dass alles dat, wat s de méchs, sech duerch Integritéit an Oprichtegkeet auszeechent. Sief en Heem fir de Friemen, e Balsam fir deen dee leid, dem Flüchtling e staarken Tuerm. Sief d'Ae fir de Blannen an eng Luucht déi féiert fir deen, deen de Wee net weess. ...“¹

278 Fridden un déi ee gleeft

Sendung 278, 2ten an 3te September 2005. Léif Radio ARA Nolauschterer, an der Spezialnummer vun der Geozäitschrëft am September liest een als Titel: *Dës Fridden, un déi ee gleewe kann*. Um Titelbild gesäit een d'Äerd an uewendrop eng Dauf, déi amgang ass sech op hir néierzeloossen. Erfreelech an erfrëschend ze liesen an och ze kucken, mat all de Fotoen uechter d'Welt. Am Editorial liest een dass wann och d'Konflikter eng grouss Plaz an der Landschaft vun eiser Informatioun anhuelen, gëtt et awer och Weeër aus de Krisen a Kricher, déi Hoffnunge mat sech droen. An déi sinn net erfionnt. Sou zum Beispill engagéiere sech d'Rebelle vun Atjeh an Indonesien op engem Wee vu Fridden, an dat no drësseg Joer Konflikter; an Irland mécht d'IRA Schluss mam bewaffnete Kampf, an dat no drësseg Joer. An esou fënnt een aner Artikelen iwwer d'Friddensprozesser weltwäit. Sou fënnt een och e Poster mat all de Nobelpräisgewënner fir de Fridden, an eng Weltkaart mam Titel: *La Planisphère de la paix en 2005*; déi eischt Weltkaart vum Fridden déi jee publizéiert ginn ass. Fir dese Fridden ze illustréieren, gouf eng gréng Faarf benotzt, Symbol vun der Hoffnung, mat Nuancen demno wéi laang d'Länner scho friddlech sinn. An iwwerraschenderweis, bréngen d'Majoritéit vun de Länner et fäerdeg, a Fridden ze liewen. Wéi kann ee Fridden op der Welt schafen? Op dës Fro fënnt een an der Zäitschrëft eng Rei vun Äntwerten. En Interview mam Mikhaïl Gorbatchev, Gewënner vum Friddensnobelpräis 1990 a Begrënner vun der ONG, d'internationaalt grénzt Kräiz. Dës ONG versicht Konflikter ze léisen déi mat der Ëmwelt zesummenhänken. D'Beispill vum Waasser ass impressionant. All Dag stierwen esou vill Mënschen duerch verschmotzend Waasser wéi wann 30 Boing 747 Fligere géingen eroffalen! Fir hien ass déi gréisste Prioritéit haut d'Erausfuerderung vun den ethnesche Problemer, de Respekt vun de Kulturen an de Reliounen, anescht gesot d'mënschlech Dignitéit.

Mat engem Photoreportage vum Dalai Lama, dee während dräi Joer uechter Welt gereest ass fir e Message vu Fridden ze bréngen, geet et weider am Geo. Hie schwätzt vun Toleranz an Opriichtegkeet. Fir hien ass déi deeglech Meditatioun de Schlëssel zum Fridden an eis selwer. Hien encouragéiert den Dialog tëschent all de Reliounen. Fir hien ass d'europäesch Unioun d'Demonstratioun dass eng solidaresch a friddlech Koexistenz tëschent de verschiddenen Natiounen a Vëlker méiglech ass. D'Mënsche sinn all d'Membere vun der selwechter globaler Famill. Am Dalai Lama fënnt een déi positiv Energie, seng waarm Stëmm, seng Virwëtzegkeet a seng Einfachheet. Fir hien ass et notwendeg sech vun alen Traditiounen ze léisen, déi haut kee Sënn méi hunn. Alles wat mir haut brauchen, ass déi gutt Qualitéit vum Häerz tëschent eis ze kultivéieren. A wann een hie fret wou dann dës Iwwerzeegungskraaft hierkënnt, dës kommunikatívt Vertrauen, seet hien dass et vun der deeglecher Meditatioun kënnt, dem ënnere Fridden. Awer Meditatioun heescht net einfach d'Aen zoumaachen a maache wéi wann, et geet ëm eng analytesch Meditatioun, wou een andauernd analyséiert, mat engem kale Kapp an engem offenen Häerz.

An da fënnt een e ganz interessant Klassement vun de Länner op der Welt, an zwar a wéi wäit si zum Fridde bäidroen. Lëtzebuerg ass do eent vun den zéng friddertegste Länner vun der Äerd. Un der Spëtzt vun den 150 UN-Memberlänner ass Island. Duerno kënnt Dänemark, d'Schwäiz, Irland, Norwegen, Holland, Finnland, Neuseeland, Schweden a Lëtzebuerg. Um Enn vun der Lëscht sti Syrien, Libyen, Iran, Haiti, Birma, Angola, Mauretanien, Libanon, den Irak an Djibouti. D'Fro ass déi heiten: Wéi bedeelegen sech d'Länner haut un der Konstruktioun vum

¹ Bahá'u'lláh

Fridden op eise Planéit? Zesummegeallt gouf dës Lëscht mat enger Datebank vum Groupe de recherche et d'information sur la paix et la sécurité zu Bréissel. Mat Hëllef vun 21 Kriterien an de Beräicher Sécherheet, Mënscherechter an Ëmwelt goufe fir all Land Punkte verginn.

An de Bahá'í Schrëfte liese mir: „*Dee Grousse Fridden, no deem d'Mënsche vu guddem Wëllen am Laf vun de Jorhonnerten esou staark verlaangert hunn, dee Proféiten an Dichter zënter ville Generatiounen an hire Visiounen beschriwwen an deem déi helleg Schrëfte vun der Mënschheet zënter je hier ugekënnegt hunn, ass fir d'Natiounen elo endlech gräifbar ginn. Fir d'éischt an der Geschicht huet haut jiddereen d'Méiglechkeet, dee ganze Planéit an déi Onmass vu Vëlker, déi op ëm liewen, an enger globaler Perspektiv ze gesinn. Weltfridden ass net méi nëmme méiglech, en ass onëmgängelech ginn. En ass déi nächst Etapp an eise Planéit senger Entwécklung*“, „*d'Planéitiséierung vun der Mënschheet*“, wéi e groussen Denker et ausdréckt.“¹

279 D'Welt an där mir liewen, Deel 1/2

Sendung 279, 9ten an 10te September 2005. Léif Radio ARA Nolauschterer. An de leschte fënnf Joer hu mir gesinn, wéi d'Welt sech a méi grouss Schwieeregkeete gehäit huet.² De Pessimissmus ass an d'Luucht gaang. Mënschen iwwerall fänken un ze verstoen, dass dat wat am Moment geschitt net einfach en Déif ass, dee séier wäert ewechgoen. Et ass eis Zivilisatioun déi a Gefor ass. Eppes Fundamentales ass amgaang ze geschéien; eng vun de groussen eisegen Ännerunge vun eiser mënschlecher Geschicht. Mir kënnen dës weltwäiten Zesummefall an dräi Kategorien andeelen:

Éischters e Broch am sozialen an der Gesellschaft. En Zesummefall vu Saachen déi mir bis elo ni a Fro gestallt hunn: d'Kriminalitéit hëlt zou, den Terrorissmus. D'Korruptioun an der Gesellschaft, an och an der Geschäftswelt an an der Regierung gëtt bal als normal akzeptéiert. An de Wonsch fir ëmmer méi wëllen ze hunn geréit ëmmer méi ausser Kontroll.

Zweetens gesi mir en Zesummebroch vun der Moral beim Einzelnen. Onéierlechkeet, Léien a sexual Promiskuitéit ginn akzeptéiert, an dat am Numm vun der perséinlecher Fréiheet.

Dem Iwwerflächlechen nogoen ass zu enger Drog ginn. D'Sprooch, den Ausdrock, de Vokabulär, Manéieren an d'Moud verléieren u Feinheit.

Drëtters erliewe mir en Opschwung vu rassischen, ethnischen Tendenzen. D'Tyranei vun der Majoritéit déi d'Rechter vun der Minoritéit ignoréiert. Dëst bréngt mat sech dass d'Minoritéiten, déi méi a méi bedréckt ginn, zum Haass zou neigen. Haass gëtt och a villen Deeler vun der Welt an de Schoule geléiert, an dat als en Deel, deem am Curriculum akzeptéiert gëtt.

Dës dräi Kategorien, den Zesummebroch am Sozialen, an der perséinlecher Moral an d'Zouhuele vu rassischen an ethnischen Tendenzen maachen zesummen e Kader an deem mir d'Welt kënne gesinn.

An de Bahá'í Schrëfte fanne mir och e Kader, mee e Kader deem op all deene Saache baséiert, déi mir brauche fir eng nei Welt ze bauen. D'Bahá'í Schrëfte verspriechen eis dass dës vun Transitioun zur Eenegung an Harmonie féiert, an dass Gerechtegkeet etabliert gëtt. Eis Zäit wäert d'Fundamenter vun enger Weltzivilisatioun schafen, déi honnerte vu Joer brauch fir sech ze entwéckelen. Wat ass eis Aufgab an deem Prozess? Aktiv sinn an elo d'Käre vun dëser neier Zivilisatioun séien. D'Bahá'í administratiivt Uerder ass déi embryonesch Form vun dëser Zivilisatioun; onvergläichbar a weltëmfassend. ... Dräi Aktivitéiten sinn et wou mir eis kënnen asetzen an déi d'Häerz vun enger ziviliséierter Liewensmanéier sinn: D'Gebiet an d'Meditatioun, d'Iwwermëttlung vu Wäerter fir eis zukünfte Generatiounen, dat heescht d'Kannerklassen, an d'Iwwermëttlung vun engem Wëssen dat der Gesellschaft déngt. Konkret sinn dat haut d'Studiekreesser.

Firwat ass Schéinheet am Bahá'í Glawe sou wichteg? An der Geschicht vun der Relioun vun der Welt, war et nëmme no der fester Etabléierung vun der Relioun wou mir d'Friichte vun der Schéinheet a groussen Expressiounen vu Schéinheet an der Konscht, der Musek an der Architektur gesinn hunn. Bahá'u'lláh hat grouss Plesier a Schéinheet, virun allem natierlech Schéinheet. Haut gesäit een den Ausdrock vun dëser Schéinheet un den Terrassen a Gäert an Israel iwwerall ronderëm déi historiesch Plazen déi mat der Bahá'í Geschicht zesummenhängen. Et ass dat en éischte Schratt um Wee zu enger zukünfteger Weltzivilisatioun, geprägt vu Schéinheet. Déi natierlech Schéinheet vun der Welt genee sou wéi all aner Forme vu Konscht wäerten an Zukunft héich geschätzt ginn. Et geet drëm, dës Visioun vu Schéinheet weiderzeverméttelen. An eiser nächster Emissioun gesi mir weider Aspekter vun der Visioun vun enger neier Zivilisatioun.

¹ Universaalt Haus vun der Gerechtegkeet, Verspriechen vum Weltfridden, 1985

² Notes on a Talk by Peter Khan, Massey Theatre, New Westminster, August 20th, 2005

280 D'Welt an där mir liewen, Deel 2/2

Sendung 280, 16ten an 17te September 2005. Léif Radio ARA Nolauschterer, an eiser leschter Emissioun hu mir gesinn wéi eng Problemer eis haiteg Welt huet; eis sozial Uerdnung, déi lues a lues zesummebrécht; d'Moral vum Eenzelnen, an där bal alles erlaabt ass, an dat am Numm vun der perséinlecher Fräiheet an d'Zouhuele vu rassischen an ethnische Streidereien an Ongerechtegkeeten.¹

D'Bahá'í Schrëfte weisen eis e Wee aus dëser Kris, dëser Welt déi krank ass, an déi Heelung brauch. D'Bahá'í sinn iwwerzeegt dass si de Som fir eng nei, gerecht Zivilisatioun séien. Wéi eng Käre sinn dat, déi d'Bahá'í iwwerall an der Welt séien?

D'Bahá'í Schrëfte si voll mat Texter iwwer den héije Stelleväert vum Eenzelnen. Eng Erzéiung déi de Mënsch als eppes Nobiles duerstellt, mat héije moralesche Wäerter, altruistesche a mam Zil, der Mënschheet en Dénkscht ze erweisen.

Um soziale Plang fanne mir d'Reegel vum Gesetz, Gerechtegkeet, an d'Fräiheet fir an engem gutt geplangte Kader handlen ze kënnen. Et geet drëms eng Visioun vun der Zukunft ze hunn, wou mir eis eens sinn. Et geet drëms eng Gesellschaft opzebauen wou Kooperatioun an Harmonie gefërdert ginn. An et geet drëms kreativ ze sinn; e kreative Geescht vu Changement deen et fäerdeg bréngt Relioun a Wëssenschaft zesummenzebréngen, eng Gesellschaft wou d'Ressourcë vun der Äerd sou benotzt ginn, dass si dauerhaft sinn an der Mënschheet vun Notze sinn. Wat ka jidderee maachen, fir un dësem Prozess vun enger neier Zivilisatioun matzeschaffen?

Fir d'éischt ass et néideg, Spiritualitéit, Geeschtegkeet, kloer ze beschreiwen, ze definéieren.

- Dat därzäitegt Verständnes vu Spiritualitéit ass onkloer.
- Mir brauchen en neit Konzept vu Spiritualitéit. An d'Liewe vun 'Abdu'l-Bahá, de Jong vum Begrënner vum Bahá'í Glawen ass dat beschte Beispill vu gelieferter Spiritualitéit.
- Mir müssen eis méi bewosst ginn dass geeschteg Kräfte an eisem Universum sinn.
- D'Wëssenschaft huet eis vill Wëssen iwwer déi physikalesch Kräfte vun eisem Universum ginn. Genee sou müsse mir elo eist Verständnes vun de geeschtege Kräfte an der Welt erweideren.
- Dës geeschteg Kräfte déi an eiser Welt schaffen, hu sech mam Komme vu Bahá'u'lláh verstärkt.
- Mir kënnen dës Kräfte zu eisem Notzen unzéien. Wéi? An deems mir de Bahá'í Schrëften nolauschteren, sou zum Beispill duerch d'Gebiet, d'Berodung an zesummen an Eenheet handlen.
- Demno wéi mir eis verhalen, hale mir dës Kräfte vun eis; sou zum Beispill wa mir schlecht iwwer aner Leit schwätzen a wa mir Kritik ausüben.
- Spiritualitéit ass net am Géigesaz zu enger geplangter, rationaler a systematescher Approche.
- Wat d'Gebiet ubelaangt, sou ass dat net eppes Natierlech am Mënsch. Et soll ugeléiert ginn, sou dass et eng Gewunnecht ginn. Dofir fanne mir am Bahá'í Glawen d'Flichtgebiet.
- Proppertéit a Raffinement zitt geeschteg Kräfte un; Raffinement an der Kleedung, an eise Manéieren, eisen Interessen a Fräizäitaktivitéiten.
- D'Entwécklung vu Spiritualitéit geet Hand an Hand mam Wëllen, säi Bescht ze ginn an der Konscht, dem Handwierk, dem Commerce an de Beruffer.

Flicht ass hautdesdaags e Wuert wat net méi gär gehéiert gëtt. An enger gerechter Zivilisatioun muss dëst Konzept nees méi eng grouss Bedeitung kréien.

Mir brauchen och besser zwëschemënschlech Bezéiungen wou d'Berodung eng vill méi grouss Roll spille wäert, an dat och an der Famill. Domat kritt d'Gemeng och nees en Zougehéieregkeetsgefill an e Gefill vu Verbondenheet an Eenheet. Et gëtt also vill an eiser Gesellschaft ze maachen. Loosse mir alleguer eng Hand upaken.

281 Internationalen Dag vum Fridden

Sendung 281, 23ten a 24te September 2005. Fridde léisst sech net dekreteieren, et ass e Prozess. Fridde brauch eng Transformatioun vun Häerzer a Geeschter déi Jorhonnerte vu Kricher a Gewalt staark mat der Iddi geprägt hunn dass de Mënsch e gewalttätigt Déier ass.

D'Zukunft vun der Welt hängkt vun eisem Wëllen of, sech wierklech wëllen z'änneren, vun eisem Wëllen, mat der Kultur vun der Gewalt opzehalen.

¹ Notes on a Talk by Peter Khan, Massey Theatre, New Westminster, August 20th, 2005

Mat dësem Objektiv am Kapp, hunn d'Veereenten Natiounen d'Jorzéngt 2000-2010 d'Jorzéngt vun der Erzéiung zum Fridden an der Non-Violence dekrétéiert, fir an dësem Jordausend eng Generatioun vum Fridden ze erzeien.

Un dësem Bau vum Fridden schaffen d'Bahá'í uechter d'Welt scho méi wéi 150 Joer. Si kréien hir Inspiratioun aus de Léiere vun hirem Glawen. Hei e klengen Extrait: „*Ech bieden iech, jiddere fir sech, all är Gedanken an äert Häerz op d'Léift an d'Eenheet ze riichten. Wann dir e Krichsgedanken hutt, widderstot him mat méi engem staarke Friddensgedanken. E Gedanke vun Haass muss zerstéiert ginn mat méi engem mächtege Gedanke vu Léift. Krichsgedanken zerstéieren all Harmonie, all Wuel, all Rou an all Zefriddenheet. Gedanke vu Léift schafe Bridderlechkeet, Fridden, Frëndschaft a Gléck.*“¹

Et kënnt ee mengen, dass dat wéi verréckt kléngt, wéi en Dram, wéi eng Utopie, mee et ass haut eppes wat jiddereen op der Welt sech vu ganzem Häerze wënscht.

„*Mengt net dass Weltfridden en Ideal ass, deen een onméiglech erreeche kann,*“ schreift 'Abdu'l-Bahá .

Fir Fridden ze schafen a fir dass de Fridden soll daueren, brauch ee Gerechtegkeet. Sech fir Fridden anzesetzen, ënner allen Ëmstänn, verlaangt Courage, e staarke Wëllen an e Glawen. De Glawen dass Fridden, Gottes Wëllen ass, an dass Hien eis wäert hëllefen an deem wat mir fir de Fridde maachen.

Wéi kënne mir um Fridde schaffen, wa mir net eist Bild vum Mënsch änneren, net e Mënsch dee wéi e gewalttätég Déier agéiert, mee e Mënsch dee vun Natur aus nobel ass, am Wiesen hir göttlech, aus der Léift vu Gott. E Mënsch an deen een d'Dugende an d'Schéinheet vu Gott erëmfënnt?

Bahá'u'lláh schreift: „*Ech wosst Meng Léift fir dech, dofir hunn ech dech erschaf. ...Du bass Meng Luucht a Mäi Licht ass an dir. ...Ech hunn dech räich erschaf, firwat erniddregs du dech zur Aarmut?*“...

Mee dës Schéinheet an dëse Räichtum existéieren potentiell am Mënsch. Erzéiung ass néideg, geeschteg Erzéiung erlaabt dem Mënsch sech ze entwécklen a sech ze entfalten.

An hei fannen d'Reliounen hire Sënn. Si sinn do fir dem Mënsch dës Erzéiung ze bréngen, fir him ze erlaben déi göttlechen Dugenden an him erauszebréngen an ze entwécklen.

Et ass d'Verantwortung vun de reliése Leaderen, dëse Message vu Léift a Bridderlechkeet ze ënnerriichten an ze verbreedten. Eis Differenz ass eise Räichtum. D'Fundament vun der Schéinheet ass d'Diversitéit.

Leider fanne mir nach vill reliéis Virurteeler, an d'Meenung d'Exklusivitéit vun der Wourecht ze hunn. Mee, sou soen d'Bahá'í Schrëften: „*D'fundamentaalt Zil vum Glawe vu Gott a Senger Relioun ass et d'Interesse vun der mënschlecher Rass ze sécheren, hir Eenheet hirzestellen an tëschent de Mënschen de Geescht vu Léift a Bridderlechkeet ze entwécklen. Passt op dass dëse Glawen ënnert iech net d'Quell vu Mëssel a Sträit gëtt, vun Haass a Feindschaft. ...Haalt iech un dat wat iech een deen anere méi no bréngt an iech vereent.*“

Wéi kann ee Fridde schafe wann een net déif a sech selwer d'Prinzip vun der Eenheet huet. „*D'Wuel vun der Mënschheet, sengem Fridden a senger Sécherheet kënnen net erreecht ginn, éier hir Eenheet net fest etabléiert ass.*“ seet Bahá'u'lláh.

Dësen Appel fir Eenheet ass keen Appel fir Uniformitéit oder en Appell fir säi Glawen un déi fundamental Wourechte vu senger Relioun opzeginn. Am Géigendeel! Et ass d'Unerkennung dass, wat ëmmer och eis Differenze sinn tëschent de Gesetzer vun de Reliounen, déi iwweregens hir Erklärung hunn, dass d'Mënschen hir geeschteg Inspiratioun vun enger selwechter Quell kréien an dass mir all d'Sujete vun engem eenzege Gott, dee Léift ass. D'Reliounen sinn all d'Expressiounen vun enger göttlecher Realitéit.²

282 Buchvirstellung : Die Bahá'í Religion, Ein Überblick, Deel 1/17

Sendung 282, 30te September an 1ten Oktober 2005. Haut stellen ech Iech en neit Buch fir iwwer de Bahá'í Glawen mam Titel : *D'Bahá'í Relioun, en Iwwerbléck*. D'Buch ass op däitsch, huet 128 Säiten, an huet op all Säit Illustratiounen a Photoen. D'Frankfurter Allgemeine Zeitung schreift : « *Wat un dësem Buch besonnesch luewenswäert ass, ass virun allem dass et konzentréiert a kuerz ass, mat de wichtegste Léiere vum Bahá'í Glawen, senger Geschicht, sengem Gemengeliewen a senge ville verschiddenen Aktivitéiten an enger globaliséierter Welt. Sou verzicht dës Afëierung zum gréissten Deel op reliounsgeschichtleche Ballast an op eng stéierend Fachterminologie. Et ass an enger Zäit, wou reliése Fanatismuss d'Welt ergräift, awer och wou d'Skepsis sech grad a ville vun de räiche Länner ausbreit, op eng andrécklech Manéier verständlech fir interesséiert Laien a Leit déi op der Sich no enger Relioun sinn.* »

¹ 'Abdu'l-Bahá

² Extraits d'une présentation sur la Paix, journée internationale de la Paix

D'Süddeutsche Zeitung schreibt : «*Dass déi jénkst vun de Weltreliounen eng ëmfaassend kritesch Duerstellung erlieft, war iwwerfällg. ...Dass si am Iran vun de Mullaen immense Widderstand fënnt, ass eng batter Wourecht. Dëst léisst sech vläicht doduerch erklären, dass d'Bahá'í Relioun eng modern Relioun ass, wou d'Gläichberechtigung vun der Fra, d'Recht op Bildung fir jiddereen an d'Deelhuelen un der Gesellschaft selbstverständlech sinn, an net am Géigesatz zu der Spiritualitéit vum Gleewege stinn. Wien dëst Buch liest, kënnt net laanscht d'Impressioun, dass sech e puer Reliounen eppes vun de Léiere vu Bahá'u'lláh ofkucke kéinten.*»

An d'Frankfurter Rundschau schreibt : «*An enger Zäit, wou d'Relioun vu Fanatiker weltwäit dozou benotzt gëtt, dat Trennent tëschent de Mënschen ervier ze hiewen a souguer Gewalt ze legitiméieren, deet et gutt, iwwer Bahá'u'lláh ze liesen, deen Eenegkeet a Friddfäertegkeet betount. Dës jonk Weltrelioun vertritt dat, wat déi meescht Bekenntnisser an hierer Entstehungszeit hatten : Léift, Matgefill, Wahrhaftegkeet, an d'Gläichheet vun de Mënschen. Si ass zugläich modern, well si global interreligiéis Toleranz priedegt.*»

Am Inhaltsverzeechnis fënnt een déi hei grouss Themen : Wat léiert Bahá'u'lláh ? D'Geschicht vun der Bahá'í Relioun. Aspekter vum deegleche Liewen. D'Liewen an der Gemeng. Wéi a wou sinn d'Bahá'í aktiv ? Texter a Gebieder aus de Bahá'í Schrëften.

Zum Schluss fënnt ee Bahá'u'lláh's Visioun vun enger zukünftiger Weltgemeinschaft an e puer Zuelen a Fakten. Ofschléissend dëst Zitat vum Bundesverfassungsgericht, e Schloss vum 5te Februar 1991 :

«*... [De] Charakter vum Bahá'í Glawen als Relioun an der Bahá'í Gemeinschaft als Reliounsgemeinschaft [ass] no aktueller Liewenswierklechkeet, Kulturtraditioun am allgemengen wéi op reliounswëssenschaftlechem Verständnes offenkundig.*»

283 Buchvirstellung: Wëssenschaft a Relioun, Deel 2/17

Sendung 283, 7ten an 8ten Oktober 2005. Relioun a Wëssenschaft sollen Hand an Hand goen. An der neier däitscher Aféierung iwwer de Bahá'í Glawen fënnt een dozou e flotte Bäitrag. Wéi kënne Relioun a Wëssenschaft an Harmonie, an engem Equilibre niewenteneen a mateneen existéieren, ouni Konflikter? Wann d'Wëssenschaft ni ka beweisen, dass Gott net existéiert, ka si da beweisen, dass Gott existéiert? Oder ass dat déi falsch Fro. D'Wëssenschaft kann eppes kucken, observéieren a Konklusiounen doraus zéien, fir ze verstoen, wéi eppes fonktionéiert, sief et an der Natur, der Technik oder beim Mënsch. D'Relioun kann eis soen, firwat mir existéieren, firwat d'Welt existéiert.

An de Bahá'í Schrëfte liese mir: ¹ „*Wa mir soen, dass d'Relioun an d'Wëssenschaft onvereinbar sinn, hu mir weder verstan, wat wierklech Wëssenschaft ass a wat wierklech Relioun ass, well alle béid berouen op Viraussetzungen a Schlussfolgerunge vun der Vernunft a mussen hirer Iwwerprüfung standhalen.*“

Relioun a Wëssenschaft ginn dacks als onvereinbar betruecht. Dat läit ënnert anerem dorunner, dass dacks mënschlech feelbar reliéis Interpretatiounen de wëssenschaftlechen Therorië widdersprieche an ëmgedréint.

Bahá'u'lláh léiert dass Relioun a Wëssenschaft een deen aner ergänzen. Si bilden déi zwee Polen zur Erkenntnis vun der Wierklechkeet a mussen alle béid der Vernunft entspreche. Schäinbar Widderspréch tëschent hine kënnen duerch mënschlech Interpretatiounen oder net genuch Forschung entsto.

Aus der Bahá'í Siicht si Relioun a Wëssenschaft wéi zwee Flilleke vum mënschleche Geescht, déi harmonesch zesummeschaffe mussen. D'Relioun vermëttelt ethesch Kriterien, entfaalt déi mënschlech Spiritualitéit a fërdert d'Léift. D'Wëssenschaft erfuerscht Naturgesetze, entwëckelt nei Techniken a stellt d'Wësse fir jiddereen zur Verfügung. No Abdu'l-Bahá si souwuel d'Relioun wéi och d'Wëssenschaft onersetzlech: „*Wann ee wéilt probéieren, nëmme mam Flillek vun der Relioun ze fléien, da géif hie séier an de Sumpf vun der Superstitioun stierzen, während hien anerersäits nëmme mam Flillek vun der Wëssenschaft och kee Fortschrëtt mécht, mee an den hoffnungslose Morast vum Materialismuss fale géif.*“

Déi allermeeschte vun eis sinn domat d'accord dass mir d'Wëssenschaft brauchen. Sou iwwerrascht et och net, dass mir an de Bahá'í Schrëften e Luef fir d'wëssenschaftlech Recherche fannen: „... *il n'est guère surprenant de trouver dans les écrits bahá'is l'éloge de la recherche scientifique: "La faculté qui mène à l'investigation scientifique des secrets de la création ... est le pouvoir le plus louable de l'homme, car c'est en l'employant et en l'exerçant qu'il y a amélioration des conditions de la race humaine, que l'acquisition de vertus par l'humanité est rendu possible..."*“²

Mee nach laang net jiddereen ass dovun iwwerzeegt dass mir d'Relioun brauchen. ³ Vu ville gëtt Relioun als eng Quell vu Léift a Spiritualitéit empfonnt, während aner d'Relioun als Ursaach vu Fanatismus a Krich gesinn.

¹ Die Bahai Religion, ein Überblick, S.20

² Communaute internationale baha'ie, developpement durable

³ Die Bahai Religion, ein Überblick, S.34

D'Bahá'í gleewen, dass vun all Relioun an hirer ursprénglecher Form onersetzlech Entwécklungsimpulser fir den Eenzelen an d'Gesellschaft ausginn. Gëtt d'Relioun awer vun de Mënsche verännert oder mëssbraucht, kann tatsächlech grousst Leed d'Konsequenz sinn. So heescht et an de Bahá'í Schrëften: „*D'Relioun sollt all Härzer vereenegen a Krich a Streidereien op der Äerd vergoe loossen, Geeschtegkeet ervirbréngen an all Härz Liicht a Liewe bréngen. Wann d'Relioun zur Ursach vun Ofnéigung, Haass a Spaltung gëtt, da wär et besser, ouni si ze sinn, a sech vu sou enger Relioun zrëckzezéien, wär e wierkleche reliöse Schrëtt.*“

284 Buchvirstellung: De Wee ass d'Zil, Deel 3/17

Sendung 284, 14ten an 15ten Oktober 2005. Kee Mënsch ka vollkomme sinn, awer a jidderengem stécht e besonnescht, individuell Potential. Aus Bahá'í Siicht, kënnst et net esou drop un, u wéi enger Plaz de Mënsch grad a senger Entwécklung steet, awer méi dorop, dass hie sech sériëux ëm déi eegen Entfaltung a Perfektioun beméit.

*Bahá'í Sinn – e Prozess vun engem Wandel an eis selwer.*¹ Kee Bahá'í, egal op hien nei an der Gemeinschaft Member ass oder scho jorelaang, ka vu sech behapten, alleguer d'Bahá'í Geboter a Prinzipien ze verwierklechen. Bahá'í sinn bedeit, sech bewosst fir e Prozess vun engem Wandel a sech selwer entscheed ze hunn. Dëse Prozess kann zu enger wuessender Spiritualitéit féieren, zu enger intensiver Bezéiung zu Gott an dozou, de Sënn vum Liewen ëmmer besser ze erfaassen. Op dësem Wee, so léieren d'Bahá'í Schrëften, kann de Mënsch déif Zefriddenheet a Freed fannen.

No de Bahá'í Léiere kann de Changement a sech selwer duerch zwee Aspekter encouragéiert ginn. Den éischten Aspekt ass deen, genuch geeschteg Ernährung ze kréien. Genueg sou wéi de mënschleche Kierper materiellt Iessen zum Iwwerliewe brauch, sou brauch déi mënschlech Séil deeglecht Iesse fir sech ze entfalten. Reegelméisseg Bieden, Meditéieren an d'Liese vun den hellege Schrëfte stäerkt d'Séil an domat och de Prozess vum ënnere Changement.

Deen zweeten noutwendegen Aspekt ass genuch Aktivitéit. Fir am Beispill ze bleiwen: De Mënsch gëtt krank, wann hie stänneg ësst, ouni déi gewonnen Energie duerch Beweegung erëm ze verbrauchen. Genueg sou muss déi duerch Gebiet a Meditatioun gewonne geeschteg Energie an Aktioun ëmgesetzt ginn, fir d'Gläichgewiicht ze behalen. Bahá'u'lláh schreift: „*D'Wiese vum Glawen ass et, wéineg Wieder ze maachen, an e Koup vun Doten opzeweisen.*“ Hie fuerdert den Eenzelen op, sech am Alldag virbildlech ze verhalten, sief et an der Famill, am Frëndeskreies, bei der Aarbecht oder an der Gesellschaft. Wann een de spirituelle Wee mat praktesche Schrëtt geet, ergi sech ëmmer nei Geleeënheeten, den ënnere Wandel ze fërderen. Bei der Aarbecht kann een zum Beispill frëndlech an hëllefsbereit sinn oder am Bestietnes léieren, op d'Wuel vum Partner beduecht ze sinn a Selbstsucht ze iwwerwannen.

Wëllen an Entschlossenheet. „*Erfolleg oder Fehlschlag, Gewënn oder Verloscht müssen dowéinst vum eegene Beméie vum Mënsch ofhänken. Je méi ee strieft, desto gréisser wäert säi Fortschrëtt sinn.*“ Den ënnere Wandel hängt vum eegene Wëllen an der Entschlossenheet of. ...

Vertrauen op d'Hëllef vu Gott. Déi néideg Energie fir den eegenen Entwécklungsprozess kann een, de Bahá'í Léieren no, aus dem Glawen u Gottes Hëllef schépfen. Wann e Mënsch sech op d'Kraaft an d'Hëllef vu Gott an d'Schéinheet vun der gëttlecher Schöpfung konzentréiert an dorop, dass hie selwer en Deel vun hir ass, fällt et him méi liicht, sech net vun den eegene Schwächen ze decouragéieren ze loossen. Zugläicher Zäit wiest d'Motivatioun, Schwierigkeeten an Hürden ze iwwerwannen, fir esou déi eege Qualitéiten ëmmer weider ze entfalten. „... *Setzt äert ganz Vertrauen, ...op Gott, deen iech erschaf huet, a siicht Säi Bäistand an all ären Ugeleeënheeten.*“

Schwierigkeeten a Wuesstum. Bahá'u'lláh no, erfëllen d'Problemer eng wichteg Funktioun fir déi mënschlech Entwécklung. No Léisunge mussen sichen hëllef dem Mënsch dobäi, mat schlechte Gewunnechten opzehalen, sech aus Ofhängegkeeten ze léisen oder perséinlech Schwächen ze korrigéieren. Et fällt him méi liicht, de Léierprozess bewosst ze steieren an d'Peng ze iwwerwannen, wann en erkennt, dass an all Leed eng Chance verbuerge läit. „*Mir müssen ëmmer no vir kucken a versichen, an der Zukunft ze erreechen, wat mir an der Vergaangenheet verpasst hunn. Defaiten, Prüfungen kënnen, wa si richtig benotzt ginn – zum Mëttel ginn, ... eise Charakter ze stäerken.*“

285 Buchvirstellung: Deel 4/17

Sendung 285, 21ten an 22ten Oktober 2005. D'Buch fänkt mat enger kuerzer Aféierung un, wien d'Bahá'í da sinn. Das dës Relioun am 19te Jorhonnert entstanen ass an dass d'Gemeng schnell gewuess ass. Duerno kënnst den éischte groussen Deel wat da Bahá'u'lláh alles léiert. Wat ass d'Gottesbild vun de Bahá'í? Dass et nëmmen ee Gott gëtt, och wann Him verschidden Nimm zougeschriwwen ginn, wéi *Allah, Gott, Jehova, den Allmächtigen oder Déi éischt*

¹ Die Bahá'í Religion, Ein Überblick, S.71

Ursaach. Bahá'u'lláh erkläärt dass d'Wiese vu Gott net beschreibbar an net ze verstoen ass. Da kénnt en Deel iwwer d'Eenheet vun de verschiddene Reliounen. Dass all Relioun e verännerlechen Deel an en onverännerlechen Deel huet. „*Dass d'Relioune vuneneen ofwäichen, ass den ënnerschiddlechen Erfuerdernisse vun den Zäitalter zouzeschreiwien, an deene si verkënnegt goufen.*“¹ Dass all Relioun sech erneiert an natierlech Verännerungen duerchlieft, genee sou wéi den Zyklus vun de Joreszäiten. Bahá'u'lláh léiert och dass d'Äerd nëmmen ee Land ass. An dësem Deel vum Buch stellen d'Auteure sech och d'Fro op Weltfridden e Wonschdram ass oder op Weltfridden onauswäichlech ass. Dozou schreift Bahá'u'lláh: „*D'Wuel vun der Mënschheet, hire Fridden an hir Sécherheet sinn onerreechbar, soulaang hir Eenheet net fest begrënnt ass.*“

Eng aner zentral Bahá'í Léier ass déi fréi a selbststänneg Sich no der Wourecht.

A wéi verbreet d'Bahá'í Relioun sech dann? Vu dass de Glawe vun engem Mënsch nëmme vun him selwer ofhänke kann, sinn d'Bahá'í net fir en opdréngleche Bekéierungsäifer. Si presentéieren hire Glawen, fir aneren d'Méiglechkeet ze ginn, d'Léiere vu Bahá'u'lláh kennenzeléieren a säin Usproch ze préiwen. Wien dësen Usproch unhëlt, ass e Bahá'í a ka sech an der Bahá'í Gemeng registréiere loossen.

D'Gläichberechtigung vu Frau a Mann ass en anert Kapitel am Buch. Bahá'u'lláh léiert net nëmmen déi geeschteg mee och déi sozial Gläichstellung vun de Geschlechter, deemools wéi haut fir Vill eng Erausfuederung.

Relioun a Wëssenschaft sollen Hand an Hand goen a si wéi zwéi Filleke vum mënschleche Geescht, déi harmonesch zesumme schaffe mussen. D'Relioun vermëttelt ethesch Kriterien, entfält déi mënschlech Spiritualitéit a fërdert d'Léift. D'Wëssenschaft erfuerscht Naturgesetze, entwëckelt nei Techniken a stellt d'Wësse fir jidderen zur Verfügung.

Virurteeler ofbauen gëtt aktiv encouragéiert. Kanner kommen ouni Virurteeler op d'Welt. Eréischt am Laf vun hirem Liewen iwwerhuele si Virurteeler vun den Elteren an hirem Ëmfeld. Erwuessener musse sech hiren eegene Virurteeler bewosst ginn a sech genee sou wéi d'Kanner weltoffen erzéien. Aneschtsinn verstoen a respektéieren ass eng vun de Viraussetzungen fir e friddlecht Zesummeliewen. 'Abdu'l-Bahá seet: „*D'Äerd ass eng Heemecht; d'Mënschheet ass eng Famill an ee Stot. Ënnerscheeder a Grenze si kënschtlech, vun de Mënsche gemaach.*“

Bahá'u'lláh léiert dass de Mënsch a senger Wierklechkeet e geeschtegt Wiesen ass. Hie beschreift de Mënsch als e „*Biergwierk, räich un Eedelsteng vun onschätzbarem Wäert*“. Duerch eng equilibréiert kierperlech, intellektuell a reliéis Erzéiung an duerch eegent Beméien kann all Mënsch seng Fäegkeeten an Eegeschafte entwëckelen.

Aner Themen, déi een an dëser Afëierung iwwer de Glawe fënnt, sinn zum Beispill déi zwou Säite vum Mënsch, d'Fro op dat Béisst existéiert. Wat wësse mir iwwer eis Séil? Wéi en Zesummenhang besteet tëschent der Séil, dem Verstand an dem Kierper? Dass de Verstand d'Verbindung tëschent der Séil an dem Kierper ass. Duerch de Verstand ka sech d'Séil am Kierper ausdrécken an de Mënsch rational denken, Saachen erfannen an Zesummenhäng entdecken. De Verstand ass eng Stäip fir de Mënsch an hëlleft him, Gott, d'Schöpfung a Sech selwer ze erkennen. An awer, so seet Bahá'u'lláh, ass d'Séil onofhängeg vum Zoustand vum Verstand oder vum Kierper.

286 Buchvirstellung: D'Liewen nom Doud, Deel 5/17

Sendung 286, 28ten an 29ten Oktober 2005. Am Kapitel: *D'Liewen nom Doud*² fënnt een dëst Zitat vun 'Abdu'l-Bahá: „*Wann e Käfig, an deem e Vogel ass, zerstéiert gëtt, bleift de Vogel onverletzt. ... Dat d'selwecht gëllt fir de Geescht vum Mënsch. Wann och den Doud säi Kierper zerstéiert, so huet hien awer keng Muecht iwwer säi Geescht. ...*“

Bahá'u'lláh léiert, dass déi mënschlech Séil nom kierperlechem Doud weiderleift. Beim Verloosse vum Kierper kënnt d'Séil an eng Welt, déi weder duerch e Raum oder eng Zäit begrenzt ass. Fir d'Famill vum Verstuerwenen deet dat dacks wéi, mee fir de Verstuerwene selwer fänkt eng nei Entwëcklung un – hie kënnt an eng nei Welt. D'Bahá'í Schrëfte vergläichen d'Liewe vun der Séil am Kierper mam Liewe vum ongebuere Kand am Bauch vun der Mamm. Aus dësem Vergläich ergi sech e puer Parallelen:

- Dat ongebuere Kand ka sech déi onvergläichlech gréisser Welt ausserhalb vum Bauch vun der Mamm net virstellen. Esou kann och de Mënsch sech déi nächst Welt, nom Doud, net virstellen.
- Sou wéi d'Kand bei der Gebuert seng kleng Welt am Mammebauch verléisst, sou kënnt de Mënsch nom kierperlechem Doud an eng spirituell Welt, fréi vu kierperlechen Grenzen. De Kierper entwëckelt am Mammebauch alles, wat hie spéider fir d'Iwwerliewe brauch, Ae, Been, an sou weider. D'Bedeutung vu ville Kierperdeeler weist sech awer eréischt no der Gebuert. Am Mammebauch schénge si iwwerflësseg.

¹ Die Bahá'í Religion, Ein Überblick, Verlag OLZOG

² 2 Die Bahá'í Religion, Ein Überblick, Verlag OLZOG

- D'Bahá'í Schrëfte soen, dass de Mënsch während sengem kierperlechem Liewen seng geeschteg-spirituell Potentialer entwëckle muss, fir och kënnen an der geeschteger Welt ze *gesinn*, oder *lafen* ze kënnen. Nom kierperlechem Doud entdeckt d'Séil d'Bedeutung vum Glawen, Freed oder Léift. Am Bauch vun der Mamm féiere Wuesstumsmängel zu Kierperbehënnungen; vergläichbar kann e klenge geeschtegt-spirituell Wuesstum während dësem Liewen op der Welt zu Aschränkungen an der nächster Welt féieren.
- D'Kand am Bauch vun der Mamm ass der Welt ronderëm ganz no, obschonns et si weder kennt, oder versteet. Et kann zum Beispill Musek héieren a spiert Beréierunge vum Bauch vun der Mamm. Et reagiert och op Aflëss vu baussen. Genee sou lieft de Mënsch net nëmmen an enger materieller, mee hien ass och ëmgi vun enger geeschteger Welt, a gëtt esou beaflosst, mee e kann se awer net direkt erfassen, verstoen.
- Neit Liewen entwëckelt sech schrittweis an der Gebärmutter, vun der Eezell déi befrucht gëtt bis zum Kand wat prett ass, gebuer ze ginn. Genee sou, erkläert Bahá'u'lláh, duerchleeft de Mënsch op dëser Welt verschidden Entwëcklungsstadien. No sengem kierperlechen Doud geet et weider. De mënschleche Geescht geet duerch „*Welte vu Gott*“, déi „*ouni Zuel an onendlech wäit*“ sinn.
- Et gëtt awer och Ënnerscheeder tëschent der Entwëcklung am Bauch vun der Mamm an der Entwëcklung no der Gebuert. Während dat ongebuert Kand wiesst fir an eng materiell Welt ze kommen, bereet de Mënsch sech während sengem irdesche Liewen op en éiweg geeschteg-spirituell Liewe fir. Ausserdeem kann dat ongebuert Kand net iwwer säi kierperlecht Wuesstum entscheiden. Soubal hie gebuer ass, kann de Mënsch dogéint seng eegen Entwëcklung beaflossen an ass och dofir verantwortlech.

287 Buchvirstellung: D'Liewen nom Doud, Deel 6/17

Sendung 287, 4ten an 5ten November 2005. An der Zäit vun Allerhellegen an Allerséile fanne sech vill Leit op de Griewer fir un hir verstuerwe Famill a Frënn ze denken. Wa mir an eiser leschter Emissioun héieren hunn wat de Bahá'í Glawen iwwer d'Liewen nom Doud seet, kucke mir haut wat Bahá'u'lláh iwwer d'Onstierflechkeet vun der Séil seet.¹

D'Weiderliewe vun der Séil nom Doud léisst sech naturwëssenschaftlech kaum beweisen an de Géigendeel allerdéngs genee sou wéineg. D'Bahá'í Schrëfte ginn awer genuch Unhaltspunkten, sou zum Beispill deen heiten:

De mënschleche Kierper, ass wéi alles wat materiell ass, aus Elementen zesummegeat, an alles wat zesummegeat ass ënnerläit natierlechen Zerfallsprozesser, an ass esou dem Doud ënnerworf. „*Mat der Séil ass et anescht. D'Séil ass keng Verbindung vun Elementer. Si ass net aus villen Atomen zesummegeat. Si besteet aus eppes Ondeelbarem an ass dofir éiweg. Si steet also ganz ausserhalb vum Beräich vun der physischer Schöpfung. Si ass onstierflech.*“

Kucke mir elo e puer Froen iwwer d'Stierwen, den Doud an d'Weiderliewen. Behale mir nom Doud eis Individualitéit an onst Bewosstsinn? Wäerte mir Frënn a Famill erëmgessinn?

„*D'Bahá'í Léiere soe ganz däitlech, dass et wuel méiglech ass, an der nächster Welt d'Verbindung mat deene sécherzestellen, déi mir gär hunn. D'Séil behält hir Individualitéit an hiert Bewosstsinn nom Doud a ka mat anere Séilen a Verbindung trieden. Dës Gemeinschaft ass awer reng geeschteg an hängt vun der selbstloser Léift vun de Mënschen fir eneen of.*“

Gëtt et Reinkarnatioun? D'Bahá'í Relioun léiert, dass et keng kierperlech Wiedergebuert an d'materiell Welt gëtt. Mat engem bildleche Vergläich ausgedréckt heescht dat: No der Gebuert kann a wëll de Mënsch net méi an de Bauch vun der Mamm zrëckgoen.

Liewen all Séile weider? Gëtt et en Himmel oder eng Häll? All Séile sinn onstierflech a liewen nom Doud vum Kierper weider. „*Himmel an Häll sinn Zoustänn vun eis selwer.*“ Himmel beschreift den Zoustand wou een no zu Gott ass, an d'Häll ass den Zoustand wou ee wäit ewech ass vu Gott.

Ka sech d'Séil nom Doud weiderentwëckelen? Weiderentwëcklung ass éiweg méiglech. Gebieder, gutt Wierker am Numm vun engem Vertuerwenen an d'Gnod vu Gott beaflossen d'Entwëcklung vun der Séil an der geeschteger Welt.

Wat geschitt wa jonk Mënsche stierwen? 'Abdu'l-Bahá schreift dozou: „*Wann esou eppes geschitt, dann ënnerläit dat der onerfuerschlecher Wäisheet vu Gott. Et ass esou, wéi wann e gudde Gärtner eng jonk, zaart Planz vun enger Plaz ewech hëlt fir si an e grousst oppent Feld ze planzen. Dës Ëmplantzung bedeit net, dass d'Planz verwielt, méi kleng gëtt oder futti geet. Am Géigendeel, dës Ëmplantzung léisst si wuessen a gedeien, gëtt hir eng extra Frëschheet, léisst si gréng ginn a Friichten droen. Dës verbuergent Geheimnis ass dem Gärtner wuel bekannt; nëmme Séilen, déi sech dees net bewosst sinn, soen, dass de Gärtner dat aus Roserei an Ierger mécht.*“

¹ S.28 Die Bahá'í Religion, Ein Überblick, Verlag OLZOG

Wat denken d'Bahá'í iwwer de Suicide? Munch Liewensëmstänn schéngen onerdrolech. Mee dat kierperlecht Liewen ass e Geschenk vu Gott, geschaf als noutwendeg Wuesstumszäit, déi op dat geeschtegt Liewe virbereet. Dofir schued et nëmme, wann een éischter mam Liewen ophält. Dofir akzeptéiert d'Bahá'í Léier de Suicide net. Qualvoll Situatiounen kënnen ouni Auswee erschéngen. Mee et gëtt ëmmer e Wee. All Mënsch ass fir sech selwer responsabel. Doriwwer hinaus, kënnen säin Ëmfeld oder och professionnell Beroder him hëllefen, seng Problemer ze meescheren.

288 Buchvirstellung: De Sënn vum Liewen, Deel 7/17

Sendung 288, 11ten an 12ten November 2005. *De Sënn vum Liewen.*¹ Dës Fro gehéiert zu den Haapthemen vun all Relioun. De Bahá'í Schrëften no geet et drëm, seng eegen Natur ze erkennen, an déi eege Séil op e Liewen a geeschtege Welte virzebereeden oder der Mënschheet ze dëngen. ... De Mënsch ass deen eenzegen, dee säi Schöpfer bewosst kann erkennen, deen eenzegen, dee ka geeschteg-spirituell Qualitéiten entwécklen, an deen eenzegen, deen déi kann an d'Praxis ëmsetzen.

D'Bahá'í betruachten déi mënschlech Séil als onstierflech. Si ass op enger éiweger Entdeckungsrees a si wiesst stänneg. Op dëser Rees ass de Mënsch fir d'éischt mat sengem Kierper un déi materiell Welt gebonnen. En entwéckelt lues a lues säi Verstand, deen him hëllef, net nëmme déi materiell, mee och déi spirituell Realitéit ze erfuerschen: D'Séil kann hire Schöpfer an hiert eegent Potential erkennen. D'Séil kann all déi verstoppte göttlech Eegenschaften an hir entwécklen. D'Séil kann och begräfen, dass Gott si aus Léift erschafen huet a sech entscheeden, dëser Léift z'äntweren. Bahá'u'lláh schreift: „*Vu ganzem Häerzen hunn ech mir gewënscht, dech ze erschafen, also hunn ech dech erschaf. Sief du elo frou mat Mir, fir dass ech dāin Numm soen an deng Séil mam Geescht vum Liewen erfëllen.*“

Ausserdeem kann d'Séil och d'Wiese vun dësem ierdesche Liewe begräfen: Déi materiell Welt stellt alles fir dat kierperlecht Liewe bereet – si ass awer vergänglich. Bahá'u'lláh vergläicht si mat enger Fata Morgana.

„*D'Welt ass nëmme e Schäin, eitel an eidel, einfach Näischt, dat der Wierklechkeet gläicht. Hängt är Léift net do drunner. ... A Wierklechkeet, soen Ech, d'Welt ass wéi d'Loftspiegelung an der Wüst, vun där den Duschterege mengt, dass si Waasser ass, an zu där hie mat aller Kraaft histriecht, bis wann e méi no ass an erkennt, dass et eng Täuschung ass.*“

D'Bahá'í Relioun léiert, dass d'Séil op dëser éiweger Rees ëmmer Hëllef fanne kann, zum Beispill duerch d'Féierung, déi him d'Schrëfte vun de Reliounsstëfter schenken, oder duerch d'Gebiet. Op de Mënsch sech elo beméit, u senger geeschteg-spirituell Qualitéiten ze schaffen, oder op hie säi Liewen ausschliesslech op materiell Saache riicht, läit ganz a senger Verantwortung. Wann de Kierper stierft, setzt d'Séil hir éiweg Rees mat deene spirituelle Fäegkeete fort, déi hie sech ugëeegent huet. Je besser d'Séil dës Fäegkeeten entwéckelt huet, wat der Séil de weidere Wee méi liicht fällt.

Fir ofzeschlëssen, hei nach dës Invitatioun fir eis Radio ARA Nolauschterer, déi eis e Freideg nolauschteren. Dëse Weekend invitéiert déi Mamer Bahá'í Gemeng iech am Mamer Schloss fir d'Geburtsdagsfeier vu Bahá'u'lláh, dem Begrënner vum Bahá'í Glawen, um aacht Auer owes. Bahá'u'lláh huet vun 1817 bis 1892 gelieft. No enger audiovisueller Presentatioun gëtt et e musekalesche Programm mat der weltbekannter Violonistin, d'Martha Khadem-Missagh, e Violin Solo vum J.S. Bach, d'Partitur Nr2 an d-mineur. Duerno gëtt et e flotte Buffet.

289 Buchvirstellung: Firwat brauche mir Relioun? Deel 8/17

Sendung 289, 18ten an 19ten November 2005. Firwat brauche mir Relioun?² Wärend verschidde Leit Relioun als eng Quell vu Léift a Spiritualitéit ëmfannen, ass et fir aner Leit eng Ursaach vu Fanatismuss a Krich. D'Bahá'í gleewen, dass vun all Relioun, an hirer ursprünglicher Form onersetzlech Entwécklungsimpulser fir den Einzelnen an d'Gesellschaft ausginn. Wann de Mënsch awer d'Relioun verännert oder mëssbraucht, kann tatsächlech grousst Leed d'Konsequenz sinn. Sou heescht et an de Bahá'í Schrëften: „*D'Relioun sollt all Häerzer vereenegen a Krich a Streidereien op der Äerd vergoe loosse, a Geeschtegkeet bréngen. Relioun sollt all Häerz Liicht a Liewe bréngen. Wann d'Relioun zur Ursaach vun Ofneigung, Haass a Spaltung gëtt, da wär et besser, ouni d'Relioun ze sinn, a sech vu sou enger Relioun zrëckzezéien, wär dann a wierklech reliéise Schrëtt.*“

Relioun ass e spirituelle Wee. 'Abdu'l-Bahá schreift: „*De Mënsch ass ëmmer op dat méi Héicht geriicht, a säin Truechten geet no uewen ... D'Striwen no Erhéijung ass eent vun de mënschleche Kennzeechen.*“

¹ Die Bahá'í Religion, Ein Überblick, s.30 Verlag OLZOG

² Die Bahá'í Religion, Ein Überblick, s.30 Verlag OLZOG

Aus der Bahá'í Siicht hëllef reliéis Léieren dem Mënsch, seng spirituell Eegenschaften ze erkennen an ze entwécklen. All Mënsch sehnt sech no Léift an Zefriddenheet. Wann hie säi Gléck nëmmen an der Verännerung vu baussescht Ëmstänn sicht, wäert en et net fannen. Hie mécht sech da vu sengem Ëmfeld ofhängeg, dat heescht hie gëtt ofhängeg vun deem wat vergänglich ass. Hie ka sech awer vun dëser Ofhängegkeet lassléisen, wann hie sech Gott zoudréint, am Gebiet, der Meditatioun an déiwem Nodenken. Spirituell Erfahrungs ginn engem eng ongeahnt Kraaft. Dës Kraaft hëllef engem, mat den Herausforderungen vum Liewe geloosen a voll Vertrauen ëmzegoen.

Am Alldag sicht de Mënsch dacks Befriddegung am finanziellen Erfolleg, an der Wäermt vun der Famill, a sengem Status an der Gesellschaft, oder och a körperlechen Extremerfahrungen. Wann dës Ziler den eenzege Liewensmittelpunkt bleiwen, kann de Mënsch awer einfach keng Zefriddenheet kréien. Ganz séier verflitt de Rausch an e brauch déi nächst Befriddegung vu baussen, fir sou kënnen dat Gefill vun Eidelsinn a sech selwer ze iwwerbrécken. Dës Gefill sech eidel ze spieren kann ëmmer dann entstoën, wann d'Besoinen vun der mënschlecher Séil net gestëllt ginn. D'Séil leid Honger, si ass duschtereg. D'Ernährung vun der Séil kënnt aus der Spiritualitéit an d'Quell dovun ass d'Relioun.

Wéi ass et mat der Autoritéit an de Gesetzer? Bahá'u'lláh erklärt, dass reliéis Léiere méi si wéi einfach nëmmen eng Opzielung vu Geboter a Verboter: Si féieren de Mënsch zu Zefriddenheet a wierklecher Fräiheet. Dofir sinn dës Geboter en Zeeche vun der Léift Gottes. Geboter sollen aus Léift net aus Angscht virun der Strof befollegt ginn.

Dat mënschlecht Verständnes ënnerläit natierleche Gesetzer. Déi mënschlech Perceptioun huet hir Limiten. Dofir ass de Mënsch net amstand, onfeelbar Kriterien ze setzen a Kriterien déi fir all Mënsch gläich sinn. Déi mënschlech Kriterie sinn ëmmer nëmmen e Resultat vun der Vernunft, der Erfahrung an der kultureller Prägung. Wäerter, Normen a Reegelen, déi fir jidderee verbindlech solle sinn, kënnen nëmme vun enger héijerer Autoritéit, also vu Gott a senger Bote kommen.

290 Buchvirstellung: Aspekter am deegleche Liewe vun engem Bahá'í, Deel 9/17

Sendung 290, 25ten an 26ten November 2005. D'Gebiet, d'Meditatioun an d'Liesen an den hellege Schrëften, Aspekter am deegleche Liewe vun engem Bahá'í.¹ Zu de Bahá'í Schrëfte gehéiere vill Gebieder vu Bahá'u'lláh, dem Báb oder 'Abdu'l-Bahá. Si bezéien sech op ënnerschiddlech Liewensaspekter an Uläss. D'Gebieder gi souwuel aleng gesot wéi och an der Gemeinschaft. De Gleewegen entscheed selwer, wéini hie bied, wéi hie bied a wou hie bied; eng extra Stellung hält do dat deeglecht Gebiet, wat op eng bestëmmte Manéier gesot gëtt.

D'Gebiet ass eng bewusst Kommunikatioun mat Gott. D'Gebiet ass déi stäerkste Kraaft fir seng Séil ze entwécklen. Duerch d'Gebiet erkennt de Mënsch seng Léift zu Gott an hie fleegt se. Wann een en anere Mënsch gären huet, ass et kloer, dass een sech wënscht, no bei him ze sinn an das ee wëllt mat him schwätzen. D'Bahá'í Schrëften erklären, dass wann ee Gott gären huet, säi Verlaangeren no him am Gebiet stëlle kann. Am Zoustand vum Gebiet besënnt de Mënsch sech op säi wierklecht Ënnerst, säin Ech an hie beräichert esou seng Séil. Doduerch ka sech eng déif ënnerlech Freed entwécklen. Dësen Zoustand offréiert engem eng Quell vu Kraaft an Inspiratioun fir an all Liewenslag.

Am Gebiet kann de Mënsch och Hëllef fir schwéier Situatiounen fannen; et kann him méi kloer ginn wéi e Wee hien huele soll. Gott kennt a versteet dat Ënnerst vun all Mënsch. Gott huet de Mënsch gär, a weess besser wéi hie selwer, wat gutt fir hien ass. Dofir ka sech de Mënsch am Gebiet dem Härgott zoudréien a kann hien ëm Hëllef froen, wat hie maache soll. Bahá'u'lláh verséichert, dass jiddereen, deen opriichteg ëm Hëllef freet, erhéiert gëtt.

Wéi ass et dann elo mat eiser ënnerer Haltung beim Bieden? D'Bahá'í Léiere soen, dass biede vill méi ass, wéi einfach nëmme Verser ze liesen oder Ritualer ze befollegen. Wichtig ass eben déi ënner Haltung vun deem dee bied. 'Abdu'l-Bahá beschreift dës ënner Haltung sou: „Mir müssen duerno striewen, dësen Zoustand, (d'Kommunikatioun mat Gott) doduerch ze kréien, dass mir ons vun alle Saachen a vun alle Mënsche fräimaachen an dass mir ons Gott zoudréien. Et gëtt vum Mënsch e bëssen Ustrengung erfuerdert, fir dësen Zoustand ze erlaangen, well hie muss sech drëm beméien an duerno striewen.“

Komme mir elo zur Meditatioun. An der Bahá'í Relioun gëtt et keng festgeluechte Meditatiounsform. Zwar gehéiert regelméisseg Meditatioun zum Bahá'í Glawen, awer wéi een dat mécht ass jidderengem fräigestallt.

Meditatioun bedeit déift Nodenken, an enger ënnerer Haltung wéi beim Gebiet. Beim Meditéiere beméit de Mënsch sech, gedanklech an emotional fräi ze gi vun der Welt a vu sech selwer. An der Stëll dréint hie sech dem Spirituellen zou.

Während de Mënsch beim Biede mat Gott schwätzt, ass d'Meditatioun d'Kommunikatioun mat senger eegener Séil. Meditatioun ass eng Fäegkeet vum mënschleche Geescht. De Mënsch mécht sech op fir d'Erkenntnis a fir göttlech

¹ Die Bahá'í Religion, Ein Überblick, s.30 Verlag OLZOG

Inspiratioun. Meditatioun kann een op vill Manéiere maachen. D'Bahá'í Léieren ermuddegen, besonnesch iwwer déi helleg Schrëften ze meditieren, an dat fir se besser ze verstoen an ëmsetzen ze kënnen. Als en einfachen Akt vun andächtger Meditatioun soen d'Bahá'í all Dag fënnemannozegmol de Gréissten Numm, Allá'u'Abhá, Gott den Allherrlechen.

D'Bahá'í Schrëfte soen, dass d'Meditatioun de Schlëssel zu den Diere vun de Geheimnisser ass; dass d'Fäegkeet ze meditieren, de Mënsch vu senger déierescher Natur befreit. ... Erfindunge ginn esou méiglech, grouss Saache ginn an d'Liewe geruff.

Bahá'u'lláh betount, dass ausser der Meditatioun, dat deeglecht Liesen an den Hellege Schrëfte wichteg ass. Wie si all moies an owes studiert, kann domat d'Konnektioun zur Kraaft vum göttleche Wuert oprecht erhalen. Souguer d'Liese vun engem eenzege Saz kann dësen Zweck erfëllen. Entscheident ass, wéi ee liest an dass een iwwer den Text nodenkt. *“Eng Stonn Nodenken ass méi wäert wéi siwwenzeg Joer frommer Andacht.”*

291 Buchvirstellung: De Charakter, Deel 10/17

Sendung 291, 2ten an 3ten Dezember 2005. Léif Radio ARA Nolauschterer. An eise leschten Emissiounen hu mir scho kuerz déi nei däitsch Afëierung an de Bahá'í Glawe virgestallt. Haut kucke mir eis e weideren Deel vum Buch méi genee un.¹ Charakterbildung, Aspekter am deegleche Liewe vun engem Bahá'í.

D'Reliounsstëfter hunn ëmmer schon ethesch Richtlinie festgeluecht, fir de mënschleche Charakter ze formen a méi eedel ze maachen. D'Grondwäerter vun de verschiddene Reliounen gläiche sech, obwuel ënnerschiddlech Schwéierpunkte gesat goufen.

Och de Stëfter vun der Bahá'í Relioun, Bahá'u'lláh, betount a senger Schrëften ëmmer nees déi immens Bedeitung vun engem gudde Charakter an erklärt, wat e gudde Charakter ausmécht. Bahá'u'lláh schreift: *„Loosst all Moie besser sinn wéi den Owend virdrun a loosst all neien Dag méi räich gi wéi dee viregen.“*

Charakterbilden ass e Prozess deen ni ophält. Et hëlleft dobäi, all Dag säin eegent Handeln ze iwwerpréifen. Wie sech beméit, schrëttweis seng perséinlech Stärken ze festegen a seng Schwächen ze iwwerwannen, fördert déi eegen Entwécklung – soguer wann e sech dees am Ufank net bewosst ass. Op länger Zäit dréit e sou eng Beméiung zu enger positiver Charakterbildung bäi, och wann et emol Réckschlei ginn. Sech mat enger Dugend ze befaassen ka schonn duergoen, fir d'Entwécklung vu weidere gudden Eegeschafte an d'Weeër ze leeden. Wann een zum Beispill Frëndlechkeet ustriift, kënnt do och dobäi Hëllefsbereitschaft a Mattgefill.

Kucke mir elo e puer Charaktereegeschafte, déi an de Bahá'í Schrëften als besonnesch essenziell erviergehuewe ginn. Bahá'u'lláh gött der Héiflechkeet en héije Stellewäert. Hie seet dass et Fürstin vun den Dugenden ass. Mënschlech Entfremung oder Ofneigung verschwannen, wann ee sengem Géigeniwwer éierlech Héiflechkeet a Léift weist. Héiflechkeet muss wahrhafteg sinn a Wahrhaftegkeet muss vun Héiflechkeet begleet sinn.

Eng aner wichteg Dugend ass d'Léift zum Matmënsch. *„D'Ursach firwat all ierdesch Wiesen erschaf goufen, war d'Léift ...“* schreift Bahá'u'lláh. E Bahá'í beméit sech ëm d'Léift vu Gott. Dës Léift spigelt sech erëm an der Léift zum Matmënsch. Dobäi spillen d'Origine, de Glawen oder charakterlech Schwächen vun engem Mënsch keng Roll. 'Abdu'l-Bahá schreift: *„Wann et nëmme geet, fänkt eng Käerz vun der Léift un, ëmmer wann dir ee begéint, an ermuddegt ... all Häerz. Suergt iech ëm de Friemen esou wéi wann et ee vun äre wär, weist Ausländer déi gläich Léift a Guttheet wéi ären treie Frënn. Sollt ee Sträit mat iech sichen, probéiert hien als e Frënn ze gewannen...“*

Eng aner Dugend ass, net schlecht iwwer aner Leit schwätzen. Haut gehéiert dat praktesch zu all normalem Gespréich. Deene weeningsten ass et bewosst wéi schlëmm d'Konsequenz ass, wann ee schlecht iwwer aner Leit schwätzt. Dacks gött eng Persoun vun anere rejetéiert, obwuel een der Persoun nach ni begéint ass. Mobbing op der Aarbechtsplaz, d'Ausgrenzung am Frëndeskrees oder och Virurteeler entstinn dacks duerch de Fait dass ee schlecht iwwer aner schwätzt. Bahá'u'lláh schreift: *„D'Zong ass dofir do, Guddes ze soen; mat se net knaschteg an deem dir schlecht iwwer aner Leit schwätzt.“*

Dës Dugend wierkt sech net nëmmen negativ op deen aus, iwwer dee schlecht geschwat gött. Si belaascht och deen, dee sech um Grieds bedeelegt, och wann en domat just wéi eng Aart Ventil fir seng Roserei ass. Bahá'u'lláh schreift dass dës Dugend d'Liicht vum Häerz erläscht a warnt: *„Schwätz net iwwer d'Sënner vun aneren, soulaang s du selwer e Sënner bass...“*

Dat heescht awer net dass een e Problem soll ënnert den Teppech kieren oder dass ee soll d'accord si mat all Feelbehuelen. Et gött vill méi drëm, konstruktiv mat Schwieregkeeten ëmzegoen a Léisungsweeër ze sichen, ouni sech selwer fir eppes Besseres ze halen oder schlecht iwwer anerer ze schwätzen.¹

¹ Die Bahá'í Religion, Ein Überblick, s.30 Verlag OLZOG

292 Buchvirstellung: Dat Gutt gesinn, Deel 11/17

Sendung 292, 16ten an 17ten Dezember 2005. Aspekter vum deegleche Liewen. Dat Gutt gesinn !

« Et duerfeen an all mënschlechem Wiesen nëmmen dat gesinn, wat derwäert ass, gelueft ze ginn. Wann een esou handelt, kann ee Frënd si mat der ganzer Mënschheet. Betruechte mir d'Mënschen awer vum Standpunkt vun hire Feeler, dann ass et eng extrem schwéier Aufgab, mat hinne frëndlech ze sinn. »²

An aneren dat Gutt ze gesinn gehéiert sécher zu enger wichteger Charaktereegenschaft. Well all Mënsch selwer Schwächen huet, ass et net an der Rei, sech mat de Feeler vun aneren ze befaassen. Bahá'u'lláh léiert, dass de Mënsch potential all déi göttlech Eegeschafte a sech dréit. D'Léift zum Matmënsch fällt méi liicht, wann een un dëst Potential denkt.

Dat léisst sech praktesch esou ëmsetzen, andeems ee méiglechst op déi positiv Eegeschafte vun deem anere kuckt an iwwer seng Feeler ewechgesäit. Domat soll net blann Guttgleewegkeet, awer en harmonescht Zesummeliewen encouragéiert ginn.

Freed. « Geeschteg Gléckséilegkeet ass déi wierklech Grondlag vum mënschleche Liewen, well d'Liewen ass wéinst dem Gléck erschaf ginn, net wéinst der Suerg a wéinst der Freed an net wéinst dem Leed. »

D'Bahá'í Schrëfte sinn dergéint, sech strikt allem ze enthalen, sinn dergéint, dass ee ganz als Einsiedler leeft, si géint Selbstveruechtung oder Selbsterniddregung. Villméi ermuddegen si een zu enger opener a liewensfrouer Haltung mat Freed, Humor a Freelechkeet.

'Abdu'l-Bahá betount a senge Bréiwer an Usproochen ëmmer nees d'Noutwendegkeet, glécklech ze sinn. Sou seet Hien: *« Ech wënschen, dass dir glécklech sidd ..., dass dir laacht, straalt an iech freed, fir dass anerer duerch iech glécklech ginn. »*

Demutt: Demutt ass aus Bahá'í Siicht eng wesentlech Viraussetzung fir déi mënschlech Entwécklung. All Mënsch huet seng Eegeschafte a Fäegkeete vu Gott kritt a brauch seng Hëllef, fir si entfalten ze kënnen. Dofir léieren all Reliounen d'Demutt viru Gott. Stolz hënnert de Mënsch dorunner, d'Absicht vu Gott an déi méi déif Bedeitung vun den hellege Schrëften ze erkennen. Demutt erfuerdert, dass ee sech anere Mënschen net iwwerleeë fillt. Et sollt een am Ëmgank mat hinnen op si fir nei Erfahrungen a Point de Vuen. Et kann ee vu jidderengem eppes léieren an doduerch ënnerlech wuessen. Den Demiddege ka méi liicht eege Schwächen an Onzoulänglechkeeten iwwerwannen an ophalen, aner einfach ze kritiséieren oder si ze veruerteelen. Mat Demutt schützt de Mënsch sech dovunner, sech selwer als Kritère fir all Saachen ze betruechten.

293 Buchvirstellung: Berodung, Deel 12/17

Sendung 293, 23ten an 24ten Dezember 2005. Léif Radio ARA Nolauschterer. Och an dëser Emissioun kucke mir e weideren Deel aus der neier Afëierung an de Bahá'í Glawen. *Bahá'í Berodung, matenee schwätzen an Entscheedunge fannen.*³

An dëse Feierdeeg, wou d'Famill a Frënn sech erëmgessinn, ronderëm d'lessen, ass genuch Zäit do fir zesummen ze schwätzen, ze diskutéieren an iwwer viles ze beroden.

Bahá'í Berodung ass eng Form vun Austausch, déi op ethesche Prinzipper berout. Mat hir kann ee konstruktiv Léisunge fannen an zerguttsten Entscheedungen treffen. Bahá'u'lláh schreift: *„Berot mateneen an allen Ugeleeënheeten, well Berodung ass d'Luucht vun der Féierung déi de Wee weist an Asiicht schenkt.“*

Bahá'í Berodung kann een an alle Liewensberäicher uwenden. Si kann agesetzt gi fir perséinlech Problemer ze klären, an der Famill oder am Berufslewen. Si ass d'Basis fir d'Aarbecht an de Bahá'í Gemengen.

D'Zil vun der Berodung ass et, méiglechst déi beschte Léisung fir déi jeeweileg Fro ze fannen. De fräie Gedankenaustausch vun de Bedeelegten ass d'Grondlag. Nom Bahá'í Verständnis erschénkt de *„stralende Fonke vun der Wourecht ... nëmme nom Zesummeprall vu verschiddene Meenungen.“*

Entscheidung ass dobäi dass am Mëttelpunkt vun der Berodung net méi d'Duerchsetzung vun eegene Usiichten oder Interesse stinn, mee eng Léisung déi fir de Problem passt. Fir dës Léisung ze fannen, gi villfälteg Point de Vuë a Virschléi vun all de Bedeelegte genotzt. Viraussetzung ass eng Atmosphère wou Vertraue besteet an déi op d'Eenheet ausgeriicht ass. D'Bahá'í Berodung erfuerdert eng nei Haltung an Denkweis. D'Zil ass net e Schäfridden

¹ Die Bahá'í Religion, Ein Überblick, s.50 Verlag OLZOG

² Die Bahai Relioun, Ein Überblick

³ Die Bahá'í Religion, Ein Überblick, S.58

oder e Kompromëss mee et geet bei dëser Berodung drëm d'Wourecht ze fannen. De Prozess, dee fir eng Eenegung op dëser Basis noutwendeg ass, ka fir déi Berodend e groussen Défi sinn. D'Qualitéit vun de Resultater ass dovun ofhängeg, wéi gutt déi Bedeelegt d'Berodungsprinzipper verstinn, verënnlerlechen an ëmsetzen.

Hei elo e puer Aspekter vun der Bahá'í Berodung: Virun der Berodung zesumme bidden. Während der Berodung seng Meenung fräi an oppe soen; no der Wourecht sichen an net dauernd op seng eege Meenung bestoen; den Diskussiounsgéigegstand vun der Persoun trennen; Bescheidenheet, Demutt, Respekt virun deem wat déi aner soen, Gedold bei Schwieregkeete, all dat sinn nützlich Dugende fir déi, déi zesumme beroden; d'Manéier wéi geschwat gëtt ass wichteg, dat heescht mat Héiflechkeet an net iwwerdriwwen. Fir eng weider Zesummenaarbecht ass et wichteg Haromie an Eenheet ze behalen.

Ofschléissend a passend zu dëser Joreszäit eng kleng Geschicht erzielt vum Raol Follerau: *Ech hat en Dram: E Mënsch ass virum Geriicht vum Herrgott erschéngen an huet gesot: „Kuck, Herr, ech hunn däi Gesetz beuecht, hunn näischt falsches an näischt béises gemaach. Herr, meng Hänn si reng.“ An den Herrgott äntwert him: „Ouni Zweifel si se reng, awer si sinn eidel.“*¹

294 Buchvirstellung: Bestietnes a Famill, Deel 13/17

Sendung 294, 30ten an 31ten Dezember 2005. Léif Radio ARA Nolauschterer. Och an dëser Emissioun kucke mir e weideren Deel aus der neier Aféierung an de Bahá'í Glawen. Aspekter vum deegleche Liewen. Bestietnes a Famill²

D'Famill ass déi klengste gesellschaftlech Eenheet. An der Famill kënnen Verhalensweise fir den Zesummenhalt erléiert a geübt ginn. D'Bestietnes ass no de Bahá'í Léieren d'Basis vun der Famill. Bahá'u'lláh beschreift si als eng „fest Buerg wou et engem gutt geet a wou ee sécher ass.“ Si offrëiert de Partner e vertraut a séchert Ëmfeld wou si sech kënnen zesummen entwécklen an eng Famill grënnen.

„Bahá'í Bestietnes bedeit dass déi zwee Partner sech unenee bannen an et bedeit déi géigesäiteg Zouneigung am Denken an am Fillen. Si mussen sech awer mat vill Fangerspëtzegefäll beméien, mat der Wiesenaart vun deem anere grëndlech vertraut ze ginn, sou dass de feste Bond tëschent hinnen eng éiweg Verbindung gëtt. Hiert Bestriewe muss sinn, léif Partner ze sinn a fir ëmmer an éiweg mateneen eens ze sinn. ... E wierklecht Bahá'í Bestietnes bedeit, dass Mann a Fra kierperlech a geeschteg sollen eens sinn, dass si sech een deen aneren stänneg an hirem geeschtege Liewe vervollkommen a sech an alle Welte vu Gott éiweger Eenheet erfreen. Dat ass d'Bahá'í Bestietnes.“

D'Koppel kënnt sech dësem Eenheitsideal duerch stänneg Beméie méi no. Zu enger glécklecher Bezéiung gehéieren ënnert anerem, dass allebeid total trei sinn, sech een deem anere ganz zoudréien, Loyalitéit, Gedold, Selbstaufopferung an opriichteg Léift. D'Partner mussen sech ausserdeem géigesäiteg esou akzeptéieren, wéi si sinn, a sech an hirer Entwécklung ënnerstëtzen. Léift a Vertrautheet wuessen, wa jiddereen déi wäertvoll Eegeschafte a Potentialer vum aneren unerkennt. Dobäi hëllef géigesäitege Respekt a sech op d'Stärkte vum Partner konzentréieren.

D'Bestietnes ass en Übungsterrain fir vill gesellschaftlech Prinzipper, zum Beispill fir Gläiberechtegung. Fra a Mann sollte wéi zwee enk Frënn sinn, „déi géigesäiteg op d'Wuel vum anere beduecht“ sinn. E weidert wichteg Prinzip ass déi aktiv Léift zu de Matmënschen. Op e gemeinsam Zil hinn ze schaffen, stäerkt d'Bestietnes. Besonnesch wierksam ass dobäi, zesummen aneren ze dengen.

D'Bedeutung vun der Sexualitéit, dat heescht d'Ausübung vum Geschlechtsdrang, gëtt an de Bahá'í Schrëften ausdrécklech als en „natierlecht Recht vun all Mënsch“ unerkannt. Eng Ënnerdréckung vun der Sexualitéit gëtt ofgeleent; all Mënsch, ob Mann oder Fra, sollt awer den eegene Geschlechtsdrang kontrolléieren. Sexuell Enthalsamkeet ausserhalb vum Bestietnes ass de Bahá'í Schrëften no e wichtige Grondsteen fir tragfäeg Bezéiungen opzebauen.

295 Buchvirstellung: Gesondheet, Deel 14/17

Sendung 295, 6ten a 7te Januar 2006. Léif Radio ARA Nolauschterer. Och an dëser Emissioun kucke mir e weideren Deel aus der neier Aféierung an de Bahá'í Glawen. Aspekter vum deegleche Liewen. *Gesondheet*.

Bahá'u'lláh schreift: „Wann dir krank sidd, wennst iech un e kompetenten Dokter“. Gesondheet erméiglecht déi ongehënnert kierperlech a geeschteg Entwécklung vum Mënsch. D'Bahá'í Schrëften hunn dofir vill Aussoen iwwer eng gesond Liewensféierung, zum Beispill wat eng ausgeglachen Ernährung ugeet, Beweegung, Hygiene, de

¹ Goldene Äpfel, Spiegelbilder des Lebens, Horizonte Verlag, s.22

² Die Bahá'í Religion, Ein Überblick, S.58

Schlof, Entspannung an eng positiv ennerlech Astellung. En plus léiert Bahá'u'lláh dass ee sech dem Alkohol an den Drogen enthale soll. Hie schreibt: „*De Mënsch krut e Verstand. Dofi soll hien näischt zou sech huelen, wat him dat ewech hëlt.*“ Domat ass net nëmmen iwwerdriwwenen Alkohol- an Drogekonsum mat senge Konsequenze gemengt : ze vill héich Gewaltbereitschaft, Verkéiersakzidenter oder Alkoholismuss. Aus Bahá'í Siicht kann nëmmen totale Verzicht op Rauschmëttel vun all Zort d'Problemer verhënnere, déi se verursaachen. Ausnahme sinn do d'Verschreiwunge vum Dokter.

Heelung vu Krankheeten. Wann ee krank ass, soll ee kompetent Doktere besichen. Bahá'u'lláh erklärt, dass fir d'Heelung vu Krankheeten souwuel materiell wéi och geeschteg Methoden néideg sinn. D'Bahá'í Schrëfte ginn awer keng Recommandatiounen fir eng bestëmmte medezinesch Richtung. Déi materiell Heelung soll sech op aktuellen Erkenntnisser a wëssenschaftleche Fuerschungseresultater stëtzen. Dobäi sollte wa méiglech natierlech Methode benotzt ginn. Beispillsweis kann eng bewosst Ernährung Krankheete vermeiden. A ville Fäll ka speziell ausgewieltent Iessen souguer heelen.

Zu de geeschtegen Heelungsmethoden zielt d'Gebiet. D'Bahá'í Léiere ginn dem Gebiet eng grouss heelend Kraaft an dem Bahá'í Dokter gëtt ugeroden, virun all Behandlung fir Féierung a Bäistand ze bieden. D'Gebiet steet awer net am Géigesaz zu materiellen a wëssenschaftlech orientéiert Usätz, awer si ergänzen si ëm en noutwennegt Element. De Bahá'í Schrëften no huet d'Kombinatioun vu materiellen a geeschtegen Heelungsmethoden déi gréisst Wierkung.

Ofschléissend dëst Gebiet aus de Bahá'í Schrëften: *O Gott! Erfrëschan erfreesch mäi Geescht. Maach mäin Häerz reng. Looss meng Kräften oplichten. Ech leeën all meng Affären an Deng Hand. Du bass Deen, Dee mech leet an an Deem ech en Ennerdaach fannen. Ech wäert net nach méi laang traureg a gedréckt sinn; ech wäert e glécklecht a frount Wiese sinn. O Gott! Ech wäert net nach méi laang voller Angscht sinn, an och de Suergen et net erlabe fir mech ze péngen. Ech wäert mech net mat deene verdrëssleche Saache vum Liewen ophalen. O Gott! Du bass fir mech e bessere Frënd wéi ech et fir mech selwer sinn. Ech weie mech dir, o Här.*

296 Buchvirstellung: Wéi d'Bahá'í Gemeng sech finanzéiert, Deel 15/17

Sendung 296, 13ten a 14te Januar 2006. Léif Radio ARA Nolauschterer. Och an dëser Emissioun kucke mir e weideren Deel aus der neier Aféierung an de Bahá'í Glawen. Aspekter vum deegleche Liewen. *Wéi d'Bahá'í Gemeng sech finanzéiert.* Si finanzéiert sech duerch fräiwelleg Spende vun hire Memberen. All „*Form vun Zwang, sief en nach esou liicht an indirekt*“ widderspricht dem Wiese vum Spenden. Ob een eppes spent a wéivill e spent, bleift engem selwer iwwerlooss. All Spend ass wëllkomm, „*egal wéi bescheiden de Montant och ass.*“ Net d'Héicht vun der Zomm ass wichteg, mee déi enner Astellung beim Ginn, sou zum Beispill d'Generéisitéit oder d'Opferbereitschaft.

D'Gemeng leet grouss Wäert op finanziell Onofhängegkeet. Spende ginn nëmme vu Memberen akzeptéiert. Et sinn déi gewielten Institutiounen déi d'Finanze verwalten. D'Sue gi benotzt fir sozial an ekonomesch Projekter, fir Konferenzen a Seminarer, fir d'Erhalung vun historesche Plazen oder awer fir d'Gemengeverwaltung.

Um lokale Plang ginn d'Gemengemembere regelméisseg beim Nonzengdeegfest iwwer d'Einnahmen an d'Ausgaben informéiert. Niewent de Spenden huet Bahá'u'lláh d'Ofginn vun enger Zomm virgesinn, déi Huququ'llah heescht, op Arabesch heescht dat d'Recht vu Gott, le droit de Dieu! Dobäi soll all Bahá'í nonzeng Prozent vu sengen Erspuernisser der Gemeinschaft zur Verfügung stellen. Dobäi sinn hei Erspuernisser de Verméigenszouwuess nodeem all noutwenneg Liewenskäschen ofgezu sinn. Bahá'u'lláh betount ganz kloer, dass deen Eenzelnen dofir verantwortlech ass. Dëst sougenannt *Recht vu Gott* erméiglecht eng méi gerecht international Notzung vu Ressourcen duerch d'Ëmverdeelung vu räichen a méi aarme Länner. Haut scho gëtt dëst System an der Bahá'í Gemeng applizéiert.

297 Buchvirstellung: Déi international Bahá'í Gemeng an d'UNO, Deel 16/17

Sendung 297, 20ten a 21te Januar 2006. Léif Radio ARA Nolauschterer. Och an dëser Emissioun kucke mir e weideren Deel aus der neier Aféierung an de Bahá'í Glawen. Aspekter vum deegleche Liewen. Wéi a wou d'Bahá'í aktiv sinn. Déi international Bahá'í Gemeng an d'Veereenten Natiounen. Zënter 1948 ass d'Bahá'í Weltgemeinschaft als Netregierungorganisatioun bei de Vereenten Natiounen akkreditéiert. Déi international Bahá'í Gemeng huet e berodende Status beim Wirtschafts- a Sozialrot vun der UNO, der ECOSOC a bei der UNICEF, dem Weltkannerhëllefswierk. Si schafft enk mat der Weltgesondheitsorganisatioun zesummen, dem UNO-Ëmweltprogramm an dem UNO-Entwécklungsfond fir Fraen.

Zu hiren Aufgabe gehéieren d'Ënnerstëtzung vun UN-Programmer, d'Bedelegung u wichtegen internationale Konferenzen an d'Mataarbecht a stännege Gremien, zum Beispill der Mënscherechtskommissioun.

Et ass op der Grondlag vun de Bahá'í Prinzipie wou déi international Bahá'í Gemeng hir Stellung zu konkrete Konzepter an aktuelle Froen hält, wéi zum Beispill zu Mënscherechter, dem Status vun de Fraen, Rassismus, Aarmut, Korruptioun, Terrorismus, Ëmweltschutz oder Friddenssécherung.

Et ass haut schonn ze erkennen, dass de globale Wandel zu enger neier Uerdnung vun der Welt féiert. Dementspreechend ënnerstëtzt déi international Bahá'í Gemeng d'Entwécklung vun der UNO mat praktesch duerchféierbare Virschléi fir e staarkt globalt Regierungssystem.

Hei elo e puer Virschléi fir d'Neiorientéierung vun der UNO. ¹ *Nei Aufgabe fir d'UNO Vollversammlung* :

Laangfristeg mussen d'Beschlëss vun der Vollversammlung an existentielle Froen fir all Staate verbindlech ginn. Déi national Souveränitéit sollt stufeweis zu Gonschte vun der Ëmsetzung vun den UN-Resolutiounen ageschränkt ginn. Déi eenzel Vëlker sollt wirkungsvoll an demokratesch repräsentéiert ginn. E Land soll nëmmen da kënnen Member ginn a bleiwen wann am Land e Minimum vun Demokratie besteet a wann och tatsächlech d'Mënscherechter an deem Land existéieren. Wann et tëscht Memberstaaten nach Froen zu hire Grenze ginn, sollt eng international Kommissioun des Froe verbindlech reegelen. Zousätzlech zu der nationaler Sprooch sollt an alle Schoulen an der Welt eng gemeinsam Welthëllefssprooch ënnerriicht ginn. Eng héichrangeg Kommissioun sollt d'Virdeeler an d'Nodeeler vun der Aféierung vun enger eenzeger Weltwäring präiwen.

D'Stärkung vun der Executive: D'Vetorecht vun de stännege Membere vum Sécherheetsrot sollt ageschränkt ginn. Et sollt eng stänneg international Militärmuecht gegrenzt ginn, déi onofhängeg ass vun den Einzelstaaten. D'Prinzip vun der kollektiver Sécherheet sollt och op netmilitäresch Beräicher ausgedehnt ginn, bei deenen eng global Bedrohung besteet.

D'Stärkung vum internationale Geriichtshaff: Uerteeler vum internationale Geriichtshaff sollt laangfristeg fir all Memberstaate verbindlech ginn. Et sollte speziell Geriichter a Kummere fir international Verstéiss a Verbrieche geschaf ginn, zum Beispill fir Ëmweltverknaschtung, Drogenhandel an Terrorismus.

298 Buchvirstellung: Konscht a Musek – CD From Exile to Exaltation, Deel 17/17

Sendung 298, 27ten a 28te Januar 2006. Léif Radio ARA Nolauschterer, als wichteg Ausdrocksform fir den Eenzelen an d'Gemeinschaft ass d'Konscht e wesentleche Bestanddeel vum Gemengeliwen. Musek, Literatur, déi bildend, déi duerstend an déi ugewannte Kënschte ginn alleguer héich geschat. Si fërderen d'Liewegkeet, d'Eenheet, d'Wäermt an d'Freed.² Bei dëser Geleeënheet presentéieren ech iech eng nei CD, *from Exile to Exaltation*, mat 17 Gospellidder.

'Abdu'l-Bahá schreift: „*D'Musek ass eng wichteg Konscht. Si huet eng grouss Wierkung op de mënschleche Geescht.*“ Bahá'u'lláh beschreift zum Beispill d'Musek als eng *Lieder* fir d'Séil, mat där hirer Hëllef de Mënsch seng Spiritualitéit fërdere kann. Weider heescht et an de Bahá'í Schrëften iwwer d'Musek: „*Si ass d'Nahrung fir d'Séil an de Geescht. D'Kraaft an d'Anmut vun der Musek erhieft de Geescht vum Mënsch. Si wierkt an huet op eng wonnerbar Aart a Weis Afloss op d'Häerzer vun de Kanner, well hir Häerzer si reng a Melodie beweegen si ganz vill. Déi verbuergeren Talenter, déi an den Häerzer vun dëse Kanner schlummeren, wäerten duerch d'Mëttel vun der Musek (hiren) Ausdrock fannen.*“

Lauschtere mer nach e bëssen d'Musek vun der flotter CD. Déi gutt Nouvell fir eis Radio ARA Nolauschterer ass déi, dass dir d'CD kënnt bei iech doheem lauschten. Mir verschenken jeweils eng CD un déi éischt zwee Nolauschterer déi mir elo uuffen. An dat um 091334210.

Bei de 5ten *Independent Music Awards*, huet e Lidd an der Kategorie Gospel den éischte Präis kritt. *My God, my Adored One* gëtt gesongen vum Rachel Price.

D'CD ass d'Aarbecht vun der Boston Praise Collective, eng drësseg Leit, zesummegesat vu Museker a Sänger. Si schreiwen am Ufank vum CD Cover: „*Dat hei ass dat wat mir Bahá'u'lláh offrëien, de Prophet, de Gottesoffenbarer. 1853, aus sengem Heemechtsland Persie verbannt, huet Hien de gréissten Deel vu sengem Liewen a Gefaangeschaft verbruecht an ass als Prisonéier zu Akka, Israel 1892 gestuerwen, well Hi geléiert huet, dass et nëmmen ee Gott gëtt, dass d'Reliounen all vun der selwechter göttlecher Quell kommen, an dass d'Mënsche vun der ganzer Welt Membere vun enger Famill sinn.*“

¹ aus « *Wendezeit für die Nationen* », Oktober 1995

² Die Bahá'í Religion, Ein Überblick, S.80

299 Encouragement

Sendung 299, 3ten a 4te Februar 2006. Léif Radio ARA Nolauschterer, e grouse Merci emol fir all déi Leit, déi d'lescht Woch eis Emissioun gelauschtet hunn. Véier Leit hunn d'CD From Exile to Exaltation heem gescheckt kritt, an dat waren Nolauschterer vun Iechternach, Gasperech, Rammeldeng an Helmseng. Et huet mech ermuddegt, méi Sendungen iwwer Musek a Konscht ze maachen. An Ermuddegung ass d'Thema vun dëser Emissioun. Encouragement, engem Mutt maachen.¹

Een encouragéieren heescht engem Hoffnung, Courage a Vertraue ginn. Engem Mutt maachen heescht och dacks engem ze hëllefen, dass hien eppes ufänkt oder eppes weider mécht oder fäerdeg mécht. An de Bahá'í Schrëfte fanne mir immens vill Plaze déi eis encouragéieren, anere Mutt ze maachen: „*Et ass u jidderengem vun eis, eis géigesäiteg ze encouragéieren, ...*“² Bahá'u'lláh schreift: „*D'Vollek vu Baha muss mat der gréisster Léift an Opriichtegkeet ee mat deem aneren ëmgoen. Si sollten ëm d'Interesse vun alle beduecht sinn, a speziell de Frënn vu Gott.*“³ „*Jidderee sollt sech beméien sech ze entwécklen an deem aneren ze hëllefe weiderzekommen am Liewen.*“⁴

Et ass nätzlech hei eng Paranthèse ze maachen a sech ze froen, firwat encouragéieren ech an zu wat encouragéieren ech een? An de Bahá'í Schrëfte liese mer nees dass mir déi Gleeweg dozou encouragéiere sollen, dass si alles maache sollen, hir Ziler ze errechen. Wéi eng Ziler hunn ech da selwer a mengem Liewen? Hunn ech iwverhaapt Ziler? Brauch ech Ziler? Kann ech net einfach an den Dag era liewen? Mäin Zil ass et d'Schoul fäerdeg ze maachen, eng gutt Aarbecht ze kréien, mech ze bestueden an en Haus ze hunn. Meng Kanner ze erzéien dass si net déi selwecht Feeler maache wéi ech se gemaach hunn. Mäin Zil kann awer och sinn, einfach weider ze kommen am Liewen, wéi ech mäi Liewe féieren, mat méi Léift, mat méi Zäit fir meng Famill a meng Frënn. A menger Aarbecht als Lëtzebuergeschproff sinn ech andauernd domat beschäftigt, meng Schüler ze ermuddegen, hinnen ze soen dass eis Sprooch liicht ze léieren ass, virun allem wann de gudde Wëllen do ass. A wann een iwver Ermuddegung schwätzt, dann denkt een och iwver de Wäert vu sengen Ziler no. Verbréngen ech mäi Liewen domat, enger politescher Karrière no ze ginn? Maachen ech dat am Dénkscht vu menge Matbierger oder fir och e bësse méi Pouvoir ze hunn? Wat heescht et wann ech mengem Frënd nolauschteren? Ass e Frënd net een, mat deem ech kann iwver Saache schwätzen, déi mir um Häerz leien, Gedanken déi mech beréieren an déi ech gär mengem Kolleg ubidden.

Wann ech Bahá'í sinn, da beréiert dat mech déif, dann hunn ech e ganze Koup Ziler, déi ech gär mat aneren deelen. Wann ech Bahá'í sinn, da wëll ech domat soen dass ech e Plang hu fir d'Welt ze verbesseren. An dofir muss een zu vill sinn. A wann de Bahá'í Glawe keng Paschtéier huet, dann ass dat och fir ze soen, dass mir all eis Verantwortung droen, anere vun eisem Glawen ze erzielen, deen eis sou um Häerz läit, an hinnen ze soen; ech brauch dech, wat fënns du vun deem Zil, där Visoun vun enger anerer Welt, well dës Welt ass krank a brauch Medezin. Wéini hutt dir fir d'Lescht een ermuddegt?

300 Buchvirstellung: Esoterik, Dreem an iwversënnlech Phänomeener, Deel 1/6

Mat vill Freed stellen ech iech haut en neit Buch fir: Esoterik, *Dreem an iwversënnlech Phänomeener*, eng *Textzesummestellung aus de Bahá'í Schrëften*. Wat seet de Bahá'í Glawen zur Reinkarnatioun, zur Astrologie; kann ee mat Geeschtere schwätzen, an sou weider? Am moderne Sproochegebrauch versteet een ënnert Esoterik eng Sammelbezeechnung fir okkult Praktiken, Léieren a Weltanschauungsgemeinschaften. Am éischte Kapitel geet et ëm Dreem, Visiounen a Gespréicher mat Geeschter. Iwver d'Dreemen hu mir virun enger Zäitche schonn eng Emissioun gemaach. ...

300a Buchvirstellung: Esoterik, Dreem an iwversënnlech Phänomeener, Deel 2/6

300t Sendung, 17ten an 18te Februar 2006. Léif Radio ARA Nolauschterer, wéi an eiser leschter Sendung stelle mir haut en neit Buch fir: *Esoterik, Dreem an iwversënnlech Phänomeener*. Wat fënnt een an de Bahá'í Schrëften iwver dat Thema?

'Abdu'l-Bahá gouf zu Paräis gefrot: „*Kann eng Séil déi fort ass mat engem deen nach op der Äerd ass, Gespréicher féieren?*“ Hei seng Äntwert: „*E Gespréich ass méiglech, awer net wéi eis Gespréicher. Sécher gräifen d'Kräfte vun héijere Welten an d'Kräfte vun dësem Planéit anenaner. D'Häerz vum Mënsch ass op fir Eingebung; si ass geeschteg Kommunikatioun. Wéi een am Dram mat engem Frënd schwätzt, während deem de Mond roueg ass, sou ass et och mam Gespréich mam Geescht. E Mënsch ka mat dem Ech an him selwer schwätzen a soen:* „*Soll ech dat*

¹ <http://www.ruhiresources.org/traininst/gsm/enc.PDF>

² Shoghi Effendi, *Bahiyih Khanum*, pp.163-164

³ Bahá'u'lláh, *Kitab-I-Aqdas*, Notes, p.209

⁴ Shoghi Effendi, *High Endeavors*, p.35

maachen? Ass et rotsam fir mech, dës Aarbecht ze maachen? Dës Aart ass d'Gespréich mat deem méi héijen Ech. “¹

'Abdul-Bahá gouf gefrot wéi et zougeet, dass sech d'Häerz dacks instinktiv u Frënn wennt, déi an d'nächst Liewen agaange sinn: Hei seng Äntwert: „*Et ass e Gesetz an der Schöpfung vu Gott, dass sech de Schwaachen un dee Staarke stäipt. Déi, zu deenen s du dech wends, kënnen Vermëttler vun der göttlecher Kraaft fir dech sinn, wéi wa si op der Äerd wäeren. Awer et ass deen een hellege Geescht, deen alle Mënsche Kraaft gëtt.*“²

Bahá'u'lláh waarnt eis och virun eisen eegene Visounen. An der Ährenlese schreift Hien: „*Dir sollt op kee Fall ärer Phantasie et erlaben, är Urteelskraaft dréif ze maachen, nach sollt dir är eege Virstellung fir d'Stëmm vum Éiwegen halen.*“³

'Abdul-Bahá schreift iwwer Gott dat hei: „*Dass et esou e Wiese gëtt, hunn d'Philosophen an déi Geléiert alleguer erkannt; awer wéi si versicht hunn, eppes iwwer Sâi Wiesen erauszefannen, goufe si bestierzt an entmuddegt, fir schliesslech hoffnungslos verzweiwelt hiner Wee ze goen an aus dësem Liewen erauszetrieden. Well ëm den Zoustand an dat ënnert Mysterium vun dësem Wiese vun alle Wiesen, fir dëst geheimste vun alle Geheimnisser ze begräifen, muss een aner Kräften a Fäegkeete besëtzen. Sou eng Kräften a Fäegkeeten wäer méi, wéi d'Mënschegeslecht droe kéint. Dofir ka kee Wuert vun Him zu de Mënsche gelaangen.*“⁴

Wat soen d'Bahá'í Schrëften iwwer d'Astrologie an d'Horoskoper? 'Abdul-Bahá seet: „*D'Stären um Himmel hu guer kee geeschtegen Afloss op dës Welt vum Stëbs. Awer all d'Glidder an d'Deeler vum Weltall sinn an dësem onendleche Raum enk matenee verbonnen, an dës Verbindung schaaft materiell Wierkungen, déi op Géigesäitegkeet berouen.*“⁵

„*D'onendlecht Weltall ass mam mënschleche Kierper ze vergläichen, deem seng Deeler an engem Zesummenhang stinn an a gréisster Festegkeet matenee verbonne sinn. ... Zum Beispill gesäit d'A an de ganze Kierper gëtt beaflosst; d'Ouer héiert an all Deeler vum Kierper ginn dovun beréiert. Doriwwer gëtt et keen Zweifel. D'Weltall ass wéi e liewege Mënsch. Doriwwer ewech muss d'Verbinding, déi tëschent den Deeler vun der Existenz besteet, zwangsweis Wierkung an Afloss hunn, sief et materiell oder geeschteg.*

Fir déijéineg, déi geeschtegen Afloss op materiell Saache verneinen, erwähne mir e kuerzt Beispill: Wonnerbar Lauter an Téin, Melodien a bezauberend Stëmme si Virgänger, déi op d'Loft awierken – well de Schall ass den Ausdrock vu Schwéngunge vun der Loft -, an dës Schwéngunge wierken op d'Nerve vum banneschten Ouer, a sou entsteet d'Héieren. Elo iwwerlee, dass d'Schwéngung vun der Loft, a sech en onbedeitende Virgänger, de Mënschegescht fesselt oder stéiert an eng grouss Wierkung op hien ausübt: si deet hie kräischen oder laachen a beaflosst hie vläicht a sou engem Mooss, dass hie sech a Gefor begëtt. .. Bedenk wéi komesch dëst ass, well aus dem Sänger kënnt näischt ervir, wat an den Nolauschterer erageet, an awer gëtt eng grouss geeschteg Wierkung ervierbruecht. Zweiwellos muss dohir sou eng grouss Verbindung tëschent allem Erschafene geeschteg Beaflossungen an Auswierkungen hunn. ... Alles wat erschaf ass, ob grouss oder kleng, ass duerch déi vollkommene Wäisheet vu Gott matenee verbonnen, wierkt openeen an a beaflosst sech géigesäiteg. Wann et net esou wier, géifen Onuerdnung an Onvollkommenheet am System vum All an der allgemenger Uerdnung vun der Existenz herrschen. Well awer alles wat existéiert a gréisster Festegkeet matenee verbonnen ass, ass et geuerdnet u senger Plaz a vollkommen. ...“⁶

Weider liese mir an de Bahá'í Schrëften: „*Mir sollten der Astrologie oder Horoskope keng Bedeitung ginn. Si ëmfaasse keng exakt Wëssenschaft, wann et och heiansdo sou schéngt, wéi wann e bësse Wourecht dru wier; awer dësen Undeel ass kleng.*“⁷

300b Buchvirstellung: Dreem an iwwersënnelech Phänomeener, Deel 3/6

300t Sendung, 24ten an 25te Februar 2006. Léif Radio ARA Nolauschterer. Dir sidd invitéiert dës Freideg den Owend, 24te Februar, op en interreligiöse Gebietsowend zu Stesel, am Porheem, Niewent der Kierch, an dat um 8 Auer. D'Thema vum Owend ass d'Léift. Dir kënnt och gären en Text matbréngen. Fir weider Informatiounen kënnt dir mir natierlech uruffen um 091334210. Fir all d'Skeptiker ënnert iech, hei e puer flott Informatiounen aus der leschter P.M. Zeitung zum Thema Gebiet:

¹ 'Abdul-Bahá, *Paris Talks*, S.179

² 'Abdul-Bahá in: Esslemont: *Bahá'u'lláh und das neue Zeitalter*, S.222

³ Bahá'u'lláh, *Ährenlese* 160

⁴ 'Abdul-Bahá, *Briefe und Botschaften* 24:4

⁵ 'Abdul-Bahá, *Briefe und Botschaften* 139:3

⁶ 'Abdul-Bahá, *Beantwortete Fragen*, Kap.69 S.238

⁷ Shoghi Effendi, *Lights of Guidance* 1748

Et ass dat e ganzt éiergäizegt Experiment, geleet vum amerikaneschen Häerzspezialist Mitchel Krucoff. Den 52 Joer ale Chefkardiolog vun der Duke Universiteit zu Durham an Nord-Carolina huet zwou Gruppe vun all Kéier 370 häerzkrankte Patienten an néng amerikanesche Klinike fir en Doppelblindversuch organiséiert. Eng Grupp krut dräi Joer laang zousätzlech zur schoulmedizinescher Behandlung fromm Fürbitte vu Leit vu baussen als sougenannt Medikament, déi aner Gruppen net. Weder d'Patienten nach d'Doktere wossten, wien zu wéi enger Grupp gehéiert huet. De Chefkardiolog huet weltwäit, reliounsüwweigräifend a *professionnel* fir déi 370 Häerzkrank biede gelooss: A Klouschteren, Tempelen a Moscheen hu chrëschtlech Nonnen a Mönche, buddhistesch Meeschter an islamesch Geeschtlech d'Fürbitte fir hir jeeweileg Patiente gesot. Zu Jerusalem hunn orthodox Judden persounebezunn Gebiedszielendelen an d'Ritze vun der Klagemauer eragestach.

De Professor Krucoff ass gleeweg, awer hie selwer war iwwer d'Resultat verblüfft: No dräi Joer hate méi wéi nonzeg Prozent vun deene mat Gebieder behandelten Häerzkrank e besseren Heelungsverlaf wéi d'Patiente vun (deenen anere Gruppen) der Kontrollgrupp.

Wéi de Kardiolog no enger wëssenschaftlecher Erklärung fir déi wonnerbar Wierkung gefrot gouf, huet hie just d'Schëllere gehuewen a gesot: „*D'Gnod vu Gott kann net ënnert d'Mikroskop geluecht ginn. Mir wollten nëmmen noweisen, dass Fürbitte wierklech hëllefen.*“¹

Stellt iech elo mol vir, dass ze guer Krankekeese vun der therapeutescher Stärkt vum Gebiet profitéiere wëllen. Sou recommandéiert d'AOK Berlin hire Memberen e reegelméisseg Kontakt mam Allmächtigen.

An eiser Welt ginn et munch Saachen, vun deene mir net wëssen, wéi wouer oder falsch se sinn. Sou zum Beispill d'Zuelemystik and d'Physiognomie. Sou liese mir an de Bahá'í Schrëften: „*Et gëtt an de Léieren näischt, wat eis gleewen deet, dass d'Zuelemystik oder d'Astrologie ... gebraucht gëtt, fir eis an iergendeng Aart a Weis ze féieren.*“ An ... „*e gewësst Mooss u Wourecht stécht an der Zuelemystik, der Physiognomie an sou weider, awer et gëtt vun hire Verrieder vill ze vill iwwerdriwwen.*“

Schonn an eiser leschter Emissioun hu mir iwwer geeschteg Féierung geschwat, a wou mir si kënne kréien. „*...Bahá'u'lláh seet, dass kee Mënsch kann direkt vu Gott komplett Féierung kréien. Hie muss si duerch d'Prophete kréien.*“ Weider liese mir : „*Et ass dacks immens schwéier, jo bal onméiglech, tëscht echter Féierung an iwwersënnleche Phänomeener ze ënnerscheeden. Duerch déi vun der Konzentratioun, dem Gebiet an der Meditatioun ausgehender Kraaft an déi dorausere entstane Wierkungen kann een – wéi och ëmmer – déi onmëttelbar geeschteg Féierung vu Gott fillen. Eng onerlässlech Bedingung dofir ass déi dass d'Häerz reng ass.*“²

Méi iwwer Meditatioun, Gefiller, Telepathie a Gedanken an eiser nächster Emissioun.

301 Dreem an iwwersënnleche Phänomeener, Deel 4/6

301t Sendung, 3ten a 4te Mäerz 2006. Léif Radio ARA Nolauschterer. An eise Bahá'í Emissiounen hu mir scho vill iwwer d'Thema Meditatioun geschwat. Am Bahá'í Glawe si keng Fest Forme vu Meditatioun virgeschriwwen. Et gëtt kee virgezechnete Programm fir déi ënner Entwécklung. Jiddereen ass awer opgefuerdert, ja et ass ze guer eng onverzichtbar Pflicht, ze bidden. Meditéieren ass gutt, awer wéi si béides maachen, ass ganz deem Eenzelen iwwerlooss.³

'Abdu'l-Bahá vergläicht d'Fäegkeet zur Meditatioun mat engem Spigel: „*Stellt een de Spigel virun ierdesch Saachen, da spigelt en déi zrëck. Wann de mënschleche Geescht also iwwer ierdesch Saachen nodenkt, léiert hien eppes doriwwer. Dréint dir awer de Spigel vun ärem Geescht zum Himmel zou, ginn himmlesch Saachen an d'Strale vun der Sonn vun der Wierklechkeet an ärem Häerz erëmgespigel, ... Loosst ons Spigel ginn, déi déi himmlesch Wierklechkeeten erëmginn, so reng, dass mir d'Stäre vum Himmel erëmspigen.*“⁴

D'Meditatioun erméiglecht et, d'Diere vun déiwer Erkenntnis opzemaachen. Weider schreift 'Abdu'l-Bahá: „*Mir sollten an der Sprooch vum Himmel, an der Sprooch vum Geescht schwätzen, well et gëtt eng Sprooch vum Geescht a vum Häerz. Déi ass esou verschidde vun eiser Sprooch, wéi eis verschidden ass vun der Déieresprooch, déi sech nëmme kënnen duerch Gejüz a Lauten ausdrécken. Et ass d'Sprooch vum Geescht, déi zum Herrgott schwätzt. Wa mir ons, fräi vun allen äusserleche Saachen, am Gebiet Gott zoudréien, dann ass et esou wéi wa mir d'Stëmm vu Gott an eisem Häerz géifen héieren. Ouni Wieder ze soen, si mir a Verbindung, schwätze mir mat Gott a lauschtere*

¹ P.M. Magazin, Feb.2006

² Esoterik, SK Verlag, S.30

³ Shoghi Effendi, *Über die Macht des Gebets*, S27, aus Esoterik, SK Verlag, S35

⁴ 'Abdu'l-Bahá In: *Über die Macht des Gebets*, S17

seng Äntwert.... Mir alleguer, wa mir an engem wierklech geeschtegen Zoustand sinn, kënne mir d'Stëmm vum Herrgott héieren“.¹

Kucke mir nach wat d'Bahá'í Schrëfte vun aner iwwersënnleche Phänomeener soen. 'Abdu'l-Bahá schreift iwwer geeschteg Gefiller: „D'Häerz vum Mënsch gläicht engem Spigel. Ass de Spigel reng, da stelle sech d'Häerzer openeen an a spigele sech géigesäiteg; sou gi geeschteg Gefiller geschaf.“

An iwwer d'Telepathie liese mir: „D'Bahá'í Léiere gi keen Hiweis op de Froekomplex vun der Telepathie. Et ass eng Ugeleeënheet vun der Psychologie“.

Iwwer d'Ausstrale vu Gedanken: „Den Hidder gleeft net dorunner, dass d'Ausstrale vu Gedanken oder d'Heelkraaft iergendenger Grupp Fridde bréngen kéint. D'Gebiet wäert der Welt zweiwellos hëllefen, awer wat d'Welt brauch, ass dat si dem Bahá'u'lláh säi Plang unhëlt, fir dass esou d'Weltuerdnung op enger neier göttlecher Grondlag erricht gëtt.“

Ass de Geescht schiedlech beaflossbar? „Dir sollt keng Angscht hunn, dass iergendeen äre Geescht ka beaflossen. Souguer wa mir d'Gedanke vun deenen afänke wëllen, déi mir am meeschte gär hunn, kënnte mir dat awer net maachen; ëmsou manner wier et frieme Mënsche méiglech, an onse Geescht eranzekommen.“

Wat d'Heelung duerch spiritistesche Praktiken ugeet, huet 'Abdu'l-Bahá ons virdu gewarnt. Mir sinn awer fräi, all Form vun Autosuggestioun oder Hypnos ze notzen, déi vun der medezinescher Wëssenschaft oder vun uerdentlech ausgebildete Doktere praktizéiert gëtt, sou laang mir der Iwwerzeugung sinn, dass den Dokter, deen dës Methoden uwennt, qualifizéiert ass a seng Rechter net mëssbraucht.²

Zu denger Fro iwwer d'geeschtegt Heelen. Dës Aart vun der Heelung ass wierklech eng vun de wierksaamste Methoden, e Mënsch vu senger geeschtegen a kierperlecher Leiden a Peng ze befreien. ... Et sollt als wichtegst Mëttel zur vollstänneger kierperlecher Genesung agesat ginn. Geeschteg Heelung ass awer keen Ersaz fir materiell Heelen a kann et och net sinn; et ass awer eng wäertvoll Ergänzung dozou. Allebéid si wichteg an ergänzen sech géigesäiteg.³

302 Buchvirstellung: Reinkarnatioun, Deel 5/6

302t Sendung, 10ten an 11te Mäerz 2006. Reinkarnatioun ass en Thema iwwer dat 'Abdu'l-Bahá e puermol geschwat huet. Mir fannen och aner Erklärungen dozou an de Bréiwer vum Hidder vum Bahá'í Glawern, dem Shoghi Effendi. Déi Texter sinn zesummebruecht am Buch: *Esoterik, Dreem an iwwersënnleche Phänomeener, eng Textzuesummestellung aus de Bahá'í Schrëften*, am SK Verlag.

„De Glawen an d'Reinkarnatioun geet wäit zrëck an d'Virgeschicht vun de meeschte Völker; e behaupt sech souguer bei de griichesche Philosophen, de réimesche Weisen, den alen Egypter an de groussen Assyren. Trotzdem sinn dës Awerglawen ... D'Hauptargument vun den Unhänger vun der Reinkarnatioun war, dass no Gottes Gerechtegkeet jidderee säi Verdéngscht kréie muss. Sou dacks zum Beispill e Mënsch vun engem Ongléck bedréckt gëtt, ass dat wéinst engem Onrecht, dat hie gemaach huet. Awer huel e Kand, dat nach am Bauch vun der Mamm ass. Den Embryo ass eréischt grad geformt, d'Kand ass awer blann, daf, ... an onvollkommen – wéi eng Sënn huet e sou ee Kand begaang, dass et säi Leed verdéngt? Si äntweren: Obschonn d'Kand am Bauch vun der Mamm dem äusseren Uschäin nach kenger Sënn schëlleg ass, huet et awer a senger fréierer Gestalt Onrecht begaangen, an dofir verdéngt et elo eng Strof. Dës Leit hunn awer dës Punkt iwwersinn: Wann d'Schöpfung nëmmen no enger eenzeger Reegel virugeet, wéi kéint dann déi allëmfaassend Muecht sech wahrnehmbar maachen? Wéi kënnt den Allmächtigen Dee sinn, „mécht wat him gefällt, a befeelt, wat Hie wëll?““⁴

Op enger anerer Plaz liest een: „D'Bahá'í Usiicht iwwer d'Reinkarnatioun ënnerescheed sech wesentlech vun der Hindu Opfaassung. D'Bahá'í gleewen un Zréckkomme vun Attributer an Eegeschaften, soen awer, dass d'Wiesen oder d'Wierklechkeet vun de Saachen net kann zréckbruecht ginn. All Wiese behält seng eegen Individualitéit, awer munnech vu sengen Eegeschaften kënne iwwerdroe ginn....“

„D'Entfaltung am Liewe vum Individuum fänkt mat der Entstehung vum mënschlechen Embryo un, geet duerch verschidde Etappen a fiert da souguer nom Doud an enger anerer Form weider. De mënschleche Geescht ass kapabel sech onendlech weiderzeentwécklen. D'Identitéit vum Mënsch – oder villméi seng Individualitéit – geet ni verluer. Seng Wierklechkeet als Persoun bleift duerch déi verschidden Etappe vun senger Entwécklung bestoen. ...“

¹ 'Abdu'l-Bahá In: Esslemont: Bahá'u'lláh und das neue Zeitalter, S.108

² in: Gesundheit, Ernährung, Medizin und Heilen, S.70

³ in: Gesundheit, Ernährung, Medizin und Heilen, S.80

⁴ Vgl. Qur'an 3:35, 2:253

An op enger anerer Plaz liese mir: „Mir wëssen aus de Léiere vu Bahá'u'lláh, dass et keng Reinkarnatioun gëtt. Mir kommen nëmmen eng Kéier op dëse Planét. Eist Liewen hei gläicht dat vum ongebuere Kand am Bauch vun der Mamm, wat an dësem Stadium alles dat entwéckelt, wat néideg ass fir säi ganz Liewen nodeem et gebuer ass. Sou ass et och mat eis. Geeschteg mussen mir hei entwécklen, wat mir fir eist Liewen nom Doud brauchen. An deem spéidere Liewe ka gott eis duerch Seng Gnod hëllefen, Eegeschafte ervirzebréngen, dären Entwécklung mir während eisem irdeschem Liewe vernoléisst hunn. Et ass net néideg fir eis, zréckzekéieren an an engem anere Kierper gebuer ze ginn, fir geeschteg virunzekommen a Gott méi no ze kommen.“

Wat soen d'Bahá'í Schrëften iwwer d'Mönchen, d'Askes an d'Einsiedelei? Bahá'u'lláh schreift dass si net akzeptabel sinn. De Mënsch soll op dëser Äerd sech mat Saache beschäftegen, déi „eng stralend Freed bewierken“. 'Abdul-Bahá schreift dozou: „An Indie gëtt et eng Sekt, déi gréissten Enthaltsamkeet beuecht an hiert Iesse stufeweis méi kleng mécht, bis sie bal vun näischt méi leeft. Awer hire Verstand leid dorënner. E Mënsch ass net fäeg, Gott mam Gehir a mam Kierper ze déngen, wann hien duerch en Nahrungsmangel geschwächt ass. Hie kann net kloer gesinn.“

303 Buchvirstellung: Esoterik, Dreem an iwwersënnelech Phänomeener, Deel 6/6

303t Sendung, 17ten an 18te Mäerz 2006. An eiser Buchvirstellung: *Esoterik, Dreem an iwwersënnelech Phänomeener*, bleift eis nach e leschten Deel. *Wat soen d'Bahá'í Schrëften iwwer den Däiwel, de Satan oder béis Geeschter?*

'Abdu'l-Bahá schreift dozou: ... de béise Geescht, de Satan, oder wat een och ëmmer als dat Béist ausleet, déi déif Natur am Mënsch bezechent. Dës déif Natur gëtt op ganz vill Manéieren duergestallt. Am Mënsch gëtt et zwou Ausdrucksformen: Déi eng ass den Ausdrock vun der Natur, déi aner den Ausdrock vum geeschtege Räich. D'Welt vun der Natur ass fehlerhaft. Kuckt si mat kloren Aen, geheit all Awerglawen, all Abildung ewech! Wann dir e Mënsch barbaresch an ouni Erzéiung an d'Wëldnisser vun Afrika ausetzt, kann dann en Zweifel bestoen, dass hien onwëssend bleift. ... Et ass genee sou eng Realitéit vum Buedem, dass Onkraut, Dären a Been ouni Friichten doraus wuessen; et ass einfach nëmmen den niddregen Zoustand, dat méi einfacht Produkt vun der Natur.

Doraus ergëtt sech, dass de Mënsch göttlech Erzéiung ... brauch, dass Gottes Gnod fir seng Entwécklung onentbierlech sinn. Dat heescht dass d'Léiere vu Christus an de Prophete fir déi mënschlech Erzéiung a Féierung noutwenneg sinn. Firwat? Well Christus an d'Propheten göttlech Gäertner sinn, déi de Buedem vum mënschlechen Häerz a Verstand ëmgruewen. Si erzéien de Mënsch, geheien d'Onkraut eraus, verbrennen d'Dären a maachen e Gaart mat Friichtebeem. De Sënn an d'Wäisheet vun hirer Erzéiungsaarbecht ass et, dass de Mënsch sech vun Etapp zu Etapp ëmmer weiderentfaalt, bis hie Vollkommenheet kritt.

... Kierperlech gëtt de Mënsch net a senger voller Gréisst gebuer; villméi geet hien duerch d'Etappe vum Embryo, dem Puppelchen, der Kandheet, der Jugend, dem Erwuessesinn an dem Alter. Ugeholl, de Mënsch hätt d'Muecht, säi ganz Liewe laang jonk ze bleiwen; da géif hien d'Bedeutung vum Alter net verstoen an hie kéint net gleewen, dass et dat gëtt. Wéi kéint dir erkennen, dass dat Wiesen niewent iech e Kand ass, wann dir ni selwer den Zoustand vun der Kandheet duerschtratt hätt? Wéi kéint dir Recht erkennen, wann et keen Onrecht géif ginn? Wéi kéint dir d'Dugend schätzen, wa keng Sënn do wär? Wéi kéint dir gutt Doten emfeelen¹, wa béis Doten unbekannt wäeren? Wéi géift dir verstoen, wat Gesondheet ass, wann et keng Krankheet géif ginn? Dat Béist huet keng Existenz; et ass d'Netdosinn vum Gudden. Krankheet ass de Verloscht vun der Gesondheet, Aarmut de Mangel u Räichtëmer. Wann de Wuelstand verschwënnt, sidd dir aarm; ... Ouni Wëssen herrscht Onwëssenheet; dofir ass Onwëssenheet einfach de Mangel u Wëssen. Den Doud ass d'Netdosinn vum Liewen. Dofir hu mir op där enger Sait d'Existenz an op där anerer d'Netdosinn. ... D'Rees vun der Séil ass noutwenneg. De Wee vum Liewen féiert zu göttlecher Erkenntnis a göttlechen Eegeschafte. Ouni Übung a Féierung kéint d'Séil nimools iwwer den Zoustand vun hirer déiwer, onwëssender, feelerhafter Natur erauskommen.²

Weider liese mir dass „d'Uspillungen an de Bahá'í Schrëften op de „Satan“ oder „de Béisen“ symbolesch sinn an net bedeuten, dass den Däiwel als Persoun existéiert; si symboliséieren déi niddreg Natur vum Mënsch, wéi zum Beispill déi selbstsüchteg Aflüsterung vum Ech.“³

'Abdu'l-Bahá schreift weider: „Sech mat iwwersënneleche Kräften ofzeginn, während een op dëser Welt ass, wierkt stéierend op den Zoustand vun der Séil an der nächster Welt. Dës Kräfte si wierklech, trieden awer normalerweis op dëser Stuf net an Tätegkeet. D'Kand am Bauch vun der Mamm huet seng Aen, Oueren, Hänn, Féiss an sou weider, awer si trieden nat an Tätegkeet. De ganzen Zweck vum Liewen an der materieller Welt ass et,

¹ recommentéieren, virschloen

² 'Abdu'l-Bahá, *Promulgation of Universal Peace*, S.294ff

³ *Das Universale Haus der Gerechtigkeit*, in *Kitab-I-Iqan*, S265

*duerchzedréngen zur Welt vun der Wierklechkeet, wou dës Kräfte dann an Tätegkeet trieden. Si gehéieren där Welt un.*¹

304 Message un déi reliéis Leadere vun der Welt, Deel 1/6

304t Sendung, 24ten an 25te Mäerz 2006. Léif Radio ARA Nolauschterer. Am Abrëll 2002 huet den héchste Bahá'í Gremium sech an engem opene Bréif un déi reliéis Leadere vun der Welt gerichtet. Am Liicht vun der haiteger Weltlag a Krisis tëschent de Reliounen presentéiere mir iech dës Bréif an den nächsten Emissiounen.

Un déi reliéis Leader vun der Welt.

1. Dat 20t Jorhonnert huet d'Völker vun der Welt dozou gezwongen, sech als Membere vun enger eenzeger Mënschheet ze gesinn, an d'Äerd als gemeinsam Heemecht vun dëser Mënschheet. Trotz andauernder Gewalt a Konflikter, déi den Horizont verdonkelen, loosse Virurteeler, déi soss dem Wiese vun der Gattung Mënsch ugebueren ze si schéngen, iwwerall no. Mat (de Virurteeler) falen och Barrièren, déi d'Mënscheetsfamill laang Zäit an e Babel isoléierter Identitéite vu kulturellem, ethnëschem oder nationalem Ursprung gespléckt hunn. Dass esou en déifgräifend Changement sech an esou kuerzer Zäit – aus historiescher Siicht praktesch iwwer Nuecht – vollzéie konnt, léisst d'Ausmooss vu spéidere Méiglechkeeten eranen.
2. Tragescherweis ass déi institutionaliséiert Relioun, déi hir Existenz am Dénkscht un der Saach vun der Bridderlechkeet an dem Friden huet, all ze dacks eng vun de gréissten Hindernisser op dësem Wee; fir eng besonnesch schmärzlech Tatsach ze zitieren: scho laang huet (déi etabliert Relioun) hir Glafwierdegkeet dem Fanatismus ginn. Als ieweschte Gremium vun enger Weltrelioun fille mir ons verpflichtet dorop ze drängen, seriö iwwer d'Erausfuorderung nozedenken, virun déi dat reliéis Leadere stellt. Souwuel d'Problem wéi d'Ëmstänn, déi sech dorausser erginn, zwéngen eis, offen ze schwätzen. Mir vertrauen dorop, dass de gemeinsamen Dénkscht um Gëttleche sécherstellt, dass dat Gesoten am selwechte Geescht vum gudde Wëllen opgefaasst gëtt, an deem et gesot gouf.
3. Besonnesch däitlech gëtt de Problem, wann een iwwerleet, wat op anere Gebidder erreecht gouf. An der Vergaangenheet goufen d'Fraen, ofgesi vu vereenzelten Ausnamen, als mannerwäerteg ugesinn; Awer glawen huet si an hirem Wiesen ageschränkt; et gouf hinnen all Chance versot, d'Méiglechkeete vum mënschleche Geescht auszudrécken; si goufen dozou degradéiert, de Bedierfnesser vun de Männer ze déngen. Natierlech gëtt et Gesellschaften, an deenen ëmmer nach esou Zoustänn herrschen an déi souguer fanatesch verteidegt ginn. Um Plang vun der globaler Diskussioun awer huet d'Iddi vun der Gläichberechtigung vun de Geschlechter méttlerweil praktesch d'Muecht vun engem allgemengen unerkannte Prinzip kritt. Änlech verbindlech ass et fir de gréissten Deel vun der Wëssenschaftswelt an de Medien. Sou grondleeënd gouf hei ëmgeduecht, dass d'Befürworter vun enger männlecher Virmuechtstellung kaum nach bei verantwortungsvolle Meenungsbildern Ënnerstützung fannen.
4. Déi belagert Batailljoune vum Nationalismus gesi sech engem änleche Schicksal géintiwwer. Mat all iwwerstanener Kris an den Ugeleeënheete vun der Welt gëtt et fir de Bierger méi liicht ze ënnerscheeden, tëschent enger Léift fir seng Heemecht, déi d'Liewe beräichert, an der Ënnerwerfung vun enger entfachter Rhetorik, déi den Haass op aner an d'Angscht virun hinne provozéiere wëll. Souguer do wou d'Partizipatioun un de gewinnnten nationalistesche Gebräicher legitim erschénkt, weise sech an der ëffentlecher Reaktioun niewent den albekannte festen Iwwerzeugungen a bereetwëlleger Begeeschterung genee sou dacks Gefiller dass d'Leit genéiert sinn. Dësen Effekt gouf duerch d'Restrukturéierung verstärkt, déi lues awer sécher an der internationaler Uerdnung stattfënnt. Bei all de Schwächen am System vun de Vereenten Natiounen, wéi se am Moment bestinn, a wéi begrenzt och hir Fäegkeet ass, zesumme militäresch géint Aggressiounen virzegoen – et ka keen d'Tatsaach verkennen, dass de Mythos vun der absolutter nationaler Souveränitéit amgaang ass ze verlöschen.

304a Message un déi reliéis Leadere vun der Welt, Deel 1/6

nach ophuelen:

5. Rassesch an ethnësch Virurteeler goufe genee sou vun historiesche Prozesser condemnéiert, déi keng Gedold méi hu fir däraarteg Uspréich. Hei huet ee sech besonnesch entschlosse vun der Vergaangenheet ofgegrenzt. Duerch seng Associatioun mat de Schrecke vum 20te Jorhonnert ass Rassismus haut däraart negativ beluecht, dass e gewëssermoossen de Charakter vun enger geeschteger Krankheet krut. Obwuel rassesch Virurteeler als gesellschaftlech Astellung nach a villen Deeler vun der Welt iwwerliewen – an engem groussen Deel vun der Mënschheet d'Liewe schwéier maachen – gi si haut als Prinzip sou universell veruerteelt, dass keng Grupp sech méi onbesuergt erlabe kann, domat identifizéiert ze ginn.

¹ 'Abdu'l-Bahá In: Esslemont: Bahá'u'lláh und das neue Zeitalter, S.220

6. Net dass eng donkel Vergaangenheet ausgelöscht an eng nei Welt vu Liicht op eemol gebuer wär. Eng Onmass vu Mënsche mussen nach ëmmer d'Auswierkunge vun déif verwuerzelte Virurteeler erdroen, an dat wat hir Vollekszougheieregkeet, hiert Geschlecht, hir Natioun, hir Kast oder Klass ugeet. Alles weist dorops hin, dass sou en Onrecht nach laang weider bestoe wäert, well d'Institutionen an d'Normen, déi d'Mënschheet gerad entwéckelt, nëmme lues d'Kraaft gewannen, fir eng nei Uerdnung vu Bezéiungen opzebauen an d'Leed vun den Ënnerdréckten ze erliichten. Awer eng Schwell gouf iwwerschritt, vun där ëmzedréien et keng gläwender Méiglechkeet méi gëtt. Fundamental Prinzipie sinn erkannt an artikuliert, si krute vill ëffentlech Opmierksamkeet a si verankere sech ëmmer méi fest an Institutionen, déi an der Lag sinn, se duerchzusetzen. Sou laang a schmäärzvoll de Kampf och ass, et gëtt keen Zweifel drun, dass d'Bezéiungen tëschent alle Vëlker un der Basis revolutionéiert ginn.

305 Message un déi reliéis Leadere vun der Welt, Deel 2/6

305t Sendung.

7. Am Ufank vum 20te Jorhonnert huet et esou ausgesinn, wéi wann et virun allem reliéis Virurteeler wieren, déi de Kräfte vum Changement erliegé gëfen. Am Weste ware wëssenschaftlech Erkenntnisser schonn haart mat den zentrale Seile vu reliésen Ausschiesslechkeetsuspréich an d'Gericht gaangen. Déi interreléis Beweegung war déi villversprochenst vun den neie reliésen Entwécklungen am Zesummenhang mat der verännerter Selbstwahrnehmung vun der Mënschheet. Souguer déi ambitionéiert Organisatoren vun der Weltausstellung 1893 zu Chicago waren iwwerrascht, wéi do dat berühmte *Parlament vun de Reliounen* an d'Liewe koum, eng Visioun vu geeschteger a moralescher Eenegkeet, déi d'Fantasie vun de Mënschen op alle Kontinenter beschäftegt huet, an déi et souguer fäerdegruecht huet, déi wëssenschaftlech, technologesch a wirtschaftlech Wonner, déi op der Ausstellung gefeiert goufen, an de Schiet ze stellen.

8. Kuerz, et huet geschéngt, wéi wann all Mauere gefall wieren. No der Aschätzung vun aflossräichen Denker op dem Gebitt vun der Relioun war dës Versammlung eenzegaarteg, "*ouni hiresgläichen an der Weltgeschichte*". D'Parlament, sou sot säin Hauptorganisator, huet « *d'Welt vun der Bigotterie befräit* ». Eng fantasievoll Féierung, sou gouf voll Zuversicht virausgesot, géif d'Geleeënheet ergräifen, fir an de scho laang gespléckte reliése Communautéite vun der Welt e Geescht vu Bridderlechkeet ze erwächen. Dës Geescht vu Bridderlechkeet kéint fir déi nei Welt vum Wuelstand a Fortschritt déi néideg moralesch Stützmaueren bidden. Doduerch ermuddegt sinn déi ënnerschiddlech interreléis Beweegungen gewuess an hu sech entfaalt. Eng vast Literatur, déi a ville Sproochen zougänglech war, huet eng ëmmer méi breet Ëffentlechkeet, Gleeweg an Net-Gleeweg gläichermoossen, mat de Léiere vun alle grouss Reliounen vertraut gemaach an huet en Interessi geschaf, déi spéider och duerch de Radio, de Fernseh a schliesslech duerch den Internet opgegraff goufen. Universiteiten hu Studiegäng a vergläichender Reliounswëssenschaft agefouert. Géint Enn vum Jorhonnert goufen interreléis Andachten, nach virun e puer Joer ondenkbar, zu eppes Alldeeglechem.

9. Leider feelt et dësen Initiativen eendeiteg souwuel un intellektueller Kohärenz wéi och u geeschteger Verbindlechkeet. Am Géigesaz zu den Eenegungsprozesser, déi déi aner sozial Bezéiungen vun der Mënschheet transforméieren, gëtt der Iddi, dass all grouss Reliounen vun der Welt hirem Wiesen no an Ursprong no gläichermoosse valabel sinn, vu fest verankerte Mustere vu reliésem Denken haartnäckeg Widerstand geleescht. De Prozess vun der Rassenintegratioun ass keng einfach sentimental oder taktesch Entwécklung, mee wiest aus der Erkenntnis, dass d'Vëlker vun der Welt eng eenzeg Gattung ausmaachen, deenen hir vill ënnerschiddlech Ausprägungen u sech weder nach e Virdeel fir d'Membere vun där enger, nach en Nodeel fir déi vun där anerer mat sech bréngen. Genée sou huet d'Emanzipatioun vun der Fra d'Bereedschaft gefuerdert, souwuel vu gesellschaftlechen Institutionen wéi och déi ëffentlech Meenung unzuerkennen, dass et keng akzeptabel Grënn ka ginn, sief et biologesch, sozial oder moralesch, déi rechtfertegen, dass Fraen déi voll Gläichberechtigung mat Männer oder Meedercher net déi selwecht Bildungsméiglechkeeten wéi Jonge kréie kënnen. A genée sou wéineg kann d'Wäertschätzung vu Beiträg, déi munch Natiounen zur Formung vun enger Weltkultur leeschten, déi iwwerliewert Illusioun stëtzen, dass aner Natiounen nëmme wéineg oder guer näischt zu dëser Beméiung bäizetroen hunn.

305a Message un déi reliéis Leadere vun der Welt, Deel 2/6

10. Esou eng grondsätzlech Neiorientéierung schéngen déi meescht reliéis Féierungsinstanzen net wëllen ze maachen. Aner Dealer vun der Gesellschaft begrëssen d'Implikatioun vun der Eenheet vun der Mënschheet mat offenen Äerm, net nëmme als onauswäichlechen nächste Schrëtt am Viruschrëit vun der Zivilisatioun, mee als Erfëllung vun all Zort vu minoritären Identitéiten, déi eis Rass zu dësem kritesche Moment an eiser gemeinsamer Geschicht matbréngt. Déi reliéis Institutionen stinn awer gréisstendeels wéi geläimt un der Schwell vun der

Zukunft, gefaangen an eben den Dogmen an Ausschiesslechteitsuspréich, déi d'Ursaach fir e puer vun de batterste Kämpf waren, déi d'Bewunner vun der Äerd gespléckt hunn.

11. Fir d'Wuel vum Mënsch waren dës Kämpf fuerchtbar. Zwiwellos ass et net néideg, hei am Détail op d'Schrecken anzegoen, déi haut onglécklech Vëlker heemsichen als Konsequenz vu fanateschen Ausbréch, déi dem Numm vun der Relioun Schan bréngen. Dës ass och keen neie Phänomeen. D'Reliounskriecher an Europa vum siechzénge Jorhonnert, fir nëmmen eent vun de ville Beispiller ze ernimmen, huet dëse Kontinent ëm déi drësseg Prozent vu senger ganzer Bevëlkerung kascht. Et muss ee sech froen, wéi eng Friichten de Som vum blanne reliösen Dogmatismus laangfristeg am Bewosstsi vun der Mënschheet ervirbruecht huet.

12. Zu dëser Opzielung gehéiert nach de Verrot um mënschleche Geescht, dee méi wéi alles anescht der Relioun hir inherent Fäegkeet gestuel huet, eng decisiv Roll bei der Gestaltung vun der Welt ze spillen. Gefaangen an der stänneger Beschäftegung mat Ugeleeënheeten, déi mënschlech Energien zerstéieren an erschöpfe loossen, hu reliéis Institutionen all ze dacks d'Mënschen dovun ofgehalen, d'Wierklechkeet ze erfuerschen a vun all den intellektuelle Fäegkeete Gebrauch ze maachen, duerch déi d'Mënschheet sech auszeechent. D'Verurteilung vum Materialismus an Terrorismus ass bei der Bewältigung vun der géigewäerteger moralescher Krisis keng echt Hëllef, wa si net fir d'aller éischt dorop ageet, dass déi reliéis Institutionen hirer Verantwortung net nokomm sinn an déi gleeweg Massen dësen Afloss schutzlos ausgeliewert sinn.

306 Message un déi reliéis Leadere vun der Welt, Deel 3/6

Intro ...

13. Sou schmärerlech esou Iwwerleeungen och sinn, sou ass et wéineger dass si déi etabléiert Relioun beschëllegen, awer eng Erinnerung un déi eenzegaarteg Kraaft fir déi Relioun steet. Relioun reecht, wéi mir eis all bewosst sinn, bis un d'Wuerzele vun der Motivatioun. Do wou si dem Geescht an dem Beispill vun den transzendente Gestalten, déi der Welt hir grouss Glawenssystemer bruecht hunn, trei war, huet si a ganze Vëlker d'Fäegkeet erwächt fir gär ze hunn, fir ze verzeien, Neies ze schafen, Groussaarteges ze woen, Virurteeler ze iwwerwannen, fir d'Gemengewuel Affär ze bréngen an d'Impulser vum déiereschen Instinkt ze disziplinéieren. Ouni Fro ass déi prägend Kraaft bei der Ziviliséierung vun der mënschlecher Natur säit jeehier den Afloss vun den openeefolgende Manifestatiounen vum Gëttlechen, déi zréckginn, bis zum Ufank vun der Geschicht sou wéi mir se kennen.

14. Genée déi Kraaft, déi a vergaangenen Zäitalteren esou eng Wirkung hat, bleift en Zeeche vum mënschleche Bewosstsin, dat net ze läschen ass. Entgéint allen Erwaardungen an ënner wéineg gënschtege Viraussetzungen gëtt si nach ëmmer ongezielte Milliounen Kraaft an hirem Iwwerliewenskampf a léisst weider Helden an Helleg sech an all Länner erhiewen, deenen hiert Liewen iwwerzeegend Rechenschaft fir déi Prinzipien ofleet, déi an de Schrëfte vun hirem jeeweilege Glawen niddergeluecht sinn. Wéi d'Kulturgeschichte weist, ass d'Relioun ausserdeem amstand, d'Struktur vu soziale Bezéiunge wesentlech ze beaflossen. Tatsächlech géif engem wuel kaum e bedeitenden zivilisatoreschen Fortschritt an de Sënn kommen, dee säi moraleschen Impuls net aus dëser éiweger Quell geschöpft hätt. Ass et also denkbar, dass d'Erreeche vum Gipfel am jordausendwärende Prozess vun der Organisatioun vum Planéit an engem gënschtege Vakuum gelénge kann? Wann déi korrupt Ideologien, déi sech iwwer eis Welt am leschte Jorhonnert hirmach hunn, och soss näischt Guddes bewierkt hunn, sou hu si dach eendeiteg gewisen, dass d'Nout net kann duerch Mëttele befriddegt ginn, déi de Mënsch kapabel ass ze erfannen.

15. Wat dat bedeit, resuméiert Bahá'u'lláh an dëse Wieder, déi bal virun engem Jorhonnert geschriwwen goufen an an Tëschenzäit wäit verbreet goufen: „*Ouni Zwiwiel verdanken d'Vëlker vun der Welt, wéi enger Rass oder Relioun si och ugehéieren, hir Erliichtung derselwechter himmlecher Quell a sinn d'Sujete vun engem Gott. D'Ënnerscheeder vun de Reegelen a Ritualer, déi si befollegen, sinn duerch déi ënnerschiddlech Erfuerdnerisser a Bedürfnisser vum Zäitalter ze erklären, an deene si offenbaart goufen. Alleguer, bis op e puer, déi aus mënschleche Launen entstanen sinn, goufe vu Gott bestëmmt a sinn en Zeeche vu Sengem Wëllen. Erhieft iech a bewaffnet mat der Kraaft vum Glawen, schlot d'Gëttler vun ären eidle Virstellungen, déi Sträit ënnert iech séien, a Stécker. Haalt iech un dat wat iech zesummeffiert a vereent.*“

16. Esou en Appell ass keng Opfuerderung säi Glawen an d'fundamental Wourechte vu senger Relioun opzeginn, wéi eng et och ëmmer ass. Ganz am Géigendeel. Glawen huet seng eege Virschrëften a seng eege Rechtfertegung. Wat aner gleewen – oder net gleewen – ka keng Autoritéit hunn fir iergend ee perséinlecht Gewëssen, dat dësen Numm verdénkt. Wouzou dës Wieder hei onmëssverständlech drängen ass, all déi Uspréich op Exklusivitéit oder Endgültigkeet opzeginn, déi méi wéi alles anescht Eenegungsimpulser erstécken an Haass a Gewalt kultivéieren.

307 Message un déi reliéis Leadere vun der Welt, Deel 4/6

Intro ...

17. Op genée dës historesch Erausfuerderung, so gleewe mir, mussen d'Leadere vun de Reliounen äntweren, wa reliéis Féierung an der globaler Gesellschaft, déi aus de Bouleversementer vum 20te Jorhonnert ervirgeet, Bedeitung soll hunn. Et ass evident, dass eng wuessend Zuel vu Mënschen mëttlerweil erkennen, dass déi implizit Wourecht vun alle Reliounen an hirer Essenz eng an déi selwecht ass. Dës Erkenntnis entsteet net als Resultat vun theologesche Streidereien, mee als intuitiv Bewosstsinn, dat aus den ëmmer méi ausbreedenden Erfarunge mat anere wiisst, an enger wuessender Akzeptanz vun der Eenheet vun der mënschlecher Famill. Aus der Onmass vu reliéis Doktrinen, Ritualer a Gesetzesbicher, déi aus vergaangene Welten geierft goufen, entsteet e Gefill dofir, dass dat geeschtegt Liewen, wéi d'Eenheet, déi sech a verschidden Nationalitéiten, Rassen a Kulture weist – eng Wierklechkeet ass, ouni Grenzen a fir jidderee gläichermoossen zougänglech. Fir das dës diffus an nach onsécher Asiicht sech verdéiwe kann a wierksam zum Opbau vun enger friddlecher Welt bäidroen kann, mussen déi, bei deenen d'Masse vun der Welt och nach zu sou enger spéider Stonn nach Féierung sichen, si aus vollem Häerz bestätegen.

18. Wat elo déi sozial Gesetzer a Forme vun der Andacht ugeet, sou ginn et sécherlech nach grouss Ënnerscheeder tëscht de grouse reliéis Traditiounen vun der Welt. Bedenkt een déi dausende vu Joren, während deenen openeefolgend göttlech Offenbarungen hu missen äntweren, an dat op Besoinë vun enger sech stänneg weider entwéckelender Zivilisatioun, kéint et wuel kaum anescht sinn. Tatsächlech schéngt d'Prinzip vum evolutionäre Wiese vun der Relioun an de Schrëfte vun de meeschte grouse Reliounen eng Charakteristik ze sinn.

Wat moralesch net ka gerechtfertegt ginn, ass de Mëssbrauch vun engem kulturellen Ierwen, dat ursprénglech déi geeschteg Erfahrung beräichere sollt, als e Mëttel, Virurteeler an Entfremung ze schafen. D'Haaptaufgab vun der Séil wäert et ëmmer sinn, d'Wierklechkeet ze erfuerschen, am Accord mat de Wouchten ze liewen, vun deenen d'Séil iwwerzeegt ass, an de Beméiungen anerer, dat selwecht ze maachen, volle Respekt entgéintzebréngen.

19. Et kéint een awennen dass, wann all grouse Reliounen hirem Ursprung no gläichermoossen als göttlech unzeerkennen sinn, dass dat da vill Mënschen dozou ermuddegt oder dass et dann op mannst fir vill Leit méi liicht wier, sech vun engem Glawen zu engem aneren ze bekéieren. Op dat elo stëmmt oder net, ass sécher vun zweetranger Bedeitung, am Verglach mat der Méiglechkeet, déi d'Geschicht fir déi opmécht, déi sech enger Welt bewosst sinn, déi iwwer dës ierdesch hinausgeet, - an am Verglach mat der Verantwortung, déi dës Bewosstsinn mat sech bréngt. Jiddereng vun de grouse Reliounen kann androcksvoll a glafwierdeg fir hir Wierksamkeet beim Fërdere vun engem moraleschen Charakter bezeien. Genée sou ka keen iwwerzeegend behapten, dass d'Doktrinne vun engem bestëmmte Glawensystem méi Bigotterie an Awerglawe ervirbruecht hunn wéi déi vun enger aner Relioun. An enger Welt déi zesummewiisst ass et natierlech, dass Verhalenmuster engem Prozess vu stännegem Wandel ënnerworfen sinn, an d'Aufgab vun den Institutionen ass sécherlech ze préiwen, wéi dës Entwécklung kënnen orientéiert ginn, fir d'Eenheet ze fërdere. D'Garantie dofir, dass si schliesslech zu engem gesonde Resultat féiere wäerten – geeschteg, moralesch a sozial-, läit am feste Glawe vun de Masse vun den Awunner vun der Welt, déi net gefrot goufen, dass d'Universum net duerch mënschlech Laune regéiert gëtt, mee duerch eng Vorsehung, déi gären huet an déi onfeelbar ass.

308 Message un déi reliéis Leadere vun der Welt, Deel 5/6

Intro ...

20. Mat dem Zesummevale vun de Barrièren déi Vëlker trennen, erlieft onst Zäitalter och den Zesummebroch vun enger bis elo oniwierwanbarer Mauer, déi, wéi d'Vergaangenheet ugeholl huet, fir ëmmer d'Liewe vum Himmel vun deem vun der Äerd trenne géif. D'Schrëfte vun all de grouse Reliounen ënnerichten de Gleewege säit jeehir, den Dénsgcht un dem aneren net nëmmen als eng moralesch Pflicht ze betruechten, mee als e Wee, op deem d'Séil Gott ka méi no kommen. Haut gëtt déi progressiv Neistrukturierung vun der Gesellschaft dëser laang bekanntener Léier eng erweidert Bedeitung. Sou wéi dat uraalt Versprieche vun enger Welt, déi duerch d'Prinzipie vu Gerechtegkeet fonktionéiert, all Dag méi e realistesch Zil gëtt, wäert et och als Aspekter vun engem räife geeschtege Liewen ugesi ginn, sech esouwuel de Bedürfnisser vun der Séil wéi och déi vun der Gesellschaft ze widmen.

21. Wa reléis Féierung sech der Erausfuerderung stelle wëll, déi dës Asiicht bedeit, muss si domat ufänken, Relioun a Wëssenschaft als zwee onentbehrlech Wëssenssystemer unzeerkennen, duerch déi sech d'Méiglechkeete vum Bewosstsinn entfalten. Relioun a Wëssenschaft widdersprieche sech net, am Géigendeel: dës fundamental Mëttel, mat deenen de Geescht d'Wierklechkeet erfuerscht, hänke vuneneen of a ware ganz produktiv, dat an de raren awer glécklechen Epoche vun der Geschicht, an deenen hiert komplementaart Wiesen erkannt gouf a si zesummeschaffe konnten. D'Asiichten an d'Fäegkeeten, déi wëssenschaftleche Fortschrëtt ervierbréngt, wäerte stänneg Féierung duerch geeschteg a moralesch Verantwortung siche mussen; reliéis Iwwerzeegungen, wéi vill d'Häerz och un hinnen hänkt, mussen sech bereetwëlleg an dankbar onparteilecher Iwwerpräiwung duerch wëssenschaftlech Methoden ënnerzéien.

22. Mir kommen elo schliesslech zu engem Punkt, iwwer dee mir mat engem gewësse Bedenke schwätzen, well en direkt eist Gewësse betrëfft. Ënnert de ville Prüfungen, déi d'Welt bereethält, begéine reliéis Leaderen, an dat iwwerrascht net, besonnesch dacks der Versuchung, a Glawensfroen, Macht auszeüben. Keen, dee sech laange Joren dem seriöen Nodenken an dem Studium vun de Schrëfte vun enger vun de grousser Relioun gewidmet huet, muss eréischt un déi heefeg Beobachtung erënnert ginn, dass Muecht korrupt maache kann, an dëst ëm sou méi, je méi déi Muecht wisst. Déi Victoiren, déi duerch all Zäitalter hinduerch vun enger Onmass vu Geeschtleche gewonne goufen, sinn ouni Zweifel eng vun de wichtegste Quelle fir déi schöpferesch Kraaft vun der Relioun a mussen zu hiren héchsten Auszeehnunge gezielt ginn. Am selwechten Ausmooss erliewen aner reliéis Leader dem Charme weltlecher Muecht an hire Virdeeler, wat e fruchtbaren Nierbuedem duerstellt fir Zynismus, Korruptioun a Verzweiflung bei alleguer deenen, déi dat gesinn. Wat dat fir d'Fäegkeet vu reliése Leadere bedeit, hirer gesellschaftlecher Verantwortung zu dësem Zäitpunkt vun der Geschicht nozekommen, brauch kee Kommentar.

309 Message un déi reliéis Leadere vun der Welt, Deel 6/6

Intro ...

23. Well d'Relioun sech mat der Vereedelung vum Charakter an der Harmoniséierung vu Bezéiunge befaasst, huet si (d'Relioun) schonn ëmmer als héchsten Autoritéit gedéngt, wann et dorëms gëtt, dem Liewe Sënn ze ginn. An all Zäitalter huet si dat Gutt kultivéiert, dat Schlecht condemnéiert an dem Bléck vun all deenen, déi dozou gewëllt waren, eng Visioun vu Méiglechkeeten opgemaach, déi bis dohin nach net ausgeschöpft waren. Duerch de Rot vun der Relioun gouf déi vernunftbegabte Séil ermuddegt, vun der Welt gesetzte Grenzen ze iwwerwannen a sech selwer ze erfëllen. Gläichzäiteg war d'Relioun, wéi den Numm et scho seet, déi mächtegst Kraaft, déi ënnerschiddlech Vëlker an ëmmer méi grouss a komplex Gesellschaften mateneen ze verbannen, duerch déi déi sou fräigesate verschidde Fäegkeeten Ausdrock fanne konnten. De grousser Virdeel vun dësem Zäitalter ass de Bléckwénkel, déi et der gesamter Mënschheet erméiglecht, dësen Zivilisatiounsprozess als en eenzegt Phänomeen ze gesinn: dat ëmmer nees zrëckkommend Treffte vun eiser Welt mat der Welt Gottes.

24. Inspiréiert vun dëser Perspektiv, huet d'Bahá'í Gemeng sech vun Ufank aus u staark fir den interreliéisen Dialog agesat. Niewent der wäertvoller Zesummenaarbecht, déi sou Aktivitéiten entstoe loosse, gesinn d'Bahá'í am Beméie vu verschiddene Reliounen, een deem aner méi no ze kommen, eng Äntwert op de göttleche Wëlle fir eng Mënschheet, déi an hir kollektiv Maturitéit antrëtt. D'Membere vun eiser Gemeng wäerte weiderhin op all fir eis méiglech Manéier hëllefen. Mir sinn et awer eise Partnere bei dëser gemeinsamer Beméiungeschëlleg, kloer eis Iwwerzeugung duerzeleeën, dass den interreliéisen Dialog, wann hien en eeschte Beitrag zur Heelung vun de Leide leeschte wëll, déi eng verzweiwelt Mënschheet quälen, sech elo éierlech an ouni weider auszewäichen der praktescher Bedeitung vun där ëmfaassender Wourecht zoudréine muss, déi dës Beweegung eréischt entstoe gelooss huet: dass et nëmmen ee Gott gëtt, an dass, iwwer all Ënnerscheeder a kultureller Ausprägung a mënschlecher Interpretatioun ewech, och d'Relioun nëmmen eng ass.

25. Mat all Dag wisst d'Gefor, dass déi ugefaange Feier reliéiser Virurteeler e Weltbrand entfachen, deenen hir Konsequenze sech kee virstelle kann. Sou eng Gefor kënnen d'Regierungen net ouni Hëllef iwwerwannen. Och sollt mir eis net virmaachen, dass einfach Opriff zur géigesäiteger Toleranz Feindséilegkeeten ausläsche kënnen, déi fir sech beasprochen, Gottes Segen ze besëtzen. D'Krisis erfuerdert vun de Leadere vun de Reliounen e Broch mat der Vergaangenheet, sou decisif wéi déi, déi der Gesellschaft de Wee opgemaach huet, genee sou zerstéieresch Virurteeler vu Rass, dem Geschlecht oder der Natioun ze iwwerwannen. Wa Beaflossung a Gewëssens-ugeleeënheeten iwwerhaupt kënnen justifiéiert ginn, dann nëmme wa si dem Wuelgeri vun der Mënschheet déngen. An dëse gréissten Dréipunkt an der Geschicht vun der Zivilisatioun kënn net méi kloer sinn, wat sou en Déngscht verlaangt. „D'Wuel vun der Mënschheet“, drängt Bahá'u'lláh, „hire Fridde an hir Sécherheet sinn onerreechbar, éier net hir Eenheet fest begrënnt ass.“ D'Universaalt Haus vun der Gerechtegkeet

310 De geheime Plang vum Iran fir eng reliéis Communautéit ze exterminéieren¹

310t Sendung, 5ten a 6te Mee 2006. Léif Radio ARA Nolauschterer, d'Vertreder vun der internationaler Bahá'í Communautéit hu mat Besuergnes reagéiert, an dat op eng offiziell Deklaration vun engem Beamte vun de Vereenten Natiounen.² Et geet hei ëm dat wat déi iranesch Regierung géint d'Bahá'í am Iran ënnerhëlt. Hei zu Lëtzebuerg ass de Bahá'í Informatiounsbüro amgang, d'Deputéiert an d'Regierung méi genee iwwer dës schlëmm Zoustänn ze informéieren. Eng Rei vun Deputéierten a Ministere si besuergt an iwwerleeën sech, wéi si kënnen hëllefen.

¹ Titre d'un document de la Communauté internationale bahá'íe, 2000

² extraits du communiqué de presse du bureau d'information au Luxembourg, 30 mars 2006

Dëse Bericht kënnt vun der Madame Asma Jahangir, Sonderberichterstatterin fir Reliouns- a Glawensfräiheet bei der UNO. Si ass ganz besuergt iwwer d'Schicksal vun de Bahá'í am Iran. Et geet ëm e geheime Bréif, deem Enn Oktober 2005 vum Chef du commandement vum Etat-Major vun der iranischer Arméi un Agencé vun der Regierung geschéckt gouf. Dëse Bréif, deem sech un den Informationsministère, d'Garde revolutionnaire an un d'Police riicht, seet dass de Guide suprême, den Ayatollah Khamenei, den Uerder ginn huet, fir all déi Leit ze identifizéieren, déi dem Bahá'í Glawen ugehéieren a fir genee opzepassen wat si alles maachen. Am Bréif steet ganz kloer, dass si all méiglech Informatiounen iwwer d'Membere vum Bahá'í Glawe sammeln sollten, an dat op eng ganz vertraulech Manéier.

Léif Nolauschterer, dir musst wëssen, dass d'Bahá'í zënter der Revolutioun vun 1979 Affër vu stänneger Verfolgung sinn. Iwwer 200 Bahá'í sinn am Iran ëmbruecht ginn, an dat aus enger Ursaach: well si Bahá'í sinn. An haut si mir extrem besuergt ëm d'Liewe vun de Bahá'í am Iran. Well esou eng Aktioun vun der iranischer Regierung bis elo eenzegaarteg ass, freet d'international Bahá'í Communautéit den iranische Botschafter ëm eng Erklärung. Och an de Medien am Iran ginn d'Bahá'í ugegraff. Si hu keng Méiglechkeet z'äntweren. Et ass kloer dass dës Ugrëff staatlech gelenkt ginn. Déi offiziell Teheraner Dageszeitung *Kayhan* huet an de leschte Woche méi wéi 30 Artikelen iwwer d'Bahá'í an hir Relioun gedréckt; si waren all verleumderesch an drop of fir ze provozéieren. Radio a Fernseh hu sech dëse Beiträg ugeschloss, déi d'Bahá'í an hir Iwwerzeugungen veruerteelen.

Mir wëssen, zu wat hasserfëllte Propaganda fëiere kann; déi jénkst Vergaangenheet offrëiert eis eng Onmass vu Beispiller vun hire schreckleche Konsequenzen. Mir riichten am Numm vun eisen iranische Glawensbridder un all Natiounen a Vëlker den dréngenden Appell net zouzeloossen, dass Mënschen, déi de Fridde gär hunn an déi dem Gesetz trei sinn, dass si den Extremen ausgesat ginn, zu deem blannen Haass fëiere kann. Déi schrecklech Doten, déi an der Vergaangenheet aus änlechen Ëmstänn passéiert sinn, duerfen net méi zougelooss ginn. Net nach eng Kéier.

25 Joer no der Ausruffung vun der islamescher Republik ass d'Bahá'í Gemeng am Iran mat ronn 350.000 Gleewegen nach ëmmer déi gréisste reliéis Minoritéit am Land. D'Membere vun der Bahá'í Gemeng ginn awer net als reliéis Minoritéit unerkannt. Si hu kee Recht hir Relioun auszeüben.

Déi iranisch Verfassung zielt nëmmen Zoroaster, Judden a Chrëschten zu den unerkannte reliése Minoritéiten. D'Bahá'í Relioun ass domat net legitim. Fir d'Regierung sinn d'Bahá'í Apostaten, déi vum richtege Glawen ofkomm sinn. Si gëllen als *ongeschützt Netgleeweg*.

Zengdausende vu Bahá'í am Iran hunn hir Aarbecht verluer a kréie keng Pensioun. Si goufen aus dem ëffentlechen Déngscht an den Héichschoulen entlooss. Bahá'í Jugendlech bleift den Zougank zum Universitätsstudium verwiert. D'Bahá'í hu kee Recht fir ze ierwen.

Fir d'Joeren 2002, 2003 an 2004 ass eng Verschäerfung vun der Verfolgung feststellen. Willkürlech Kuerzzäitinhaftéierungen hunn zougeholl, genee sou wéi Aschüchterungen, Konfiskéierung vum Eegentum an Agrëff a privat Bahá'í Jugendklassen. Nach ëmmer ass ee Bahá'í aleng wéinst senger Glawenzougehéieregkeet a liewenslänglecher Haft.

An de leschte Joeren huet den Iran probéiert sech esou duerstellen, dass si prett sinn fir sech der Weltgemeinschaft unzeschléissen. Si wëllen en Image ginn vun Toleranz. De President Khatami, sot zum Beispill dass d'Mënschheet an en neit Jorhonnert vu Mënschlechkeet, Verstoen an unhalende Fridden erakënnt. Wat awer d'Bahá'í Fro ugeet, sou huet déi iranisch Regierung näischt ze soen. Dofir ass eng kontinuéierlech international Kontroll déi eenzeg Form vu Beschützung fir d'Bahá'í am Iran. Wann déi international Ënnerstëtzung fir d'Bahá'í Gemeng noléisst, bedeit dat fir déi iranisch Autoritéiten, dass si kënne weiderfuere mat hirer Kampagne, d'Bahá'í Gemeng am Iran an hir Kultur auszeläschten.

D'Bahá'í am Iran siche keng spezial Privileger. Si wëllen nëmmen hir Rechter an der universeller Mënschenrechtsdeklaratioun, d'Recht fir ze liewen, d'Recht op Fräiheet, d'Recht op Erziéung an Aarbecht an d'Recht seng Relioun kënnen auszeüben.

Wat gebraucht gëtt si legal an ëffentlech Schrëtt woubi d'Bahá'í am Iran emanzipéiert ginn. Nëmme da kann ee soen dass den Iran sech un d'Mënscherechter hält.

311 Iwwer d'Léieren

311t Sendung um Radio ARA, 12ten an 13te Mee 2006. Léif Radio ARA Nolauschterer, eppes wat de Mënsch onbedéngt brauch fir ze liewen ass säi Striewen no Wëssen an Erkenntnes. Dat mécht aus ons am Liewen méi a méi

zu Leit déi sichen, zu Leit déi fuerschen an zu Leit déi entdecken. Mir si virwëtzig, mir stelle Froen, mir kucken hannert d'Saachen a mir probéieren Zesammenhäng ze gesinn.¹

Mir si gebuer fir ze léieren, a mir liewen nümme wierklech dann, wa mir an Harmonie si mat eisem wierkleche Wiesen, wa mir am Léierprozess bleiwen. Et ass dat eng liewenslaang Disziplin fir sech ze entschléissen ze wuessen an dat mat enger stralender Visioun a mat kloeren Ziler. D'Plaz fir ze léieren ass déi ganz Welt, an d'Erfahrungen an d'Leit déi mer begéinen, sinn alles Schrëtt fir ze léieren an dat mat ënnerschiddleche Messagen. An dëse Kreeslaf vum Léieren ass eréischt da fäerdeg a mir kënnen eréischt da weiderkommen, wa mir eist Léierpotential voll ausgenutzt hunn. Heiansdo am Liewen widderhuele sech awer Evenementer, fir dass déi Lektiooun vum Liewen och geléiert gëtt.

A geléiert hu mir eng Saach net dann, wa mir se wëssen, mee eréischt dann, wa mir och duerno handeln. Dat ass vläicht den éischte Schrëtt zur Wäisheet.

Dozou en Zitat vum Peter Senge. Hie seet : « *Léieren heescht an dësem Zesammenhang net, dass ee méi Informatiounen ophëlt, mee dass een d'Fäegkeet erweidert, d'Resultater ze erzilen, déi een am Liewe wierklech ustrief. Dëst Léieren ass e liewenslaange, schëpferesche Prozess...* »

An elo dës léif Geschicht vum Willi Hoffsummer : *Wéi Kricher entstinn ? « Pappi », freet de Jong, « wéi entstinn eigentlech Kricher ? » « Djo, mäi Jong, dat ass esou : Huele mir emol zum Beispill un, England streit sech mat Amerika iwuer iergend eppes... » D'Mamm héiert dat an ënnerbrécht direkt : « Schwätz dach kee Kabes, England an Amerika wäerten sech dach net matenee streiden. » « Dat behaupt jo och guer keen ! Ech wëll dem Jong dach nëmmen e Beispill ginn. » « Mat esou engem Quatsch bréngst du de Jong dach nëmmen duercherneen. » « Wat seess de ?, ech maachen de Jong duercherneen ? Wann et no dir géing, da géif hie guer näischt léieren ! » « Wat seess du do ? Dat stëmmt dach guer net... » An du rífft de Jong zu den Elteren : « Merci Papp, ech hu verstan, elo weess ech wéi Kricher entstinn. »²*

Bahá'u'lláh vergläicht d'Aarbecht vun engem Erzéier mat där vun engem Gärtner. De Gärtner bekëmmert sech ëm verschidde Planzen. Eng Planz ass frou mat der Sonn während déi aner léiwer de kille Schiet gär huet; déi eng Planz wiest besser am Dall an déi aner besser um Bierg. Eng Planz wiest am beschten am sandege Buedem, eng aner besser am Leem. All Planz brauch hir eege Fleg, am anere Fall bleift hir Vollendung onbefriedegend.³

An dann nach dës kuerz chinesesch Geschicht : *De Wäert vum Schwätzen. E Schüler freet säi Schoulmeeschter : « Meeschter, huet et e Wäert, vill ze schwätzen ? » « Wat soll et e Wäert hunn, vill ze schwätzen, » äntwert de Meeschter. « Huel zum Beispill e Fräsch am Weier. Hie quackt de ganzen Dag an déi ganz Nuecht, bis säi Mond dréchen ass. Awer et ass keen, deen him nolauschtert. Den Hung am Hingerstall dogéint kréit nëmmen e puer mol moies fréi a jidderen héiert hien, wëll d'Mënsche wëssen, dass et gläich Dag gëtt, wann den Hunn kréit. Dofir schwätz nëmmen, wann et och e Sënn huet. »*

312 Globale Wuelstand, Deel 1/3

312t Sendung um Radio ARA, 19ten an 20te Mee 2006. Léif Radio ARA Nolauschterer, dëst Joer ass et genee e Jorzéngt dass d'Veereenten Natiounen versichen, Aarmut aus der Welt ze schafen. Aarmut aus der Welt schafen ass keng liicht Saach a brauch sécher méi wéi zeng Joer. Et ass eng Fro vu Solidaritéit tëschent de Mënschen. Et ass eng Fro vu Vertrauen wat mat menge Spende geschitt an op si och op déi richteg Manéier un déi Leit kommen, déi Hëllef brauchen. Wéi kann een Aarmut aus der Welt schafen? Mir wëssen elo alleguer, dass et mat Geld eleng net ze maachen ass. An da muss een sech och froen, wat dann Aarmut iwuerhaupt ass.

D'international Bahá'í Gemeng huet der Kommissioun fir sozial Entwécklung bei der UNO Virschléi gemaach mat sechs Punkten déi dozou bäidroen kënnen, Aarmut aus der Welt ze schafen. Op Englesch geschriwwen mam Titel: *A New Framework for Global Prosperity*. En neie Kader fir globale Wuelstand. Hei elo e puer Gedanken aus dem Dokument.⁴

D'Zil vun der Entwécklung ass déi, dass et dem Mënsch besser geet. Mënschlech Solidaritéit ass d'Basis fir eng Entwécklung déi unhalend ass. Ëmmer méi Leit op der Welt hunn d'Gefill dass si hiren Deel vu Verantwortung hunn, dass si eppes kënnen maachen, fir deenen ze hëllefen, deenen et miserabel geet. Et huet jo schliesslech keen

¹ Goldene Äpfel, S99

² Goldene Äpfel, S102

³ Baha'u'llah und das Neue Zeitalter, S.176

⁴ <http://www.bic-un.bahai.org/>

entscheid, an eisem nach *Schlaraffenland* op d'Welt ze kommen, an net an engem aarmen Duerf an Indien oder Afrika oder soss enzwousch wou elo Krich ass.

Dass et eiser Welt net gutt geet, huert mengen ech, elo jidderee matkritt. Mir si besuergt ëm eise Planéit an d'Leit déi drop liewen. Et ginn eng Rei vu Krankheeten, déi eis drun hënneren dass Mënschen an Natioune sech kënnen friddlech entwécklen. Meedercher a Frae gi marginaliséiert. A ville Länner gëtt et keng politesch Fräiheet. AIDS ass amgaang sech méi a méi auszebreen. Gewalt a Konflikt huelen zou. Reliéis Intoleranz an Extremismuss, Gesetzlosegkeet a méi grouss Aarbechtslosegkeet, all déi Saachen, kënnen net nëmmen duerch Sue bekämpft ginn. Et sinn dat sozial Krankheeten déi eng aner Manéier vun Aarmut weisen. Et geet hei ëm Wäerter an Astellungen tëschent de Mënschen an Natiounen, tëschent deenen déi regéieren an deenen, déi regéiert ginn.

Aus der Bahá'í Siicht ass den Zweck vun der Entwécklung ganz kloer. Entwécklung dréit dozou bäi, eng nei sozial an international Uerdnung ze schafen, eng Uerdnung déi et fäerdeg bréngt dauerhaft Konditiounen ze schafen a bäizebehalen wou d'Mënsche kënnen weiderkommen, an dat op moraleschem, kulturellem an intellektuellem Plang. D'Bahá'í si fest dervun iwwerzeegt dass eis Gesellschaft sech muss grondleeënd veränneren. Dëse Changement ass noutwenneg fir deen Eenzelnen souwuel fir eis sozial Strukturen. Mir müssen dës Verännerung ganz bewusst a systematesch maachen. Aus dëser Siicht kann een Aarmut esou definéieren: Aarmut ass d'Feele vu Ressourcen, physesch, sozial an ethesch – déi néideg sinn, fir Bedingungen ze schafen, wou d'Fäegkeete vum Eenzelnen, vun de Gemeinschaften a vun den Institutiounen gefërdert ginn. A wéi eng Fäegkeete musse gefërdert ginn? Déi moralesch Fäegkeeten, déi materiell Fäegkeeten an déi kreativ Fäegkeete vun eis all.

Dës Definitioun vun Aarmut kann eis hëllefen, zesumme virun ze kommen an drun ze schaffen, d'Aarmut ofzeschaffen. Dozou kënn nach de Glawen dass d'Natur vum Mënsch essentiell gutt ass a geeschteg. Wat elo déi eenzel Recommandatiounen fir d'Ofschafung vun der Aarmut an der Welt sinn, dat gesi mir an eiser nächster Emissioun.

313 Globale Wuelstand, Deel 2/3

313t Sendung um Radio ARA, 26ten an 27te Mee 2006. Léif Radio ARA Nolauschterer, wéi mir an eiser leschter Emissioun gesinn hunn, brauche mir en neie Kader fir Aarmut kënnen aus der Welt ze schafen, fir kënnen un engem globale Wuelstand fir jiddereen ze schaffen. Hei elo e puer Recommandatiounen un d'UNO vun der internationaler Bahá'í Communautéit.

4. Overcome the limitations of particularistic mindsets. Wa mer Aarmut wëllen ofschafen, ass ett néideg dass deen Eenzelnen an déi verschidden Natioune léieren, fundamental anescht ze denken. Lues a lues brauche mir e Gefill vun globaler Solidaritéit a Verantwortung. Integréiert an all eis Beméiunge fir Entwécklung weiderzeféieren sinn d'Mënscherechter. Et gi schonn eng Rei vu flott Initiativen fir méi gerecht Handels- a Finanzsystemer ze schafen, nei Konzepter vu Souveränitéit, méi international Gesetzer an eng dramatesch Steigerung a Rees- a Kommunikationstechnologie. Mir müssen eis elo druginn, eis Notiounen vu Verantwortung a Biergertum ze erwidere bis mir verstinn dass d'Beméiunge an de Fortschrëtt vun aner Vëlker an Natiounen wéi eis eegen erschéngen. Sou e Wiessel an eisem Denken ass eng praktesch Äntwert op d'Unerkennung dass Friden a Wuelstand onzertrennbar sinn an dass keng Natioun a keng Communautéit dauerhafte Notze kann hunn, wann d'Wuelerginn vun den Natiounen als e Ganzt ignoréiert oder vernoléisst gëtt.

5. Enhance local deliberative and problem-solving capacity. Dacks ass et esou, dass d'Projeten déi wëllen Aarmut ofschafen, déi aarm Leit einfach als Persounen gesinn, déi ënnerernährt sinn, Leit déi iwwerrannt sinn vun deem wat si brauchen a vun der Situatioun an där si sech befannen. Vill méi sollt een déi Leit als kapabel ugesinn, fäeg fir selwer an hire Gemengen e Changement erbäizeféieren. Den Défi fir Entwécklungsefforten ass deen, Methoden a Weeër ze fannen, déi et Eenzelner a Gemengen erlaben, hir eege Probleemer ze léisen; d'Fäegkeet vun enger Gemeng méi komplex sozial Probleemer unzuegoen ass en Haaptzeeche vu Fortschrëtt. Wesentlech ass dobäi d'Fäegkeet Gruppenentscheidungen ze maachen, dass ee ka verschidde Meenungen zesummebréngen, dass ee kann déi bescht Léisung sichen. Domat ass et da méiglech, Engagement a Solidaritéit ze schafen, fir kënnen eng Décisioun duerchzeféieren.

6. Implement gender-based budgeting. Vill Studie bestätegen dass d'Aarmut vun de Fraen net déi selwecht ass wéi déi vun de Männer. Déi sozial a kulturell Rolle vun de Fraen an hir Relatioun zu der Muecht an der Autoritéit sinn anescht wéi déi vun de Männer. Dës Ënnerscheeder sinn awer seelen an offizielle Statistiken iwwer d'Aarmut opgefouert an dofir weess een dacks net wéi d'Resourcen op lokalem, nationalem a regionalem Niveau verdeelt sinn. Fir dass d'Regierungen sech kënnen asetzen fir d'Gläichheet vun de Geschlechter, müssen déi ëffentlech Ausgaben och eng "*Gender-Analysis*" beinhalten – wou d'Fraen och dru bedeelegt si fir iwwer de Budget ze decidéieren, ...

Vu dass d'Fraen nümme em déi 15% vu gewielte Sëtzer an de Parlamenter weltwäit hunn, läit d'Muecht fir Gesetzer ze stëmme a fir e Changement erbäufefieren, op nationalem a globalem Niveau, virun allem bei Männer. ... An deem Mooss wou d'Frae méi Méiglechkeete kréie fir an alle Beräicher matzeberoden a matzentscheeden, an deem Mooss wou eng nei Form vu Partenariat téschent Männer a Fraen entsteet, an deem Mooss entsteet e Potential fir all Institutioun vun der Gesellschaft ze revolutionéieren; vun der Famill bis zur Regierung. Domat gi genee déi Konditiounen geschaf déi e Fortschrëtt an e Wuelstand iwwerhaupt méiglech maachen.

An eiser nächster Emissioun gesi mir weider Punkten, déi déi international Bahá'í Gemeng der UNO fir d'Ofschafung vun der Aarmut proposéiert huet.

314 Globale Wuelstand, Deel 3/3

314t Sendung um Radio ARA, 26ten an 27te Mee 2006. Léif Radio ARA Nolauschterer, wéi mir an eiser leschter Emissioun gesinn hunn, brauche mir en neie Kader fir Aarmut kënnen aus der Welt ze schafen, fir kënnen un engem globale Wuelstand fir jiddereen ze schaffen. Hei elo e puer weider Recommandatiounen un d'UNO vun der internationaler Bahá'í Communautéit.

8. *Create rural centers of technology, training and research.* Nei Technologien aféieren ass e feste Bestanddeel vun Entwécklung. Mee et kënnt awer dacks vir dass si net fir d'Kultur an d'Gemeng passen, do wou si agefouert goufen. Informatiounen a Kommunikatiounstechnologien si genee sou wichteg wéi och d'Schafung vu lokalen Institutiounen, wéi Formatiounszentren, déi et awer fäerdeg bréngen, modern wëssenschaftlech Methode mat lokale Gebräicher zesummenzebréngen. Domat gëtt déi lokal Bevëlkerung direkt mat abezunn, wann nei Iddien implementéiert ginn. Wierklech Entwécklung besteet doranner déi lokal Kapazitéit ze schafen fir bei neien Technologien matzeschaffen, an dat fir dat Gutt vun der ganzer Gemeng.

9. *Expand development indicators to assess ethical and moral values.* Fir Aarmut a mënschlech Entwécklung ze moossen, ginn et verschidden Indikateuren a Methoden, sou zum Beispill de Produit National Brut an de mënschlechen Entwécklungsindex. Si bestëmmen wat bewäert gëtt an domat hu si hir Wichtigkeet wa Prioritéiten an Entwécklungsrichtlinie gesat ginn. Materielle Fortschrëtt a gesetzlech Measure fir Uerder ze sécheren ginn awer net duer beim Progrès vu Communautéiten an Natiounen. Moralesch Fäegkeeten déi eist Verhale bestëmmen an d'Huele vun Entscheedungen vun Eenzelnen an Institutiounen mussen och entwéckelt ginn.

10. An engem Effort fir Methoden ze fannen déi d'Entwécklung an enger Gemeng aus enger moralescher Perspektiv gesinn, huet déi international Bahá'í Gemeng folgend Prinzipien als Basis fir d'Konstruktioun vun etheschen Entwécklungsindicateuren proposéiert: éischtens emol de Prinzip vum der Eenheet an der Villfalt, also an deem Mooss wou all d'Memberen aus enger Gemeng am Gemengeliewen integréiert sinn. Dann hu mer d'Prinzip vum der Gläichheet an der Gerechtegkeet. Dat heescht an deem Fall sech vergewësseren dass jiddereen d'Méiglechkeet huet, déi materiell a sozial Ressourcen kënnen ze benotzen an dass se fair verdeelt sinn. Aner Prinzipie sinn d'Gläichheet vun de Geschlechter; Éierlechkeet, d'Fräiheet ze denken, d'Gewëssensfräiheet a Glawensfräiheet. All dës Prinzipie kënnen a verschidde Beräicher direkt an d'Praxis emgesat ginn; an der wirtschaftlecher Entwécklung, an der Erzéiung, do wou een sech ëm d'Ëmwelt aetzt an do wou regéiert gëtt. Entwécklungsziler kënnen gesat ginn an nei Indikateure kënnen geschaf gi fir Fortschrëtt zu dësen Ziler kënnen ze moossen.

11. *Eliminate extremes of wealth.* Extrem Aarmut hänkt zesumme mat extremem Räichtum. Dat globalt wirtschaftlecht System ass interconnectéiert. Dofir kann een net op där enger Säit en Extrem ofschafen während deen aneren Extrem weider kann existéieren. Wann ee wëllt Aarmut aus der Welt schafen, muss een op en neits an eeschthaft déi global Systemer a Prozesser re-evaluéieren. Dozou gehéieren d'Manéier wéi regéiert gëtt, wéi gehandelt gëtt an dozou gehéieren och déi privat Transaktiounen. Si alleguer droen dozou bäi dass déi Räich méi räich ginn an déi Aarm méi aarm ginn. Grouss Firmen a Korporatiounen solle méi responsabel handelen, net nümme am Beräich vun der Ëmwelt an den Aarbechtskonditiounen mee och wat d'Mënscherechter ugeet. D'Legitimitéit an dee soziale Virdeel vun engem senge materielle Ressourcen hänke vun de Mëttelen of, mat deene een dës materiell Ressource ugeschaf huet an zu wéi engem Zweck ee se benotzt.

12. D'Veereenten Natiounen mussen méi wäit wéi zéng Joer no vir kucken, well dat ass eng relativ kuerz Zäit, an d'UNO reagiert dann an der Haaptsaach op d'Problemer. D'UNO, zesumme mat der Akademie an der ziviler Gesellschaft, mussen längerfristeg Szenarien an erwünschte Léisungen viru sech stellen. Dann hu si och vill méi Méiglechkeeten, verschidden intellektuell Contributiounen ze akzeptéieren. A mat méi enger grousser Diversitéit gëtt déi sou erzilte Visioun och méi räich. Loosse mir net zefridde sinn mam Minimum, loosse mer net zefridde si mat kuerze materiellen Ziler. Et ass besser eng Visioun vun engem Wuelstand ze hunn, deen d'Masse vun der Mënschheet inspiréiere kann, eng Visioun déi eis passionéiert fir dass mir zesumme kënnen un dëser Realisatioun schaffen, an dat an engem bewossten Akt vu globaler Solidaritéit.

315 De richtige Wee goen – E Buch fir Jugendlech vun 12-14 Joer

315t Sendung, den 9ten an 10te Juni 2006. De richtige Wee goen. So heescht ee vun den dräi Bicher fir Jugendlech vun 12-14 Joer, dat zënter kuerzem zu Lëtzebuerg vun der *ASBL Moments de Sérénité* offréiert gëtt. Et ass dat eng flott Méiglechkeet sech kënnen besser am Franséischen oder am Däitschen auszedecken. Zur Zäit gëtt et an engem Lycée offréiert a vu September un an der Waldorf Schoul um Lampertsbiërg. Wann s du also elo nolauschters, an du wëlls besser Franséisch schwätzen, an dat op eng flott an interessant Manéier, da mell dech bei mir oder um Radio ARA. Dat gëllt och fir franséisch Proffen, déi méi wëllen doriwwer wëssen. Meng Nummer ass den 091 334210 oder um Radio den 22 22 89.

An der Aféierung zum Buch schreiwen se: *„Mir ginn dovun aus, dass déi Jugendlech, déi mat dësem Material schaffen, normalerweis 13 oder 14 Joer al sinn, dass si liesen a schreiwe kënnen an das hir intellektuell Fäegkeeten sou wäit entwéckelt sinn, fir hir Gedanken an engem gewësse Grad kloer kënnen auszedecken. D’Buch soll dobäi hëllefen, dëst nach weider ze verstärken.“*

All jonke Mënsch sollt bestreift sinn, seng Fäegkeeten, mat gudden Verständnes ze liesen an d’Ausdrocksverméigen wirksam unzewenden an ze entwécklen. Et muss een, fir an enger Welt mat enger ëmmer méi grousser Komplexitéit e produktivt a fruchtbaart Liewen ze liewen, an der Lag sinn, héich Idealer an eedel Wierder a reng Doten ëmzesetzen. Besonnesch muss ee jonke Mënschen dat néidegt Geschir ginn, déi moralesch Themen ze erkennen, wa si sech fir dëst oder dat entscheed hunn. Liesbicher am Beräich vun der Sproochfërderung eegne sech gutt fir d’Entwécklung vun dëser wichteger Fäegkeet.

Fréier goufe Geschichten dofir benotzt, fir moralesch Konzepter vun enger Generatioun zur anerer weiderzeginn. An dësem Buch hei fënnt een zwanzeg Geschichten aus verschidde Kulturen, all mat engem universellen Thema. Vill vun de Geschichte si bekannt a sou gehéiere si zum Ierwe vun der Mënschheet. Si ginn hei op eng Aart a Weis erzielt, dass mat de moralesche Konzepter gläichzäiteg och Übungen am sproochlechen Ausdrock verbonne sinn.

D’Buch gëtt vun de Jugendlechen a kleng Gruppen ënner der Uleedung vun engem Tutor duerchgeschafft. All zwanzeg Lektione sinn no deem gläiche Schema opgebaut. No der Geschicht fënnt een eng Rei Verständnisfroen an och eng Wortschatzübung. Duerno huet ee mat Hëllef vun enger Fro eng Gruppendiskussioun an d’Lektioon hält op mat engem kuerzen Zitat.

Wann der wëllt, erzielen ech iech déi zweet Geschicht aus dem Buch. Op d’Feeler vun aneren ze kucken, ass eng geféierlech Gewunnecht. Mir verléieren de Bléck op eis eege Feeler, wa mir eis Zäit domat verschwenden ze mengen, mir wieren aneren iwwerleeën. Wäer eis Energie net besser benotzt, wa mir eis eege Feeler verbessere géifen?

An elo d’Geschicht: Ee fir seng Wäisheet bekannte Mann huet säi Jong mat an e schéine Gaart geholl, fir ze bieden an ze meditieren. Nach vill aner Leit waren och do, fir genee dat selwecht ze maachen. De Geroch vun de Blummen, en duusse Wand an d’Geräisch vun engem Floss hunn eng roueg a friddlech Atmosphär geschaf. De Papp a säi Jong souzen am Schiet vun engem Bam. De Jong huet wéi säi Papp gemaach, huet seng Aen zougemaach an huet sech nëmme méi mat erhewene Gedanken befaasst. Mee no enger Zäit gouf e midd. En huet ugefaang ronderëm sech ze kucken, fir d’éischt op d’Blummen an op d’Vigel, an dann op déi aner Leit. Zu senger Iwwerraschung huet hie gesinn, dass d’Hallschecht vun hinne geschlof hunn. Hien huet bei sech geduecht: *„All dës Leit koumen hei hinn fir ze bieden. Si mengen all si wiere fromm. Awer si bieden net. Si maachen nëmme wéi wann.“* An dat huet de Jong gestéiert an hien huet doriwwer nodeduecht. An du koum him en anere geféierleche Gedanken. Hie freet säi Papp: *„Si mir net besser wéi déi, déi schlofen am plaz ze bieden?“*

De Papp war e Moment roueg a sot dann zu him: *„Vläicht wäer mir jo besser, wann s du dës Fro net gestallt häss.“*

Sou wäit d’Geschicht. Wéi scho gesot, da kommen e puer Froen zum Verständnes an e puer Froen iwwer d’Bedeutung vun de Wierder. Fir d’Diskussioun iwwer d’Geschicht unzefänken gëtt déi heite Fro gestallt: *„Wéi eng Gedanke kënnte bei engem Iwwerleeënheetsgefëller ausdrécken?“*

An d’Lektioon hält mat dësem Zitat op: *„Wësst dir, firwat Mir iech aus deem gläiche Stëbs erschaf hunn? Fir dass kee sech iwwer deen aneren erhiewe soll. Bedenkt ëmmer an ärem Häerz, wéi dir erschaf gouft.“*

Merci fir d’Nolauschteren, a wéi gesot mellst iech um Radio oder bei mir wann dir iech fir méi esou Geschichten interesséiert.

316 Bahá’í Gebieder

Sendung 316, 16ten a 17te Januar 2006. Léif Radio ARA Nolauchterer, an eise leschten 300 Emissiounen hu mir sécher méi wéi 100 mol kuerz iwwer d’Gebiet am Bahá’í Glawe geschwat. Heiansdo hu mir och eenzel Gebieder op

der Antenne gesot. Haut kucke mir eis e bësse méi genee déi eenzel Gebieder un, déi et an de Bahá'í Schrëfte ginn. Et fënnt een an de meschten Editiounen vu Gebietsbicher op Däitsch, Franséisch an Englesch gutt 180 Gebieder. Dës Gebieder sinn engersäits fir ganz bestëmmte Geleeënheeten, sou zum Beispill fir déi Verstuerwen, fir d'Famill, fir Hëllef oder Gebieder fir Kanner a Jugendlecher.

D'Gebietsbuch huet een Deel mat den dräi deegleche Pflichtgebieder, vun deenen een ee sollt soen, da kënnst en Deel mat den allgemenge Gebieder, déi een zu jidder Zäit soe kann, an dat wéi ee wëll a mat wem ee wëll. An da gëtt et een Deel fir Gebieder déi fir speziell Geleeënheete geduecht sinn. Dës Gebieder hunn och eng besonnesch Kraaft.

Kucke mir eis elo déi allgemeng Gebieder méi genee un. Wa mir eis op dat däitscht Gebietsbuch baséieren, kommen do fir d'éischt d'Gebieder fir Gott ze luewen. Dës Klassifizierung ass einfach gemaach ginn, fir d'Gebieder méi liicht erëmzefannen. D'Iwwerschrëfte selwer also gehéieren net zu den hellege Schrëften.

Am éischte Gebiet iwwer de Luef liese mir: „O Gott, deen deen ech ubieden, mäi Kinnek, meng Sehnsucht! Wéi eng Zong kënnt mäin Merci un Dech riichten? Ech hunn net opgepasst, Du awer hues mech erwächt. Ech hu mech vun Dir ewech gedréint, Du awer hues mir gnädeg gehollef, dass ech mech Dir nees zougedréint hunn. Ech hunn engem Doudege geglach, Du awer hues mech mam Waasser vum Liewe beliebt. Ech war wéi verdréchent, Du awer hues mech mam himmlesche Floss vum Denge Wieder erfrëscht, déi sech aus der Fieder vum Allbaarmhärzegen ergoss hunn. ... Ech bieden dech ..., stéi mir jidderzäit, an all Situatiounen bei an hëllef mir, ...“¹

Am Ufank vum Gebietbuch fënnt een en Zitat vu Bahá'u'lláh wou Hie seet dass all déi Plaze geseent sinn, wou Gott ernimmt gëtt a wou Sāi Luef verherrlicht gëtt. Zu dësem Zitat gëtt et eng Melodie, déi sécher vu bal all Bahá'í weltwäit bekannt ass.

Hei nach e puer Passagen aus dem Gebietbuch, iwwer de Luef: „Gelueft sief Däin Numm, o mäi Gott, ... mäin Zil ... Keen ausser Dir nützt mir, o mäin Här an nëmmen no bei Dir ze sinn, bréngt mir Gewënn. ... Verzei mir, o mäin Här, ..Du bass a Wierklechkeet deen, deen ëmmer verzeit, dee Matleedvollsten.“²

An engem anere Gebiet soe mir Merci, dass Gott eis fäeg gemaach huet, seng Offenbarung ze erkennen, an dass mir eist Häerz fest op Hie riichten. Mir soen eisem Schöpfer Merci, dass Hien eis Kraaft ginn huet fir standhaft a Senger Léift ze sinn. Mir soen Him Merci, dass Hien eis de Wee gewisen huet.

An nach engem anere Gebiet liese mir, dass kee vun allen, déi am Himmel oder op der Äerd sinn, Gottes Wëlle widderstoe kënnen. ... Dass Hien zënter aller Éiwegkeet iwwer déi ganz Schöpfung herrscht an iwwer alles wat erschaf ass. Souwäit e klengen Abléck an d'Bahá'í Gebieder, vun deenen elo schonn eng ganz Partie op Lëtzebuergesch iwwersat sinn.

317 D'Muecht vun de Wieder entdecken – E Buch fir Jugendlech vu 15 Joer, Deel 1/2

317t Sendung, den 23ten a 24te Juni 2006. Léif Radio Ara Nolauschterer. Ech si frou iech haut kënnen dat zweet vun dräi Bicher fir Jugendlech virzestellen, *Entdeck d'Muecht vun de Wieder*, an dat vun der Ruhi Fondatioun a Kolumbien. Dëst Buch gëtt zënter kuerzem zu Lëtzebuerg vun der ASBL *Moments de Sérénité* offréiert. Et ass dat eng flott Méiglechkeet sech kënnen besser am Franséischen oder am Däitschen auszedecken. Wann s du ëm déi 15 Joer hues an elo nolauschters, an du wëlls besser franséisch schwätzen, an dat op eng flott an interessant Manéier, da mell dech bei mir oder um Radio ARA. Dat gëllt och fir franséisch Proffen, déi méi wëllen doriwwer wëssen. Meng Nummer ass den 091 334210 oder um Radio den 22 22 89.

Hei e puer interessant Punkten an der Aféierung vum Buch.

Et kann een dovun ausgoen, dass e jonke Mënsch mat 15 Joer räif ass. Zu dësem Zäitpunkt soll hien dann och geeschteg a moralesch Verpflichtungen anhalen. Dat ass awer vläicht e bëssen onrealisteschen an enger Gesellschaft, wou d'Phase vun der Kandheet an d'Längt gezu gëtt; an enger Gesellschaft, wou ee spilleresch Astellungen veréiwege wëll. Et ass awer och eng Tatsaach, dass e groussen Deel vun der Mënschheet ënnert schwéiere Bedingunge leeft, an dass een do dacks scho mat 15 Joer wichteg Aufgaben iwwerhuele muss. Dofir hunn déi Joere virum 15te Gebuertsdag eng ganz besonnesch Bedeitung. An dëser Zäit gi fundamental Virstellungen iwwer dat individuell a gemeinsam Liewen an de Käpp vu Jugendleche gebilt; Jugendlech, déi sech beméien, kannerech Gewunnechten lasszeginn. An dësem Alter hu si vill ze soen a wann ee si wéi Kanner behandelt, hëlt een hinnen d'Méiglechkeet, hinne bei der Entwécklung vun enger eegestänneger Identitéit ze hëllefen.

Säit senger Grënnung beméit sech d'Ruhi Institut, speziell Programmer fir dës Altersgrupp auszeschaffen an huet iwwer vill Joeren dëst Buch an engem Prozess vun Handeln an Nodenken entwéckelt. Et geet drëm, deene jonke

¹ Gebete, Lob und Dank, Nr4, Bahá'í Verlag, 1984

² *ibid*, S.34

Kärelen déi éischt Elementer ze ginn, fir dass si d'Komplexitéit vum Liewe bewältege kënnen. Et ass geduecht fir Jugendlech déi souwuel um Land wunne wéi och an de Stied.

Do wou d'Liewe schwéier ass hunn déi Jugendlech aus éischer Hand d'Erfahrung mam Liewe gemaach a sinn doduerch besonnesch gewuess. Si kënnen méi laang konzentréiert bei enger Saach sinn a si kënnen sech un den einfache Saache vum Liewe erfreeën. Si sinn awer och kapabel, déif nozedenken.

Et geet am Buch drëm, Fäegkeeten ze entwéckeln, a virun allem dass dee jonke Mënsch sech kann ausdrécken. Et gëtt dofir a ville Länner an Alphabetiséierungsprogrammer benotzt. D'Texter selwer hëllef, moralesch Konsequenze vu Wierder an Doten ze erkennen. D'Texter fänken einfach un a gi lues a lues méi komplex, souwuel d'Gedanke wéi och d'Sprooch.

D'Membere vum Grupp déi sech entscheede matzemaachen solle sech als Kollege gesinn. Si kommen zesumme fir e bestëmmtent Zil ze erreechen. Et ginn awer keng Hausaufgaben. Diskussiounen ginn duerch gezilte Froen encouragéiert. D'Buch huet nonzég Lektioenen, all Kéier mat engem bestëmmten Thema, engem passenden Zitat, mat enger Aktivitéit iwwer den Text, enger Diskussioun an e puer Übungen iwwer d'Veständnes.

Kucke mir eis kuerz déi éischt Lektioon un. Erzielt gëtt d'Geschicht vun engem Jugendlechen an engem Duerf. D'Awunner schaffen zesumme fir dass bei hinnen am Duerf Freed a Gléck ass. An dëst Duerf, wat Alegria heescht, kënnen enges Dags en Enseignant, deen den Awunner proposéiert, dass d'Duerf eng Mustergemeng ka ginn, an där materielle wéi och geeschtege Fortschrëtt erreecht ka ginn. Am Mëttelpunkt ass den Diego, e jonke Kär, dee scho vill geléiert huet an dee matschaffe wëllt, och wann hien nach net ganz versteet, wat da genee materiellen a geeschtege Fortschrëtt bedeit. An eiser nächster Emissioun gesi mir wéi d'Geschicht sech weiderentwéckelt a wéi déi éischt Jugendgrupp am Duerf entsteet.

318 D'Muecht vun de Wierder entdecken – E Buch fir Jugendlech vu 15 Joer, Deel 2/2

318t Sendung, den 30te Juni an 1te Juli 2006. Léif Radio ARA Nolauschterer, an eiser leschter Emissioun hate mir kuerz iwwer en neit Buch geschwat: *Entdeck d'Muecht vun de Wierder*, e Material fir Jugendlech vu 15 Joer, dat hinnen hëllef sech besser am Franséischen auszudrécken. Natierlech gëtt et dëst Material och op Däitsch. Déi Jugendlech solle sech méi bewosst ginn, dass dat wat se soe wichteg ass an en Afloss op si selwer an anerer huet.

Hei elo e puer Deeler aus dësem fir eis ganz neie Material, dat fir Fofzéngjäregere geduecht ass, déi sech zesummen an enger Grupp treffen, fir eemol d'Woch zesummen ze léieren a Spass hunn.

Bei deem éischen Treffe liesen déi Jugendlech, wéi am Duerf Alegria, sou eng Jugendgrupp entsteet, dass dës Grupp fir d'Eenheet schafft an dass all Jugendleche matmaache kann. Déi éischt Fro, déi sech stellt ass déi hei: « *Wat maache mir dann eigentlech hei zesummen ?* » Wat si wëssen ass dass si duerch d'Zesummenaarbecht an d'Léiermaterial am Buch hir Sprooch emol verbessern. Dat soll awer duerch konkret Aktiounen an der Grupp an an der Uerstschaft geschéien. Et geet net nëmme fir d'Sprooch ze léieren, mee et geet och drëm iwwer Saachen ze schwätzen, déi fir Jugendlech vu 15 Joer wichteg sinn.

Aus den Diskussiounen geet erfir, dass si gären aneren hëllef an e puer nützlech Saache fir hir Zukunft léiere wëllen. Geleet gëtt d'Grupp vum Elisa, dat schonn e bësse méi al ass, a wat d'Material scho gutt kennt.

Virtrefflechkeet ass ee Wuert, iwwer dat si sech ënnerhalen. A si maache sech Gedanken iwwer dës Sproch: « *Loosst all Moie besser sinn, wéi den Dag virdrun an all neien Dag méi räich wéi dee viregen.* »

En anert neit Wuert, wat si deen Dag léieren ass d'Verb : analyséieren, eppes zerleeën, fir ze entdecken wat sech dra verstoppt. Vun elo u versichen déi Jugendlech dann och, bei all Treffen eppes Wichteges ze analyséieren.

Elo kënnen dann en Deel wou duerch Spiller verschidde Konzepter bildlech verschafft ginn. Et ass e Spill mat Buchstaven an et ass am einfachsten dat eng Kéier ze spillen wéi et wëllen hei um Radio ze erklären. Ech probéieren et awer ganz kuerz. Jiddereen an der Grupp kritt ee grouss Buchstaf an d'Grupp muss sech da sou stellen dass déi eenzel Buchstaven e Wuert maachen. Dat éischt Wuert wat dobäi erauskënnt ass d'Wuert *Frënd*. D'Elisa erklärt dann no enger Zäit : « *Eenzel ass jidderee vun iech nëmme wéi e Buchstaf. Wann dir awer an der Grupp zesummekommt, fannt dir Kollegen an dir léiert eppes zesummen. Dir bleift dann net méi einfach e Buchstaf mee dir gitt wéi Wierder. A Wierder hunn eng Bedeitung an dir hutt vill wichteg Saachen ze soen.* »

Dësen Deel gëtt da mat dësem Zitat ofgeschloss : « *Sidd frou mat de Mënschen, a bedeelegt iech un hirem Leed. Gehéiert zu deenen, déi Fridde stëften. Offréiert är Frëndschaft a sidd vertrauenswierdeg. Sidd eng Salef fir all Wonn, e Medikament fir all Iwwel. Bréngt d'Séilen zesummen. ... Biet zu ärem Här, erhieft iech a féiert d'Mënschen op dem richtege Wee. ...* »

Duerno huelen déi Jugendlech hiert Buch a maachen e puer Spiller mat Wierder. Si kréien néng Wierder, wou d'Buchstaven duerchernee sinn. Si müssen d'Wierder fannen.

Duerno léieren si dat Wuert *Awunner*, eng Persoun, déi an enger Uertschaft leeft. Si sollen d’Nimm vun dräi Awunner aus hirem Duerf opschreiwen.

Dat nächst Wuert wat si deen Dag léieren heescht : tatkräfteg, voller Energie sinn. En tatkräftige Mënsch ass net faul, mee wakreg a bereet, neies ze maachen. Wien ass deen tatkräftegste Mënsch deen s du kenns ?

Zum Enn vun dësem éischte Jugendtreffen léieren si dat Wuert: *erzielen, eppes erreechen*. Si sollen e puer Zeilen iwwer déi Ziler schreiwen, déi si gär géingen als Jugendgrupp erreechen.

Wann s du dech fir sou eppes interesséiers oder einfach méi driwwer wësse wëlls, oder wann dir e Jugendlechen hutt, deen domat vläicht eppes ufänke kann, da mellst iech bei der *ASBL Moments de sérénité*, déi dës Formatiounen hei zu Lëtzebuerg offrëiert. Rufft um Radio ARA un, dat ass den 222289 oder direkt bei mir um 091334210.

319 Neiegkeeten – Wëssenschaft a Relioun

319t Sendung, de 7ten an 8te Juli 2006. Léif Radio ARA Nolauschterer, d’lescht Woch zu Moskau krut e russesche Professor eng Auszeechnung fir seng Contributioun iwwer den Dialog tëschent der Wëssenschaft an der Spiritualitéit.¹ Fir den Dr. Gudrat Seyfi, spillt de Glawen eng Haaptroll a sengem Verständnes vun der Wëssenschaft. „*Fir mech fënnt een am Glawen eng Wäisheet déi Äntwerte gëtt op Froen, fir déi d’Wëssenschaft nach keng Äntwerte fonnt huet*“, erkläert hien. „*De Prinzip vum Zesummespill tëschent Wëssenschaft a Relioun gëtt dem Wëssenschaftler d’Méiglechkeet eng besser Kenntniss an e bessert Verständnes vun der Welt als e Ganzt ze hunn*.“

Et ass de wëssenschaftleche Rot vun der russescher Akademie vun de Naturwëssenschaften, déi dem Dr. Seyfi seng kreativ an innovativ Approche unerkannt hunn. Eng Approche déi versicht d’Wëssenschaften aus enger spiritueller Perspektiv ze gesinn. Dës Approche, déi soss als radikal ugesi war, aus haut ëmmer méi ausgebreet a vertrueden.

„*Wëssenschaftler hu verschidden Approchen*“, erkläert den Dr. Seyfi, Sous-Direkter vum wëssenschaftlechen Zenter Eurasia. „*Eng extrem Approche ass déi ze soen dass de Glawe wëssenschaftlech Erkenntnis hämmt well Glawe blann mécht. Aner denken dass Wëssenschaft a Relioun sech musse getrennt entwécklen an dass de Glawen eng reng perséinlech Affär ass. Mee hautdesdags ännert dësen Trend sech lues a lues. Wëssenschaftler fänken un, méi a méi ze denken dass dëse Sujet ganz subtil ass an dass et keng kloer Äntwert gëtt*.“

Den Dr. Seyfi, dee Member vun der Bahá’í Gemeng zu Moskau ass, beschreift seng eegen Approche vun der Wëssenschaft als eng déi ganz déif zesummenhängt mat sengem Verständnes vun der geeschteger Evolutioun vun der Mënschheet.

Ausserhalb vun der organescher Interrelatioun vun der Wëssenschaft an der Relioun ass et kaum méiglech fir e Mënsch, verschidde fundamental Froen ze verstoen. Wat ass d’Plaz vum Mënsch an der Welt? Wat ass seng Haltung par rapport zur Natur? Wat ass seng Attitude par rapport zu sengem Nächstem? Fir nëmmen e puer Froen ze stellen.

Bahá’u’lláh seet, dass d’Wëssenschaft an d’Relioun wéi zwee Flilleke vun engem Vogel sinn an dass ouni eng Interaktioun tëschent dësen zwee, d’Verständnes vun der Welt net méiglech ass.

Wëssenschaft a Relioun ergänze sech an hängen ee vun deem aneren of. Et ass wichteg dass mir eng Kultur vun Dialog tëschent de Reliounen schafen, fir dass mir erkennen, dass all Relioun vun enger eenzeger Quell kënnt an dass si all an hirer Natur progressiv sinn.

Obwuel et an der Welt schwéier a komplex Prozesser ginn, wann ee sech d’Zukunft virstellt, kann een dru gleewen dass d’Mënschheet hir geeschteg Kris iwwerstoe wäert an dass d’Mënschheet e bessert Verständnes wäert kréien iwwer d’Reliounen vun der Welt, reliéis Leaderen a Regierungen an dat fir dass d’Mënschheet sech op eisem klengen Planéit verbessert.

Den Dr. Seyfi seet dass „*dat wesentlechste Konzept vu Bahá’u’lláh ass, dass mir Friichte vun engem Bam sinn, an dëst Konzept klappt un d’Häerz a Séil vun all Mënsch. A mengem Liewe versichen ech dës Iddi un d’Gewësse vun de Leit ze bréngen*.“

¹ <http://news.bahai.org/story/458>

320 Niegkeeten aus Egypten

320t Emissioun, 14ten a 15te Juli 2006. Léif Radio ARA Nolauschterer, wëllkomm bei eiser 320ter Bahá'í Emissioun. Reliéis Fräiheet sou wéi mir se bei eis am Land kennen ass net d'Norm a villen anere Länner. Egypten ass e Land, wat offiziell nëmmen dës Reliounen unerkennt: Den Islam, d'Crëschtentum an d'Juddentum.¹

A wat am Moment an Egypte geschitt, gëtt weltwäit verfollegt, an dat vun Organisatiounen, déi sech fir d'reliéis Fräiheet asetzen. Hei elo kuerz wat geschitt ass.

Wann dir an Egypten wunnt, an dir wëllt offiziell Pabeieren, wéi zum Beispill en Ausweis, gitt dir gefrot wat är Relioun ass. Bis elo war et ëmmer esou dass et net méiglech war, sech als Bahá'í unzeginn. Wann ee Molsem, Chrëscht oder Judd droppschreift da war et an der Rei. Viru kuerzem awer ass eng egyptesch Bahá'í Koppel op d'Gericht gaangen. Am Abrëll huet dann d'Gericht beschloss, dass hir Relioun op offizielle Pabeiere, wéi zum Beispill de Pass oder de Gebuertsakt, ouni déi een iwweregens bal keng Biergerrechter méi huet, dass op dës Pabeieren hir Relioun net méi falsch soll deklaréiert ginn. Ënnert dem Drock vu konservative Kräfte vun der egyptescher Gesellschaft gouf d'Urteil vun der Regierung bestritten a virun dat héchst Verwaltungsgericht bruecht.

Dës éischt Uerteel an d'Revisioun ass an Egypten an an der arabescher Welt vun de Medien opgegraff ginn, well déi domat verbonnen Implikatiounen sech net nëmmen op déi betraffe Bahá'í auswierken, méi vill méi wäiträichent sinn. Sou sot den Hossam Bahgat, Virsätzende vun der egyptescher Biergerrechtsinitiativ, eng onofhängeg egyptesch Mënscherechtsorganisatioun. Dës ass e Präzedenzfall am Bezuch op Staatsbiergerschaft, Gläichberechtigung a Reliounsfräiheet. Wéi de véierten Abrëll e Gericht der Bahá'í Koppel Recht gesprach huet, gouf et eng grouss Opreegung bei Deeler vun der Gesellschaft, virun allem der Al Azhar Universitét an déi muslemesch Bridderschaft, déi géint iergendwellech Unerkennung vum Bahá'í Glawen als reliéis Iwwerzeegung sinn. Dës Reaktioun huet eng rieseg Debatt an den Zeitungen ausgeléist, iwwer Reliouns- a Glawensfräiheet an der arabescher Welt. Et ginn ebe Mënschen, déi d'Bahá'í ënnerstëtzen an déi, déi an de Bahá'í eng Gefor fir déi islamesch Gesellschaft gesinn.

Elo ass et esou, dass d'Regierung hiren Asproch, hir Revisioun géint dës Uerteel vum Gericht gemaach huet. Dat héchst Verwaltungsgericht huet elo de 16te September festgeluecht, fir d'Klo vun der Regierung ze héieren.

D'Bahá'í, déi an dësem Prozess vertruede ginn, wéi och déi ganz egyptesch Bahá'í Gemeng wëllen nëmmen déi gläich Rechter, wéi och aner egyptescher Bierger se hunn. An dësem Prozess geet et ëm d'Recht, dass d'Reliounszougehéieregkeet an offiziellen Dokumenter net falsch ugi gëtt. Fir d'Bahá'í ass et net nëmmen eng Ligen, mee domat gëtt engem och d'Recht geholl, zu sengem Glawen ze stoën.

Et geet och net drëm, dass déi egyptesch Regierung oder soss iergend een en aneren dozou zwénge wëll, unze erkennen, dass de Bahá'í Glawen e gëttlechen Ursprong huet. Et geet vill méi dorëm, dass d'Bahá'í, wéi all aner egyptesch Bierger, vum Gesetz hir dozou verflucht sinn, Pabeieren ze erwerben, déi vun der Regierung ausgestallt ginn. Ouni dës Pabeiere dierfen egyptesch Bahá'í net offiziell beschäftegt ginn, si hu keen Accès zur Schoul oder soss iergendenger Formatioun, si kréie keng medezinesch Versuergung a si duerfen hire Wunnuert net wiesselen. Fir d'Bahá'í geet et einfach drëm, hiert Liewen duerfen a Rou ze liewen.

Ass et net erstaunlech, wéi eng u sech harmloos geriichtlech Affär sou enorm Proportiounen ugeholl huet. Mir wäerten iech um Laafende vun dëser Affär halen. *Affaire à suivre*.

Ofschléissend dës Gedanke vu Bahá'u'lláh: „*Loosst äre Bléck allëmfaassend sinn, amplat dass dir en op iech selwer beschränkt. ...*“²

321 Zeit für Geist: Gedanke fir eng friddlech Welt

Léif Radio ARA Nolauschterer, wëllkomm bei eiser 321ter Bahá'í Emissioun. *Zeit für Geist* ass eng Zäitschrëft, déi véiermol d'Joer zu Lëtzebuerg gedréckt gëtt an déi u méi wéi 3000 Haushalter geschéckt gëtt. D'Thema vun der Mäerz Editioun befaasst sech mam Glawen an dem opgeklärte Mësch. Si ass op Däitsch an d'Motto vun der Zäitschrëft ass: *Gedanke fir eng besser Welt*. D'Editioun sinn Dr. Farah Dustdar, de Farzin Dustdar, den Heng Ries, de Payam Arzani an de Claude Wiltgen.

Eng am Fong verännert Welt verlaangt an alle Beräicher vum Liewen en neit Denken a verlaangt dass mir och op eng nei Manéier agéieren. D'Zäitschrëft *Zeit für Geist*, inspiréiert vun de Bahá'í Schrëften, setzt sech mat aktuellen Zäitfroen ausernaner. Si wëllt op dës Manéier an duerch Gedankenimpulser mathëllefen d'Entwécklung zu enger friddlecher Welt ze fërderen.

¹ www.bahai.org/persecution/egypt

² Ährenlese, 43:5

Fir unzufanken, dösen Text aus de Bahá'í Schrëften: „*Weit alles, wat iech als Relioun duergeluecht gëtt, suergfálteg op der Wo vun der Vernunft an der Wëssenschaft. ... Wann et d'Prouf besteet, dann huet et un, dann ass et d'Wourecht. Stëmmt et awer net domat iwwereneen, da weist et zréck, dann ass et Onwëssenheet.*“¹

Folgend Gedanke fënnt een deelweis am Editorial vun der Zäitschrëft: Et héiert ee vill Leit, déi iwwer de Verfall vun der ëffentlecher Moral kloen. Mir liewen an engem Vakuum vu Wäerter, an dëse Vakuum hält stänneg zou. Zu gläicher Zäit wisst de Wonsch sech nees zréckzebesënnen op moralesch Wäerter. Mir sichen dach iergendwéi no geeschtege Prinzipien, Reegelen déi eis hëllefen, an enger Welt déi sech séier verännert, enger Welt déi onsécher ass. An an esou enger Welt ass et grad néideg, Halt an Orientéierung ze fannen. Wäerter sinn awer net nëmmen individuell Moossstief. Wäerter solle fir jiddere gëllen. Wäerter sollen d'Zesummeliewe vum Mënsch mat géigensäitege Vertrauen, Wäermt a Sënn erfëllen. Et ass eréischt wa mir mat anere Mënschen zesummesinn, dass mir zum Mënsch ginn. Mir sinn een op deen aneren ugewisen, op mir et wëllen oder net. Eis Liewensëmstänn sinn de Moment amgaang, sech grondleeënd ze verännern. Sou wéi d'Opklärung an d'Industrialiséierung am 18ten an 19te Jorhonnert zum Broch mat der Traditioun an zur Ëmwäertung vun alle Wäerter geféiert hunn, genee sou fuerdert eis déi haiteg Globaliséierung an déi doduerch entstandene sozial Kris. Mir mussen den ale Katalog mat eise Wäerter nei formuléieren fir en an e modernt Liewenskonzept ze integréieren.

Mir sinn eis bewosst, dass e verstännege Glawen an eng zäitgeméiss Reliéisitéit, als Begrënnungsquell vun de moralesche Wäerter, méiglech an onëmgänglech sinn. An dofir geet et an dëser Editioun ëm d'Verhältnis vum Glawen an der Vernunft.

Säit Enn vum 20te Jorhonnert erlieft d'Relioun weltwäit eng Renaissance. De Wonsch vum Eenzelnen no spirituellen Erfahrungen hält zou. An dat ëffentlecht Interessi fir d'Thema gesäit ee kloer an de Medien an och a populären Zeitungen. Déi modern westlech Kultur ass awer duergch de Begrëff Säkularisatioun oder Verweltlechung geprägt. Domat ass virun allem den Autoritéits- a Bedeitungsverloscht vun de reliéisen Institutiounen gemengt. Glawen ass elo eng Privatsaach. An der Gesellschaft ass den Ausdrock dovun eng Individualiséierung bis hin zu deem, wou de Mënsch eleng ass, mat manner oder ouni Bezéiungen an ouni verbindlech Normen. Et weess een einfach net méi u wat een sech hale kann. Méi doriwwer an eiser nächster Emissioun d'nächst Woch. Fir e gratist Abonnement fir d'Zeitschrëft *Zeit für Geist*, rufft mir elo un um Radio ARA, 222289, oder bei mir direkt um 091 334210.

Ofschléissend dëse Gedanke vun 'Abdu'l-Bahá : „*Ënner Glawe versteet ee fir d'ëischt e bewosst Wëssen, duerno d'Maache vu gudden Doten ...*“²

322 Neiegkeeten – Haifa a Libanon

Léif Radio ARA Nolauschterer, dëser Deeg hutt dir sécher matkritt, wat sech an Israel an am Libanon alles deet. Et ass Krich. A mir kréie ganz vill dovunner op der Tëlee mat. All Dag gesäit ee Journalisten an Nordisrael, ganz dacks zu Haifa, fir ze berichten, wat geschitt. Haifa, drëttgréisste Stad an Israel, mat engem groussen Hafen, läit um Bierg Karmel. An de Bierg Karmel ass de Wertsätz vum Bahá'í Glawen, mat senge wonnerschéine Gäert, déi sech de ganze Bierg erop strecken. An zu Haifa sinn ëm déi 700 Bahá'í aus der ganzer Welt, déi am Weltzentrum tätég sinn. Et si Gäertner, Comptablen, Botzpersonal, Handwierker, Informatiker, déi am administrativen a geeschtege Bahá'í Weltzentrum hiren Déngscht maachen, natierlech fräiwëlleg. An et komme reegelméisseg Bahá'í aus aller Welt op Haifa. Si verbréngen néng Deeg, ewech vun hirem sécher hekteschen Alldag, fir hirem Glawe méi no ze kommen, fir an de Foussspuere vun der Geschicht ze trëppelen, fir nei Kraaft ze schëpfen, an de Mausolë vum Begrënner vum Bahá'í Glawen, Bahá'u'lláh an hirem Virleefer, de Báb.

Mee dëser Deeg ass dat sécher net esou einfach, wann d'Stad Haifa reegelméisseg vun Hezbollah Rackéiten ugegraff gëtt, wa Leit stierwen, wann d'Stad an der Angscht vun de Rackéite leeft.

Et ass kloer dass d'Bahá'í sech net an d'Politik vum Land amëschen, oder dass si elo direkt Stellung zu dëser Krisis géifen huelen. D'Bahá'í hunn eng Visioun, déi doriwwer eraus geet. Si sinn amgaang, eng nei Gesellschaft opzebauen, an dat vum Fong un, a mat Hëllef vu véier groussen Aktivitéiten: d'moralesch Erzéiung vun de Kanner a Jugendlechen, Studiekreeser fir Erzéiung a Formatioun, Gebiets- a Meditatiounsréuniounen fir d'ganz Gemeng a sozial an ekonomesch Entwécklungsprojeten.

Haifa ass nëmme 40km wäit ewech vun der libanesescher Grenz, an dosende vun Hezbollah Rackéiten explodéieren dëser Deeg an dëser soss roueger a friddlecher Hafestad. Aacht Zuchaarbechter sinn dowéinst ëm d'Liewe komm. Vun offizieller Bahá'í Säit gëtt et wéi gesot am Moment kee Kommentar zu der ganz kritescher Lag hei an Israel an am Libanon, wou et iwweregens och eng kleng Bahá'í Gemeng gëtt. De Message vun de Bahá'í ass ee vu Friden an Eenheet fir d'Mënschen alleguer op der Welt.

¹ 'Abdu'l-Bahá, *Ansprachen in Paris, Hofheim 1973, S.84, Ansprache von 12. Nov. 1911*

² *Ährenlese, 43:5*

Et kënnt dacks fir dass d'Sirene vun der Stad d'Awunner an d'Touriste warnen an das si sech an engem bommesécheren Schutz ënnerbréngen. Wat am Moment am mëttleren Orient passéiert ass en anert Zeeche vun engem Prozess, dee sech lues a lues entfaalt. E Prozess vun Integratioun an Desintegratioun. E Prozess wou an der Welt um Fridde geschafft gëtt, wou ee positiv Aktiounen fënnt, an en anere Prozess, e Prozess, deen a sech zerstëierech ass, do wou Krich, Haass a Muecht d'Iwwerhand huelen.

D'Bahá'í sinn net déi eenzeg, déi ganz bewusst amgaang sinn, un dësem friddleche Prozess ze schaffen. Bahá'í sinn heescht eben och, un engem Prozess matzeschaffen, eng besser Welt ze schafen, matzehëllefen, eng Visioun vu Fridden an Eenheet an der Verschiddenheet duerch konkret Aktiounen an d'Realitéit ëmzesetzen. An dat geet net aleng. Dofir gi Käpp an Hänn a Féiss gebraucht. Bahá'í sinn a Bahá'í ginn heescht Fridde mat sech selwer fannen an um Fridden an der Welt ze schaffen, Fridden an der Famill, op der Aarbecht, mat senger Frënn, a senger Uertschaft, a sengem Land. Et heescht Fridde schafen, iwwerall do wou mer sinn a mat jidderengem mat deem mir a Kontakt kommen. An d'Vakanzenzäit ass ideal fir nei Leit an nei Plaze kennenzelieren.

Ofschlëssend dëse Gedanke vun 'Abdu'l-Bahá, 1911 zu Paräis: „Durch alle Zeitalter hindurch sehen wir die Oberfläche der Erde von Blut befleckt. Doch nun ist ein Strahl eines größeren Lichtes erschienen, das menschliche Erkenntnisvermögen ist größer, die Geistigkeit hat zu wachsen begonnen, und es kommt gewiss eine Zeit, da die Religionen der Welt miteinander in Frieden sein werden. Lassen wir ab von dem mißtönenden Streit um äußere Formen und schließen wir uns zusammen, um die göttliche Sache der Einheit voranzutreiben, bis die ganze Menschheit weiß, dass sie 'eine in Liebe vereinte Familie' ist!“¹

323 Déi offiziell Bahá'í Internetsäit

Léif Radio ARA Nolauschterer, et ass mir eng Freed iech haut déi offiziell Bahá'í Internetsäit kuerz virzestellen. Dir fannt se ënnert www.bahai.org Si ass op Englesch, Franséisch, Spuenesch, Portugisesch, Persesch oder Arabesch. Natierlech ginn et fir all Land national Bahá'í Internetsäiten, déi de Bahá'í Glawe kuerz presentéieren, op hir eege Manéier. Dacks fënnt een och e kuerzen Historique, also wéi de Glawe sech an deem Land entwéckelt huet. Ech sinn hei och frou iech kënnen ze soen, dass déi offiziell lëtzebuerger Internetsäit nei gemaach gouf, a ganz flott ass. Dir fannt se ënnert www.bahai.lu Komme mer elo nees zrëck zu der offizieller internationaler Bahá'í Internetsäit. D'Kraaft vun der Eenheet ass den Titel. Bis elo huet d'Mënschheet alles probéiert, ausser d'Eenheet. D'Eenheet hunn d'Mënschen nach net probéiert. Aner Saache koume bis elo ëmmer fir d'éischt: Wéi enger Rass een ugehéiert, zu wéi enger sozialer Klass ee gehéiert an zu wéi enger Relioun ee gehéiert. De Käer vum Message vu Bahá'u'lláh ass säin Usproch dass Eenheet alles kann änneren. Bahá'u'lláh seet dass ee mat Eenheet alles kann änneren. An iwwerall uechter d'Welt fänken d'Bahá'í un ze schätzen, wat Hien domat gemengt huet. An dir sidd invitéiert dat mat eis ze entdecken. Bahá'u'lláh schreift: „Sou staark ass d'Liicht vun der Eenheet, dass si d'ganz Äerd erliichte kann.“²

Niewent dem Titel vun der Säit fënnt een aktuell Informatiounen, wéi zum Beispill d'Suerg ëm d'Situatioun vun de Bahá'í am Iran, eng Gemeng ënner Beschoss. D'Situatioun vun de Bahá'í an Egypten, déi aktuell Lag an d'Geschicht vun dëser Bahá'í Gemeng.

En aneren Deel vun der Internetsäit äntwert op dacks gestallte Froen: Wat ass de Bahá'í Glawen? Wien ass Bahá'u'lláh? Wéi ginn ech Bahá'í? Wéi ass d'Bahá'í Gemeng organiséiert? Wat ass d'Bahá'í Konzept vun der Aarbecht? An nach méi Froen, déi een dann op enger anerer Säit fënnt.

Op d'éischter Säit fënnt een och Stéchwierder déi dann zu weidere Säite féieren: *Bahá'u'lláh, Sāi Liewen a Seng Missioun, Seng Léieren, Seng Schrëften. Den Eenzelnen, d'Famill an d'Gesellschaft. Hochzäit a Famill, D'Liewen an der Gemeng, Kanner a Jugendlech. Eng global Visioun, Fridden an eng global Zivilisatioun, Gouvernance, Wuelstand. Wat d'Bahá'í gleewen a wéi si hire Glawe praktizéieren. D'Konzept vu Gott, eis geeschteg Natur, d'Eenheet vun der Relioun. Sozial Léieren, Ethik a Moralitéit, Eenheet, Egalitéit. De Bahá'í Glawen an aner Reliounen, déi progressif Natur vun der Relioun.*

Niewent der aktueller Lag vun de Bahá'í uechter d'Welt déi dacks schwéier ass, fënnt een déi erfreenlech Neiegkeeten, déi d'Bahá'í uechter d'Welt maachen: Am Moment liest een op der Säit dass zu Tonga, eng Bahá'í inspiréiert Schoul hier zéng Joer feiert; dass zu Macau, d'Schoul vun den Natiounen vun der Regierung e Stéck Land krut fir hir Schoul auszebauen.

An da gëtt een Artikel méi am Fong presentéiert. Am Moment ass et en Artikel iwwer moralesch Entwécklung. Dësen Artikel beschreift fënnef Bahá'í initéiert Erzéiungsprogrammer uechter d'Welt.

¹ Abdu'l-Bahá, Ansprachen in Paris

² Bahá'u'lláh, Ahrenlese 132:3

An zum Schluss fënnt een op dëser offizieller internationaler Bahá'í Internetsäit eng Rei vun interessante Liene fir wieder Informatiounen iwwer de Bahá'í Glawen, wéi zum Beispill offiziell Positiounen zu verschidde weltwäite Problemer. An eng Lëscht mat Bahá'í Internetsäiten uechter d'Welt. Vill Freed beim Surfen, bei dësem waarme waarme Wieder, um www.bahai.org.

324 Zeit für Geist: Nei Äntwerten op al Froen

Léif Radio ARA Nolauschterer, wëllkomm bei eiser 324ter Bahá'í Emissioun.

Déi al Fro nom Sënn vum Liewe beschäftegt d'Mënsche vum postindustriellen Zäitalter sou vill wéi kaum eng aner. Wat kann eis haut Halt ginn, wie kann eis Orientéierung ginn? Déi jonk Generatioun sicht nei Äntwerten, déi si weder am Dogmatismus vun den ale Reliounen fanne kann nach am Existentialismus a philosophesch formuléierte Materialismus, déi alleguer op hir Aart a Weis Froen no engem iwwergeuerdnete Liewenssënn verneinen.¹

Nom griichesche Philosoph Aristoteles soll de Mënsch duerch sittlecht a korrekt Handeln zum „gudde“ Liewe kommen. Eng eenheetlech Opfaassung vum „gudde Liewen“ ass awer duerch den Individualismus vun haut verluere gaang. Jiddereen huet elo d'Fräiheet, sech vun der Traditioun, a sech vu Konventiounen fräizemaachen. Net all Mënsch bréngt et fäerdeg mat dëse Fräiheeten ëmzegoen. D'Virstellung, et misst een alles aus eegener Kraaft schafen, bréngt en onheemleche Leechtings- an Erwaardungsdrock mat sech.

Haltlosegkeet féiert dacks zu Veronsécherung a féiert zu Ängschten. Fir dëst Dilemma ze verhënneren, gëtt an de Bahá'í Schrëften eng Synthese vu Wäerter geschaf. Dat heescht eng Zesummestellung vu Wäerter, déi familiär, sozial a global Bindunge stäerken, a Wäerter, déi individuell Onofhängegkeet an Eegeverantwortung fërderen.

Firwat gleewen d'Mënschen? D'Wëssenschaftler befaasse sech an de leschte Jorzénge vill méi mat reliésen Themen, well se feststellen, dass mir dem Glawe néierens entkommen – souguer an der Wëssenschaft. Si ginn awer zou, dass d'Wëssenschaft a spirituelle Froen op Grënze stéisst, déi se net kënnen iwwerschreiden. Am Moment erliewe mir vill wëssenschaftlech Bicher an Artikelen, déi beleechen, dass d'Spiritualitéit eng gutt Wierkung op d'Gesondheet huet. Mënschen déi reegelméisseg an de Gottesdénge ginn, leide manner un Häerzkrankheeten, hunn en niddrege Bluttdrock a liewe bis zu siwwer Joer méi laang wéi Leit, déi net gleewen, sou behaapte munch Gehirnfuerscher.²

Souguer d'Wierkung vum Biede léisst sech anscheinend nowisen. De gleewege Mënsch erlieft zwar dat selwecht Erof an Erop am Liewen sou wéi all aneren, hien interpretéiert et awer ganz anescht. Glafwierdegkeet kréie sou Studien dacks duerch de Fait dass si vu renoméierten Institutiounen kommen an dass si a gudde Fachzäitschrëfte gedréckt ginn.

D'Wëssenschaft wäert eis no a no méi Asiichte liwweren, mee de Glawen huet vill méi en déiwere Sënn wéi dass en nëmme gutt fir d'Gesondheet ass. D'Gehirnforschung weist eis zwar haut, dass de Mënsch seng Wierklechkeet a gewësser Weis selwer baue muss, si kann awer net erklären, wéi een dat maache soll. D'Wëssenschaft gëtt keng Äntwerten op d'Grondfroen vum Liewen. Vu wou kommen ech, wuer ginn ech, a firwat ass alles dat gutt? D'Fuerscher ginn zou dass déi reliéis Léier nach weiderhin onentbierlech ass, fir dëst Laach opzefëllen.

Reliéis Erzéiung soll der Bahá'í Opfaassung no zum geeschtege Fortschrëtt a Wuel vum Mënsche bäidroen. An dësem Sënn schreift Bahá'u'lláh: „*D'Offenbarung vun all himmleschem Buch, jo all Vers, dee vu Gott geoffenbaart gouf, läit d'Absicht zugronn, all Mënsche Rechtschaffenheet a Verstand ze ginn, fir dass Fridden a Rou fest ënnert hinnen enstoe wäert. Wat och ëmmer den Häerze vun de Mënschen Zouversicht afléisst, wat och ëmmer hir Stuf erhéicht oder hir Zefriddenheet fërdert, ass viru Gott akzeptabel. ...*“

325 Terrorismus, international Bahá'í Nieegkeeten

Léif Radio ARA Nolauschterer, wëllkomm bei eiser 325ter Bahá'í Emissioun. D'Erausfuereungen, déi den Terrorismus de Regierungen an d'Gesicht gehäit, ass immens.³ Dës Erausfuereungen, déi den internationalen Terrorismus un d'Natiounen stellt, kënnen nëmmen op eng Manéier bekämpft ginn. Eng Weltregierung ass néideg, eng Weltregierung gëtt gebraucht, awer eng Weltregierung, déi op der Eenheet baséiert. Dat war d'Thema vun engem europäesche Bahá'í Kongress iwwer d'Recht, an dat zu Groesbeek an Holland am Dezember 2005.

D'Dr. Wendi Momen huet bestätegt, dass d'Erausfuereungen déi den Terrorismus dem Gesetz stellt, net nëmmen d'Gläichgewiicht tëschent Sécherheet a Fräiheet betreffen, mee d'Schafung vun enger neier Legislatioun; eng

¹ Zeit für Geist, Nr.1 März 2006, Luxemburg

² Vgl. Ulrich Schnabel, Hirnforschung : Warum Menschen Glauben ? Die Zeit 11.05.2005 Nr.20

³ L'article sur <http://www.ni-bahaies.org/article.php?num=271> oder <http://news.bahai.org/story.cfm?storyid=421>

Legislatioun déi an engem neie Regierungssystem integréiert ass; Eng nei Aart a Weis ze regéieren, déi besser adaptéiert ass fir eng globaliséiert Welt.

D'Dr. Momen sot dat hei: „*Elo wou d'Feier vum Terrorismus flaamt, debatéieren d'Staaten an d'Regierungen an engem Kader a mat Notioune vu Staatssouveränitéit a mat Gesetzer aus dem 19te Jorhonnert. An esou e Kader a Gesetzer aus dem 19te Jorhonnert verhënneren se, déi néideg Moossnahmen géint dëst Feier ze huelen. An dat muss sech änneren, an et muss sech séier änneren.*“

D'Dr Momen huet en Doktorat an den internationale Relatiounen vum der faculté des sciences économiques vu London. Si ass Editrice, Auteur an eng ancienne Presidentin vum nationale geeschtege Rot vum de Bahá'í vu Groussbritannien. Si huet eng Konferenz ginn zum Udenke vum Dr. Aziz Navidi, e bekannte Bahá'í Affekot, bekannt fir säi Courage a seng Kompetenz am Beräich vum de Mënscherechter.

D'Dr Momen huet drop insistéiert, dass et néideg ass, nei international Äntwerten ze fannen. Äntwerten, déi et de Regierungen erméiglechen, ze kooperéieren an zesummenzeschaffen. Domat sollen international Bindunge gestärkt ginn. Domat soll och weider un enger internationaler federaler Regierung geschafft ginn.

Et schéngt esou ze sinn, dass souwuel d'Regierungen, wéi och d'Leit op der Strooss terrifiéiert si virum Terrorismus. Si sinn net amstand d'Ursach ze verstoen a kënnen net adequat domat ëmgoen. Vlächcht feelt eis och e fundamentaalt Verständnes vu politescher Gewalt. An op där aner Säit si mir alarméiert wann zivil Rechter duerch Legislatioun ageschränkt ginn, déi eis eigentlech soll beschützen. Ech denken do un d'Moossnahmen, déi Regierungen kënnen huelen, fir Verdächtige kënnen festzehalen, ouni Uklo, an de Fait dass mer vlächcht ëmmer méi musse méi streng Kontrollen un de Flughäfen akzeptéieren.

Wat ass dann Terrorismus? D'Definitioun dovun ass och problematesch. Fir awer kënnen mat enger Legislatioun a Gesetzer ze schaffen, ass et wichtig den Terrorismus ze definéieren, an dat am beschten uechter d'Welt. D'Veereenten Natiounen sinn zënter Joren amgaang fir sech op eng Definitioun ze eenegen, déi fir jiddereen akzeptabel ass. Wat ass legitim Resistenz a wou sinn d'Limite vum Gebrauch vum der Gewalt?

Fir kënnen efficace den Terrorismus ze bekämpfen, ass et natierlech néideg d'Ursache vum Terrorismus ze kennen. D'Bahá'í Schrëften gesinn do eng Rei vu Quellen, un déi ee vlächcht net direkt denkt:

Virurteeler, Materialismus, eng Zivilisatioun déi hir Grenzen iwwerschratt huet, e fanatesche Clergé, d'Relioun déi ausstierft, reliéise Fanatismuss deen deplacéiert ass, d'Feele vu moralesche Wäerter, d'Ongläichheet tëschent Fra a Mann, d'Konzept vum der Famill, dat ëmmer méi u Wäert verléiert, a Rassismus.

De Bahá'í Glawen huet eng staark, awer nuancéiert Stellung zum Terrorismus an der Gesetzlosegkeet. D'Bahá'í Léiere soen dass Terrorismus, zesumme mat aner soziale Krankheeten, d'Konsequenz ass vum Verfall vum der Gesellschaft. Firwat? Well d'Mënschheet sech geweigert huet déi geeschteg Léieren unzehuelen a se ze applizéieren. Geeschteg Léieren, déi fir all Zäitalter vermëttelt ginn. Bahá'í sinn domat d'accord, zesumme mat anere Kritiker, dass Legislatioun aleng, sou wichtig se och ass, net kann adequat mam Terrorismus ëmgoen, well Legislatioun selwer ass weder inspiréiert duerch sou geeschteg Léieren, nach ass d'Legislatioun dat richtegt Instrument fir mam Grondproblem fäerdeg ze ginn. E systemesche Grondproblem, deen d'Mënschheet op all Niveau lähmt. *D'Oneenegkeet*. Fir méi zu dësem Thema gewuer ze ginn, rufft mir am beschten un, da kann ech iech gären d'Konferenz an den Artikel schécken.

326 Kënnen d'Relioun an d'Vernonft sech eigentlech matenee verdroen?

Léif Radio ARA Nolauschterer, wëllkomm bei eiser 326ter Bahá'í Emissioun.

Kënnen d'Relioun an d'Vernonft sech eigentlech matenee verdroen?¹ Fir de moderne Mënsch sti *Glawen* an *Denken* dacks am Géigesatz zueneen. Zënter der Opklärung gëtt behaupt, dass d'Relioun eppes virwëssenschaftleches, virphilosophesches wier. Glawen géing bedeuten, dass de Mënsch, op mannst wat en Deel vu sengen Opfaassung betrëfft, seng Vernonft net benotzt. Den Immanuel Kant gëtt déi heiten Äntwert op d'Fro: Wat ass d'Opklärung? „*Huel der de Courage, fir däin eegene Verstand ze benotzen.*“ Weider seet hien: „*Opklärung ass d'Erauskomme vum Mënsch aus senger selwer verschëlten Onmündegkeet.* ...“

D'Wëssenschaft gëtt awer zou, dass all Wëssen Grenzen huet. Dass déi mënschlech Vernonft Grenzen huet, beleet jo och d'Gehirnforschung. D'Wëssenschaft erkläert d'Welt net vollstänneg. Mir musse mam Fait liewen, dass dat, wat sech ons opmécht, nëmmen en Deel ka sinn, vun eppes méi Groussem, eppes wat mir net kënnen erfassen. A mir mussen agesinn, dass ons Vernonft nëmmen eng begrenzten Asiicht huet.

¹ *Zeit für Geist*, Nr.1 März 2006, Luxemburg

An de Schrëfte vun der Bahá'í Relioun, déi ongeféier ee Jorhonnert no der Zäit vun der Opklärung entstane sinn, gëtt den Opruff, „*säin eegene Verstand ze benotzen*“ zu engem göttleche Gebot. Bahá'u'lláh behaupt, dass säi Message net nëmmen d'Prophezeiunge vun de virege Reliounen erfüllt, mee och dass säi Message dat geeschteg-moralesch Fundament vun enger fräiheetlecher a globaler Uerdnung ass. Säi Jong an Nofolger, 'Abdu'l-Bahá schreift dat heiten: „*Stéing d'Relioun am Géigesaz zur logescher Vernunft, da géing se ophalen, Relioun ze sinn a wär nëmmen Iwwerliwwerung, (Traditioun). Relioun a Wëssenschaft sinn déi zwee Flilleken, op deenen déi mënschlech Geeschteskraaft sech erhiewe kann a mat deenen déi mënschlech Séil Fortschrëttler maache kann.*“ Relioun ouni Wëssenschaft stierzt de Mënsch an de Sumpf vum Awerqlawen. Wëssenschaft ouni Relioun léisst de Mënsch an den hoffnungslose Bulli vum Materialismus falen.

Fräiheet a Rechtsgläichheet vun alle Mënsche sinn haut Fuerderungen, déi een an de grondleeënde Prinzipie vun der Bahá'í Relioun fënnt. Aner wichteg Grondsatz an Ziler sinn: déi individuell a selbstänneg Sich no der Wourecht. Harmonie tëschent der Vernunft, der Wëssenschaft an dem Glawen. D'Relativitéit vun der reliéiser Wourecht am Hibleck op déi historiesch Gültigkeet am Laf vun der Mënschheetsgeschichte. D'Gläichstellung vu jidderengem viru Gott a virum Gesetz. D'Ofleeë vu reliéisen, rassischen a aner Virurteeler. D'Gläichstellung vu Mann a Frau. D'Eenheet and d'Gläichwäertegkeet vun alle Vëlker an Natiounen vun der Welt. Dëse jonke Glawen ass also eng Relioun vun der Opklärung.

An eiser nächster Emissioun kucke mer eis e weideren Deel aus der Zäitschrëft: *Zeit für Geist* un. De Sënn an den Zweck vum Glawen. Bis dohin, iech alleguer, en erhuelen Weekend.

327 Sënn an Zweck vum Glawen

Léif Radio ARA Nolauschterer, wëllkomm bei eiser 327ter Bahá'í Emissioun. D'Relioun huet no de Wiederer vun 'Abdu'l-Bahá nëmmen dann e Sënn, wa si zu Frëndschaft a Léift féiert.¹ „*Bewierkt Relioun Entfriemung, da brauch een hirer net; well d'Relioun ass ewéi e Medikament: Verschlémmert sech d'Leed, dann ass se net méi néideg.*“ „*D'Wiese vum Glawen ass et, wéiniger Wiederer ze maachen an eng Onmass vun Doten ze weisen. Sief der bewosst, dass fir deen, dee méi schwätzt wéi mécht, den Doud besser ass ewéi d'Liewen.*“ Déi ganz Gottesléift, also ..., bidden, sangen a luewen sinn näischt wäert, wa se net begleet ginn vu echter a praktizéierender Solidaritéit mat den Aarmen, Kranken, deenen déi Honger leiden an déi Verfollegt op dëser Welt.

„*Deen ass wierklech e Mënsch, dee sech haut dem Dénkscht un der ganzer Mënschheet higëtt.*“

A sengem bedeitende Wierk *D'Buch vun der Gewëssheet* befaasst Bahá'u'lláh sech mam Changement, déi all Offenbarung am Wiesen, an de Gedanken an de Bräicher vum Mënsch ervirriift. Hie schreift: „... *well wann net de Charakter vun der Mënschheet geännert géif, wäeren déi allëmfaassend Manifestatiounen vu Gott ganz kloer sënlos.*“ „*Alles, wat aus dem Himmel vum göttlechem Wëllen erofkënnt, ass e Mëttel fir d'Erriichtung vun Uerder an der Welt a fërdert Eenheet a Frëndschaft tëschent hire Vëlker.*“

Genee an dësen Deeg, musse mir eis just op deem Punkt d'Fro stellen, wat maachen d'Reliounen dann an dëser Zäit voll mat Suergen a Kricher a villen Deeler vum Äerdball? Wat kënnen d'Reliounen da maachen, wann net einfach sech zesummendinn, fir méi staark ze sinn, fir méi eng staark Stëmm ze hunn a fir hire Gleewegen ze soen: Haalt op mam Krich, a kenger helleger Schrëft vun iergendenger grousser Relioun steet geschriwwen dass dir ären Noper sollt ermuerden.

D'Offenbarung vu Gott ass keen eemolegt Phänomeen. Bahá'u'lláh schreift am Buch *Ährenlese*: „*All göttlech Offenbarung gouf esou erofgeschéckt, wéi se de Verhältnesser vum Zäitalter entsprécht, an deem se erschéngen ass.*“

Dat göttlecht Gesetz zerfällt, no de Wiederer vun 'Abdu'l-Bahá an zwee Deeler: Den éischten Deel bezitt sech op déi geeschteg Wierklechkeet an ëmfaasst d'Glawensbekenntnisser a moralesch Prinzipien, déi de Kär am Gesetzeswierk vun alle Reliounen ausmaachen. Dës Prinzipien – de Glawen u Gott, Rechtschaffenheet, Vertrauenswierdegkeet, Nächsteléift, ënnere Friden, Rengheet, Lassléisung, Demut, Sanftmut, Gedold a Standhaftegkeet an änlech Prinzipien – si Bestanddeeler vun alle Reliounen a ginn ni opgehuewen. Si ginn an all propheteschem Zyklus erneiert, well um Enn vum Zäitalter vun all Prophet geet dat geeschteg Gesetz verluer, an nëmmen déi baussescht Form bleift nach zrëck. ... Den zweeten Deel vum göttleche Gesetz, deen sech op déi physisch Wierklechkeet vum Mënsch bezitt, wéi zum Beispill: d'Faaschten, d'Gebiet, de Gottesdénkscht, d'Bestietnes an d'Scheedung, d'Ofschafung vun der Sklaverei, Geriichtsbarkeet, geschäftlech Ugeleeënheeten an och Strof a Bereie fir e Mord, eng Gewaltdot, Déifstal a Kierpervletzung an sou weider ginn an all propheteschem Zyklus je no den Erfuerdnerisse vun der Zäit geännert a changéiert.

¹ *Zeit für Geist*, Nr. 1 März 2006, Luxemburg

An eiser nächster Emissioun kucke mer eis e weideren Deel aus der Zäitschrëft: *Zeit fir Geist* un. Wéi kritt ee Glawen? Bis dohinn, iech alleguer, en erhuelsame Weekend.

328 Wéi kritt ee Glawen?

Léif Radio ARA Nolauschterer, wëllkomm bei eiser 328ter Bahá'í Emissioun. Wéi kritt ee Glawen? Et ass de Wee zu eis selwer ...

De Wee vun der Erkenntnes an de Wee vum Glawen, de Wee vun der Wäisheet an de Wee vun der Léift féiert duerch déi wäit, geheimnisvoll Landschaft vum Liewen. Et ass de Wee zu eis selwer, deen eis Fridden, Gléck an Trouscht bréngt. Wéi kënne mir elo praktesch dëse Wee goen:

Den éischte Schrëtt ass d'Bereedschaft an de Wëllen zu enger ënnerer Rou a Fridden an d'Asiicht, dass geeschtege Fortschrëtt noutwenneg ass, dass mir geeschtege Fortschrëtt an eisem Liewe brauchen. „*De Glawe vun engem Mënsch kann nëmme vun him selwer ofhänken.*“ „...*all Mënsch ass aus sech selwer eraus fähig a wäert och weiderhi fähig sinn, d'Schéinheet vu Gott, ... ze erkennen. Hätt hien dës Fäegkeet net kritt, wéi kéint een da fir säi Versoen zur Rechenschaft gezu ginn?*“

Den zweete Schrëtt Glawen ze gewannen ass dat selbststänneg Sich. D'Mëttel dozou sinn: liesen, bieden a meditieren, domat ass gemengt nodenken a reflektieren. Doduerch gi mir an ons selwer deenen ongeheiere Kräfte bewosst, déi an de Wieder Gottes leien.

Den drëtte Schrëtt ass deen, säin Häerz vu Virurteeler ze rengen. 'Abdu'l-Bahá schreift: „*Hal dech u vernünfteg, massgebende Beweiser. Well Beweiser weisen de Wee, déi d'Häerz der Sonn vun der Wourecht zoudréien. Ass d'Häerz der Sonn zougedréint, da gëtt d'A opgemaach an et wäert d'Sonn duerch d'Sonn selwer erkennen.*“

De véierte Schrëtt Glawen ze kréien ass deen, Angscht an Ohnmacht viru Schwierigkeeten ze iwwerwannen.

De fënnefte Schrëtt ass deen, Erkenntnisser ze gewannen a vum Zweifel zur Gewëssheet ze kommen. An dësem Zoustand wäert de Sichenden „*mat den Ae vum ënnere Kucke gesinn an zu engem vertraute Gespréich mat Gott kommen. Hie wäert d'Diere vun der Wourecht an der Ehrfurcht opmaachen an d'Diere vun eidlen Abildungen zoumaachen. An dësem Zoustand wäert e sech dem Rotschloss vu Gott erginn...*“ Op dëser Stuf gelaange mir zu enger neier Siicht. Déi aldeegleche Problemer schéngen ons ouni Bedeitung. Mir léieren, wéi mir eis duerch d'Bieden an d'Meditiere vun de gewéinleche Schwierigkeete léise kënnen.

De sechste Schrëtt ass den Ausgläich tëschent individuellem Wuelbefannen an dem Gemeinschaftsliewen, wou ee sech mat de Mësstänn an der Welt ausernanersetze muss. Bahá'u'lláh schreift: „*All Mënsche goufen erschaf, eng stänneg fortschreitend Kultur virunzedroen.* ...“

Souwäit e puer Gedanken aus der Zäitschrëft *Zeit für Geist*, Gedanke fir eng friddlech Welt. Ech hunn nach e puer Zäitschrëften hei leien, fir iech Radio ARA Nolauschterer. Alles wat dir musst maachen, mir elo uruffen, am beschten um 091334210 oder um Radio Ara an hannerloosst e Message, dat ass den 222289.

329 Studiekreesser: Nodenken iwwer dat geeschtegt Liewen

329t Emissioun um Radio ARA, 22ten a 23te September 2006. Léif Radio ARA Nolauschterer, d'Bahá'í Gemeng vu Lëtzebuerg invitéiert iech, an engem neie Cours matzemaachen, deen dozou déngt, äert geeschtegt Liewen ze beräicheren. Dëse Cours ass eemol d'Woch an dauert 12 bis 14 Wochen; jee no de Wënsch vun deenen déi matmaachen, kann och eng aner Zäit gewielt ginn. D'Käschte vum Cours belaf sech just op d'Aarbechtsbuch an dat sinn zéng Euro. Sou Cours ginn d'ganz Joer offréiert an dir kënnt iech eenzel oder och als Grupp umellen. Am beschten am Bahá'í Zenter an der Stad, um 442220. Dës Cours ginn och zu Diddeleng an zu Ettelbréck offréiert.

D'Studiekreesser baséiere sech op de Léiere vum Bahá'í Glawen. De Cours beschäftegt sech mat eiser wierklecher mënschlecher Natur an mam Sënn vun eisem Liewen. Am Cours fanne mir e Verständnes wat haut an der Welt passéiert a wat dat konkret fir Implikatiounen an eisem Liewen an an eisem Alldag huet. Et geet kloer ervir dass d'Mënschheet eng Zukunft huet. Op eng praktesch Aart a Weis gi mir encouragéiert, eis geeschteg Qualitéiten ze entwécklen. D'Studiekreesser sinn op fir all déi, déi méi driwwer wësse wëllen.

Firwat gëtt dëse Cours grad elo ugebueden?

A manner wéi zwee Jorhonnerten huet d'Welt esou changéiert, dass et schwéier ass, se nach erëmzeerkennen. Et ass sécher dass déi Wourechte vun de grouse Weltreliounen haut nach valabel sinn. Et ass awer och sécher dass déi aldeegleche Erfahrung vum Mënsch am 21ste Jorhonnert onwahrscheinlech wäit ewech ass vun der Erfahrung vun engem Mënsch, dee virun 2000 oder 1000 Joer gelieft hätt. An Zäite wou d'Chrëschtentum sech entfaalt huet, den Islam an d'Judentum.

Vill vun eis hu geduecht, dass dës 200 Joer, déi immensen technologesche Fortschrétt matsech bruecht hunn, déi grouss sozial Reforme matsech bruecht hunn, dass si d'Welt verbessere géifen. Dass d'Mënsche méi glécklech wäeren. Mee och wann dës Changementer néideg waren, ass d'Welt nach ëmmer voll mat Kricher, Trauer, Roserei, Ongerechtegkeet, Onmënschlechkeet, Leed an Intoleranz.

Vill ze vill Leit hu keng Richtung an hirem Liewe fonnt. Vill ze vill Leit hu kee Sënn fir hiert d'Liewe fonnt. Si hunn d'Gefill dass d'Liewe méi beräichernd kéint sinn, hunn awer Schwieeregkeeten ze verstoen wat se sollen ufänke mat all deene Changementer, déi all Eck vun eisem Planéit betreffen.

D'Bahá'í gesinn dat esou: Alles wat an der Welt passéiert geschitt no engem Muster, dat zu enger besserer a méi gerechter Welt féiert. D'Erwuessesi vun der mënschlecher Rass. De Glawen offréiert eenzegaarteg Ablécker an eis haiteg Welt. An dofir denke mir dass dës Cours, dee mir elo ubidden, wichteg ass.

De Cours ass op fir jiddereen. Den Inhalt kënnt aus de Bahá'í Schrëften a baséiert op méi wéi 30 Joer Erfahrung weltwäit. En huet bewisen, dass en et fäerdeg bréngt den Eenzelnen z'änneren fir dass hie säi Potential entdecken an ausliewe kann. Fir dass den Eenzelnen sech asetzt fir eng besser Welt ronderëm hien.

De Cours offréiert e Verstoen, Kompetenzen, Wëssen an e geeschtegen Abléck. An déi Saache kënnen d'Liewe fir jidderee méi sënnvoll maachen.

Wéi funktionéiert esou e Studiekrees? Bahá'í Studiekreesser sinn eng bewise partizipativ Method fir ouni Zwang ze léieren. Si gi vun engem Animateur geleet, dee sech an de Prinzipien a Léiere vum Bahá'í Glawen auskennt, a wou et wichteg ass, dass jidderen an enger stressfräier Atmosphär onofhängeg seng Recherche ka maachen. D'Studiekreesser ginn an enger frëndlecher Atmosphär ofgehalen, an dat a kleng Gruppen.

Et geet an de Studiekreesser drëm, beim Eenzelne säi Potential ze entwécklen, an deem hien d'Méiglechkeet kritt, mam kreative Wuert vu Gott a Kontakt ze kommen.

D'Material wéi och d'Method gi vun de Bahá'í Gemengen uechtert d'Welt benotzt. D'Philosophie déi si leet, ass d'Integratioun vum Dénkscht um Mënsch duerch d'Studéieren a geeschtegen Übungen.

D'Etude ass a progressiven Niveauen organiséiert a baséiert sech op enger Rei vu Bicher déi de roude Fuedem duerchstellen fir e Verstoe vu geeschtege Wourecht déi Bahá'u'lláh ënnerriicht huet.

Wéi gesot, wann dat iech usprécht oder dir einfach méi genee wëllt wëssen ëm wat et geet, méllt iech um Radio, am Bahá'í Zenter oder bei mir um 091334210

Ofschléissend, dës Gedanke vun 'Abdu'l-Bahá: „*De Mënsch ass a senger Wierklechkeet e geeschtegt Wiesen, an nëmme wann hien am Geescht leeft, ass en tatsächlech glécklech. Dës geeschtegt Verlaangen an Empfanne besëtzen all Mënschen op déi selwecht Aart a Weis.*“¹

330 D'Vesprieche vum Weltfridden, eng Aféierung

330t Emissioun um Radio ARA, 29ten a 30te September 2006. Léif Radio ARA Nolauschterer, méi wéi jee brauche mir Friden, Fridde mat sech selwer, Fridde mam Partner, Friden op der Aarbecht, Friden am Land a Friden an der Welt. Wéi vill vun eis kënnen dat Wuert Friden neméi héieren, oder kënnen einfach näischt méi domat ufänken? Wéi vill vun eis hunn opgehalen ze gleewen, dass eis Welt méi friddlech wäert ginn?

1985 huet den héchste gewielte Bahá'í Gremium eng Deklaratioun un d'Vëlker vun der Welt gemaach, mam Titel : *D'Vesprieche vum Weltfridden*. Et gëtt dovunner eng lëtzebuergesch Iwwersetzung am Horizonte Verlag, 1990 mat enger Aféierung vun der deemoleger Chamberpresidentin, der Madame Erna Hennicot-Schoepges. Ech zitieren e puer Passagen aus hirer Aféierung : Si schreift : « *En Appel zum Friden an engem Abléck wou d'Majoritéit vun de Lëtzebuurger vill méi mat materiellen Iwwerleeunge beschäftegt ass, muss eis nodenklech maachen. ... Den Hunger, d'Aarmut an d'Krankheet vun esou ville Mënschen op dëser Welt ginn och jidderee vun eis eppes un. ... Eng nei Uerdnung an der Welt, déi eis dem Fridde méi no bréngt, kann nëmme opgebaut ginn aus der Perspektiv eraus vun der Matverantwortung fir déi eng an déi aner. ... Ech wënschen, datt Ären Appel vu ville Leit eescht geholl gëtt, an datt d'Suerg ëm déi aner eis déi Kraaft gëtt, déi mir all zesumme brauche fir d'Welt ze verännere*»

Mir liewen an enger Welt vun Integratioun an Desintegration, enger Welt wou positiv Kräfte amgaang sinn ze wierken an negativ Kräfte amgaang sinn ze wierken. Mir liewen an enger Welt wou Leit an Organisatiounen sech eeschthaft beméien, eng aner besser Welt opzebauen, a wou Leit an Organisatiounen amgaang sinn d'Welt an d'Leit an hir futti ze maachen an ze zerstéieren.

¹ Der Mensch ist seiner Wirklichkeit nach ein geistiges Wesen, und nur wenn er im Geiste lebt, ist er tatsächlich glücklich. Dieses geistige Verlangen und Empfinden besitzen alle Menschen gleicherweise, Abdu'l-Baha, Ansprachen in Paris, S.54

Mir liewen awer och an enger Welt wou Leit an Organisatiounen amgaang sinn, d'Welt wéi se ass, mat hiren Institutiounen an Traditionen, wëllen ze flécken, d'Rëss an de Lächer ze fëllen. Vläch gesi si net, dass d'Welt am Moment esou wéi en Haus ass, wat ee besser huet sou stoen ze loosse wéi et ass, an un engem neien ze schaffen. En Haus, oder eng Welt, mat Strukturen an Institutiounen, déi de Besoine vun der haiteger Welt entsprechen.

Den Ervin Laszlo, Philosophieprofessor a Begrënner vum Club vu Budapest, schreift am Virwuert zu der Bahá'í Deklaratioun: „*Eng nei Orientéierung vun eisem Denken an een neit Wëssen iwwer d'Dynamik vun der gesellschaftlecher Verännerung gi gebraucht, wa mir de Fridde wëlle realiséieren. Béid Aspekter ginn am Friddensappell vum Universalen Haus vun der Gerechtegkeet an hirer wierklecher Natur erfaasst.*“¹

A senger Aféierung zur Deklaratioun schreift de Laszlo ënnert anerem: „*Fridden ass haut net nëmmen e fromme Wunsch, mee eng Mussesaach. All Staatschefen a Vëlker vun der Welt musse sech dës Tatsaach virun Aen halen a sech déi Räifheet uneegnen, déi dat heiten Dokument fir dat nächst Zäitalter vun der Mënscheit virausgesäit. ... Den Text vun der Friddensbotschaft erkläert, dass d'Eenheet déi wichtegst Bedingung ass, fir de Fridden erbäizeféieren – Eenheet an der Famill, Eenheet an der Natioun an Eenheet an deene grouse Modeller vum Denken a Fuerschen, an deem, wat d'Wëssenschaft an d'Relioun ausmécht. Räifheet ass dann eng Viraussetzung fir esou eng Eenheet. ... D'Mënscheit ka sech op de Wee maachen zu méi enger grousser Wäisheet a méi enger déiwer Maturitéit, well si huet elo d'Méiglechkeeten, hir ënnerschiddlech Kulturen an Ideologien ze ënnersichen an iwwer hir historiesch Plaz ... nozedenken.*“

Mir wäerten an eiser nächster Emissioun mat dësem interessante Friddensappel ufänken, e Fridden, deen eis versprach gëtt. An der Aféierung kucke mir d'Zeechen, déi elo scho besti fir kënne Fridden ze schafen, mir gesinn awer och d'Konflikter an d'Virzeeche vu Kricher a mir gesinn de Wee no fir, wéi ee Wee mir huele kënnen.

Bis dohin, iech alleguer en erhuelsamen a friddleche Weekend, äre Jean-Marie.

345 D'Situatioun vun de Bahá'í an Egypten, Deel 1/2

345t Emissioun um Radio ARA, 11ten an 12te Januar 2007. D'Bahá'í, egyptesch *Fantombierger*, so ass den Titel vun engem Artikel vum 2te Januar am Figaro. Déi egyptesch Justiz refuséiert de Bahá'í, enger klenger reliéiser Minoritéit, d'Recht op eng Carte d'identité, well si net duerfen dropschreiwen dass si Bahá'í sinn. Am Alldag ass dat zimmlech schlëmm. Et heescht, dass d'Bahá'í kee Gebuertszertifika fir hir Kanner kënne kréien, dass si kee Bankkonto duerfen opmaachen, keng Assurance duerfen huelen oder hir gro Kaart duerfen erneieren. Si riskéieren an de Prisong ze kommen, wa si no hirer Identitéitskaart gëfrot ginn.

Bahá'í hu sech no der Gebuert vum Glawen virun 163 Joer an Egypten néiergelooss. Sou wéi déi dräi unerkannte Reliounen an Egypten, den Islam, de Chrëschtentum an de Juddentum, gleewen si, dass et nëmmen ee Gott gëtt. D'Zil vum Bahá'í Glawen ass d'Schafung vun enger vereenter a friddlecher Welt.²

D'Universaalt Haus vun der Gerechtegkeet, den héchste Gremium am Bahá'í Glawen, huet e Message un déi egyptesch Bahá'í geschéckt. Si bezitt sech op d'Gerichtsuerteel vum héchste Verwaltungsgericht zu Kairo vum 16ten Dezember 2006. D'Urteil bestätegt eng diskriminéierend Verfahrensweis vun der Regierung géint iwwer de Bahá'í, bei der Ausstellung vu Cartes d'identité. D'Richtlinn vun der Regierung versetzt d'Bahá'í an déi onhalbar Positioun, dass si entweder falsch Aussoen zu hirer Reliounsugehéieregkeet maachen oder dass si hir Carte d'identité ofginn. D'Carte d'identité ass d'Viraussetzung fir den Zougank zu de meeschte Biergerrechter, wéi zum Beispill Ausbildung, fir kënnen e Bankkonto opzemaachen oder déi medezinesch Versuergung.³

Am Bréif vum 21sten Dezember vum héchste Bahá'í Gremium un déi egyptesch Bahá'í weisen si ganz kloer hir Sympathie fir d'Ongerechtegkeet, déi déi egyptesch Bahá'í erdroe mussen, an dat nëmme weinst hirem Glawen. An hiren Efforten, solle si ferm bleiwen an net opginn, fir hir Rechter ze kréien. Domat sollen déi egyptesch Autoritéiten eng nei Méiglechkeet kréien e Feeler ze verbesseren, e Feeler deen och Implikatiounen fir vill aner Leit huet. Domat sollen och dee moralesche Courage vun deenen Organisatiounen, vun der Media a Leit vu guddem Wëlle Rechnung gedroe ginn, déi d'Bahá'í ënnerstëtzen an der Sich no enger gerechter Solutioun vun enger seriöser Ongläichheet.

De Figaro erzielt de Fall vum Bassem Wagdi, 24 Joer al, dee seng Aarbecht op der däitscher Uni zu Kairo verluer huet, well hien net konnt e Bankkonto opmaachen, fir kënne säi Salaire ze kréien. „*Am Ufank, huet d'Uni akzeptéiert mech anescht ze bezuelen, mee vu dass si un déi egyptesch Reegele gebonnen ass, hu si schlussendlech mäi Kontrakt gekënnegt.*“ Iwwer sou an aner Fäll, gouf et an der egyptescher Press méi wéi 400 Artikelen.

¹ D'Vesprieche vum Weltfridden, 1990, Horizonte, Umschlaf

² Tangi Salaun, aus dem Figaro, 2te Januar 2007

³ bahainews.de

Bis 1960 gouf et an Egypten en unerkannten nationale Rot vun de Bahá'í. Si haten en nationale Bahá'í Zenter an e Kierfecht. Op eemol, an ouni Warnung, no dem décret présidentiel 263, goufen all national a lokal Bahá'í Institutionen zougemaach a konfiskéiert. Iwwer bal 5 Jorzéngten hunn d'Membere vun der Bahá'í Gemeng Erniddregung erdroen, si goufe beleidegt, waren ënnert der Surveillance vun der Police a ware falsche Verhaftungen ausgesat.

346 D'Situatioun vun de Bahá'í an Egypten, Deel 2/2

346t Emissioun um Radio ARA, 18ten an 19te Januar 2007. Déi egyptesch Justiz refuséiert de Bahá'í, enger klenger reliéiser Minoritéit, d'Recht op eng Carte d'identité, well si net duerfen dropschreiwen dass si Bahá'í sinn. Am Alldag ass dat zimlech schlëmm. Et heescht, dass d'Bahá'í kee Gebuertszertifika fir hir Kanner kënnen kréien, dass si kee Bankkonto duerfen opmaachen, keng Assurance duerfen huelen oder hir gro Kaart duerfen erneieren.

„D'Bahá'í, egyptesch Fantombierger“, so betitelt de Figaro vum 2te Januar en Artikel iwwer dës am Ufank ganz kleng Geriichtsaffär, fir déi sech awer elo vill méi Leit a Mënscherechtsorganisatiounen interesséieren. Den Hossam Bahgat ass Direkter vun der Associatioun fir Mënscherechter an Egypten. Hien assuréiert d'Défense vun de Bahá'í. „Des Affär war e kruzialen Test fir déi reléis Fräiheet an Egypten,“ sot hien. Obschonn d'Bahá'í bis elo juristesches gesinn, verluer hunn, bleiwe si positiv, wat aner Geriichtsaffären uginn, déi nach amgaang sinn. Den Hossam Bahgat insistéiert: „D'Regierung huet e Problem geschaf, wou kee war, an elo muss si och eng Léisung fannen.“

D'Universaalt Haus vun der Gerechtegkeet, den héchste Gremium am Bahá'í Glawen, huet viru kuerzem e Message un déi egyptesch Bahá'í geschéckt. Si schreiwen ënnert anerem dass d'Geriicht der Press hir Décisioun sou erkläert huet: Déi egyptesch Verfassung unerkennt nëmmen dräi Reliounen; den Islam, de Chrëschtentum an de Juddentum. Dëst Argument verfeeelt awer d'Essenz a verschleiert dee wierkeleche Punkt. Déi egyptesch Bahá'í froe jo net dass de Bahá'í Glawe soll unerkannt ginn. Wéi aner egyptesch Bierger, wëlle si nëmmen hir Rechter ausüben a kënnen eng Identitéitskaart kréien ouni mussen iwwer hire reliéise Glawen ze léien.

Wat mat de Bahá'í an Egypte geschitt, gött eis d'Geleeënheet fir iwwer dee méi breede Kontext nozedenken, an deem dës rezent Aktioun vum héchsten administrative Geriicht geschitt ass. Dat soll eis e méi grouse Sënn ginn, wat geschitt ass an zu wat et nëtzlech ka sinn.

Et ass kloer dass Ongerechtegkeet herrscht. Uechter d'Welt ass jidderee betraff, sief et doheem, op der Aarbecht, oder an der Ëffentlechkeet, wéinst schlechtem Behuele vun Einzelnen, Gruppen oder Regierungen. Bahá'u'lláh huet vill doriwwer geschriwwen, dass „schwéier Wolleken d'Gesicht vun der Äerd geschwäert hunn an hir Leit doranner agewéckelt hunn.“

Haut an enger Zäit vu souvill Changement, ass d'Situatioun äussert schlëmm. Entgéigesat Prozesser vu Chaos an Uerder interagéieren an enger Spiral vun Turbulenz. An dat signaléiert eng Transitioun am geeschtegen a sozialen Agenda vun der Welt als Ganz.

D'mënschlech Gesellschaft ass op engem Punkt an hirer Evolutioun ukomm, wou d'Eenheet vun der ganzer mënschlecher Rass méi wéi néideg ass. Dës Realitéit net ze verstoen heescht einfach déi aktuell Krisis am Weltgescheien net ze verstoen. De Prinzipp vun der Eenheet vun der Mënschheet gött eis de Code fir déi wäitgräifend Problemer ze léisen, déi all domat verbounne sinn. Als Bahá'í heescht dat net nëmmen de Prinzipp vun engem friddlechen Zil, mee och d'Aarbecht déi domadder verbounnen ass, fir dat ze erreechen.

Wann dëse Kampf fir Gerechtegkeet, vun de Bahá'í wéi och vu ville Mënscherechtsorganisatiounen, dozou ka bäidroen, dass een eenzege globale Moosstab fir Mënscherechter ka geschaf ginn, ass et d'Méi wäert. Ouni Zweifel wäert och Egypte sech erhiewen, fir dozou bäizetroen, Weltfridden a Prosperitéit ze schafen, en Dram vun all Natioun.

347 Gott ass d'Quell vun all de Reliounen - Welttag vun der Relioun, Deel 1/2

347t Emissioun um Radio ARA, 18ten an 19te Januar 2007. „Et ass besser an d'Gebiet en Häerz ouni Wieder ze leeën, wéi Wieder ouni Häerz.“ Mahatma Gandhi

Den drëtte Sonndeg am Januar ass Weltreliounsdeg. Dësen Dag gouf 1950 an d'Liewe geruff a gött haut a méi wéi 80 Länner op der Welt gefeiert. Firwat brauche mir sou en Dag? „Net iwwerall an der Welt, awer an Däitschland ass et säit Joere méiglech, dass Mënsche mat ënnerschiddlechem Glawe sech begéinen, sech méi no kommen a mateneen an d'Gespréich kommen. Wa mir een deen anere besser verstinn, kënnen mir eis och zesumme besser verstinn. Nëmme esou kënnen mir friddlech matenee liewen.“ Dat sinn d'Wieder vum Metropolit Augoustinos vun Däitschland an Exarch vun Zentraleuropa.

„Nëmmen deen, deen d'Chance huet säi Géintiwwer kennenzelëieren, ass an der Lag, Virurteeler zeerkennen a se ze bekämpfen.“ ass d'Positioun vum Charlotte Knobloch, Präsidentin vum Zentralrot vun de Judden an Däitschland.

An de Kardinal Karl Lehmann, Präsident vun der däitscher Bëschofskonferenz seet: „Mir duerfen dat Friemt net ausklammern. Dat gëlt besonnesch fir déi reliéis Fro. Et wär paradox, wann den Dialog sech net drëm bekëmmere géif, wat d'Mënsche gleewen a wat hinnen helleg ass.“

Erstaunlech a wierklech erfreetlech ass en neien Timber, deen d'Republik vum Congo dëst Joer erausginn huet, an dat fir de Welttag vun der Relioun. Uewen um Timber steet a grouse Buchstaven: „Gott ass d'Quell vun all de Reliounen.“ An der Mëtt vum Timber fënnt een d'Symboler vun de verschiddene Reliounen.


Dëse Weekend gëtt dëse Welttag vun der Relioun och zu Lëtzebuerg gefeiert, sou zum Beispill zu Stesel am Porheem. Mat esou ville Kulturen, déi mir als Nopere hei zu Lëtzebuerg hunn, ass et nëmmen normal, dass mir profitëieren, eis besser kennenzelëieren. A sech kennelëieren heescht iwwer säi Glawe schwätzen, Meenungen a Gefiller austauschen. Dacks sinn et awer reliéis oder politesch Konflikter am Ausland, déi eis vläicht e schlechten Androck vun där enger oder anerer Relioun ginn. De Weltreliounsday wëll den Dialog tëschent de Reliounen encouragéieren. Dësen Dag soll eis ureegen, méi dacks mat eisem Noper aus Wäissrussland oder mat eiser Nopesch aus Slovenien ze schwätzen. All Reliounen betounen, dass déi eigentlech Bestëmmung vum Mënsch a senger Geeschtegkeet ze fannen ass. Eng séier a kuerzfristeg Befriddegung am Konsum oder a stännegen Oflenkungen vermëttelt wuel kaum en ënneren Halt oder dauerhaft Gléck.

De Weltreliounsday hëlleft eis e bessert Versteesdemech ze kréien, fir dat grousst Spektrum vun de reliése Meenungen; dësen Dag hëlleft eis, d'Mënsche ronderëm eis méi ze respektëieren, Mënschen aus anere Länner, Mënsche mat anere Kulturen a Mënsche mat enger anerer Relioun. Dëse Weltreliounsday wëllt eng Bréck bauen. Eng Bréck wou op der enger Säit d'Leit gläichgültig niewentenee liewen an op der anerer Säit, Leit, déi konstruktiv mateneen eppes zesummen ënnerhuelen. Eng Bréck mat enger faarweger Villfalt déi eis an eng méi friddlech Zukunft féiert, an eng Zukunft, déi och geeschteg méi räich ass. Wéi steet um neie congoleschen Timber: *Gott ass d'Quell vun all de Reliounen.*

Fir méi iwwer aner Reliounen kennenzelëieren, gitt op den Internetsit: worldreligionday.org oder sicht am Internet ënnert: Weltreligionstag. Dass et an all de grouse Reliounen eng golde Reegel gëtt, gesi mer méi genau an eiser nächster Emissioun. Ofschléissend dëst Zitat aus de Bahá'í Schrëften:

„Luet kenger Séil eng Laascht op, déi dir selwer net droe wëllt, a wënscht kengem eppes, wat dir iech net selwer wënscht.“¹

Dieu est la source de toutes les religions.



348 Gott ass d'Quell vun all de Reliounen - Welttag vun der Relioun, Deel 2/2

348t Emissioun um Radio ARA, 25ten an 26te Januar 2007. *Dieu est la source de toutes les religions. Gott ass d'Quell vun all de Reliounen*, sou kann een op engem neien Timber liesen, deen déi kongolesesch Republik erausginn huet, bei Geleeënheet vum Weltreliounsday, den drëtte Sonndeg am Januar.

„Luet kenger Séil eng Laascht op, déi dir selwer net droe wëllt, a wënscht kengem eppes, wat dir iech net selwer wënscht.“² En Zitat aus de Bahá'í Schrëften, an zugläich déi golde Reegel, déi een an all de grouse Reliounen fënnt.

Déi eelste Relioun déi mer kennen a vun där mir geschriwwen Texter hunn ass den Hinduismus, virun zirka 3700 Joer. D'Texter heeschen Mahabharata an do liest een: „Dat hei ass d'Somme vun alle Flichten: Do kengem aneren dat Leed un, wat bei dir selwer Leed veruersaacht hätt.“

Am Talmud, an de jiddesche Schrëften, virun 3500 Joer, liest een: „Wat dir wéi deet, dat do kengem aneren un.“

An der zoroastrescher Relioun, virun zirka 3000 Joer, fënnt een dësen Text: „Dot kengem eppes un, wat fir iech selwer net gutt géng schéngen.“ Eng aner Iwwersetzung seet: „Wat s du méchs, gëtt dir selwer och ugedoen.“

Da fanne mer en Text am Taoismus, an dat virun zirka 2600 Joer, dee seet: „Betruucht de Virdeel vun dengem Nächstens als däi Virdeel an den Nodeel vun dengem Nächstens als däin Nodeel.“

Am Buddhismus gëtt et en Text vum Buddha, Udana, Vers 18, an dat virun zirka 2500 Joer, dee seet: „Et soll ee fir aner dat Gléck sichen, wat ee sech selwer wënscht.“

¹ Baha'u'llah, Aehrenlese

² Baha'u'llah, Aehrenlese

Am Chrëschtentum liese mir am Matthäus Evangelium 7:12 dëse Vers: „*Alles, wat dir also vun aneren erwaart, dat maacht hinnen och! Doranner besteet d'Gesetz an d'Propheten.*“

Virun zirka 1300 Joer fënnt een am Islam dësen Text vum Mohammed: „*Kee vun iech ass e Gleewegen, sou laang hien net dat fir säi Brudder wënscht, wat hie fir sech selwer gewënscht hätt.*“

A virun zirka 140 Joer kann een dësen Text an de Bahá'í Schrëfte vu Bahá'u'lláh liesen: „*Luet kenger Séil eng Laascht op, déi dir selwer net droe wëllt, a wënscht kengem eppes, wat dir iech net selwer wënscht. Dat ass Mäi beschte Rot fir iech, géift dir iech en dach zu Häerz huelen.*“

Souwäit dës golde Reegel, déi een an all de grouse Reliounen erëmfënnt, eng Reegel, déi eis ermuddegt an eis encouragéiert, deem aneren ze begéinen a sech fir seng Relioun ze interesséieren. Et ass flott ze kucken, wat d'Relioune gemeinsam hunn, a wat si trennt. Et hëlleft jiddefalls enorm. Ass net grad dës golde Reegel, dat wat mir an eiser heitiger Gesellschaft brauchen. Ech denken do un d'éducation aux valeurs, also d'Erzéiung vu Wäerter, dat de Neie Lycée zum Beispill offréiert. Do sollen d'Schüler, ech zitieren: „*faire usage d'un esprit ouvert et critique, comprendre l'autre et s'engager.*“ Dës dräi Etappe schénge mir enorm wichteg ze sinn an och logesch. Et probéiert een fir d'éischt emol sech a seng Ëmwelt kennenzuléieren an deem aneren ze verstoen. Duerno positionéiert ee sech, et hëlt ee Stellung zu sengem Liewen an et kuckt een, wéi ee sech an eiser Gesellschaft engagéiere kann.

Wann ee gleeft, wann ee sech fir e Glawen entscheed oder och net, da positionéiert ee sech. An dat ass gutt esou. An duerfir ass dës Weltrelionsdag esou wichteg. En Dag wou mir eis Zäit huelen, kritesch ze kucken, eis selwer an deem aneren, en Dag wou mir probéieren, deem aneren ze verstoen, en Dag wou mir kënne kucken, wéi mir dann eppes kënnen zesummen ënnerhuelen, well zesumme si mir méi staark.

Wéi steet um neie kongolesechen Timber: *Gott ass d'Quell vun all de Reliounen - Dieu est la source de toutes les religions*. Loosse mir net iwwer Relioun streiden, mee loosse mer zesumme fir eng besser Welt schaffen, an dat mat vollem Engagement.

349 D'Bahá'í : Eng Fro, eng Äntwert, Deel 1/10

« *Et ass liicht d'Liewe schwéier ze huelen, awer schwéier et liicht ze huelen.* » Nossrat Peseschkian

« *Wien eleng schafft, rechent zesummen.. Wie mat aneren zesummeschaft, multiplizéiert !* » Positive Psychotherapie

Dacks ass et guer net sou einfach eng Fro iwwer d'Relioun kuerz ze beäntweren. Ech hunn op der offizieller Bahá'í Internetsäit interessant Froen mat kuerzen a passenden Äntwerte fonnt. Mir liewe jo och an enger Zäit, wou alles sou séier geet, ruck zuck, keng Zäit fir näischt, keng Zäit fir sech ze konzentréieren. Hei elo mol puer vun dëse Froen. Dës Froen sinn direkt Froen iwwer Tatsaachen an Zuelen am Bahá'í Glawen.

Wat gleewen d' Bahá'í ? Bahá'í gleewen, dass et nëmmen ee Gott gëtt, dass d'ganz Mënschheet eng Famill ass, an dass d'Relioun sech op enger fundamentaler Eenheet baséiert. Bahá'í erkennen, dass d'Komme vu Bahá'u'lláh en Zäitalter opgemaach huet, wou Weltfridden entsteet. En Zäitalter, dat an alle den hellege Schrëften anticipéiert gouf, wou d'ganz Mënschheet hir geeschteg a sozial Maturitéit erreeche wäert. En Zäitalter, wou mir als eng vereente Famill an enger gerechter globaler Gesellschaft liewen.

Wien ass Bahá'u'lláh ? Bahá'u'lláh gëtt vu Milliounen uechter d'Welt als de Gottesbote fir dës Zäit unerkannt. De Bahá'í Glawe baséiert op Senge Léieren. 1817 an enger prominenter Famill am Iran gebuer, huet Hie schonn a Senger Kandheet ongewéinlech intellektuell Fäegkeete gewisen, obschonn Hien dat net an der Schoul geléiert hat, enger Schoul am Iran vum 19te Jorhonnert. Hien huet och gewisen, dass Hie sech hirsinn huet, fir d'Situatioun vun den Aarmen am Land ze verbessern. Säin Numm war Mirza Husayn Ali. Hien selwer huet sech mam Numm Bahá'u'lláh identifiziéiert, wat souvill wéi d'Herrlechkeet Gottes bedeit. Mat dësem Titel huet Säi Virleefer, de Báb, Hie genannt. Wéinst Senge Léieren, gouf Bahá'u'lláh an den Exil verbannt, en Exil vu 40 Joer, deem Hien an d'Helleg Land bruecht huet. Do ass Hien 1892 gestuerwen.

Wat ass de Bahá'í Glawen ? De Bahá'í Glawen gouf virun 150 Joer gegrënnt. En ass haut eng vun de Weltreliounen, déi am schnellste wiesst. Mat iwwer 5 Milliounen Unhänger, déi praktesch an all Natioun vun der Welt wunnen, ass et déi Relioun, déi nom Chrëschtentum am wäitste verspreet ass. Bahá'í wunnen a méi wéi 100.000 Lokalitéiten ronderëm d'Welt, eng Expensioun, déi weist, dass si fest un den Ideal vum Weltbierger gleewen.

Wat sinn e puer vun de Grondléiere vum Bahá'í Glawen ? Wann och de Bahá'í Glawen déi spirituell Grondléiere bestätegen, déi all Gottesoffenbarer vu Gott bruecht huet, bréngt de Bahá'í Glawen nei sozial Léieren, déi eng global Gesellschaft brauch. Dozou gehéieren d'Eenheet vun der Mënschheet, d'Gläichheet vun de Rechter a Méiglechkeete fir Männer a Fraen, d'Ofschafung vun all Forme vu Virurteeler, déi essentiell Harmonie vun der

Wëssenschaft an der Relioun, d'Tatsaach, dass mir eng universal Hëllefssprooch brauchen an d'Ofschafung vun den Extreme vun Aarmut a Räichtum.

350 D'Bahá'í : Eng Fro, eng Äntwert, Deel 2/10

350 Sendung, 16n a 17te Februar 2007

Wien ass de Báb? Bahá'í gleewen dass de Báb en onofhänge Bote vu Gott war. Hien huet vun 1819 bis 1850 gelieft. Seng Missioun war et, nei sozial Prinzipien ze bréngen, déi fir d'Besoine vun enger globaler Gesellschaft passen. Seng Schrëften hunn de Wee virbereet fir d'Missioun vu Bahá'u'lláh. De Báb gouf 1850 op Uerder vum islamesche Clergé higericht. Si haten d'Gefill, hir Positioun wier a Gefor duerch d'Prinzipien, déi hien ënnerriicht huet.

Wou a wéini huet de Bahá'í Glawen ugefaangen? De Bahá'í Glawen gouf 1863 inauguréiert, wéi Bahá'u'lláh Seng Misioun zu Baghdad annoncéiert huet, an dat während dem éischten Deel vu Sengem Exil aus dem Iran.

Wéivill Bahá'í ginn et? Et ginn de Moment iwwer fënnf Milliounen Bahá'í, déi an ëm déi 100.000 Lokalitéiten an all Deel vun der Welt liewen. De Glawen ass unerkannt als déi am meeschte verbreet Relioun, nom Chrëschtentum.

Huet de Bahá'í Glawen en internationalen Zentrum? De Bahá'í Welt Zentrum ass an der Haifa/Akka Géigend vun Israel etabléiert. Et ass wou Bahá'u'lláh 1868 an den Exil koum, an dat bis zu Sengem Doud 1892. Dës Gebitt ass haut d'Plaz wou de Glawe seng hellegst Schräiner huet. D'Griewer vu Bahá'u'lláh a Sengem Virleefer de Báb, an de Sätz vum Glawe sengem internationale Conseil.

Wien ass un der Spëtzt vum Bahá'í Glawen? ([ARA Emissioun 358](#))

Gëtt et nëmmen eng richteg Relioun ?¹ Alleguer d'Weltreligionen sinn an hirer Essenz Etappen an der andauernder Offenbarung vun där enger Relioun. D'Religioun komme vun där selwechter Quell. Si hunn dee selwechte wesentlechen Zweck. Den Zweck vun der Relioun ass, déi mënschlech Rass ze leeden a si ze erzéien. Spirituell gesinn ass et eng Relioun, awer si ënnerscheede sech an hiren zweetrangege Aspekter, wéi zum Beispill déi sozial Léieren, déi ëmmer nees änneren, an dat par rapport zu deem wat d'Mënschheet an hirer Entwécklung brauch.

D'Eenheet vun der Relioun. De Prinzipp vun der Eenheet vun der Relioun ass zentral an de Bahá'í Léieren. Bahá'u'lláh seet dass d'Mënschheet amgang ass, kollektiv ze wuessen, bal esou wéi wann eng Persoun wiisst.

“Den onverännerte Glawe vu Gott.” Wa Bahá'í soen dass déi verschidde Religionen nëmmen eng Relioun sinn, da mengen si net, dass déi verschidde reliéis Organisatiounen déi selwecht sinn. Et ass éischer esou dass si gleewen dass et nëmmen eng Relioun gëtt an dass all Gottesoffenbarer hir Natur progressiv offenbaart hunn. Zesummen, sinn déi grouss Weltreligionen den Ausdrock vun engem eenzege göttleche Plang, dee sech entfaltet.

Wat huet de Bahá'í Glawe mam Islam ze dinn? De Begrënner vum Bahá'í Glawen, Bahá'u'lláh, gouf an eng moslemesch Famill a Gesellschaft gebuer. Et ass e bësse sou wéi d'Chrëschtentum aus dem Judentum gewuess ass, oder de Buddhismus aus dem Hinduismus, esou ass och de Bahá'í Glawen aus engem islamesche Kontext eraus entstan. A genausou ass de Bahá'í Glawen eng onofhängeg Relioun. Si huet hir eege Gesetzer, hir eege Léieren an hir eegen Institutionen.

351 D'Bahá'í : Eng Fro, eng Äntwert, Deel 3/10

351st Sendung, 23ten a 24te Februar 2007. Wellkomm bei der 351ster Bahá'í Emissioun hei um Radio ARA. Eng Fro, eng Äntwert, sou wäerte mir an den nächste puer Emissionen iwwer de Bahá'í Glawe schwätzen. Hei e weideren Deel dovun. Dës Informatiounen fannt dir och op Englesch am Internet ënnert bahai.org.

Wéi eng Feierdeeg hunn d'Bahá'í? Et ginn all Joer 11 helleg Deeg. Si hunn ze di mat de Liewe vu Bahá'u'lláh an dem Báb. An da gëtt et nach d'Bahá'í Neit Joer, den 21ste Mäerz. Dat gëtt iwweregens dës Joer am Centre Prince Henri zu Walfer gefeiert. Méi Informatiounen iwwer dësen Owend kritt dir nach mat Zäit. Deen allerwichtigste vun deenen anere Feierdeeg ass Ridván, eng Period vun 12 Deeg am Abrëll Mee. Et ass déi Period wou Bahá'u'lláh Seng Missioun erkläert a geoffenbaart huet. Dës helleg Deeg, oder Feierdeeg gi vu Bahá'í an hire Frënn zesummen an der Gemeng gefeiert a commémoréiert. Et ass dacks e besënnechen a freeleche Moment, wou een eppes iwwer de bestëmmten Dag bäléiert a wou een deem Anere méi no kënnt. Néng vun dësen Deeg sinn offiziell Bahá'í Feierdeeg wou net geschafft gëtt.

Hunn d'Bahá'í en hellegt Buch? Dat hellegst Buch am Bahá'í Glawen ass de Kitáb-i-Aqdas. Et ass d'Buch vun de Gesetzer a geschriwwen vu Bahá'u'lláh. Et ass een Deel vu ville Bicher, déi vun Him sinn. D'Bahá'í Schrëften ëmfaassen ëm déi 100 Bicher a Bänner. Et fënnt een doranner vill vill Themen: Gesetzer a Prinzipie fir eist

¹ www.bahai.org

perséinlecht Behuelen an och d'Fonktionnement vun der Gesellschaft. Da fënnt ee mystesch Texter déi sech mam Fortschrëtt vun der Séil befaassen an hirer Rees zu Gott. De Virleefer vum Bahá'í Glawen, de Báb an de Jong an Nofolger vu Bahá'u'lláh, 'Abdu'l-Bahá hunn och ganz vill geschriwwen a fir d'Bahá'í gehéieren hir Schrëften zu den hellege Schrëften am Glawen an als eng Referenz. Ausserdeem sinn och d'Bibel, de Koran an déi aner helleg Texter vun den anere grouse Reliounen vun de Bahá'í als helleg unerkant.

Wat gleewen d'Bahá'í iwwer Gott? Gott ass déi lescht Realitéit, *l'ultime réalité*. Gott ass deen, deen den Universum erschaf huet. Seng Natur ass der Mënschheet onbekannt an net zougänglech. Wa mir Gott soen, oder Allah, Yahweh, Brahma; all dës Nimm bezéien sech op dat Eent, op dat gëttlecht Wiesen. Iwwer Gott léiere mir duerch Seng Propheten, Seng Manifestatiounen, Seng Gottesoffenbarer. Si ënnerriichten a féieren d'Mënschheet.

Wat ass den Zweck vun der Relioun? Firwat brauche mir Relioun? Gott huet Seng Gesetzter a Léieren der Mënschheet ginn, an dat duerch d'Propheten, d'Manifestatiounen vu Gott. Mat dëse Gesetzter a Léiere kann all Séil Gott méi no kommen an d'Gesellschaft ka virukommen; materiell a geeschteg. Während eiser ganzer Geschicht, hunn d'Offenbarunge vun de Manifestatiounen vu Gott d'Relioun erneiert. Firwat? Fir dass d'Mënschheet verstoe kann, zu wéi engem Zweck si wierklech erschaf goufen.

Gëtt et just eng wierklech Relioun déi richtig ass? An hirer Essenz, an hirem Wiesen, sinn all d'Weltreliounen, wéi de Chrëschtentum, de Judentum, den Islam, de Buddhismus, den Hinduismus, de Bahá'í Glawen, Etappen an der andauernder Offenbarung vun der enger Relioun. All dës verschidde Reliounen komme vun der selwechter Quell. Si hunn all een an dee selwechten Zweck; déi mënschlech Rass ze féieren a si ze erzéien. Dat geeschtegt Fundament vun all de Reliounen ass dat selwecht. Si ënnerscheede sech awer an hiren zweetrangege Aspekter. Dozou gehéieren déi sozial Léieren. Si ännere sech par rapport zu de Bedierfnesser vun enger Mënschheet, déi évoluëiert.

352 D'Bahá'í : Eng Fro, eng Äntwert, Deel 4/10

352st Sendung, 2ten an 3te Mäerz 2007

Wéi weist Gott sech der Mënschheet? Wéi offenbaart Hie sech? Queesch duerch d'Geschicht huet Gott sech offenbaart, an dat duerch eng Successioun vu gëttleche Manifestatiounen, Propheten. Hir Léieren, moralesch, geeschteg a sozial, hunn dem Mënsch seng Relatioun mat Gott erneiert. Dës Léieren hunn dem Mënsch eng Basis ginn, fir dass d'Gesellschaft ka virukommen, kann avancéieren. Ënnert hinne fënnt een Abraham, Krishna, Zoroaster, Moses, Buddha, Jesus, Mohammed, de Báb a Bahá'u'lláh. Et ginn och nach aner Propheten. Hir Nimm goufe mat der Zäit verluer.

Hu mir eng Séil? Déi wesentlech Identitéit vun all Persoun ass seng rationell an onstierflech Séil. Wann och eis Existenz op dëser Äerd vun eisem Kierper ofhänkt, ass déi mënschlech Natur awer fundamental geeschteg.

Wéi biede Bahá'í? Mir schwätze mat Gott, mir kommunizéiere mat Gott duerch d'Gebiet. Wa mir d'Wuert vu Gott liesen an driwwer nodenken, da kréie mir eng Féierung. An de Bahá'í Schrëfte fanne mir Gebieder fir eng ganz Rëtsch vu Geleeënheeten an Uläss. Dobäi kommen nach verschidden deeglech Gebieder. Bahá'í gleewen ausserdeem dass Aarbecht, déi am Geescht vum Dénkscht gemaach gëtt, mam Gebiet gläichgestallt ass. Zesumme mat aktivem Dénkscht, Meditatioun an dem Respekt vu geeschtegen a moralesche Gesetzter, erlabt d'Gebiet eis, eis ze entwécklen a méi no zu Gott ze kommen.

Wat ass de Sënn vum Liewen? Den Zweck vun der mënschlecher Existenz ass fundamental spirituellt, geeschteg. Et geet drëm eist geeschtegt an intellektuellt Potential ze entwécklen. An dat kënne mir maache wa mir versichen, Gott besser ze kennen a wa Mir zu Him bidden. Domat droe mir och eisen Deel dozou bäi, eng Zivilisatioun ze hunn, déi sech stänneg entwéckelt.

Gleewe Bahá'í un den Himmel an un d'Häll? D'Konzept vun Himmel an Häll ass fir e Bahá'í éischter eng Allegorie fir ze soen op een no oder wäit ewech ass vu Gott. Wa mir stierwen, ass den Zoustand vun eiser Séil ausschlaggebend, wéi mir d'Liewen nom Doud erliewe wäerten. Himmel an Häll si keng wierklech Plazen, et si geeschteg Realitéiten.

Wat geschitt wann ech stierwen? Nodeem d'Séil vum Kierper getrennt ass, kënnt d'Séil an e geeschtege Beräich vun Existenz eran. An do kënnt d'Séil Gott ëmmer méi no. De Fortschrëtt vun der Séil vir Gott méi no ze kommen hänkt vun der Virbereedung of, déi d'Séil hei op der Äerd gemaach huet, an dat par rapport zu de Léiere vu Gott, de Léiere vun de Gottesoffenbarer.

353 D'Bahá'í: Eng Fro, eng Äntwert, Deel 5/10

353st Sendung, 9ten an 10te Mäerz 2007. Léif Radio Ara Nolauschterer, an eiser Rei Froen an Äntwerten iwwer de Bahá'í Glawen gesi mir haut e weideren Deel mat Froen iwwer de Bahá'í Glawen, an zwar wéi praktizéieren d'Bahá'í hire Glawen? An déi éischt Fro ass déi heiten:

Wéi verbreedden d'Bahá'í hire Glawen? Bahá'u'lláh sot ganz kloer dass et d'Flicht vun all Bahá'í ass, de Glawe mat Aneren ze deelen. Proselitismus ass awer verbueden. Dofir däerf een op keen Drock ausüben de Bahá'í Glawen ze akzeptéieren. Déi onofhängeg Sich no der Wourecht ass nämlech e fundamentaalt Recht an eng Verantwortung vu jidderengem. Zur Zäit offréiere Bahá'í Gemengen uechter d'Land sougenannte Studiekreesser un, fir all déi, déi méi iwwer de Glawe wësse wëllen. Am klengen Krees huet een do d'Geleeënheet, d'Bahá'í Schrëften direkt ze liesen a sech mat aneren doriwwer auszetauschen. Wat sinn d'Bahá'í Schrëften, wat ass d'Gebiet a wat seet de Bahá'í Glawen zum Liewen an Doud? Dat sinn e puer vun den Themen, iwwer déi während dësen Owenter diskutéiert gëtt. Fir weider Informatiounen doriwwer, rufft am beschten am Sekretariat vum Bahá'í Zenter un, dat ass de 442220 oder direkt bei mir um 691334210.

Wéi gëtt ee Bahá'í? Et gëtt ee Bahá'í wann ee Bahá'u'lláh unerkennt als d'Manifestatioun vu Gott fir eis Zäit. Et gëtt ee Bahá'í wann een akzeptéiert Seng Gesetzer a Léieren ze beuechten an och déi administrativ Institutiounen, déi Hien etabléiert huet fir d'Vereenegung vun der Mënschheet. Praktesch heescht dat, et gëtt ee Member vun der Bahá'í Gemeng wann een der verantwortlecher Bahá'í Institutioun säi Glawen an Engagement matdeelt. Dat ka mëndlech oder schrëftlech sinn. An der Reegel ass et esou, dass een e Kolleg huet, dee Bahá'í ass, an zu deem ee Vertrauen huet a mat deem een zesummen de Bahá'í Glawe kennegeléiert huet.

Huet een als Bahá'í iergendwelleg alimentaire Restriktiounen? Ginn et also Saachen, déi een net därfiessen oder drénken? Am Bahá'í Glawe kann een alles iessen an drénken, ausser alkoholeschem Gedränk an de Gebrauch vun Drogen. Si si verbueden. Et sinn dat narkotesch Drogen an Drogen déi Halluzinatiounen mat sech bréngen.

Muss e Bahá'í en Deel vu sengem Akommes dem Glawe ginn? Bahá'í maache regelméisseg Contributiounen fir déi Fonden, déi d'Aarbecht vum Glawen ënnerstëtzen. Si maachen dat je no deem wéi hir finanziell Mëttele sinn. Dat ass een Aspekt vum Liewen. E Liewen am Dénkscht zu sengem Matmënschen. Et ass dat eng geeschteg Flicht an eng Saach vun individueller Bewosstheet. All Spende sinn anonym an et gëtt op kee Fall iergend en Drock ausgeübt, fir dass ee soll eppes ginn.

Wat sinn d'Gesetzer am Bahá'í Glawen? Gesetzer a Virschrëfte fir dat geeschteg a moralescht Liewe vum Eenzelnen a fir d'Gouvernance an d'Entwécklung vun der Gesellschaft sinn een Deel vun de Bahá'í Léieren. Do ginn et emol Gesetzer fir den Eenzelnen, ënnert anere sinn et: dat deeglecht Gebiet, d'Anhale vun enger Period vu Faaschten, d'Erzéiung vun de Kanner, sech net an d'Parteipolitik amëschen, an d'Flicht e Commerce oder e Beruff ze hunn. Da ginn et nach aner moralesch an ethesch Prinzipien, do fënnt een de Verbuet, schläicht iwwer aner Leit ze schwätzen, Sex ausserhalb vum Bestietnes ze hunn, d'Glécksspiller an de Gebrauch vun Alkohol an Drogen, wann et net am Kader vun enger medezinescher Behandlung ass. An dann huet Bahá'u'lláh Prinzipien an Institutiounen beschriwwen, déi e Muster si fir dass eng vereente Gesellschaft effektiv funktionéiere kann. Dës Prinzipien an Institutiounen droen natierlech och dozou bäi, dass d'Mënschen op der Welt materielle Wuelstand sollen hunn.

354 D'Bahá'í: Eng Fro, eng Äntwert, Deel 6/10

354st Sendung, 16ten a 17te Mäerz 2007

Wéi ass d'Bahá'í Astellung géintiwwer der Homosexualitéit? D'Bahá'í Gesetz limitéiert erlaabte sexuell Relatiounen op déi tëschent Mann a Fra am Bestietnes. Vun engem Bahá'í gëtt erwaart, dass hie sech dem Sex ausserhalb dem Bestietnes enthält. E Bahá'í probéiert awer net, seng moralesch Wäerter deenen ze imposéieren, déi d'Offenbarung vu Bahá'u'lláh net akzeptéiert hunn. Op där enger Säit verlaangen d'Bahá'í Léieren dass ee seng moralesch Wäerter anhält, sief dat sexuell oder anescht. Op där aner Säit beuechten d'Bahá'í Léieren och de Fait dass de Mënsch schwach ass. Dofir ass jidderem opgeruff, Toleranz a Verständnes ze weisen, wann et ëm d'Schwächt vum Mënsch geet. An deem Kontext wier et géint de Geescht vun de Bahá'í Léieren, Homosexueller mat Virurteeler ze betruichten. Déi nächst puer Froen sinn iwwer d'Liewen an der Gemeng.

Ginn et Bahá'í Aktivitéiten, un deenen ech mech ka bedeelegen? Bahá'í hu regelméisseg Aktivitéiten, déi jidderengem op stinn. Et sinn dat Gebiets- a Meditatiounsowenter, Aktivitéite fir Kanner a Jugendlech an aner Projeten. Bahá'í kommen a Studiekreesser zesummen, fir an enger partizipativer Approche d'Léiere vu Bahá'u'lláh unzagoen. Da ginn et Aktivitéite wou d'Bahá'í Feierdeeg gefeiert a commémoréiert ginn. Do ass och jidderem wëllkomm. Et ginn och genuch Geleeënheeten während gemittlechen Owenter, wou ee ka Froe stellen a méi kann iwwer de Glawe kenneléieren.

Wéi ass d'Bahá'í Gemeng organiséiert? D'Liewen an der Bahá'í Gemeng gëtt vun engem lokale Rot vun néng Leit geréiert. Si sinn demokratesch gewielt, ouni Nominatioun oder Propaganda, an dat op lokalem, nationalem an internationalem Plang. Et sinn déi lokal geeschteg Réit, déi national geeschteg Réit, an op internationalem Niveau, d'Universaalt Haus vun der Gerechtegkeet. Dobäi kommen ernannte Conseilléen, déi de lokalen an nationale Gemengen duerch hire Rot hëllefen a bäistinn. Am Bahá'í Glawe gëtt et kee Clergé, keng Paschtéier. Lokal Bahá'í Gemengen treffe sech all 19 Deeg fir e *Fest*, eng Versammlung wou iwwer d'Aktivitéiten an der Gemeng berode gëtt, wou een awer och zesumme biet an eng gemittlech Zäit matenee verbréngt.

Wéi bidden d'Bahá'í, wéi luewe si Gott? D'Bahá'í veréiere Gott duerch d'Gebiet an d'Meditatioun. Si bedeelege sech u Gebietsreuniounen an duerch aktiven Dénsgscht fir hir Gemeng. Eenzel soe si eent vun den dräi Pflichtgebieder all Dag, sou wéi Bahá'u'lláh dat verschriwwen huet. D'Bahá'í Schrëfte bidde vill Méiglechkeeten, wéi een d'Gebiet gebrauch kann an et gi vill Gebieder fir déi ënnerschiddlechst Zwecker a Geleeënheeten. Ausserdeem ass d'Aarbecht, sou soen d'Bahá'í Léieren, wa se am Geescht vum Dénsgscht gemaach gëtt, eng Manéier fir Gott unzubieden.

Wéi stinn d'Bahá'í géintwuer anere Reliounen? Bahá'í begéinen d'Unhänger vun all de Reliounen am Geescht vu Léift a Frëndschaft. Sou verlaangt et och de Begrënner vum Glawen. Bahá'í gesinn och keen eigentleche Konflikt mat anere reliéise Gemeinschaften. Si gleewe jo, dass all déi offenbaart Glawensrichtungen hiren Ursprung aus enger an der selwechter Quell kréien, nämlech Gott. An esou sinn och all d'Reliounen, hirem Wiesen no, just eng Relioun.

355 D'Bahá'í: Eng Fro, eng Äntwert, Deel 7/10

355st Emissioun - 23ten a 24te Mäerz 2007

Wou kommen d'Sue fir d'Bahá'í Aktivitéiten a Projeten? All d'Aktivitéite vun der Bahá'í Gemeng ginn duerch fräiwëlleg Kontributiounen vun den eenzelne Gleewegen ënnerstëtzt. Bahá'í siche keng Fonge vun aneren a si akzeptéiere keng Fonge vun anere fir Aktivitéiten, déi mat der interner Entwécklung vun der Bahá'í Gemeng ze dinn hunn. Heiansdo gi Fonge vu privaten, nationalen oder internationalen Agencen ugeholl. Dat ass dann, wa si fir sozial an humanitär Initiative sinn. Dat sinn zum Beispill Schoulen oder landwirtschaftlech Projeten, déi dozou déngen, der ganzer Gemeinschaft ze hëllefen.

Wéi eng Roll huet deen Eenzelnen am Bahá'í Glawen? D'Aarbecht vum Glawen kann een an dräi interaktiv a komplementär Aktivitéiten andeelen: Dat wat deen Einzelne mécht, dat wat d'Gemeinschaft mécht an dat wat d'Institutiounen maachen. Hei kritt d'Roll vum Einzelnen eng wesentlech Bedeitung. Well den Erfolleg vun der Gemeinschaft hängt schlussendlech vum Einzelnen of, vu senger Astellung géintwuer de Léiere vu Bahá'u'lláh. Als Bahá'í hält een éischters emol Initiativen fir aneren de Glawe méi no ze bréngen an et beméit ee sech an et hëlleft een, eng vereente Communautéit opzebauen.

Wéi gesinn d'Bahá'í d'Bestietnes an d'Famill? D'Famill ass de Kär vum Liewen an der Gesellschaft. De Fortschrëtt vun der Gesellschaft ass ofhängeg vu Familljen, déi gutt funktionéieren. D'Monogamie am Bestietnes tëschent Mann a Fra ass d'Fundament vum Familljeliewen. Bahá'u'lláh beschreift d'Bestietnes a seet: Et ass „eng Festung fir dat Gutt an eng Rettung“, op Englesch: „a fortress of well-being and salvation“. E wesentlechen Zweck vum Bestietnes ass et d'Kanner ze erzéien. Et ass awer net deen eenzeg Zweck.

Ginn et am Bahá'í Glawe Sekten oder Ofzweigungen? Bahá'u'lláh huet eng Alliance éabliert, e Bündnes, dat de Glawe virun der Divisioun schützt. Dëst Bündnes gouf geschaf fir d'Eenheet vu Sengen Unhänger no Sengem Doud ze erhalen a fir eng Trennung ze verhënneren. D'Bündnes ríft all Bahá'í op, sech zu Sengem eelste Jong, 'Abdu'l-Bahá ze dréien. Hien ass nämlech den ernannten Ausleeër vu Senge Léieren. Duerno ass et Shoghi Effendi gewiescht, den Hidder vum Glawe bis zu sengem Doud 1957. An haut ass et d'Universaalt Haus vun der Gerechtegkeet, de gewielten internationale Rot. Déi, déi sech net un dëst Bündnes halen, kënnen sech net Bahá'í nennen. Obschonn Eenzelner probéiert hunn, d'Autoritéit op sech ze huelen, bleift d'Bahá'í Gemeng eng eenzeg, organesch vereente Communautéit, fräi vun Trennung a Fraktiounen.

Hunn d'Bahá'í eng Plaz fir ze bidden? Bahá'u'lláh wollt, dat fréier oder spéider Haiser vun der Andacht vu grousser Schéinheet iwwerall do gebaut ginn, wou Bahá'í wunnen. All Haus vun der Andacht soll ëmgi sinn vun Institutiounen, déi der Gesellschaft en Dénsgscht erweisen. Bis haut si siwen Haiser vun der Andacht gebaut ginn, op mannst eent an all Kontinent. Wann och hiren architektonesche Stil anescht ass, deele si sech verschidde Gemeinsamkeeten. All Haus vun der Andacht huet néng Agäng op néng Säiten a si sti ronderëm wonnerschéi Gäert. Dobäi kann ee soen, dass d'Nummer néng déi héchsten Zuel ass, déi Vollstännegkeet oder Eenheet symboliséiert. Dës Tempele si Plaze fir perséinlecht Gebiet a Meditatioun, genausou wéi kollektiv Ubiedung, wou helleg Schrëften gesot a gesonge ginn.

356 A wéi eng Aktivitéiten engagéieren d'Bahá'í sech, Deel 8/10

356st Emissioun, 30ten an 31ste Mäerz 2007. Aktivitéiten, déi anere vun Notze sinn.

E Bahá'í verbréngt säi Liewen domat, sech selwer an d'Gesellschaft ze veränneren. Bahá'u'lláh huet erkläert dass Transformatioun dee wierklechen Zweck vun der Relioun ass. Hien huet ausserdeem dës Ëmwandlungen op perséinlech a sozialem Plang als interaktiv a complémentaire beschriwwen. Dat eent geet mat deem aneren. Wann Transformatioun dee wierklechen Zweck vun der Relioun ass, dann ass et och kloer: wann ech mech änneren, wann ech zu engem bessere Mënsch ginn, da gëtt d'Gesellschaft och verännert. Ech liewe jo net aleng op enger Insel. Dofir sinn d'Bahá'í entschloss fir d'Kapazitéit vum Eenzelnen ze erweideren. Si si fest entschloss, dass jidderen d'Méiglechkeet soll hunn, ze léieren. A wéi kann een dat besser maachen, wann net duerch Efforten, direkt an der Communautéit. Ass dat net déi beschte Manéier, d'Gesellschaft ze verbessern. Et ass an de Beräicher vun der Erzéiung, der Landwirtschaft an der Santé, wou deen Eenzelnen encouragéiert gëtt a selwer d'Initiativ hëlt fir eppes a senger Gemeng ze maachen. All dës Efforte fannen hir Inspiratioun an deem wat Bahá'u'lláh dozou sot: dass d'Mënschheet eng Eenheet ass an dass deen Eenzelne sech dofir asetzt; dass een alles probéiert, rassistesche oder aner Virurteiler ofzeschaffen; dass een eng universel Norm vu Mënscherechter adoptéiert; dass jiddereen eng Erzéiung kritt; dass een d'Harmonie tëschent der Relioun an der Wëssenschaft unerkennt; dass ee sech nient der Mammesprooch op eng international Sprooch eens gëtt; an dass een eng Weltregierung op d'Bee setzt. Dat sinn déi grouss Objektiv, déi grouss Ziler déi d'Bahá'í uechter d'Welt versichen, an d'Realitéit ëmzesetzen. Si begéinen och gären anerer, déi sech fir dës Ziler asetzen. Si schaffen zesummen mat Netregierungsorganisatiounen. Dat si virun allem och d'Veereenten Natiounen. Déi international Bahá'í Communautéit ass do eng aktiv Netregierungsorganisatioun.

An elo déi nächst Fro an eiser Serie Fro an Äntwert: *Wéi eng Visioun vun der Zukunft hunn d'Bahá'í?* D'Visioun vun der Zukunft fir d'Bahá'í baséiert op engem fundamentale Verständnes. An zwar dass d'Mënschen erschaf goufen, fir eng Zivilisatioun no vir ze bréngen, fir un enger Zivilisatioun ze schaffen, déi ëmmer weider geet, déi ëmmer weideravancéiert. Et sinn d'Propheten, d'Manifestatiounen vu Gott, déi vun Zäitalter zu Zäitalter kommen, déi dëst Avancement virubringen an encouragéieren. Bahá'u'lláh huet verkënnegt dass d'Zäit komm ass fir d'Mënschheet an all hirer Ënnerschiddlechkeet an Diversitéit, hiert Potential ze realiséieren fir als een eenzeg Vollek ze liewen. E Vollek, dat eng Weltzivilisatioun schafe kann, déi op Gerechtegkeet a Fridde baséiert. D'Offenbarung vu Bahá'u'lláh gesäit dat vir.

Wéi stinn d'Bahá'í géintwärt der Politik?

Bahá'í huelen hir Verantwortung als e Bierger eescht. Si respektéieren d'Autoritéit vun der etabléierter Regierung duerch hir Loyalitéit. Si hale sech un d'Gesetz vum hirem Land. Wa si sech och un de Regierungswale bedeelegen, enthalen si sech vun der Parteipolitik. Si ginn also net Member vun enger politescher Partei oder Fraktioun. Bahá'í kënnen wuel der Regierung an administrative Posten déngen. Si akzeptéieren awer keng politesch Posten a si stelle keng Kandidatur fir e gewielte Posten. Senger Regierung déngen reflektéiert ganz gutt d'Fonctionnement an der Bahá'í Gemeng. Do gi Walen ofgehalen, déi fir déi administrativ Réit sinn. Et sinn dat Walen, déi ouni Nominatioun, an ouni iergendwelleg Kampagne sinn.

357 Ginn d'Bahá'í verfollegt? Deel 9/10

357st Emissioun 6ten a 7ten Abrël 2007. Déi éischt Unhänger vu Bahá'u'lláh a Sengem Virleefer, de Báb, hu brutal Oppositioun erlieft, ugestéppelt vum Clergé, a goufen zu dausenden ëmbruecht. Och nach haut leid de Bahá'í Glawen ënnert uerger Ënnerdréckung am Iran, do wou de Glawe gebuer ass, an och an e puer aner moslemesche Länner. Am Iran sinn d'Bahá'í déi gréisste reliéis Minoritéit. An de leschte Joere goufe vill vun hinnen ëmbruecht, an an de Prisong gehäit. Si hunn net méi dierfte schaffen a si hate kee Recht méi op Erzéiung, an dat aus enger eenzeger Uersaach: hire Glawen, si si Bahá'í. Bahá'í goufen och ënnert faschisteschen an kommunistesche Regimer verfollegt.

Wat ass d'Ursach vun de Problemer an der haiteger Welt? Am Duercherneen, am Chaos, an an der Konfusioun, déi een am Moment an alle Beräicher vum Liewe fënnt, an déi och nach ëmmer méi grouss ginn, an all deem gesinn d'Bahá'í zwee Prozesser, déi gläichzäiteg agéieren: et sinn dat déi lescht Häerzklappe vun enger aler Uerdnung, déi et net méi fäerdebréngt, den Ufuederunge vun eiser haiteger Gesellschaft gerecht ze ginn an déi éischt Häerzklappe vun enger neier Uerdnung, sou wéi den aktuellen Trend zur globaler Kooperatioun, dem globalen Zesummeschaffen. Dësen Trend kritt Ënnerstëtzung vun enger Well vun neier Technologie a vum séiere Fortschrëtt an de Beräicher vun der Wëssenschaft, Technologie, der Konscht. Si all hunn aus der Welt Nopere gemaach. Et ass evident dass uechter d'Welt eng Kraaft amgang ass, alles ze regeneréieren. Mee d'Mënschheet als e ganz huet des Realitéit nach net erkannt. Et ass dat eng Realitéit déi Bahá'u'lláh erkläert huet. Sou laang mir dat net erkennen, sou laang verlängere mir d'Léisung fir d'Problemer vun eiser Zäit.

Wat ass d'Bahá'í Positioun géintwuer dem Status vun de Fraen? D'Bahá'í Schrëfte soe ganz kloer, dass et vum spirituelle Gesiichtspunkt, keen Ënnerscheed gëtt tëschent Fraen a Männer. Et gëtt och keng Basis, sief dat moralesch, biologesch oder sozial, fir d'Fraen ze diskriminéieren. Dofir gëtt eng wesentlech Gläichheet vu Rechter a Méiglechkeeten tëschent deenen zwee assuréiert an encouragéiert.

Wéi gesinn d'Bahá'í d'Ëmweltkrise? Mat Recht muss ee sech ganz vill Suergen ëm eis Ëmwelt maachen. Déi kritesch Situatioun an där eis Ëmwelt am Moment ass, ass eng vun enger Zuel vu Problemer, déi vun eis all verlaangt, dass mir eist Verhalen änneren. D'Bahá'í gleewen dass d'Mënschheet zur Zäit an enger turbulenter Transitiounsphase ass, eng Zäit déi eis zu enger vereenter globaler Gesellschaft féiert. D'Mënschheet kann an Harmonie mat der natierlecher Ëmwelt liewen. Dofir muss si sech awer gläichméisseg ëm hir geeschteg a materiell Potentialer bekëmmern.

Wéi stinn d'Bahá'í zu de Mënscherechter? Vun der Gebuert aus un, huet all Mënsch Rechter. Dës Mënscherechter musse fir jidderee gläich applizéiert ginn, an dat no enger universeller Norm. Bahá'u'lláh leet vill Wäert op d'Gerechtgeket a Senge Schrëften; Gerechtgeket fir eng global Gesellschaft, déi sech asetzt fir d'Eenheet vun der Mënschheet. Et ass kloer dass wann d'Mënschheet soll eng sinn, dass mer dann och gläich Rechter fir jidderee brauchen. D'Bahá'í Léieren ënnersträichen dës Rechter fir deen Eenzelnen, an deem hie soll fair si mat sech selwer an deenen aneren.

358 Wat ass d'Bahá'í Positioun géintwuer der Aarmut ? Deel 10/10

358st Emissioun, 13ten a 14ten Abrëll 2007. Extremer vu Räichtum an Aarmut féieren net zu enger gerechter Gesellschaft a mussen eliminéiert ginn. De Problem vun der Aarmut kann awer geléist ginn. D'Bahá'í verstinn, dass d'Entwécklung vun enger richteger Aarbechtskultur dozou ka bäidroen. Dat heescht dass een d'Aarbecht als eppes soll kucken, woumat een aneren en Déngscht erweise kann. Dat gëlt sou gutt fir eng Botzfra wéi fir en Dokter. Jiddereen hëlleft der Gesellschaft op seng Manéier, sou gutt wéi méiglech. Dës Astellung zu der Aarbecht brauch awer d'Ënnerstëtzung vun enger gerechter Gouvernance an universel Erzéiung fir jiddereen ass néideg. Well nëmme mat enger Erzéiung, wou d'Potentialer vum eenzelne kënnen erkannt an entwéckelt ginn, kann hie sech och entfalten a säin Deel an der Gesellschaft bäidroen.

Wat ass d'Bahá'í Konzept vun der Aarbecht? Bahá'í gleewen dass Aarbecht, déi am Geescht vun engem Déngscht un der Mënschheet gemaach gëtt, eng Form vu Gebiet ass. All d'Bahá'í sinn opgefuerdert, hire Liewensënnerhalt ze verdéngen, an deem si e Beruff ausüben, en Handwierk oder e Geschäft, an dass si hirer Gemeng en Déngscht erweisen.

Wéi ass d'Bahá'í Stellung géintwuer der Wëssenschaft an dem technologesche Fortschrëtt? Fir d'Bahá'í sinn d'Wëssenschaft an d'Relioun zwee komplementär Systemer vu Wëssen. Si ergänze sech. Si ware vu jeehir déi mächtegst Instrumenter fir d'Realitéit ze erfuerschen an d'Zivilisatioun weiderzebréngen. Wa mer wëllen eng friddlech a gerecht Gesellschaft schafen, da brauche mir och eng harmonesch Interaktioun vun der Wëssenschaft an der Relioun, wou jiddereng an hirer eegener Sphere agéiert.

Wien ass un der Spëtzt vum Bahá'í Glawen ? Bahá'u'lláh huet e System vun demokratesch gewielte Réit geschaf, an dat op lokalem, nationalem an internationalem Niveau. Un der Spëtzt vum Glawen ass d'Universaalt Haus vun der Gerechtgeket. Dat ass en internationale Rot vun néng Leit. Dës Rot gëtt vun de Membere vun all den nationale Réit all fënnef Joer gewielt. Dësen héchste Gremium huet säi Sëtz um Bierg Karmel zu Haifa, an Israel, dem hellege Land fir véier grouss Reliounen.

Souwäit zu de Froen an Äntwerten iwwer de Bahá'í Glawen. Dir fannt all dës Froen um Internet ënnert www.bahai.org. Dës Freideg den Owend invitéieren déi Steseler Bahá'í op hire Gebietsowend, and dat um 8 Auer am Porheem géintwuer der Kierch. Jiddereen ass wëllkomm. Eemol am Mount invitéieren déi Steeseler Bahá'í iech op e Gebiets- a Meditatiounsowend, an dat am Porheem, géintwuer der Kierch. Fir déi genau Datumer, rufft am einfachste bei eis am Radio Ara un, dat ass den 222289. An elo presentéieren ech iech eng nei CD, speziell fir all d'Frënn vum Chouer.

359 Stimmen Bahás – Eng speziell Chorale, Deel 1/3

20ten an 21sten Abrëll 2007. Wëllkomm bei eiser 359ster Emissioun um Radio ARA. Ech si ganz frou, iech haut kënnen eng relativ nei CD virstellen. A fir eis Radio ARA Nolauschterer hunn ech kleng Iwwerraschung, oder e kleng Cadeau, méi doriwwer zum Schluss vun der Emissioun.

Et ass de Bahá'í Chouer aus Däitschland, deen dës CD erausginn huet. Hei dat éischt Stéck op der CD: *Alláh'u'Abhá*. Et ass arabesch an heescht: *Gott, deen Allherrlechen*.

Dat 2t Stéck op der CD kennen déi meeschte Bahá'í. Et ass e Gebiet: *Blessed is the spot. Op Lëtzebuergesch geet d'Gebiet esou: "Geseent ass den Uert, an d'Haus, an d'Plaz, an d'Stad, an d'Häerz, an de Bierg, an den Ënnerdaach, an d'Hiel, an den Dall, an d'Land, an d'Mier, an d'Insel, an d'Wiss, wou Gott ernimmt a Sāi Luef verherrelecht gött."*

Dat 3t Stéck ass och ganz bekannt. Et ass aus de *Verbuergene Wierder* vum Bahá'u'lláh: „*O Jong vum Geesch! Dat hei ass Māin éischte Rot: Dass du e rengt, guttmiddegt a stralend Häerz hues, sou dass du onvergänglich Herrlechkeet kriss, onzerstéierbar an éiweg.*“

360 Stimmen Bahás – Eng speziell Chorale, Deel 2/3

360st Emissioun, 27ten an 28ten Abrëll.

Dat 4t Stéck ass e Gebiet fir Kanner vum 'Abdu'l-Bahá, hei op Spuenesch gesongen. „*O Gott, leed mech, pass op mech op, erliicht d'Luucht vu mengem Häerz a maach aus mir e stralende – Stär. Du bass dee Mächtige an dee Staarken.*“

Dat 5t Stéck ass e Verbuergent Wuert vu Bahá'u'lláh. D'Musek ass des Kéier vum Petra Held. „*O Jong vum der Existenz! Mat den Hänn vum der Muecht hunn Ech dech gemaach a mat de Fangere vum der Kraaft hunn Ech dech erschaf; an an dech hunn Ech d'Essenz¹ vu mengem Liicht geluecht. Sief domat zefridden a sich soss näischt, well Māi Wierk ass perfekt a Māi Gebot ass verbindlech. Sief dir dees gewëss an zweiwel net².*“

Dat 6t Stéck ass en Text vum Báb. D'Musek ass vum Tom Price. „*O Gott, māi Gott, deen, deen ech gären hunn. O Gott, māi Gott, de Wonsch vu mengem Häerz.*“

361 Stimmen Bahás – Eng speziell Chorale, Deel 3/3

4ten a 5te Mee 2007. Dat 7t Stéck ass e Gebiet fir Heelung vum Bahá'u'lláh. „*Dāin Numm ass meng Heelung, o māi Gott, an Denger ze gedenken³ ass meng Medezin. No bei Dir ze sinn ass meng Hoffnung, an d'Léift fir Dech ass māi Geleet. Deng Baarmhäerzegkeet ass meng Heelung a meng Hëllef a béide Welten, an dēser an an där déi kënnt. Du bass wierklech Deen, Dee ganz a guer gutt ass, deen alles weess a fir alles eng Léisung kennt.*“

Dat 8t Stéck ass och nees e Gebiet, des Kéier vum Báb. Hei den Text op Lëtzebuergesch. „*So: Gott geet alle Saachen duer, an iwwer all Saachen ewech, an näischt an den Himmelen an op der Äerd, ausser Gott kann duer goen. A Wierklechkeet ass Hie selwer deen dee weess, den Erhaler, den Allmächtige.*“

Dat 9t Stéck op der CD ass och ganz bekannt. *Yá Bahá'u'l-Abhá, Yá Ali'u'l-Alá.* Et ass eng Invokatioun a bedeit: „*O Du Herlecheit vum Allnädechsten, O Du Hēije vu Gott.*“

Dat 10t a virlescht Stéck op dēser CD ass en Text vum Bahá'u'lláh. „*Lass dir genügen an Mir, ... Sief zefridde mat Mir a sich keen aneren, fir dir ze hëllef, well keen ausser Mir kann dir jee duergoen.*“...

“Be thou content with Me and seek no other helper. For none but Me can ever suffice thee. ...

Sache te contenter de moi et ne cherche nul autre pour te secourir, car jamais personne en dehors de moi ne te suffira. ...

Laß dir genügen an Mir und suche keinen anderen Helfer, denn keiner außer Mir kann dir jemals genügen.“

An dat lescht Stéck op der CD ass eng Variatioun vum *Alláh 'u' Abhá*. D'Musek ass vum Lasse Thoresen.

362 Bahá'í Neiegkeeten, Deel 1/2

362st Sendung um Radio Ara, 11ten an 12te Mee 2007. Wëllkomm bei eiser 362ter Bahá'í Emissioun um Radio ARA. All Joer, Enn Abrëll, ginn zu Lëtzebuerg, wéi och an deene meeschte Länner op der Welt, d'Membere vum Nationale Rot vum de Bahá'í gewielt. Zu Lëtzebuerg war et dēst Joer déi 45st Nationalkonventioun am Bahá'í Zenter, allée Léopold Goebel an der Stad. D'Konventioun huet freides owes ugefaang a war sonndes nomëttes fäerdeg. Bei der Konventioun geet et drëm, den Nationale Rot ze wielen, dat sinn am ganzen néng Memberen aus der erwuessener Bahá'í Gemeng zu Lëtzebuerg. Dat si bei eis am Land 266 Erwuessener. Si sinn alleguer op der Wielerlëscht. Déi nonzéng Delegéiert op der Konventioun wielen also ënnert all den Erwuessenen am Land néng Leit, fir an den nationale Rot.

¹ d'Wiesen

² dorunner

³ d'Erënnerung un Dech

D'Konventioun ass awer och geduecht fir dass all Interesséierte sech kann e Bild vun der Bahá'í Gemeng maachen a konstruktiv Suggestiounen fir deen neien nationale Rot ka maachen. Dofir ass et och de Moment, wou déi verschidde Comitéen, déi ënnert der Leedung vum Nationale Rot schaffen, hire Bilan zéien an hire Rapport ofginn.

Et gesäit een also hei, wéi gutt d'Gemeng och organiséiert ass. Et ass och bei der Konventioun, wou den héchste Bahá'í Gremium, d'Universaalt Haus vun der Gerechtegkeet sech an engem Bréif un d'Bahá'í vun der Welt riicht. An deem Bréif fënnt een, zesummegefaasst, normalerweis dat, wat am leschte Joer geschitt ass a wat d'Pläng fir d'Zukunft sinn. Fir de Message vun dësem Joer, also 2007, war et ganz kloer, wéivill Fortschrëtter an Efforten d'Bahá'í Gemengen uechter d'Welt gemaach hunn, fir de Glawen ze verbreed an ze festegen. Zu der momentaner Lag vun der Welt soe si dass d'Mënscheit sou néideg Besoinen huet, an dass wa si keng geeschteg Nahrung kritt, ëmmer méi déif an d'Hoffnungslosegkeet fällt. An dass et dofir sou dréngend ass, dass all Bahá'í sech senger Verantwortung bewusst ass, de Bahá'í Glawen ze léieren.¹

Ech duerf natierlech elo net vergiessen, iech d'Result vun der Wal vum Nationale Rot matzedeele. Mat alle gëltege Walziedele goufen déi 9 Membere gewielt. Dat sinn déi 3 Dammen, Berthy Schoos, Esther Zana-Nau a Marie-Thérèse Tesch, an déi 6 Hären, Amir Saberlin, Nazareno Gottardi, Hamid Baki, Fari Khabirpour, Claude Wiltgen, Paul Arbab. Un den Nimm eleng héiert ee schonn, wéi verschidden d'Zesummesetzung vun dësem Nationale Rot vu Lëtzebuerg ass. Hinne meng beschte Gléckwënsch a Wonsch, dass si d'Geschécker vun der Bahá'í Gemeng zu Lëtzebuerg mat Takt a Wäisheet virubréngen.

Sou, an elo nach e puer Neiegkeete vun eisen Noperen. Et ass déi däitsch Bahá'í Internetsäit, déi sech ganz flott erneiert huet. Ënnert www.bahai.de gesäit een direkt op der éischter Säit kuerz Portraite vu Bahá'í, déi an Däitschland liewen. Sou zum Beispill de Volker Grossmann, 45 Joer, vu Beruff Zänn Dokter. Seng Hobbye si Päerd reiden an dauchen. An esou ass hie Bahá'í ginn:

„1984, a Frankräich, an der Vakanz, hunn ech eng jonk Fra getraff, déi keen Interessi hat, mat Männer ze schwätzen a fir mech lass ze ginn, huet si mir iwwer d'Bahá'í Saach erzielt. De Contraire ass passéiert. Haut ass si meng Fra! No e puer Méint wosst ech souvill, dass ech mech als Bahá'í erkläert hunn. Wat bedeit et fir mech Bahá'í ze sinn: Eng Bezéiung zu Gott ze hunn, eng Bestätegung fir richtegt Verhalen ze fannen an eng Féierung duerch déi Helleg Schrëften. An natierlech och d'Gemeinschaft vun de Bahá'í an der ganzer Welt.“ Da seet hien dräi Grënn Bahá'í ze ginn: Aktiven Déngscht an der Gesellschaft, eng kloer Bezéiung zu Gott duerch déi authentesch Schrëfte vum Gottesoffenbarer an den Opbau vun enger zukunftsorientierter Weltuerdnung.

Ech kënnt sougär nach weiderfueren, mee mir hu bal keng Zäit méi. Just nach eng kleng Bahá'í Erënnerung vum Volker Grossmann: D'Nonzéngdeegfester an hirem Pionéierposten a Sibirien, déi sou schéin harmonesch waren, dass si owes ugefaangen hunn a bis den nächsten Dag mëttes gedauert hunn.

Mat dëse flotte Beispiller vun einfache Mënschen, déi Bahá'í sinn, kritt een direkt den Androck vun enger dynamescher Gemeng, déi op ass, a sech gären no bausse wéisst. D'Faarwe vun der Säit sinn diskret haaptsächlech wäiss mat e bësse giel bis hell orange. All kéiers, wann een d'Säit opmécht, kënnt en anere Portrait mat engem anere klengen Zitat aus de Bahá'í Schrëften. Sou zum Beispill: *„Et soll kee sech mengen, wann hie säi Land gär huet, mee wann hien d'ganz Welt gären huet.“*²

363 Bahá'í Neiegkeeten, Deel 2/2

363st Sendung um Radio Ara, 18ten an 19te Mee 2007. Wëllkomm bei eiser 363ter Bahá'í Emissioun um Radio ARA. Haut e weidere Bléck bei eis däitsch Noperen an hir offiziell Bahá'í Internetpresenz ënnert www.bahai.de.

Mat dëse flotte Beispiller vun einfache Mënschen, déi Bahá'í sinn, kritt een direkt den Androck vun enger dynamescher Gemeng, déi op ass, a sech gären no bausse wéisst. D'Faarwe vun der Säit sinn diskret haaptsächlech wäiss mat e bësse giel bis hell orange. All Kéier, wann een d'Säit opmécht, kënnt en anere Portrait mat engem anere klengen Zitat aus de Bahá'í Schrëften. Sou zum Beispill: *„Et soll kee sech mengen, wann hie säi Land gär huet, mee wann hien d'ganz Welt gären huet.“*³

Hei e kuerze Portrait vum Anja Nicke. Hatt huet 33 Joer, ass vu Beruff Léierin, ass awer de Moment am Bahá'í Weltzentrum zu Haifa, Israel als Bénévol, am Beräich Management. So ass hatt Bahá'í ginn.

„Meng Eltere sinn allebéid Bahá'í an hunn hir Kanner an dësem Sënn erzunn. Dofir hunn ech mech ëmmer als Bahá'í gesinn. Wéi ech no der Schoul mat 18 vun doheem fortgaang sinn, koum de Moment, mech selwer an

¹ Ridvan 2007, Para 5

² Bahá'u'lláh

³ Bahá'u'lláh

d'Hand ze huelen. Dat war d'Zäit, wou ech ugefaangen hunn, ganz bewusst fir meng Bezéiung zu Gott Verantwortung ze iwwerhuelen. “

Wat bedeit et fir mech Bahá'í ze sinn? Et bedeit, sou seet d'Ana, Gott duerch säi fir d'lescht geschéckten Offenbarer, Bahá'u'lláh versichen ze erkennen; dat heescht och all Dag duerno ze striewen, dat eegent Liewen ëmmer méi mat de Léiere vu Bahá'u'lláh an Eeklang ze bréngen an am Opbau vun enger neier Kultur matzewierken, déi dem wierkleche Mënschsinn entsprécht an esou e Kader setzt, an deem all Mënschen d'Méiglechkeet kréien, dat Potential ze entfalten, dat si vu Gott kruten.

Dräi gutt Grënn, Bahá'í ze ginn. D'Bezéiung, déi mir mat Gott hunn, ass déi wichtegst vun eisem Liewen, well doduerch léiere mir iwwer d'Wierklechkeet vun alle Saachen an der Welt an iwwer eis eege Wierklechkeet. Ëmmer méi doriwwer ze léiere bedeit, ëmmer méi iwwer eis selwer ze léieren an doriwwer, firwat mir eigentlech op der Welt sinn. Bahá'u'lláh ass dee fir d'lescht geschéckten Offenbarer vu Gott, a bréngt eis esou eist Wëssen iwwer Gott op den neitste Stand.

D'Léiere vu Bahá'u'lláh si wouer, an et ass ëmmer gutt, sech der Wourecht opzemaachen.

Bahá'u'lláh weist eis, wéi stralend d'Zukunft ass, déi fir d'ganz Mënschheet bestëmmt ass, an och, wat ze maachen ass, fir zu dëser Zukunft ze kommen. Wie Bahá'í ass, kuckt optimisteschem an hoffnungsvoll an d'Zukunft, a kann am Kader vun dëser Visioun zu ville gudde Saachen am Groussen an am Klengen bäidroen.

A fir dëse Portrait vum Anja ofzeschléissen, hei säi Lieblingstzitat: „*Dofir befäeg mech, O mäin Här, aus Léift zu Dir an ëm dāi Wuelgefallen wëllen ze kucken, wat s du gären hues.*“¹

Fir ofzeschléissen nach eng Neiegkeet vu méi wäit. Den 11te Mee am Spidol zu Apia ass seng Altesse Royale Susuga Malietoa Tanumafili II am Alter vu 94 Joer gestuerwen. Hie war Bahá'í an ee vun deenen am längste regéierende Monarche vun der Welt. Den héchste Bahá'í Gremium schreift an enger Botschaft iwwer hien: „*Säin Dénkscht fir d'Mënsche vu Samoa als Staatsoberhaupt huet sech duerch seng héich Prinzipie charakteriséiert, säin opriichtegt Matgefill a seng perséinlech Bescheidenheet a senger Suerg fir d'Wuel vu jidderengem.*“

Zënter der Onofhängegkeet vu Samoa vun Neiseeland 1962, war hien de Staatschef vu sengem Land. Hie war och den éischte regéierenden Herrscher weltwäit, dee Bahá'í gouf.

364 Buchvirstellung: D'Trap zum Gléck, Deel 1/2

364st Sendung um Radio Ara, 25ten an 26te Mee 2007. Wëllkomm bei eiser 364ter Bahá'í Emissioun um Radio ARA. Um Programm ass haut eng Buchvirstellung aus dem Fischer Verlag: *Die Treppe zum Glück, 50 Antworten auf die grossen Fragen des Lebens.*

Geschriwwen ass d'Buch vum Nossrat Peseschian an dem Raymont Battegay, zwee bekannte Psychotherapeute mat grousser praktescher Erfahrung. Si ginn Äntwerten, net abstrakt, awer ëmmer direkt op eis Liewenswierklechkeet bezunn. Déi gutt Neiegkeet: fir eis Radio Ara Nolauschterer hu mir zwee Bicher am Studio. Alles wat dir musst maachen, ass, mir no der Sendung unzeruffen, an dat um 691334210.

D'Froen, déi d'Buch stellt, si wierklech interessant. Wéi fannen ech dat richtegt Verhältnes tëschent Aarbecht a Famill? Wéi fannen ech Kraaft, wann ech meng Aarbecht verléieren? Wouhir weess ech, wien ech wierklech sinn? Wéi üben ech Geloossenheet? Wéi ginn ech mam Verloscht vun enger Persoun ëm, déi ech gär hunn? Kann een dat, wat ee verpasst huet, nohuelen?

Dir frot iech vläicht, firwat dës Buchvirstellung an eiser Bahá'í Emissioun. Dat ass ganz einfach; Den Nossrat Peseschian, ee vun den Auteure vum Buch ass Bahá'í. Hien ass och Begrënner vun der Positiver Psychotherapie. Hie wunnt net wäit vun eis ewech, bei Frankfurt an d'lescht Joer krut hien d'Bundesverdienstkreuz.

An der Aféierung zum Buch schreiwen si dat heiten: De Mënsch, wéi och ëmmer hie psychesch a kierperlech ass, an a wéi enge soziale Bedingungen hien och leeft, huet, ausser an enger schwéierter Depressioun, ganz déif a sech selwer d'Hoffnung, dass hien och nees eng besser Zäit erliewe wäert. Hoffnung ass mat engem Liichtstral ze vergläichen, deen souguer dacks nach da liicht, wann de Mënsch vu Misär ëmginn ass. Déi eng gesinn d'Hoffnung an hirer irdescher Zukunft, déi aner, wa si vun dëser Welt Äddi soen, fir an eng göttlech Gerechtegkeet opgeholl ze ginn. Déi Depressiv brauchen ärztlech Hëllef an d'Ënnerstëtzung vun hirem Ëmfeld als Zeeche vun der Hoffnung.

Ganz allgemeng dat heiten: Wa mir eis op eis selwer zrëckzéien, da fille mir eis eleng. Mir sinn emol ebe Wiesen, déi dat mënschlecht Mateneen an Zouneigung brauchen. Wann dëst Buch de Lieser ka Mutt ginn, fir op hir Matmënschen zouzegoen an hir Problemer mateneen ze léisen, da hu mir eist Zil erreecht.

¹ Bahá'u'lláh

Komme mir elo zur Andeelung vum Buch. Et gi 50 grouss Liewensfroen am Buch beäntwert. Fir d'éischt Fro, duerno eng kleng Geschicht, dann eng kuerz Erklärung an zum Schluss en Zitat.

An zum Schluss vun dëser Emissioun eng Geschicht fir mat op de Wee, aus dem Buch: *An d'Waasser kucken.*

Jidderee vun eis, huet genausou wéi d'Waasser, d'Kraaft sech ëmmer nees ze erneieren. E Schüler am alen Orient huet eng Kéier e Weise gefrot: „*Du stees elo scho sou laang virun dësem Floss an du kucks an d'Waasser. Wat gesäis de dann nëmmen do?*“

De Weisen huet him net geäntwert. Hien huet riicht weider op dat stréimend Waasser gekuckt. Zum Schluss huet hie gesot: „*D'Waasser léiert eis, wéi mir lieve sollen. Wouhinn et fléisst, bréngt et Liewen a verdeelt sech un all déi, déi senger brauchen. Et ass gnädeg a generéis. D'Ongläichheete versteet et auszegläichen. Et ass gerecht. Ouni a sengem Laf ze zécken, stierzt et sech an d'Déift. Et ass couragéis. Seng Uewerfläch ass glat a gläichméisseg, mee et ka verbuergen Déifte schafen. Et ass weis. Fielsen, déi sengem Laf entgéintstinn, ëmfléisst et. Et verdréit sech mat jidderengem. Awer seng Kraaft ass Dag an Nuecht um Wierk, fir d'Hinderniss ewechzehuelen. Et huet vill Ausdauer. Wéivill mol dréint a kéiert et sech, ouni d'Richtung zu sengem éiwegen Zil aus den Aen ze verléieren, dem Mier. Et ass zilbewosst. A soudacks et knaschteg gëtt, beméit et sech nees ze propper ze ginn. Et huet d'Kraaft, sech ëmmer nees ze erneieren. Dat alles“, sot de Weisen, „ass et, firwat ech op d'Waasser kucken. Et léiert mech dat richtig Liewen.“*

365 Buchvirstellung: D'Trap zum Gléck, Deel 2/2

365st Sendung um Radio Ara, 1ten an 2te Juni 2007. Wëllkomm bei eiser 365ter Bahá'í Emissioun um Radio ARA. Um Programm ass haut eng Buchvirstellung aus dem Fischer Verlag: *Die Treppes zum Glück, 50 Antworten auf die grossen Fragen des Lebens.*

Geschriwwen ass d'Buch vum Nossrat Peseschkian an dem Raymont Battegay, zwee bekannte Psychotherapeute mat grousser praktescher Erfahrung. Si ginn Äntwerten, net abstrakt, awer ëmmer direkt op eis Liewenswierklechkeet bezunn.

Den Usaz vum Buch ass vum positive Mënschebild geprägt. All Mënsch gouf eedle erschaf a krut dohir d'Méiglechkeet, säin eedelt Wiesen ze entfalten, seng verbuergen Eegeschafte siichtbar ze maachen, seng kreativ Fäegkeeten ze entwécklen an déi therapeutesch a Selbsthëllefsméiglechkeet, déi an him leien, ze notzen.

Ee vun den Auteuren ass iwweregens Bahá'í a Begrënner vun der Positiver Psychotherapie. Wosst dir, dass de Begrëff „Positiv“ sech aus dem latengesche *positum* ofleet. Dat bedeit: dat *Tatsächlecht*, dat wat *virginn* ass.

„*Gesond ass net deen, dee keng Problemer huet, mee deen, deen an der Lag ass, mat de Problemer fäerdeg ze ginn.*“

Dëst Buch versicht ganz konkret, Wäisheeten aus dem Orient mat psychotherapeuteschen Erkenntnisser aus dem Okzident ze vereenen. An a ville Geschichten a Liewenswäisheete fënnt een eng gutt Portioun Humor, eng Oas vun Enstpannung.

An elo e klengt Zitat aus dem Talmud, de jiddesche Schrëften: *Wien ass weise? Een, dee vun engem léiert. Wien ass staark? Een, dee sech selwer iwwerwënnt. Wien ass räich? Een, dee mat deem zefridden ass, wat en huet. Wien ass éierbar? Een, deen d'Mënschen an Eier hält.*

Komme mir elo zur Andeelung vum Buch. Et gi 50 grouss Liewensfroen am Buch beäntwert. Fir d'éischt Fro, duerno eng kleng Geschicht, dann eng kuerz Erklärung an zum Schluss en Zitat. Hei eng Fro, déi sécher e puer vun iech interesséieren: Wéi fannen ech Kraaft, wann ech meng Aarbecht verléieren?

D'Geschicht ass hei eng Metapher fir dat positiivt Verhalen. Positiivt Verhale léisst sech duerch folgend Situatioun beschreiwen. E Mann huet gemierkt, dass e Scholden huet. Dëse Gedanke huet him keng Rou gelooss, an e konnt owes net méi schlofen. Hie krut Depressiounen a wollt sech d'Liewen huelen. Dat huet hien engem gudde Frënd erzielt. Deen huet gedëlleg nogelauschert. Duerno huet hien awer net iwwer d'Scholde geschwat. Dat huet de Mann ganz verwonnert. Sāi Frënd huet vun deem geschwat, wat de Mann nach alles hat. Suen, déi hien nach hat a vun de Frënn, déi bereet waren, him ze hëllef. Op eemol huet de Mann seng Situatioun mat aneren Ae gesinn. Andeems hie seng Energie net méi mat de Gedanken un d'Scholde verschwénnt huet, mee un dat geduecht huet, wat hien nach alles hat, huet hien déi néideg Kraaft fonnt, sāi Problem ze léisen.

No der Geschicht kënnt dann eng nützlech Erklärung vun engem vun den zwee Auteuren, wou d'Thema kuerz behandelt gëtt. An dëser Fro: Wéi fannen ech Kraaft, wann ech meng Aarbecht verléieren, liest een:

De berufflechen a private Beräich duerchdréngt sech géigegsäiteg. Ginn et elo Problemer an der berufflecher Situatioun, muss ee sech fir d'éischt zwou Froen stellen:

Ass déi berufflech Situatioun selwer d'Ursaach heifir oder gëtt et villméi eng Stéierung vun der ganzer Perséinlechkeetsökonomie?

Ofschléissend liest een zu dësem Thema: Fir am Liewe glécklech ze sinn, musse véier Aspekter am Gläichgewicht sinn. Wa mir eis op dëser Wo zevill an d'Krankheet geroden, zevill an d'Aarbecht, zevill an d'Gesellegkeet oder d'Einsamkeet, oder zevill an Dreem, Phantasie, reagiert de Mënsch mat physischen oder psychischen Erkrankungen. Mir brauchen also e Gläichgewicht a véier Beräicher: eise Kierper, eis Aarbecht oder eis Leeschtung, eise Kontakt mat aneren an eis Phantasie. Et gëllt also, opzepassen, dass dës véier Aspekter vun eisem Liewen am Gläichgewicht bleiwen.

Ofschléissend am Buch zum Thema dann en Zitat, hei vum Mark Twain: „D'Geheimnis vum Virukommen läit am Ufänken.D'Geheimnis vum Ufänken läit am Opdeele vu komplizéierten Aufgaben a kleng Aufgaben, fir da mat der éischter Aufgab unzefänken.“

367 Tragescht Busakzident vu Steeseler Schoulkanner

367st Sendung um Radio Ara, 15ten an 16te Juni 2007. Wëllkomm bei eiser 367ster Bahá'í Emissioun um Radio ARA. An dëser Emissioun géif ech gären de Kanner gedenken, a speziell de Steeseler Kanner, déi dësen Donneschdeg e schlëmmt Akzident mam Autobus haten. Et si vläit Steeseler ënnert iech an ech kann iech soen, dass et mir en Donneschdeg den Owend e bësse komesch war, wéi ech duerch d'Duerf gefuer sinn. Dir wësst et vläit net, awer ech si schliesslech e Steeseler, also e Mëllerefer, wann ee wëll genau sinn. A wéi ech deem Owend duerch d'Duerf gefuer sinn, war et just de Moment wou d'Kanner mat hiren Elteren heemgoungen. Et war bestëmmt eng Versammlung fir si zu Stesel. Et war scho bal däischter, mee et konnt een awer d'Tréinen erkennen, déi midd an traureg Gesichter an de Schock, dee si deem Dag, dee Moment erfueren hunn.

Dobäi ass et jo net sou, wéi wa mir net all Dag an den Neiegkeete vu schlëmm Akzidenter géingen héieren, Leit déi sech haassen a sech géigesäiteg doutmaachen. Mee all dat ass dacks zimlech wäit ewech vun eis.

Ech wëll an dëser Emissioun just kuerz Gebieder aus de Bahá'í Schrëfte liesen. E Gebied fir déi Verstuerten, e Gebied wann een a Schwieregkeeten ass, e Gebied fir Heelung, an e puer kuerz Gebieder fir Kanner.

„Erlab, o mäin Här, dass déi, déi zu Dir eropkomm sinn, an Dir en Ënnerdaach fannen, dem beschte Komerod, an dass si am Schiet vum Tabernakel vun Denger Majestéit an am Hellegtum vun Denger Herrlechkeet wunnen. Verbreet Du iwwer si, o mäin Här, vum Mier vun Denger Verzéiung, wat si wierdeg mécht an Dengem allerhéchste Kinnekräich ze wunnen, soulaang wéi Deng Herrschaft dauert. Du bass mächtig ze maache wat Dir gefällt.“ Bahá'u'lláh

„Gëtt et een, dee Schwieregkeeten ewechhëlt ausser Gott? So: Gelueft sief Gott! Hien ass Gott! Si sinn all Seng Denger, an all hale sech u Sāi Gebot.“ Báb

« Dis: Dieu suffit à tout, au-delà de tout, et rien, ni dans les cieux ni sur la terre, sauf Dieu, ne peut suffire. En vérité il est en lui-même Celui qui sait, le Soutien, l'Omnipotent. » Báb

„Däin Numm ass meng Heelung, o mäi Gott, an Denger ze gedenken¹ ass meng Medezin. No bei Dir ze sinn ass meng Hoffnung, an d'Léift fir Dech ass mäi Geleet. Deng Baarmhärzegkeet ass meng Heelung a meng Hëllef a béide Welten, an dëser an an där déi kënnt. Du bass wierklech Deen, Dee ganz a guer gutt ass, deem alles weess a fir alles eng Léisung kennt., Bahá'u'lláh

„O Gott! Erzéi dës Kanner. Dës Kanner sinn d'Planzen aus Dengem Bongert, d'Blumme vun Denger Wiss, d'Rouse vun Dengem Gaart. Looss Däi Reen op si falen; looss d'Sonn vun der Wierklechkeet mat Denger Léift op si schéngen. Looss Deng Lëfchen² si erfrëschen, fir datt si erzu ginn, wuessen, opginn a sech a gréisster Schéinheet entfalten³. Du bass deem, dee gëtt. Du bass dee Matleedvollen.“ ‘Abdu'l-Bahá

„O Här ! Looss dëse jonke Mënsch stralen, a sief generéis géintiwuer dësem Schwaachen. Schenk him Wëssen, géff him all Mueren zousätzlech Stärkt a behitt hien am Ënnerdaach vun Denger Protektioun, fir dass hie fräi gëtt vun all Iertum, sech dem Déngscht un Denger Saach higëtt, déi Onduge⁴ leet, déi Onglécklech féiert, déi Gefaange befreit, an déi Oniwwerluegt⁵ erwächt, fir dass si all mat Dengem Gedenken an Dengem Luef geseent ginn. Du bass de Mächtige an de Staarken.“ ‘Abdu'l-Bahá

1 d'Erënnerung un Dech

2 Däi Wëndchen

3 erschéngen

4 Widderspensteg

5 insouciant, Liichtfänkeg

368 Summerfest 2007 am Bahá'í Haus vun der Andacht

368st Sendung, 22sten an 23ste Juni 2007. Loftballone fir d'Welt, international Spezialitéiten an ënner Rou, dat ass dat 12t grousst Summerfest am Bahá'í Haus vun der Andacht zu Hofheim/Langenhain an Däitschland. Dëse Sonndeg, 24te Juni invitéiert déi däitsch Bahá'í Gemeng zu hirem Summerfest. Tëscht 11 Auer moies a 6 Auer owes gëtt op de Wise ronderëm dem europäesche Bahá'í Haus vun der Andacht fir Kanner an Erwuessener en ofwiesslungsräichen a multikulturelle Programm gebueden.

Ganz nei ass dëst Joer de Loftballonconcours. All Loftballon kritt eng Postkaart mat op de Wee, an dat mat der Méiglechkeet, zréckzeschreiwen. D'Organisateure si scho ganz gespaant, wéi wäit se da fléie wäerten. Um halwer fënnef ginn d'Ballonen un d'Kanner verdeelt, déi se da kënne fléie loossen.

Et gi méi wéi 2500 Leit aus ganz Europa erwaart, dorënner sinn och scho 54 Bahá'í an hir Frënn aus Frankräich. Normalerweis trifft een och e ganze Koup Lëtzebuerger, déi de Wee fannen. Et ass viru Frankfurt, wat mam Auto net méi wéi zwou an eng hallef Stonnen dauert.

De Bühnprogramm ass ganz verschidden. Wéi d'lescht Joer ass déi beléiften amerikanesch Bluesgrass-Sound Band *Grass Unlimited* dabei. Awer och jonk Kënschtler presentéiere sech; do gëtt et eng Rap Grupp an d'Akkordeon Orchester vun der Fortissimo Schoul fir Musek a Konscht. Op dem Programm fënnt een och eng Feiershow, perseschen Danz- a Gospelmusek.

Spaass fir d'Kanner gëtt et natierlech och mat enger Rollentrucksbahn, enger Hüpfburg, Bastelstänn, Kannerschminken an engem Kannerkarussell. International Spezialitéiten suerge fir de gudden Appetitt.

E bësse Rou mat all dësen Aktivitéite fënnt de Visiteur am europäeschen Haus vun der Andacht zweemol deen Dag; eng Kéier vum halwer dräi an um véier. Am Gebai, wou vill Luucht derduerch geet, a vun deenen et weltwäit de Moment nëmme 7 Stéck gëtt, ginn Texter aus den hellege Schrëfte vun de grouse Reliounen gelies an d'Bahá'í Chorale *Stimmen Bahás* sängen. Si waren iwweregens kierzlech bei eis am Land, eng Kéier zu Beggen am Centre Culturel an zu Schëtter an der Kierch. Hinnen alleguer op dëser Plaz meng Gléckwënsch. Si hunn de 17te Mee zu Lëtzebuerg den 1ten europäesche Präis mat Distinction kritt.

D'Haiser vun der Andacht gläiche sech an hirer Bauform. Si sinn op fir all Mënsch, dee Rou oder Meditatioun sicht, oder sech am Gebiet Gott zoudréine wëll. Bei den Andachten ass jidderee wëllkomm, egal wat seng Iwwerzeegung ass an et ginn Texter aus de grouse Reliounen virgedroen.

Wann dir iech ugesprach fillt a vläicht wëllt matfueren, da mellet iech elo bei mir a mir kucken op mir nach Plaz hunn. Rufft mir am beschten un, an dat um 691 334210.

Ofschlëssend nach e Gedanke fir all déi, déi dëslescht am Busakzident gelidden hunn an nach leiden; schliesslech fir all déi, déi hiert Liewe gelooss hunn: En Text aus de Bahá'í Schrëften, deen eis Hoffnung bréngt:

„Wann de Kierper eng Ännerung iwwer sech ergoe léisst, ass de Geescht net onbedéngt dovun betraff. Wann dir e Stéck Glas briecht an deem d'Sonn sech refletéiert, ass d'Glas futti, awer d'Sonn blénkt ëmmer nach virun.

Wann de Käfig an deem e Vogel ass, futti gemaach gëtt, geschitt dem Vigelchen näischt. Dee selwechte Raisonement trifft zou fir de Geescht vum Mënsch. Och wann den Doud säi Kierper futti mécht, huet hie guer keng Muecht iwwer säi Geescht. Deen ass éiweg, geet net futti, an ass zu gläicher Zäit ouni Ufank an ouni Enn.“¹

369 Zesummestellung vun Texter aus de Bahá'í Schrëften, Deel 1/4

Zitater, 1ten Deel, 369t Emissioun um Radio ARA, 29ten an 30te Juni 2007

„Geheet iech an d'Mier vu Menge Wieder, fir dass dir seng Geheimnisser enthülle kënnt, an all d'Perle vun der Wäisheet entdecke kënnt, déi a sengen Déifte verbuerge leien.“⁴⁵

« Plongez-vous dans l'océan de mes paroles afin d'en pénétrer les secrets et de découvrir toutes les perles de sagesse que recèlent ses profondeurs. »

D'Zil vun all Offenbarung. Wa Gott seng Propheten zu de Mënsche schéckt, ass dat weinst zwou Ursaachen. Déi éischt ass déi, d'Mënschekanner aus dem Donkel vun der Onwëssenheet ze befreien a si zum Liicht vum wierkleche Verstoen ze féieren, déi zweet, de Friden an d'Rou vun der Mënschheet ze sécheren an all Mëttel bereetstellen, fir dass déi béid erreecht kënne ginn.

¹ L'art divin de vivre, Bahá'u'lláh

« Chaque prophète que le tout-puissant Créateur a décidé d'envoyer aux peuples de la terre reçoit avec son message la mission d'agir de la façon qui convient le mieux au temps dans lequel il apparaît. »

“D’Zil dat sech am Fong vun der Offenbarung vun all hellegem Buch befënnt, wat soen ech! vun all Vers vu gëttlecher Offenbarung, ass déi, d’Häerzer vun de Mënschen dem Gefill vun der Gerechtegheet opzemaachen an zugläicher Zäit hir Intelligenz ze erwächen, fir dat de Fridden an d’Rou sech ënnert hinnen all voll a ganz etabléiere kann. Alles wat hinne Vertraue gëtt, alles wat hir Stuf erhéicht a si méi zefridde mécht, gëtt an den Ae vum Härgott unerkannt. Wéi erhuewen ass déi Stuf, déi de Mënsch erreeche kann, wann e sech entschlësse géif, seng Bestëmmung ze erfëllen, mee zu wéi engen Déifte vun Erniddregung bréngt hien et fäerdeg, erfroegoen, Déiften déi déi niddrëgst Kreaturen ni erreecht hunn. Ergrëift d’Geleeënheet, O Frënn, déi dësen Dag iech ubitt an enthaalt iech net de generëisen Ausgëss vun der gëttlecher Gnod. Ech bieden den Här dass hie jidderengem vun iech et ermëglecht, an dësem geseentenem Dag, sech mam Mantel vu rengen an hellege Wierker schéin ze maachen. Hie mécht a Wierklechkeet wat Hie wëll.” Bahá’u’lláh

« L’objet qui se trouve à la base de la révélation de tout livre céleste, que dis-je! de chaque verset de révélation divine, est d’ouvrir le cœur des hommes au sentiment de la justice et d’éveiller en même temps leur intelligence, afin que la paix et la tranquillité puissent fermement s’établir entre eux tous. Tout ce qui leur inspire confiance, tout ce qui exalte leur condition et accroît leur contentement est recevable aux yeux de Dieu. A quelles sublimes hauteurs l’homme se pourrait élever s’il se décidait à remplir sa destinée; mais à quelles profondeurs d’avilissement ne peut-il pas descendre, profondeurs que les plus infimes des créatures n’ont jamais atteintes. Saisissez, ô amis, la chance que ce jour vous offre et ne vous privez point des généreuses effusions de la grâce divine. Je prie le Seigneur qu’Il rende chacun de vous capable de s’orner, en ce jour béni, de la parure des oeuvres pures et saintes. Il fait, en vérité, ce qu’Il veut. » Bahá’u’lláh

370 Zesummestellung vun Texter aus de Bahá’í Schrëften, Deel 2/4

Zitater, 2ten Deel, 370t Emissioun um Radio ARA, 6ten a 7te Juli 2007. « Si ton esprit se libère ... »

“Ech kann dir versécherern, O Dénker Gottes : Wann däi Geescht eidel a reng gëtt vun alle Wierder a Gedanken a wann däin Häerz ganz zum Räich Gottes higezu gëtt, wann en alles ausser Gott vergësst a sech mam Geescht Gottes ënnerhält, da wäert den Hellege Geescht dir mat enger Kraaft bäistoen, déi dech fäeg mécht, alles ze duerchkucken. Wéi e grelle Fonken, deen alles ronderëm sech méi hell mécht, wéi eng stralend Flam um Zenit vun den Himmelen, wäert en dech dat léieren, wat s du net weess iwwer d’Tatsaache vum Universum a vun der helleger Doctrine.”¹

“A Wierklechkeet soen ech dir, all Séil, déi sech haut erhieft fir aner op de Pad vun der Sécherheet ze leeden a si mam Geescht vum Liewen ze erfëllen, wäert den Hellege Geescht dës Séil mat Unhaltspunkten a Beweiser inspiréieren a vum Räich Gottes wäerten d’Liichter op se erfroegoen.”

« Je puis t’affirmer, ô serviteur de Dieu, que si ton esprit se libère de toute mention et de toute pensée, si ton cœur se tourne complètement vers le Royaume, s’il oublie tout, excepté Dieu, et entre en communion avec Lui, je puis t’affirmer que l’Esprit-Saint t’assistera avec une telle puissance que tu pourras pénétrer le secret de toutes choses. L’Esprit sera avec toi, comme un scintillement éblouissant qui éclaire à la ronde, comme une flamme brillante au zénith des cieux, et Il t’instruira des choses que tu ignores au sujet de l’Univers et de la Doctrine Divine. »

« En vérité je le dis, chaque âme qui se lève aujourd’hui pour guider les autres vers le Sentier de la sécurité et pour leur infuser l’Esprit de vie, cette âme sera inspirée par l’Esprit-Saint et cela d’une façon évidente, avec faits et preuves à l’appui; et du Royaume de Dieu, des faisceaux de Lumière seront projetés sur elle. »⁴⁶

Erzéiung: “Betruecht de Mënsch wéi e Biergwierk, räich un Eedelsteng vun onschätzbarem Wäert. Nëmmen d’Erzéiung ka bewierken, dass all dës Eedelsteng an him zum Virschäi kommen an dass d’Mënschheet dorausser Notzen zéie kann.”

« Voyez en l’homme une mine riche en gemmes d’une inestimable valeur. Mais, seule, l’éducation peut révéler les trésors de cette mine et permettre à l’humanité d’en profiter. » Bahá’u’lláh

Fraen : “Soubal d’Fraen ëmfaassend a gläichberechtegt d’Verhältnesser vun der Welt matgestalten, soubal si zouversüchtlech a fäeg déi grouss Arena vum Recht an der Politik betrieden, wäert de Krich ophalen.”

« Il arrivera alors, lorsque les femmes participeront pleinement et à égalité avec les hommes aux affaires du monde et entreront avec assurance et compétence dans la grande arène des lois et de la politique, que la guerre cessera, ... »

¹ Léier

Léift: „Léift ass eng Luucht, déi ni an engem ängschtlechen Häerz wunnt.“ « L'amour est une lumière qui ne luit jamais dans un coeur apeuré. »

371 Zesummestellung vun Texter aus de Bahá'í Schrëften, Deel 3/4

Zitater, 3ten Deel, 371t Emissioun um Radio ARA, 13ten a 14te Juli 2007. Wéi mir liewe sollen.

„Loosst all Moie besser si wéi den Owend virdrunn an all neien Dag méi räich wéi de viregen. De Wäert vum Mënsch läit am Déngscht an an der Dugend, net am Prunk vum gudde Liewen an am Räichtum.“

« Que chaque matin soit meilleur que la veille et chaque lendemain plus riche que le jour précédent! Le mérite de l'homme repose sur le service et la vertu, et non sur le déploiement des biens et des richesses. »

D'Kraaft vu Gott: „Dausende vun Diere mécht Hien op, wou de Mënsch emol net amstand ass, sech och nëmmen eng virzestellen.“ « Il ouvre des milliers de portes alors que l'homme est incapable d'en imaginer ne serait-ce qu'une seule. »

„Geschwë sinn eis puer Deeg, eist vergänglecht Liewen, eriwwer, a mir ginn, mat eidlen Hänn, an d'Lach wat fir déi gegruewen ass, déi neméi schwätzen; dofir musse mer eis Häerzer un d'offensichtlech Schéinheet bannen, an eis un d'Liewenslinn halen déi ni verseet. Mir müssen eis fäerdeg maache fir den Déngscht, d'Flam vun der Léift ufänken an an hirer Hëtzt verbrennen.“

« Bientôt notre poignée de jours, notre vie éphémère, ne seront plus, et nous passerons, les mains vides, dans la tombe creusée pour ceux dont la voix s'est tuée; c'est pourquoi nous devons lier nos coeurs à la Beauté manifeste, et nous cramponner à la ligne de vie qui jamais ne faillit. Nous devons nous préparer à servir, à allumer la flamme d'amour et nous consumer dans sa chaleur. »¹

Freed: „D'Freed gött eis Flilleken. An Zäite vu Freed hu mir méi Kraaft, eisen Intellekt ass méi schaarf a mir verst vill Saache besser. Et fällt eis anscheinend méi liicht ons mat der Welt ze moossen an dat Gebitt erauszefannen dat eis gutt läit.“²

« La joie nous donne des ailes. Quand nous sommes heureux, notre énergie est plus grande, notre intelligence plus vive et notre compréhension moins voilée. Nous semblons mieux à même d'affronter la vie et de découvrir un champ d'activité utile. »

« Certes, la connaissance est pour l'homme un véritable trésor, une source de gloire, de générosité, de joie, d'exaltation, de réjouissance et d'allégresse. »

„In der Tat, Wissen ist ein wahrer Schatz für den Menschen, eine Quelle des Ruhmes, der Großmut, der Freude, der Erhabenheit, des Frohsinns und der Heiterkeit.“³

Fridden: « Le don de Dieu en cet âge illuminé est la connaissance de l'unicité de l'humanité et de l'unicité fondamentale de la religion. La guerre cessera entre les nations, et par la volonté de Dieu, la Plus Grande Paix viendra; le monde sera perçu comme un nouveau monde, et tous les hommes vivront comme des frères.

Jadis, un instinct belliqueux s'était développé dans la lutte contre les animaux sauvages; ce n'est plus nécessaire; au contraire, on reconnaît que la coopération et la compréhension mutuelles concourent à rendre l'humanité plus prospère. L'inimitié n'est maintenant que le résultat du préjugé. »⁴

372 Zesummestellung vun Texter aus de Bahá'í Schrëften, Deel 4/4

Zitater, 4ten Deel 372t Emissioun um Radio ARA 20ten an 21te Juli 2007: « La paix est lumière, alors que la guerre est obscurité. La paix est vie, la guerre est mort. La paix est direction, la guerre est erreur. La paix est une création de Dieu, la guerre une institution satanique. La paix est la clarté du monde de l'humanité, la guerre est la destructrice des créations humaines. »⁵

« Je vous charge tous de concentrer, chacun pour sa part, toutes vos pensées et votre coeur sur l'amour et l'unité. A une pensée de guerre, opposez une plus forte pensée de paix. Une pensée de haine doit être détruite par une

¹ Abdu'l-Baha, BRIEFES UND BOTSCHAFTEN

² Abdu'l-Baha, Paris Talks, p. 109

³ Baha'u'llah, Epistle to the Son of the Wolf, p. 27

⁴ Abdu'l-Baha, Abdu'l-Baha in London, p. 19

⁵ Abdu'l-Baha, Les bases de l'unité du monde

*puissante pensée d'amour. Les pensées de guerre détruisent toute harmonie, tout bien-être, tout repos et toute satisfaction. Les pensées d'amour créent la fraternité, la paix, l'amitié et le bonheur. »*¹

Paradis : *“Et gëtt kee méi e wonnerbaart Paradis fir eng Séil, wéi virun Him, der Manifestatioun vu Gott, ze stoen, a Sengem Dag, Seng Verser ze héieren an u si ze gleewen, a Seng Präsenz ze kommen, déi näischt anescht ass wéi d'Präsenz vum Herrgott, um Mier vum himmlesche Kinnikräich vu sengem gudde Pleséier ze navigéieren a säin Undeel ze hunn un den erliesene Friichte vum Paradis vu senger gëttlecher Eenzegheet.”*

« Il n'y a pas de paradis plus merveilleux pour une âme que d'être exposé à la manifestation de Dieu en son jour, d'entendre ses versets et de croire en eux, d'atteindre sa présence qui n'est rien d'autre que la présence de Dieu, de naviguer sur la mer du royaume céleste de son bon plaisir, et d'avoir sa part des fruits de choix du paradis de sa divine unicité. »

Gott vertrauen: *“Verlooss dech op Gott. Vertrau Him. Gëff Him Luef, an denk stänneg un Hien. A Wierklechkeet mécht Hien aus Schwieregkeete Liichtegkeet, aus Suergen Trouscht, an aus Méi vollkommene Friden. Hien huet wierklech d'Herrschaft iwwer all Saachen.”*²

« Fie-toi à Dieu. Aie confiance en Lui. Prononce sa louange et appelle-Le continuellement en ton esprit. En vérité, Il transforme la difficulté en aisance, le chagrin en consolation et le labeur en paix absolue. En vérité, Il exerce son empire sur toutes choses. »

373 Siechzeg Joer Bahá'í zu Lëtzebuerg

373t Emissioun um Radio ARA, 27ten an 28te Juli 2007. Léif Radio ARA Nolauschterer, wëllkomm bei eiser 373ter Bahá'í Emissioun hei um Radio ARA. D'lëtzebuenger Bahá'í feieren dëst Joer siechzeg Joer zu Lëtzebuerg. De Bahá'í Glawe gëtt et elo schon 163 Joer an zu Lëtzebuerg gëtt et scho siechzeg Joer Bahá'í. Fir dësen Ulass ze feieren ass jiddereen invitéiert. Den 1ten Oktober ass eng Séance académique an der Philharmonie organiséiert. An der Woch vum zweeten Oktober ass eng Ausstellung am Bahá'í Zenter, 17 allée Léopold Goebel mam Titel: *Honnert Joer am Dénsgscht vun der Eenheet an der Verschiddenheet an Europa*. Et ass eng Ausstellung déi viru kuerzem am Europaparlament zu Bréissel gewise gouf. Et gëtt gewisen, wéi de Bahá'í Glawen an Europa an de leschten honnert Joer sech fir den Dénsgscht vun der Eenheet an der Verschiddenheet agesat huet. Eng Ausstellung, déi een net verpasse sollt, wéi gesot, dir gesitt se déi éischt Woch am Oktober am Stater Bahá'í Zenter, allée Léopold Goebel. Méi Info kritt dir einfach um Internet, ënnert www.bahai.lu.

D'Ausstellung fänkt den zweeten Oktober mat enger Konferenz vum Prof. Dr Nossrat Peseshkian am Bahá'í Zenter un. Hien ass Neurolog, Psychiater an Dokter fir psychotherapeutesch Medezin. Hien ass och de Begrënner vun der Positiver Psychotherapie. Hie wunnt zu Wiesbaden. Eng Konferenz, déi een net sollt verpassen, den zweeten Oktober am Bahá'í Zenter.

Dës Emissioun ass viraussichtlech déi lescht Emissioun an der Serie um Radio ARA. Ugefaang hu mir 2007 an haut hu mir 373 Emissiounen gemaach. Déi allermeescht sinn opgeholl. D'Emissiounen sinn och opgeschriwwen a ginn hoffentlech an engem Buch gedréckt.

Ech wollt iech Nolauschterer merci soen fir dës siwe Joer, wou d'Sendung Freides owes um fënnf vir halwer siwen a Samschdes moies zéng fir zéng diffuséiert gouf. Dir kënnt wann dir wëllt, eis ganz gären e Message loossen, eis soen wéi ech d'Sendung gefall huet. Och wann dir mech vläicht neméi um Radio héiert, wäert ech mech weiderhinn engagéieren, mäi bescheidenen Bäitrag ze leeschten, un enger besserer Welt matzeschaffen. Wéi dir vläicht wësst, ginn ech Lëtzebuergeschcoursen. Esou hunn ech déi grouss Freed, a menger Aarbecht, mat Leit aus verschiddene Kulturen zesummenzesinn. Dobäi léieren ech ganz vill. Och wa mer ganz verschidde sinn, kënne mir eis eens sinn, an eiser Visioun fir eng besser Welt. Ech si fest dervun iwwerzeegt, dass de Bahá'í Glawen Léisungsvirschléi fir eis Welt huet, déi jiddereen uspriechen kënnen. Ech hoffen, dass och dir iech d'Zäit huet, de Bahá'í Glawe kennenzeléieren.

Iech alleguer wënschen ech nëmmen dat Besch, a bis vläicht demnächst eng Kéier, äre Jean-Marie. Ofschléissend dëst Zitat vun 'Abdu'l-Bahá iwwer d'Gléck: *„Dem Mënsch seng héchsten Éier a richtegt Gléck läit an der Selbstachtung, an héijen Entschlëss an eedele Virsätz, an der Onversehrtheit a Sittlechkeet vun der Persoun, an der Rengheet vum Denken.”*³

¹ Abdu'l-Baha, *Causeries d'Abdu'l-Baha a Paris*

² Abdu'l-Baha, *Selections from the Writings of Abdu'l-Baha*, p. 178

³ *Das Geheimnis göttlicher Kultur*, S.27

374 Buchvirstellung: Gléck, Deel 1/2

374st Emissioun, 3ten a 4ten August 2007. An der Editioun Carmel stellen ech iech haut e Buch vir mat Zitater aus de Bahá'í Schrëften zum Thema Gléck. D'Buch huet 60 Säiten an ass voll mat Biller déi zum Thema Gléck an den Zitater passen. Wann déi puer Passagen iech gefallen, hutt dir d'Méiglechkeet e Buch ze gewannen. Dir braucht mir just no der Emissioun unzeruffen.

Hei elo e puer Zitater zum Thema Gléck: *“Léift séchert als eenzegt Mëttel richtegt Gléck an dëser an an der nächster Welt.”*¹

“Gléck ass déi wierklech Grondlag vum Liewen. Well de Mënsch ass fir d'Gléck erschaf, net fir d'Leed, zur Freed, net zur Suerg. Gléck ass Liewen, Leed ass Doud. Geeschtegt Gléck ass éiwegt Liewen. Et ass Liicht, deem keen Donkel nokënnt. ..., Liewen, wou keen Doud duerno kënnt, Sinn, deem keen Netsinn nokënnt. Dësen erhuewene Seegen, dëst kostbaart Geschenk erhält de Mënsch eleng duerch d'Féierung vu Gott.

D'Welt leeft duerch de Mënsch an de Mënsch leeft duerch de Geescht. D'Gléck vun der Welt hängt vum Mënsch of, an d'Gléck vum Mënsch hängt vum Geescht of.

De Mënsch ass sengem Wiesen no geeschteg, an nëmme wann hien am Geescht leeft, ass en tatsächlech glécklech.

Dem Mënsch seng héchsten Éier a wierklecht Gléck läit an der Selbstachtung, an héijen Entschlëss an eedele Virsätz, an der Onversehrtheet a Sittlechkeet vun der Persoun, an der Rengheet vum Denken.

Geeschtegt Gléck ass Liicht, Leed dogéint ass Däischtert. Dëst Gléck ass Frousin, Leed ass Enttäuschung. Dëst Gléck ass d'Räich vum Himmel, Leed dogéint déi ierdesch Welt. Dëst Gléck ass Liewen, Leed ass Netsinn. Dëst Gléck ass d'Substanz vun där de Mënsch geschaf ass, aus där Welten entstinn an alles Erschafent an d'Existenz kënnt. Sou erschénkt d'Welt vu Gott stralend, wéi d'Sonn an der Mëttesstonn. Dëst Gléck ass d'Léift vu Gott.

D'Gléck vum Mënsch .. ass et, der Schwell vu Gott, dem Allmächtigen, méi no ze kommen an de Fridden an d'Wuelergi vun all eenzel Member vun der Mënschheet, sief hien héich oder niddreg, ze sécheren; an dat beschte Mëttel, dëst duebelt Zil ze erreechen, sinn déi exzellente Dugenden, déi d'Mënschheet krut.”

375 Buchvirstellung: Gléck, Deel 2/2

Intro, ...

375st Emissioun, 10ten a 11ten August 2007. *“Ganz sécher sichen d'Massen no Gléck a seene sech duerno, awer wéi e Schleier trennt si hir Onwëssenheet dovun.*

Soulaang et dem Mënsch gutt geet, wäert e vläicht Gott vergiessen, mee wann awer Kummer kënnt an hie Suergen iwwerwältegen, wäert hie sech un de Papp erënneren, deem am Himmel ass an et fäerdegbréngt, hien aus senger Erniddregung ze befreien.

Materielle Fortschrëtt séchert ierdescht Gléck. Geeschtege Fortschrëtt séchert d'Gléck vun der Séil an d'éiwegt Liewen.

A Wierklechkeet gëtt et keen ierdescht Gléck. Et ass nëmme en Trugbild, blousse Schäin... Wat ass ierdescht Gléck ? E liicht Noloosse vu Kummer an Nout. Mee d'Vollek gesäit doranner Freed, Spaass a Segen. Ierdesch Segnungen ...maachen den Hunger, den Duuscht an d'Middegkeet nëmme méi kleng ... Si erhiewe weder nach de Geescht, nach erfreet si d'Séil. Neen, si befriddegen nëmme d'Besoin vum Kierper. Dofir ass dës Aart vum Gléck net wierklech.

Ganz gläich, wéi sech déi materiell Welt och entwéckelt, d'Gléck vum Mënsch ka si net schafen. Nëmme wa sech materiell a geeschteg Kultur verbannen, fënnt d'Gléck eng sécher Grondlag. Nëmme da wäert de materielle Fortschrëtt net méi de Muechte vum Béisen déngen an d'Eenheet vun der Mënschheet zerstéieren. Well an enger materieller Kultur entwéckele sech dat Gutt an dat Béist zesummen ...

D'Gléck vun der Mënschheet ass eréischt dann ze erreechen ... wann déi materiell Zivilisatioun mat der göttlecher Kultur vereenegt gëtt. ... Déi materiell Zivilisatioun ass wéi d'Glas ronderëm d'Luucht, d'göttlech Kultur ass d'Luucht selwer. D'Glas ouni Liicht ass donkel. D'materiell Zivilisatioun ass wéi de Kierper. Sief en och nach esou anmutig, elegant a schéin, sou ass en awer nach dout. D'göttlech Kultur ass wéi de Geescht, de Kierper kritt säi Liewen duerch de Geescht, soss ass en e Lächnam. Sou ass et kloer, dass d'Mënschewelt den Odem vum Hellege Geescht brauch. Ouni de Geescht ass d'Mënschewelt ouni Liewen ; ouni dëst Liicht bleift d'Mënschewelt an déifster Däischtert.”

¹ Sinn des Lebens, Glück, Edition Carmel, Buchumschlag, Bahá'í Verlag, 2004

376 Buchvirstellung: Déi Verbuerge Wierder, Deel 1/2

60 Joer Bahá'í zu Lëtzebuerg. Léif Radio ARA Nolauschterer. Wëllkomm bei eiser 376ter Emissioun hei um Radio ARA. Haut eng nei Buchvirstellung, *d'Verbuerge Wierder*, fir d'éischt iwwersat, zënter kuerzem op Lëtzebuergesch, an et wäert och gläich publizéiert ginn.

Déi Verbuerge Wierder, e Meeschterwierk vu mystescher Poesie, gouf 1858 am Irak geschriwwen. Laanscht den Uwänner vum Floss Tigris, déif a Meditatioun, huet Bahá'u'lláh, Begrënner vum Bahá'í Glawen, iwwer déi éiweg Bezéiung tëschent Gott an dem Mënsch nogeduecht, iwwer de Sënn vum Liewen an all d'Hënnernesser déi virum Mënsch leien, op sengem Wee zur geeschteger Perfektioun. Aus sou enger déiwer Kontemplatioun koom d'Inspiratioun fir eng erstaunlech Kollektioun vu kuerzen, vu meditative Versen. An deene puer Zeile fënnt een eng Distillatioun vun deene geeschtege Wourechtchen, déi d'zentral Kraaft hannert all de reliésen Traditiounen vun der Vergaangenheet duerstellen.

Bahá'u'lláh schreift: „*Dëst ass dat wat aus dem Räich vun der Herrlechkeet erofkoom, ausgeschwat duerch d'Zong vun der Muecht an der Stärkt, a wat de fréiere Propheten offenbaart gouf. Dorausser hu Mir déi déif Essenz geholl an an d'Kleed vun der Kierzt gekleet, als en Zeeche vun der Gnod fir déi Gerecht, dass si dem Härgott senger Allianz trei bleiwen, duerch hiert Liewe Säi Vertrauen erfëllen, an am Räich vum Geescht den Eedelstee vun der gëttlecher Dugend kréien.*

Dat hei ass Mäin éischte Rot: Dass du e rengt, guttmiddegt a stralend Häerz hues, sou dass du onvergänglech Souveränitéit kriss, onzerstéierbar an éiweg.

Wat Ech vun allem am léifsten hunn ass d'Gerechtkeet; dréi hir net de Réck wann s du Mech wëlls a vernoléisseg se net, fir dass Ech Mech dir uvertraue kann. Mat hirer Hëllef wäerts du mat dengem eegenen Ae gesinn, an net mat deene vun aneren, a wäerts duerch deng eegen Erkenntnis wëssen an net duerch d'Wësse vun dengem Noper. Iwwerlee dir an dengem Häerz wéi s du solls sinn. A Wierklechkeet ass d'Gerechtkeet Mäi Cadeau fir dech an d'Zeeche vu Menger onendlecher Gnod. Hal dir dat virun Aen.

Et war Mäi gréisste Wonsch, fir dech ze erschafen, also hunn Ech dech erschaf. Sief du elo frou mat Mir, fir dass Ech däin Numm soe kann, an deng Séil mam Geescht vum Liewe fëlle kann.

Sief du frou mat Mir, fir dass Ech dech ka gär hunn. Wann s du Mech net gär hues, ka Meng Léift dech nimools erreechen. Sief dir deem bewusst, O Dénger.

Meng Léift ass Meng Festung; deen, deen erakënnt ass sécher a gebuerge, an deen, dee sech dovun ewechdréit, wäert sech sécherlech veriren an zu Gronn goen.

Du bass Meng Festung, géi eran, fir dass du a Sécherheet do liewe kanns. Meng Léift ass an dir, sief dir deem bewusst, fir dass du Mech no bei dir fënns.“

Souwäit d'Rubrik vun der lëtzebuenger Bahá'í. Um Mikro de Jean-Marie Nau.

377 Buchvirstellung: Déi Verbuerge Wierder, Deel 2/2

Sechzeg Joer Bahá'í zu Lëtzebuerg. D'Rubrik vun der Bahá'í Emissioun. Wëllkomm léif Radio ARA Nolauschterer. Haut e weideren Deel aus dem Buch: *Verbuerge Wierder*, e Meeschterwierk vu mystescher Poesie, dat 1858 am Irak geschriwwen gouf. De Begrënner vum Bahá'í Glawen, huet iwwer déi éiweg Bezéiung tëschent Gott an dem Mënsch nogeduecht, iwwer de Sënn vum Liewen an all d'Hënnernesser déi virum Mënsch leien, op sengem Wee zur geeschteger Perfektioun. An esou enger déiwer Kontemplatioun eraus, koom d'Inspiratioun fir eng erstaunlech Kollektioun vu kuerzen, vu meditative Versen. An deene puer Zeile fënnt een eng Distillatioun vun deene geeschtege Wourechtchen, déi d'zentral Kraaft hannert all de reliésen Traditiounen vun der Vergaangenheet duerstellen.

„*Du bass Meng Luucht, a Mäi Liicht ass an dir. Huel dir dorausser däi Liicht a sich keen anere wéi Mech. Well Ech hunn dech räich erschaf an iwwert dech hunn Ech Meng Gonscht generéis verbreet.*

Mat den Hänn vun der Muecht hunn Ech dech erschaf a mat de Fangere vun der Kraaft hunn Ech dech geformt; an an dech hunn Ech d'Wiese vu mengem Liicht gehuecht. Sief domat zefridden a sich soss näischt, well Mäi Wierk ass perfekt a Mäi Gebot ass verbindlech. Sief dir deem gewëss an zweiwel net.

Dréi däi Gesiicht zu Mir an entso allem ausser Mir, well Meng Souveränitéit ass bestänneg a Meng Herrschaft vergeet net. Géifs du en anere wéi Mech sichen, wär deng Méi ëmsoss, souguer wann s du de Weltall éiweg duerchsiche géifs.

Sief zefridde mat Mir a sich keen anere fir dir ze hëllef, well keen ausser Mir kann dir jee duergoen.

Verlaang net vu Mir, wat Mir net fir dech wënschen, sief zefridde mat deem, wat Mir fir dech bestëmmt hunn, well et ass dat, wat dir Notze bréngt, wann s du dech domat zefridde gëss.

Un de Bam vun der stralender Herrlechkeet hunn Ech fir dech déi beschte Friichte gehaangen. Firwat dréis du dech dovun ewech, fir dech mat deem zefridden ze ginn, wat manner gutt ass? Komm zrëck bei dat, wat besser fir dech ass am himmleche Räich.

Eedel hunn Ech dech erschaf, du awer hues dech selwer erniddregt. Erhief dech also zu deem, woufir s du erschafe goufs.

Sëtz dech net iwwert deng Grenzen ewech a begier net, wat net fir dech ass. Knéi dech virum Gesiicht vun dengem Härgott, dem Här vu Stäerkt a Muecht.

Bretz dech net virum Aarmen, well Ech féieren hien op sengem Wee a gesinn dech an dengem Gejéimers a weisen dech zrëck fir all Zäit.

Wéi konnts du deng eege Feeler vergiessen an dech mat de Feeler vun anere beschäftegen? Wien dat mécht gëtt vu Mir verworf.“

A sou wäit d'Rubrik vun de lëtzebuerger Bahá'í. Iech alleguerten e schéine Weekend, äre Jean-Marie.



Literaturlëscht um Internet

<http://www.bahai.org/>

<http://www.bahai-education.org/ocean>

<http://library.bahai.org>

<http://reference.bahai.org/en>

<http://www.bahai.fr>

Index

—A—

A.G.I.R., 178

Abdu'l-Bahá

Zukunft, 154

Abdu'l-Baha, 158

—'—

'Abdu'l-Bahá

Buch, Usproochen zu Paräis, 119

Geschicht, 131

Mënsch, 166

—Ä—

Äerd, 84

—A—

AGIR, 199

ASBL Moments de Sérénité, 234

—B—

Bahá'í

Aarbecht vun, 113

Summerschoul, 117

Bahá'í sinn, 93

Bahá'u'lláh

Déi Verbuerge Wierder, 133

komesch Saachen, 147

Bahiyih Khanum, 200

Bescheidenheet, 90

—C—

Camus, Albert

Gléck, 181

—D—

Dalaï Lama

Erausfuerderunge vun eiser Zäit, 166

Djalili, Omid

Humorist an Acteur, 165

Dram, 120

Bahá'u'lláh, 39

Dugal, Bani, 143

—E—

Éier, 84

Erzéier, 89

—F—

Faaschten, 184

Faaschtenzäit, 106

Fra

Roll, 142

Fräiheet, 145

Freed, 111, 118, 155

Frëndschaft, 114

FUNDAEC, Kolumbien, 12

—G—

Gandhi

Gléck, 182

Gebiet

Kand zu sengen Elteren, 172

Gerechtegkeet, 152

Geschicht, 38, 109

Ae vun der Séil, 183

An d'Waasser kucken, 259

Erschafung vun der Welt, 161

Gittar, 164

Léift, Räichtum an Erfolleg, 109

op d'Feeler vun Anere kucken, 234

Saachen, déi Gott iech net freet, 167

vum Raol Follerau, 217

Wäert vu Geschichten, 202

Wäert vum Schwätzen, 231

Wat ass d'Liewen?, 184

Wonschbuttek, 156

Zaubermoschterkär, 172

Zen-Traditioun, 202

Gesetz, 84

Gléck, 181, 265

Gott, 88

—H—

Hayek, Max, 155

Hoffsümmer, Willi

Wéi Kricher entstinn, 231

Humor, 111

—J—

Jung, Carl

Gléck, 182

—K—

Kaszuk, Cyrille, Dr., 10

King, Martin Luther, 182

Krucoff, Mitchel

Häerzspezialist, 222

—L—

Liewen

Zil, 184

—M—

Meditatioun, 83, 162, 204

Mënsch, 83

Momen, Wendi Dr.

Terrorismus, 242

—N—

Nanzeg, 106

Natur, 88

—O—

Oetinger, Friedrich, 155

—P—

P.M. Zeitung

Gebiet, 222

Paradis, 141

Péng, 118

Peseschkian, 9

Peseschkian, Nosrat, 158

Pestalozzi, 10

- 269 -

Pilgerrees, 192

Price, Rachel, 220

—R—

Räichtum, 84

Rouhani, Said, 133

—S—

Saint-Exupery, Antoine de, 155

Samandari-Avanzo, Caroline, 174

Schmäerz, 118

Schweitzer, Albert, 181

Sears, William, 154

Senge, Peter

Léieren heescht, 231

Shaw, George Bernard, 158

Sproch

aus Persien, 202

Suergen, 118

Sulzer, Jeanne, 174

—T—

Times of India, 187

Titanic, 178

Twain, Mark, 260

—V—

Verantwortung, 83

Volleksvertrieder vu Brasilien, 146

—W—

Wäisheet, 106, 160

arabesch, 106

orientalesch, 9

Schicksal, 183

Ward, Keith, 145

Welten, 120

Witz, 112

—Z—

Zitat

aus de jiddesche Schrëften, 259

Literaturlösch

- 'ABDU'L-BAHÁ: 'Abdu'l-Bahá à Londres, Maison d'éditions bahá'ies, rue du Trône 205, 1050 Bruxelles, Belgique, 1998, ISBN 2-87203-040-9, tiré de 'Abdu'l-Bahá in London", Bahá'í Publishing Trust, London.
- 'ABDU'L-BAHÁ: Ansprachen in Paris, Paris Talks
- 'ABDU'L-BAHÁ: Beantwortete Fragen
- 'ABDU'L-BAHÁ: Briefe und Botschaften
- 'ABDU'L-BAHÁ: Compilation of Compilations, Volume 1+2
- 'ABDU'L-BAHÁ: Foundations of World Unity
- 'ABDU'L-BAHÁ: Das Geheimnis göttlicher Kultur
- 'ABDU'L-BAHÁ: Les leçons de Saint Jean d'Acre
- 'ABDU'L-BAHÁ: Über die Macht des Gebets, Meditationen für Jugendliche.
- 'ABDU'L-BAHÁ: Verse Gottes, Bahá'í Verlag
- 'ABDU'L-BAHÁ: Divine Philosophy
- 'ABDU'L-BAHÁ: The Promulgation of Universal Peace
- 'ABDU'L-BAHÁ: Tablets of 'Abdu'l-Bahá
- BAHAI INTERNATIONAL COMMUNITY: ein Statement der BIC, Wer schreibt die Zukunft? Nachdenken über das 20. Jahrhundert, 1999
- BAHAI INTERNATIONAL COMMUNITY: One common faith, 2005
- BAHAI INTERNATIONAL COMMUNITY: Sustainable development
- BAHÁ'U'LLÁH: Ährenlese, Gleanings
- BAHÁ'U'LLÁH: Déi Verbuerge Wierder, The Hidden Words, Les Paroles Cachées, Die Verborgenen Worte, Lëtzebuerg, 2008
- BAHA'U'LLAH: Epistle to the Son of the Wolf
- BAHA'U'LLAH: Kitab-I-Aqdas
- BAHA'U'LLAH: L'art divin de vivre, Edition: Maison d'éditions bahá'ies, 3ème édition 1984.
- BAHA'U'LLAH: The Proclamation of Baha'u'llah, Bahá'í World Centre, 1967.
- BATTEGAY, Raymond + PESECHKIAN, Nossrat: Die Treppe zum Glück: 50 Antworten auf die großen Fragen des Lebens, Fischer Verlag, 2006
- DANESH, H.B.: The Psychology of Spirituality, Nine Pines Publishing.
- DEVELOPING DISTINCTIVE BAHAI COMMUNITIES: NSA USA.
- DUSTDAR, Farah: Frauenpolitik, Bahá'í Verlag 2002.
- DUSTDAR, Farah: Abschied von der Macht, Demokratie und Verantwortung, Fischer Verlag, 1996.
- EFFENDI, Shoghi: Gott geht vorüber, Bahá'í Verlag.
- EFFENDI, Shoghi: The Advent of Divine Justice, Wilmette, Bahá'í Publishing Trust, 1990
- EFFENDI, Shoghi: Lights of Guidance.
- EFFENDI, Shoghi: The World Order of Bahá'u'lláh, Selected Letters by Shoghi Effendi, Bahá'í Publishing Trust, Wilmette, Illinois 60091, 1974 by the National Spiritual Assembly of the Bahá'is of the United States.
- ESSLEMENT, J.E.: Bahá'u'lláh und das Neue Zeitalter, Titel des englischen Originals: Bahá'u'lláh and the New Era, by Dr. John Ebenezer Esslemont, London 1923. Third Revised Edition, Wilmette Ill. (U.S.A.) 1970, Deutsch nach der dritten revidierten englischen Ausgabe von 1970 überarbeitete 8.Auflage 1986, Bahá'í-Verlag
- GEBETE: Lob und Dank, Bahá'í Verlag, 1984.
- GOUVION, Colette: Les Jardiniers de Dieu, Berg International, 1989
- HATCHER, W. MARTIN, JD: The Bahá'í Faith, The Emerging Global Religion, Bahá'í Publishing
- KAVELIN POPOV, Linda: The Family Virtues Guide, Plume Verlag, ISBN 0452278104
- KHAN, Janet: Prophet's Daughter, a story of an exceptional woman
- KHAN, Peter : The Advancement of Women, a Bahá'í Perspective
- MAISON UNIVERSELLE DE JUSTICE : La promesse de la paix mondiale, 1986
- PERLEN MEINER GEHEIMNISSE: Texte aus den Bahá'í Schriften, Horizonte Verlag

- PESESCHKIAN, Nosrat: Der Kaufmann und der Papagei. Orientalische Geschichten als Medien in der Psychotherapie, Fischer Verlag, 1979
- PESESCHKIAN, Nosrat: Es ist leicht, das Leben schwer zu nehmen. Aber schwer, es leicht zu nehmen./Klug ist jeder. Der eine vorher, der andere nachher: Geschichten und Lebensweisheiten, Herder Verlag, 2008
- PESESCHKIAN, Nosrat: Das Leben ist ein Paradies, zu dem wir den Schlüssel finden können, Herder Spektrum, 2004
- PESESCHKIAN, Nosrat: 33 und eine Form der Partnerschaft, Geist und Psyche, Fischer, 2002
- P.M. MAGAZIN: Esoterik, Gebete, Februar 2006, SK Verlag
- POOSTCHI, Kambiz: Goldene Äpfel, Spiegelbilder des Lebens, Horizonte Verlag 2002
- RABBANI, Ruhyyih : La Perle Inestimable, la vie et l'oeuvre de Shoghi Effendi, Maison d'éditions bahá'ies, Bruxelles, 1976
- RUHI FOUNDATION KOLUMBIEN: Ruhi Institut, Buch 5, Lehren in Kinderklassen, 2005
- RUHI FOUNDATION KOLUMBIEN: Ruhi Institut, Buch 6, L'acte d'enseigner
- SCHAEFER, Udo : Die mystische Einheit der Religionen, Zum interreligiösen Dialog über ein Weltethos, Bahá'í Verlag, 1997.
- SEARS, William : God loves laughter.
- THE INTERNATIONAL TEACHING CENTRE : Gebrauch der Künste, 2001
- TOWFIGH, Stephan Anis + ENAYATI, Wafa: Die Bahá'í Religion, Ein Überblick, Olzog Verlag, 2005
- UNIVERSAALT HAUS VUN DER GERECHTEGKEET: D'Versprieche vum Weltfridden, eng Deklaratioun un d'Völker vun der Welt, Luxembourg, Horizonte Verlag, 1990.
- UNIVERSALES HAUS DER GERECHTIGKEIT: Ridvan Botschaften 1988-2003
- UNIVERSALES HAUS DER GERECHTIGKEIT: Briefe des UHG, Ausgewählte Botschaften 1963-1996
- UNIVERSALES HAUS DER GERECHTIGKEIT: 1999, Dezember 28, Neue Gesetze.
- SCHAEFER, Udo: Die mystische Einheit der Religionen
- WARD, Keith: The case for religion. Oneworldpublications
- Verse Gottes, Bahá'í Verlag
- ZEIT FÜR GEIST: Zeitschrift Nr.1 März 2006, Luxemburg.
- ZEIT FÜR GEIST: Zeitschrift Nr. 2006, Freundschaft, Luxemburg.
- SCHNABEL, Ulrich: Hirnforschung : Warum Menschen Glauben? Die Zeit 11.05.2005 Nr.20
- SINN DES LEBENS: Glück, Edition Carmel, Bahá'í Verlag, 2004

Referenzen

1 Ruhi 6, section 7, Bahá'u'lláh, Gleanings, CXX

2 "The most vital duty, in this day," He, moreover, has written, "is to purify your characters, to correct your manners, and improve your conduct. The beloved of the Merciful must show forth such character and conduct among His creatures, that the fragrance of their holiness may be shed upon the whole world, and may quicken the dead, inasmuch as the purpose of the Manifestation of God and the dawning of the limitless lights of the Invisible is to educate the souls of men, and refine the character of every living man...."

"Truthfulness," He asserts, "is the foundation of all human virtues. Without truthfulness progress and success, in all the worlds of God, are impossible for any soul. When this holy attribute is established in man, all the divine qualities will also be acquired." *Shoghi Effendi, The Advent of Divine Justice, p.26.*

In the words of our beloved Guardian, "One thing and only one thing will unfailingly and alone secure the undoubted triumph of this sacred Cause, namely the extent to which our own inner life and private character mirror forth in their manifold aspects the splendour of those eternal principles proclaimed by Bahá'u'lláh". *The Universal House of Justice, Ridvan 1964.*

3 Die Welt ist aus dem Gleichgewicht geraten durch die Schwingkraft dieser größten, dieser neuen Weltordnung. Das geregelte Leben der Menschheit ist aufgewühlt durch das Wirken dieses einzigartigen, dieses wundersamen Systems, desgleichen kein sterbliches Auge je gesehen hat. *Aehrenlese, No 70.* Immerse yourselves in the ocean of My words, that ye may unravel its secrets, and discover all the pearls of wisdom that lie hid in its depths. *Bahá'u'lláh, Gleanings from the Writings of Bahá'u'lláh, p.136.*

4 One hundred years ago, Bahá'u'lláh, Founder of the Bahá'í Faith, proclaimed in clear and unmistakable language, to the kings and rulers of the world, to its religious leaders, and to mankind in general that the long-promised age of world peace and brotherhood had at last dawned and that He Himself was the Bearer of the new message and power from God which would transform the prevailing system of antagonism and enmity between men and create the spirit and form of the destined world order. Bahá'u'lláh, Proclamation of Bahá'u'lláh

5 In Seinem Brief an die Königin Viktoria von England vergleicht Bahá'u'lláh die Welt mit einem kranken Menschen, dessen Krankheit dadurch verschlimmert wurde, daß er in die Hände ungeschickter Ärzte fiel, und kündigt an, wie das Heilmittel wirksam werde: »Was der Herr als höchstes Mittel und mächtigstes Werkzeug für die Heilung der ganzen Welt bestimmt hat, ist die Vereinigung aller ihrer Völker in einer allumfassenden Sache, einem gemeinsamen Glauben. Das kann nicht anders erreicht werden, als durch die Kraft eines erfahrenen, allgewaltigen und erleuchteten Arztes. Wahrlich, das ist die Wahrheit und alles andere nichts als Irrtum.«

6 Königin Maria von Rumänien, Enkelin der Queen Victoria und des Zaren Alexander II., an die Bahá'u'lláh Sendschreiben gerichtet hatte, nahm 1926 den Bahá'í-Glauben an und bekannte sich öffentlich zu ihm. *WOB, p 287.*

7 »Er ist wie eine weite Umarmung«, so das Zeugnis einer Königin' für den Anspruch und die Stellung dieses Glaubens, »eine Umarmung, die alle jene zusammenführt, welche lange nach Worten der Hoffnung gesucht haben. Er anerkennt alle großen Propheten, die ihm vorangegangen sind, reißt keine anderen Glaubensbekenntnisse nieder und läßt alle Türen offen.« »Die Bahá'í-Lehre«, schreibt sie weiter, »bringt der Seele Frieden und dem Herzen Hoffnung. Wer nach Gewißheit sucht, dem sind die Worte des Vaters wie ein Springquell in der Wüste nach langer Wanderschaft.« »Ihre Schriften«, bezeugt sie in einer anderen Erklärung mit Bezug auf Bahá'u'lláh und 'Abdu'l-Bahá, »sind ein großer Ruf zum Frieden, der über alle Grenzpfähle hinausreicht und alle Meinungsverschiedenheiten wegen Riten und Dogmen übersteigt ... Es ist eine wundersame Botschaft, die Bahá'u'lláh und Sein Sohn 'Abdu'l-Bahá uns gegeben haben. Beide haben diese Botschaft nicht aggressiv aufgemacht, weil sie wußten, daß der Keim ewiger Wahrheit, der in ihrem Innersten liegt, Wurzel schlagen und sich ausdehnen muß.« »Wenn je der Name Bahá'u'lláhs oder 'Abdu'l-Bahás«, so ihre abschließende Mahnung, »Ihnen zur Kenntnis kommt, legen Sie ihre Schriften nicht beiseite! Durchforschen Sie ihre Bücher, lassen Sie ihre herrlichen, friedebringenden, liebeschaffenden Worte und Lehren in Ihr Herz dringen, wie sie in das meinige gedrungen sind.«

¹ Königin Maria von Rumänien, Enkelin der Queen Victoria und des Zaren Alexander II., an die Bahá'u'lláh Sendschreiben gerichtet hatte, nahm 1926 den Bahá'í-Glauben an und bekannte sich öffentlich zu ihm. *WOB p. 287.*

8 The proclamation of the Faith throughout the world attained an entirely new stage. The campaign of proclamation launched in 1967 through the inspiration of the centennial anniversary of Bahá'u'lláh's Proclamation to the kings and rulers of mankind, and which gathered added momentum in 1979 with the surge of the persecution of the Iranian Bahá'í community, now covered a greatly expanded range with the distribution of "The Promise of World Peace". Kings, queens, presidents, prime ministers, legislators, jurists, academics, diverse institutions and organizations became aware of Bahá'u'lláh's Message. *The Universal House of Justice, Ridvan 1992.*

9 *S.41 D'Verspreche vum Weltfrieden.* Abdu'l-Bahá verweist jedoch darauf, daß Frieden als isoliertes Ziel nicht zu realisieren ist; Frieden - wirklicher, dauernder Frieden - ist nur in einem geistig inspirierten und gehaltenen Gesamtkonzept zu haben. Quelle und Impulsgeber eines solchen Konzepts ist Ihm die Offenbarung Bahá'u'lláhs als umfassende religiöse Neuorientierung einer Zeit des Umbruchs in allen Aspekten menschlichen Lebens. Folgerichtig ist in diesem Brief das Motiv des Friedens aufs engste verwoben mit den Prinzipien einer Religion, welche nicht nur die individuelle Tugend der Nächstenliebe wieder belebt, sondern auch neue gesellschaftliche Maßstäbe setzt: die "Einheit der Menschheit" und die Verwirklichung der weltumfassenden Harmonie des "Größten Friedens" in einer der Gerechtigkeit verpflichteten globalen Ordnung. *'Abdu'l-Bahá, Der Weltfriedensvertrag*

10 Im Bayán schrieb der Báb vor, der Verstorbene solle in einem Sarg aus Kristall oder poliertem Stein begraben werden. Wie Shoghi Effendi in einem in seinem Auftrag geschriebenen Brief erläutert, bedeutet diese Bestimmung Ehrfurcht vor dem Menschenleib, der "vormals durch die unsterbliche Menschenseele geadelt" war. Kurz gefaßt, verbietet das Bahá'í-Bestattungsrecht, daß der Leichnam weiter als eine Stunde Wegs vom Ort des Todes verbracht wird. Der Leichnam ist in Tücher aus Seide oder Baumwolle zu hüllen; an den Finger soll ihm ein Ring gesteckt werden mit der Inschrift: "Von Gott kam ich und zu Ihm kehre ich zurück, losgelöst von allem außer Ihm, und halte mich fest an Seinem Namen, der Barmherzige, der Mitleidvolle." Der Sarg soll aus Kristall, Stein oder hartem Edelfholz sein. Ein besonderes Totengebet ist vorgeschrieben, das vor dem Begräbnis zu sprechen ist. Wie von Abdu'l-Bahá und dem Hüter bestätigt, schließt dieses Gesetz die Feuerbestattung aus. Das formelle Totengebet und der Ring betrifft alle, die das Reifealter (d.h. 15 Jahre) erreicht haben. *Fragen und Antworten 70.* Les funérailles baha'ies sont sobres. Elles donnent lieu à la seule prière collective recommandée par Bahá'u'lláh. Le corps, lavé avec dévotion par respect pour l'esprit qui y apparut, sera couché dans un linceul puis dans un cercueil avant d'être enterré en un lieu qui ne doit pas être distant de plus d'une heure du lieu du décès. Le cimetière baha'í devrait être un lieu agréable de méditation, planté d'arbres et orné de bassins. *ouvrage, foi-qq-mots.*

Zum Material für die Särge ist zu sagen, daß es nach dem Geist des Gesetzes möglichst dauerhaft sein sollte. Das Universale Haus der Gerechtigkeit erläutert, daß es über die im Aqdas aufgeführten Materialien hinaus keinen Einwand gibt gegen das härteste verfügbare Holz oder gegen Beton. Derzeit können die Gläubigen in dieser Frage nach eigenem Gutdünken verfahren. *Bahá'u'lláh, Kitab-i-Aqdas.*

11 Le 23 septembre 1918, après 24 heures de combat, Haïfa est occupée par la cavalerie anglaise et hindoue. La Palestine va passer sous contrôle britannique. Les officiers de sa gracieuse Majesté se pressent chez Abdu'l-Bahá; en 1920, il sera promu chevalier de l'empire britannique pour les services rendus à la cause de la réconciliation et de la prospérité des peuples. Ses dernières années sont paisibles. Il prie, écrit, correspond de nouveau avec le monde entier, s'accorde quelques promenades à cheval, la distraction favorite de son adolescence, ou à pied. Sa maison ne désemplit pas de visiteurs de toutes les couleurs de peau, que visiblement sa conversation charme par la profondeur de ses vues, mais aussi sa courtoisie, et même son humour. Il sait faire rire avec des anecdotes amusantes et pleines d'esprit. "Ma maison est un foyer de rires et de bonheur", dit-il. *Les Jardiniers de Dieu.*

12 65.- Lors d'une autre occasion, la Beauté bénie fit à nouveau référence au séjour à Bagdad. Concernant l'injustice et la tyrannie exercées par le Shaykh 'Abdu'l-Husayn-i-Tihirani, Bahá'u'lláh déclara : "Bien plus, le Shaykh, avec l'appui de Násiri'd-Din Sháh et du sultan 'Abdu'l-Aziz, essaya d'éteindre la lumière de la Cause, mais il fut impuissant à le réaliser. La Cause de Dieu s'est répandue elle-même à l'Est et à l'Ouest de la terre. Bientôt vous serez témoins de l'enroulement du vieil ordre de choses, et vous verrez toutes les nations réunies sous le tabernacle de la Cause de Dieu." Puis il nous parla de la visite d'un chef religieux qui était grand, fort, portait un turban imposant et avait une barbe anormalement longue. "Après Nous avoir salué" nous dit Bahá'u'lláh, "il s'assit et commença à lire à haute voix des écrits abstrus en langue arabe." Ne voulez-vous pas vous présenter vous-même, que Nous puissions vous connaître ?" ai-Je suggéré." Le visiteur répliqua : "Je suis Khátamu'l-Mujtahidin (le dernier des ecclésiastiques)" donnant ainsi son titre et non pas son nom.

"Inshá'alláh (Dieu le veuille !)" Nous avons répété plusieurs fois : "Inshá'alláh, Inshá'alláh !" La Beauté bénie était extrêmement heureux ce jour-là et toujours souriant. *'Aqá Mirzá 'Aqá Afán Histoires de Bahá'u'lláh extraites d'une compilation de 'Alí-Akbar Furútan.*

13 Au cours de ces audiences, j'eus de plus en plus conscience de ses grandes qualités, sa noblesse, sa dignité, sa chaleur et son enthousiasme, son pouvoir de passer très vite d'un humour pétillant à l'outrage profond, mais toujours et toujours mettant la foi baha'ie avant toute chose... *La Perle inestimable.*

14 Humour, happiness, joy are characteristics of a true Bahá'í life. Frivolity palls and eventually leads to boredom and emptiness, but true happiness and joy and humour that are parts of a balanced life that includes serious thought, compassion and humble servitude to God, are characteristics that enrich life and add to its radiance. *Compilations, The Compilation of Compilations vol. I, p. 54.*

15 One is reminded of 'Abdu'l-Bahá's caution that we should not let a pastime become a waste of time. *The Compilation of Compilations vol. I, p. 54.*

16 Das Bahá'i-Gebet ist jedoch nicht beschränkt auf den Gebrauch vorgeschriebener Formen, wie wichtig diese auch sein mögen. Bahá'u'lláh lehrt, daß des Menschen ganzes Leben ein Gebet sein sollte, daß die im rechten Geist verrichtete Arbeit Gottesdienst ist, daß jeder Gedanke, jedes Wort und jede Tat, die dem Ruhme Gottes und dem Wohl unserer Mitmenschen dienen, im wahrsten Sinn des Wortes Gebet sind. *Sekundär Literatur, Baha'u'llah und das Neue Zeitalter.*

17 Laßt eure Taten laut in die Welt hinausrufen, daß ihr wirkliche Bahá'í seid, denn es sind 'die Taten', die zur Welt sprechen und die Ursache des Fortschritts für die Menschheit sind. *'Abdu'l-Bahá, Ansprachen in Paris.*

18 26.6 Wenn wir wirkliche Bahá'í sind, bedarf es keines Redens. Unsere Taten werden die Welt weiterbringen, Zivilisation verbreiten, der Wissenschaft zum Fortschritt helfen und Künste sich entwickeln lassen. Ohne Taten läßt sich in der Welt des Stoffes nichts vollbringen, noch können Worte, die nicht durch Taten unterstützt sind, Menschen im Reich des Geistes fördern. Nicht durch bloßen Lippendienst sind die Erwählten Gottes zur Heiligkeit gekommen, sondern durch ein geduldiges Leben des tätigen Dienstes haben sie Licht in die Welt getragen. *'Abdu'l-Bahá, Ansprachen in Paris.*

19 26.7 Streben darum, daß eure Taten tagtäglich wundervolle Gebete seien. Wendet euch zu Gott und versucht immer, zu tun, was recht und edel ist. Unterstützt die Armen, richtet die Gefallenen auf, gebt den Bekümmerten Trost, bringt Heilung für die Kranken, stärkt die, die in Ängsten sind, befreit die Unterdrückten, macht den Hoffnungslosen Hoffnung und beschützt die Verlassenen!

26.8 Das ist die Arbeit eines wahren Bahá'í, und das ist es, was man von ihm erwartet. sind wir bestrebt, all dies zu tun, dann sind wir wirkliche Bahá'í, doch wenn wir es unterlassen, sind wir keine Kinder des Lichtes, und wir haben kein Recht auf diesen Namen. *'Abdu'l-Bahá, Ansprachen in Paris.*

20 La Religion est une lumière évidente et une forteresse pour la protection et la tranquillité des peuples du monde, car la crainte de Dieu commande aux hommes de faire ce qui est juste et leur défend ce qui est mal. Si la lampe de la Religion reste cachée, c'est l'anarchie et l'agitation qui prévaudront, et l'astre de Justice et d'Equité, Soleil de Paix et de Tranquillité, cessera de briller. Tout homme éclairé rendra témoignage de ceci. *Baha'u'llah, L'Art divin de vivre.*

21 If ye be aware of a certain truth, if ye possess a jewel, of which others are deprived, share it with them in a language of utmost kindness and goodwill. *Baha'u'llah, Epistle to the Son of the Wolf, p. 15.*

22 Do not be content with showing friendship in words alone, let your heart burn with loving kindness for all who may cross your path. *Abdu'l-Baha, Paris Talks, p. 15.*

23 When you meet a Persian or any other stranger, speak to him as to a friend; if he seems to be lonely try to help him, give him of your willing service; if he be sad console him, if poor succour him, if oppressed rescue him, if in misery comfort him. In so doing you will manifest that not in words only, but in deed and in truth, you think of all men as your brothers. *Abdu'l-Baha, Paris Talks, p. 16.*

24 The wrong in the world continues to exist just because people talk only of their ideals, and do not strive to put them into practice. If actions took the place of words, the world's misery would very soon be changed into comfort. *Abdu'l-Baha, Paris Talks, p. 16.*

25 Do not think the peace of the world an ideal impossible to attain! Nothing is impossible to the Divine Benevolence of God. If you desire with all your heart, friendship with every race on earth, your thought, spiritual and 30 positive, will spread; it will become the desire of others, growing stronger and stronger, until it reaches the minds of all men. *Abdu'l-Baha, Paris Talks, p. 29.*

26 There is brotherhood intended in humanity because all are waves of one sea, leaves and fruit of one tree. This is physical fellowship which ensures material happiness in the human world. The stronger it becomes, the more will mankind advance and the circle of materiality be enlarged. *Abdu'l-Baha, The Promulgation of Universal Peace, p. 129.*

27 The real brotherhood is spiritual, for physical brotherhood is subject to separation. The wars of the outer world of existence separate humankind, but in the eternal world of spiritual brotherhood separation is unknown. Material or physical association is based upon earthly interests, but divine fellowship owes its existence to the breaths of the Holy Spirit. Spiritual brotherhood may 130 be likened to the light, while the souls of humankind are as lanterns. (*Abdu'l-Baha, The Promulgation of Universal Peace, p. 129*)

28 You must love your friend better than yourself; yes, be willing to sacrifice yourself. (*Abdu'l-Baha, The Promulgation of Universal Peace, p. 218*)

29 man should be willing to accept hardships for himself in order that others may enjoy wealth; he should enjoy trouble for himself that others may enjoy happiness and well-being. *Abdu'l-Baha, Foundations of World Unity, p. 42.*

30 Beware lest ye offend the feelings of anyone, or sadden the heart of any person, or move the tongue in reproach of and finding fault with anybody, whether he is friend or stranger, believer or enemy. *Abdu'l-Baha, Tablets of Abdu'l-Baha v1, p. 44.*

31 " Il arrivera que, lorsque les femmes participeront pleinement et de manière égale aux affaires du monde, pénétreront avec assurance et compétence dans la grande arène des lois et de la politique, la guerre cessera..." *Promulgation of Universal Peace, p.145. famille, cp_vie_familiale.*

32 Se lever pour servir, Ruhi 2, p.74, section 8.

33 The betterment of the world," is 25 yet another statement, "can be accomplished through pure and goodly deeds, through commendable and seemly conduct." *Shoghi Effendi, The Advent of Divine Justice, p. 24.*

34 Se lever pour servir, Institut Ruhi 2, section 10, p76, Palabra Publications.

35 Ruhi 2, p. 75 Palabra Publications, Se lever pour servir.

36 Se lever pour servir, Ruhi 2, p. 79, Palabra Publications.

37 Ruhi 2, p72 se lever pour servir, Palabra Publications.

38 aus der Zäitschrëft : Zeit für Geist, 2003, Freundschaft.

39 Perlen meiner Geheimnisse, Texte aus den Bahá'í Schriften, Bahá'í-Horizonte Verlag.

40 If five people meet together to seek for truth, they must begin by cutting themselves free from all their own special conditions and renouncing all preconceived ideas. In order to find truth we must give up our prejudices, our own small trivial notions; an open receptive mind is essential. If our chalice is full of self, there is no room in it for the water of life. The fact that we imagine ourselves to be right and everybody else wrong is the greatest of all obstacles in the path towards unity, and unity is necessary if we would reach truth, for truth is one. 'Abdu'l-Bahá, *Paris Talks*, p. 136.

41 William Sears, God loves laughter.

42 Judaism, one of the oldest of the world religions, is based on a series of Messengers and Prophets Who have revealed God's will over many centuries. Jews see it as their duty to follow God's laws to the best of their understanding and in return, God promises to guard and guide them. Bahá'ís believe that this guidance has continued through the ages and that the latest of the Messengers is Bahá'u'lláh. He was born in Persia (now Iran) in 1817. Bahá'ís believe Him to have been the Promised One of all religions. The Messengers of God Bahá'u'lláh emphasised the Oneness of God, the Unknowable Lord: "Know thou of a certainty that the Unseen can in no wise incarnate His Essence and reveal it unto men. He is, and hath ever been, immensely exalted beyond all that can either be recounted or perceived. From His retreat of glory His voice is ever proclaiming: 'Verily, I am God; there is none other God besides Me, the All-Knowing, the All-Wise. I have manifested Myself unto men, and have sent down Him Who is the Day Spring of the signs of My Revelation..'"

The divine Founders of religion, such as Abraham, Moses, Jesus, Muhammad and Bahá'u'lláh, are, for each age, the Mouthpiece of God, but they are not God Himself. God, in His essence, remains indescribably far removed from His creatures. In Their Persons and through Their teachings they manifest to mankind the will of God for that particular time. The basic truths of religion do not change but may be developed further. Some social teachings may change according to the needs of the times. Moses, for example, brought Commandments for which society, in the time of Abraham, had not been ready. In this age Bahá'u'lláh has taken these teachings further, as appropriate for today.

"The All-Knowing Physician hath His finger on the pulse of mankind. He perceiveth the disease, and prescribeth, in His unerring wisdom, the remedy. Every age hath its own problem, and every soul its particular aspiration. The remedy the world needeth in its present-day afflictions can never be the same as that which a subsequent age may require."

Prophecy There are many prophecies in the Jewish Scriptures about the coming of the Promised One, the Lord of Hosts. It is clear from these Scriptures that He will come to the Holy Land from the east: "And behold, the glory of the God of Israel came from the way of the east." [Ezekiel 43:2] Bahá'u'lláh, Whose name means "Glory of God", came from Persia which is east of the Holy Land. And again: "And the glory of the Lord came into the house by way of the gate whose prospect is towards the east." [Ezekiel 43:4] The Person Who came to prepare the way for Bahá'u'lláh was called the Báb, which means the Gate. Because of His claim to be a Messenger of God, Bahá'u'lláh was sent as a prisoner and an exile through different parts of the Turkish empire and eventually to the Holy Land. As Micah prophesied: "In that day also he shall come even to thee from Assyria, and from the fortified cities, and from the fortress even to the river, and from sea to sea, and from mountain to mountain...Feed thy people... in the midst of Carmel..." [Micah 7: 10-12]

Bahá'u'lláh was banished first to Assyria (now part of Iraq), then to the city of Constantinople, then again to the fortress within the fortified city of Akka. When finally released from the fortress, he stayed on an island in the Na'mayn river. During His banishments He travelled on the Black Sea and the Mediterranean Sea, lived as a Holy Man on Mount Gar-lu and pitched His tent on Mount Carmel, the 'Mountain of God' where Elijah had dwelt in his cave. The Holy Land In 'The Tablet of Carmel', Bahá'u'lláh wrote: "Call out to Zion, O Carmel, and announce the joyful tidings: He that was hidden from mortal eyes is come!...Hasten forth and circumambulate the City of God that hath descended from heaven... Ere long will God sail His Ark upon thee..." It is on Mount Carmel that, in response to Bahá'u'lláh's own instructions, the beautiful Shrine of the Báb has been erected and surrounded by gardens. Within these peaceful gardens now stand the buildings which constitute the Bahá'í World Centre. Bahá'u'lláh Himself is buried near Akka, so, for Bahá'ís, this part of the Holy Land is the most sacred spot on earth. Bahá'í prophecy states that the twin cities of Haifa and Akka will become the future capital of a federated world. The Family The basic building-block of society is the family unit. Its healthy functioning is therefore vital: "The integrity of the family bond must be constantly considered and the rights of the individual members must not be transgressed." Respect for parents remains important: "O My people! Show honour to your parents... Beware lest ye commit that which would sadden the hearts of your fathers and mothers." To Bahá'ís, as to Jews, the stability and progress of the family depend on its unity: "If love and agreement are manifest in a single family, that family will advance, become illumined and spiritual." "Note ye how easily, where unity existeth in a given family, the affairs of that family are conducted; what progress the members of that family make, how they prosper in the world. Their concerns are in order, they enjoy comfort and tranquillity, they are secure, their position is assured, they come to be envied by all." In this age Bahá'u'lláh teaches that all mankind must become like one human family: "The diversity in the human family should be the cause of love and harmony, as it is in music where many different notes blend together in the making of a perfect chord." Justice Bahá'u'lláh makes justice the primary teaching underpinning a righteous and spiritual society: "O people of God! That which traineth the world is Justice, for it is upheld by two pillars, reward and punishment. These two pillars are the sources of life to the world."

"The purpose of justice is the appearance of unity among men." The teachings of Bahá'u'lláh are based on the principles of justice and unity and include: Removal of all prejudice Equality of women with men A spiritual attitude to economics Removal of poverty Education for all A universal peace treaty A world federation A common language for world communication In this New Age the Lord of Hosts is summoning His people to follow His guidance.

43 Orientalesch Wäisheet, Goldene Äpfel, Kambiz Poostchi, S. 179.

44 Briefe des UHG, 1999 Dez 28, Neue Gesetze.

45 Baha'u'llah, Synopsis and Codification of the Kitab-i-Aqdas, p. 27.

46 Baha'u'llah, L'Art divin de vivre.